






jiste, er e Na legate le Seil in



# CONCLVSION

ET DERNIERE PARTIE

## DASTREE


OV PAR PLVSIEVRS HISTOIRES, & sous personnes de Bergers & d'autres, sont deduits les diuers essects de l'honneste Amitié.

COMPOSEE SVR LES VRAIS Memoires de feu Mre Honoré d'Vrfé.

PAR LE SR BARO.

Seconde Edition, reueuë & corrigee.





#### A PARIS,

Chez François Pomeray, au carrefour de faincte Geneuiesue, à la Pomme d'or.

Et au Palais, en la Gallerie des Libraires.

M. DC. XXX.

AVEC PRIVILEGE DV ROY.





A

### TRES-HAVT ET PVISSANT

SEIGNEVR MESSIRE A M B R O I S E S P I N O L A, Marquis de Balbaces, Conseiller d'Estat de sa Majesté Catholique, Cheualier de ses Ordres, & son Capitaine General, &c.



ONSEIGNEVR,

Depuis cet heureux moment qui me donna l'honneur d'estre cogneu de vous, i ay si bien à iiij

estudié les merueilles de vostre vie, que si jauois resolu de ne dire que de belles choses, ie voudrois tousiours parler de vos actions : & de fait, peu s'en est fallu que ie ne me sois proposé de vous louer; mais ensin ayant consideré que pour demesler vn si glorieux suject, il faut un esprit fort comme vostre courage, & vine main qui responde à vostre reputation, jaduoue que ie me suis trouué trop foible pour l'entreprendre, & que ie n'ay pas douté, que pour descrire les qualitez d'un homme dont la memoire ne doit iamais mourir, il ne fallust une de ces

#### EPISTRE!

plumes, qui ne font pas vn ouurage, dont la duree ne se puisse mesurer à celle de l'eternité. Ainsi, MONSEI-GNEVR, cette lettre ne sera que pour vous presenter une Bergere, qui a creu ne pouuoir mieux conseruer ses Myrthes, qu'à l'ombre des Lauriers dont vous estes couvert; & certes ie remarque en ce choix ie ne sçay quoy de legitime, puis qu'il seroit comme impossible qu'elle ne treuuast du repos aupres de celuy, dont la valeur le donne à des Prouinces entieres. Que s'il arriue quelque iour, que lasé de vaincre, vous la rencontriez au bord de quelque agrea-

ble Fontaine, dont l'humide fraischeur appelle vostre soif & vostre sommeil, là cependant que vous luy permettrez d'oster de vostre visage, la sueur, la pousiere & le sang; elle vous racontera ce qu'elle a ouy publier de vous dans les parties du monde les plus esloignees. Elle vous dira, que la gloire de vostre nom desormais craint ou aymé par toute la terre, communique quelque chose de son esclat aux ennemis mesmes dont vous triomphez: que les plus grands personnages auouent qu'on trouve en vous ces qualitez eminentes qui peuuent mettre un homme

dans l'estime de meriter toutes choses; que c'est vous de qui l'exemple deuroit auoir banny de l'Uniuers ces infames Monstres d'Auarice & d'Ingratitude, que vostre prudence a introduict l'art de rendre les victoires moins funestes, & quen fin ces bras dont vous surmontez, deuroient desormais estre occupez à porter des Sceptres ausi bien qu'à les conseruer. Voylà, MON-SEIGNEVR, de quels discours cette belle Bergere vous entretiendra, qui pourroient estre appellez des flatteries pour tout autre que pour vous, en faueur de qui les meil-

leurs esprits ne sçauroient inuen. ter des lowanges qui ne fussent encore moindres que celles que vous meritez. Mais ie ne prends pas garde qu'insensiblement ie me laisse charmer aux appas de vostre vertu, & que pensant dire ce que vous estes, joublie ce que ie suis : c'est pour cela que reuenant à mon premier object, ie vous supplie de voir de bon œil cette marque de l'estime que i'ay pour vous, & de croire que ie ne m'essoigne nullement du dessein qu'auoit feu monsieur d'Vrfé, de ne mettre cet ouurage que sous la protection des Couronnes, puisque, ny luy, ny moy, n'auons

iamais sçeu faire de la difference, entre posseder des Empires, & les meriter.

Monseigneur,

De vostre Excellence,

Le tres-humble, & tresobeissant seruiteur BARO.





## LABERGERE ASTREE

V ne sçaurois t'imaginer, Chere Astree, combien m'est sensible le regret de voir

que tu t'esloignes de moy; ce n'est pas qu'il n'y ait de puissantes raisons qui authorisent ta suitte, mais ie croy bien, que si tu eusses pris le soing de considerer attentiuement quels sont les perils où tu vas t'exposer, l'horreur de tant d'ob-

A LA BERGERE ASTREE stacles eust esté assez forte, pour te faire consentir à ne voir le iour que par les fenestres de mon ca-binet. Ie sçay bien que le bon accueil que l'on t'a fait jadis dans les Palais mesmes des plus grands Monarques, flatte maintenant ta presomption, & te fait esperer vn traittement aussi fauorable; mais souuiens toy que comme il y a des beautez à qui le deuil est vn ornement, & qui ne sont iamais si aymables que dans l'affliction, il se peut faire que ceux à qui la pitié aura faict trouuer quelque plaisir dans le ressentiment de tes maux, seront desormais jaloux ou affligez de ta bonne fortune. Voy tu ma Bergere, ie presume beaucoup de ta vertu, mais pour en parler fainement, ie ne la croy pas seule capable de faire toute ton estime:

A LA BERGERE ASTREE.

Ce siecle à des delicatesses estranges, & on te dira qu'il ne fal-Toit point sortir de tes Antres ny de tes solitudes, pour ne paroistre qu'à la façon du commun; enfin on veut aujourd'huy faire passer pour Maxime, qu'il ne faut pas se mesler d'une chose, si on n'y excelle iusqu'à faire des miracles, comme si le moindre trait de tes yeux ou de ma plume, deuoit guerir les malades & ressusciter les morts. Certes iete treuue desormais si esloignee de ce degré de perfection, que si j'estois creu, tu ne te sousmettrois plus à la censure du monde, & chercherois ta propre satisfaction dans l'entretien de nos plus particuliers amis. Considere, iete prie, combien depuis la perte de celuy à qui tu dois tanaissance, ton visage aperdu de son premier esclat; il

ē

A LA BERGERE ASTREE. n'est pas iusqu'aux plus peti-tes Fontaines qui ne t'offrent vn miroir, pour y remarquer combien tes graces sont changees: cependant rien n'est capable de te retenir, & comme si la gloire estoit pour toy vn object de mespris, il semble qu'au lieu d'en vouloir acquerir, il ne te reste pas seulement du soing pour conseruer celle que tu possedes. Et bien, puis qu'v-ne secrette fatalité ordonne que pour representer les accidents de ta vie, nous n'ayons point de plus petit Theatre que l'Vniuers, va ma Bergere, ie consents à ton départ, aussi bien ay-ie appris, qu'il est bon quelquefois de permettre ce qu'on ne peut empes-cher; mais s'il est suste que cette estroitte considence qui nous a vnis depuis quelque temps, me

A LA BERGERE ASTREE fasse esperer d'obtenir quelque chose de toy, ie te conjure, che-re ASTREE, de ne te presenter iamais deuant personne, que pour luy estre proposee comme vn parfait exemple de vertu, & de faire en sorte, que le repos dont le Ciel a recompensé tes peines, inspire dans l'ame de celles de ton sexe, l'humeur d'imiter ta fidelité. Ie ne doute pas que ce desir, quelque legitime qu'il soit, ne te sasse de nouueaux malheurs, puis qu'aujourd'huy peu s'en faut que le changement ne soit mis dans le nombre des belles actions, & que si c'estoit vn crime qu'on eust puny de mort, peut-estre ne resteroit-il pas vne beauté dans le monde: Mais bien que i'en aye receuvne blessure qui ne gue-rira iamais, & que la pluspart des hommes treuuent de la consola-

A LA BERGERE ASTREE. tion à se faire des compagnons en leur infortune, ie meure si ie ne seray bien aise qu'à l'aduenir personne ne soit aussi miserable que moy. Ou bien, s'il arriue que tu tombes entre les mains de ces grands Genies, à qui la France defere, auecque raison, l'honneur de iuger souuerainement du merite des choses, & de qui les opinions sont au-tant de loix pour establir ou pour destruire l'estime d'vn homme, ie te prie, deuant qu'ils te condamnent au feu, de leur repre senter que s'il y a de la honte à paroistre comme tu fais, c'est à moy seulement qu'elle doit estre imputee; que ie n'ignore pas le peu de rapport qu'il y a de mes deffauts aux perfections de feu Monsieur d'Vrfé, & que ce seroit vne espece d'injustice de te

#### A LA BERGERE ASTREE.

punir pour la faute d'autruy: Que le respect de ton nom, ny la necessité d'obeyr ( qui est la seu-le qui m'a fait escrire ) ne les peut obliger à te faire grace; ar-me toy des pleurs que sa perte m'a fait verser, & croy que le nombre de mes larmes sera capable de te sauuer de cet embrazement. Tu sçais, chere ASTREE, que ce souuenir a tousiours trouué de l'humidité dans mes yeux, & quelque lascheté qu'il y ait dans cette marque de mon ressenti-ment, tu ne m'as iamais veu assez fort pour ne la commettre pas : que situ trouues plus à propos de deschapper, je ne seray pas marry que tu recoures à ce remede pour t'empescher de perir; mais prends garde, si tu ne veux m'offenser cruellemet, de ne retourner point fans moy reuoir le lieu bien-heu-

ē iij

A LA BERGERE ASTREE reux qui te donna ta premiere nourriture, & qui triomphe aujourd'huy de la despouille de ce corps, qui fut autresois l'organe de l'esprit qui te forma; le desir qui me presse de t'y acompagner, est si beau & si violent, que la crainte d'y trouuer des obstacles, fait que i'ay presque au-tant de passion à craindre vne bonne fortune, que les autres en ont à la rechercher. Ce sera alors que LIGNON fuccedant à l'amitié de son Maistre & du mien, me redira confidemment les plus doux secrets qui ont esté fiez à ses Ondes, & chaque iour verra naistre de nouuelles fleurs que j'iray semer sur son tombeau; chaque Arbre m'ou-urira son escorce pour me mon-trer les chiffres qu'il y a autresois grauez, & si la cruauté de mon

A LA BERGERE ASTREE. Destin ne m'auoit rauy les bonnes graces de Cloresinde, elle. auroit la gloire d'y voir son nom presque aussi cognu que le tien. Mais, chere ASTREE, il se peut faire que ie m'afflige d'vne vaine apprehension, & que tu receuras dans le monde vn accueil qui trompera mon espe-rance; ne perds donc pas courage, ma Bergere, & bien que ie ressemble à ceux en qui la Liberalité est vn vice, faute d'estre exercee de bonne grace, paye toy de mes raisons, & croy que si j'eusse pu te donner quelque ornement plus aggreable, ie n'y aurois espargné ny mes veilles, ny mes soings. Va donc iusques parmy les barbares parler de tes contentemens, & li ma fortune veut, que la Posterité qui con-seruera eternelle la memoire du

nom D'VRFE', permette que le mien ne meure pas, sçaches que se seráy trop bien recompense de ce que say fait pour toy, puis que la fin de tes peines aura donné le commencement à ma reputation.

#### AV LECTEVR.

E n'ay rien à te dire, cher LECTEVR, sinon que i'apprehende infiniment que tu iettes les yeux sur cet ouurage, de-

uant qu'auoir veu la vraye quatriesme Partie, que depuis quelque temps, i'ay fait imprimer sur le manuscript mesme de feu mon Maistre ; parce que cette Conclusion y estant immediatement attachee, il est presque impossible que tu n'y treuues de la confusion si tu en renuerses l'ordre; 🔊 si tu cherches la fin d'une chose, dont tu n'auras pas leu le commencement : Que si ce malheur m'est ineuitable, & que ta curiosité l'emporte par dessus la raison, ie me descharge surtoy de tous les desfauts que tu remarqueras dans le suiet , pouuant iurer auecque verité que i'ay suiuy le dessein si exactement, que si tu ne trouuois rien de bon en tout le reste, peutestre ne condamnerois tu pas la conduitte que i'y ay observee; ie m'en remets à ta patience & à ton iugement, Adieu.

#### Prinilege du Roy.

OVYS par la grace de Dieu, Roy de France & de Nauarre, A nos amez & feaux, les Gens tenans nos Cours de Parlements, les Maistres des Requestes ordinaires de nostre Hostel, Baillis, Seneschaux,

Preuosts, & tous autres nos Iusticiers & Officiers qu'il appartiendra, Salut: Nostre cher & bien amé BALTHAZAR BARO, Nous a faict remonstrer, qu'ayant passé plusieurs années aupres de nostre trescher & bien ame le feu Marquis D'V R F E' Comte de Chasteaumorand, ledit Marquis en mourant, luy auroit recommandé de mettre fin à son Oeuure, intitulé L'ASTRER, que ledit deffunct auroit disposé en cinq Parties , chacun contenant douze liures ; mais preuenu de la mort, il n'auroit pu faire que iusques à la quatriesme, inclusiuement, & auroit laissé cet œuure imparfaict de la cinquiesme, & derniere partie, qui est la Conclusion, auec ses memoires neantmoins, & son intention, dont il auroit instruict ledit BARO, nourry par luy en ce qui estoit de ses conceptions & de son stile : ce qui auroit obligé ledit BARO d'entreprendre & finir cette derniere partie & Conclusion, d'vn si agreable & excellent Quurage, laquelle il desireroit faire imprimer en tel volume, marge & Caractere qu'il auisera bon estre : Mais il craint que quelques Imprimeurs Libraires, ou autres de nostre Royaume; Impriment ou fassent imprimer ledit liure ou partie d'iceluy, & suscitent de nos subjets ou quelques estrangers à ce faire, soubs le mesme tiltre de Conclusion & derniere Partie d'Astree, & le contrefaire soubs pretexte de déguisement & fausses marques, ce qui causeroit vn notable interest à la memoire dudit deffunct Marquis D'VRFE', & audit exposant, s'il ne luy estoit par nous pourueu de remede conuenable, par vn Priuilege qui luy soit particulier, requerant humblement iceluy. A c & s

cavsus, Nous inclinant liberalement à la requeste dudit BARO: Apres qu'il nous est apparu de ce que dessus, par vne Attestation de nostre tres cher & bien amé le Comte D'V RFE nepueu dudit deffunct, pafser par deuant le Vasseur & Chappelain nos Notaires au Chastelet de Paris, cy attachée soubs le contreseel de nostre Chancellerie. Et plainement informez de la suffisance & capacité dudit BARO, Luy auons permis & permettons par ces presentes, de faire Imprimer par tel Imprimeur Libraire que bon luy semblera ledit liure, intitulé : La Conclusion & derniere parise D'ASTREE, Contenant douze liures, en tel volume, marge & cara-Aere qu'il aduisera bon eftre, vendre & debiter iceluy, & ce durant letemps & terme de dix ans entiers, prochains & consecutifs, à compter du jour que ledit liure sera acheué d'Imprimer, pour la premiere fois. Faisans tres expresses inhibitions & deffences à tous Imprimeurs Libraires, & autres de nostre Royaume, pays, terres, & Seigneuries de nostre obeissance, d'imprimer, faire imprimer contrefaire ny alterer ledit liure, vendre & debiter iceluy ny autre portant le tiltre de Derniere partie on Conclusion D'ASTREE, en quelque sorte ou maniere que ce soit, sinon ceux que ledit BARO aura faict imprimer, ou celuy qui aura droict de luy; sur peine de confiscation de tous les exemplaires contrefaits, & de quatre mille liures d'amende, applicable moitié à Nous & l'autre moitié audit BARO, VOVIONS ET NOVS PLAIST, qu'en mettant vn extraict des presentes, au commencement ou à la fin de chacun exemplaire dudit liure, elles soient tenuës pour deuëment signisiées & venuës à la cognoissance de tous nos subjects, & que les coppies qui en seront collationnées au present Original, par l'vn de nos Conseillers Notaires & Secretaires, seruent, & que foy y soit adjoustée, comme au present original. SI vovs MANDONS, à chacun de vous en droite soy commettons que de l'effect de nos presentes, vous fassiez plainement & paisiblement jour ledit BARO, & celuy qui aura droict de luy, & au premier Huisfier & Sergem fur ce requis, faire tous exploicts, saisies & arrests necessaires, pour l'entiere execution des presentes, sans demander Placet, Visa, ne Pareatis. Car tel est nostre plaisir, Nonobstant oppositions ou appellations quelconques, Clameur de Haro, Chartre Normande, Coustume de pays, priseà partie, & autres lettres à ce contraires, ausquelles nous auons desrogé & desrogeons par ces presentes, à la charge que ledit exposant mettra en nostre Bibliothecque deux exemplaires dudit liure, auparauant que de l'exposer en vente, & de iouïr desdites presentes. Données à Paris le dixiesme iour de Nouembre, l'an de grace mil six cens ringt sept.

Et de nostre regne le dix-huictiesme.

Signé,

LE TAY

Et scellees de cire jaune.

### EXTRAICT DES REGISTRES

Ordinaires de l'Hostel du Roy.

VEV PAR LES MAISTRES DES RE-QUESTES ORDINAIRES DE L'HO-STEL DU ROY, Juges Souverains en cette partie, les lettres de Chancellerie à eux addressantes, signées par le Conseil le Iay, & scellees, obtenues par Balthazar Baro, le dixiesme Nouembre mil six cens vingt sept , par lesquelles est permis audit Baro de faire Imprimer par tel Libraire que bon luy semblera, vn liure intitule, La Conclusion & derniere partie de l'Astree de Messire Honoré d'Urfé, de la composition dudit Baro, sur les memoires dudit fieur Marquis d'Vrfé, durant l'espace de dix ans, pendant lesquels dessences sont faites à toutes personnes de faire le semblable, sur peine de confiscation des exemplaires, & de quatre mille liures d'amende, applicable, moitié enuers le Roy, & l'autre moitié enuers ledit Baro: Requeste par luy presentée à fin d'entherinement desdites lettres, Conclusions du Procureur du Roy. Tout consideré, Lesdits MAISTRES DES REQUESTES affemblez au nombre de sept, en leur Auditoire du Palais à Paris : Ont ordonné que lesdites lettres seront enregistrées au Greffe desdites Requestes de l'Hostel, pour iouyr par l'Impetrant, de l'effect & contenu en icelles. Faict à Paris esdites Requestes de l'Hostel, le dixhuictiesme iour de Nouembre mil six cens vingtsept.

Signé, ANGRAM.

Ledit sieur Balthazar Baro, a cedé & transporté tous les droicts à luy concedez par sa Majesté, par les Lettres de Prinilege cy dessus dattees, à François Pomeray, Imprimeur Libraire à Paris, pour iouyr par ledit Pomeray du contenu en icelles, pour le temps de dix ans, mentionné esdites lettres, ainsi que le contient plus au long le contract qui pour cet essect a esté passé entr'eux, pardeuant les Notaires du Chastelet de Paris.

> Acheue d'imprimer pour la premiere fois, le dernier iour de Decembre, mil six cens vingt-sept.





LA

#### DERNIERE PARTIE

### DASTREE

LIVRE PREMIER.



E bruit que fitent certains Bergers lors qu'Astrée sut enleuée, paruint bien-tost iusqu'aux oreilles de Diane & de Philis, qui s'essants acheuées d'habiller, couru-

rent promptement hors de la maison, pour tascher d'apprendre le sujet de ce tumulte; mais à peine eurent elles paru, qu'vn de la troupe s'auancant, Ah Dieux! ah belles bergeres, s'escria-til tout esploré, Astrée vostre compagne vient de nous estre rauie le plus malheureusement du monde, par trente ou quarante voleurs, & le pis a esté, que nous nous sommes treuuez sans armes, & en si petit nombre, qu'il nous a esté impossible de la desendre de la violence de ces meschants. Au commencement Diane & Philis soupçonnerent qu'il n'y eust de l'artissee dans ce rapport,

Dern. part.

LA DERNIERE PARTIE D'ASTREÉ, mais ayans consideré qu'il n'eust pas esté possible de feindre si bien vne tromperie,& que non seulement le visage deceberger, mais encore les yeux de tous ceux qui estoient auecque luy, parloient de cet accident, elles creurent que ce qu'il disoit pouvoit estre aduenu, & demeurerent si surpriles de cette sascheuse nouvelle, qu'elles surent long temps sans faire autre chose que se regarder l'yne & l'autre auec yn estonnement incomparable. En fin, quand ce premier ressentiment eut vn peu relasché de sa violence, & qu'il leur eut laissé la liberté de pleurer & de se plaindre, ce fut alors qu'elles verserent des larmes, & qu'elles firent des regrets si extremes, que le plus barbare homme du monde en eust esté touché de compassion. Elles estoient encore dans ce pitoyable exercice quand Syluandre arriua, qui ne se doutant nullement du sujet de leur affli-Etion, se mit d'abord en peine d'en apprendre la cause, & ne croyant pas que personne l'en pust mieux instruire que sa maistresse mesmes, il s'approcha d'elle auec vn visage tout estonné, & luy parlant assez bas, ne sçauray je point, luy dit-il, dequoy ma belle maistresse est assligée? Helas, luy respondit Diane, le regardant d'yn œil, où les larmes faisoient tenir à la pitié le mesme Empire qu'Amour y souloit occuper, vous le sçaurez sans doute, & serez bien insensible, si

vous ne prenez part en nostre douleur. Pleust à Dieu, reprit le berger, que ie susse aussi assuré de

3

ressentir tout seul le desplaisir où vous estes, que ie suis certain que ie le partageray esgalement auecque vous, & ie vous en donne desia vn grand tesmoignage, continua-t'il, puis que sans auoir appris la cause de vostre mescontentemet, iene laisse pas d'en souffrir vne douleur nompareille: Berger, luy dit alors Diane, ie ne doute point que vous ne preniez part à mes interests, mais si vous estes en peine dequoy seulement ie suis affligée, quel sera vostre ressentiment, quand vous sçaurez que Philis & moy pleurons la perte d'Astréé que ces bergers ont veu enleuer par des voleurs, il n'y a pas plus d'vn quart d'heure? Astrée, dit alors Sylvandre, se reculant d'vn pas, a esté enleuée par des voleurs? elle l'a esté, repliqua Diane, & comme son malheur est sans remede, ie ne pense pas que nos regrets ayent iamais de fin. A ce mot Diane recommença d'ouurir la bouche aux sanglots, dequoy Syluandre fut si touché, qu'en ce moment il sit dessein de mourir, ou de secourir Astrée; & pour cet effect s'estant approché des bergers, en la presence desquels ce malheur estoit aduenu, ah! leur ditil, quelle lascheté est la vostre d'auoir souffert cette iniure i ne deuiez-vous pas vous perdre auec Astrée, & ne permettre iamais qu'on l'eust rauie, tant que vous eussiez eu dans le corps vne petite goutte de sang? Sage berger, respondit l'vn d'entr'eux, ce coup a esté fait si promptement, qu'il n'eust pas esté possible d'y apporter

A ij

4 LA DERNIERE PARTIE D'ASTREE, du remede, le nombre de ceux qui l'ont enleuée excedoit le nostre de plus d'vne moitié, ils estoient à cheual & armez, & nous à pied & sans autre ser que celuy qui est attaché au bout de nos houlettes: & n'estoit-ce pas assez, reprit Syluandre, i'ay bien ouy dire que Philandre pour fecourir Diane tua yn barbare qui estoit entierement armé, sans que le pauure Berger eust pourtant d'autres armes que sa houlette? Cela est vray, respondit le berger, & peust-estre eussions nous fait la mesme chose pour Astrée, mais ils ne l'ont pas eu plustoft mise à cheual qu'ils ont commencé à galoper, & puis à cou-rir de telle sorte que presque en vn moment nous les auons perdus de veuë. Ah Dieux! s'escria Syluandre, que deuiendra la pauure Alexis quand elle apprendra ces malheureuses nouuelles: Alexis, dit le Berger, en a esté la premiere aduertie, & sans penser à ce qu'elle faisoit nous l'auons veue comme transportée cou-rir apres ces voleurs qu'elle appelloit les rauisfeurs de son bien, maisie ne pense pas qu'il luy soit possible de les attaindre, car outre qu'ils auoient desia pris l'auantage, encore est-il vray qu'estans à cheual ils seront plus dechemin en deux heures qu'elle n'en sçauroit faire en tout le iour. Diane & Philis ayans ouy qu'Alexis s'estoit mise en ce hazard pour donner quelque secours à la Bergere, redoublerent leurs regrets par l'apprehension du mal qui luy pouvoit ar-

river, & cependant Sylvandre hauffant vn peu la voix, afin qu'il pust estre entendu de tous les bergers qui estoient en cette compagnie, & bien, leur dit-il, si l'on nous reproche que nous auons receu cet affront, il ne faut pas qu'on nous accuse de l'auoir soussert sans ressentiment, pour moy ie suis resolu de me perdre ou d'entirer quelque raison, & quand i'y deurois employer toutes les heures de ma vie, ie say vœu de ne rien espargner pour apprendre qui sont ces rauisseurs, & pour en tirer la vengeance qu'vn tel crime merite. A peine eust-il acheué ce peu de mots que tous ces bergers, qui, parce qu'ils estoient yssus de genereux ancestres, auoient vn courage beaucoup plus releué que leur condition, crierent à haute voix qu'ils exposeroient hardiment leur vie pour cette querelle: Syluandre fut extremement satisfait d'oüir leur resolution, & plus encore quand il vid que l'vn d'eux s'auançant, le pria de la part de toute la troupe de vouloir estre leur chef, parce qu'outre qu'ils croyoient deuoir cela à sa prudence, encore auoient-ils besoin d'apprendre de luy ce qu'ils auoient à faire en cette occasion. Au commencement Sylvandre s'en defendit, mais en fin solicité par leurs prieres, il accepta cet honneur, & receut la charge de leur commander. Aussi-tost il voulut partir pour suiure ceux qui auoient enleué Astrée, s'assurant que tost ou tard il auroit des nouvelles de

LA DERNIERE PARTIE D'ASTREE, leur retraite, & s'estant approché de Diane & de Philis, belles bergeres, leur dit il montrant les bergers; Voicy des courages resolus à re-parer la honte qu'on seur pourroit imputer touchant la perte de vostre compagne, nous allons suiure sa destinée, & si le Ciel sauorise nostre iuste dessein, vous trouuerez bien-tost la fin de vos larmes dans le commencement de sa liberté: Philis sut toute estonnée de luy ouir tenir ce langage', & ne pouuant assez admirer cette Metamorphose, qui dans vn moment auoit fait d'vne trouppe de bergers vne compagnie de gens de guerre, elle attendoit le iugement qu'en feroit sa compagne: mais ayant ietté les yeux sur son visage, & l'ayant veu passir, elle se douta bien que le discours de Syluandre l'auoit mise en peine, & pour luy donner la commodité de luy dire son sentiment sur ce depart si precipité, sans faire semblant de rien, elle s'esloigna d'eux de quatre ou cinq pas, & alors Diane iugeant bien qu'elle ne pouuoit estre ouve de personne, mais Syluandre, luy dit elle, qu'est-ce que vous entreprenez? mais ma belle maistresse, dit le berger en l'interrompant, ne vous souuenez-vous plus que ie suis vostre seruiceur? & bien mon seruiteur, reprit Diane, dites-moy quel est vostre dessein, vous qui condamneriez la temerité en tout autre, n'aurez-vous point de peur de vous en rendre coupable? considerez Syluandre le peril où vous

LIVRE PREMIER. vous allez exposer, ne scachant ny quels ennemis vous auez à combattre, ny le nombre de ceux que vous voulez suiure, carencore qu'ils n'ayent esté que trente-cinq ou quarante à l'enleuer, peut-estre sont ils plus de cent engagez dans ce dessein, & que sçauons-nous s'ils ne sont point des plus apparents de toutes les prouinces voisines? il me semble mon seruiteur que vous deuriez peser cecy auécque plus de loisir, & donner quelque chose au desir que i'ay de ne vous voir iamais rien entreprendre mal à propos. Syluandre qui auoit escouté Diane auec beaucoup de plaisir, mais pourtant auec vn peu d'impatience, ma belle Maistresse, dit-il, en fin, quand ma perte seroit infaillible, & que la resolution que l'ay faite ne deuroit iamais auoir de fauorable succez, l'auray tousiours beaucoup de gloire d'auoir employé ma vie pour tascher de vous redonner vn contentement qui vous a esté si malheureusement desrobé: C'est pourquoy sans me mettre en peine si ce que ie vay faire est bien ou mal à propos, ie dois aucuglement y courir, parce que ie sçay bien que si l'execution n'en est heureuse, l'entreprise pour le moins me sera tousiours extremement honorable, d'autant mieux qu'elle n'aura point d'autre obiect que de vous rendre cette compagne, sans laquelle vous venez de m'assurer qu'il est impossible que vous ayez iamais de contente-

mentau monde. Berger, dit alors Diane, vous

A iiij

8 LA DERNIERE PARTIE D'ASTREY,

me forcez insensiblementà vous faire vné confession bien estrange, ie vous auoue que l'ayme Astrée, & que si ie dois perdre l'esperance de la reuoir ce me sera vn déplaisir extreme; mais souuenez-vous Syluandre que ie ne vous hay pas, & que si la volonté que l'ay pour vous estoit mesurée à celle que l'ay pour ma compagne, peut-estre l'emporteriez vous pardessus elle: disant cela Diane rougit, & le berger rauy de ioye d'auoir ouy cette declaration de la bouche de sa maistresse, fut sur le poinct de se ietter à ses pieds, toutefois retenu par la presence de ceux qui pouuoient remarquer leurs actions, il ne pust autre chose queluy dire, mabelle maistresse vous venez de me rendre le plus heureux amant qui fust iamais, & ie l'aurois iuré prosterné deuant vous, si le n'eusse pas eu cant de tesmoins, mais croyez belle Diane qu'auec le mesme respect qu'on doibt aux Diuinitez, ic proteste que le viuray desorte aupres de vous, que ma discretion & mon obeyssance vous contraindront à ne vous desdire iamais des paroles que vous auez proferées si fort à mon aduantage: si cela est, reprit Diane, dés maintenant ie yeux que yous m'en donniez yn témoignage, & que vous obeyssiez au commandement que ie ' yous fay de ne haster point vostre départ, & d'en deliberer premierement auecque ceux qui ont plus d'interest en cette querelle; que Phocion fasse vne guerre pour elle, ie le pardonneray à

son juste ressentiment, mais que Syluandre qui neluy appartient en rien soit le premier qui la vueille deliurer du peril où elle est tumbée, c'est à quoy ie ne consentiray pas facilement: Le Berger recognut bien aux paroles de Diane qu'elle auoit quelque sorte de raison, & qu'il n'y auoit pas beaucoup d'apparence d'entreprendre de suiure Astrée, sans l'auoir pour le moins communiqué à Phocion qui estoit son Oncle; ils firent donc dessein de l'aller treuuer chez luy, & à peine se furent-ils mis en chemin qu'ils furent rencontrez par tous les Bergers & Bergeres qui auoient accompagné Dorinde dans Marcilly, & qui n'en estoient de retour que depuis deux ou trois iours. Apres les premieres salutations ils sceurent l'accident qui estoit arriué à la Bergere Astrée, & comme Alexis l'auoit suiuie, dequoy ils tesmoignerent vn extreme desplaisir, car cette belle fille auoit eu cette bonne fortune de n'auoir presque iamais esté veuë sans auoir esté aymée, tant à cause de sa beauté que de la grande discretion que l'on remarquoit en elle: Mais Lycidas qui estoit parmy eux s'estant approché de Philis, ie vous iure, luy dit-il affez bas, que ie crains pour l'amour de vous que les Dieux punissent Astrée des outrages qu'elle a faits autrefois à Celadon, car continua-til, ie vous prie de remarquer si iamais on a ouy dire que dans cette contrée il soit arriué vn pareil accident, & s'il n'est pas à presumer que cecy est

TO LA DERNIERE PARTIE D'ASTREE, vne vengeance entierement premeditée ? puis qu'il estoit aussi facile d'enleuer Diane que vous, & vous qu'Astrée, & cependant on n'en a voulu qu'à elle, comme à la plus coupable qui fust sur les riues de Lignon ? Les Dieux, respondit Philis pardonnerent à ma compagne la mort de Celadon, lors que pour mettre son ame en repos, nous luy dressames toutes ensemble le vain tombeau dont ses Manes auoient besoin, & croyez-moy, qu'il y a quelqu'autre mystere caché sous l'action que ces voleurs ont faite. Auec semblables discours ils arriverent chez Phocion qu'ils rencontrerent affez resueur, il se promenoit le long d'vne petite allée de meuriers qui estoit sur l'auenuë de sa maison, & son estonnement ne sut pas petit quand il apperceut vne si grande compagnie: d'abord il la receut le mieux qu'il luy fut possible, composant son visage en sorte qu'il ne tesmoignast pas l'ennuy dont son ame estoit atteinte, mais quand, apres auoir salué Philis & Diane il ne vid point Astrée, la premiere chose qu'il fit, ce fut d'en demander des nouuelles:personne n'osa luy respondre, mais enfin Syluandre se doutant bien qu'il estoit impossible qu'il ne sceust enfin le malheur qui luy estoit arriué, & que le meilleur estoit de le luy apprendre de bonne heure, afin qu'on prist mieux le temps d'y remedier, le tirant à part, & ayant desia prié Thamyre de l'assister en cet office, il luy raconta en peu de mots le desastre qui estoit

furuenu à cette belle fille. Phocion qui l'aymoit come son ame receut cette nouuelle, comme s'il eustouy l'Arrest de sa mort; mais Thamyre & & Syluandre luy dirent tant de choses pour le consoler, qu'enfin il se remit vn peu, & comme il auoit le iugement tres-bon, & vne experience admirable, il recognut bien-tost qu'il valloit mieux employer le temps à la secourir qu'à la plaindre. S'estans donc mis à penser aux moyens dont ils se pourroient seruir pour cela, à peine eurent-ils commencé d'en proposer quelques vns, qu'ils virent venir d'assez loing vn berger qui marchoit à grands pas, & qui montoit à sa contenance d'auoir quelque commission bien pressée; cela fut cause qu'ils se teurent pour le mieux considerer,&peu à peu, comme il venoit s'approchant, ils virent qu'il s'en alla d'abord où estoit toute la copagnie, & qu'enfin Lycidas l'amenoit où ils estoient, ils iugerent par là qu'il auoit à parler à quelqu'vn d'eux, mais ils en furent bien-tost assurez, quand Lycidas eutfait cognoistre à Phocion que ce Bergerauoit quelque chose à luy dire. Aussi-tost le vieil Pasteur s'approcha de luy, & pour luy donner toute commodité de l'entretenir, il s'esloigna vn peu de Syluandre & de Thamyre, & puis luy demada quel sujet l'auoit amené auec tant de diligence; à quoy le Berger respodit en ces termes, Mo pere, car à cause de son aage presque tous l'appelloient ainsi, ie viens de chez Adamas nostre grad Druyde, mais ne l'ayant pas

LA DERNIERE PARTIE D'ASTREE, trouué, j'ay creu que vous estiez le seul sur nos riuagesà qui ie deuois premierement raconter ce que j'ay veu; d'autant mieux que s'il est necessaire de veiller à la coseruation de nos hameaux, iln'est personne qui le puisse mieux que vous:le vous diray donc, que gardant mon troupeau fort proche de Mont-verdun, j'ay veu toutela plaine de Marcilly couuerte d'hômes armez, qui ont ietté quantité de traicts dans la ville, & l'ont presque enuironnée de tous costez; j'ay veu aussi que de la ville on a fait sortir des hommes, qui s'estans rencontrez auec ceux de l'ennemy se sont battus assez longuement : enfin n'ayant pas assez de patience pour voir à quoy tout cela se deuoit terminer, i'ay iugé qu'il estoit necessaire que chacun prist garde à soy, & suis venu promptement vous en aduertir, afin que par vostre prudence vous destourniez les malheurs qui pourroient tomber sur nous, ou sur nos troupeaux.

Phocion fut vn peu surpris du rapport que ce Berger luy sit, toutesois ayant ouy dire depuis quelques iours, que Polemas leuoit secrettement le plus d'hommes qu'il pouvoit, il se doutaincontinét que pour faire esclatter sa rebellió, il auroit sait quelque essort contre Marcilly, mais n'en voulant pas dire son sentiment devant ce berger, il le congedia, apres l'auoir remercié du soing qu'il auoit eu, & luy promit qu'il employe-poit toute sa vigilance pour preuenir les desortes.

dres dont ils sembloient estre menacez: le Berger s'estant retiré, Phocion reuint où estoient Thamyre & Syluandre, & s'estant mis au milieu d'eux, il commença de se promener, & leur tint ce discours: Ie ne demande plus quels sont les rauisseurs d'Astrée, ny en quel lieu elle est maintenant detenuë, ce Berger vient de m'assurer que Marcilly est assiegé, & personne ne pouuant s'estre porté à cette violence que Polemas, ie crois aussi que personne que luy n'est autheur de la meschante action qui a esté faite contre cette ieune Bergere; mais le mesme accident qui luy est arriué, nous menace si nous ne prenons garde à nous, & ie croy qu'au lieu de penser à delurer Astrée, car toutes nos forces ne seroient pascapables d'en venir à bout, nous ferions bien de la recommander à Tautates, & de chercher quelque retraitte pour nous mettre à couvert des courses de ce Cheualier rebellé.

Tel sut le premier discours de Phocion, auquel Thamyre respondit, que le rapport de ce Berger se consormoit parfaitement aux soupcons qu'on auoit conceus contre Polemas, & que desia il en auoit ouy murmurer quelque chose dans Marcilly, que pour cela il estoit d'aduis qu'on recommandast toutes choses à Hesus, le Dieu sort, & qu'on se ietrast dans quelque maison sorte, ou dans quelque Chasteau voysin pour se garantir des entreprises qu'il pourroit faire sur leurs personnes. Syluandre alors pre-

14 LA DERNIÈRE PARTIE D'ASTREE; nant la parole, si nous auons à nous retirer en quelque lieu, dit-il, ce ne doit estre que dans Marcilly, où nous seruirons Amasis, & employerons nos courages pour la defendre des iniures de ses ennemis : pour moy, dit Phocion, ie tiens que c'est la plus glorieuse resolution que nous puissions faire, & ie sçay bien que si Astrée est entre les mains de Polemas, ie le feray sommer de me la rendre, ou de combattre contre moy, ie ne pense pas que pour auoir discontinué l'exercice des armes, l'en aye entierement oublié l'vsage, & bien que la suitte des années ait vn peu diminué de mes premieres forces, il me reste assez de courage pour suppleer à ce dessaut. Thamyre & Syluandre admirerent la generosité de Phocion, & Thamyre aprés auoir vn peu resué sur la proposition qu'ils auoient saite de se ietter dans Marcilly: mais, reprit-il tout à coup, si Polemastient la ville enuironnée de tous costez, quel moyen aurons nous d'y entrer? à cela Syluandrerespondit qu'il falloit y entrer les armes àla main, & forcer l'endroit où l'on iugeroit que l'ennemy seroit le moins fort, mais Phocion en branslant la teste, ce moyen, dit-il, est plus dangereux qu'il ne faut pour des personnes qui ont a conduire des femmes, car il est certain que Diane, Philis, Celidée, Stelle, & les autres ne nous sçauroient abandonner; i'ay vn expedient bien plus facile, & si ie ne me trompe, nousy pourrons proceder de cette sorte: premierement

f

Il est impossible que Polemas ait ensermé Marcilly du costé de la montagne, car la Ville de ce costé-là estant inaccessible, à cause des rochers escarpez sur lesquels elle est bastie, il seroit inutile qu'il y fist des efforts, puis qu'il faudroit auoir des aisses pour y monter par cet endroit. Or ie sçay vn petit chemin desro-bé, qui n'est cognu que de fort peu de perfonnes, & qui nous menera par les bois, iustement au dessous du Chasteau, d'où apres auoir passé Herdric, qui est le petit ruisseau qui separe la montagne & la Ville, nous ietterons vne Lettre, qui estant rendue au grand Druyde, luy seta cognoistre le lieu où nous serons: & asin que nostre dessein ne trouue point d'obstacle, nous serons plusseurs copies de la Lettre, que nous attacherons au bout de diuerses fleches, & auec des arcs les ayant iettées dans la Ville, il sera presque impossible que les vnes ou les autres ne soient renduës. Adamas sans doute fera ce qu'il pourra pour fauoriser nostre entreprise; & il est croyable qu'il nous fera ouurir la porte la plus proche, qui n'est pas essoignée de cent pas du lieu d'où nous aurons ietté nostre lettre; au pis aller, si nous rencon-trons quelque empeschement par le moyen des ennemis, nous les attaquerons pour fauoriser l'entrée de nos bergeres, & Adamas nous sçachant aux mains, ne manquera pas de faire faire quelque sortie pour nous soustenir. Syluandre &

LA DERNIÈRE PARTIE D'ASTREE,

Thamyre treuuerent ce moyen le plus fauora? ble qu'ils eussent pu choisir : & apres que Syluandre eut eu la charge de faire la lettre, ils resolurent tous trois que ce dessein ne seroit executé que le lendemain sur l'entrée de la nuist,
afin qu'on eust le temps d'assembler le plus d'hommes que l'on pourroit, & que les Bergers' eussent loisir de chercher des armes: ce conscil ne fut pas plustost tenu, qu'ils s'en reuindrent où estoitlereste de la compagnie, & Syluandre ayant donné le rendez-vous pour le lendemain aux Bergers qui l'auoient dessa choisi pour leur Chef, ils se retirent, apres auoir iuré qu'ils ne manqueroient pas d'vn moment à l'affignation qui leur estoit donnée, & qu'ils y viendroient auec le plus d'amis qu'ils pourroient. Ainsi Phocion ne pust retenir chez luy que Syluandre, Thamyre, Hylas, Stelle, Celidée, Lycidas, Philis, Diane, Corilas, & quelques autres, ausquels en particulier, par l'aduis de Syluandre & de Thamyre, il communiqua les principaux poincts de tout ce qu'ils auoient conclud. Tout ce iour se passa assez tristement, car l'ennuy que Phocion ressentoit pour la perte d'Astrée, rendoit tous les autres melancoliques, & les discours qu'ils eurent ne furent presque d'autre chose que de mille fascheux songes que Phocion auoit faits la nuict auparauant: enfin le jour disparut, & le sommeil leur ayant sait trouuer la nuiet assezourte, ils se leuerent presque aussi-tost que l'Aurore parut; deflora deslors chacun se mit à mettre ordre à ses affaires, & parmy l'affliction qui les trauailloit, c'estoit encore vn plaisir de voir Phocion desrouiller de vieilles armes qui n'auoient veu le iour il y auoit pour le moins yn siecle; Diane & Philis estoient affligées d'une secrette crainte qui leur faisoit apprehender qu'il arriuast quelque malheur à Syluandre & à Lycidas:mais quand elles eurent consideré que c'estoit là le seul moyen de les empescher d'estre enleuées comme Astrée, elles commencerent à se resoudre d'attendre auec patience les succez qui en pourroient arriuer. A peine le Soleil eust marqué la moitié du iour que l'on vid arriuer de tous costez les bergers qui auoient eu commandement de se rendre en la maison de Phocion, & deuant que la nuict eust commencé de paroistre, ils y furent tous ensemble, & se treuua qu'ils faisoient enuiron le nombre de cent cinquante; cela resiouvt extrememét Syluandre, & particulierement Phocion, qui iugeabien que s'il en estoit besoin on pourroit faire auec cela quelque effort confiderable. Aussi, pour ne differer pas dauantage l'execution de leur dessein, dés que le Soleil eut emmené le iour ils partirent, non pas sans s'estre mis auparauant en ordre, comme s'ils eussent eu à rendre quelque combat; Syluandre qui ceda à l'aage & à l'experience de Phocion la charge & le soing de disposer de tout, admira l'ordre que ce genereux vieillard mit en la conduite de cette troup-

Dern.part.

18 LA DERNIERE PARTIE D'ASTREE, pe : d'abord il la separa en trois bandes, & s'estant mis à la teste de cinquante, il commanda que les bergeres suivissent immediatement apres : les autres cinquante il les remit sous le commandement d'Hylas & de Lycidas, & ceux qui resterent surent mis sous la charge de Syluandre; ainsi ils se mirent en chemin apres auoir recommandé leurs troupeaux au Dieu Hesus Tautates: & certes s'ils sussent partis vn peu de meilleure heure, ils eussent pu voir quelques marques du dernier asfaut qui auoit esté donné contre Marcilly, car Polemas que la nuict seule auoit fait retirer, venoit en ce mesme temps de voir brusler ses hommes & ses machines, & de receuoir la honte d'estre repoussé en la presence d'Alerante, sans auoir pu seulement conseruer Alexis, Syluie & Astrée qui estoient ses prisonniers. Dans peu de temps Phocion vid paroistre le chasteau de Marcilly, & bien que les lieux par où ils deuoient descendre fussent assez rudes & difficiles, ils se rendirent pourtant au delà du petit ruisseau sans beaucoup d'incommodité, cat la nuict qui n'estoit pas trop obscure leur laissoit assez de clarté pour treuuer les petits sentiers, & pour assurer leurs pas sur les rochers par où ils estoient obligez de passer. Aussi tost qu'ils furent arriuez au lieu d'où Phocion auoit dit que l'on ietteroit

la lettre, Sylvandre, Hylas, Thamyre & Lycidas prirent les arcs que l'on auoit donnez à Diane, à Philis, à Stelle & à Celidée, & ayans attaché le papier au fer de la flesche, chacun descocha la sienne, sans viser toutefois en vn mesme lieu: Ils en ietterent ainsi iusqu'a trois fois, car Syluandre en auoit fait faire diuerses copies, & puis attendans ce que le Ciel en ordonneroit, ils se tindrent sur leurs gardes, resolus de se bien defendre s'ils estoient attaquez par quelqu'vn. Ils ne furent pas longtemps sans auoir des nouuelles d'Adamas, car vne des flesches estant tumbée heureusement dans la place d'armes, qui estoit le lieu où Syluandre auoit addressé toutes celles qu'il auoit iettées, fut releuée par vn foldurier qui la remit au Dizenier qui luy commandoit, ce Dizenier la porta incontinent au Druyde, & à peine eut-il commencé d'ouurir la lettre qui y estoit attachée, qu'on luy en apporta enco-re deux qui auoient esté treuuées en d'autres endroits de la ville; il les receut auec vn peu de ioye, se doutant que c'estoit quelque aduis qu'on luy donnoit pour la conseruation de la place, mais quand il eut veu que c'estoit Syluandre qui luy escriuoit au nom de tous les bergers de Lignon son contétement parut du tout extreme: aussi-tost il ouurit les autres papiers qui estoient attachez aux deux flesches qui luy auoient esté

apportées, mais par tout il treuua ces mesmes mots.

#### LETTRE

## DE SYLVANDRE A ADAMAS.

On pere, si vous auez encore quelques soings qui veillent pour le falut de vos bergers de Lignon, & si leur vie qu'ils viennent sacrifier pour la liberté d'Amasis est vne victime qui ne doine pas estre refusee; Nous voicy cent cinquante qui vous coniurons par la chose du monde qui vous est la plus chere, de nous permettre de chercher la mort en son service. Nos bois qui pleurent la rebellion de Polemas ne veulent plus estre la retraitte que des Hybous, en ont semblé nous commander de venir chercher vn refuge dans la ville; si vostre faueur

nous y donne vn accez, Phocion qui reffentant bouillonner dans ses veines les ardeurs de son premier sang, a pru la charge
de nous conduire, vous protestera de nostre
fidelité, & chacun de nous en particulier
vous en sera voir des preuues dans les occasions où vous nous employerez. Prenez
donc s'il vous plaist la peine de faire sur ce
suiet vne resolution qui nous soit auantageuse, & de nous en faire aduertir au mesme lieu d'où nous auons fait partir cette
lettre qui est sous le Chasteau, dans vn
pré qui separe Herdric & les rochers de
Marcilly.

Le Druyde recognut incontinent l'artifice de Syluandre, & se douta bien que cette quantité de slesches n'estoit autre chose qu'vn essect de sa preuoyance, mais ne voulant pas les laisser languir dans l'attente où il s'imaginoit bien qu'ils estoient, il se hasta le plus qu'il luy sur possible d'aller communiquer à la Nymphe la lettre qu'il venoit de receuoir, il la trouua qu'elle se preparoit pour aller voir Alexis, mais ne pouuant l'y accompagner, il sit tant qu'il la disposa à remettre cette visite

LA DERNIERE PARTIE D'ASTREE, iusqu'au l'endemain. Amasis trouua tres-apro-pos que l'on receust Phocion, & dit au Druyde, que s'il falloit quelques forces de celles qui estoient dans la Ville, il n'auoit qu'à faire aduertir Godomar de son dessein; ce qu'il sit, & le Prince ayant sceu qui estoit Phocion, & tous ceux qui venoient auecque luy, fut bien ayse d'ayder luy mesme à les introduire dans la ville. La pluspart des solduriers estoient blessez ou lassez du combat qui auoit esté rendu il n'y auoit pas plus de deux ou trois heures, mais aussi-tost qu'ils sceurent le dessein de Phocion, il sembla qu'ils prissent de nouuelles forces, & presque tous s'offrirent au Prince pour faire tout ce qu'il leur commanderoit : Godomar fit monter Alcandre à cheual suiuy de ceux que la Reyne Argire auoit laissez aupres de Rosanire, seulement pour déscouurir s'il n'y auoit point quelque trahison dans ce dessein, mais luy ayant esté rapporté que Polemas s'estoit tout à fait retiré, & qu'il ne paroissoit du tout personne pres de la ville, il commanda qu'Alcandre allast iusqu'où estoit Phocion, & qu'il fist escorte à sa compagnie iusqu'à ce qu'ils fussent tous entrez. Alcandre obeist au commandement du Prince, & s'estant vn peu destourné sur la main gauche, il descendit iusqu'au petit ruisseau; mais à peine eut il fait encore cinquante ou soixante pas, qu'il apperceut la trouppe pour laquelle il estoit

forty, & de crainte de les mettre en allarme, depescha deux hommes à cheual pour aller aduerrir Phocion de son arrivée : ce bon vieillard n'eut pas plustost appris, qu'Alcandre estoit là pour leur seureté, qu'il en fit aduertir Hylas, Lycidas & Syluandre, & puistous ensem-ble partirent pour s'en venir à luy; Alcandre mit pied à terre pour embrasser Phocion, & soudain s'estant remis à cheual, il sit partir la moitié de sa trouppe, & ayant prié Phocion de la suiure, il voulut demeurer derriere auec l'autre moitié : en cet estat ils arriverent à la ville, à la porte de laquelle Adamas les attendoit, & la moitié de la trouppe d'Alcandre estant entrée, phocion parut, que le Druyde receut auec des caresses extremes: mais comme tout cela ne se put faire si secrettement, ny auec si peu de bruit, que polemas n'en fustaduerty, à peine phocion estoit entré auec les cinquante hommes qu'il conduisoit, & toutes les Bergeres, qu'on ouyt qu'Alcandre estoit aux mains auecque les ennemis. Auffi-tost Syluandre tourna teste auec ceux qu'il auoit aupres de luy, & secondant la valeur du Cheualier s'auança la picque à la main pour le foustenir, Alcidon presque en mesme temps sortit auec deux cens hommes de traie, & phocion mesme, quelque resistance qu'y fist Adamas, se mit incontinent à le suiure, mais tout ce grand secours fut inutile, car en moins de rien ce bruit s'ap-

LA DERNIERE PRARTIE D'ASTREE, paisa, dautant que Peledonte estoit demeuré prisonnier d'Alcandre, & que ceux qui l'auoient suiny, qui n'estoient enuiron que trente hommes à cheual, auoient pris la fuite dés qu'ils auoient pu remarquer l'inegalité du combat. Ainsi Alcandre, Syluandre, Phocion, Alcidon, &les autres, rentrerent dans la ville bien glorieux de la nouuelle conqueste qu'alcandre auoit faite, faisant prisonnier Peledonte; car estant l'vn des principaux Conseillers de Polemas, on se douta bien qu'on apprendroit par luy beaucoup de particulieres nouuelles : Adamas obtint de Phocion que Diane & Philis viendroiet loger chez luy auec Leonide, car il ne leur voulut pas dire qu'alexis & Astrée y fussent desia, & Lycidas qui sçauoit le credit qu'il auoit aupres de Clindor, y mena Phocion, Syluandre, Thamyre, Hylas, Corylas, Stelle, Celidée, & quelques autres : ce qui restoit de Bergers sut mis fous la charge des Dizeniers, & des Centéniers, & apres cela le Druyde ayant veu fermer les portes de la ville, emmena ses nouuelles hostesses, & Alcandre sit conduire Peledonte en lieu de seurté, resolu de le presenter le lendemain à la Nymphe. En chemin Diane & Philis qui n'auoiet rien de plus present dans l'esprit que la perte de leur compagne, demanderent au Druyde s'il n'auoit rien ouy dire d'alexis & d'astrée, à quoy il responditauec tant de froideur, qu'elles iugerent bien que ce qu'il en sçauoit ne leur rapportoit

pas beaucoup de contentement; il leur dit que par les dernieres nouuelles qu'il en auoit euës il auoit sceu qu'elles estoient prisonnieres de Polemas, & qu'elles receuoient de ce Cheualier le plus mauuais traittement qu'il leur pouuoit faire. A ce discours Philis & Diane ne purent retenir leurs larmes, & presque en mesmetemps elles arriuerent au logis d'Adamas, dont ayant luy mesme ouuert la porte, il les conduisit dans vne fort belle chambre, sans que Leonide ny Astrée sceussent leur arrinée: apres cela ayant fait appeller sa Niepce pour leur tenir compagnie, il luy alla à la rencontre enuiron cinq ou six pas, & luy defendit de dire aux Bergeres ce qu'elle sçauoit d'Astree & d'Alexis: Leonide qui se douta à peu pres du dessein de son Oncle, ne luy respondit que de l'œil, car presque en cetinstant les bergeres luy sauterent au col, & l'embrassant le plus estroittemet qu'il leur estoit possible, luy donnoient les plus cheres marques qu'elle eust pu desirer de leur amitié. Elles estoient encore dans ces mutuelles caresses quand le Druyde les quitta auec promesse de les venir reuoir bien tost, & s'en estant allé dans la chambre d'Alexis, où estoit Astree, car, quelques raisons que les Myres eussent alleguées, iamais Celadon ne voulut permettre qu'Astree l'abandonnast, apres les auoir tenuës quelque temps en peine, il leur raconta l'arriuee de Phocion, de Syluandre, d'Hylas, de Lyci-

LA DERNIERE PARTIE D'ASTREE, das, de Thamire, & en fin de Diane, de Philis, & desautres bergeres de Forests, dequoy Alexis parut fort contente, & particulierement Astree, qui ayant sceu que Philis & Diane estoient dans la maison d'Adamas, supplia sa maistresse de luy permettre de leur aller tesmoigner vne partie de sa ioye: Alexis le luy accorda, sous condition qu'elle les ameneroit dans sa chambre, & bien qu'au commencement le Druyde en fist vn peu de difficulté à cause de ses blessures, il y consentit en fin, sous condition aussi qu'elles ny seroient que fort peu de temps, & qu'elles coucheroient toutes dans yne autre chambre, puis qu'aussi bien il n'eust esté nullement à propos qu'elles l'eussent veu panser des playes qu'il auoit receues dans le combat. Celadon obeyst à ce qu'Adamas voulût, & le Druyde ayant pris Astree par la main l'emmena iusqu'à la porte de la chambre où estoient ses compagnes, & l'ayant priee de n'entrer qu'vn peu de temps apres luy, aussi tost qu'il fut aupres de Diane, vous verrez ceans, luy dit-il, plus de filles que peut-estre vous n'auez creu d'y en rencontrer, car outre Leonide que voicy aupres de vous, il m'est arriué vne parente que vous aymerez peut-estre quand vous la cognoistrez: à ce mot Astree entra, & les surprenant dans l'attente de voir la personne de qui le Druyde leur parloit, elle les rendit si consuses par sa presence, qu'à peine la purent elles saluër dans

l'estonnement où elles estoient: en sin sortans peu à peu de ce raussement, elles se mirent à l'embrasser & à la serrer dans leurs bras auec tant de sorce, qu'il sembloit qu'elles la voulussent estousser.

Leurs caresses n'eussent finy de long-temps, si Adamas ne les cust interrompuës, qui les prenant par la main, ce n'est pas tout, dit-il, ie vay vous conduire dans la chambre d'Alexis, sous promesse que vous ne l'entretiendrez pas longtemps; quelques blessures la retiennent au lict, & afin qu'Astree ait plus de loisir de vous conter leurs aduantures, ie luy permettray de coucher dans vostre chambre. Alors il conduisit Diane & Philis où estoit Alexis, & bien qu'elle fut extremement incommodee, particulieremét du coup qu'elle auoit receu à l'espaule, elle ne laissa pas de les receuoir auec vn visage qui tesmoignoit assez la ioye qu'elle auoit de les voir ensemble: leurs discours ne furent pas longs, caroutre que la nuict estoit desia vn peu auancée, le seiour de ces bergeres eust pu nuire à Celadon; cela sutcause que Leonide les ayant conduites dans leurs chambres, elles se mirent au lict, où elles ne furent pas plustost, qu'Astree leur raconta de poinct en poinct tout ce qui luy estoit arriué depuis le moment de sa prise. D'autre costé Phocion, Syluandre, Lycidas, & les autres que Clindor receut dans samaison, apprirent les efforts qu'Alexis auoit faits sous les habits d'Astrce, 28 LA DERNIERE PARTIE D'ASTREE, & Phocion, sut si content d'auoir seu la deliurance de sa Niepce, que si la nuict, & la crainte d'incommoder Adamas ne l'en eussent empesché, il la sust allé voir dés l'heure mesme.

Amasisauoit desia visité presque tous ceux qui auoient esté blessez au dernier assaut, & parmy le mescontentement qu'elle receuoit de l'insolence de Polemas, elle n'estoit pas sans consolation, quand elle consideroit combien d'honnestes gens s'estoient armez pour sa defence Mais Polemas presque furieux, tant pour la perte qu'il auoit faite en ses deux combats, que pour la prise de Peledonte, s'estant retiré dans sa chambre, & ne voulant que personne sust tesmoing de son desespoir, aussi tost qu'il se vid seul il ietta son chappeau sur vne chaire, & d'yne main se frottant le derriere de la teste, il mit l'autre sur le costé, puis marchant à grands pas, en fin il s'arresta tout court, & donnant vn grand coup du pied contre la terre; vous auray-je toussours pour ennemis, dit-il, grands Dieux qui disposez des sceptres & des couronnes? l'ambition que l'ay d'auoir quelque Empire sur l'esprit de cette beauté, peut-elle estre tenue pour vn crime si grand, qu'Amour & les perfections de Galatee nele rendent iamais pardonnable?s'il y a quelque loy qui desende les actions que ie fais, & qui rende mes armes iniustes, serois-je le premier qui les auroit violées, & que vous auriez laissé sans chastiment? Puis recommendant à se promener, mais disoit-il, cette Nymhe ne t'ayme point, Lindamor est maistre de les pensées, comme elle est maistresse de ta liberté: Voyla tes solduriers bruslez & desfaits, Gondebaut peut-estre ne t'assistera point, Alexis est eschappee, Peledonte est prisonnier, ô Ciel cruel, ô Polemas le plus malheureux de tous les hommes, que peux-tu resoudre pour desbroüiller ce cahos où tes affaires sont enueloppées. A ce mot se iettant sur son lict, il appella celuy qui le seruoit à la chambre, & luy commanda de fairevenir Ligonias, mais soudain que ce Cheualier fut entré, il s'estonna de voir Polemas en la posture où il estoit, il auoit vne iambe croisée sur l'vn de ses genoux, vne main sur l'estomac, & en l'autre vn mouchoir dont il se frottoit les yeux, que le feu de son amour ou de sa colere auoit rendus rouges extremement: Et parce qu'il souffroit la presence de ce confident sans luydire vne seule parole, apres vn peu de temps, Ligonias luy dit · peut-estre Seigneur, auez vous enuie de reposer? n'en doubte pas, respondit il, se tournant de son costé, ie cherche le repos,& l'achetterois au prix de mon fang, mais ie crains bien qu'il soit impossible que ie le rencontre que dans le tombeau. A ce mot Polemas fit vn grand souspir, & Ligonias auec vn visage froid, Seigneur, adiousta-t'il, il est vray que vous auez à faire à des ennemis bien plus puissans que vous ne vous estiez imaginé de les rencontrer, car ie

LA DERNIERE PARTIE D'ASTREE, vous prie de considerer si ce n'est pas vn miracle que cette princesse que nous croyions essoi-gnee de toute assistance humaine, ait en si peu de temps rendu sa ville si sorte de gens, qu'il vous est auiourd'huy impossible de la prendre sans la faueur de quelque secours estranger. Ah, dit polemas, i'ay vrayment de puissants ennemis, mais croy Ligonias que ceux que ie redoute le plus, sont les Dieux & Galathee? Ien'ay pas leu, respondit Ligonias, dans le secret des Destinees, pour sçauoir ce que les Dieux ont or-donné de vous, mais il est certain qu'à le bien prendre, Galathee n'a pas beaucoup de sujet de vous aymer, premierement, pensant l'obliger à vous vouloir du bien vous faites les mesmes choses que vous feriez si vous estiez son mortel ennemy; qui a iamais veu qu'vn esclaue tint son seigneur en captiuité? vous n'en voulez qu'à son peuple, & luy saites respandre le sang, comme si vous auiez resolu de l'exterminer, & de ne laisser plus obseruer les loix de cette princesse qu'aux Satyres& aux animaux; i'aduouë, & pardonnez-moy si ie vous en parle si libre-ment, que ce dessein tient vn peu de la tyrannie, & que n'estant nullement iuste, vous auez besoin d'vser d'vne vigilance bien grande, pour empescher que vous ne vous perdiez; à ce mot Ligonias se teust, & polemas prenant la parole, ie croyrois, dit-il, auoir grandement offensé les Dieux, si le plus grand de tous ne m'a-

uoit conseillé luy-mesme d'yser des violences où ie me porte contre Amasis, Amour est le seul autheur de tous ces desordres, & puis qu'vn Dieune sçauroit saillir, on ne peutappeller criminelles les actions qu'il fait en moy, sans estre coupable de blaspheme: & c'est bien pour cela que l'espere qu'ils auront esgard à ma passion, & qu'ils prendront en fin quelque pitié de ce que ie souffre pour Galathee, n'estant pas possible qu'ils eussent voulu mettre en elle tant de perse-ctions, s'ils n'eussent desiré qu'on l'eust adorée. pour ce qui concerne les forces d'Amasis, i'ay resolu que vous partirez demain auec Alerante, pour coniurer Gondebaut, & le solliciter de haster le secours qu'il m'a promis, car alors il sera du tout impossible qu'elle nous resiste, peut-estre aurons-nous cependant fait quelque grand effort; car si la resolution que l'ay prise auec Me-ronthe nous reussit heureusemet, c'est sans doute que deuant que vous reueniez, vous apprendrez que ie me suis rendu maistre de la place, & de Galathée: Rien ne me desespere que la prison de peledonte, & certes il eust mieux vallu pour nous qu'il n'eust pas eu tant de courage, & qu'il eust esté vn peu plus prudent, car il y a grandement de sa faute, n'ayant esté enuoyé là que pour recognoistre, de s'estre attaché aux mains auecque nos ennemis, & particulierement n'ayant que trente ou quarante cheuaux, & les autres estans sans doute six fois autant : peutcstre, dit Ligonias, y a-til esté contraint; & com<sup>2</sup> me de nusct on s'approche quelquesois plus qu'on ne pense, il se peut faire qu'il a esté le premier attaqué, & qu'il n'a pu moins que de se defendre? Or bien, reprit Polemas, ie penseray à sa deliurance, & cependant preparez-vous à partir, car dés ce moment ie vay faire vostre depesche: disant cela Polemas entra dans son cabinet,

& puis se mit à escrire.

Cependant Amasis estoit dans sa chambre auec Godomar, Damon, Alcidon, & presque toutes les Nymphes & les Dames qui estoient alors dans Marcilly, & par ce que l'heure de se coucher n'estoit pas encore arriuée, la Nymphe commanda à Syluie de raconter les particularitez de sa prison, & comme elle se trouuoit du traittement que Polemas luy auoit fait; la ieune Nymphes'en deffendit longuement,ne croyant pas en pouvoir faire le recit sans y mesler le sujet qu'elle auoit de se plaindre de Ligdamon: mais en fin obligée d'obeyr au commandement d'Amasis, & sollicitée par les prieres de Godomar, elle leur en fit le discours, mais non pas sans les faire extremement rire des frayeurs quelle avoit euës: elle eut pourtant assez de iugement & de discretion pour ne rien dire du tout de ce qui regardoit l'interest qu'elle auoit pour Ligdamon, mais par hazard ce Cheualier estant entré pour luy venir faire la reuerence, car il ne l'auoit pas encore veuë depuis le recouure-

ment

ment de sa liberté, elle changea deux ou trois fois de couleur, & puis se retira dans vne autre chambre, sans qu'au commencement personne y prist garde que Leonide, car toute la compagnie porta les yeux sur Ligdamon, de qui la grace & la bonne mine estoient vrayment dignes d'estime & d'admiration : en fin Amasis le voulant elle mesme presenter à Syluie se leua; & prit le Cheualier par la main, mais lors qu'elle se fust tournée du costé où estoit Syluie, elle sut la plus estonnée du monde quand elle ne la vid plus: aussi-tost elle s'en prit à Leonide; & en sousriant, qu'auez vous fait de vostre compagne, luy dit-elle, l'auroit-on bien faite prisonniere vne seconde fois? ie ne pense pas, Madame, respondit la Nymphe, qu'elle soit allée guiere loing; allez donc, reptit Amasis, luy commander de ma part qu'elle reuienne. Leonide alors s'en alla dans la premiere chambre, où treuuant Syluie toute esmeuë, qu'est-cecy, luy dit-elle, ma compagne, vous est-il suruenu quelque defaillance de cœur ? c'est vrayment, responditelle, toute rouge de colere, vn grand desfaut de cœur, de souffrir que Ligdamon viue, apres les tesmoignages qu'il m'a rendus de sa perfidie: Il y a icy, dit Leonide, quelque choseque ie ne puis comprendre, mais puisque Madame vous demande, entrons, & souvenez vous cependant qu'il ne faut pas que vous le condamniez sans l'ouyr? moy, reprit Syluie, Ah masœur, ie Dern.part.

34 LA DERNIERE PARTIE D'ASTREÉ, ne veux iamais le voir ny l'entendre, & suppliez Amasis qu'elle me pardonne si ie n'obeys point à son commandement tant qu'il sera dans la chambre, car la veuë de ce traistre m'est insupportable; Leonide sçachat qu'elle auoit vn courage qu'on ne flechissoit pas facilement, ne s'obstina pas à la persuader, mais rentrant dans la chambre s'en alla redire à Amasis (luy parlant toutesois si bas que Ligdamon ne la pouuoitoüir) tout ce qu'elle auoit pu remarquer de la colere de sa compagne, dequoy Amasis ne fut pas peu estonnee sçachant les obligations que Syluie auoit à ce Cheualier, toutefois ne voulant pas s'en informer alors; & bien, ditelle, haussant vn peu la voix, que pour ce coup elle contente son humeur, il faut donner quelque chose à sa melancolie? Madame, dit Ligdamon, peut-estre que Leonide aura failly en sa commission, ou que Syluie aura quelque incommodité, où mon secours ne sera pas inutile, si vous me le permettez i'yray sçauoir ce que c'est? c'est dequoy il n'est nullement besoin, dit Amasis, sino qu'elle voulust receuoir le remede de celuy qui luy a fait le mal; le mal, reprit Ligdamon, en se reculant d'vn pas, & quel mal pourrois-je auoir fait à Syluie, si l'on ne donne ce nom à l'amour que i'ay pour elle? ie ne fçay, respondit Leonide, mais il est tres-certain que pour ce coup vostre presence ne la guerira pas: Ligdamon alors estonné du changement

de Syluie, & vn peu offensé de son action, si c'est vn effect, adiousta-til, quelle doiue attendre de mon ablence, ie la fouffriray auffi longuement que sa cruauté me l'ordonnera, & pour commencer de bonne heure à ne m'opposer point à sa guerison, ie ne suy presenteray plus ce visage dont elle ne peut souffrir l'abord, A ce motilse retira, mais impatient de sçauoir le sujet du mescontentement de Syluie, il reuint vn peu sur ses pas, & trouuant ouuerte la porte d'vn cabinet qui respondoit dans la chambre, il s'approcha le plus qu'il put de la tapisserie, se doutant bien qu'on ne seroit pas long temps sans parler de ses affaires. Et en effect Syluie estant rentrée par le commandement d'Amasis, & se voyant pressée par Godomar, & presque importunee de dire les causes de la hayne qu'elle faisoit paroistre pour Ligdamon, cette Nymphe leur redit, non pas fans auoir rougy mille fois, tout ce que Lydias qu'elle auoit pris pour Ligdamon auoit fait en faueur d'Amerine, elle eur parla de sa ialousse si agreablement, qu'elle faillit à les saire passmer de rire: en fin elle leur redit le combat qui auoit esté dans son ame, lors qu'elle vid qu'on l'amenoit prisonnier, elle leur racota la ioye qu'elle sentit de se voir en quelque saçon vangée par le supplice auquel il alloit estre exposé, & puis l'extreme compassion qu'elle en eust, quand elle s'imagina que c'estoit le mesme qui auoit mieux aymés'exposer à la mort, que luy manquer d'a-

∃ ij

LA DERNIÈRE PARTIE D'ASTREE mour ny de fidelité; apres cela, or, dit-elle, en continuant, il est vray qu'il n'aiamais voulu faire semblant de me cognoistre iusqu'à maintenant, que me voyant hors de toute apparence de danger, il est venu pour m'importuner, peutestre de ses premieres resueries, mais la resolution que l'ay faite de ne le voir iamais, luy ostera aussi bien le moyen de me les dire, qu'à moy la peine de les ouyr. Presque en mesme temps, Amasis, Godomar & Galathée vouloient parler, quand Ligdamon haussant la tapisserie, & se iettant aux pieds de Syluie, sans qu'elle eust eus seulement le loisir de s'en apperceuoir, Madame, dit il, si cet Arrest que vous auez prononcé contre mon contentement est seulement pour me faire esprouuer vostre rigueur, & pour me rendre le plus miserable de tous les hommes, ie ne veux plus m'enquerir s'il est iuste ou s'il ne l'est pas, puis que pour faire que ie meure, c'est assez seulement que vous desiriez que ie ne viue plus, mais si ce n'est que pour me punir du crime dont vous m'accusez, & dont ie ne sus iamais coupable, ie m'assure que mon innocence vous fera consentir à le reuoquer, ie ne veux pas chercher des raisons pour me iustifier. car elles vous seroient suspectes, puis que vous estes preoccupée de l'opinio que i'aye failly; maiss'il plaist à cette belle Nymphe, dit-il, montrant Galathée, de vous parler en ma faueur, vous cognoistrez que si ie me suis rendu criminel, ce ne peut auoir

esté que dans vostre imagination; sans que Galathee se mette en peine de vous en entretenir, dit Amasis, sçachez Syluie, que si vous auez veu Ligdamon chez Polemas, il faut qu'il soit double: c'est bien dequoy ie l'accuse, Madame, respondit Syluie; ie dis, reprie la Princesse, de corps, & non pas de cœur, çar il ne m'a point quittee durant le sejour que vous auez fair dans la prison de Polemas, mais dit-elle, en riant, peut-estre auiez-vous l'esprit troublé? ie ne l'auois, repliquala Nymphe, guiere sain, mais ie n'auois pas les yeux si malades, qu'ils me pussent deceuoir en la cognoissance des obiets qui se presentoient à moy; vous verrez Syluie, dit Galathée, que celuy que vous vistes sut Lydias, & que cette fille qu'il entrerenoit estoit Melandre ou Amerine. Vrayment, dit Godomar, il n'en saut plus doubter, & ie ne m'estonne plus si Amerine prit autrefois Ligdamon pour Lydias, puisque cette belle Nymphe qui se vante d'auoir si bonne veuë, a pris depuis Lydias, pour Ligdamon. A ce mot Amasis luy redit vne partie de ce qu'elle deuoit à l'amour & au courage de ce Cheualier, elle luy raconta comme pour la secourir il s'estoit ietté des murailles en bas, & Syluie qui en effect auoit veu que deux Che-? ualiers s'estoient lancez dans le fossé, ne sceut pas plustost que Ligdamon en estoit l'vn, qu'elle l'en ayma dauantage, & se laissa guerir dou-cement de la mauuaise opinion qu'elle auoit au-

C iiį

LA DERNIERE PARTIE D'ASTREE,

parauant conceue de sa fidelité.

D'autre costé Polemas auoit escrit, & parce que la confidence qu'il auoit auec Ligonias ne permettoit pas qu'il luy cachast chose du monde, aussi-tost que sa lettre sut acheuée, il commanda qu'on le fist venir, de sorte qu'estant entré ils s'ensermerent tous deux dans son cabinet, & Polemas qui voyoit que c'estoit presque le seul homme de consideration qui luy restoit, luy sit de si extraordinaires caresses, que Ligonias en demeura comme charmé: En sin Polemas luy presentant la lettre qu'il venoit d'escrire, voyez, luy dit-il, ce que l'escris au Roy, Ligonias alors l'ayant prise, ietta les yeux dessus, & vid qu'elle estoit telle.

#### LETTRE

# DE POLEMAS

### A GONDEBAVT,

ROY DES BOYRGVIGNONS

SEIGNEVR, ce Cheualier que ie Vous enuoye, o qui a pour moy vne fidelité inuiolable, vous parlera du miscrable estat de mes affaires, o vous representera la necessité que i'ay du secours

que vous m'auez promis; i'ay desia fait donner deux assauts, dont le plus auantageux ne m a de rien seruy, car ayant à combattre la valeur de Godomar, il est impossible que ie ne me perde, si vostre authorité ne m'oste l'obstacle d'un si puissant ennemy: si ma perte ne tournoit point au desauantage de vostre Maiesté, ien aurois pas tant de soing de l'euiter, mais puisqu'en me desfaisant on vous oste une couronne, il me semble que le dessein que i ay de destourner ce coup, est d'autant plus iuste qu'il regarde autant vostre interest que le mien. Cette gloricuse ambition qui regne dans le courage des plus grands, ne doit pas estre morte en vous, puisque ne receuant la loy que de vostre espée, vos armes authoriseront tousiours vos actions, & feront treuuer iustes en vostre Maiesté les mesmes choses qui condamneroient un autre de Tyrannie: D'ailleurs, Amasis s'est ouvertement declarée contre vous, & se mocque de vostre puissance, comme si vous n'en aniez pas assez pour la destruire quand il

C m

vous plaira: Son offense qui n'est pas moins punissable qu' vn blaspheme, car les Roys sont Dieux de la terre, ne merite pas vn moindre chastiment que la colere de V.M. qui luy fera sentir la pesanteur de ses foudres par les victoires dont se chargera l'armee que ie vous demande, & dont ie me seruiray pour auoir la gloire de tenir de vous vn sceptre, qui se la sant de n'estre souste mieux d'estre compagnon d'vne lance, que d'vne que nouille.

Ligonias ayant acheué de lire cette lettre, la ferma & la cacheta des armes de polemas, & luy ayant promis de faire la plus grande diligence qu'il luy seroit possible, se retira pour partir auec Alerante de bon matin.

D'autre-part Amasis voulant donner quelque temps à ses affaires particulieres, bien que la nuict sut dessa vn peu auancée, se retira dans son cabinet auec Godomar, Adamas, Damon & Alcidon, & leur ayant proposé la resolution qu'elle auoit saite d'enuoyer encore quelqu'vn à Lindamor, asin qu'en cas qu'il arrivast quelque malheur à Fleurial, ce Cheualier put assure.

ment auoir de ses nouuelles; le Prince & les autrestreuuerent son dessein fort bon, & luy dirent que le plus promptement qu'il pourroit estre executé seroit le meilleur pour elle. Vne chose la tenoit en peine, c'estoit de sçauoir à qui l'on donneroit cette commission, à cause du peril qu'il y auoit de trauerser l'armée de Polemas, mais Godomar l'ayant priée de faire la depesche promptement, luy dit qu'elle se mit l'esprit en re-pos sur ce sujet, & qu'il luy donneroit vn Cheualier, qui feroit sans doubte heureusement ce voyage. Ainsi cependant qu'Amasis escriuit, Godomar enuoya querir Philiandre qui estoit vn Chevalier extremément rusé, homme de fort bon esprit, & qui auoit cognu Lindamor dans l'armée de Clidamant, dont il n'estoit de retour que depuis la mort de ce ieune Prince: il luy communiqua l'intention de la Nymphe, & Philandre qui ne desiroit rien auec plus de passion que de luy rendre quelque service considerable, se pre-para d'executer ses commandemens; la premiere chose qu'il fit ce fut de quitter ses habits pour prendre ceux d'vn paysan, & ayant eu la lettre d'Amasis, il cacha soubs vne petite piece de cuir qu'il fit attacher à l'vn de ses souliers, & puis la couurir de deux ou trois petits clouds, il enferma aussi auecque elle vn diamant, & s'estant fait descendre par vne corde dans le fossé, il se barboüilla de bouë tout le visage, & puis s'estant frotté d'herbe, il se changea tellement le teint qu'il n'e,

42 LA DERNIERE PARTIE D'ASTREE,

stoit plus cognoissable.

Aussi-tost qu'il fut hors du fossé, il commenca de marcher comme s'il eust eu vne iambe cassée, & parce que la nuict estoit dessa assez auancée, & que les affaires de Polemas estoient en vn extreme desordre, tant à cause de ce qu'il auoit esté repoussé, que de la prise de Peledonte, il fut longtemps sans qu'aucun de son armée prist garde à luy. En fin il sur rencontrée par dix ou douze homes bien montez, à qui Polemas auoit donné charge de battre la campagne de peur qu'on fist quelque sortie qui le surprist, & soudain qu'ils l'eurent apperceu, ils l'enleuerent de force, & l'ayans mis en croupe, se mirent en deuoir de le mener à Polemas; soudain que le rusé Philandre se vid en cet estat, ie vous iure, dit-il, que ie vous ay vne grande obligation, puisque sans le secours que ie reçois de vostre bonté l'eusse esté long-temps sans pouvoir arriver où vous me conduisez; disant cela il laissoit aller son corps tantost d'vn costé tantost de l'autre, comme si iamais il n'eust esté à cheual: son peu d'adresse incommodoit extremément celuy qui le conduisoit, de sorte, qu'apres luy auoir dit deux ou trois sois de se bien tenir, & voyant qu'il n'en pouuoit venir à bout, il luy porta le coude contre l'estomach, & le fist glisser insqu'en terre, où si-tost qu'il eust les pieds, il se laissa cheoir à la renuerse, comme s'il eust esté mort. Que voulons nous faire, dit

celuy qui l'auoit fait tumber, de cet ignorant, qui prend pour vn office de charité ce qui auroit esté capable de faire mourir de peur vn autre qui n'eust pas esté si innocent que luy? N'importe, respondit vn de ses compagnons, puisque nous l'auons pris il faut acheuer de le conduire, & quelque innocence que nous reco-gnoissions en luy, elle ne laisseroit pas de nous rendre coupables, & peut-estre suspects enuers Polemas de quelque espece de trahison. A ce mot trois de la troupe descendirent, & ayans releué Philiandre qui crioit comme s'il eust esté tout moulu, ils le remirent en croupe d'vn quatricsme, & puis ayants deffait deux licols de leurs cheuaux, 'de l'vn ils luy lierent les iambes sous le ventre du cheual, & l'autre ils le passerent foubs les bras de Philiandre, & l'attacherent en ceinture à celuy qui l'auoit receu derriere foy. On ne l'eut pas plustost mené deuant Polemas, que voyant quantité de chaires de velours dans la chambre, il s'assit sur l'yne,& feignant parfaitement bien vne douleur, & vne lassitude extreme, qu'on m'a bien fait payer, dit-il, auec vne voix fort triste, la courtoisie que l'ay receuë, puisque ie suis si brisé d'auoir esté sur cette grande beste, que ie ne puis plus me soustenir: Vrayement adiousta-til, en seichant ses larmes auec la manche de fon pourpoinct, & regardant Polemas auecque vn sousris tout plein d'innocence, il s'en

LA DERNIERE PARTIE D'ASTREE, faut beaucoup que nos Bœufs & nos Asnes aillent si viste, autrement nos terres ne cousteroiet pas tant à labourer: polemas ne pust s'empescher de rire, quelque peu de volonté qu'il en eust, voyant la froideur auec laquelle il estoit allé chercher la commodité de ce siege, & se laissanttoucher à la compassion, defendit que personne luy fist du mal, mais voulant en prendre passetemps, il fit approcher vn des flambeaux, & puis l'ayant bien consideré, luy demanda d'où il venoitie viens, respondit philandre, de Marcilly, où i'ay eu plus de peine en deux iours que ie n'en auois eu en toute ma vie, car on m'a fait tenir durant tout ce temps-là, vn grand fer crochu attaché au bout d'vn grand manche long, & ou il y auoit plus de clouds qu'il n'y en a dessous de mes souliers: & bien, adiouta polemas, comment va Marcilly ?ie ne sçay, respondit-il, maistant que i'y ay esté, il a demeuré en vne mesme place; comment si porte-ton? reprit polemas, il me semble, repliqua philiandre, tenant la veuë baissée, & se iouant auec les bords de son chappeau, qu'on ne s'y porte pas autrement qu'icy, & que chacun y va sur sesiambes: mais, dit polemas en continuant,& se faisant vn peu deforce pour s'empescher de rire, comment as-tu fait pour en sortir?il faut que vous sçachiez, respondit le paysan, qu'on m'auoitmis dans vne petite maison ronde, qui est au milieu de beaucoup de petites choses de pierre qui sont sur les murailles, & qui sont faites

comme des fenestres; & celuy qui me vint mettre-là me dit que ie regardasse bien de tous costez, & que si ie voyois approcher quelqu'vn ie fisse vn certain signe pour aduertir; deslors ie me mis à regarder fort curieusement, & quand ie luy eus dit que ie ne voyois que luy, ce n'est pas tout, adiouta-til, il faut que tu demeures icy iusqu'à ce que ie te vienne querir, ainsi ayant promis de l'attendre, il s'en alla & me laissa seul auec cette grande piece de fer dont ie vous ay parlé: quand l'eus demeuré-là long-temps, certes ie creus qu'il ne reuiendroit peut-estre de toute la nuict; de sorte que pour l'attendre plus doucement, ie me mis à dormir tout mon saoul: or ie ne sçay ce qui estarriué depuis, ny par quel malheureux accident ie suis sorty du lieu où cet homme m'auoit mis, tant y a, que tout à coup m'estant esueillé, ie me suis trouué sous les murailles, mais auec vne si grande douleur de tous mes mebres, que ie serois bien-heureux si ien'auois ny iambes ny bras, philiandre disoit toutes ces choses auec vne grace nompareille, quelquefois roulant les bords d'un vieil chappeau qu'il portoit, & quel-quesois passant deux doigts par un grand trou qui estoit au dessus, sans toutesois quitter iamais son siege, duquel il sembloit qu'il eust pris vne eternelle possession: & polemas regardant tout cela, faisoit des esclats de rire si hauts, qu'il conuioit tous ceux qui estoient aupres de luy d'en faire de mesme: & comme il sçauoit assez bien les

LA DERNIERE PARTIE D'ASTREE, maximes de la guerre, il entendit tout le discours que Philiandre auoit fait, il coprit facilement que par cette maison ronde, il entendoit parler d'vne tour, que ces fenestres estoiet les creneaux, & qu'y ayant esté mis en sentinelle, on l'auoit ietté du haut des murailles en bas, pour l'auoir surpris endormy; & ce qui ayda parfaitement à le tromper, ce fut qu'il sçauoit fort bien qu'il estoit entré au commencement dans Marcilly quantité de Villageois, dont l'esprit bas & peu entendu en semblables matieres, estoit capable de faire vn tel manquement. Cela rendit plus forte la pitié qu'il eut de l'innocence de ce pauure homme; si bien que luy ayant fait donner vne piece d'argent, & s'estant remis en memoire le trouble de ses affaires, il commanda qu'on le laissast aller. Philandre bien aise de voir reüssir son dessein, sit encore le boiteux comme à l'accoustumée, & payant polemas de deux ou trois reuerences à sa mode, se retira iusqu'à la plus prochaine ville, où dés le lendemain il se pourueut de tout ce qu'il luy falloit pour la continuation de son voyage. Durant toutes ces choses Fleurial auoit fait la meilleure diligence qu'il auoit pu, car ne donnant que fort peu de temps au sommeil, il n'auoit cessé de marcher tout le long du iour, & vne bonne partie de lanuict; de fortune alors il estoit à vne iournée par delà Moulins, & ayant rencontré quantité de solduriers en chemin, il eut assez de curiosité pour s'enquerir d'où ils venoient, ceux qui eu-

tent plus de courtoisse luy dirent qu'ils venoient de l'armée de Childeric, où ils auoient porté les armes sous la charge de Lindamor, & que maintenant ils s'en retournoient parmy les Sebusiens, qui estoit le lieu de leur naissance. Soudain que Fleurial ouyt le nom de Lindamor, il sentit vne secrette ioye, qui luy fit conceuoir vne bonne esperace du succez de son voyage, & s'estant enquis où ce Cheualier estoit, ils luy dirent que dans deux iours il se rendroità Moulins, & qu'ils auoient commandement de l'y attendre; cette responce consola Fleurial infiniment, & pour le pouuoir rencontrer plus assurément il rebroussa chemin, & s'en reuint à Moulins, où Lindamor se tendit au mesme temps que les folduriers luy auoient marqué. Austi-tost que ce Cheualier vid Fleurial il luy demanda la cause de son voyage, & Fleurial luy donnant les lettres d'Amasis & de Galathée, Seigneur, luy respondit il, ie croy que vous en apprendrez mieux les nouuelles par ces papiers que par ma bouche, Lindamor les ayant pris, les baisa mille fois, & puis s'estant retiré en particulier, il ouurit premierement la lettre d'Amasis, & vid qu'elle estoit telle.

## D'AMASIS A LINDAMOR.

T Cus n'auez point receu de mes noul uelles depuis la mort de Clidamant, etoutesfois ie ne rempliray point cette lettre des ennuis où cette douleur m a plongée, ie vous diray seulement que Polemasme tient assiegée dans Marcilly, & que ie suis sur le poinct de voir bien-tost succeder à la perte de mon fils, celle de mon Estat. Lindamor est le seul recours qui me reste parmy tant d'afflictions, luy de qui le courage n'a plus besoin d'vne occupation estrangere, la pouuant auoir si glorieuse dans son propre pays, ie le coniure donc par les larmes, o par les souspirs que ie donné à la memoire de Clidamant, de venir chercher icy les victoires, & donner à sa Princesse la liberté qu' vn subiet rebelle luy dispute.

4

Ah cruel! s'escria Lindamor, si le Ciel ne te punit, il se declara du party des coupables; à ce mot il ouurit la lettre de Galathée, & y trouua ces mots.

## DE GALATHEE A LINDAMOR.

Vand la lettre d'Amasis n'auroit Point de pouvoir sur vous, & que ie serois descheue de l'authorité qu'auttrefois vous m'auez donnée sur vos volontez, ie m'assure que le plaisir que vous prenez à faire des actions glorieuses vous parleroit de nous secourir. Polemas veut triompher de Galathée, sans auoir de meilleur tiltre pour la pretendre que l'iniustice de ses armes: & cependant que Lindamor est occupé à la recherche des lauriers, il tasche de luy rauir les Myrthes dont Amour veut recompenser sa fidelitė: Iugez, mon Cheualier, s'il est de punition qui puisse esga-Dern. part.

10 LA DERNIERE PARTIE D'ASTREE, ler son offense, ny d'interest qui vous puisse estre plus considerable, que celuy de conseruer vostre bien. Venez donc reuoir en mesme temps Polemas & Galathee, luy pour l'empescher de viure, & moy pour m'empescher de mourir : l'vn ne vous sera pasmoins auantageux que l'autre, puis que si vous ruinez cet ennemy, vous sauuerez vne Amante, qui ne perdra pas plustost l'esperance de vostre secours, qu'elle recherchera celuy du fer ou du poison, ne croyant pas les pouvoir trouver sirudes que la presence de Polemas , ou la desobeissance de Lindamor, pensez y donc, mais que dis-ie? venez & à Dieu.

Lindamor leut cette lettre deux fois, puis ayant pensé quelque temps, ouy, dit-il tout à coup, ensonçant son chappeau dans la teste, ouy belle Galathée, i'iray à trauers le ser & les slames, abbatre l'arrogance de ce temeraire: à ce mot, sans perdre dauantage de temps il sit venir deux ou trois de ceux en qui il auoit plus de consiance, & leur ayant communiqué la lettre d'Amasis, il su conclud entr' eux que Lindamor qui auoit donné rendez-yous à ses trouppes dans

Moulins, pour les payer & les congedier, les conserueroit encore entieres, & s'en seruiroit pour faire quelque effort à l'auantage de la Nymphe: le Cheualier trouua que cet expedient estoit le meilleur qu'il eust pu prendre; de sorte qu'ayant payé ses solduriers, & leur ayant demandé s'ils vouloient encore demeurer sous son commandement, il ne s'en trouua pas vn qui n'acceptast cet honneur auec plaisir:en cet estat il resolut d'aller secourir Galathée le plus diligemment qu'il pourroit, & iura de ne dormir iamais d'vn profond sommeil, iusqu'à ce qu'il auroit fait pour cette Princesse quelque action digne de sa valeur: Mais il eust fallu que son repos eut esté bien petit, s'il n'eust surpassé celuy que Polemas eut durant ce temps-là; & particulierement la nuict de la prise de Peledonte, car bien qu'il se fut mis au lict pour tascher de dormir, il luy sut presque impossible de fermer les yeux, à cause qu'en vn mesme temps il se trouua accablé de tant de sujets d'inquietude, que deuant qu'il pust mettre son esprit hors de ces fantaisses, la nuict sut presque passée.

La Lune estoit fort claire, ce qui sut cause qu'Astrée s'estant esueillée vn peu apres le milieu de la nuict, & ne pouuant se rendormir, mit vne iuppe sur elle, & s'en alla à la senestre pour se diuertir; aussi-tost qu'elle y sut, elle se mit à resuer vn peu, puis tout à coup, pour le moins, dit-elle, si comme cette nuict ne sera pas

LA DERNIÈRE PARTIE D'ASTREE longue, la mienne ne deuoit pas durer eternel lementie serois en quelque façon consolée; mais ce qui me desespere, c'est que depuis que mon soleil s'est ietté dans l'onde, il n'en est iamais forty: puis tirant vn grand fouspir du plus pro-fond de son estomach, ah Celadon, adioustatelle, est-ce en toy vne marque de hayne ou d'amour de soufsiir que ie viue apres auoir esté la cause de ta mort? helas que c'est bien vne preuue de ta hayne, puis que tu refuses auiourd'huy d'auoir pour compagne dans les champs d'Elise, celle qu'en ce monde tu recherchas auecque tant de passion; mais que c'est bierr aussi vne marque de ton amour, puis que tu fouffres qu'elle t'ayme, & que, par les larmes qu'elle verse, elle saue en quelque saçon la sau-te qu'elle commit contre ta sidelité: à ce mot les pleurs luy coulants le long des ioues, & tumbants à grosses gouttes sur la pierre où elle estoit appuyée, helas mes pleurs, reprit elle, que ne pouuez-vous sur moy ce que Lignon pust sur mon berger, que ne me noyez-vous? Ah que ierecognois bien la cause de vostre impuissance, foibles larmes, vous seichezau seu de mon amour.

Auec de semblables discours elle s'alloit entretenant sur le souvenir de son berger, quand elle prit garde que sa senestre estoit tournée du costé où rolemas auoit donné le dernier assaus; & en cet instant se remettant en memoire le

bon office que Semyreluy auoit rendu, pauure Semyre, dit-elle, que ta mort a bien reparé l'of-fense que tu sis autresois contre mon contentement: puis tout à coup repensant aux dernie-res paroles qu'il auoit proferées, mais adiousta-telle, pourquoy as-tu prié le Ciel de conseruer Astrée à son heureux Celadon? Est-ce point que tu t'es imaginé que ce berger est encore en vie, puis que ie ne meurs point, & que ie suis aupres de luy, puis que ie ne puis meseparer de moy-mesme? encore as-tu eu quelque raison, car s'il est vray que nostre ame soit la meilleure partie de nous, ie puis bien dire que Celadon subsiste en ma personne, puis qu'estant mon ame il est la meilleure partie de la meilleure partie de la meilleure puis qu'estant mon ame, il est la meilleure partie de moy : ou bien ne seroit-ce point qu'abusé de la ressemblance d'Alexis, tu l'as prise pour mon berger? si cela est, plust au Ciel que ces mesmes traits qui sont cause que tu t'estrompé me puissent tromper aussi, & que ie ne susse point si assurée qu'A-lexis est veritablement sille d'Adamas, qu'il ne me restast encore quelque doute qu'alexis pust estre Celadon! Mais helas! ie ne sçay que trop, pour mon contentement, que Celadon est mort, & ie n'ay pas si peu de memoire de ses saueurs, que ie ne me ressouuienne bien qu'il m'a fait voir son Ombre. Pourquoy donc Semyre, qu'en ce poinct ie puis appeller cruel, as tu pris plaifir de me mettre en peine? Veüille le Ciel, as-tu dit, conseruer astrée à son heureux Celadon: si

D iij

54 LA DERNIERE PARTIE D'ASTREE, personne n'est heureux qu'apres le trespas, puis que Celadon est heureux il s'ensuit (comme il est vray) qu'il n'est plus en vie, s'il ne vit plus, comment puis-ie estre sienne si ie ne meurs ausfi-bien que luy? Peut-estre, & ie le croy parfaitement, as tu voulu dire que le cœur de Celadon & le mien n'estans auiourd'huy qu'vne mesme chose, le Ciel me conseruera pour luy, s'il permet que ie ne reçoiue iamais dans mon ame l'impression d'autre obiect que du sien, que si ç'a esté la ta pensée, dés maintenant Semyre sois assuré que ta requeste est accordée, & que mesme quand le Ciel l'entreprendroit, ie ne pense pas qu'il me pust faire brusser d'vne autre flame. Mais, adiousta-telle aussi-tost, pardonnez-moy valeureuse Alexis, si ie me repais si longuement de ces vaines fantaisies, & si le plaisir que ie prends à me souvenir du nom de ce berger, me fait perdre en quelque façon la me-moire de ce que ie vous doibs, la cause de ces resueries m'est si douce, que ie puis iurer auec-que verité n'auoir que deux contentemens au monde, celuy d'y penser & de vous voir. Astrée tint encore quelques semblables discours, apres lesquels voyant la nuiet presque passée, & cognoissant à ses yeux qu'elle n'auoit pas assez dormy, elle s'alla remettre aupres de ses compagnes, où elle receut insensiblement le Som-meil, qui ne la quitta qu'apres que les premiers rayons du Soleil, (ialoux des contentemens que

ce Dieu goustoit, enfermé dans les plus beaux yeux du monde) entrerent dans la chambre

pour l'en faire sortir.

Hylas d'autre costé qu'Amour vouloit commencer à punir de toutes ses legeretez passées, s'estonna qu'vn iour d'Esté pust estre suiuy d'vne si longue nuict, & se treuua remply de tant d'inquietude, qu'il luy sembloit ne rencontrer que des espines en quelque lieu du list qu'il esperast treuuer le repos; il se tourna cent sois d'vn costé, & cent sois de l'autre, & par tout il se voyoitsi dissemblable à soy-mesme, qu'il se fust mescognus'il eust creu qu'vn autre eust pu souffrir vn ennuy pareil à celuy qui le tourmentoit. Cognoissant donc le peu d'esperance qu'il auoit de se pouuoir endormir assez tost, Voy, dit-il en luy-mesme, & depuis quand ayje appris à souspirer durant la nuict, pour des obiects dont ie n'ay fait que rire durant le iour? Quelque demon me represente Stelle plus aymable qu'elle ne fut iamais, afin de m'en faire treuuer les charmes plus puissants, mais elle n'aura iamais assez de force pour empescher que ie ne l'oublie quand il me plaira de ne m'en plus souuenir; vrayment Stelle, continua-til, se tournant vn peu sur le costé auec vn sousris, qui tenoit ensemble du mespris & de la colere, quand vous n'auriez en toute vostre vie commis d'autre crime que celuy d'auoir empesché mon repos, il est assezgrand pour faire que ie ne vous

D iiij

LA DERNIERE PARTIE D'ASTREE, 56 ayme plus. Puis s'imaginant de parler à elle, & fortant vn bras hors du lict; commencez donc Stelle, adiousta-til, la congediant auec la main, commencez de bonne heure à chercher party, pour moy ie sçay bien que ie seray bien-tost logé, & que ie ne manqueray pas de maistresses qui me laisseront pour le moins dormir. Si l'a-uois si longuement veillé pour toutes celles que l'ay aymées, il y a long-temps que l'aurois per-du le iugement, & que l'aurois mis Godomar en peine de plater le cloud aussi bien pour moy, que pour Adraste & pour Rossleon, mais les Dieux en soient louez, i'ay tousiours esté deliuré de cette solicitude, & insqu'à maintenant ie nesçache pas vne fille de cent que l'ay aymées, qui m'ait donné du soucy seulement vn quart d'heure : à ce mot il s'arresta vn peu, puis tout à coup, en verité Stelle, dit-il en fin, vous seriez bien plaisante si vous pretendiez d'auoir plus d'authorité sur moy que n'en ont eu toutes ces beautez, & si vous ne croyez pas que comme ie les ay toutes quittées pour l'amour de vous, ie vous quitteray de mesme pour la premiere de qui l'humeur ou le visage me paroistra plus agreable que le vostre.

Hylas faisoit tous ces comptes à part soy, bien resolu de donner congé à cette Bergere, ou de le prendre la premiere sois qu'il la rencontreroit, mais aussi tost se reprenant, quoy, dit-il, Hylas, souffrirois-tu donc qu'vn autre se rendit

maistre de ce que tu possedes auiourd'huy, & qu'il iouyst à son ayse de toutes les graces que cette fille te reserue? Disant cela, il ressentoit dans son ame de petites pointes de ialousie qui n'estoient pas vne soible marque pour monstrer qu'il estoit viuement touché; non, non, adioustoit-til croyons qu'apres Stelle personne au monde n'est digne de nous, & que c'est seulement pour elle que les Dieux ont permis que Carlis, Stilliane, Cloris, Florice, Chryseide, Philis, Laonice, & tant d'autres ayent manqué d'appas, & n'ayent pas eu des charmes assez forts pour me retenir longuement en leur seruice; toutefois, disoit-il apres, si toutes les nuicts qui me restent iusqu'à la possession de ce bien, deuoient estre esgales à cette cy, Stelle seroit bien-tost sans seruiteur, & moy sans maistresse; c'est pourquoy, pour ne se mettre point au hazard de la quitter à ce prix là, il vaut mieux rompre de bonne heure, & chercher chacun son auanture, cependant qu'elle & moy nous portonshien.

Celle-là fut la derniere resolution qu'il fit, apres laquelle le sommeil luy serma les yeux, & luy ouurit l'esprit à toutes sortes de resueries, il luy sembla cent sois que Stelle estoit bien aise qu'il eust fait dessein de ne la plus seruir, & qu'elle luy tesmoignoit d'auoir plus agreable le seruice d'yn autre que le sien; & pourtant, quelque resolution qu'il eut faite de ne s'en mettre

point en peine, & de la laisser libre en ses volontez, selon les conditions qui estoient entr'eux, cela ne pouvoit empescher qu'il ne ressentis son changement, & qu'il ne s'assigneast de son indifference; de sorte que s'estant esueillé le matin, ayant encore quelqu'vne de ces pensees dans l'esprit, il souspira ces vers.

## SONNET.

Vels tourments autourd huy sont aux mies comparables?
Les Dieux pour m'assister deutennent impuissants,

Et ie ne trouue plus aux douleurs que ie sens Le repos que la nuict donne aux plus miserables.

Fantosmes importuns, songes espouuantables,

Pourquoy vous plaisez vous à trauailler mes

Si vous traittez ainsi les esprits innocents, Quels bourreaux estes-vous dans l'ame des conpables.

Stelle ie n'en puis plus, un presage fatal Te presente à mes yeux dans le bras d'un brus tal

## Livre PREMIER.

Qui triomphe de toy cependant que ie songe:

Nosloix excuseroient ton infidelité, Mais sçachant que ie meurs pensant à ce mensonge, Luge si' en pourrois souffrir la verité.

Hylas n'eut pas plustost finy ces vers, que voyant qu'il estoit dessa grand iour il s'habilla, & ne croyant pas que Stelle sut encore en estat d'estre veue, il descendit dans le iardin de Clin-

dor pour se diuertir vn peu.

D'autre costé Phocion qui mouroit d'impatience de voir Astree, fit aduertir Stelle & Celidee qu'il alloit chez Adamas, cela sut cause qu'elles se resolutent d'y aller auecque luy; & ainsi, sans qu'Hylas en sut aduerty elles partirent auec Thamyre, Lycidas, & les autres qui les accom-

pagnerent en la maison du Druyde.

Alcandre cependant n'oublia pas le dessein qu'il auoit sait d'offrir son prisonnier à la Nymphe; de sorte qu'il pria Adamas de sçauoir d'Amass si elle l'auroit agreable, ce que le Druyde ayant executé il levint retrouuer, & luy redit les discours que la Nymphe luy auoit tenus, il luy dit les extremes ressentimens qu'elle auoit tesmoignez pour les obligations qu'elle auoit son courage, l'imparience où elle estoit de l'en pouvoir remercier, & en fin le desir qu'elle auoit de recognoistre tant de bons offices, & particu-

lierement celuy par lequel il remettoit Peledonthe à sa discretion, il luy raconta les suiets qu'auoit Amasis de le faire punir, puis qu'estant son
vassal, il s'estoit pourtant separé de son service,
& auoit assisté Polemas en sa rebellion: & pour
conclusion il pria Alcandre de la part d'Amasis,
qu'il trouuast bon que la iustice en sust faire, &
que par le chastiment qui seroit imposé à la personne de peledonte, les autres apprissent à se
tenir dans les termes de leur deuoir.

Alcandre qui n'auoit rien de si cher que les interests d'Amasis, ny rien de si considerable que ce qui regardoit sa conservation, consentit à tout ce qu'elle voulut & remit, bien qu'auec vn peu de regret, peledonte entre les mains d'Adamas, aussi tost il sut conduit dans le mesme cachot, où peu de temps auparauant Climanthe auoit rendu le dernier souspir; & là, le Druyde l'ayant fait charger de fers, il le laissa auec de si fortes impressions du supplice qui l'attendoit, qu'à peine que la seule horreur d'y pensernele fist desia mourir; en cet instant il se mit à songer au crime dont il estoit coupable, & la cognoissance qu'il eut de sa faute empescha qu'il n'accusast le Ciel du miserable estat où il se voyoit reduit: la mort se presenta à luy en mille formes, & la moins hideuse luy parut si effroyable, qu'il eust entrepris l'impossible pour s'en pouvoir deliurer: son esprit en demeura si troublé, que peu s'en fallut qu'il ne se perdist entierement, & ce

quiluy resta de voix ne seruit qu'à vomit des iniures contre Polemas, dequoy il l'auoit embarqué au soustien d'yne querelle si peu iuste. Durant qu'il faisoit tous ses regrets, sa pensee alloit tousiours resuant sur les moyens qui le pourtoient ayder à sauuer sa vie; & en fin la hayne qu'il auoit desia conceue contre polemas, ou, peut-estre, les Dieux qui ne vouloient pas que ses iours eussent vne fin honteuse que celle qui estoit preparee à sa desoberssance, luy sournirent d'vne invention, qui luy sembla d'abord si fauorable, qu'auec vne tres-grande impatience il demanda de parler à Adamas: le Druyde ne fut pas plustost aupres de luy, que reledonte luy tint ce discours; Mon pere, l'aduouë que la faute que l'ay faite de seruir polemas contre Amasis, ne sçauroit estre assez rigoureusement punie, mais si vous considerez cobien grande est la foiblesse des humains, vous trouuerez qu'il eust esté difficile que l'eusse resisté sux grandes promesses, & aux protestations qu'il me saisoit de mettre ma fortune au plus haut poinct où ie l'eusse pu desirer, ie ne dis pas cela pour me descharger, ny pour me deliurer du chastiment que ie merite, ouy bien pour vous faire cognoistre que ie n'ay pas tant failly par inclination; que par vne espece de violence dont il a vsé pour me faire oublier mon deuoir: Or mon pere, ie sçay que les Dieux, qui ne sontiamais sourds à nos prieres; pardonnent quelquefois les plus cruelles of62 LA DERNIERE PARTIE D'ASTREE; fenses,& sur tout, quand celuy qui les a commil ses se met en estat d'en faire la reparation : c'est ce qui me fait esperer, que si vous ne me resusez pas vostre intercession, ie pourray obtenir le pardon de mon crime, quelque enorme qu'il soit, puis que mesme l'ay dequoy le reparer auec auantage, & que ie puis empescher par vn seul aduis, vne action d'où depend infailliblement la perte ou le salur de la Nymphe. Adamas ouyt tout le discours de Peledonthe sans l'interrompre, & se souvenant en quelle consideration ce Cheualier estoit aupres de Polemas, il creut bien, qu'il pourroit descouurir quelque secret, qui seruiroit à la conseruation de la place; toutefois doutaut encore si ces paroles ne naissoient point de quelque artifice dont il se voulust seruir pour prolonger le terme de son supplice, il demeura quelque temps sans rien dire, & Peledonthe reprenant la parole, mon pere, continua-t'il, si l'on m'assure de la vie, c'est sans doute que ie puis ce que l'ay dit, mais s'il est impossible que mon malheur flechisse l'ame d'Amasis, ie proteste qu'il ne sera jamais de gesne ny de torture qui arrachede ma bouche ce secret dont ie vous ay parlé. Peledonthe profera ces dernieres paroles auec vne resolution extreme, & Adamas qui cognoissoit le courage de ce Cheualier, & qui commençoit d'auoir queique compassion de son insortune, Amasis, luy respondit-il, n'a pas vn cœur derocher, ny vne ame si mescognoissante, que si vous la guarantissiez de quelque peril euident, elle ne sçache bien mesurer la recompense au bien-fait, c'est pour cela que vous deuez esperer beaucoup de sa misericorde, & dire librement ce que vous sçauez à son auantage, car c'est sans doute que cela pourra grandement seruir à la grace que vous voulez que sa pitié vous accorde. Mon pere, reprit Peledonthe, le seruice que ie luy rendray est le plus grand qu'elle puisse iamais receuoir de personne, puis qu'il est tres-certain que si ie ne susse iamais tumbé dans l'extremité où ie suis, ou qu'y estant ie voulusse mourir dans l'obstination de luy nuite, il seroit entierement impossible qu'en moins de huict ou dix iours la ville ne fust à la mercy de Polemas: Vrayment, dit le Druyde, si ce que vous dittes est vray, la Nymphe doit donner la vie à celuy qui prend le soing de conseruer la sienne, & si vous pouuiez auoir assez de confiance en moy, i'oserois vous promettre en foy de Druyde qu'elle vous l'accordera, pourueu que vous fassiez voir la preuue de ce que vous auez proposé: Vostre parole, mon pere, respondit Peledonthe, m'est aussi saincte que celle de la Nymphemesme, & sur l'assurance que vous me donnez, ie ne feray nulle difficulté de vous descouurir vne trahison qui reussiroit sans doubte à la consusion d'Amasis si vous n'y mettiez bienoft du remede. A ce mot Peledonthe sçachant bien qu'Adamas pouuoit tout dans Marcilly,

64 LA DERNIERE PARTIE D'ASTREE, luy declara en peu de mots la perfidie de Meronte, & le dessein qu'il auoit fait d'introduire pardessous terre, polemas & toute son armée; il luy dit que dés la nuict mesme cette ruse deuoit estre commencee, & qu'il le recognoistroit à vne petite lumière qui paroistroit aupres du fossé, dans vne tente que polemas feroit dresser. Soudain qu'Adamas eut oûy ce discours, il en demeura comme rauy, ne se pouuant imaginer que Meronte eust esté capable de faire vne si grande trahison, puisque mesme la bonté d'Amasis luy auoit sié la garde d'vne des portes de la ville, toutefois le terme d'en pouvoir faire l'experience n'estant pas beaucoup esloigné, il se disposa d'attendre ce qui en arriveroit, & dit adieu à reledonte, luy ayant iuré encore vne fois que si son aduis estoit bon, il obtiendroit de la Nymphe non pas seulement la vie qu'il demandoit, mais encore vne recompense digne d'vn sinotable service.

Cependant phocion estoit arriué au logis d'Adamas, & ne l'y ayant pas treuué s'en estoit allé dans la chambre d'Astrée, où Celidée, Stelle & les autres ne surent pas plustost entrées que cette Bergere les caressa comme si elle eust esté dix ans sans les voir : Bien tost apres Alexis les enuoya querir, & bien qu'Adamas n'eust pas beaucoup d'enuie qu'il se laissaft voir, tant à cause de ses blessures, que de la crainte qu'il auoit qu'on la recognust, elle auoit toutesois si bien

bien repose, & ses playes luy faisoient alors si peu de mal, qu'il luy fut impossible de demeurer plus long-temps hors de la presence d'Astree. Ces bergers donc, & ces belles bergeres, s'en allerent dans la chambre d'Alexis, où ils n'eurent pas demeuré demie heure s'entretenans des obligations qu'Astree auoit au courage de la feinte Druyde, qu'Hylas entra; ce berger auoit esté grandement surpris de ne treuver plus Stelle en la maison de Clindor, mais ayant sceu qu'elle auoit suiuy Phocion, il se disposa de l'aller voir où elle seroit; ainsi ayant appris qu'elle estoit chez Adamasil y alla; & dés qu'il fut vn peu auant dans la chambre d'Alexis, il s'arresta tout court, puis regardant toute la compagnie, il demanda froidement si on le cognoissoit; les bergeres luy ayans respondu qu'ouy; en verité, dit-il, ie m'en estonne, car ie suis bien changé depuis hyer, & de fait, continua-til, ne voyez-vous pas que ie porte sur mon visage toutes les marques de la mort? Stelle qui rioit de sa froideur, voyant qu'il auoit l'œil arresté sur elle, creut que c'estoit à elle à respondre, aussi elle luy dit; certes mon seruiteur, vous ne deuez pas vous estonner de vostre changement, car il vous est assez ordinaire, mais ie suis bien en peine de remarquer sur vostre visage quelques traits de mort, puis qu'on nous la depeint extremement passe, & que ie ne vous vis iamais plus rouge? C'est, adiousta

Dern.part.

66 LA DERNIERE PARTIE D'ASTREE,

Hylas, que ie rougis de honte dequoy ie vous ay voulu dubien; cette mesme raison ne me sera point rougir, repliqua Stelle vn peu esmeuë, car il est vray que ie ne vous en voulus iamais: la colere où vous estes, reprit Hylas, n'est pas vne preuue de vostre indifference? elle lesera donc de mon mespris, respondit-elle, s'il est vray toutesois que si peu de chose qu'Hylas me puisse mettre en colere. Toute la compagnie sur extremement surprise de la promptitude de ces nouueaux amants, & d'autant mieux qu'il estoit impossible de deuiner la cause de leur querelle, si bien que pour n'en estre plus tant en peine, Astree s'adressa à Stelle & luy dit, en la mauuaischumeur où ie vois Hylas, ie n'oserois parler à luy de peur qu'il se faschast contre moy, mais ne croyant pas que vous soyez si facile à vous offenser qu'il tesmoigne de l'estre, ie vous supplie Stelle, de nous dire quel sujet de mauuaife satisfaction vous luy pouuez auoir donné? fans mentir, dit Stelle, i'en suis plus ignorante que vous, & c'est ce qui me desplaist de cognoistrequene pouuant treuuer de legitime pretex-te pour me quitter, il se veut attaquer à mon innocence: Astree & les autres recognurent bien que Stelle en parloitselon sa pensee, toutesois ne pouuants pas se persuader que la legereté d'Hylas fut si gradeque de vouloir rompre auec vne fille sans quelque petite apparence de rai-son, Philis se hazarda deluy dire, encore saut-il

Hylas que nous sçachios la cause de vostre courroux, si ce n'est que vous ayez auiourd'huy resolu de desobliger toutes les filles ? Belle Philis, respondit l'inconstant, ma colerene va pas, insqu'à vous, elle ne passe pas Stelle, & dés que ie ne me souviendray plus d'elle, ce qui serabien-tost, iene me souuiendray pas d'auoir iamais esté fasché; vous courrez bien, dit Stelle en l'interrompant; si vous allez plus viste quemoy, carie proteste que desia il ne me semble pas que ie vous aye iamais veu, n'importe, reprit Hylas, que l'aille viste ou non, pourueu que l'arriue où ie desire, c'estassez: tout cela, dir Philis, ne nous enseigne pas ce que nous voulons sçauoir? Belle Bergere, adiouta Hylas, ie vous en puis dire la verité en fort peu de mots, c'est que cette fille que vous voyez, continua-til, montrant Stelle, n'a pu souffrir que i'ayereposé toute la nuict: ô Dieux, dit Stelle, quelle impudence, ne dira til point encore que ie le suis allé voir cependant qu'il estoit couché, ouy, ouy, respondit il, ie diray que vous y auez esté, non pas vous proprement, mais vostre image, qui s'est logee si auant dans mon esprit, & s'y est tellement opiniastrée, que quelque combat que l'aye rendu, & quelque effort que l'aye sait, il m'a esté impossible de l'en faire sortir. Stelle qui s'attendoit d'ouyr quelque chose qui la deust offenser, oyat en fin qu'il ne se plaignoit que de son image, & qu'il ne l'accusoit que d'vne chose où sa pesée mesme n'auoitrien

68 LA DERNIERE PARTIE D'ASTREE,

contribué, se mit à rire d'autant plus fort, que toute la compagnie n'auoit pus'en empescher, dequoy le berger se sentant picqué, & bien, ditil, haussant & baissant la teste deux ou trois fois, riez bien Stelle de ce premier mal que vous m'auezfait, ie iure par moy-mesme, car c'est la seule personne que l'ayme maintenant, que vous n'aurez iamais plus sujet de rire de nulle douleur que vous me fassiez ressentir: Hylas disoit cela auec vne froideur incroyable, & Stelle riant encore plus fort, & tesmoignant par ses actions qu'elle avoit de la peine à rauoir sa parole, ie vous proincts berger, dit elle, à mots entrecouppez, que ie seray tres-aise de ne vous faireiamais ny bien ny mal, & que ce sera le moindre de mes foings de penser seulement que vous soyez au monde. L'inconstant n'ouyr pas ces dernieres paroles, pource qu'il auoit commencé de se pourmener par la chambre, s'amusant à resuerassez profondement: en fin s'estant allé asseoir aupres du liet d'Alexis, il entendit qu'Aftree luy disoit, mais, Hylas, à quoy pensez-vous: ie songe, respondit-il, à qui ie donneray le cœur que ie viens de retirer des mains de Stelle, & ce qui me trauaille d'auantage, c'est qu'en verité je ne cognois point de fille qui le merite mieux; yous ne pouuez donc mieux faire, dit Celidee, que de le redonner à elle mesme, & ie m'assure qu'elle ne fera pas difficulté de s'en charger encor yn coup, car on sgait bien que

quand elle en auroit encore cent pareils, elle n'en marcheroit pas pour cela plus pesamment; vostre conseil me plaist, repli qua le berger, comme estant selon mon inclination : disant cela il se vint ietter à genoux aux pieds de Stelle, & luy prenant la main auecque force, & la luy baisant, Belle Bergere, luy dit-il, si nos loix & nos conditions estoient tyranniques, il y auroit de l'iniustice à les obseruer, & ie croirois auoir failly. contre vous dés le moment que je les mettrois en vsage, mais puis qu'elles ne tendent qu'à la liberté, & que vous mesme les auez establies, il me semble qu'auecque raison l'on ne me peut condamner si ieles ay pratiquées : Or ma Maistresse, par la mesme loy qui in'a permis de reprendre mon cœur, il vous est ordonné de le receuoir, maintenant que ie vous le redonne, & que ie vous iure par la Lune, par les vents, & par toutes les ondes de la Mer, que iene l'en retireray iamais; à ce mot Hylas luy rebaisa la main, & Stelle apres auoir fait semblant de ne vouloir plus de luy, fut en fin contrainte de le remettre en grace, toute la compagnie l'ayant condamnée à cela.

Durant tous ces discours Celadon n'auoit osé parler, de peur que cela luy causast quelque incommodité, mais il ne laissa pas de prendre beaucoup de plaisir en tout ce qu'Hylas auoit fait: Diane seulement & Syluandre ne tesmoignoient de la soy eque pour mieux cacher

LA DERNIERE PARTIE D'ASTREE, leurs ennuys, car en effect leur ame en estoit st remplie, que sans l'extreme sorce qu'ils se sai-soient, il n'eust esté personne qui n'y eut pris garde. Il se rencontra heureusement pour eux que presque toutes les senestres de la chambre de Celadon estoient sermees, de sorte que n'y ayant que fort peu de iour, & se voyans essoignez des autres d'vn pas ou deux; Syluandre, pour ne laisser pas eschapper cette occasion d'entretenir sa maistresse, commença de parler en cette sorte; Qu'auez-vous belle Diane, il semble que vostre esprit soit affligé de quelque nouuelle douleur? ma douleur, respondit la bergere, n'est pas beaucoup violente, aussi ne merite-telle pas que nous nous en entretenions, mais ie seray bien ayse de sçauoir d'où prouient que l'ay veu sur vostre visage quelque chose de plus triste qu'à l'accoustumée:mon visage, reprit Syluandre, est plus eloquent que moy, puis qu'il parle mieux de mes desplaisirs, & puisque vous me commandez de vous dire la cause qui les a fait naistre, sçachez ma maistresse qu'ils sont enfans legitimes de vostre mescontentement. I'ay à me plaindre, dit la bergere, de ma mauuaise humeur, puis qu'elle a causé la vostre, & moy, dit le berger, i'ay à me louër de mon humeur, puis qu'elle a suiuy la vostre, & c'est de là ma belle maistresse que vous deuez tirer vne preune de mon affectió & du pouvoir que vous auez sur moy, d'autant qu'il m'est impossible

d'estre que ce que vous voulez que ie sois. Si vostre fortune dependoit de moy, adiousta Diane, & qu'il me fust permis de disposer des sceptres & des couronnes, i'estime tant vostre merite, que ie vous rendrois Monarque de tout le monde: La gloire d'estre vostre esclaue, respondit Syluadre, m'est beaucoup plus chere qu'vn Empire; mais ma bergere, dit-il, en continuant, ne sçauray-je point le suiet de vostre déplaisir? vous ne le sçaurez que trop tost berger, respondit-elle,& pour vostre contentement & pour le mien : le mal qui m'en peut arriuer, dit Syluandre, ne vous doit pas empescher de me le dire, car en l'estat où ie suis, i'ay toutes choses à desirer & n'ay plus rien'à craindre : vagabond incognu, sans support de parens, & sans espoir de receuoir iamais l'accomplissement de mes desirs qu'en la mort, qui est la fin de toutes choses, que veut dire cela, sinon que ie suis le plus mal traitté du destin, que nul homme ne fust iamais, & qu'auecque raison ie puis dire, que les Dieux n'ont plus rien à m'oster que les bonnes graces de Diane ? S'ils ne vous ostent l'amitié que ie vous porte, reprit la bergere, ils vous rauiront pour le moins l'esperance d'en receuoir iamais aucun fruict: car, à ce mot elle s'arresta & fit vn grand souspir, dequoy Syluandre estant fort en peine; eh ma maistresse, luy dit-il, acheuez; la fin de ce discours ne me sçauroit estre plus suneste que son commencement, qui est tout s'ul

E iiij

72 LA DERNIERE PARTIE D'ASTREE, capable de me faire mourir; Car, reprit-elle, Paris ne sera point plustost de retour qu'il espousera Diane; disant cela elle tira son mouchoir de sa pochette, & se tournant de peur que le berger s'en apperceust, se mit à seicher quelques larmes qu'elle n'auoit pu retenir; Syluandre quin'en'auoit pas moins besoin qu'elle, se contraignit pourtant, & recognut bien qu'ayant vne si belle commodité de parler, il n'eust sceu plus mal employer le temps qu'à verser des larmes; il luy dit donc, ce mal-heur dont ie suis menacé par la bouche des Oracles, ne seroit pas entierement sans remede, si l'amour ou la consideration de mes seruices vous pounoit obliger d'auoir assez de pitié pour moy; Diane alors baisfant encore vn peu la voix de crainte qu'on l'ouyst, Berger, luy dit-elle, ie confesse que ie doibs toute sorte d'affection à la bonne volonté que vous m'auez tesmoignée; aussi vous dirayie librement, que celle que l'ay pour vous va iusqu'où l'honneur me le peut permettre, mais considerez ce que ie puis, & vous verrez que si ma mere est resoluë de me donner à Paris, il est impossible que ie luy desobeysse? Elle ne vous y forcera iamais, respondit Syluandre, la vertu de Bellinde repugne à cette tyrannie; mais adiousta Diane, me tesmoignant qu'elle le desire, sa volonté ne me sert-elle pas de commandement? quelque desir qu'elle vous fasse paroistre d'en avoir, repliqua le berger, vostre consente-

ment y sera tousiours necessaire, sans lequel ellene passera iamais plus auant, si vous viuiez pour autruy & non pas pour vous, ie ne condamnerois pas cette pensée, mais puis que vous estes toute seule dans cet interest, & qu'il s'agit de tout le bien ou de tout le mal que vous deuez auoir durant le cours de vostre vie, ie ne doute point que vous ne sussiez blasmable, si vous ne suiviez plustost vostre humeur que cèlle de ceux qui sans cognoistre vos inclinations regarderont plustost à leur commodité qu'à la vostre? Et que voudriez vous que ie fisse, reprit labergere, seroit-il bien seant que l'allasse crier par tout, ie veux Syluandre, ie ne veux point Paris? croyez-moy Berger, l'honneur m'est plus cher que la vie, & quand ie deurois soussirir tous les supplices du monde, l'aymerois mieux les ressentir apresauoir fait mon deuoir, que viure la plus heureuse qui fut iamais, apres auoir manqué d'vn seul poinct à ce que doit vne fille qui a de la vertu? Receuoir vn party, respondit froi-dement Syluandre, ou le resuser, n'est pascapable de perdre la reputation d'vne fille, & quad vous diriez que vous aymez mieux Syluandre que Paris, n'est-il pas vray que vostre affection est née depuis assez long temps pour estre en aage de se sçauoir expliquer? Que si ceux de qui vous dependez soussirent que vous ayezvn goust pour quelques viandes particulieres, ils treuueront bien plus legitime que vous ayez vn

74 LA DERNIERE PARTIE D'ASTREE, choix pour vn homme, aupres duquel vous deuez viure & mourir? Non non, belle Diane, vous n'estes pas de la condition des esclaues, qui n'osent pas dire leurs sentiments, yous pouuez parler en ce temps-là d'autant plus hardiment, que l'affaire ne touche que vous, & que vous ne treuuerez personne qui vous puisse respondre des succez qui vous arriveront; Sylvandre proseroit ces paroles auectant d'amour, que le cœur de Diane s'en attendrit, iusqu'à le tesmoigner pas des larmes, & ce berger voyant qu'elle ne disoit mot, & qu'elle balançoit sur ce qu'elle auoit à resoudre, pour essayer de la vaincre tout à fait, luy dit encore ces mots; quand les Dieux ont dit que ie mourrois, ma belle Maistresse, ils sçauoient bien que vostre rigueur en seroit la cause, iene tarderay guiere à les faire trouuer veritables, puis que ie suis abandonné de ceux quime pouuoient guerir, & que vous qui deuiez faire mourir toutes mes douleurs à leur naissance, refusez de me donner le remede d'vne parole: Voyez ie vous prie quels transports ne me seront point permis, & quelles sureurs ma passion ne rendra pas excusables, puis qu'il semblera que vous ne m'ayez flatté que pour me trahir, & que vous n'ayez esleué mon ambition iusqu'à vous que pour me faire trouuer plus insupportable le regret de ne pouvoir vous posseder, ie ne seray pas marry, continua til, de me voir l'ebjet du mespris de tous les Bergers, puis.

que je le seray de vostre cruauté, mais ie mourray mille fois dequoy ie verray mes ennemis triopher de moy, sans y auoir employé d'autres armes que vostre peu d'amitié? Ah Diane, si vous craignez qu'en aduoüant de me vouloir du bien, on vous blasme d'auoir trop d'amour, pourquoy ne craignez vous de mesme, en ne le faisant pas, que ie vous accuse de n'auoir pas assez de courage? ie cognois bien d'oùme vient ce malheur, c'est que les Dieux ayans destiné de faire voir en moy iusqu'où peut aller leur colere, ont voulu ioindre encore à mes disgraces la perte de vostre affection. Diane alors reprenant la parole, Berger, luy dit-elle, vous pouuez bien me perdre & me voir en la possession de quelqu'autre, mais perdre mon amitié, c'est ce qui ne vous arriuera iamais; la cognoissance que i'ay de ce que vous meritez, & ce que ie doibs à vostre discretion, sont des chaisnes assez fortes pour la retenir eternellement, & les Dieux me soient tesmoins, comme ie desire mieux vous voir contét que ie ne desire de viure, mais peutestre nous trauaillons-nous vainement, cette esperance de vie qui demeure dans l'esprit des plus criminels, ne doit pas estre entierement bannie du nostre, de qui l'innocence n'a iamais fasché le Ciel? Esperons donc Syluandre en la bonté des Dieux & en leur iustice; disant cela ses larmes auoient tellement occupé leur propre passage, qu'elles ne laissoient pas mesmes libre

76 LA DERNIERE PARTIE D'ASTREE, à cette belle bergere l'ysage de la veuë, de sorte qu'elle ne prit point garde, quand Syluandre s'estant panché contre son visage la baisa, luy disant, vous permettrez donc ma bergere, que ce baiser m'inspire la vie que vous voulez que ie conserue? Diane toute surprise luy respondit, Vostre hardiesse me deplaist, souuenez-vous berger, que la discretion & la fidelité sont les seules armes dont vous m'auez vaincuë, & sans lesquelles vostre victoire ne durera pas longtemps; quelque sujet adiousta-telle qui me sasse verser des larmes, ne m'en fera iamais tant respandre que ie ne les seiche bien à meilleur marché; le berger commençoit à luy demander pardon de cette offense quand Adamas entra, si bien qu'elle se hasta de luy dire; le vous pardonne Syluandre, si vous recognoissez que vous auez fait vné faute, où sur peine de ma disgrace, ie ne veux pas que vous retumbiez iamais; à ce mot Diane se leua pour faire la reuerence au Druyde. Adamas ne s'attendoit pas de treuuer aupres d'Alexis vne si grande compagnie, cela sut cause qu'a l'abord il en sut vn peu surpris, toutes ayant consideré que ce n'estoient pas des personnes qui le pussent obliger à vnegrande contrainte, & qu'ils estoient tous de ses amis; il se remit facilement, & ne fut pas marry qu'ils eussent visité Celadon. Apres les premieres salutations il s'approcha du list de la feinte Druyde, & luy dit qu'il estoit temps qu'elle congediast

cette troupe, afin que demeurant seule on eust la commodité de la panser de ses blessures; à quoy Celadon obeyt, & dés qu'il en eut tesmoigné quelque chose à Astrée, à Diane & à Philis, ces bergeres luy dirent Adieu, & s'en allerent dans leur chambre auec tout le reste de la compagnie, où elles ne se separerent point de Celidée, de Stelle, de Phocion de Syluandre, d'Hylas, de Lycidas, ny des autres, qu'il ne sust entierement nuict.

Polemas cependant parmy tous ses mescontentemens n'auoit pas oublié la resolution qu'il auoit prise auec Meronthe par l'entremise de son fils; de sorte qu'à peine le iour eut disparu, qu'il sit porter vne Tente le plus pres qu'il put du fossé,où ayant fait mettre vne lumiere,il donna son cadran à ceux qui deuoient trauailler à la mine,& commanda que dés qu'on verroit paroistre vne autre lumière dans la ville, vis à vis du pauillon, & fort pres des murailles, on mist incontinent la main à l'œuure, ce qui fut executé de poinct en poinct; mais Adamas qui mouroit d'enuie de surprendre Meronthe, & de sçauoir si Peledothe luy auoit dit la verité, n'apperceut pas plustost aupres du fossé le pauillon que Polemas y auoit fait porter, qu'il se douta de leur dangereuse entreprise. Il prit donc vn bon nombre de solduriers, & ayant prié Damon & Alcidon de se rendre au logis de Meronthe, ils n'y furent pas plustost arriuez qu'ils firent rompre la porte,

78 LA DERNIERE PARTIE D'ASTREE, & descendirent d'abord dans la caue, où ce per? fide auoit preparé toutes les choses necessaires. au trauail qu'il auoit desseigné. Le bruit qu'on fit en rompant la porte surprit si sort Meronthe, que lors qu'Adamas sut aupres de luy, il auoit encore sur le visage les marques de la peur que la cognoissance de son crime luy auoit fait naistre en l'ame: & en mesme temps le Druyde se saissifsant de sa personne, Traistre, luy dit-il, c'est donc comme cela que tu gardes à ta Princessela fidelité que tu luy dois? Mon pere, respondit Meronthe, ie suis fort homme debien, & ie n'ay iamais failly contre ce que ie dois à son seruice, les preuues, adiouta le Druyde, en feront assez de foy, disant cela, il le remit aux solduriers qu'il auoitamenez, & puis luy demanda à quel sujet il auoit mis vne lumiere sur l'vne des tours de fon logis; à celail respondit, auec assez d'assurance, qu'il faisoit en ce moment vne action de fidele sujet, puis qu'ayant sa maison si proche des murailles, il tenoit tousiours vn homme dans cette tour, pour remarquer si l'ennemy n'enapprocheroit point, apres cela Adamas luy ayant demandé à quoy servoient quantité de pesses, de pics, & d'autres instrumens qui estoient dans sa caue, il repartit que c'estoient des instruments qu'il auoit accoustumé de tenir aux chaps pour faire trauailler à la terre; mais que s'estant bien douté de la rebellion de Polemas, il auoit fait apporter dans la ville presque tous les meubles

ou'il auoit das ses maisons des champs: le Druyde admirant son assurance à mentir, commanda qu'on le fouillast, par ce qu'il youloit sçauoir s'il n'auoit point sur luy le cadran dont Peledonthe luy auoit parlé, & à peine vn des solduriers eat mis la main dans la pochette de Meronthe qu'il letrouua: si bien qu'Adamas ne doutant plus qu'il n'eust eu volonté de trahir la Nymphe, il commanda qu'on le garrotast, & le sit mener en prison. Alcidon & Damons'estoient aussi saisis de son fils, & luy ayant fait quelques demandes sur les mesmes choses dont Adamas s'estoit enquis, apres l'auoir toutefois separé de la presence de son pere, il setrouua que ses responces auoient si peu de rapport auec celles de Meronthe, que cela seul eust esté capable de les conuaincre de leur meschanceté. Toutesois Adamas voulant que leur propre confession seruist de preuue pour les faire condamner, les suiuit iusquesdans les cachots, où leur ayant parlé de la detention de Peledonthe, & enfin les ayant confrontez, il leur fit aduoiier la perfidie dont ils vouloient vser contre Amasis.

Aussi-tost Meronthe recourut aux larmes & aux supplications, il seietta cent sois à genoux deuant le Druyde, pour faire que la Nymphe leur pardonnast le crime qu'ils axoient commis, maistoutes les marques qu'il donna de son repentir surent inutiles pour toucher l'ame de la Princesse, car dés qu'elle eut ouy leur consession

80 LA DERNIERE PRARTIE D'ASTREE, par le rapport d'Adamas, elle eut tant d'horreur de leur faute, & tant de haine contre leur infidelité, que sans donner aucun lieu à la misericorde, elle commanda qu'à l'instant mesme ils fussent estranglez contre vn poteau, & qu'apres ils fussent pendus sur les murailles vis à vis du pauillon que Polemas auoit fait dresser, afin que cela fust vn exemple memorable à tous ceux. qui voudroient sortir de leur deuoir. Le commandement de la Nymphe fut executé la nuict mesme, & quelque pitié que ce ieune fils mist dans l'ame de ceux qui le deuoient faire mourir, iamais ils ne penserent à son crime qu'ils ne trouuassent iuste le supplice qu'Amasis leur auoit imposé.

Leur mort fut la vie de Peledonthe, car Adamas observa la parole qu'il luy auoit donnée, sous condition toutesois qu'il demeureroit prisonnier iusqu'à ce qu'on eust veu à quoy se termineroient les mauvais desseins que Polemas auoit contre tout ce qui regardoit l'interest de la

Nymphe.

Toutes ces choses se passoient ainsi, durant que Laonice viuoit dans la solitude, où l'Oracle l'auoit conseillée d'establir sa retraitte. Cette bergere ne sut pas plustost partie d'aupres de Thirsis, qu'elle resolut de s'en aller si loing qu'elle pust oublier les froideurs de cet ingrat, & se consoler dans le souuenir de la vengeance qu'elle auoit tirée de ceux qu'elle croyoit estre les autheurs

theurs de son mal; mais Amour qui rioit de ces resolutions qui partoient mesmes de l'esprit d'vne fille, luy rendit si sensibles les apprehensions de cette absence, qu'elle crut veritablement qu'il luy seroit impossible de ne mourir point essoignée des lieux ou viuoit son berger, ou plûtost son ame; elle changea donc le dessein qu'elle auoit fait, & rebroussant chemin s'en vint droit à Mont-verdun, où elle sit ses vœux, & supplia la Deité du lieu qu'il luy plust de luy donner quelque esperance de guerison par la bouche de son Oracle: sa requeste ne sut nullement vaine, car vn iour qu'elle le consulta il luy sut respondu ces mesmes mots.

### ORACLE.

Ans un Antre caché que ce bois te recelle, Vne ombre doit seruir à ton affliction Si Laonice est ferme en son affection, Le Ciet promet par elle Vn remede à sa passion.

Cet Oracle prononcé, & Laonice l'ayant escrit sur des tablettes, pour ne l'oublier point, elle rendit graces aux Dieux dequoy pour le moins ils luy donnoient quelque esperance de guerir de son martyre; & bien que les voyes luy en sus-

Dern. part.

82 LA DERNIERE PARTIE D'ASTREE, sent tres-obscures, elle ne pouuoit s'imaginer qu'elles fussent impossibles. La premiere chose donc qu'elle fit, ce fut d'obeyr au premier vers de l'Oracle, & s'assurant que le bois dont il entendoit parler, estoit celuy de Mont-verdun; elle s'y en alla chercher quelque antre où se pouuoir mettre à couvert. De fortune elle en rencontra yn beaucoup plus agreable qu'elle ne s'attendoit de le treuuer, car il estoit, presque par tout le dehors, armé de ronces si espaisses, qu'il en estoit inaccessible, mais d'vn costé on voyoit vn petit sentier vn peu battu, & où l'herbe n'estoit pas creuë beaucoup haute 5 qui la conduisit dans vne grotte que la Nature & l'Art auoient creusée dans le rocher, aussi-tost qu'elle y fut, elle se mit à considerer quelques particularitez qu'elle voyoit en diuers endroits, mais parce que l'intelligence luy en estoit cachée, elle se doubta bien que ce lieu deuoit auoir autresois esté la retraitte de quelque Druyde. Ainsi ne croyant pas pouuoir treuuer mieux, elle resolut de ne partir plus de là, que la volonté des Dieux ne l'en retirast, de sorte que se seruant de quelques fruicts champestres, elle alloit entretenant sa vie, tantost consultant les Echos de ce qu'elle deuoit attendre de Thirsis, qui ne luy respondoient autre chose que Thirsis, quelquefois parlant aux rochers, quelquefois aux fontaines, mais tousiours sur le sujet de son ber-

### LIVRE PREMIER.

ger; cela estoit cause que bien souuent elle chantoit ces vers.

## STANCES.

Pris que tu m'y contrains, & que mon cœur desire

De se voir allegé,

le cherche en ces deserts un remede au mar-

Dont il est affligé:

Car Thirsis tout ce que i'y voy Est bien plus sensible que toy.

Si ie dis aux rochers que ton humeur farouche

Se plaisten mes douleurs,

Touchez par les souspirs qui sortent de ma bou-

Ils me donnent des pleurs,
Pour monstrer à ce que ie croy
Qu'ils sont plus sensibles que toy,

Ces eaux qui dans l'horreur de mille precipices Roulent incessamment, S'arrestent à ma voix pour ouyr les supplices

Que ie souffre en t'aymant, Voulans bien, à ce que ie croy Estre plus sensibles que toy.

Et ces bois en tout temps aymez de la Na-

Ne me refusent pas, Quelques fruicts d'où prenant vn peu de nour riture

Tesloigne mon trespas, Montrants bien à ce que ie voy Qu'ils sont plus sensibles que toy.

Airssi m'ayant reduitte en cette solitude Contre toute raison, Qui ne iugera pas que ton ingratitude Est sans comparaison? Ayant pu flechir à ma voix Les rochers, les eaux, & les bois.

C'estoit ainsi que cette Bergere s'alloit diuertissant, pour trouuer moins ennuyeuse l'attente du secours que les Dieux luy auoient promis, dont l'esperance estoit veritablement le seul soustien de sa vie, car elle n'auoit autre repos ny Livre PREMIER!

85

autre plaisir que de penser eternellement à Thirsis, de qui cependant l'ame n'estoit occupée qu'à faire tous les iours de nouveaux sacrifices aux cendres de sa chere Cleon.

Fin du premier Liare.





LA

## DERNIERE PARTIE

# DASTREE

### LIVRE DEVXIESME.

de partie de la nuict, n'auoit cessé de resuer sur le trauail qu'il faisoit faire, & qui s'estoit flatté mille sois de l'esperance que par ce remede son amour & son ambition obtiendroient la fin qu'il s'estoit proposée, ne vid pas plustost le iour qu'il s'estoit proposée, ne vid pas plustost la fin qu'il s'estoit proposée, ne vid pas plustost la fin qu'il s'estoit proposée, ne vid pas plustost la fin qu'il s'estoit proposée, ne vid pas plustost la fin qu'il s'estoit flatté mille fois de l'estoit flatté mille

88 LA. DERNIERE PARTIE D'ASTREE,

que d'autres fussent mis en leur place:mais à pesne eut-on commencé d'obeyr à cette ordonnance, que le iour estant desia fort grand, & le Soleil ayant paru sur la montagne d'Isoure, Polemas de fortune iatta les yeux sur la maison de Meronthe, s'imaginant tousiours que s'il auoit fait quelque diligence de son costé, il estoit impossible que dans peu de temps Galathée & la ville ne sussent à sa discretion: mais comme les corps de ce perfide & de son fils estoient pendus. sur les murailles, & exposez à la veuë detoute l'armée de Polemas, ce Cheualier ne fut pas long-temps sans les recognoistre; d'abord il voulut dementir ses yeux, & fit tout ce qu'il pust pour douter d'vne chose qui ne luy estoit que trop assurée, mais quand apres s'estre frotté les yeux plus de cent fois, il vid que celane seruoit qu'a luy rendre plus claires les marques de son malheur, ce fut alors qu'il vomit cotre les Dieux, & contre Amasis toutes les imprecations, & tous les blasphemes que la fureur peut inspirer à vne ame desesperée; puis se remettant vn peu, pour le moins, disoit-il-, s'il me restoit quelque moyen de m'en vanger, ie ne trouuerois pas mon desespoir si sensible, mais ma mauuaise fortune à voulu qu'Alexis & Astrée me sont eschappées, Syluica eu le mesme sort, & depuis que Semyre me brassa cette trahison, ie n'ay pu sçauoir s'il est mort ous'il est encore en vie. Ah! traistre, continuoit il, qui donnas la naissance à mes disgraces & à toutes les peines que ie souffre maintenant, si iamais tu viens entre mes mains, les Tyrans n'ont pas exercé des supplices semblables à ceux soubs la rigueur desquels ie te feray miserablement mourir; à ce mot il se taisoit pour vn peu, puis en fin reprenant la parole, mais, disoitil, qu'à de commun la perfidie de Semyre auec le malheur que ie pleure maintenant? ce traistre ne sçauoit pas mon intelligence auec Meronthe, & si Peledonthe ne nous a trahis, il faut qu'on ait vsé de charmes pour la descouurir: cependant, adioutoit il, tournant les yeux contre les corps qu'il voyoit pendus sur les murailles, te voylà Meronthe, qui portes la peine de ma rebellion! helas! que ta fidelité pour moy meritoit bié vne recompensemoins funeste; mais cher Meronthe, en quelque lieu que ton ame viue maintenant, ie veux qu'elle sçache que ma fin ne sera pas plus heureuse que la tienne, où que ie tireray vne si remarquable vengeance de tes ennemis & des miens, qu'à iamais tes Manes en demeureront affounies.

Disant cela, sa douleur s'accrut en telle sorte, qu'il sut contraint de se retirer, & ayant sait cesser le trauail, à cause qu'il recognut bien que son dessein estoit descouvert, il sut quelquesois en volonté de hazarder vn dernier assault, & de se perdre à la teste de ses trouppes, ou de sorcer Marcilly; mais Argonide & Listandre qui s'essentielle dessa rendus aupres de luy, sçachants

90 LA DERNIERE PARTIE D'ASTREE,

bien qu'il n'estoit pas en estat d'executer cette resolution, furent d'aduis qu'il s'en allast à Surieu où estoit le reste de ses Machines de guerre, & qu'ayant fait venir là toute son armée il s'y fortifiast, en attendant celle que le Roy des Bourguignons luy deuoit enuoyer: ils luy proposerent aussi, que s'il apprehendoit que le secours de Gondebaut fut trop lent, il pouuoit, soubs quelque pretexte honorable offrir des trefues à la Nymphe pour le temps qu'il trouueroit à propos. Polemas, de qui l'ame estoit toute troublée, à cause de la suitte de tant de malheurs, receut le conseil de Listandre & d'Argonide, sans deliberer seulement en luy-mesme s'il estoit bon ou mauuais, si bien qu'ayant donné l'ordre de faire partir l'armée, il enuoya vn Herault à Amasis: il ne sut pas plustost à la porte de la ville qu'Adamas en fut aduerty, & apres auoir fait abbattre le Pontleuis, luy donna l'entrée, & le conduisit dans le chasteau. Tous les Cheualiers estoient alors aupres d'Amasis, de forte que ce Herault rauy de voir tant de personnes de merite, iugea bien, que quand il n'y auroit qu'eux à la desense de la place, elle ne pourroit estre sorcée de long temps : toutesois n'estant pas là pour iuger deleurs forces, mais bien pour s'acquitter de sa commission, soudain qu'il vid Amasis il mit vn genouil en terre, puis s'estant leué par le commandement de la Nymphe, il parla de cette sorte; Poles

mas, mon Maistre, ne voulant pas estre accusé d'auoir oublié vne seule voye de douceur, pour auoir de vous le contentement qu'il merite, s'offre encore vne fois de mettre bas les armes, si vous luy remettez entre les mains la Nymphe Galathée qu'il desire espouser, & par ce qu'il sçait bien, que quelque volonté que vous eufsiez de la luy accorder, vous auez des personnes aupres de vous auec qui vous en voudriez deliberer, pour ce suiet il vous donne le terme d'vne moitié de Lune, durant laquelle, si vous y consentez, il y aura trefue entre ses trouppes & les vostres; à ce mot, le Heraultayant fait vne profonde reuerence, Amasis luy dit qu'il auroit sa responce dans vne heure, durant laquelle elle en vouloit consulter auec Godomar, Adamas, Damon, & Alcidon: ce qu'elle fit, & tous opinerent qu'elle pouvoit accepter cette tresue, voire mesme qu'elle le deuoit, puis qu'il estoit impossible que dans ce temps-là, Sigismond, Rosileon, ou Lindamor ne la secourussent, sur cette resolution, elle reuint où estoit le Herault, & luy fit cette responce, Herault, tu diras à Polemas ton Maistre, & mon sujet, que pour encor ie n'ay nulle creance que les armes qu'il a prises si mal à propos, me fassent consentir a luy donner les contentements que sa temerité luy fait pretendre, mais puis qu'il veut que le pense à ce que ie dois faire, tu luy diras, qu'il seroit bon qu'il pensast luy-mesme du92 LA DERNIERE PARTIE D'ASTREE, rant ce temps-là aux choses qui me pourroient mettre en estat d'oublier sa faute, & de luy pardonner; qu'autrement ie ne croy point que le terme de cette suspension d'armes serue qu'à me le rendre plus hayssable, & a me saire trouuer son offense plus irreparable, & moins digne de ma pitié: à ce mot Amasis se leua, & le Herault sortit, qu'Adamas conduisit iusqu'à la porte de la ville. Polemas qui en auoit attendu le retour auec impatience, fut bien-aise de sçauoir que la Nymphe eust accepté la trefue, mais quand il ouyt dire qu'elle luy conseilloit de penser aux moyens qui le pouvoient rendre digne de sa grace, cela fit vn extreme effort en son ame, s'imaginant que cette Princesse n'estoit point encore sans quelque bonne volonté pour luy; toutefois comme il n'estoit pas en estat d'esuiter son malheur, il reietta toutes les bonnes pensees qu'vn iuste repentir luy alloit inspirant, & flattant sa presomption des grandes esperances qu'il auoit fondees sur le secours qu'il attendoit de Gondebaut, il creut qu'il y iroit extremément du sien s'il ne poursuivoit son entreprise, & s'il ne se mettoit en estat de faire grace luy-mesme,& non pas de la receuoir; en cette obstination il fit partir son armee, & s'en retourna à Surieu, resolu de remettre le siege le lendemain que la trefue auroit finy, s'assurant bien que dans quinze iours il auroit receu le contentement qui luy auoit esté promis par le Roy des Bourguignons.

D'autre costé Adamas ne donnoit pas tant de temps à la conservation d'Amasis, qu'il ne luy en restast vn peu pour songer à la santé de Celadon, si bien qu'auec l'ayde de se secrets, & des Myres dont il se servir, le berger sut dans peu de iours en estat de sortir du liet, dequoy Astree sut si contente, que dans l'excez de sa ioye on eust iugé qu'en guerissant Alexis, on luy avoit rendu a elle mesmes le seul bien qui luy pouvoit saire aymer la vie. La plus grande peine qu'eut le Druyde, ce sut d'empescher qu'Amasis ne la vint visiter, se doutant bien qu'il seroit difficile que Galathée ne sust de la partie, toutesois ayant absolumét resolu de ne soussir point que Celadon sut veu de ces Nymphes, il treuva tant d'excuses, qu'en sin il eschappa de ce peril.

Presque en mesme temps la Reyne Argire acheua son voyage, & se rendit aupres de Policandre, qui sembloit n'attendre que sa presence pour rendre le dernier souspir. Aussi-tost qu'il la vid il s'esmeut, car il auoit autant de cognoissance qu'il en eust iamais, & ne pouuant sermer le passage à quelques larmes que la pitié luy tira des yeux, il se tourna, bien qu'auec vn peu d'essort, du costé de cette Princesse, & voyant qu'elle s'essoit dessaiettée à genoux deuant son lict, & qu'elle sondoit toute en larmes; en sin, dit-il, d'une voix entrecouppée, vous voicy de retour Madame, & ie me resiouys dequoy les Dieux m'ont accordé cette grace, a sin que i'ob-

96 LA DERNIERE PARTIE D'ASTREE, ferue ce que ie vous ay promis, & que vous ayant pour tesmoing de ma mort, ie reçoiue la plus grande consolation que ie pouvois esperer: mais puis que le mal que ie sousser ne permèt pas que ie m'en acquitte auecque l'esclat que l'eusse bien desiré, vous vous contenterez, Madame, adiousta-til, de la voloté que l'en ay, & vous souviendrez que ie ne suis pas moins vostre, que si nostre mariage cust esté accompagné de plus grandes ceremonies; à ce mot il s'arresta com-me pour reprendre vn peu de sorce, & tandis que la Reyne se perdoit dans sa propre dou-leur, le Roy reprit ainsi la parole; Or, conti-nua-til, tournant le visage du costé où estoient les plus apparents de sa Cour, qui en cette extremité s'estoient rendus aupres de sa personne, ie declare deuant les Dieux & deuant les hommes, qu'Argyre est femme de Policandre, & que ie suis son legitime mary, que si quelqu'vn est en peine d'apprendre les causes de ce mariage, qu'il sçache pour toute raison que c'est vn arrest du Ciel, & de mon deuoir: Alors il tendit la-main à la Reyne, qui la prenant & la moüillant toute des pleurs qu'elle versoit, Seigneur, luy ditelle, iereçoy du meilleur de mon cœur la gra-\_ ce que vous me faites, & proteste que ie tiens cet honneur pour le plus grand aduantage que les Dieux me pouvoient procurer: Mais adiou-sta-telle, s'il leur plaistiene vous perdray point, & ils m'ont trop fauorifée en la guerifon de Ro

bleon, pour me laisser iamais croire qu'ils me voulussent abandonner, maintenant que ie leur demande la vostre. Au nom de Rosileon on vid bien que le Roy changea vn peu de couleur, & de fait, iettant les yeux sur luy, la violence de son mal ne put empescher qu'il ne donnast quelques tesmoignages de ioye. Rosileon qui mouroit de douleur, & de qui le visage portoit presque aussi peu de traits de vie que celuy de Policandre, s'auança alors, & se iettant à genoux fort proche de la Reyne, il ouyt que le Roy reprenoir la parole de cette sorte: La loy de mourir est tellement commune à tous les hommes, que vous ne deuez nullement treuuer estrange que ie paye à la Nature le tribut que tout le monde luy doibt, si les Roys ne mouroient point vous auriez quelque raison de vous estonner que ie fusse seul exclus de ce priuilege, & que mon sceptre & ma couronne sussent moins puissants que les autres, pour me defendre des coups de la mort : mais puis que iusqu'icy les Monarques n'ont pas eu plus de droict de viure que les plus simples bergers, & qu'on en void les infaillibles marques parmy leurs cendres & leurs monuments, ce vous doit estre ce me semble vn grand sujet de consolation, de sçauoir pour le moins que si ie meurs, c'est pource que les Dieux le veulent; & qu'ils n'ont iamais fait d'homme qui comme moy n'ait esté sujet au trespas. Donc chere Ar96 LA DERNIERE PARTIE D'ASTREE, gyre, si mon repos vous est en quelque confideration, & si yous auez encore quelque volonté de me plaire, arrestez ie vous supplie ces larmes qui ne seruent qu'à me troubler, & donnez moy ce contentement que ie sçache que vous receuez, comme venant de leur main, ce funeste coup qui separe nos corps, mais qui ne sçauroit empescher que nosames ne demeurent eternellement vnies dans la seconde vie que nous attendons: Ie ne vous en demande point de preuue plus forte que celle que vous me donnerez, si vous consentez à ce que le Ciel ordonne; & voyez si ie ne vous ayme pas autant que ie fis iamais, puisque craignant qu'en ce dernier moment mon ame vous desobeysse, ie vous demandela permission de mourir.

Policandre proferoit ces mots auec vne voix si mourante, qu'il sembloit que soname deust sortir par sa bouche au mesme temps que la parole: & la Reyne, que la douleur estoussoit, ne demeuroit pas moins interdite que Rossleon, de qui les sanglots faisoient assez cognoistre combien son cœur estoit assejé. Le faux Celiodante à qui Policandre auoit dessa remis la Couronne des Ambarres, des Boyens, & des Lemouices, soubs condition qu'il espouseroit Cephise, estoit aussi dans vne affliction si sensible, qu'il ne pou-uoit se resiouyr du retour d'Argire, ny bien ressentir le contentement qu'en vn autre temps la guerison de Rossleon luy eust rapporté. En sin, le Roy

le Roy se sentant affoiblir de moment en moment, & iugeant bien qu'il ne pouuoit plus resister à cette ennemie, que la Nature craint, se faisant encore vn peu de violence; Argire, dit-il, auec vn grand souspir, ie vous coniure par tout ce que vous aymerez le mieux, & ie croy que ce sera ma memoire, d'auoir soing de ceux que le laisse soubs vostre conduitte, faites que l'exemple de vostre vertu leur fasse abhorrer le vice, & vous souuenat que les tresors ne sont pas moins perissables que nous, pensez que tout le bien ou le mal que nous devions avoir en l'autre vie depend absolument du merite de nos actios: & vous Rosileon, ditil, luy tendant sa foible main, ou plustost le vray Celiodante, pardonnez-moy le crime qu'vne mécognoissance m'a presque sait commettre enuers vous, ne m'accusez plus d'ingratitude; & permettent les Dieux que Rosanire que ie vous donne, jouysse longuement des grandeurs dont vous luy ferez part, comme Roy des Santons & des Pictes; aymez pour l'amour de moy celuy qui a si longtemps vsurpé vostre nom: disant celá, il se tourna du costé du faux Celiodante, puis en continuant, & vous mon fils, luy dit-il, rendez-luy auec vsure la bonne volonté qu'il aura pour vous; aymez la paix, ou ne prenez les armes que pour des causes si iustes, que vous ayez toussours les Dieux de vostre party, & sur tout, viuez si bien auec Argyre, qu'il ne luy reste ia-

Dern.part.

96 LA DERNIERE PARTIE D'ASTREE, gyre, si mon repos vous est en quelque consideration, & si vous auez encore quelque volonté de me plaire, arrestez ie vous supplie ces larmes qui ne seruent qu'a me troubler, & donnez moy ce contentement que ie sçache que vous receuez, comme venant de leur main, ce funeste coup qui separe nos corps, mais qui ne sçauroit empescher que nosames ne demeurent eternellement vnies dans la seconde vie que nous attendons: Ie ne vous en demande point de preuue plus forte que celle que vous me donnerez, si vous consentez à ce que le Ciel ordonne; & voyez si ie ne vous ayme pas autant que ie fis iamais, puisque craignant qu'en ce dernier moment mon ame vous desobeysse, ie vous demandela permission de mourir.

Policandre proferoit ces mots auec vne voix si mourante, qu'il sembloit que son ame deust sortir par sa bouche au mesme temps que la parole: & la Reyne, que la douleur estoussoit, ne demeuroit pas moins interdite que Rossleon, de qui les sanglots faisoient assez cognoistre combien son cœur estoit assejé. Le faux Celiodante à qui Policandre auoit dessa remis la Couronne des Ambarres, des Boyens, & des Lemouices, soubs condition qu'il espouseroit Cephise, estoit aussi dans vne asseit in sensible, qu'il ne pou-uoit se resiouyr du retour d'Argire, ny bien ressentir le contentement qu'en vn autre temps la guerison de Rossleon luy eust rapporté. En sin, le Roy

le Roy se sentant affoiblir de moment en moment, & iugeant bien qu'il ne pouuoit plus resister à cette ennemie, que la Nature craint, se faisant encore vn peu de violence; Argire, dit-il, auec vn grand souspir, ie vous coniure par tout ce que vous aymerez le mieux, & ie croy que ce sera ma memoire, d'auoir soing de ceux que le laisse soubs vostre conduitte, faites que l'exemple de vostre vertu leur fasse abhorrer le vice, & vous souvenat que les tresors ne sont pas moins perissables que nous, pensez que tout le bien ou le mal que nous devons avoir en l'autre vie depend absolument du merite de nos actios: & vous Rosileon, dit il, luy tendant sa foible main, ou plustost le vray Celiodante, pardonnez-moy le crime qu'vne mécognoissance m'a presque sait commettre enuers vous, ne m'accusez plus d'ingratitude; & permettent les Dieux que Rosanire que ie vous donne, jouysse longuement des grandeurs dont vous luy ferez part, comme Roy des Santons & des Pictes; aymez pour l'amour de moy celuy qui a si longtemps vsurpé vostre nom: disant celá, il se tourna du costé du faux Celiodante, puis en continuant, & vous mon fils, luy dit-il, rendez-luy auec vsure la bonne volonté qu'il aura pour vous; aymez la paix, on ne prenez les armes que pour des causes si iustes, que vous ayez toussours les Dieux de vostre party, & sur tout, viuez si bien auec Argyre, qu'il ne luy reste ia-Dern.part.

190 LA DERNIERE PARTIE D'ASTREE, mais non plus qu'à moy, aucun regret de vous auoir fait tel que vous estes; c'est la tout ce que ie desire de vous, en attendant que les Dieux me permettent de vous reuoir : adieu mon fils, adieu Argyre, adieu Rosi; à ce demy mot vn dernier souspir luy desroba l'ame & la voix, & son œil demeurant attaché sur Rosileon, on recognut bien qu'il auoit eu enuie de le nommer, mais qu'à peine il auoit pu dire la moitié de son nom, dequoy la Reyne s'estat apperceuë, & netrouuant plus qu'vn marbre froid au lieu de ce Policandre, pour lequel autresois elle auoit tant souspiré, peu s'en fallut qu'elle ne le suiuist à la mesme heure. Toutes les considerations qu'elle s'estoit representees durant son voyage pour se consoler sur vn semblable malheur sturent alors entierement oubliees, & nes'en treuua pas vne, quelque puissante qu'elle fust, qui ne cedast à son desespoir present. On eust iugé qu'elle auoit enuie de noyer sa raison dans ses larmes, & qu'elle esperoit de retreuuer l'ame de Policandte dans la racine des cheueux qu'elle s'arrachoit. Le faux Celiodante estoit presque hors de luy-mesme, & bien que la mort du Roy luy valust vn Empire, si est ce qu'il montroit euidemment qu'il auoit plus perdu en sa personne, qu'il n'auoit acquis de bien en son Estat; Cephise & Rosileon ne souffroient pas vne moindre douleur, & tous les Cheualiers qui se treuuerent a cette deplorable fin, firent

LIVRE DEVXIESME. voir vn extreme ressentiment de la perte de leur Prince; ils s'approcherent de la Reyne pour luy iurer toute sorte de fidelité & à Celiodante aussi; mais elle se treuua si peu en estat d'ouyr ce qu'ils eussent puluy dire, que si les Dames qui se rencontrerent aupres d'elle ne l'eussent fait mettre au lict, peut-estre fust-elle tumbee dans quelque grande extremité. Ils se retirerent donc presque aussi affigez du mal de la Reyne que de la perte du Roy, mais comme dans la vicissitude des choses on ne void rien qui soit durable; la douleur d'Argyre, de Celiodante & de Rosileon, treuua enfin quelque soulagement, & leur raison estant eschappee du naufrage qu'elle pouvoit faire dans la fureur de ces premiers mouuemens, fit souuenir la Reyne du secours qu'elle auoit promis à la Nymphe, & Rossleon que sa maistresse estoit demeurce dans Marcilly, de sorte qu'apresauoir fait dresser vn monumét à Policandre, le plus superbe qu'il se put, & digne d'vn Prince si vaillant & si sage, toutes leuis pensees se tournerent du costé de la Nymphe, & ne se porterent plus à autre chose qu'à ce qui pouuoit regarder sa conservation. Aubout de quelques iours, les peuples ausquels Policandre commandoit, remirent le Sceptre & la Coronne à Celiodante, auec les mesmes ceremonies qu'ils auoient accoustumees en la proclamation de leurs Roys, & Rosileon ayant depeiché en

de la Reyne sa Mere, de dix à douze mille home mes, & puis ayant pris congé de Celiodante son frere, se mit en campagne auec son armée, resolu de reuoir rosanire, & des'opposer genereusement à laviolence de ceux qui voudroient entreprendre contre Amasis.

### SVITTE

# DE L'HISTOIRE DE LYPANDAS,

D'AMERINE, DE MELANdre, & de Lydias.

fures de Lypandas guerirent, mais no pas sa passion, & bien que ce Chewalier n'eust pas beaucoup pratiqué Melandre, il ne laissoit pas decognoistre vn peu son esprit, & de sçauoir que c'estoit la fille du monde la plus genereuse. Cela sut cause, que dés que la tresue sut faite, & que Polemas eur leué le siege, il en receut vn si sensible desplaisir, qu'à peine s'en pouvoit-il consoler. Il n'estoit pas marry qu'Amasis se sut mise en estat d'esperer, par l'assistance qui luy auoit esté promise, la liberté qu'on luy vouloit rauir; mais quand il considera que cela luy ostoit les moyens de faire

Noir son courage, & de vaincre l'ame de Melandre par les marques qu'il eust pu donner de sa valeur, peus en salut qu'il ne se deses perast: toutes sois ne trouuant point de remede à cet accident, il se resolut ensin d'attendre auec le plus de patience qu'il luy seroit possible, la sin de cette suspension d'armes, & de saire apres cela des actions si glorieuses, qu'elle put tenir à quelque sorte d'honneur d'estre servie par vn Cheualier

si plein de courage & d'affection.

Cependant il luy estoit permis de la voir, & parce que dans cette liberté il ne perdoit pas vn seul moment du temps qui luy laissoit la commodité de l'entretenir, il essaya mille sois de la rendre sensible à l'extreme passion qu'il avoit pour elle; mais il ne la put iamais toucher que de pitié, car elle parut tousiours si preoccupée de la volonté qu'elle auoit pour Lydias, qu'il eut esté difficile qu'il eust esperé quelque changement en son inclination. Souuent il luy representa par combien de loix il estoit obligé à mourir plustost que de cesser iamais de l'aymer, il luy parla du combat où il auoit esté vaincu, lors qu'elle s'exposa à la sureur de ses armes pour la liberté de Lydias, & luy faisant recognoistre que c'estoit vne espece de miracle qu'elle sust sortie du camp auec l'auantage qu'elle en auoit emporté, il taschoit de luy persuader que les Dieux l'auoient permis, seulement pour luy donner vn iour la gloire d'estre aussi bien surmonté par les char-

G iij

104 LA DERNIERE PARTIE D'ASTREE, mes de ses yeux, qu'il l'auoit esté par les coups de son espee. Il luy dit encore l'obligation qu'il auoit à sa courtoisse depuis qu'elle l'auoit demandé à Ligdamon, & luy iura, que lors qu'elle auoit pensé le mettre en liberté, elle l'auoit tellement rendu son Esclaue, qu'il ne croyoit pas que rien au monde luy pust iamais estre agreable comme sa captiuité: enfin il luy redit tout ce que sa passion luy suggera, mais pour cela le cœur de Melandre n'en fut pas plus doux, car lors qu'il luy parloit de son amour, elle luy parloit de celle qu'elle conseruoit pour Lydias, & si Lypandas luy demandoit quelque secours, elle luy representoit combien elle en estoit nécessiteuse elle mesine. Ainsi quelques iours se passerent, durant lesquels, le plus grand auantage que ce Cheualier put obtenir, ce fut qu'elle consentit en fin del'appeller son prisonnier, & cependant qu'il viuoit en quelque sorte consolé par le plaisir qu'il auoit de porter vn titre qui luy sembloit si glorieux, Mclandre s'affligeoit de plus en plus, car n'ayant pu apprendre aucunes nouuelles de Lydias, depuis qu'elle l'auoit veu attaché auec Alexis & Astree, à la teste de l'armee de Polemas, elle s'alloit imaginant tout ce que la ialousie & le desespoir peuvent faire craindre de funeste: Quelquesois elle se figuroit qu'il se seroit sauué auccque Amerine, & qu'au preiudicé de là fidelité qu'il luy auoit iuree, il espouserouscette belle fille dans la premiere ville où ils

arriueroient; puis considerant qu'il estoit presque impossible qu'il n'eust esté extremément blessé, à cause du grand combat qu'il auoit rendu, elle se persuadoit qu'il estoit mort. Dans la consusion de ces sascheuses pensees, elle estoit pour mourir elle-mesme, si le Ciel n'eust pris en sin quelque compassion de ses regrets, & n'eust permis qu'elle eust eu de ses nouvelles de cette sorte.

Amerine que Lydias auoit entretenuë sous les fenestres de la chambre où Polemas retenoir Syluie en prison, n'eut pas plustost veu emme ner son amant, qu'elle commença de le suiure, & bien qu'elle protestast & iurast à tous momens qu'il n'estoit point Ligdamon, elle ne pût empescher qu'il ne fust attaché comme les autres; cent sois elle supplia ceux qui le traittoient si rudement, de permettre que les mesmes fers luy fussent mis aux mains, mais voyant qu'elle ne pouuoit obtenir en grace ce qu'on ordonoit à Lydias comme vn supplice, elle fit dessein pourtant de ne l'abandonner iamais, & de prendre si bien son temps qu'elle pust mourir auecque luy. En cette resolution elle suivit l'armee de Polemas, & soudain que par la faueur de Semyre elle vid Lydias hors des chaisnes, & en estat de se defendre, elle s'en alla droit à luy, & sans pouuoir se separer de sa personne, n'ayant pour combattre point d'autres armes que la voix, elle s'en seruit à l'animer, & luy donna tant de cou-

G iiij

106 LA DERNIERE PARTIE D'ASTREE,

rage & de force, que Lydias en cet instat croyoit estre entierement inuincible: En sin ne pouvant resister au grand nombre de ceux qui tout d'yn coup sondirent sur luy, il recula comme les autres iusques au sossé, où il combattit encore iusqu'a ce qu'affoibly par diverses blessures, & par vne grande perte de sang, il sut contraint de se laisser aller en terre à moitié pasmé, Alors Amerine se ietta à genoux, & sans perdre le temps à faire des plaintes, se mit en devoir de le secourir, & sit si bien qu'ayant deschiré son collet & son mouchoir, elle arresta le sang qui couloit par les

blessures qu'il auoit au bras.

Peu de temps apres, Polemas fut entierement repoussé, de sorte que lors que chacun r'entra dans la ville, Lydias se trouua auoir repris vn peu de vigueur, il se leua donc à l'ay de d'Amerine, qui le prenant soubs le bras, & faisant des efforts pour le soustenir, l'emmena iusques dans l'enceinte des murailles; à peine y furent ilsarriuez, que Lydias se sentant defaillir, tourna ses yeux languissants sur cette belle fille, & luy voulut direle dernier adieu; mais elle, à qui l'Amour augmentoit la force, le sceut si bien conjurer, & luy ayda si fort, qu'il sit encore vingt-cinq ou trente pas dans la ville. Ce fut là qu'Amerine creut l'auoir perdu, car estant tombé en pamoison, & elle n'ayant plus la force de le soustenir, elle sut contrainte de s'asseoir contre la plus proche maison sur vn siege de pierre

qu'elle rencontra fortuitement; là ne trouuant plus de mouuement en Lydias, il luy fut impossible de retenir ses eris, dont la violence sut si grande, qu'ils paruindrent aux oreilles du maistre de ce logis; & bien que toute la ville fust encore en allarme, il arriua toutefois, que luy qui n'estoit pas en estat de porter les armes, n'estoit point sorty desa maison, où il auoit tousiours demeuré en prieres en attendant le succez que les Dieux donneroient aux armes d'Amasis. Cet homme estoit Myre de sa profession, riche en beaux secrets, mais si aagé qu'il ne sortoit presque plus de sa chambre, & comme il estoit extremément charitable, il n'ouyt pas plustost les cris d'Amerine, que se doubtant presque du sujet qui les faisoit naistre, il commanda à quelques-vns de ses domestiques de prendre de la lumiere, & d'aller voir ce que c'estoit: mais à peine eurent-ils esté dans la rue, qu'on luy vint rapporter que celle qui faisoit ces regrets, estoit vne assez belle fille, & qu'elle pleuroit la perte de Ligdamon qu'elle tenoit tout sanglant entre ses bras. Au nom de Ligdamon, le bon vieillard changeade couleur, caril l'aymoit infiniment, toutefois s'estant yn peu remis; peut-estre, ditil, ce Cheualier n'est pas encore mort, qu'on me l'aille querir, continua til, deuant que quelqu'vn l'emporte en sa maison, car s'il luy reste quelque peu de vie, l'espere que mes remedes la luy prolongeront. A ce commandement pres-

to8 La dernière partie d'Astree, que tous ceux qui estoient dans le logis sortirent, & cependant qu'on appresta vn list pour le mettre, Lydias ayant donné quelques signes de vie, les domestiques firent tant qu'Amerine le leur remit, qui leur oyant crier en souspirant, AhLigdamon! ah Ligdamon! s'imagina que si ce nom auoit esté cause des blessures de Lydias, peuft-estre pourroit-il bien estre cause de leur guerison; elle resolut donc de ne le point nommer, afin de les laisser plus long temps dans la tromperié où ils estoient, & de ne les diuertir point de la volonté qu'ils auoient de le secourir, si bien qu'estant entrée auecque luy, & ayant veu le foing que ce vieillard prenoit à le faire deshabiller pour le mettre au lict, & visiter ses playes, elle commença de bien esperer de son assistance; Lydias se treuua n'estre pas blessé à mort, bien qu'il eust receu quatre coups assez grands, les deux estoient au bras gauche fort pres de l'espaule; les autres deux estoient, l'vn à la cuisse à quatre doigts du genouil, & le dernier dans la main droitte, qui ne pust iamais estre guery, sans qu'il en demeurast estropié d'vn doigt: Soudain que le Myre y eut mis le premier appareil, il s'en vint où estoit Amerine, & luy faisant le rapport des blessures de Lydias, luy donna vne si grande assurance de le guerir bien-tost, qu'elle en reprit vn peu de couleur: Etbien qu'elle fust sans collet, & couverte de sang en diuers endroits, elle parut pourtant

si belle aux yeux du charitable vieillard, qu'il luy fut impossible de ne soupçonner d'elle quelque chose d'estrange, puis qu'il sçauoit bien que Ligdamon n'estoit point marié. Cela sut cause qu'à la premiere commodité qu'il en eut, il la supplia de luy dire d'où estoit procedee l'amour qu'elle tesmoignoit à Ligdamon; Amerine luy respondit, qu'en l'estat où elle estoit, il ne luy estoit pas possible de contenter sa curiosité, outre que c'estoit vne fortune qu'elle ne luy pouuoit coter sans rougir, mais que dés que Ligdamon reprendroit vn peu de santé, elle le prieroit de luy en dire les plus remarquables accidens: Cette responce confirma le Myre dans sa premiere opinion, & dans le desir d'en estre esclaircy, toutefois ne la voulant pas importuner, il luy tesmoigna qu'il estoit content d'attendre que le Cheualier fust en bon estat; en effect dans peu de iours il commença de se mieux porter, parce que la fievre ne l'ayant point pris, & son plus grand mal n'estant prouenu que de l'excessive perte de sang qu'il auoit faite, il ne fut pas difficile de le remettre; dequoy Amerine ne s'apperceut pas plustost, qu'elle luy conta tout ce qui luy estoit arriué, & le coniura de continuer cette seinte iusqu'à ce qu'il sust entierement guery. Lydias fit donc le mieux qu'il put le personnage de Ligdamon, & lors que le bon vicillard voulut sçauoir qui estoit Amerine, il luy nomma librement son nom, & luy redit

tout ce qu'elle mesme luy auoit raconté des auatures de ce Cheualier, le Myre en auoit oûy dire confusément quelque chose, si bien qu'apres en auoir appris l'entiere verité, il en demeura si satissait, que par ce seul recit il creut estre trop bien recompensé du soing qu'il auoit pris à le

guerir.

Vn iour Amasiel, c'est ainsi que ce bon vieillard se nommoit, voulut sortir, afin d'assister à vn sacrifice particulier, que la Nymphe faisoit faire pour le retour de Lindamor, & cequi luy en donna plus de liberté, ce fut que depuis deux iours Lydias commençoit de se promener par la chambre: s'imaginant donc qu'il n'y auoit plus de danger de s'en esloigner un peu, il se mit dans une chaire, & se sit porter par deux valets iusqu'au Temple. Peu de temps apres Amasis y vint, suivie de ses Nymphes & des Dames qui estoient dans Marcilly, & auecque elles vint Godomar & les plus apparens Cheualiers de la Cour, ce qui donna assez de curiosité au bon Amasiel, pour considerer toute cette belle compagnie: Il ne fut pas long-temps sans y remarquer Ligdamon, & cette veuë le surprit si fort, pensant à l'estat auquel il croyoit l'auoir laisse, que fendant la presse le mieux & le plus discretetement qu'il pust, il s'en alla droit à luy & à moitié en colere; Vous n'estes pas sage Ligdamon, luy dit-il, de vous hazarder si tost, & souvenezvous que si l'eusse pensé que vous eussiez deu

fortir du logis, ie n'en fusse point party Ligdamon qui faisoit estat de l'amitie de ce Myre, &qui croyoir deuoir beaucoup de respectau grand aage de ce venerable vieillard, luy respodit auec vne douceur nompareille, & luy iura qu'il ne Tçauoit dequoy il luy parloit: Ie vous dis, reprit Amsiel, que par l'effort que vous faites à marcher, & à vous tenir si long téps debout, la blessure que vous auez euë à la cuisse se pourroit bie r'ouurir: A ce mot le Cheualier se ressouvenant bien que parmy les dernieres blessures qu'il auoit receuës, & pour lesquelles il n'auoit pas mesme tenu le lict, il n'en auoit point receu où il luy marquoit; ie n'ay iamais, luy repliqua til, esté blesse à la cuisse, & si vous ne vous expliquez pas mieux, ie seray long-temps sans vous entendre.

Ligdamon luy dit ce peu de mots assez froidement, & le Myre se figurant qu'il desauouoit sa blessiure, pour n'auouer pas l'obligation qu'il luy auoit d'en auoir esté guery, s'estonnant de treuuer de l'ingratitude dans l'ame d'vn Cheualier, de la generosité duquel tout le monde faisoit tant d'estime; Seigneur, luy dit-il, le secours que ie vous ay donné, deuoit vous obliger à me faire vn autre traittement, mais puis que vous ne croyez pas que ie merite seulement d'en estre remercié, ie n'en suis pas pour cela moins recompensé, car les Dieux sçauent bien l'intention pour laquelle ie l'ay fait. A ce mot Amassiel se teut telmoignant toutesois en son action yn peu de mes-

LA DERNIERE PARTIE D'ASTREE, contentement, & Ligdamon qui ne s'en pouvois imaginer la cause; Amasiel, luy dit-il, si ie ne voudrois de tout mon cœur vous seruir, ie veux que les mesmes Dieux dont vous parlez me punissent, mais ieles prends à tesmoins, que iene sçay ce que vous entendez par ces mots de blessure, d'obligation & de recompense: le pense, dit le vieillard, en l'interrompant, que vous vous imaginez que ieresue, ou que vous me voudriez faire croire que ie suis deuenu sol : oserez-vous nier que depuis vnze iours vous n'ayez esté dans ma maison, & que ie ne vous y aye pensé de quatre blessures, dont l'vne est à la cuisse, l'autre à la main, & les autres deux au bras? En cet instant l'esprit de Ligdamon commença de voir clair dans le discours du Myre, & se doubta bien que c'estoit de Lydias qu'il parloit, ostant donc ses gands, & luy montrant les mains nues; vous voyezbien bon pere, luy dit-il, que ie n'ay nulle blessure dans la main? alors le bon vieillard iettat l'œil sur l'endroit où estoit la playe de Lydias, & n'y remarquant aucune cicatrice, demeura dans vne confusion extreme, & Ligdamon reprenant la parole; mais, continua til, ne croyez pas que cette charité que vous auez exercée ait esté employée en vn moindre sujet; vous auez secouru vn Cheualier qui me ressemble, & à qui mon nom a failly de couster la vie, comme le sien a failly autrefois à me faire perir sous la fureur des lyons, aufquels ie fus exposé, & souvenez-yous

que le bon office que vous luy auez rendu sera recognu par moy, come si veritablement il auoit esté fait à ma personne: mais, adiousta-til, vous ne trouuerez pas mauuais qu'apres le sacrifice, ie l'aille visiter en vostre maison, aussi bien y a-til quelque temps que l'estois en peine de sçauoir ce qu'il estoit deuenu, Amasiel ouyt bien ce que Ligdamon auoit dit, mais il luy fut impossible d'y respondre, car l'estonnement où il estoit, luy auoit presque osté la parole, tantost il portoit les yeux sur le visage de Ligdamon, & les y tenoit attachez assez long temps, puis tout à coup reprenant sa main, & la regardant de fort pres, il ne pouuoit s'imaginer qu'il n'y deust rencontrer la blessure que Ly dias auoit receuë, enfin le temps du sacrifice les ayant obligez à vne particuliere attention, ils quitterent ce discours pour commencer leurs prieres.

Le sacrisse ne sut pas plustost acheué que Ligdamon prenant Amasiel par la main l'emmena dans son Chariot, & de la, en son logis, où ils descendirent, mais Amerine qui auoit mis la teste à la senestre, ne vid pas si tost paroistre Ligdamo, qu'elle en courut donner la nounelle à Lydias, ce Cheualier qui auoit vne extreme enuie de le voir, sut si content d'ouyr dire combien il estoit proche dece bien, qu'il en prit vne assez viue couleur, & cela sut cause que dés que Ligdamon ietta les yeux sur luy, il luy sembla

voir son visage dans laglace d'vn miroir,

114 LA DERNIERE PRARTIE D'ASTREE; Ils furent quelque temps sans faire autre chose que s'entrecaresser, car Lydias qui sçauoit combien il estoit obligéà ce Cheualier en la personne d'Amerine, ne pouvoit se lasser de l'embrasfer & de le regarder, comme celuy a qui il avoit l'obligation d'vn bien qui luy estoit mille sois plus cher que sa fortune ny que sa vie : toutesois enfin s'estants mis sur le discours des choses qui les touchoient alors de plus pres, Ligdamon raconta ce que Lypandas auoit fait; quand pour satisfaire aux desirs de Melandre il s'estoitienté en bas des murailles, seulement pour secourir Lydias. A ce nom de Melandre, Lydias & Amerine furent esgalement supris, l'vn par le secret ressentiment qu'il eut des obligations qu'il auoit à cette belle fille, & l'autre par vne pointe de ialousie qui luy entra bien auant dans l'ame, dequoy Ligdamon s'estant apperceu, ie vous iure, continuatil, que vous n'aurez pas vn petit combat à ren-dre, carl'amour que Melandre conserue encore pour Lydias est aussi violente qu'elle fut iamais; & quoy que Lypandas fasse pour l'en diuertir, il luy est impossible d'y rien auancer, alors Lydias, ie m'assure, respondit-il, que lors que Melandre scaura ce que ie dois, & ce que l'ay promis à la belle Amerine, son esprit se remettra plus facilement, & ne trounera pas estrange, que comme Cheualier i'obserue ce à quoy ie suis si solemnellement & si estroitement obligé: Ie croyrois, adiouta Amerine, que le meilleur pour nous seroit qu'elle

qu'elle ne sceust rien du tout, & que nous fissios en sorte de nous desrober de sa presence, sans nous mettre au hazard de ce qu'elle pourra entreprendre contre nous?à cela Lydias ne respondit rien, & Ligdamon fut presque de cet aduis, mais quelque volonté qu'ils eussent eue de l'executer, il n'eust pas esté en leur puissance, car les domestiques d'Amasiel, qui parlerent de cet accident à plusieurs personnes, furent cause que ce mesme iour presque toute la ville en sut aduertie.Melandren'en eut pas plustost appris la nouuelle, qu'elle fit de grandes plaintes contre Ligdamon, & dés qu'elle se put desrober de la vigilance de Lypadas, qui ne la quittoit que le moins qu'il pouuoit, elle s'en alla droit au logis du Myre, Durant le chemin elle fut combattuë de mille differentes pensées tantost elle s'imaginoit le contentement qu'elle auroit de reuoir celuy pour lequel elle auoit couru de si dangereuses fortunes, & tantost pensant qu'Amerine estoit aupres de luy, elle changeoit d'humeur, & mouroit d'apprehension qu'il luy eust esté perfide: enfinapres vne longue dispute elle arriua dans la chambre de Lydias, & comme elle n'auoit point quitté l'habit de Cheualier, elle fut iusqu'aupres de luy, sans auoir esté recognuë. Elle le trouua à genoux deuant Amerine; qui assise sur vu liet tenoit sur son giron la teste de son Amant, dequoy Melandre fut si offensée, que cedant tout à fait aux efforts de sa colere & de sa

LA DERNIERE PRARTIE D'ASTREE. ialousie; & bien perfide, dil-elle, tirant Lydias par la manche de son pourpoinet, sont-ce-là les marques que tu me deuois donner de ta recognoissance? en cet instat Lydias la recognut: & se leua pour la saluer, mais elle le repoussant, non non, dit-elle, demeure hardiment prosterné deuat cette belle fille, elle ne iouyra pas logtemps du sacrifice que tu luy fais, car i'ay assez de moyens pour me vanger de la trahison, dot tut'es renducoulpable,& souviens-toy, que si le Ciel m'en refuse la iustice, i'ay assez de courage pour la chercher dans mon desespoir: à ce mot regardant Amerine, puis Lydias d'vn œil qui tesmoignoitassez le transport où elle estoit, elle fortit sans auoir doné le temps au Cheualier de luy dire seulement vne parole. A peine sut-elle hors de la porte qu'elle prit le chemin du chasteau, & sans deliberer dauantage sur ce qu'elle auoic à faire, elle s'alla ietter aux pieds d'Amasis, & luy tint ce lagage; Madame, cette iustice que vous auez exercee si heureusement, & que vostre boté ne refusa iamais à personne, est maintenant imploree par moy, qui me plains de la perfidie d'vn Cheualier, & qui vous coniure de me permettre d'en tirer raison en vostre presence; nostre combat n'aura pour le commencemét autres armes que la voix, & si la cognoissance de sa faute le touche de quelque repentir, ie proteste dés maintenant de luy faire grace; au pisaller, Madame, nous yous ferons l'arbitre de

nostre differend, & quand nos raisons auront esté ouyes, ie ne feray nulle dissiculté d'obeyr à ce que vous ordonnerez de nous; alors Melandre se teust, & la Nymphe qui la prit pour vn Cheualier, & qui s'imagina que le meilleur estoit d'estouffer au plustost cette querelle, & de luy donner le contentement qu'elle demadoit, consentit à tout ce qu'elle voulut: ainsi Lydias fut mandé par vn Heraut, & receut l'heure à la-quelle il estoit obligé de comparoistre deuant Amasis. Amerine se doubta incontinent du dessein de Melandre, & fit cognoistre à Lydias la crainte qu'elle auoit de perdre son amitié, mais ce Cheualier la rassurant, promit cent sois de mourir plustost que de manquer iamais aux premiers sermens qu'il avoit faits à son aduantage. Tout celane fit point si secrettement, que presque toute la Cour ne le sceust, de sorte que Lydias fut conduit pour faire la reuerence à la Nymphe, sa chambre estoit desia toute pleine de Dames & de Cheualiers ; Lypandas & Ligdamon ne s'y treuuerent pas alors, mais Amerine qui ne voulut point quitter Lydias, entra presque aussi-tost que luy, & s'alla ranger parmy les filles.

Les Herauts n'eurent pas plustost commandé le silence, qu'Amasis sit signe au Cheualier triste, & luy tesmoigna qu'elle estoit preste de l'ouyr, ce que Melandre ayant remarqué, elle alla baiser la robe à la Nymphe, puis s'estant

H ij

118 LA DERNIERE PARTIE D'ASTREE, remise en sa place, commença son discours en cette sorte.

le sçay bien, Madame, que ie deurois plustost rougir que parler, puis que l'habit dont ie suis reuestuë, plus contraire à mon sexe qu'à mon humeur, m'accuse d'impudence deuat l'vne des plus vertueuses Princesses de l'yniuers, mais puis que rien ne pouuoit mieux condamner Lydias, ny le conuaincre d'ingratitude que les mesmes armes, & les mesmes vestements, soubs lesquels ie l'ay obligé de la vie, ie vous supplie tres-humblement, Madame, de me pardonner, si ie ne les ay point quittez, & si ie m'en sers pour luy reprocher la plus grande perfidie dont Cheualier ait iamais vsé. Peut-estre, Madame, que les diuers accidents qui ont accompagné ma vie, font aussi bien cognus de vous que de moy, car Clidamant qui auoit la gloire d'estre sorty de vous, en apprit autrefois la verité par ma propre bouche, que si, ny luy, ny Lindamor ne vous en ont escrit les particularitez, i'ay bien sujet de pleurer la mort de l'vn, & de plaindre l'absence de l'autre, puis que sans que ie susse maintenant en peine de vous les raconter, vous sçauriez par eux ce que me doit Lydias, & combien i'ay de droit d'empescher qu'au preiudice de ses promesses vne autre ne me rauisse la part qu'il me donna jadis en son amitié: à ce mot, interrompant son discours pour seicher les larmes qu'elle versa sur le souuenir de la mort de Clidamant,

ilig

elle sembla donner temps à la Nymphe d'en faire de mesme, puis elle poursuiuit ainsi.

Ils vous cussent dit, Madame, que Lors que Lydias fut contraint de trouuer son salut en sa fuitte, & que les parents d'Aronthe qu'il auoit tué, sembloient luy vouloir desendre de trouuer vne retraitte assurée das le monde, ma maison luy seruit d'Asile: ce sut là que son honneur fut mieux à couuert que le mien, car n'ayant pu me guarentir des traits dont il entreprit de me blesser, ie me vis enfin cotrainte d'imiter la bonté de mon pere & de luy donner dans mo cœur la mesme place qu'il luy auoit accordée dans fon logis: ce volage ne fut pas long temps sans se rendre maistre de l'vn & de l'autre; mais comme on se lasse facilemet de la possession des plus belles choses, peu s'en fallut que le mesme iour qui me fit cognoistre qu'il m'aymoit, ne m'assurast aussi de sa trahison; en esfectilme quitta bien-tost, & pour rendre sa faute plus enorme, ce perfide partit sans me dire Adieu. Ie ne vous diray pas, Madame, quels furent mes transports & mes ressentiments, l'aurois honte de le faire rougir de son crime & de mes folies, je diray seulement qu'en cet instat i'oubliay ce que i'estois, & que changeant d'habits & de nom, je me resolus de vaincre toutes les horreurs que la crainte imprime ordinairemet dans l'ame d'vne fille: ie sortis donc du sein de mes parents, & les Dieux sçauent auec qu'elle violèce ie consentis

120 LA DERNIERE PARTIE D'ASTREE, à commettre ce manquement, puis surmontate les difficultez d'vn voyage, & toutes les iniures de la saison, apres mille obstacles que la fortune me presenta, ie me disposay à combattre Lypandas, m'imaginant qu'il n'importoit de quelle main ie deusse mourir, pourueu que ce fust en la presence de mon perfide. Que s'il te reste ô Lydias, continua-telle, s'addressant à luy, quelque memoire du peril où ie m'exposay, & de la grace que ie te fis, aduouë que cette ieune beauté qui sert auiourd'huy de matiere à maialousie, & à ton chagement, n'en eust iamais eu le courage, & qu'elle t'eust laissé perir, à faute de te defendre: Ce n'est pas là toutefois la plus grande obligation dont le t'aye chargé, & situne veux pas que ie te la nomme, de peur que ton crime ait trop de tesmoings, demandes en secrettemet des nouuelles aux chaisnes & aux fers qui m'attacherent les bras, lors que pour assouuir la haine de celuy qui te detenoit, i'allay chercher das ses cachots la mesme place que tuy soulois occuper? Demande aux viperes qu'vne humilité relantey nourrit, si mes souspirs n'estoient pas tous de flame, & si ie ne trouuois pas la faute de to départ beaucoup plus noire que les tenebres qui m'enuironnoient? consulte les murailles où l'estois enfermee, & si tu n'es sourd à leur respoce, comme tu es maintenant insensible à mon amour, tu apprendras quelle estoit la qualité de mes peines & combien estoit plus grande la compassion que l'auois de ton peché que de ma misere. Mais, Madame, adiouta-telle, se tournant du costé d'Amasis, il faudroit pour bié direce que me doit Lydias, faire parler toutes les actions de ma vie car i'ay cent fois iuré que ie n'auois creu viure que depuis que l'auois eu de la bonne volonté pour luy ;ou bien le faire parler luy-mesme, car il est impossible, s'il a quelque souuenir de mes faueurs,& de ses serments, qu'il ne confesse publiquement que mon inclination me l'a acquis, & que sa foy me le doit coseruer. Toutefois, Madame, si (comme ie le croy) son silence vous fait cognoistre combien peu de raisons il a pour appuyer son inconstace, ie vous supplie auec humilité de declarer qu'il m'appartient legitimement, & que s'il y a de la gloire à le posseder, elle ne me peut estre disputee, puis que c'est à moy seulement qu'il est redeuable de la douceur que goustent les hommes dans l'vsage de la vie & de la liberté.

Tel fut le discours de Melandre, qui fut suiuy d'yn murmure vniuersel, les vns admireret son courage, les autres la grandeur de son amour, mais tous condamnerent en leur ame l'husaeur de Lydias, ne pésans pas qu'il se peust iamais la-uer du crime, dont il sembloit que son ingratitude l'eust noircy: toutesois ce bruit ayant vn peu cessé, Lydias alla baiser la robe de la Nymphe, & s'estant remis en sa place, se disposa de parler, mais Amerine en qui le discours de Me-

122 LA DERNIERE PARTIE D'ASTREE,

landre auoit fait naistre vne nouuelle crainte de perdre Lydias, ayant vn peu sendu la presse s'auança, & apres auoir eu la permission de parler,

elle profera ces paroles.

Il est bien iuste Madame, que ie preuienne Lydias, & que deuant qu'on prononce l'arrest, d'où depend ma vie, l'aye le temps de montrer combien plus legitimement qu'à Melandre on me doit accorder la possession de ce Cheualier. Iene diray pas que cette belle fillen'ait fait des miracles pour luy, c'est vn essect qui a paru dans ses armes, & qu'on doit encore attendre de son extréme beauté, mais ie diray bien que ses actios ontesté peu de chose en coparaison des miennes, & que si ie la surmontois aussi bien en merite que ie l'ay surpassée en amour, ie me tiendrois trop assurée du bien que ie dispute maintenant: Le seul auantage dont elle se peut vanter, c'est qu'elle n'a pas esté deceuë come moy, & que les dernieres preuues de son amour ont esté données à Lydias, au lieu que les miennes ont estérendues à Ligdamon, mais pourquoy faudra-til que cette tromperie me nuise, si parmy tout cela mon affection n'a pas laissé de faire des merueilles, & de rendre toutes les marques qu'on peut desirer d'vne muiolable soy? Vous sçauez bien courageuse Melandre, que ie suis la premiere à qui ce Cheualier a fait vn sacrifice de sa liberté, de sorre que lors qu'il semblaremettre son cœur entre vos mains, il abu-

sa de vostre innocence, puisque iamais il ne l'a retiré des miennes: Vous me direz que ses serments estoient trop grands pour n'estre pas veritables, mais pourquoy l'eussent-ils esté dauantage que ceux par lesquels il m'a iuré cent fois que pour moy son amitié seroit inuiolable? Ieconfesse qu'il vous doibt la vie, mais qu'il se mette en la place de Ligdamon, & qu'il die apres que ie l'auray deliuré de la cage des lyons, s'il ne m'en est pas redeuable aussi? Encore diray-ie que l'ay bien plus fait que vous, car au lieu que vous n'auez veu la mort qu'auec esperance de la vaincre, ie la regarday comme ineuitable lors que l'auallay ce breuuage, par lequel Ligdamon auoit fait dessein de s'empoisonner, fibien que pouvant dire en quelque sorte que ie suis morte pour luy, i'ay la gloire d'auoir plus osé que vous, qui n'auez rien tenté de plus remarquable que le hazard d'vn combat particulier: Mais grande Nymphe, continua-t'elle, se tournant vers Amasis, si comme on le dit, les premieres inclinations sont les plus fortes, quel droit a cette belle fille de pretendre Lydias, puis qu'il est à moy depuis si long-temps, & qu'en-core auiourd'huy sa passion montre de cherir son premier seruage? si Lydias a deux cœurs, ie consents qu'elle en ait l'vn, & qu'elle y escriue les loix qu'elle voudra qu'il obserue, mais puisqu'il n'en a qu'vn, sur lequel encore ses promesses m'ont donné vn empire absolu, ne doit-elle

124 LA DERNIERE PARTIE D'ASTREE, pas desister de son entreprise, & cesser de pour-suiure vne chose que mon amour ne luy sçauroit ceder?

Amerine tint encore quelques propos pour montrer la iustice de sa cause, mais Amasis qui vid bien que Melandre voudroit repliquer, ordonna que la decision de ce differend dependroit purement de la volonté de Lydias : qu'à cet effect il auroit toute la nuict pour peser les raisons de l'yne & de l'autre, & que cependant il ne leur seroit permis de le voir qu'apres qu'il en auroit donné le dernier jugement; ainsi tout le monde se retira, & Melandre qui apres auoir fait cognoistre son sexe, mouroit de honte de paroistre sous l'habit de Cheualier, receut les offres de Galathee, & s'estant paree de ses habillemens, resolut de ne sortir point du chasteau que pour espouser Lydias ou pour sortir du monde.

Lydias cependant s'en retourna au logis du bon Amasiel, & Adamas prit soing d'Amerine, mais quelque bonne chere qu'il luy sist, il ne sceutiamais soulager l'ennuy qui paroissoit en ses actions & sur son visage; il s'offrit mille sois de la seruir en toutes sortes d'occasions, mais elle luy iura autant de sois que le seul bon office par lequel on la pouuoit obliger, estoit celuy qui la mettoit soubs la puissance de Lydias: à cela le Druyde s'offrit encore, & cela donna assez de hardiesse à cette belle sille pour luy dire, ie vous

coniure donc mon pere, par la chose du monde qui vous est la plus chere, de me donner ce contentement que ie puisse entretenir Melandre en particulier, c'est la derniere consolation que ie demande, & quelque malheur qui me puisse arriuer, ie iure qu'apres cela ie le treuueray moins insupportable. Adamas iugeant bien que cela se pourroit sacilement, & qu'il n'y avoit rien d'iniuste en ce desir, partit dés l'heure mesme, & en alla faire la proposition à Melandre: Cette genereuse fille consentit à tout ce qu'il voulut, & s'offrit de l'aller treuuer en sa maison, mais le Druyde ne sçachant pas si Amerine l'auroit agreable, jugea qu'il seroit meilleur qu'elle l'attendist dans sa chambre, & se chargea de l'y amener, ce qu'il fit, de sorte qu'apres avoir tiré parole d'elles, qu'il ne se passeroit rien en leur entretien qui luy pust estre imputé à crime pour en auoir esté le mediateur, il sortit & les laissa seules: A peine fut-il hors de la porte, qu'Amerine la ferma, & s'estant approchee de Melandre elle luy tint ce langage.

Ne vous estonnez pas genereuse Melandre, si ie doubte du iugement de Lydias, vostre merite en est cause, & ie sçay bien que sans estre dans l'aueuglement, il ne sçauroit preserer ma beauté à la vostre; Vous auez des qualitez si eminentes pardessus ce que ie vaux, que ie suis contrainte de venir rechercher de vostre pitié ce que mon merite ne sçauroit iamais obtenir: ie 126 LA DERNIERE PARTIE D'ASTREE, sçay bien que ie vous demande beaucoup quad ie demande ce Cheualier, mais pensez aussi que si vous me l'accordez, vous rendrez extremes & vostre gloire & mon obligation. Il n'est pas, belle Melandre que vous ne recognoissiez bien que cette recompense est deuë à mes peines, & que ce que i'ay souffert depuis quelques années, ne merite pas vn moindre prix : que si vous m'alleguez que vous auez le mesme titre pour le pretendre, & que vous n'auez pas moins enduré que moy, considerez ie vous supplie, que vostre courage qui est porté naturellement aux grandes choses, n'a iamais eu tant de difficulté à les entreprendre que le mien, qui n'a rien pardessus l'inclination d'vne simple fille, & qui n'eut ia-mais rien osé si l'Amour n'y eut sait vne particuliere violence: & puis, discrette Melandre, vous auez icy des personnes, de qui la posselsion ne vous sera pas moins glorieuse que celle de Lydias, & qui vous offrent vne fortune assez aduantageuse, au lieu que si ie perds ce que i'attends de l'inclination de ceCheualier, je demeure seule, loing de tout secours humain comme ie fuis absente de ma patrie, & peut-estre abandonnée à la mercy de quelque voleur qui triomphera de moy, faute d'auoir quelqu'vn qui prenne quelque soing de me dessendre : ie vous coniure donc par Lydias mesme, de ne resuser pas à ma douleur le soulagement que ie vous deman-de, & souuenez-vous, que si vous auez assez de

pitié pour me ceder ce bien d'où depéd ma ioye & ma felicité, ie n'auray iamais assez d'ingratitude pour resuser de perdre pour vous la mesme

vie que vous m'aurez conseruée.

Amerine accompagna ces paroles d'vne actió si douce & si obligeante, que Melandre en sut esmeuë, & n'eust esté que l'Amour se trouua plus fort en elle que la compassion, elle eust à l'instat mesme donné à cette belle fille le contentement qu'elle luy demandoit, & qu'elle sembloit meriter: toutefois son propre interest luy estant plus considerable que celuy d'Amerine, elle demeura quelque temps à penser à ce qu'elle deuoit respondre, puis tout à coup elle luy dit, les Dieux me soient tesmoins, belle Amerine, si ien'ay vn regret extreme de ne pouvoir vous rendre contente sur la demande que vous me faites maintenant, mais par pitié, mettez-vous en ma place, & dites-moy quelle vous seriez, si ie vous faisois la mesme supplication? n'est-il pas vray, que comme vous aymez Lydias plus que vostre vie, vous mourriez plustost que de souffrir qu'vne autre le possedast, ce n'est pas, si ie m'obstine à le desirer, que ie ne sois comme asseurée du malheur qui m'en doit arriuer, car il est aussi certain que son iugement vous sera auantageux, qu'il est vray que ie vous cede en toutes les qualitez où vous auez creu que l'auois de l'auantage par dessus yous, mais ie veux pour le moins pouuoir condamner sa foy violée, & auoir sur

LA DERNIERE PARTIE D'ASTREE, qui me vanger de la trahison qu'il aura faite a ma fidelité: e'est donc mon dessein, sage Amerine d'attendre le iugement qu'il en prononcera, que si vous croyez que ce soit vn defaut d'affection qui me porte à ne vous accorder pas le bien don vous estes si desireuse, commandezmoy d'entreprendre les choses les plus impossibles, voire mesme de mourir pour vostre contentement, ie proteste qu'il n'est rien que ie ne fasse pour vous obliger, pour ueu que l'amour que l'ay pour Lydias n'y soit point offensee. Ce fut-là tout ce que Melandre respondit, dequoy A merine demeura si outree, qu'il luy fut impossible d'estre aupres d'elle plus longuement, elle sortit donc apres luy auoir dit adieu, mais ce sur auccque tant de sioideur, qu'il estoit aisé de iuger qu'elle en estoit mal satisfaite; de sortune en fortant elle rencotra Adamas qui la venoit querir, ainsi elle s'en alla chezluy, & le supplia de permettre qu'elle se mist au liet sans souper, & sans estre veuë de personne: le Druyde fit quelque difficulté d'y confentir, toutefois ne la voulant pas importuner, il fut contraint de la laisser viure comme elle voulut. De toute la nuict elle ne ferma les yeux, & bien que les derniers tesmoignages qu'elle auoit receus de l'amour de Lydias luy fussent vn sujet d'asseurance & dè cosolation, elle ne laissoit pas de craindre & de s'affliger autant de fois qu'elle pensoit aux promesses qu'autrefois il auoit faites à Melandre: cc

fouuenir luy desroboit quelquesois des larmes, puis la portant dans un transport plus dangereux il luy saisoit saire mille resolutions sunestes; la derniere sur laquelle son esprit s'arresta, sut de ne permettre point que sa riuale triomphast de Lydias: de sorte que pour destourner ce coup, elle sit dessein de s'armer d'un poignard qu'elle pourroit cacher dans sa robe, & en cas que l'Arrest qui deuoit estre prononcé sust à l'auantage de Melandre, elle iura de la tuer, puis Lydias, & ensin de se facrisser elle-mesme sur le corps de son Cheualier.

Lydias de son costé ne goustoit guiere mieux le repos, toutes les obligations qu'il auoit à Melandre se presentoient à son souvenir, & luy en faisoient naistre dans l'ame un si vif ressentimet, qu'il croyoit, que sans estre coupable d'vne extreme ingratitude il ne pouuoit luy refuser ce qu'elle tesmoignoit de desirer si ardemment. D'autre costé les vœux qu'il auoit offerts à la belle Amerine le touchoient si puissammet, que son esprit combattu de l'esgalité qu'il rencontroit dans les faueurs & dans le merite de l'vne & del'autre, ne sçauoit presque de quel party se ranger, Lypandas aussi receut vne telle allarme, quandil sceut ce qui s'estoit passé chez Amasis, qu'il ne laissa plus Ligdamon en paix, & le força. de l'accompagner iusqu'au chasteau, où il dit à Melandretant de choses de sa passion, que s'il ne la toucha d'amour, ce fut au moins de pitié.

30 LA DERNIÈRE PARTIE D'ASTREÉ,

A peine l'heure fut arriuée à laquelle ils se deuoient trouuer le lendemain deuant Amasis, que toute la Cours'y rendit, & nos Amants aussi, mais auecque des resolutions & des pensees bien disserentes; Lydias cherchoit vn moy en pour chiger Amerine sans offenser Melandre, Amerine mouroit de peur que Lydias eust changé vne seconde sois, & se disposoit d'executer le suneste dessein qu'elle auoit fait, mais Melandre plus asseurée de ce qu'elle auoit à faire que tous les autres, deuant que Lydias eust eu commandement de parler, s'alla ietter aux pieds d'Ama-

sis, & luy tint ce langage.

Il est croyable, Madame, qu'on s'estonnera de voir qu'apres vne poursuitte si violente ie me deporte de l'esperance d'vn bien, à la veille, peut-estre d'en jouyr; mais si l'on veut prendre la peine de considerer les raisons qui m'y sont consentir, on aura sans doute plus de sujet de m'en doner de la gloire que de me condamner: premieremet, Madame, i'ay creu que ie ne pouuois posseder Lydias sans perdre Amerine, de qui l'affection merite d'estre coseruée plus cherement, au lieu que luy cedant de ma volonté vn auantage que peut-estre aussi bien eust-elle obtenu en dépit de moy, ie me la rends si obligée, que ie doibs croire que son amitié pour moy ne souffrira iamais de limites ny de changement: Et puis Madame, quand Lydias eust donné son iugement en ma faueur, n'est-il pas

vray qu'il cust failly contre ce qu'il doit aux premiers sermens dont il captiua les volontez de cete belle fille? que s'il l'eust prononcé en la sienne, comment se sut-il iamais garenty de la iuste hayne que l'eusse conceuë contre la tromperie dont il a tant de fois abusé mon innocence & mon amour? Il falloit donc Madame, qu'A. merine ou Melandre, quittast de son propre mouuement l'interest de ceste affection: or puis que les Dieux m'en ont inspiré le desir, & m'en donnent maintenant le courage, ie pense que c'est selon l'inclination de Lydias que iene veux iamais auoir sujet de hayr, au contraire que ie veux tousiours aymer come mon frere. Ie vous supplie donc Madame, de permettre qu'ils recoiuent le contentement que la fortune leur a enuié depuis quelques annees, & que ie leur desire auiourd'huy: heureuse trois fois de leur auoir procuré ce bien, si pour moy l'affection de Lydias demeure inuiolable, & si la belle Amerine recompensele bien que ie luy rends d'vn eternel souuenir. A ce mot Melandre se teut, & se leua apres auoir baisé la main à la Nymphe. Toute la compagnie demeura comme dans vn rauissement de luy auoir ouy tenir ce langage, mais sur tous Lydias & Amerine en surent d'autant plus estonnez qu'ils l'esperoient moins; se voyans donc dans le comble de la felicité qu'ils pouuoient attendre, ils allerent faire la reuerence à Amasis, & apresluy auoir demandé congé

132 LA DERNIERE PARTIE D'ASTREFS de remercier Melandre, ils luy donnerent tou? tes sortes de preuues de recognoissance & d'af-fection. Cela sait Amasis se voulut leuer, mais elle en sut empeschee par Ligdamon, qui tenant Lipandas par la main & le presentant à la Nymphe, la coniura d'acheuer ce qui restoit pour le contentement de ce Chetialier; aussi-tost Lypandas se ietta à ses genoux, & apres luy auoir fait vn recit de son amour & de ses auantures, la supplia de disposer la volonté de Melandre à le receuoir en la place qu'elle vouloit que Lydias occupast: Amasis treuua tant de iustice en son desir, qu'elle en sit la proposition à Melandre; & cette belle fille apres plusieurs honnestes refus, se souvenant en sin de ce qu'il avoit sait pour elle en plusieurs occasions, & principalement lors que pour secourir Lydias, il se ietta en bas des murailles de Marcilly, elle obeyt au commandement de la Nymphe & aux prieres de Ligdamon : ainsi ces quatre amants cueillirent en vn mesme iour le fruict de toutes les peines qu'Amour & la fortune auoient pris plaisir de leur faire souffrir. Ces deux mariages s'acheuerent deuant que la trefue fut finie, & cependant Lindamor n'auoit pas perdu le temps, il auoit fait auancer ses troupes, & parce qu'il auoit esté rencontré par Philandre; de qui il auoit appris l'estat des affaires d'Amasis, & quelle estoit la volonté de Gondebaut contre tout ce qui la touchoit, il fit dessein de ne pas-

## LIVRE DEVXIESME: 133

ser point dans Lyon: pour cet effect il alla trauerser le Rhosne enuiron à demy lieuë de là, & le lendemain se rendit dans Vienne. D'autre costé Gondebaut à qui il tardoit de se vanger de l'affront qu'il croyoit auoir receu d'Amasis, & qui se voyoit pressé par Ligonias, qui luy representoit à tous moments les desordres qui arriueroient, en cas que Polemas ne fust point secouru dans le temps qu'on luy auoit promis, acheua de donner ses commissions, & employa tant de personnes, qu'auecque ceux qu'il auoit desia pour la seureté de la ville & de sa personne. Il fit trante-deux mille hommes, tant hanequiniers que piquenaires & autres solduriers, & les ayant fiez à la conduitte de Ligonias, auec commandement à tous les chefs d'obeyr à Polemas, il leur donna congé & luy escriuit cette lettre.

## LETTRE

## DE GONDEBAVT A POLEMAS.

l'Enuoye trente deux mille hommes d Polemas, non pas que i y sois poussé de l'ambition de voir croistre les bornes de mô Empire, ouy bien du desir que i ay de luy

LA DERNIERE PARTIE D'ASTREE, donner les moyens de porter sa gloire au plus haut poinct qu'il la puisse desirer. I'ay choisi parmy mes solduriers ceux qui sçauent le mieux obeir, afin qu'ils ne manquent pas à faire des merueilles, estans sous la coduitte d'vn homme qui sçait parfaittement bien commander: Mais quelques grandes que puissent estre les victoires qu'ils emporterent, elles seront tousiours moindres que l'esperance que i ay fondee sur vostre courage, dont la grandeur se pourroit assurer de la conqueste du monde, s'il vouloit prédre la peine de s'y employer: Combattez donc promptement braue Polemas, ou plustost surmontez, car ie sçay que desormais en vous combattre & vaincre ne sera qu'vne mesme chose.

Durant que les affaires alloient ainsi, Sigismond passoit sort mal son temps: Gondebaut l'auoit fait ensermer dans vne Tour, asin de s'assurer mieux de sa personne, s'estant bien douté, que tant qu'il auroit esté libre, il n'auroit pas souffert qu'on eust fait quelque dessein contre Amasis, Godomar, ou Dorinde, sans y messer son interest. Ainsi ce icune Prince trouvoit sa detention insupportable, dautat mieux qu'ayant le jugement tres bon, & sçachant le départ de cette armée, ils preuoyoit bien les perils on son frere se trouueroit; de sorte que le despsaisir qu'il ressentoit de ne le pouvoir secourir estoit si extreme, que tous ceux qui le gardoient, pouuoiet lire sur son visage les marques d'une violente douleur; enfin le Ciel qui le reservoit à quelque chose de plus glorieux que de languir dans les ennuys d'vne prison, permit qu'il en eschappast de cette sorte. Parmy ceux que Godebaut tenoit aupres de luy, de peur qu'il se sauuast, il y auoit deux germains d'Ardilan qui portoient aussi le mesme nom, dont l'un trouuant plus de saueur aupres du Roy, auoit seul obtenu les biens de son parent dessunct, dequoy l'autre se sentant extremément picqué, & n'osant toutesois mur-murer de l'iniustice qui luy auoit esté faite, il resolut de s'en vanger en saueur de Sigismond, & de luy faciliter les moyes de se deliurer de la tyrannie de son pere. Il luy en ouurit donc le discours le lendemain que l'armee se fut mise en campagne, & apres que Sigilmond se fut bien assuré de sa fidelité, puis que tu m'offres ton secours, luy dit il, & que ta bonne volonté a preuenu mes prieres, ie te iure par ce qui m'est plus sain&, & par l'ame de Gondebaut, que i'ay honte de nommer mon pere, que si tu m'aydes à sortir d'icy, ie te mettray en estat de n'enuier 136 LA DERNIERE PARTIE D'ASTREE; la fortune de personne qui viue dans ce Royaume, mais prends garde à ne me tromper point, car outre qu'il n'en arriueroit rien à l'auantage de ceux qui me hayssent, encore est il vray que tu t'y perdrois infailliblement. A ce mot le Prince se mit à se pourmener par la chambre, & le ieune Ardilan qui craignoit qu'on le pust ouyr de la porte, s'approcha de luy, & luy respondit assez bas, il ne faut point, Seigneur, que vous doubtiez ny de mon affection, ny de ma fidelité, ie conduiray ce dessein auecque tant de prudence, qu'il sera bien aysé de le faire reussir. Disant cela, l'heure qu'Ardilan auoit à demeurer aupres de luy expira, & il quitta la place à vn autre qui vint pour le mesme effect; Il ne sut pas plustost sorry, que pour ne perdre point de temps, il alla acheter vne petite barque de celles qui seruent à trauerser l'Arar, & ayant fait prouision de deux habits de pescheurs, de quelques filets, & d'vne corde aussi haute qu'il la falloit, pour descendre de la tour où Sigismond estoit detenu, il laissa la barque & les nasses au port, & enfermales habits & la corde dans vn cheuer dont il auoit osté la plume, puis sur l'entree de la nuict il le porta luy-mesme jusqu'en la chambre du Prince, cù il denoit coucher ce, soir l'auec vn de ses camarades: Sigismondne fut pas plustost dans le lict, qu'il fit semblant de dormir, & Ardilan qui avoit aussi porté des dez & vne bouteille, fit si bien qu'il amusa son

compagnon iusqu'au matin, qu'apres auoir bu d'autant, il fut contraint de fier la garde duPrince à la vigilace d'Ardilan. Dés qu'Ardilan iugea que son camarade estoit dans yn assoupissement assez grand pour ne s'esueiller de deux ou trois heures, il tira ses habits du sac, & s'en metrant vn dessus, puis suppliant Sigismond de vestir l'autre, il attacha la corde à la fenestre, & descendirent ainsi l'yn apres l'autre sans faire que fort peu de bruit. Aussi-tost qu'ils surent en bas Ardilan le mena dans sa petite barque,& iettant les filets dans l'eau, auec plus d'apprehension d'efire pris, qu'ils n'auoient d'enuie de prendre, ils arriverent aux chaisnes iustement comme l'Aurore commençoit de paroistre; ils n'y furent pas long-temps sans qu'on les ouurit, de sorte qu'ayant ramé plus fort que de coustume, ils entrerent bien tost dans le Rhosne, dont l'impetuosité les porta dans Vienne en moins de trois heures.

Quand le compagnon d'Ardilan s'esueilla, & qu'il ne vid plus son camarade, il courut droit au list du Prince, & ne l'y trouuant non plus, s'en alla iusqu'à la senestre, où rencontrant la corde attachee, il iugea d'abord que c'estoit par là qu'ils s'estoient sauvez, & disputa s'il se sauveroit aussi; ensin se representant que s'il estoit pris il seroit puny comme leur complee, il ay ma mieux faire ce que luy conseilla son innocence que se mettre au hazard d'estre entierement creu

LA DERNIERE PARTIE D'ASTREE, coupable. Il se mit donc à crier le plus haut qu'il put, & se deschirant le visage, fit voir aux premiers qui arriverent les marques de la fuitte de Sigismond. Gondebaut ne fut pas long-temps sans en estre aduerty, & s'estant porté luy-mesme sur le lieu, il vid les habits du Prince qui estoient sur le list pesse-messe auecque ceux d'Ardilan, toutefois cela ne faisant rien à la defense de celuy qui estoit resté, il iura qu'il le feroit perdre, mais quand il vid la corde, & qu'il considera qu'il luy estoit aussi facile qu'aux autres de se sauuer s'il eust esté coupable, il commença de tourner toutesa colere contre le ieune Ardilan, & de fait il fit publier par la ville, que si quelqu'vn le luy pouuoit amener ou mortou en vie, illuy donneroit vne pension pour lereste de ses iours. Mais tout le soing qu'il employa pour en apprendre des nouuelles fut extremément inutile, car ils estoient desia dans Vienne, & il se rencontra heureusement que c'estoit le lendemain que Lindamor y fut arriué.

L'entrée qu'ils firent dans la ville fut bien plaisante, car ayants laissé au port leur petite barque, ils allerent au premier logis qu'ils virent ouuert, & y demanderent quelque chose à manger; on leur seruit de si mauuaises viandes, les croyant estre veritablement Pescheurs, que si ce n'eust esté que le Prince estoit accoustumé dés sa icunesse a soussir les incommoditez, il est certain qu'il eust eu horreur de les regarder seule-

ment:mais Ardilan qui n'auoit presque cesse de ramer, & qui auoit veillé tout le long de la nuict mangea, mais auecyn appetit si desordonné, qu'ason exemple il sur impossible à Sigismond de s'empescher de gouster des choses qu'on leur auoit mises deuant. Durant le repas, le Prince fut soigneux d'apprendre de l'hoste de quelles nouvelles on s'entretenoit par la ville,& de peur qu'il trouuast estrange, qu'estant d'yne si basse naissance, comme le tesmoignoit son habit, il eust pourtant quelque curiosité des affaires du monde, il se mit à dire luy-mesme que ce qui l'auoit fait partir de Lyon pour venir védre son poisson dans Viene, c'estoit que l'on saisissoit de la part de Gondebaut toutes les prouisions qu'on trouuoit afin d'entretenir les hommes qu'il auoitassemblez pour la guerre du Forests, mais que ne les payant point, il s'estoit sauué auec sa petite barque, pour essayer de faire de l'argent du peu qu'il pouuoit auoir pris: l'hoste luy dit qu'il estoit arriué à la bonne heure, puis que depuis vn iour il estoit venu vn certain Seigneur nommé Lindamor, de la valeur duquel tout le monde cotoit des merueilles, qui auoit auecque luy quatre ou cinq cens hommes tous Nobles, & pres de quatre mille solduriers: l'ay, dit Sigismond en l'interrompant, trois ou quatre poissons, dont la grosseur est presque monstrueuse, & l'oserois croire qu'il les achetteroit volontiers, si l'auois le moyen de le luy

140 LA DERNIERE PARTIE D'ASTREE, faire sçauoir: Pauure homme, respondit l'hoste, croy tu que cette sorte de gens aille au marché comme nous? sçache qu'ils ont des hommes qui prennent ce soing-là, & que peut-estre ton poisson sera achetré, sans que tu voyes ce Cheualier, & sans qu'il sçache que cesoit toy qui l'ait vendu; Patience, repliqua Sigismond en sousriant, pourueu que l'aye de l'argent il ne m'importe, & ie croy qu'il sera aussi bon, venat de la main du valet que du maistre; Et bien, reprit l'hoste, si tu veux ie te meneray jusqu'où il est logé, afin que tu ayes la commodité de parler à quelqu'yn de ses domestiques, aussi bien ay-ie grande enuie de voir son visage, car ie te iure qu'à ouyr de quelle façon on en parle, on auroit de la peine à croire qu'il fust fait comme les autres hommes.

Sigismond ne put s'empescher de rire de la pensee de son hoste, & se remettant en memoire tout ce qu'autresois il auoit oüy raconter à l'auantage de Lindamor, il iugea bien que son retour d'aupres de Childeric n'estoit que pour assister Amasis, contre les mauuais desseins de Polemas: croyant donc que son meilleur estoit de se ioindre à luy, il partit auec Ardilan, & l'hoste les conduisit iusqu'où Lindamor estoit logé: Aussi tost qu'ils surent entrez, chacun prit party de son costé, & le Prince demanda qu'on le sist parler à Lindamor, mais comme il vid qu'on luy en faisoit quelque difficulté, il

adiousta que c'estoit pour des affaires importantes, & pout luy donner des aduertissements dont il luy sçauroit gré. Celuy à qui il s'estoit addressé, lisant quelques traices sur le visage de Sigismond, qui n'estoient pas si grossiers que l'estoffe dont il estoit couvert, & se souvenant de quelle façon Philiandre s'estoit sauué en sortant de Marcilly, s'imagina que c'estoit peustestre quelqu'vn qui venoit encore de la part de la Nymphe, si bien que sans y apporter plus de ceremonie, il les mena par vn degré desrobé dans vne chambre assez proche de celle de Lindamor. L'ayant donc laissé là auec Ardilan, qui ne sçauoit à quoy se deuoit terminer cette visite, il alla dire à Lindamor qu'il estoit arriué deux hommes vestus en pescheurs, dont l'vn auoit assuré qu'il auoit à luy communiquer quelque chose de tres grande consequence. Lindamor alors feignant d'entrer dans son cabinet pour voir quelques depesches, se desroba de la compagnie, & s'en vint où Sigismond estoit. Dés que le Prince le vidil en ayma la façon & le visage, car il est vray que ce Cheualier auoit des charmes en sa bonne mine, dont on ne se pouvoit dessendre, & le saliiant avec vneaction qui dementoit mieux sa naissance que son habit, Seigneur, luy dit-il, ie viens vous aduertit d'vn accident qui est arriué das Lyon,& duquel nous auos esté tesmoins, voire mesme en quelque façon complices. C'est que le Prince Sigis-

542 LA DERNIERE PARTIE D'ASTREE, modà rompula prison ou son pere le detenoit, & nous l'auos amené dans nostre petite barque sans autre compagnie que celle d'vn home qui s'est sauué auecque luy. A peine Lindamor luy put permettre d'acheuer ces dernieres paroles, car le frappant des mains l'yne contre l'autre, & leuant les yeux au Ciel, soyez-vous louez, dit-il, grands Dieux, dequoy vous n'auez pu souffrir plus long temps vne si grande iniustice : disant cela, peu s'en falut qu'il ne versast des larmes de ioye, dequoy le Prince fut si content, qu'il sut sur le poinct de se descouurir à l'heure mesme, toutefois luy voulant vn peu faire acheter cebien, Or, Seigneur, continua-til, nous auons ouy durant le chemin qu'il a fort souvent nommé vostre nom, sans sçauoir toutefois, come ie pense que vous sussiez si proche de luy; de sorte qu'à nostre arriuée, ayant appris vostre retour & vostre logis, nous auons creu vous faire plaisir de vous donner cet aduertissement, afin que vous vous en preualiez, soit qu'il vous ayme, ou qu'il soit vostre ennemy: le te rends graces cher Amy, respondit Lindamor, & deuat que tu me quittes ie te recompenseray assez bien, pour te faire iuger du plaisir que ie reçois de la nouuelle que tu m'apportes; mais ie te prie d'y moy où il s'est logé, afin que ie me haste de luy aller baiser les mains: Seigneur, repliqua le Prince, pliant les espaules, il a mis pied à terre de l'autre costé du Rhosne, & ie crains qu'il soit dessamon-

té à cheual pour aller, si ie ne me trompe, trouuer son frere dans Marcilly, pour le moins nous l'en auons ouy parler de la sorte: Ah Dieux!s'escria Lindamor, donnant du pied contre terre, & quel malheur sera le mien, si ie ne le sers, & si ie ne l'accompagne en vne si glorieuse entreprise; à ce mot, auec vne haste extreme, il commanda qu'on luy amenast des cheuaux, & fit dessein de le suiure à l'instant mesme: toutesois voulant donner quelque satisfaction à ceux qui luy avoient donné cet aduis, il comanda qu'on leur baillast force argent, & puis les ayat remerciez, leur donna congé de se retirer: mais Sigismond qui mouroit de plaisit de le voir dans la peine & dans l'impatience où il estoit, Seigneur, reprit-il, si vous nous le commandez, nous aurons l'honneur de vous accompagner en vostre voyage, & peut-estre pourrons-nous bien estre cause que vous le rencontrerez plustost; Lindamor qui auoit l'esprit empesché à autre chose qu'à penser à ce qu'il disoit, sut vn peu de téps sans respondre, puis tout à coup il faudroit trop de temps, dit-il, pour vous choisir des bottes, outre que vous ne sçauez pas la difference qu'il y a de picquer vn cheual, à faire aller vn batteau; à ce mot il voulut sortir, & Sigismond ne pouuant plus se retenir, il ne faut, dit-il en l'arrestant, ny batteau, ny cheuaux, ny bottes pour rencontrer ce que vous desirez, puis que vous auez Sigismond si proche de vous: disant

LA DERNIÈRE PARTIE D'ASTREE, celail l'embrassa; dequoy Lindamor sut si sur? pris, que peu s'en falut qu'il ne tombast de sa hauteur : ses yeux s'estants desueloppez du nuage qui les auoit couverts fous la tromperie de cethabit, permirent qu'il leust sur le visage de Sigismond vne Majesté qui luy estoit auparauant incognuë, toutefois pour ne perseuerer pas dans son erreur, il mit vn genouil en terre; & quelque priere que le Prince luy fist de se releuer, il ne le voulut iamais, qu'il n'eust obtenu le pardon qu'il luy demanda, reiettant neantmoins la faute de sa mescognoissance sur luy-mesme, qui auoit pris plaisir à le deceuoir. Leurs premiers compliments acheuez, le Prince fut d'aduis de se mettre au list pour le reste du iour, durant lequel on luy feroit des habits, & Lindamor qui luy ceda sa chambre, sei-gnit d'auoir pris vn grand mal de teste, asin de demeurer libre de toutes visites, & d'auoir plus de commodité de conferer auecque luy des affaires de la Nymphe; ainsi le Ptince ne sut pas plustost couché, qu'il pria Lindamor de se met tre sur le list auecque luy, & puis luy parla en ces termes.

Ce portraict, dit-il, ouurant vne petite boëtte de pierreries qu'il portoit penduë au col, vous apprendra que Dorinde est en partie cause de tous les desordres qui brouïllent Gondebaut, & le messent dans les affaires de Polemas: cette fille, dont vous voyez l'image, & de qui les perse

ctions sont si grandes, qu'il n'est peintre au mo de qui ne perde l'esperance de les pouuoir parfaitement imiter, a rédu l'esprit de mon peresi sensible aux charmes qu'elle possede, qu'il en est tombé dans des extrauagances vrayement indignes d'vn homme de sa qualité. Or dés que la naissance de cette affection me sur cognuë, i'eus tant de peur qu'il se remariast, que ie sis desfein d'y apporter toutes sortes d'obstacles. Celuy qui me vint premierement dans la fantaisse, fut de feindre d'auoir de l'amour pour elle, mais voyez combien il est dagereux de se iouer à son maistre, i'en deuins peu apres si perdu d'amour, que ie ne pése pas qu'vne passion ait iamais esté plus violente que la mienne: le premier dessein que l'auois fait de ruiner toutes les pretentions de mon pere reuffit pourtant, car fut que cette fille iugeast que mon aage estant plus conforme au sié, il se trouueroit plus de sympathie en nos humeurs, ou veritablement qu'elle s'imaginast que l'intétion du Roy n'estoit passi sainte qu'il la luy representoit, tanty a, que ie la gaignay entierement, & qu'apres la mort de son pere ie fis en sorte qu'elle s'en alla dans la Forests où ie croyois la suiure; mais il m'arriua tant d'empeschemens, que ie ne pus faire autre chose qu'y enuoyer mon frere, qui apres diuerses rencontres la fit enfin conduire dans Marcilly où ils sont encore. Or les persuasions de Polemas, qui promet de tenircet Estat purement de la main duRoy, & le desir qu'a Gondebaut de sevanger d'Amasis qui les a receus en sa protection, ont sait qu'il a declaré la guerre a cette Princesse, & que depuis hyer il est party plus de trente mille hommes qu'il enuoye sous la charge de Polemas: mais de peur que ie m'engageasse dans cette querelle, comme estant commencee en partie pour mon sujet, le Roy me sit enfermer dans vne tour, de laquelle m'estant sauué par l'assissance de ce ieune homme que vous auez veu desguisé comme moy, ie suis ensin arriué aupres de vous assez à temps pour faire quelque belle action à l'auantage d'Amasis & de Dorinde.

Lindamor tesmoigna vne ioye nompareille de tout le discours que Sigismond luy auoit fait, & luy ayant iuré qu'il ne pouvoit mieux employer ses armes qu'à la desence de cette Princesse, il le coniura de haster cette faueur le plus qu'il luy seroit possible: c'est pour cela, respondit le Prince, que ie suis d'auis que nous executions vne chose que i'ay imaginee, c'est qu'il faut que nous fassions partir promptement quatre hommes des vostres, & de ceux quiseront les moins cognus, afin que deux s'en aillent dire à Lyon comme c'est que ie suis arriué dans Vienne, & que les autres se glissent insensiblemet dans l'armee que Gondebaut enuoye à Polemas, car voicy ce qui en reussira; l'ay quantité d'amis das Lyon, qui ne se soucieront point de desplaire au Roy,

ie puis dire en verité que presque toute la Noblesse est à moy; or il est certain que dans la peine où ils sont de sçauoir ce que ie suis deuenu, ils n'en apprendront pas plustost les nouvelles; qu'ils se mettront tous en estat de me servir, & de me suivre; pour ce qui regarde ceux qui sont dans l'armee que mon pere a fait partir, il est impossible qu'il ne s'en trouve quelqu'vn qui aura de l'interest pour moy, celuy-là en desbauchera vn autre, & cet autre vn autre; ainsi ie m'imagine que plusieurs quitteront pour se rendre aupres de moy, & que cette armee s'affoiblira de beaucoup par la perte de ceux quil'abandonnéront.

Lindamor treuia ce dessein tres, bon, & sie partir à l'heure-mesme quatre de ceux en qui il se fioit le plus, & seur ayant donné toutes les instructions necessaires, il se remit aupres de Sigismond, & suy parla de cette sorte: le croy veritablement, Seigneur, que les Dieux ont iuré en saueur d'Amasis, & qu'ils ont resolu de la deliurer bien-tost de toutes sortes d'oppressions, puis qu'ils y trauaillet auecque tant de soing, & qu'ils y procedent par des voyes qui semblent estre du fout miraculeuses: car il est vray que dans le discours que vous m'auez fait l'honneur de me tenir, ie ne remarque pas vn euenement qui ne soit extraordinaire, tesmoing cette suitte de Dorinde, ce voyage du Prince Godomar, &

48 LA DERNIERE PARTIE D'ASTREE, cet interest que vous auez pour luy & pour elles qui semble estre né seulement à l'auantage de cette Princesse affligee.Philiandre m'a parlé encore d'une certaine Reyne estragere qu'il nom-me Argyre, & qui vint il n'y a pas long-temps pour faire guerir un-Cheualier nommé Rosileon, il m'a dit qu'elle auoit laissé pres d'Amasis vne tres-belle fille, auec promesse de la renuoyer querir par vne armee assez forte pour resister à la puissance de tous ses ennemis. Pour moy qui ay tousiours creu ne pouuoir mourir plus glorieusement, qu'en me perdant pour celle à qui ie doibs & les biens & la vie, i'estois resolu de faire vn si grand effort auec les solduriers que l'ay ramenez, que ie pusse entrer dans la ville, & apres cela m'ayder à la defendre iusqu'à l'extremité. Vostre resolution estoit treslouable, dit Sigismond, & ie m'assure que vous en sussie, de organiste en fussie dangereuse que tant d'autres, que vostre valeur vous a fait glorieusement executer, mais il faut que vous schachiez qu'en l'estat où la ville est maintenant, elle n'a nul besoin que ny vous, ny moy y soyons: Mon frere m'escriuit sur le commencement de leur siege, qu'il y auoit tant de Cheualiers dedans, & ie pense que Philiandre vous l'aura dit aussi, que bien qu'ils mãquassent de toute sorte d'assistance, on ne les sçauroit prendre de deux Lunes. Or ie regarde que puis qu'ils ont dequoy se desendre, il

Livre DEVXIESME.

vaut beaucoup mieux que nous fassions vn corps, auec lequel nous puissions tenir la campagne, en attendant que nous prenions nostre temps pour donner bataille, ou pour entrer dans la ville, selon que nous le treuuerons plus à

propos:

Cet aduis fut treuué si bon par Lindamor, qu'il se resolut de le suiure; la seule difficulté qu'il y remarqua, ce fut qu'il eut peur que l'armee de gondebaut arrivant aupres de Polemas, deuant que le gros qu'ils vouloient faire fust prest, ne donnast quelque assaut si violent qu'on ne le pust soustenir; cela fut cause qu'il proposa au Princes'il ne treuueroit pas bon qu'auec ce qu'il auoit d'hommes, il gaignast vn peu les deuants, afin que cela pust amuser les ennemis, & que cependant il demeureroit dans Vienne pour receuoir ceux qui se ietteroiet de son party? Le Prince luy respondit que cela estoit entierement necessaire, & sur cette resolution ils passerent le reste de la iournee que Lindamor employa à donner les ordres pour partir, comme il fit le lendemain auec toutes ses trouppes.

Le mesme iour ceux que Lindamor auoit enuoyez à Lyon y arriverent, qui n'eurent pas plustost dit à cinq ou six personnes que Sigismon estoit dans Vienne, que deuant qu'il fust du tout nui et toute la ville le sceut. Gondebaut en faillit à creuer de despit: & c'est sans doubte

LA DERNIÈRE PARTIE D'ASTREE, 150 que s'il luy fust resté quelques forces; il les cust employees à l'y aller assieger, car son humeur qui estoit assez barbare, le portoit fore promptementà des resolutions extremes: mais en eschange la pluspart de la Noblesse, & presque tous les ieunes hommes en receurent tant de contentement, qu'ils passerent le reste de la nuiet sans faire autre chose que se preparer pour Paller treuuer le lendemain. Le Roy à qui la co-lere auoit presque troublé le ingement, & qui ne se doubta pas du mal qui luy en pouuoit ar-riuer, permit qu'on ouurist les portes de la ville, car elles auoient esté sermees depuis le momée qu'il auoit appris la fuitte de Sigifmond, si bien que de diuers costez il sorrit pres de cinq mille hommes, qui le mesme iour se rendirent aupres du Prince. Lelendemain il partit, & s'en alla ioindre Lindamor, qui auoit prisson rendez-vous à Boen. Cependant l'armee de Gondebaut s'estoit fort auancee, & peu s'en faloit qu'elle ne vid dessa les murailles de Marcilly: Polemas qui mouroit de contentement, & qui flatté de ce glorieux titre de General d'yne si puissante armee, se promettoit la conqueste de Galatee, s'auança d'vne demy iournee pour aller à la rencontre de ce secours: il receut la lettre de Gondebaut qu'il baisa deux ou trois fois, & ayant pris le serment de fidelité que les Chefs firent entre ses mains, il iura que le plus grand interest qu'il auoit en cette guerre

n'estoit que pour la gloire de Gondebaut. En suitte de cela il fit vne harangue, dans laquelle il n'oublia rien de ce qui les pouuoit obliger à combattre vaillamment, de sorte qu'il acquit tant de pouvoir & de credit aupres d'eux, qu'il ne s'en treuua pas vn qui ne se montrast bien aise d'estre sous son commandement. Enfin voulant sçauoir de combien d'hommes cette armee estoit composee, il fut fort estonné quad au lieu de trente deux mille que le Roy luy marquoit, il n'en treuua que vingt-cinq ou vingt-six, le reste s'estant desbandé depuis la nouuelle qu'on auoit euë des desseins de Sigismond: Si cela incommoda Polemas, il seruit extremement au Prince, qui dans moins de trois iours se trouua fort de seize à dix-sept mille hommes, compris ceux que Lindamor auoit ramenez d'aupres de Childeric.

Rosileon de son costén'auoit pas sait peu de diligence, car l'amour qu'il auoit pour Rosanire, luy laissoit si peu de repos, qu'il n'auoit rien de plus present en la pensee, que de faire quelque action qui ne dementist point les premieres marques qu'il auoit données de son courage, cela sut cause qu'il se hasta si sort, qu'il ne s'en salut que d'vne iournée qu'il n'arriuast pres de Marcilly, aussi-tost que les trouppes du Roy des

Bourguignons.

La trefue deuoit finir le lendemain, de sorte que le retardement de Rossleon, le peu de nou152 LA DERNIERE PARTIE D'ASTREE, uelles qu'on avoit du retour de Lindamor, & l'arriuee du secours que Polemas auoit receu, mirent Amasis dans vne tres-grande peine, elle n'auoit point sceule succez du voyage de Fleurial ny de Philiandre, & ne se pouuant figurer que le mal qu'elle souffroit fust si proche de son remede, elle ne cessoit de s'affliger, come si desia elle eut esté accablee de tous les malheurs qui la menaçoient: Adamas la surprit das cette douleur, & bien qu'en son ame il la treuuast tres-iuste, pour le peu d'esperance qu'il auoit qu'elle en deustiamais guerir, si est ce qu'ayant vne ferme creance que les Dieux ne l'abadonneroient point en la iustice de sa cause, il la condamna comme estát hors de saison, cé que la Princesse ne pouuant gouster, Ah! dit-elle Adamas, c'est manquer d'esprit ou de ressentiment que de n'apprehender point les funestes accidens qui sont sur le poinct de me perdre, tout cotribue à me desesperer, les estrangers me trompent, mes voisins m'assaillent, & mes propres subjects me trahissent. A ce mot elle porta son mouchoir à ses yeux, qui faisans vn effort cotre la gradeur de son courage, laisserent eschapper quelques larmes; dequoy le Druy de s'estant apperceu, & luy youlant donner quelque consolation, Madame, luy dit il, iene doubte point que yous n'ayez du fujet de craindre, mais pardonnez moy si i'ose dire que vous n'en auez point de vous desesperer; vne ame bien nee comme la vostre ne peur

comettre ce manquement, qui n'est pas mieux vne marque de la bassesse d'vn esprit, qu'vn tesmoignage de mesfiance enuers les Dieux.Par la grace de Tautates nos affaires ne sont point encore dans vnetelle extremité, qu'il n'en faille attendre que la ruine; & quand il seroit bien infaillible que nous deurions perir, ce vous sera ce me semble vn grand soulagemet de cognoistre que si les Dieux l'ont permis, ce n'aura iamais esté pour vous punir d'aucun crime que vous ay ez commis contre ce que vous leur deuez: Ie sçay bien, Madame, que les Estats ont quelquefois leurs revolutions & leurs changemes; mais ie sçay bié aussi que cela ne leur arriue pas facilement, sans qu'vn sujet bien legitime ait attiré fur eux la colere du Ciel: Or, Madame, c'est ce qui ne se rencontre point en vous, de qui la pieté s'est tousiours renduë si recomandable, qu'il n'est personne qui n'auouë qu'elle a esclatté dans toutes vos actios. La plus religieuse de mes actions, respondit la Ptincesse, doit auoir esté pire qu'vn crime, puis que i'en souffre le chastiment, ce n'est pas, reprit le Druyde, vne bonne consequece, non plus que si l'on disoit que vous n'aueziamais fait de bien, puis que les Dieux ne vous recompensent point : Il faut, Madame, que vous sçachiez que l'œil des homes n'est pas assez fort pour lire dans leurs secrets, & que nostrepensee mesmen'y pouuant penetrer, il est bien difficile d'apprendre les causes du bien ou

LA DERNIERE PARTIE D'ASTREE, du mal qu'ils nous enuoyent. Quelquefois ils permettent que les bos soyent accablez de calamitez & de miseres, cependant que le coupable rit dans la bonne fortune, & dans la prosperité; mais cela, dautant que ne iugeas pas que les co-tentemes qu'on peut gouster en ce mode soient vne assez digne recompense pour ceux qui viuent dans leur crainte, ils reservent le prix qu'ils veulent donner a leur merite, pour la seconde vie dont nous deuons jouyr: Mais, Adamas, repliqua la Nymphe, quoy que s'en soit, il faudra que ce traistre Polemas triomphe de ma fille,& que ie voye mon Estat sous la puissance d'vn perside, qui n'eut iamais de plus grande gloire que celle de m'obeyr? Si les Dieux, respondit Adamas, en auoient ordonné de la sorte, toute la puissance humaine ne seroit pas capable de l'empescher, & la plus douce voye seroit de le souffrir sans murmurer: le sçay bien, repliqua la Nymphe, que si Galatee a autant de courage que moy, nous ne manquerons pas de remedes pour ne point tumber entre ses mains : le plus facile de tous, repliqua le Druyde, est de recourir aux Dieux, qui sont trop iustes pour vous refuser le secours qui vous est necessaire : les Dieux, reprit Amasis, ont esté si iustes, qu'ils m'ont laissé le pouuoir de mourir quand il me plaira. A ce mot, outree de douleur, elle laissa le Druyde dans la chambre, & s'enferma dans son cabinet, Adamas qui eut peur que la Nymphe fist en ce moment quelque resolution dangereuse, s'en alla treuuer Godomar, qui auoit aupres de luy Damon, Alcidon, Lypandas, Ligdamon, Lydias & quelques autres Cheualiers, & l'ayant supplié d'aller voir Amasis, il luy raconta l'estat où elle estoit, & tout le discours qu'ils auoient eu ensemble: l'ayant en suite de cela instruit de quelques particularitez, il l'accompagna insqu'à la porte du cabinet, & puis se retira pour aller donner dans la ville les ordres necessaires à sa conservation.

Amasis s'estoit desia iettee sur vn lict de repos, qui certes perdit bien alors son nom, & là, ioignant au desplaisir devoir ses affaires en si mauuais estat, la perte de Clidamant son fils, sur lequel elle auoit posé le fondement de ses plus douces esperances, elle tumba dans vne si grande sascherie, que peu s'en falut qu'elle ne se sacrifiast à la violence de son desespoir; elle sit mille desseins dans son ame, dont le plus auantageux estoit de mourir, & bien qu'elle sceust assurément que les plaintes ny les pleurs ne pouuoiet apporter aucun remede à l'ennuy qui la pressoit, elle ne laissoit pas de pleurer & de se plaindre, pour montrer seulement qu'elle estoit capable de donner à la douleur tout ce qu'elle demande aux ames les plus affligees, falloit-il cher Clidamant, disoit-elle, que ta mort fust cause de la mienne, & que de la perte de ta presence dépendit celle de mon estat? la seurté

de ces Prouinces n'estoit-elle appuyee que sur tavie, & les Dieux auoient-ils ordonné que le salut de mes peuples releueroit immediatemét du tien? helas! adiustoit-elle, auec vn prosond souspir, helas! que s'ay bien raison d'auoir cette pensee, puisque deuát que tu vinsses au monde, ils auoient subsisté auecque tant de gloire, qu'il n'estoit pas possible d'en craindre le changement, s'il ne leur eust esté fatal de perir auecque toy. Ah! Clidamant: à ce mot elle voulut continuer, mais oyant heurter à la porte, elle s'arresta, & dés qu'on l'eut aduertie que c'estoit Godomar, elle cacha dans son mouchoir les pleurs qu'elle auoit alors sur son visage.

Ce ieune Prince, en la valeur duquel elle auoit fondé presque toute son esperance, luy dit tant de choses, & les Cheualiers qui l'accompagnoient promirent à la Nymphe tant de seruice & d'affection, que cela la remit vn peu; si bien que les ayant priez de s'asseoir, elle leur dit, quelque grand que soit le courage d'vne femme, il est bien difficile qu'il resiste aux asfauts que la fortune luy donne, particulierement quand elle menace de ioindre à la perte de la vie, celle de la reputation. Iusques icy i'auois, ce me semble, supporté auec quelque sorte de patience les malheuts dont i'ay esté attaquee, mais depriis que le secours que Polemas a receu, m'a fait perdre l'esperance de le punir de sa rebellion, & que i'ay creu que ma fille & moy

deuions estre immolees à son impudence, i'a? noue que ma raison a quitté les armes, & certes ie ne suis pas blasmable de n'auoir esté susceptible de ce desespoir, à moins que de voir armez contre moy trente cinq ou quarate mille hommes. Tout ce nombre de combattans, respondit Godomar, peut estre mis en poudre par vn seul coup de la colere du Ciel; ce n'est pas tousiours la quantité de solduriers qui remporteles victoires, le courage & le droict sont les vrays fondemens sur lesquels s'appuye le gain des combats & des batailles: & c'est ce qui me fait croire qu'ayant autant de droict de vous defendre, qu'ils tesmoignent d'iniustice en vous attaquant, & le courage de ceux qui vous seruent estat plus genereux, sans comparaison, que celuy qui pousse cer ennemy à vous persecuter, il est impossible que son effort ne demeure vain, & que l'esclat de toute cette puissance ne meure deuant nos armes, comme on void disparoistre la clairté d'vne petite estoille à l'arriuee du Soleil. Et les autres adiousterent à cela quelques autres discours, & luy donnerent tant d'esperance, que son visage reprit les couleurs que l'apprehension luy auoit desrobees: Apres cela ilse retirerent, & ne furent pas plustostsortis, qu'ils allerent faire le tour des murailles pour voir la contenance des ennemis.

Depuis deux iours Celadon assez bien remis de ses blessures, avoit commencé de sortir de la

158 LA DERNIERE PARTIE D'ASTREE, chambre, & ce iour particulierement, il estoit allé visiter Clindor & ses hostes, pour leur rendre vne partie du deuoir auquel leurs visites l'auoient obligé: Cela fut caule qu'Adamas y alla, qui les ayant treuuez dans le iardin, caressa premierement Clindor, puis prenat Alexis par la main, qui s'entretenoit auec Astree, il dit à cette belle bergere, Vous voulez bien, ma belle fille, que ie vous oste pour vn peu cette compagnie que vous faites paroistre d'auoir si chere, bien qu'elle ne le merite pas? L'authorité, respondit Astree, que vous auez sur elle & sur moy, vous dispensoit d'en demander mon cosentement, toutesois puisque vous voulez que ie le donne, ie vous dis mon pere, que ie leveux, pourueu que vous me la rendiez bien tost, car en verité, ie ne sçaurois viure contente en autre compagnie que la sienne. Le Druyde sousriant de son innocence, & admirant combien veritablement elle estoit trompee, ie la garderay si peu, luy dit-il, que vous ne m'accuserez pas d'auoir failly cotre le desir que l'ay de procurer vostre contentement: Disant cela, il conduisit Alexis dans vne allee, où personne ne les pouuant ouyr, & Astrees'estant retiree dans vn Pauillon, auecque les autres bergers & bergeres, il comença de parler à luy en cette sorte, qu'auez vous resolu Celadon, voulez vous languir eternellement dans la peine où vous estes, & soubs l'habit que vous portez ? ne pensez vous point

que voicy la deuxiesme Lune, que vous estes aupres d'Astree, & qu'abusant de sa credulité. vous pratiquez vne feinte, qui ne sçauroit durer plus longuement? Considerez enfin que vous estes homme, & qu'il est impossible que quelque desguisement qui vous fasse paroistre fille, le temps ne demente quelque iour vostre coiffure & vostre habillement? que si cela aduenoit, ce que le Ciel ne vueille pas, quel preiudice n'apporterez-vous point à ma reputation, & quel aduantage ne donnerez-vous pas à mes ennemis? qui parleroient de cette action comme d'vn scandale, & qui la rendroient si mauuaise dans l'opinion des hommes, que peut estre on ne me regarderoit plus que comme vn trompeur qui se seroit seruy de cet artifice pour faire triompher Celadon de l'honneur & de la pudicité d'Astree? Mon pere, respondit le berger, toutes les actions de vostre vie seruent de preuue irreprochable, que vous ne pouuez iamais faillir ny contre le Giel ny contre les homes; & la vertu d'Astree a trop d'esclat pour estre iamais obscurcie par les nuages d'vn mauuais soupçon seulement; de sorte que s'il n'y a que cette crainte qui vous mette en peine de me voir en l'estat où ie suis, vous pouuez bié permettre que ie continuë de viure aupres d'Astree foubs le personnage d'Alexis, puisque vous ne sçauriez empescher que ien'y meure sous celuy de Celadon. Adamas alors pliat les espaules &

160 La derniere partie d'Astree; se reculant d'vn pas, puis tout à coup reprenant le berger par la main, & commençant à se promener; encore faut-il que ie vous die; reprit il, que cette resuerie estoit pardonnable; le premier iour que ie vous fis vestir cet habit; mais aujourd'huy que par mille discours qu'elle a faits à l'auantage de Celadon, vous pouuez assurément iuger qu'elle vous ayme, il me semble, adiousta-til froidement, que sans estre ennemy de vous mesmes, & fans estre blasmable d'vn peu d'extrauagance, vous ne pouuez douter qu'elle ne soit bien plus contente de vous voir estre un veritable Celadon qu'vne mensongere Alexis: Ie ne doubte pas mon pere, re-pliqua le berger, que ce ne soit vne tres grande solie de saire ce que ie say, d'autant mieux que dés le moment qu'Astree ne desira plus que ie la visse, ie deuois, si l'eusse esté sage, ou mourir, ou m'arracher les yeux; mais vos conseils qui ont esté depuis plus puissants que mon deuoir, & qui m'ont fait resoudre à me presenter deuant elle soubs le nom de vostre fille, sont cause que yous m'accusez maintenant de resuerie, & que vous appellez vne extrauagance en moy, ce que le nomme en vous vn office de charité: Mon dessein, dit le Druyde, estoit alors de vous faire espouser Astree, & non pas cet habit, & ie creus, que puis que vous n'attendiez d'elle qu'vn commandemét, pour luy rendre celuy de qui la perte luy à fait

verser tant de larmes, vous cognoistriez dans peu de temps qu'elle en auroit la volonté, & que cette volonté seroit assez forte pour vous seruir de commandement. Ah! mon Pere, respondit Celadon, elle me bannist auec des parolestrop expresses, pour n'estre pas necessaire qu'elle en employe d'efficaces à me rappeller, si c'estoit qu'elle m'eust dit seulement, va Berger, & que ie ne te voye plus que ie ne t'aye fait paroistre que ie le desire, ie confesse que maintepant que l'ay recognu ce desir en elle, l'auroisvn extreme tort si ie ne me laissois voir, mais, puis qu'elle me dit, va perfide, (ô Ciel, que ce souuenir m'a cousté de regrets) va, & ne te presente iamais deuant moy que ie ne le te commande. Iugez-vous, mon Pere, que sans luy desobeyrie luy puisse faire voir Celadon, n'ayant point encore receu d'elle, cet agreable commandement? Encore faut-il, continuale Druyde, que cette façon de viute finisse quelque iour, & puis que cet effect est ineuitable, pourquoy vous plaisez vous à le differer ? cet effect, repliqua Celadon depend d'elle, & non pas de moy, & iusqu'à ce qu'elle ait fait ce commandement, ie ne suis pas blasmable si ie ne me cache à ses yeux, car en sin quelques mescontentemets que i'en attende, & quelque desespoir où ie doiue tomber, is trouneray tousiours ces malheurs bien moindres quele crime de luy auoir desobey : mais, adiouca Adamas, à qui voulez vous qu'elle faisse

162 LA DERNIERE PARTIE D'ASTREE, tant necessaire commandement, si elle ne croit plus au monde celuy qui le peut executer? cela, respondit le Berger, est vn secret que les Dieux fereseruent, pour moy qui suis resolu de mourir plustost mille sois que de saire la moindre saute contre ce que doit vn homme qui ayme parfaitement, l'attendray, sans me mettre en peine de penetrer das ce mystere, tout ce qu'ils ordonneront de moy : Mon fils, dit le Druyde, il ne faut pas que vous vous estoniez si ie m'obstine à defirer que vous possediez Astree, puis que mon contentement est inseparable du vostre, & que les Dieux m'ont promis vne vieillesse contête, en cas que ie sois cause que vous réceuiez ce bien. Or vous sçauez l'estat où sont nos affaires, & puis que vous auez le jugement sain & net pour bien peser toutes choses, ie seray bien aise que vous confideriez qu'estant à la veille de me perdre & de me sacrifier pour le repos de cet Estat, ie ne puis rechercher la felicité que les Dieux me promettet, ny vous donner à vostre Bergere en autre temps que cettuy-cy: Si les choses eussent pris vn autre tour, & que les tra-

uinces dans le panchat de leur ruine, l'aurois la mesme patience que vous auez, mais puis que tout s'en va desesperé, & que par la faueur que l'iniustice de Polemas a trouuee aupres du Roy des Bourguignos, nous sommes prests de tomber pour ne nous releuer iamais, ievous pries

non

hisons de Polemas n'eussent point mis ces Pro-

mon fils; par Astree mesme, qui peut tout sur vostre esprit, de ne vous opposer plus au desir

que i'ay de vous voir vnis ensemble.

Celadon escouta le discours du Druyde fort attentiuement, mais quand il eut ouy ce qu'il auoit raconté du pito yable estat où les affaires d'Amasis estoient reduites, quelque haste, luy repliqua-til, & quelque diligence qu'on apporrast à me faire iouyr du bie que vous me procurez, c'est sans doute, mon Pere, qu'il n'arriveroit iamais si tost, qu'il ne sut preuenu des disgraces dont cette ville est menacee; de sorte qu'il vaut beaucoup mieux ne commécer point à me rendre heureux que l'entreprendre, & n'auoir pas le temps de me doner vn contentemet parfait : mon interest n'est pas si fort separé de celuy du public, que iene doiue tascher comme les autres à deliurer Amasis des oppressios qu'elle souffre, & ie sçay biç, si vous mele permettez, que ie n'y feray pas entierement inutile, & qu'il s'entrouuera peu qui cherchet auecque plus de hardiesse que moy la gloire de mourir honorablemet; c'est pourquoy, mon Pere, ie vous supplie, autat que ie le puis, & vous coniure par tous les foings que vous auez desia employez à m'empescher de mourir, de penser à quelque inuétion par laquelle ie puisse combattre comme Celadon, sas toutefois qu'Astree sans apperçoiue. Adamas loüa dans son ame le courage du Berger, & sut bien aise de voir en luycette marque de la gene-

164 LA DERNIERE PARTIE D'ASTREE, rosité de ses Ancestres; toutesois trouuant de la difficulté en ce dessein, & voulat encore esprouuer vn peu son courage, il luy representa que la chose estoit comme impossible, & qu'il ne falloit point qu'il y pensast, dequoy Celadon sut si touché, que ne pouuant cacher le mescontentement qu'il eut de cette responce il en changea de couleur, cela fut cause que pour le remettre Adamas luy dit, ce que vous desirez Celadon n'est pas si peu iuste que ie nevous l'accorde volontiers, ie suis en peineseulement de sçauoir de quelle façon nous deuons mesnager cette affaire, car pour dire la verité, ie crains bien que l'Amour qu'Astree a pour vous, luy ouure les yeux à nos actions, & les luy rende plus clairs qu'ils ne l'ont encore esté. A ce mot il se mit à songer vn peu, & puis en continuant, toutefois, dit-il, ie viens de penser à vn moyen qui peutestre pourroit bien reüssir; il faut que vous sçachiez Celadon, que comme c'est l'ordinaire des hommes de recourir aux Dieux dans les afflictions plus ardément que dans la prosperité, on void souuent que dans les affaires plus desesperees ils implorent les prieres & les veux des personnes qu'on croit auoir plus de puissance pour les toucher. Or c'est sans doute que celles qui viuent hors du monde, ont aupres d'eux yn accez plus libre que celles qui ne viuent que pour la terre, & qui par maniere de dire ne regardentiamaisle Ciel que pour apprendre quel temps il fera;ie suis donc d'auis de feindre qu'Amasis m'a commandé de vous employer à faire des vœux selon la coustume des filles don vous portez l'habit, & pource que durant ce remps-là il ne faut pas que leurs yeux soient profanez par l'obiect de nulle creature; nous ferons semblant de vous enfermer chez moy, & puis vous couurant le visage & le reste du corps de quelques legeres armures, telles que les portent Godomar, Damon, Alcidon & les autres, vous pourrez faire ce que vostre courage vous inspirera, sans toutefois rien hazarder temerairemet; Celadon plus ayse de cet expedient, qu'il ne l'auoit iamais esté de chose du monde, baisa la main d'Adamas, & apres l'auoir remercié du soing qu'il auoit de luy, le Druyde le ramena aupres d'Astree, & luy recommada de la laisser desormais chez Clindor, pour peu que le bon vieillard en tesmoignast d'enuie: Apres cela il s'en retourna chez la Nymphe, no pas fans que tous ces bergers luy eussent iuré mille sois qu'ils n'espargneroiet iamais vne seule goutte de leur sang pour tout ce qui regarderoit son seruice. Clindor & les autres le furent accompagner hors du iardin, Astree seule demeura auec Alexis, car l'extreme enuie qu'elle auoit d'apprendre le sujet dont Adamas l'auoit entretenuë, sut cause qu'elle ne put attendre plus long temps de luy en demander des nouvelles, se voyant donc auec elle sans autres tesmoins que les fleurs &les

LA DERNIERE PARTIE D'ASTREE, fontaines dont ce iardin estoit embelly, ne trouuerez-vous point mauuais, machere Maistresse, luy dit-elle, que ie sois vn peu curieuse, & que ie vous demade de quels discours Adamasvous a si longuement entretenuë? nullement, mon feruiteur, respondit Alexis, le soing que vous auez de sçauoir mes affaires mefait croire que vous y prenez quelque interest,& c'est vne grade marque de l'amitié que vous me portez de vous montrer sensible à ce qui me touche:ie serois bien, reprit Astree, la plus ingratte, & la plus coupable fille du modesi ie n'en vsois ainsi, puis que vostre merite obtiendroit cela sur l'esprit mesme des plus barbares; mais, ma belle Maistresse ne me tenez plus en peine, & dittesmoy, ie vous supplie, quel a esté le sujet devostre entretié? ie vous le diray en peu de mots, repliqua la feinte Druyde, tout le discours qu'il m'a tenu, n'a esté d'autre ehose que des miseres de cetEstat,&des afflictios dont l'ame d'Amasis est remplie, en suitte de cela, il a pensé aux derniers remedes qu'o y pourroit apporter,& n'en trouuant point de plus vtile que celuy qui doitvenir de la main des Dieux, in m'a dit qu'il estoit entierement necessaire que ie fisse des vœux à cet effect, & que ie les suppliasse de nous deliurer de tant de calamitez dont nous sommes menacees: ie ne doute pas, dit Astree, que vous ne l'ayez promis? ie l'ay promis aussi, respondit Alexis, mais mon seruiteur, il faut que vous sçachiez qu'il y abien des affaires en l'accomplissement de cette promesse; & qu'y peut-il auoir de si particulier? reprit la Bergere, il me semble que vous n'aurez pas beaucoup de difficulté à por-ter vos pesees dans le Ciel où elles sont dessa fort accoustumees, & afin qu'elles n'y aillent point sans compagnie, ie ioindray mes prieres aux vostres,& feray des vœux auecque vous: ie me doutois bien, dit Alexis en sousriant, que vous ignoriez nostre façon de prier,& que vous vous imaginiez cette action aussi sacile que d'obtenir de moy vn baiser ou quelque autre petite saueur, mais mon seruiteur, apprenez que les Dieux ne veulent pas estre seruis en courant, & que pour faire qu'ils se communiquent à nous,il faut vne grande preparation de nostre costé, & vne grande disposition à receuoir leurs graces; autremet, au lieu de s'approcher de nostre cœur, ils s'en esloignent, & le laissent dans les tenebres au lieu de l'esclaircir par leurs lumieres, & que faut-il, adiouta Astree pour l'acquerir, cette disposition que vous dites estre si necessaire? si i'auois, respondit Alexis à vous deduire particulierement tout ce qu'il faut faire pour cela, le discours en seroit vn peubien long; mais tant y a, qu'il faut absolumét que pour huit ou dix iours ie me separe de toute sorte de compagnies, & presque de moy-mesme, & que ie ne souffre pas que mes yeux soiet divertis par la consideration d'aucun obiect qui soit prophane. Quoy, det la

168 LA DERNIERE PARTIE D'ASTREE, Bergere vn peusurprise, & comment pourra sublister Astree, quand elle ne sera plus aupres d'Alexis? ie ne sçay, dit la feinteDruyde, mais il est tres vray qu'Alexis ne sera plus dés qu'elle aura perdu la presence d'Astree. La Bergere, qui ne comprenoit pas ce que Celadon vouloit dire, helas, adiouta telle, Alexis ne sera vrayment plus en terre, car elle viura dans le Ciel parla douceur de ses rauissements, cependant qu'absente d'elle, & loing de toute consolation, ie mourray mille fois le iour dans les ennuys & l'inquietude ; mais ma Maistresse , disoit-elle en se reprenat, ne seroit-il point possible que iene fusse pas comprise dans le nombre de ses obiects que vous appellez prophanes, & que n'estant qu'vne fille ie ne troublasse point le repos de vostre solitude? A ce mot Astree versa quelques larmes que le berger s'efforça d'arrester auec sa bouche, de peur qu'elles tombassent iusques dans son sein, mais apres s'estre vn peu amusé à cet agreable office, ie vousiure, mon seruiteur, luy dit il, que le temps de cette absence ne vous sçauroit estre si funeste qu'à moy, & toutesois, quand ie pense que ie ne me separe de vous que pour rendre à la Nymphe vn seruice extremément important, cela me sert d'vne espece de soulagement, & m'oblige à vous coniurer par toutes les marques d'amour qu'autrefois Celadon vous a donces, de ne vous opposer plus au

desir que i'ay de m'employer pour le salut de

cette Princesse, & pour la conservation du Forests. Mais, dit Astree, si durăt le temps que ie ne vous verray point, Polemas se rend maistre de la ville, & s'il nous veut exposer à la batbarie de ses solduriers, ne me permettezvous pas ma maistresse de m'ouurir l'estomac, deuat que ces perfides se donnent la vanité d'auoir triomphé demoy? Celadon touché de ces derniers paroles, & craignant en effect que ce malheur arriuast, ie n'y consents pas seulement, mon seruiteur, luy respondit-il, mais ie vous l'ordonne, comme vne victime que yous deuez sacrifier à la conseruation de vostre honneur, & ne souffrez pas que rien du monde vous en empesche, car vous deuez estre assuree que i'en auray fait de mesme, & que dés le momet qu'on entreprédra quelque chose sur vous, si ien'y sus pour vous defendre ie ne seraypoint au monde. Pour le moins, adiouta Astree, nous n'auros point en l'autre vie d'obstacle qui s'oppose à nostre contentement, & ie m'assure, ma belle maistresse, que la presence de Celadon ne sera pas le moindre plaisir que vous y receurez; l'espere, dit le Berger, que nous nous aymerons si fort, que ie ne le quitteray iamais, & qu'il ne sera pas marry que ie me rende yn tesmoing eternel de vos caresses; cependant, adiouta-til, receuez mon seruiteur cet adieu que ie vous dis, & promettezmoy que vous m'aymerez tousiours auec la mesme passió que vous m'auez témoignee: Ie le

promets, respondit Astree, se iettant à son col, & la serrant le plus estroittement qu'elle pust, & si iamais ie maque à ce deuoir, ie veux que le Ciel me punisse; à ce mot elles s'approcherent de Clindor, de Syluandre, de Diane, & des autres qui en ce moment rentrerent dans le iardin, & tous ensemble s'estans allez mettre soubs le pauillon le plus proche, le bon vieillard leur sit apporter quantité de fruicts, dont ils mangeret

chacun selon son appetit.

Cependant que ces bergers & bergeres viuoient de cette sorte das la maison de Clindor, & qu'ils n'auoient parmy leur bonne intelligence autres troubles que ceux qui estoiet alors communs à tout l'Estat, Rosanire & Galatee ne se quittoient presque iamais, & certes elles sceurent sibien vnir leurs volontez par les liens de l'amitié qu'elles contracterent, qu'il eust esté difficile de rencotrer deux personnes dont l'affection eust esté plus inuiolable: Ce iour-là elles allerent passer l'apresdince dans la chambre de Rosanire, pource qu'Amasis auoit desiré qu'on la laissast seule, & dautant que les desplaisirs de la Nymphe estoient extremément sensibles à cette Princesse estangere, aussi-tost qu'elles furent dans la chambre, elles s'assirent sur vn lict, & Rosanire embrassant Galatee, plust aux Dieux, luy dit-elle la larme à l'œil, qu'il fust en ma puissance de vous rendre le contentement que vous auez perdu? Je vous iure, belle Nymphe, que ie n'y espargnerois pas mesmes la vie; c'est trop, Madame, respondit Galatee, que d'en auoir seulement la volonté: Iele dis, adiousta Rosanire, du plus pur de ma pensee, & croyez si vous m'aymez, que ie ne sçaurois vous rendre de seruice si grand que je ne le creusse encore moindre que vostre merite. Apres que Galatee luy eut rendu graces de cette bonne volonté, si le Ciel & Polemas, continua-telle, n'auoient pas pour moy plus de hayne que vous en tesmoignez, Amasis ne se verroit pas reduitte dans les extremitez qui l'affligent, & qui me desesperent, d'autat mieux que ie me considere comme la seule cause de tous ces desordres: Si le Ciel, respondit Rosanire, exauçoit mes prieres, & si Polemas estoit capable de raison, vn moment verroit finir toutes vos miseres, mais ce qui me fasche, c'est qu'auiourd'huy l'vn est sourd, & l'autre imprudent. Ah! Madame, reprit Galathee, que ce fut bien vn funeste moment celuy qui me fit paroistre agreable aux yeux de ce perfide, puis que si iamais il n'eust eu de l'amour pour moy, ou si i'euste defendu à sa vanité de me pretendre, c'est sans doubte que l'eusse estouffé tous nos malheurs à leur naissance, & que nos douleurs fussent morresauec l'espoir dont il a depuis nourry sa presomption:Il n'estoit pas en vostre puissance, repliqua Rosanire, d'empescher que vous ne parussiez à ses yeux vne tres-belle fille, puis que

172 LA DERNIERE PRARTIE D'ASTREE, vous l'estes parfaittement, mais vous pouuiez bien le tenir si bas, qu'il n'eust iamais osé vous faire voir les effects de son outrecuidace; & certes l'ay de la peine à comprendre quel est l'interest qu'il a pour vous, car s'il vous ayme, commet a-til la hardiesse de vous desplaire? & s'il ne vous ayme pas, qui le fait obstiner à vous vaincre: Madame, dit la Nymphe, assurez-vous que c'est le plus traistre & le plus dangereux esprit qui soit au monde, il ne m'ayme que par consideration, & si l'Estat dont Amasis tient le sceptre, pouuoit estre mis sous d'autres mains que les miennes, ie pese qu'il ne me regarderoit pas feulemet: Il faut que vous sçachiez que son ambition est au plus haut poinct où puisse iamais aller celle d'vn homme, & qu'outre cela il est d'vn naturel si ialoux & si enuieux, que le contentement d'autruy luy donne la fievre: Madame, que n'a-til point fait contre Damon, ie vous iure qu'il a tasché par diuerses fois de l'assassiner, & qu'il a supporté auec tant d'impatience les honneurs que ma mere a rendus à son merite, que ie ne pense pas que ce ne soit l'vn des plus grands sujets de son mescontentement: Il a autrefois eu des prises cotre Lindamor, qui est vn tres accomply Cheualier, & quand il a veu que ses armes estoient contraintes de ceder à la valeur de son ennemy, il n'est artifice ny trahison qu'il n'ait inuentee pour le perdre: Enfin ayant veu que toutes ses malices ne reiississoient qu'à

sa honte & à sa confusion, il a ouvertement pris les armes, & s'est preualu de la mort de mon frere, & de l'absence de nos meilleurs Cheualiers, pour achauer de nous destruire, sous pretexte de me vouloir espouser. Galathee alloit de cette sorte condamnant Polemas, dont le dessein estoit vrayement iniuste, quand Rosanire pour estre vn peu mieux informee des succez de sa vie, la coniura de luy dire quelque chose de ces deux rinaux, à quoy la Nymphe satisfit assez librement, & luy raconta les plus grands effet de la trahison de Polemas: Elle luy parla de la tromperie de Climanthe, des mauuais bruits qu'il auoit semez contre Lindamor, du combat où ce Cheualier l'auoit vaincu, & enfin des plus remarquables accidens qui estoient arriuez en la suitte de cette affection; ce que Rosanite ayant escouté auec admiration, il faut aduotier, dit-elle, que s'il vient à bout de son dessein, ce ne sera pas sans qu'il luy ait cousté du sang & de la peine?ll n'est point de prix, respodit la Nymphe, dont cet infame me puisse achetter, & si ie sçauois assurément de ne mourir point dans les ennuis que me causera ce siege, ie croy que dés maintenant ie deuiedrois mon homicide: Nous verrons das peu de iours, adiouta la ieune Princesse, quel est le bienou le mal que nous deuos attendre, & le temps gouvernera nostre main & nos pensees, pour moy, i'aduouë, quesi Rofileon manque à vous secourir, ie seray bien aise

de cesser de viure, pour punir sa negligence, par les supplices que luy causera ma mort, disant ce-la elles s'embrasserent de nouveau, & galathee sans cesser de baiser le visage de Rosanire, fau-droit il, continua-telle que ie susse cause de ce malheur? ce ne seroit plus vous, repliqua la ieune Princesse, ce seroit son peu de soing, ou peut-estre son insidelité: Auec semblables discours elles s'alloient entretenant sur le suiet d'yne douleur qui leur estoit assez commune.

Sylvandre en mesme temps estoit aupres de Diane, & de bonne fortune il auoit trouué le moyen de parler à elle, non pas hors de la presence des autres bergers & bergeres, mais pour le moins sans qu'il en pust estre ouy, & pour ce qu'il ne vouloit pas demcurer inutile cependat que les autres trauailleroiet à la defence de Marcilly, il supplia Diane deluy permettre de chercher comme eux l'honneur das le peril, no pas, ma maistresse, dit-il, que l'aye besoin de vostre permission pour y porter mon courage, mais c'est qu'infailliblement tout ce que i'entreprendray me reüssira quand ie le feray par le consentement de Diane. La bergere qui l'aymoit infiniment, & qui n'auoit plus assez d'artifice pour cacher sa passion, demeura vn peu surprise de cette demande, & la crainte de le perdre la fit vn peu paslir, mais enfin craignant qu'on y prist garde, elle se remit au mieux qu'elle put, & luy respondit en ces termes; Qu'est-il besoin, mon seruiteur, que vous me demandiez congé defaire une chose où vostre humeur est desia si portee, qu'il n'est rien au monde qui fust capable de vous en diuertir si c'est que vous esperiez que cela donne quelque bon-heur à vos armes, ne voyez-vous point qu'il est impossible que ie vous donne ce que ie n'ay pas, & qu'estant la plus miserable fille qui viue, ie ne sçaurois vous faire part que de mon infortune? Il n'importe, repliqua le berger, quelque succez que puissent auoir mes armes, il me sera tousiours extremement heureux, si les employant pour secourir Amasis, ie m'en sers pour plaire à Diane, & c'est pour cela que ievous coiure de me tesmoigner quevous agreez la resolutió que i'en ay faite, afin que s'il faut que ie meure, ce soit au moins auec cette satisfactio de ne vous auoir point despleu: Ie voudrois bien, repliqua Diane, que vous ne fussiez pas obligé à suiure cette fortune, car vostre conservation m'est plus chere, peut-estre que vous ne croyez, mais puis que ce malheur m'est ineuitable, ie ne veux pas m'opposer aux arrests de nostre destin; Il est vray que si le pouuoir que vous m'auez donné sur vos volontez, me laisse encore assez de credit pour n'estre pas refusee de ce que ie vous demanderay, ie veux que vous me promettiez inuiolablement que vous ne hazarderez rien mal à propos, & que dans les plus grands perils, vous vous souviendrez qu'il ne peut arriuer de si petit malheur à

LA DERNIERE PARTIE D'ASTREE, Syluandre, que Diane ne le trouue tres-grand: Les actions, dit le berger, qui condamnent de temerité, ne sont pas celles que ie croy plus dignes du courage d'vn homme, c'est pour cela que vous pouuez croire que ie mesnageray ce que ie doibs conseruer, & que ie n'exposeray point ma vie si mal à propos, que si ie-la pers, elle ne me raporte au moins de l'honneur, & à la Nymphe de l'vtilité: mais ma maistresse, ditil en continuant, puis qu'il faut que Paris vous possede, & que vous n'auez pas assez de resolution pour vous en desendre, pouvois-ie desirer de mourir plus glorieusement que dans ces combats, ny en vne saison plus aduantageuse pour moy que cette-cy, où vous tesmoignez pour le moins que vous auez quelque pitié de mon infortune? Mon berger, respondit Diane, vous aucz raison de dire que ie n'ay pas assez de resolution pour me desendre d'espouser Paris. puis que les Dieux sont du party de Bellinde, & qu'ils ont ordonné que ie tumbe sous la puiffance de ce nouveau berger: mais croyez-moy, que quelque sujet que vous ayez de rechercher la mort, elle ne vous sçauroit arriver sans qu'elle me soit extremément sensible, & peut-estre insupportable C'est pourquoy ie vous dis encore vn coup, que si vous aymez mon contentement & mon repos, vous aymerez vostre coneruation. Disant cela, Syluandreluy voulut baiferlamain, mais elle qui prit garde qu'on auoit

les yeux sur luy, l'arresta, & luy pressala sienne, ce qui fut la plus grande faueur qu'il en eut iamais: & parce qu'elle eut peur que si elle poursuivoit ce discours, ses yeux ne sussent moins secrets que sa langue, elle commença de prester, l'oreille à ce que les autres disoient, & alors elle oüyt qu'Hylas parloit à Tyrcis de cette sorte, ie ne sçay pas Tyrcis, quel sera l'object que se proposera ton courage, ny pour qui tu combatras, puis que depuis la perte de cette chere Cleon, qui vit encore dans ta bonne memoire, toutes choses t'ont esté indifferentes? Il me semble, respondit froidement Tyrcis, que tu me fais cette demande assez mal à propos, & que tu fais vn mauuais iugement de moy, quad tu péles que pour combattre l'aye besoin de me proposer quelque interest particulier, comme si ie ne sçauois pas que toutes les actios qui ont yn tel obiect, come pour estre estimé vaillant, pour deuenir riche, & ainsi du teste, ne sont que de fausses images d'vne veritable valeur, c'est assez que ie sçache ce que ie doibs, pour bien seruir Amasis, sans que ie me propose d'autre recompéle que la satisction de l'auoir fait, puis qu'aussi bien la vertu n'a point d'autre prix que soy-méme; Que tu es sçauant, adiousta Hylas, mais encore treuueras-tu que l'ay eusujet de doubter de ton courage, depuis que l'ay sceu que Laonice t'auoit fait peur? Si i'ay redouté les malices de cette fille, repliqua Tyrcis, ce n'a pas esté pat

178 LA DERNIERE PARTIE D'ASTREE, aucun deffaut de cœur, mais plustost par vne horreur que l'auois conceue de sa meschanceté; & si ie ne me trompe, adiousta-til, regardat Hylas, & puis Syluandre, tu deurois mettre vne grade difference entre cette crainte, qui s'oppose immediatement au courage, & cette apprehenfion qui nous fait craindre l'abord d'yne personne seulement, pour la cognoissance de quelque deffaut que nous sçauons en elle: Ie voy bien, reprit Hylas, que tes yeux demadent le secours de Syluandre, mais l'heure nous dispense de nous en entretenir plus longuement; souuiens toy seulement iete prie, que si i'en auois le loisir, ie te ferois cognoistre que cette bergere n'est pas si coupable que tute la figures. A ce motil se leua, pource que Clindor auoit desia commencé à sortir du pauillon, & Tyrcis n'eut le temps de luy respondre autre chose, sinon qu'il croyoit que toute l'eloquence du monde n'estoit pas capable de luy persuader qu'elle ne fust indigne, non pas seulement de son amitié, mais de celle du moindre berger de la terre.

Voylà quel iugement Tyrcis faisoit de l'amour & de la beauté de Laonice, qui n'estant pas si essoignee qu'il croyoit, passoit les iours & les nuicts dans sa solitude, sans auoir d'autre entretien que l'ingratitude de ce berger. Ce iour-là elle estoit venuë iusques sur vn rocher, qui essa assez esseué, commande à toute la plaine du Forests, & dautat que de là elle pouvoit distinguer

iufqu'aux

iusqu'aux plus petits arbres, elle remarqua bien-tost cette armee, d'où Polemas attendoit l'establissement de sa fortune; au commencement elle en eut peur, mais enfin s'imaginant qu'il estoit presque impossible qu'on luy fit aucun dommage dans cette estroitte solitude, où les Dieux & Tyrcis l'auoient confinee, elle commença de craindre pour son berger seulement: & bien qu'elle fust assuree qu'il ne l'aymoit point, & qu'au moment qu'elle s'en estoit separee, elle auoit receu de tres grands tesinoignages de sa hayne, elle ne laissoit pas de desirer sa conservation, & d'apprehender que parmy ces desordres il luy arriuast quelque malheur: ces considerations luy faisoient respandre des larmes que le rocher accompagnoit des siennes, apres lesquelles ses souspirs se messoiet à ses regrets , & cela dura iusqu'à la nuict, qui la couiant de se retirer, luy laissa pourtant assez de clairté pour retrouuer le chemin de son Antre-& pour ce qu'il estoit esloigné de ce rocher de deux ou trois cents pas, elle s'amusa en y allant à faire cette Chanson.

## CHANSON.

Tircis, cet ingrât que ie sers,
Par vn Arrest ineuitable
M'a reduitte dans ces deserts,
Dont l'horreur m'est insupportable:
O Ciel! ie vay mourir si mon bannissement
Dure plus longuement.

Cruel, c'est icy que les Ours
Inscnsibles comme ton ame
Veillent pour acheuer les iours
D'vne fille qui te reclame,
Et qui s'en va mourir, si son bannissement
Dure plus longuement.

Icy ie combats des serpents,
Puis ie regarde un vieil Satyre
Qui rid des pleurs que ie respands,
Et fait des sauts quand ie souspire:
O Cicl ie vay mourir si mon bannissement
Dure plus longuement.

Dieux, si la pitié de mes maux A quelque charme qui vous touche Ostez-moy tous ces animaux, Tyrcis est bien assez farouche, Aussi bien ie mourray si mon bannissement Dure plus longuement. Laonice acheua sa Chanson presque aussitost que son chemin, & se mettant dans son Antre, que les Zephirs auoient appris à visiter depuis qu'elle y auoit souspiré ses peines, elle y recommença ses premiers exercices, qui n'estoient autre chose que de prier les Dieux, & de faire mille regrets qu'elle donnoit à toutes les penses qui luy parloient de l'ingratitude de Tyrcis.

Fin du deuxiesme Liure.



The state of the s



LA

### DERNIERE PARTIE

### DASTREE

LIVRE TROISIESME

debaut, Polemas fit sortir de Surieu ses machines, & toutes les trouppes qui luy restoient, de sorte qu'il estoit dans vn contentement nompareil, quand il s'imaginoit que la puissance qu'il auoit entre les mains estoit assez forte pour reduire en peu de temps Marcilly à sa discretion: que s'il venoit quelquesois à penser à ce qu'il auoit appris de la suitte de Sigismond, il ne pouvoit se figurer que les armes du fils sussent capables d'arrester les exploicts de celles du pere; il n'auoit encore rien sceu du retour de Lindamor, qui toutesois n'estoit pas si essoigné qu'il le pensoit estre, car ce Chevalier ayant marché auecque vne extreme

diligéce, estoit dessa arriué au rendez-vous qu'il

LA DERNIERE PARTIE D'ASTREE, auoit donné à Sigismond, Le Prince, d'autre costé, s'estoit hasté le plus qu'il auoit pu, & auoit si bien sait auancer ses trouppes, qu'il ioignit Lindamor enuiron sur le milieu de la nuict. A peine furent-ils ensemble qu'vn espion de ceux que Lindamor auoit enuoyez en diuers en-droits, leur raporta que Rosileo s'auançoit aussi auec dix ou douze mille hommes, & qu'il estoit desia au deça de Montbrison, dequoy ils furent si satisfaits, qu'ils resolurent de se ioindre à luy, & de fait, ils luy renuoyerent cet espion auec douze de leurs Cheualiers pour le preparer à les receuoir, & puis se remirent en campagne à la faueur de la nuict: Rosileon qui ne demandoit pas mieux, & qui eust desiré de voir armez, pour la defense d'Amasis, non pas seulement Sigismond & Lindamor, mais tout le mode ensemble, leur vint à la rencontre le plus auant qu'il put, & dés qu'ils furent les vns auecque les autres, ils se firent de si grandes caresses, qu'il sembla que le Soleil en voulust estre tesmoing, puis qu'en ce moment il commença de dorer les montagnes de la clairté de ses rayons.

Polemas n'auoit que fort peu dormy, pour l'extreme desir qu'il auoit de voir la tresue sinie, de sorte que s'estant esueillé de sort grand matin, à peine le iour parut qu'il eut auis des approches de cette armee. L'estonnement qu'il en eut, sut d'autant plus grand qu'il auoit esté peu attendu, toutesois trouuant la partie sort esgale,

il crut que la perte ou le gain d'vne bataille seroit la decisson de leurs disserents: Il commanda donc à tous les chess de son armee qu'ils eussent à se tenir prests, & pour cet esset il ne sit point de coronne autour de Marcilly, ny ne dressa aucunes machines, de peur qu'on le dessiss plus facilement quand ses trouppes seroient

separees.

D'autre costé Lindamor qui sçauoit iusqu'à vn homme quelles estoient les forces de Polemas, iugea bien qu'il estoit disfiilce que cerebelle resistast à la valeur & à la prudence de Sigismond & de Rosileon; & bien qu'il en crust la desfaite infaillible, il ne laissoit pas de s'affliger extremément, dequoy tant de gens estoiét sensibles à l'interest d'vn seul homme, & dequoy le crime d'yn particulier ne pouuoit estre puny que par la mort, peut-estre de quinze ou de vingt mille hommes; ces considerations le firent resoudre à chercher quelque remede à ce malheur, & n'en trouuant point de plus fauorable que d'obliger Polemas à desmesser cette querelle de seul à seul, il fit dessein de ne rien espargner de tout ce qui le pourroit attirer à ce combat: Toutefois ne voulant rien entreprendre sans le consentement de Sigismond & de Rosileon, il leur communiqua sa resolution en cette sorte: Seigneurs, leur dit-il, ie ne doubte point que vous ne sçachiez aussi bien que moy, que toutes ces violences que Polemas exerce

LA DERNIERE PARTIE D'ASTREE, contre Amasis, ne tendent à autre chose qu'à l'vsurpation de son Estat. Or puis que la faute de ce rebelle regarde immediatemet vne Princesse, à qui la naissance & mo inclination m'ont sousmis, ne iugerez-vous pas que personne ne doit plus iustement que moy la vanger des outrages qu'elle a desia receus de l'outrecuidance de ce perfide? ce n'est pas que ie ne recognoisse bieque vous auez le pouuoir de le destruire quad il vous plaira, & qu'il faut que sa temerité succobe sous vostre vaillance, mais considerezie vous supplie quels sont les ennemis que vous combatrez, & regardez s'il est possible qu'estats presque tous sujets de Godebaut ou d'Amasis, vous n'ayez quelque regret de les desfaire? Ie vous coniure donc de ne permettre pas que tout ce peuple perisse par l'imprudence de celuy qui les à sousseuz, & d'agreer qu'à la veuë de vostre armee & de la sienne, ie chastie son orgueil par vn combat particulier, donnant à ma Princesse ce que demande son ressentimet qui est le sang du coupable, & non pas de ceux qui n'ont point failly. A ce mot Lindamor se teut, & Sigismond sans penser longuement à ce qu'il devoit respondre: le meure, luy dit-il, si ie n'ay eu desia cette mesme pensee, & si ie n'ay esté sur le poinet devous faire pour moy la mesme proposition que vous nous faites pour vous; Iene sçay quel est Polemas, ie ne cognois ny son visage, ny les qualitez de son esprit, mais i'ay

vne si force inclination à le hayr, qu'il n'est difference de condition qui m'empeschast de mesurer mon espee à la sienne, si ie sçauois par quel moyen l'y pouuoir obliger, son courage, reprit Lidamor, n'est pas si foible qu'il ne puisse estre tenuen quelque cosideration, mais il est accompagné de tant de mauuaises qualitez, qu'il faut auouer que ce qu'il a de mauuais, surpasse de beaucoup tout ce qu'il peut auoir d'estimable; il est vain & ambitieux infinimet, ialoux plus qu'homme du monde, & d'vn naturel si pernicieux, qu'il ne peut souffrir en autruy les vertus qu'il ne possede pas: Il n'est nullement besoin, repliqua Sigismond, que vous me depeigniez son humeur, il suffit que ie sçache ce qu'il a entrepris contre Amasis & Galatee, pour faire que ie le considere comme vn home tres-meschant; ie vous dis seulement que si ie pouuois faire reüssir ce que ie vous ay desia proposé, i'en receurois vne satisfaction nompareille. Il me semble, dit Rosileon, que sans iniustice nous ne pouuons refuser à Lindamor la priere qu'il nous a fait, il est vray qu'estans venus, vous & moy, pour tesmoigner à la Nymphe que nous ne sommes pas du tout inutiles au bien de son Estat, ie iuge qu'il faut qu'il nous done vne occupation digne de nous, ce qu'il ne peut faire qu'en nous mettant de la partie: Seigneur, respondit Lindamor, ce que vous auez desia fait pour secourir Amasis n'est

188 LA DERNIERE PARTIE D'ASTREE,

pas si peu de chose, que de quelque bras qu'elle obtienne sa deliurance, il ne faille tousiours qu'elle vous en ait la principale obligation.Braue Lindamor, adioura Sigismond en l'interrompant, il ne faut pas que vous vous en deffendiez, ie voy bien où se porte le courage de Rosileon, & si vous voulez voir Polemas l'espee à la main, il faut que vous receuiez la condition qu'il vous a proposee: cela dit, Lindamor est entierement hors d'apparence, car il n'est personne das son armee qui soit digne de cet honneur, ny qui l'ose seulement accepter; c'est à quoy, repliqua Rosileon il faut trouuer vn remede, & ie croy quesi vous luy enuo yez vn desfy pour se battre trois contre trois, ill'acceptera, sans demander, peut-estre, qui seront ceux que vous aurez de vostre party. Lindamor recognut bien qu'il falloit ceder à leur volonté, cela fut cause qu'il ne s'y opposa pas dauantage, & qu'il enuoya Philiandre auec vn Herault pour porter ce desfy à Polemas.

## DESFY DE LINDAMOR A POLEMAS.

CI ie ne sçauois parfaittement que Polemas a du courage, ie craindrois qu'il fist quelque difficulté de receuoir le combat que ie luy presente, en dont luymesme fera les conditions; mais l'ayant desia veu dans vne occasion, ie me promets qu'il sera bien-aise d'acheuer maintenat, ce qu'alors nous ne fismes que commencer; i auray pour tesmoings de mon action vostre armee, & celle où ie suis, & pour compagnons de mon sort deux Cheualiers qui combattront de mon costé, s'il s'en troune deux qui se vueillent perdre pour vous, faites donc que ie sçache promptement vostre volonté, o puis que vostre perte est ineuitable, souuenez-vous que vous ne sçauriez mourir plus glorieusemet que soubs les armes de Lindamor.

190 LA DERNIERE PARTIE D'ASTREE,

Aussi-tost que Polemas l'eust acheué de lire, il est vray, dit-il, que si sa valeur est esgale à sa presomption, ie n'auray pas à vaincre vn foible ennemy, mais ie me doute bien qu'il n'aura pas fur moy tous les aduantages qu'il espere; à ce mot, ayant promis à Philiandre qu'il auroit sa responce dans vne heure, il alla consulter Listandre & Argonide sur ce qu'il auoit à faire, puis ayant acheué de resoudre toutes choses, il reuint où Philiandre estoit, & luy sit cette responce, l'accepte le combat que Lindamor me presente, soubs les conditions qu'il trouuera escrites dans ce papier que vous luy donnerez, & afin que ma diligence luy fasse cognoistre le desir que l'ay de voir finir ses esperances auecque sa vie, dites luy que dans deux heures Argonide, Listandre, & moy serons à cheual; à ce mot Philiandre luy ietta vn gand que Polemas receut,& s'en estat retourné où estoit Lindamor, il luy conta le succez de sa commission, & luy remit le papier de Polemas : ce Cheualier l'ouurit au mesme instant, & l'ayant fait voir aux deux Princes, ils virent qu'il disoit ainsi.

# PESPONCE DE POLEMAS AV DESFY DE LINDAMOR.

T 7 Ous estes arriue bien à propos pour V conseruer à ma reputation l'esclat qu'elle eust en quelque façon perdu, par le blasme qu'on m'eust donné de n'auoir vaincu que des femmes; ma gloire n'auoit plus besoin que de vostre retour, en puis que le Ciel l'a accordé à mes desirs, ie me resiouys dequoy il ne me reste plus qu'à vous vaincre pour iouyr des faueurs qu'on deuoit plustost à mon merite qu'à vostre vanité. Vous me verrez donc aujourd'huy en l'estat d'un homme qui doit triompher de son riual & de sa maistresse, comme i'ay pu obliger trente mille hommes à vouloir combattre pour moy, vous ne deuez pas douter que ie n'en trouue deux qui se tiendront honnorez

de suiure ma fortune; donc, puis que vous auez laissé à mon choix les conditions du combat; voicy celles que ie vous propose, qui seront suiuies, si vous n'y trouuez rien qui repugne à vostre sentiment:

La mort de Lindamor ou de Polemás,

sera la seule decision du combat.

Il sera permis au premier vainqueur de secourir ses deux amis.

Les armees suiuront le party du plus

fort.

Et ne sera permis aux victorieux d'exercer sur les corps de leurs ennemis vaincus, aucun acte qui puisse rendre leur memoire moins glorieuse.

Telles furent les conditions soubs lesquelles Polemas accepta le dessy de Lindamor, ausquelles Sigismond ne treuua rien qui ne sust inste: Rosileon seulement protesta que celle qui obligeoit les armees à suiure le party du victorieux, se deuoit entendre de celle que Lindamor auoit ramenee d'aupres de Childeric; car, dit-il, pour ce qui me touche, ie sçay bien assurément qu'il n'est pas yn des miens qui ne meure pour me

vanger, ou pour retirer Rosanire de la puissance de Polemas: Seigneur, adiousta Lindamor, les Dieux combattront sous nos armes, puis qu'ils fauorisent la Iustice; donnons seulement à ce traistre le contentement qu'il demande, & souuenez-vous que ce sera le dernier dont il iouyra iamais, Rosileon qui ne vouloit pas estre accusé d'auoir apporté quelque retat dement en ce dessein, consentit à tout ce qu'il voulut, & proposa qu'ilseroit bon d'auertir Amasis de ce qui s'estoit desia passé entr'eux, mais Lindamor & Sigismond se treuuerent d'une contraire opinio, & luy dirent qu'en cas que le combat se terminast en leur faueur, le plaisir de la Nympheseroit d'autant plus grand qu'il la surprendroit mieux, & qu'aussi en cas qu'il reussist à la gloire de leurs ennemis, il seroit tousiours meilleur pour la Nymphe de n'auoir point esté en estat d'esperer, que de s'estre veuë en vn mesme téps portee de l'esperance d'vn bien, à l'assurance d'yn grand mal. Sur cette resolutio Lindamor enuoya à Polemas qu'il combattroit sous les conditions qu'il auoit faites, & de fait il en fit publier les articles, & de son costé Polemas en ayant fait de mesme, il allerent vestir leurs atmes,& se pouruoir des meilleurs cheuaux qu'ils purent choisir.

Les choses estoient en cestermes, cependant qu'Amasis, qui ne sçauoit rien de ce qui se passoit hors de la ville, auoit tellement augmenté

LA DERNIERE PARTIE D'ASTREE, son desplaisir, qu'elle en estoit presque hors d'elle mesme; elle auoit eu vne tres-mauuaise nuict, mais quand le iour parut, & qu'il pers mit qu'on peust voir l'armee de Sigismond, de Rosileon, & de Lindamor, (que cette Princesse affligee crust estre encore yn renfort de secours à Polemas) à peine qu'elle n'aydast à se desfaire: elle desira cent fois la mort, & se fascha contre le Soleil, dequoy il ne permettoit pas que ses yeux demeurassent couverts detenebres eternelles: Ah! dit-elle, que ce iour me sera funeste, puisque me priuant de mon Estat & de Galatee; il me doit rauir ce que l'ay de plus cher au monde; helas que la parole des hommes est mensongere, & que foibles sont les esperances qu'on bastit sur de si fragiles fondemens : A ce mot elle seteut pour seicher son visage que ses larmes auoient desia tout mouillé: puis reprenant la parole, ô Ciel! adiousta-telle, comment souffres-tu tant d'iniustice? Ne puniras-tu point Lindamor de sa negliglence, & Rosileon du mesprisqu'il a fait de sa foy que ie gardois comme pour ostage des promesses d'Argyre: Ah que ie suis folle de te faire cette demande, comme si ie ne sçauois pas que tu fauorises les crimes, puifque tu laisses impunie la perfidie de Polemas. Auec semblables paroles cette Nymphe esploreealloit exprimant vne partie de sa douleur, quand Godomar, Damon, Alcidon, Adamas, & quelques autres Cheualiers que cette nouvelle puissance

195

puissance n'auoit pas mis das vne moindre peine qu'elle, l'allerent treuuer apres auoirvisité les portes & les murailles; elle estoit alors sur le haut d'vne des tours du chasteau, d'où elle consideroit les forces qu'elle croyoit luy estre ennemies, & voyant cette plaine autrefois si fertile en moissons, ne porter alors que des hommes armez, & de qui les picques dresses, res-sembloient à vne espaisse forest: Pitoyables Dieux, disoit elle, que voicy vn deplorable changement, & que vous m'apprenez bien auiourd'huy, combien est grande l'imprudence de ceux qui cherchent quelque repos assuré dans la possession des choses humaines: Disant cela, elle tenoit les yeux si fort attachez sur les deux armees, qui n'estoient desia plus esloignees l'vne de l'autre que de cinq ou six cens pas qu'elle ne s'apperceut point de l'arriuee de Godomar, quila surprenant dans cette profonde douleur, peu s'en fallut qu'il n'achevast de la faire mourir ; elle crut d'abord que la ville estoit ouuerte à la fureur des ennemis, & la peur s'estoit tellement emparee de soname (grande marque de la foiblesse de ce sexe) qu'elle s'imagina au premier bruit que firent les armes du Prince, que c'estoit Polemas qui la venoit esgorger; elle sit donc vn gradcry, apres lequel vne sueur froide la saississant, & les iambes venants à luy desfaillir, elle tumba come morte entre les bras de Godomar. Adamas estonné de cet accident, cou-

Dern.part.

196 LA DERNIERE PARTIE D'ASTREE, rut aux remedes qui la pouuoient secourir, & cela fut cause que Rosanire, Galathee & Dorinde, qui ce soir-là auoient couché dans vne mesme chambre, en furent incontinent aduerties: elles accoururent donc au secours de la Nymphe, mais quand elles arriuerentaupres d'elle, elle estoit desia reuenuë de sa pasmoifon. Galatee fut la premiere sur qui Amasis iettales yeux, & pource que cette ieune Princesse auoit le visage tout couuert de pleurs, Ah! ma fille, luy dit-elle, que nos larmes sont hors de saison, & qu'elles sont bien vne marque de nostre peu de courage, puisque das le desespoir où nous sommes, nous deurions bien mieux sçauoir mourir que pleurer? Madame, respondit Godomar, quelque sujet qu'elle eust de ne viure plus, sa mort precipitee la condamneroit deuat les Dieux,& seroit plustost vne preuue de manquemet de courage, qu'vne marque d'en auoir beaucoup: Ceux qui par la crainte de quelque peine auancent temerairement leurs iours, sont veritablemet ceux qui manquent de hardiesse, &qui se portants d'yne extremité à l'autre, vont de la timidité au desespoir; il vaut bien mieux qu'elle obeysse patiemment à ce que le Ciel ordonne, puisqu'il est croyable qu'elle en receura plus de contentement qu'elle n'en auroit en sa mort.Le contentemét qu'elle doit attendre, reprit Amasis, est si peu considerable, que s'il n'y auoit point d'autre sujet qui luy fist desirer de

viure, elle pourroit de bonne heure se disposer à mourir, mais s'il est vray que pour espreuuer iusqu'où peut aller nostre malheur, il faut que nous viuions encore; & bien Galaree, ne mourons point sans que Polemas perisse auecque nous: à ce mot elle se teut, & laissant voir sur fon yisage plus d'affurance qu'elle n'en auoit encore tesmoigné, elle fit assez cognoistre en cet instant, qu'elle auoit fait quelque resolutio bien estrange. Galatee, que les douleurs d'Amasis perçoient iusqu'au plus profond du cœur, ne respondoit que par ses larmes, qui se voyants suivies de celles de Rosanire & de Dorinde, paroissoient plus enflees, & sembloient s'enorgueillir d'auoir vne si belle compagnie.

Damon d'autre costé, qui ne pouvoit resister aux atteintes que la pitié luy donnoit, s'efforçoit autant qu'il luy estoit possible de destourner ses yeux de dessus ces belles filles, & de bonne fortune les ayant alors tournez du costé de la plaine où les deux armees paroissoient en tres-bel ordre, il vid sortir de l'vne, trois Cheualiers sans autre compagnie que de trois trompettes, & detrois Escuyers qui portoient des lances, l'addresse auec laquelle ils faifoient aller leurs cheuaux luyplut extremémét, quelque hayne qu'il eust contre tous ceux qui estoient du party de Polemas, de sorte qu'ayant appellé Godomar, & luy ayant montré la contenance de ces Cheualiers, Alcidon s'auança 298 LA DERNIERE FARTIE D'ASTREE, aussi pour les voir, puis Adamas, & enfin Amasis & les Dames qui estoiét aupres d'elle, qui ne sçachats toutes, quel pouvoit estre leur dessein, resolurent de ne partir point de là, qu'elles ne sceussent à quoy se termineroit cette action.

Celadon cependant auoit desia prié Adamas d'executer la resolution qu'ils auoient prise le iour auparauant; mais le Druyde l'ayant remis au lendemain, à cause des affaires qu'il auoit touchant l'arriuee de ces nouuelles trouppes, il fut cotraint de s'en retourner aupres d'Astree,& cette belle bergere ayant appris par le discours de Celadon qu'elle auoit encore le reste de la iournee à viure aupres d'Alexis, en tesmoigna vn contentemét aussi grand, qu'elle le pouuoit ressentir parmy les afflictions qui troubloient alors l'esprit de tout le monde, Clindor n'estoit desia plus dans sa maison, Diane, Syluandre, Phillis, Lycidas, Hylas, Stelle, Alexis& Astree estoient tous venus auccque luy sur les murailles de la ville, pour voit les nouuelles trouppes qui auoient paru, mais ils n'y curent pas demeuré enuiron vn quart-d'heure, qu'ils apperceurent les trois mesmes Cheualiers que Damó auoit desia veus, & pource qu'il leur sembla que ces trompettes & ces Escuyers n'estoiét pas là sans quelque sujet, ils en attendirent le succez, & virent qu'il arriua de cette sorte.

Sisgismond, Rosileo, & Lindamor qui estoiet les trois Cheualiers dont nous auons parlé, ne parurent pas plustost sur les rangs, quePolemas, Argonide & Listandre se laisserent voir de leur costé, mais si bien armez, & en si bon estat, qu'il estoit impossible d'y rien adioûter: ils auoient aussi leurs Escuyers & leurs trompettes, de sorte que dés qu'ils furent en prensence les vns des autres, les trompettes s'escarteret vn peu, & les Escuyers leurs ayats remis leurs lances, au premier signal qui fut donné ils partirent si furieusement, & se rencontrerent auecque tant de force, que du bruit des esclats tous les rochers d'alentour en retentirent. Amasis s'estonna de la nouveauté de ce spectacle, & demandant la cause de ce combat à Godomar, il seroit difficile, Madame, luy respondit-il, que nous la pussions apprendre que d'eux-mesmes, mais il est. croyable qu'estans, peut-estre d'vne mesme codition, & n'ayans pas esté bien reglez touchant les commandements qu'ils pretendent en cette grande armee, l'ambition & la ialousie sont cause qu'ils en viennent là,& qu'ils veulent decider par les armes les differeds dont ils n'ont pu demeurer d'accord : la Nymphe trouua beaucoup d'apparence à cela, & cependant elle prit garde qu'ils auoient acheué leur premiere course, dont l'auantage ne fut pas esgal pour tous. Rofileon rompit sur Listandre, & son coup ayant donné sur l'espaule droitte, desfit les courroyes qui attachoient la cuirasse àu brassal sans luy faire point d'autre dommage, Listandre rom200 LA DERNIERE PARTIE D'ASTREE, piraussi tres-bien, mais n'ayant rencontré que le milieu du plastron, sa lance sit trois esclats, & se brisa iusqu'aupres de la poignee; Sigismod, de qui l'adresse & la valeur estoient en mesme degré, & qui auoit à combattre vn ennemy qui possedoit toutes les qualitez que doit auoir vn bon Cheualier, donna & receut presque en mesmelieu, car son coup porta sur la bouche du casque, & la pointe de sa lance y estant demeuree, blessa vn peu Argonide à la levre, & luy receut le coup soubs l'œil gauche, maissi heureusement qu'il ne sit que glisser. Lindamor à qui la vie de Polemas estoit desormais odieuse, courut sur luy & le rencontra si à propos, qu'il luy fit vuider les arçons, de sorte, que pour n'auoir point d'auantage, il mit incontinent pied à terre, & l'espee à la main, l'aborda, comme il acheuoit de se releuer. Cependant Rosileon & Listandre auoient repris de nouuelles lances, & à cette seconde course le coup du Prince suttel, qu'ayant frappé, où le bras de Listandre estoit desarmé, ily sit vne si grande ouuerture, que le Cheualier ne pouuat plus tenir delance ny d'espee, & perdant le sang & la parole, tomba mort à trente ou quarante pas de là. Sigismond rompit iusqu'à trois lances contre Argonide, & voyant qu'il n'auoit que fort peu d'auantage sur luy, il s'auança & luy dit, Cheualier, nos lances ont fait leur office, & puis que ta resistance dure encores, voyons si

nos espees seront plus puissantes pour terminer nostre combat. Argonide qui se sentoit vn peu blessé, & qui recognoissoit assez combien estoit iniuste la querelle qu'il auoit espousee, eust bien desirén'auoir iamais entrepris ce combat, toutefois voyant que sans la perte de son honneur, pour la conservation duquel il eust perdu mille vies, il ne pouvoit resuser l'offre de son ennemy, Braue Cheualier, luy respondit-il, ie seray toussours prest a tout ce que tu voudras, & si mo courage ne metrope, ton especheme sera pas plus de mal que ta lance, disant cela, ils mirent tous deux la main à l'espee, & comencerent à se chamailler auecque tant de violence, qu'on voyoit sortir le seu de leurs armes, comme d'vn fer bien ardent que le Mareschal frappe sur vne enclume. Polemas cependat disputoit sa vie cotre Lindamor, de qui l'adresse luy faisoit tousiours quelque nouuelle playe, mais enfin ce rebelle se voyant couuert de sang, & blessé en diuers endroits, resolu de chercher dans son desespoir ce qu'il ne pouvoit trouver dans sa propre vaillance, employa toutes ses forces à faire vn dernier effort, & se iettant à corps perdu sur Lindamor le voulutietter par terre: Lindamor qui ne s'estoit point troublé dans le cobat, cognut facilement fon dessein, & luy desrobant en mesme temps l'espee & le pied, il luy mit l'vne dans la cuisse iusqu'à la garde, & del'autreil luy donna vn tour à la iambe si sub-

LA DEP NIERE PARTIE D'ASTREE, tilement, qu'il le renuersa de son long sur la poussiere. Polemas ne laissa pas de faire encore quelque resistance, mais Lindamor ayant retiré son espee, luy choisit le desaut de la cuirasse, & là luy mit si auant dans le corps, qu'elle en fortit plus tard que son ame. Rosileon qui ne croyoit pas que son ennemy deust mourir du coup qu'il auoit receu, ne le vid pas plustost choir de son cheual qu'il mit pied à terre, mais s'estant approché de luy, & luy ayant veu rendre le dernier souspir, il remonta incontinent. Cela arriua au mesme temps que Lindamor se fut desfait de Polemas, de sorte qu'il ne restoit plus qu'Argonide, qui se souvenant des conditions du combat, & voyant approcher Rosileon & Lindamor se recula deux ou trois pas, & parla à Sigismond de cette sorte; Cheualier, à l'espreune que l'ay faite de ta valeur, ie recognois que tu n'as pas besoin d'assistance pour acheuer de me surmonter, voylates amis qui viennent à moy, si tu veux que la gloire de m'auoir vain-cute demeure entiere, ne souffre pas qu'ils me fassent aucun tort. Sigismond admirant le courage de son ennemy, & iugeant qu'il eust esté dommage de le perdre, ne croy point, luy refpondit il, que ic permette qu'autre bras que le mien emporte dessus toy la victoire qui m'est infaillible, il est vray, que si le desir que i'ay de te laisser viure se rencontre auceque celuy que tu dois auoir de ne mourir point pour vne cause si

peuhonorable, rends-moy ton espee, & ie te promets sur ma foy qu'il ne te sera fait aucun desplaisir. Argonide voyat bien qu'il ne la pouuoit disputer contre trois, tiens genereux Cheualier, dit-il, luy tendant son espee, l'honneur d'auoir esté vaincu de ta courtoisse m'est aussi cher que la gloire d'auoir surmoté la moitié de l'vniuers, alors Sigismond prit l'espee, & Rosileon & Lindamor estans arriuez aupres d'eux, ils oüyrent qu'il luy respodit ces mesmes mots, quelque grand qu'eust pu estre l'auantage que l'eusse eu sur toy, i'eusse tousiours confessé que ie le deuois au bon-heur de mes armes, plustost qu'à ma propre valeur, toutefois, puis que tu me cedes libremet vne victoire que tu me pouuois encore disputer, voyla, dit-il, luy redonnat son espee, tes armes que ie te rends, pourueu que tu me promettes de ne les porter iamais contre le seruice d'Amasis. Argonide l'ayant iurésolemnellement, Lindamor enuoya à Ligonias qui estoit seul demeuré conducteur de l'armee de Polemas, pour sçauoir de luy s'il obeyroit aux conditions du combat, dequoy Ligonias mesme luy estant venu rendre responce, & s'estant sousmis à tout ce qu'il ordonneroit; Lindamor commanda qu'on prist la teste de Polemas, & que le reste du corps sust enterrésort secrettement auec celuy de Listandre, puis tous ensemble tournerent leurs pas du costé de la ville. Amasis qui durant toute cette action n'auoit

204 LA DERNIERE PARTIE D'ASTREE, iamais osté ses yeux de dessus les combatans, sut attaquee de cent differentes pensees, & comme il n'est point de malheur si grand qu'il ne laisse aux plus miserables quelque petit suiet d'esperer, cette Nymphe s'alloit quelquesois imaginant que peut-estre, de ce desordre il reussiroit quelque chose à son auantage: toutesois ce penser ne la flattoit pas longuement, car venant à considerer qu'ils estoient tous ses ennemis, & qu'il y auoit de l'apparence que ce combat n'auoit esté commencé, que pour sçauoir lesquels d'entr'eux emporteroient la gloire de luy faire le plus de mal, elle se remettoit dans son apprehension ordinaire, & perdoit en ce momét toute l'esperance que ses premieres penses luy auoient sait coceuoir: elle ne sut pas long temps sans prédre garde que les vainqueurs, au lieu de retourner dans leur armee s'en venoient drojt à Marcilly, cela fut cause qu'elle en aduertit Godomar, qui non plus qu'elle, ne se pouuant imaginer quelle seroit la fin de cette auanture, trouua bon d'enuoyer Adamas à la porte, afin d'ouyr ce qu'ils proposeroient: A peine le Druyde y sut arriué, que nos vainqueurs s'y rencontreret, qui criants à pleine voix, LIBERTE', LIBERTE', mirent l'esprit d'Adamas das vn tel estonnement, qu'il douta si ce qu'il voyoit n'estoit point vn songe. Le peuple qui ne respiroit qu'apres ce cotentement sut si sensible à cette parole, qu'à l'instant mesme il courut par les carrefours, & criat

auffi Liberti', Liberte', fit que cette voix penetra les murailles du Chasteau, & arriua iusqu'aux oreilles de la Nymphe: elle en changea deux ou trois fois de couleur, bien qu'elle sceust que le plus souvent la voix du peuple est la voix des Dieux; elle doubtoit de ce qu'elle deuoit esperer, tant elle auoit de sujet de craindre, Enfin Adamas luy vint affurer que les Dieux auoient eu pitié d'elle, que Polemas estoit mort, & que celuy qui l'auoit vaincu demandoit qu'on luy permist de la venir saluer, afin qu'il pust sacrifier à ses pieds les despouilles de ce temeraire: à cette nounelle Amasis sut surprise d'une si grande ioye, que ne pouuant respondre, elle pria Godomar de suppleer à son defaut, & le Prince ayant treuué qu'il n'y auoit point de perilàleur ouurir les portes, puis qu'ils estoient en si petit nombre, Adamas partit pour cela, & Godomar luy-mesme accompagné presque de tous les Cheualiers qui estoient dans la ville, leur alla à la rencontre.

La nouveauté de cet accident, & le bruit que les trompettes faisoient dans les rues, firent assembler tout le peuple, de sorte que Lindamor treuva la ville mieux garnie qu'il ne pensoit pas qu'elle sust; Adamas courut devant advertir Amasis de leur arrivee, Godomar se mit à costé de Sigismond, qui voyant bien que son frere ne le cognoissoit pas, rioit sous ses armes du plaisir qu'il avoit de le voir deceu; Damon se mit à la

206 LA DERNIERE PARTIE D'ASTREE, main gauche de Rosileon, & Alcidon se mirau milieu de Lindamor & d'Argonide; en cet ordre ils arriuerent au chasteau & Adamas estant venu les receuoir à la porte, les conduisit dans vne grande sale, où Amasis estoit desia, accompagnee de toutes ses Nymphes, & de toutes les autres Dames qui estoient venuës à Marcilly. Dés qu'ils furent entrez, Amasis se leua de son siege, & Lindamor s'estant auancé (comme il auoit estéresolu entr'eux) Madame, dit-il assezhaut, & mettant vn genoüil en terre: Enfin vos plaintes ont touché le Ciel, & la iustice de vostre cause nous a fait partir d'vne contree où Mars employoit nostre courage & nos armes, pour venir rendre à vos peuples la liberté qu'ils desirent, & à vous le repos que vous meritez. Polemas est puny de sa persidie, & sateste que ie vous apporte seruira d'vne preuue irreprochable de sa dessaite, & de ma fidelité: A ce mot il la prit des mains de son Escuyer, & la ietta aux pieds d'Amasis: mais la Nymphe destournant ses regards, & releuant le Cheualier, quelques graces, respondit-elle, que ie vous pusse rendre, pour le bien-fait que ie reçoy de vostre valeur, elles seroient toussours moindres que la volonté que l'ay de le recognoistre ; que si vous voulez que ie iouysse d'vn parfait contentemet, ostez-moy le visage de ce rebelle, & souffrez que ie voye celuy de mo liberateur. Lindamor ne pouuant resister à ce commandement, dessit LIVRE TROISIESME.

son casque, & se panchant pour baiser la robe de la Princesse, il en sut empesché par elle-mesme, qui le recognoissant, & le pressant entre ses bras, ne put toutefois luy dire autre chose sinon, ah Lindamor ah Lindamor! si Galathee sut rauie du retour de son Cheualier, i'en laisse iuges ceux qui ont quelquefois aymé; tant y a qu'elle en demeura comme immobile, & que disputar entre l'amour & le respect, elle sut tellement transportee, qu'elle fit vn manquement contre l'vn & contre l'autre. Enfin Amasis ayant donné quelque trefue à ses caresses, Lindamor luy presenta Sigismond & Rosileon, & luy dit: Madame, voyla des Cheualiers à qui bien plus iustement qu'à moy, sont deuës les faueurs que vous me faites, & qui, auec plus de droit meritent le titre de vos liberateurs; leur courage à franchy des difficultez estranges, & n'a point treuné d'obstacles qu'il n'ait genereusemet surmotez pour vous secourir: Alors les deux Princes s'estants auancez, & la Nymphe les receuant auecque vn visage où la ioye estoit peinte;mais,dit-elle,braue Lindamor,à quoy sert de m'en raconter les merueilles, & de me les rendre considerables par les obligations que ieleur ay, si vous ne me contétez dans l'enuie que l'ay de les cognoistre, & si ie voy qu'eux-mesmes refusent de me donner cette satisfaction? Madame, respondit Lindamor, ne vous estonnez pas de leur silence, ils sont veritablement Cheuz-

208 LA DERNIERE PARTIE D'ASTREE! liers, & cette loy qui rend leur parole inuiola: ble, fait qu'ils ne se descouurent point, car ils ont iuré de ne se faire iamais cognoistre, si vous n'obtenez de quelques Dames qui sont aupres de vous, qu'elles ne leur dénieront point les faueurs qu'ils ont enuie de leur demander. La Nymphe qui mouroit d'enuie de voir ces personnes qu'elle estimoit desia si cherement; ie croy, repliqua-telle, que si c'est yne chose qu'elles puissent accorder legitimement, elles in'ayment assez pour y consentir, ce que la pluspart Des Dames ayant protesté, Sigismond osta son armeure de teste, & saluant Dorinde, ce que ie veux de vous, luy dit-il, n'est autre chose qu'vn pardon que ie vous demande, pour tant de maux que ie vous ay causez depuis vostre sortie de Lyon: & moy, dit Rosileon, s'estant aussi descouuert le visage, ce dequoy ie vous requiers, belle Rosanire, est que vous observiez desormais ce que vous auez promis à mon amour, & qu'obeyssant aux volontez de Policandre, vous me receuiez pour vostre mary. A peine Amasis permit à ces belles filles de respondre, car ayant ouy nomer à Godomar le nom de Sigismond, & cognoissant Rosileon, elle courut les embrasser auecque tant de contentement qu'il seroit impossible de le redire.

Adamas n'eut pas plustost renduce qu'il deuoit à l'arriuce de ces deux Princes, & au retour de Lindamor, qu'il se desroba de la troupe pour

aller aduettir Clindor du contentement qu'Amasis auoit receu; Il treuua chez luy tous les bergers, & leur ayant dit le nom & la qualité des vainqueurs; Mes enfans, leur dit-il, ie me resious dequoy tous nos ennemis sont morts en la personne de Polemas; & dequoy par le sang que Lindamor a tiré des veines de ce rebelle, les Dieux ont conserué le vostre; Ie vous iure, mon pere, dit Hylas, en l'interrompant, que i'en suis pour le moins aussi content que vous, car i'ay tousiours plus apprehendé vne flesche de nos ennemis, quand elle n'eust deu attaindre que la pointe de mon pied, que cent de celles dot on nous persuade qu'Amour nous blesse le cœur. Les blessures de lame, adiouta Syluandre, sont pourtant bien plus dangereuses que celles du corps, oiiy aux melancoliques, repliqua l'inconstant, mais à moy, qui treuue en vn moment cent fois plus de remedes qu'il n'en faut, pour guerir de quelques maux dont la mienne puisse estre atteinte, i'aymerois mieux, comme l'ay desia dit auoir trente blessures en l'ame, qu'vne petite esgratignure sur le corps: Le Ciel, dit le Druyde, vous a par sa bonté garétis de tout le mal que vous pouuiez craindre, & ie proteste que quelque grand que soit l'interest que l'ay pour le repos d'Amasis, ie ne reçois pas moins de cotentement de vostre conseruation que de la sienne: Le Ciel, dit Astree, nous a fait voir des marques de sa pieté; mais que

LA DERNIERE PARTIE D'ASTREE; n'eust il point accordé aux supplications, & aux vœux d'Alexis, puis qu'àla seule volonté qu'elle a euë de le prier, elle a obtenu nostre deliurance? Les Dieux, respondit Alexis, ont hasté leur secours, pour montrer que le bon droict d'Amasis les pouvoit toucher plus puissammét que toutes mes prieres, dont le pouvoir est si petit, qu'il est presque impossible qu'elles ob-tiennent iamais ce qu'elles demandent: Ah! ma maistresse, adiousta Astree, pardonnez-moy si ie dis que pour faire que cela fust, il faudroit qu'elles ne fussent adresses qu'à des marbres, car il n'est pas possible, si on a de la raison, qu'on vous refuse iamais quelque chose que vous puis-siez desirer; & pour moy, ie dis bien sans flat-terie, qu'il n'est rien au monde, dont vous me voulussiez requerir, que ie ne vous accordasse fort librement: prenez garde, mon seruiteur, respondit Alexis, que vous ne vous engagiez à des promesses, qu'apres vous ne veuilliez pas obseruer: Non non, dit Astree, ie n'ay rien d'excepté pour cela, ie le dis encore vne fois, & le iure par tout ce que ie puis iuter, que vous pouueztout sur mavie, & qu'il n'est rien que ie ne fisse pour vous plaire, & pour vous obeyr: Nous le verrons quelque iour, adiousta Alexis, cependant n'en perdez pas la memoire, & souuenez-vous que vous l'auez promis en trop bone compagnie, pour vous en pouuoir iamais desdire, sans estre blasmee de trop de legereté.

Ils

Ils tindrent encore quelques propos, apres lesquels le Druyde s'en retourna au chasteau, pour faire souvenir Amasis de la liberté qu'elle auoit promise à Peledonte, & dés qu'il luy en eut ouuert le discours, la Nymphe l'enuoya retirer des cachots, & luy pardonna son crime auecque tant de douceur, que iamais depuis ce Cheualier ne faillist contre ce qu'il deuoit à son seruice. Adamas representa encore à la Nymphe ce que ses sujets auoient souffert depuis la rebellion de Polemas, & l'extremité en laquelle ils estoientalors, ayants pour le moins soixante mille hommes sur les bras, dequoy la Nymphe eut tant de compassion, qu'elle resolut de ne rien espargner de tout ce qui pourroit seruir à leur soulagement, elle comuniqua donc fon dessein à Sigismond, à Rosileon, & à Godomar, qui dés l'heure mesme mirent si bon ordre à tout, que le lendemain les trouppes furent cogediees, & prestes à sortir du pays: Sigismond disposa Ligonias à receuoir la conduitte du mesme secours qu'il auoit amené à Polemas, & luy donna vne lettre pour Gondebaut, & Rosileon escriuit à la Reyne Argire les succez qui luy estoient arriuez: Apres cela la Nympheles conduisit au Temple, pour estre tesmoings des graces qu'elle vouloit rendre aux Dieux pour l'auoir portee en si peu de téps, de la crainte d'vn esclauage, à la iouyssance d'une entiere liberté. Le reste du jour ne sut employé qu'en passe-téps Dern. part.

& en festins, de sorte que dans l'excez de cette ioye Amasis oublia tous ses malheurs passez, la seule mort de Clidamant luy reuint en la memoire, & cela sut cause qu'elle tira Lindamor à part, pour apprendre de luy ce qu'il auoit fait depuis la perte de son sils: ce Cheualier qui ne desiroit rien auecque plus de passion que de luy tesmoigner son obeissance, se disposa de contenter sa curiosité; & cependant que les Princes & lés Cheualiers s'entretenoient auecque les Nymphes & les Dames qui estoient dans la chambre, il luy tint ce discours.

### SVITTE

### DE L'HISTOIRE

### DE CHILDERIC,

DE SYLVIANE,

& d'Andrimarte.

E nescay, Madame, si le Cheualier que le vous enuoyay apres la mort de Clidainant s'acquitta bien de la commission que ie luy auois donnee, & s'il vous redist bien sidelement toutes les circonstances qui estoient arriuees en la disgrace de Childeric? il nous raconta, respodit Amasis, la passion que ce ieu-

ne Roy auoit euë pour Syluiane, les desseins qu'il eut pour rompre le mariage d'Andrimarte & d'elle, les violences qu'il fit dans la maison de cette nouvelle semme en l'absence de son mary, la fuitte de Syluiane fous vn habit de garçon, & enfin la reuolte du peuple, & la perte de mon fils, qui fut presque accompagnee de la vostre, car il me dit qu'en cette rencontre vous fustes extremément blessé : à ce compte là, Madame, reprit Lindamor, il n'oubliarien de ce qu'il auoit à vous raconter; mais pour ce que vous n'auez pas sceu de quelle façon Syluiane & Andrimarte se retrouuerent, ny ce qui leur arriua en se retirant dans la Gaule Armorique, dont Semnon les auoit faits Seigneurs, ie vous en rediray les particularitez, comme les ayant apprises par eux-mesmes, car Andrimarte qui me fait l'honneur de m'aymer, passant par la Cité des Rhemois pour se plaindre à la Reyne Methine de l'impudicité de son fils, prit aussi la peine de me visiter dans le list où me retenoiet mes blessures, & m'en raconta les accidents de mesme que vous les entendrez; à ce mot Lin-- damor se reut pour vn peu, puis il reprit la parole de cerre forte.

Les remontrances que Guyemants fit à Childeric eurent tant de pouvoir sur l'esprit de ce ieune Roy, qu'il resolut en son ame, & protesta mille sois de ne retomber iamais dans vne semblable saute: mais yn peuple esmeu n'estant pas

214 LA DERNIERE PARTIE D'ASTREE, beaucoup dissemblable a ces torrents, qui dans leur premiere furie emportent tout ce qui leur resiste, il falut que Childeric cedast à ceux qui s'estoient esseuez contre luy, & qu'il recogneust que pour la reparation d'vn crime, cen'est pas tousiours assez que de s'en repentir: il se sauua donc en habit incognu aussi-tost qu'il eut parta-gé auec Guyemants la piece d'or, & pour ce que dans l'apprehension où il estoit il ne croyoit pas trouver de la seurté qu'en ceux dot il auoit dessa esprouué la fidelité & le courage, il voulut bien que ie susse grandement blessé, que ie l'accompagnasse iusques chez Bassin Duc de Turinge, entre les bras duquel il auoit fait dessein de se refugier:moy qui depuis la mort de Clidamant auois oublié d'aymer ma vie, ie consentis à tout ce qu'il voulut, & quelque cognoissance que i'eusse du peril où ie m'allois exposer, ie ne receus pas seulement une consideration de celles qui m'en pouuoient diuertir. Ainsi nous partismesapres qu'il eut dit adieu à Guyemants, qui ne le vid point partir sans donner des larmes à cette sascheuse separation: Childeric sit voir en ce départ la generosité de son courage, qui estoit la seule bonne qualité qu'il auoit, car sans changer seulement de couleur, cher amy, dit-ilà Guyemants, ie parts pour suiure le conseil que vous m'auez donné, & veux bien que vous croyez que mon esloignement est vne tres-, grade marque de ce que vous pouvez aupres de

moy; sans vous, l'aurois laué de mon sang la faute que i'ay commise,& n'aurois pas vescu vn moment apres la perte de ma Coronne, mais puis que vous me promettez de trauailler à mó restablissement, ie veux viure, afin que vous cognoissiez que le ne desespere point du secours que iene puis receuoir que de vostre prudence: à ce mot l'ayant prié de nouueau de s'y employer soigneusement, & l'ayant embrassé mille fois, nous montasmes à cheual, accompagnez des Cheualiers Segusiés que l'auois alors aupres demoy, & dans peu de jours nous arrivalmes en la Cité des Rhemois, ou Childeric voulut passer pour doner luy-mesme à sa mere les nouuelles de son exil. Ce fut la plus pitoyable chose du monde de voir cet abord, car dés que Childericfut entré dans la chambre de la Reyne il s'alla ietter à ses pieds, & cette Princesse qui ne sçauoit pas le suiet de sa venuë, tesmoignant en son visage plus de ioye que son malheur ne vouloit pas qu'elle en eust, s'auança pour l'embrasser; mais luy l'ayant repoussée doucement, Madame, dit il, ne profanez pas vos mains sur le corps d'vn coupable que les Dieux ont puny par vn supplice qui le perd, & qui vous deshonore?comment, dit la Reyne, toute estonnee, & quoy n'estes-vous pas Childeric; mon fils, le Roy des Francs? ie suis, respondit-il vrayment Childeric, de qui les crimes meritent que vous luy oftiez la gloire d'estre appellé vostre fils, co-

216 LA DERNIERE PARTIE D'ASTREE, me les Francs luy ont defia rauy la qualité de Roy: à ce mot, cette Princesse soupconnant en son ame vne partie des malheurs qui estoient arriuez, Ah!Dieux,s'escria telle,&qu'est-ce que vous me dittes Childeric? disant cela elle le releua fondant toute en larmes, & le Prince s'estant reculé deux ou trois pas, elle alla encore luy prendre la main, & l'emmena dans son cabinet. Aussi-rost elle m'enuoya querir, & soudain que ie sus entré ie luy allay baiser la robe, mais elle m'embrassant, Ah Lindamor, me dit-elle, que les presages de Meroilee ont esté veritables à mon dommage, & que ie suis malheureuse de voir auiourd'huy l'effect de cela mesme, dont ce pauure Roy auoit eu tant de fois la crainte; Madame, luy dif-je, c'est vn malheur arriué, que la puissance mesme des Dieux ne sçauroit maintenat reuoquer? Il est vray Lindamor,respondit-elle, mais si Childeric eust eu de la verru, il eust bien esté en son pouvoir de l'euiter; Moy qui cognoissois bien le iuste sujet qu'elle auoit de l'accuser, mais qui desirois apporter quelque consolation à la douleur que ie luy en voyois fouffrir; Madame, adioustay-je, nous fommes quelquefois portez à des choses par vne si secrette & si extreme violence, qu'il est presque impossible que nous y resistios, & semble qu'il y ait en cela quelque fatalité qui soit ineuitable, iamais, dit-elle en m'interrompant, vn homme qui aura le jugement bon, & quelque

respect enuers les Dieux, n'obeyra aux sureurs defreiglees d'un appetit brutal, & quelques violentes que soyent, les inclinations qui l'y poussent, il trouuera tousiours dans sa vertu des armes assez fortes pour les surmonter; mais adiousta-telle en souspirant, tant s'en faut que Childeric ait iamais eu quelque inclinatio à refister au vice, qu'il a tenu pour ses mortels ennemis, tous ceux qui l'en ont voulu destourner? Cette passion, repris-je, qu'il eut au commencement pour Syluiane ne deuoit pas estre appellee absolument vitieuse, puis que malgré l'inesgalité de leurs conditions, elle pouvoit auoir la vertu pour obiect; mais certes depuis qu'il eut perdu l'esperance de la posseder, il en deuoit aussi perdre le desir,& ne rechercher pas les moyens de la deshonorer: Il a donc fait, me dit la Reyne, quelque violence pour iouyr de Syluiane? l'estois en peine de ce que l'aurois à luy respondre, quand Childeric iettant les yeux fur moy; acheuez hardiment, me dit-il, contentez la curiosité de la Reyne, & rendez mon crime le plus enorme que vous pourrez, vous ne le depeindreziamais si grand, qu'il ne le soit encore dauantage dans la cognoissance que i'en ay? Seigneur, luy respondis-je, me tournant à luy, puis que vous me le commandez, & que Madame desire d'apprendre ce qui s'est passé, ie ne luy en cacheray pas les accidens. Alors ie luy fisle recit de tout, adioustant toutesois par-

LA DERNIERE PARTIE D'ASTREE, my le mal, quelques perites raisons qui le pouuoient rendre en quelque façon pardonnable. Ie n'en eus pas plustost acheuéle discours, que cette Princesse affligee, tout autant qu'vne femmela peut estre, s'adressant à son fils, & bien, luy dit elle, vous voyla recompensé de vosbones actions Childeric, vous voyla sans sceptre & sans couronne, en estat d'aller chercher la protection d'autruy? vous voyla despouillé du titre de Roy, pour posseder celuy de Tyran, & me voicy sans autre consolation parmy tantd e calamitez que celle que ie reçoy, lisant dans le chastiment dont les Dieux vous ont puny vne tres grade marque de leur iustice. Iustes Dieux, continua-telle, leuant les mains & les yeux vers le Ciel, ie vous prends à tesmoings de mon innocence, & des supplications que ie vous ay faites de destourner ce malheur de nostre maison: Vous seuls cognoissez les sentimens de mon ame, punissez-moy si i'ay mãqué de soing à faire prendre vne bonne nourriture à ce fils, soit par mes discours, soit par mon exemple; disant cela, elle se mit à verser vne si grande quatité de larmes, que l'eus de la peine à m'empescher de les accompagner des miennes. Enfin Childeric apres auoir vn peu resué, Madame, luy dit-il, quand l'aurois l'ame insensible au regret d'auoir failly, ces pleurs que yous donnez à ma disgrace, seroient capables de m'en inspirer le repentir; croyez donc que i'en ressens vne

douleur si forte, qu'il n'est rien au monde que ie ne sisse pour reparer le mal que i'ay commis: mais ne sçachant à cette heure aucune satisfaction qui puisse esgaler mon peché, ie vous supplie tres humblement, Madame, & à ce mot il se ietta à ses genoux, de me pardonner cette offense, afin qu'à vostre exéple les Dieux apprenants à l'oublier, cessent desormais de me pour sui ure, puis qu'ils m'ont dessa fait assez sentir les essects de leur vengeance.

La Reyne laissa quelque temps Childer's à genoux, ne sçachant elle-mesme ce qu'elle saisoit, tant elle estoit troublee: mais en sin le re-leuant, Childeric, luy dit-elle, ie prie les Dieux qu'ils ayent autant de pitié pour vous, que i'ay peu de colere, & que vostre repentir les touche aussi puissamment qu'il m'a vaincuë; mais sou-uenez vous de ce que vous sousfrez pour l'e-normité de vostre crime, & faites que si mes comandemens ne sont assez forts pour vous empescher d'y retumber, vostre propre interest pour le moins ait cette puissance.

Madame, il ne seruiroit à rien de vous redire par le menu les promesses que Childeric luy sit, ny les autres discours que la Reyne & luy eurent ensemble; il sussit que vous sçachiez qu'elle nous accompagna d'vne de ses lettres au Duc de Thuringe, & qu'elle consentit que nous partissions dés le lendemain, ce que nous sismes, & ie vous iure qu'encore que l'eusse auecque moy 220 LA DERNIERE PARTIE D'ASTREE,

vn tres-expert Chirurgien, qui me pansoit tous les iours de mes blessures, ie ne laissois pas de me treuuer extremément incommodé de la logueur du chemin. Nous arriuasmes donc au bout de quelques iours à Thuringe, où nous fusmes fauorablement receus; car Bassin qui est parent & allié de Childeric, tesmoigna tant de regret dele voir dans cette affliction, que cela nous fut presque vne assurance d'obtenir de luy le traittement que nous en esperions: Aussi tost que ieluy eus donné la lettre de la Reyne il l'ouurit, & l'ayant leuë, me la rendit pour la voir aussi, puis sans se souuenir de me la demãder, il s'adressa à Childeric, & luy iura qu'il le protegeroit contre tous ceux qui feroient quelque dessein de luy nuire. Vous auez donc, dit Amasis, en l'interrompant, la lettre que la Reyne escriuit, puisque Childeric vous la laissa entre les mains? ie le croy, respondit Lindamor, & si vous auez enuie de la voir, ie m'assure que ie l'auray bien-tost treuuee : disant cela, il foüilla dans sa pochette, & la Nymphe ayant tesmoigné qu'elle eust esté bien aise de l'ouyr lire, le Cheualier tira plusieurs papiers, parmy lesquels il treuua celuy qu'il cherchoit,& l'ayant ouuert, il y leut ces mots.

## L E T T R E DE LA

## REYNE METHINE,

A

BASSIN, DVC DE THURINGE.

Hilderic se va ietter entre vos bras, pour y trouuer vn réfuge assuré, contre tant de malheurs qui le persecutent: mais s'il y a autant d'inesgalité en vos inclinations, que ie remarque de disproportion entre son vice on vostre vertu, ie n'attends qu' vn tres-mauuais succez de son voyage. Toutefois si la bonne volonté que vous auez tes moignee à la mere, peut en quelque façon estre communiquee au fils, ie ne des espere pas entierement de son salut, or croy que vous luy ferez au moins la faueur de luy permettre de viure. Ses defauts ont offensé le Ciel, or ie crains

LA DERNIERE PARTIE D'ASTREE, que, pour se vanger, il ne luy laisse pas vne retraitte assuree sur la terre: mais, de quelque colere que les Dieux puissent estre animez contre nous, ie sçay qu'ils ne sont pas tousiours inexorables, en qu'ils pourront estre touchez de son repentir & de mes pleurs . fi vous commencez d'estre sensible aux larmes dont ie mouille ce peu de lignes. Prenez doncie vous supplie, quelque pitié de l'affliction de Methine, & de la misere de Childeric: Es puisque l'vn & l'autre ont l'honneur de vous appartenir, souffrez que leur interest soit en quelque façon le vostre, & que le peu qui leur reste d'esperance, soit desormais conserué soubs vostre protection.

Voila Madame, dit Lindamor, en continuant ce que la Reyne escriuit à Bassin, dequoy son ame sut si touchee, qu'il protesta, come ie vous ay desia dit, de le seruir contre qui que ce sust. Pour moy ie sis le moins de sejour que ie pus à Turinge, pource que Guyemants me l'auoit ainsi conseillé, mais quelque volonté que i'eus-se de me rendre bien-tost aupres de luy, ie ne le pus iamais, car estant de retour en la

Cité des Rhemois, où i'auois charge de repasser pour aduertir la Reyne du bon accueil que le Duc auoit fait à Childeric, le trauail du chemin sit rouurir deux de mes blessures, & la sievre m'ayant saisi là dessus, ie sus contraint de ceder à la violence du mal, & me vis reduit en tel estat, que presque tous desespererent de ma

guerison.

Cependant, comme vous auez sceu, Syluiane estoit partie de Paris, sous l'habit de l'vn des enfans d'Andrenic, & n'auoit auecque elle que la femme de ce bon home, & vn des seruiteurs d'Andrimarte: Il arriua qu'estans sortis de Claye où elle auoit couché la premiere nuict, & s'estant mise sur le grand chemin de Gandelu, elle n'eut pas marché enuiron vne demie lieuë, qu'elle ouyt vn grand bruit d'hommes & de cheuaux qui venoient à elle; l'apprehension où elle estoit, pour l'extreme peril qu'elle auoit euité le iour auparauant, luy fit promptement tourner la teste, & pour ce qu'elle prit garde qu'ils couroient à toute bride, & qu'elle entendit qu'ils crioyent, arreste, arreste: Ah Dieux! dit-elle, se tournat à la femme d'Andrenic, voila ce tyran qui me poursuit encore, mais adiouta-telle, s'il te reste assez de vie pour t'acquiter dece deuoir, ie te commande de rapporter à mon Andrimarte, que i'ay mieux aymé mourir que permettre qu'on fist aucune iniure à mon honeur & ausien; disant cela, elle mit la main à 224 LA DERNIERE PARTIE D'ASTREE, l'espee, & ne croyant pas pouuoir trouuer son salut en la suitte, elle demeura serme, & se refolut d'attendre quelque succez que la fortune luy preparast.

Dans ce temps-là ceux qui couroientapres elle s'approcherent si fort, qu'ils purent remarquer l'action où elle estoit, & la prenants pour vn Cheualier, ils s'estonnerent du sujet qui le pouuoit auoir obligé à se mettre en desense: -croyants donc qu'il estoit à propos d'en apprédre la cause, ils demeurerent essoignez d'elle, enuiron de quarante ou cinquantepas, & deputerent vn de leur trouppe pour s'aller informer des raisons qui luy auoient fait mettre la main à l'espee. Syluiane se feignat tousiours estre Cheualier, respondit hardiment, que depuis deux iours yn traistre auoit attenté contre son honneur, & que la creance qu'elle auoit qu'il fust venu pour l'assassiner, estoit cause qu'on la voyoit en la posture d'en homme qui scait bien vendre sa vie: alors ce Cheualier l'assura que ceux qu'il auoit soupçonnez seroient tousiours plus prests à le seruir qu'à luy nuire, & que le sujet qui les auoit portezà courir apres lui, estoit qu'ils l'auoient pris pour vn de leurs amis, qui n'estoit party de leur maison que depuis vne heure, & qu'ayats eu nouuelle qu'vn Cerf auoit esté destourné, ils vouloient le rappeller, afin de luy doner le plaisir de le courre. Syluiane bienaise d'auoir esté trompee remit son espee das le

forreau, & se disposa à continuer son yoyage; mais le Cheualier l'ayant prié de luy dire son nom, ie m'appelle Cephindre, luy responditelle, qui seray tousiours fort heureux quand ie trouueray les occasios de vous seruir; à ce mot elle tourna bride, & reprenant son chemin du costé de Gandelu, elle prit garde que ceux qui l'auoiet suivie se ietteret dans vn bois qui estoit sur la main droite. Cependant la femme d'Andrenic se voyant hors du danger qui auoit presque failly à la faire mourir de peur, commença de se mettre vn peu en colere, mais de si bonne grace, que le beau Chephindre ne se put iamais empescher d'en rire; vrayment, luy dit-elle, belle Dame, ie trouue ce courage vn peu bien hors de saison,& si yous auez resolu de mettre à tous moments la main à l'espee, & de desfier tous ceux que nous rencontrerons, ie suis d'auis que nous fassions les Cheualiers errants, & que vous disputiez contre tout le monde le prix de ma beauté? ma bonne mere, luy respondit Syluiane,ce que l'ay fait n'a point esté si hors de saison que vous vous l'imaginez, car enfin, que ne doisie pas craindre? Childeric s'opiniastée à me perdre, & qui sçait, si à l'heure que nous parlons, il n'est point en quelque part aux embusches, où s'il n'a point donné charge à quelqu'vn de me suiure & de me remettre à sa mercy? Childeric, reprit la bonne vieille, a bien maintenant d'autres affaires dans la teste, & croyez-moy, qu'en226 LA DERNIERE PARTIE D'ASTREE, core qu'il n'eust autre soucy que de vous r'auoir, ie ne pense pas que cela fust en sa puissance: Cet habit vous change tellement la taille & le visage qu'il ne vous recognoistroit iamais; & c'est bien pour cela, que ie iuge que vous auez vn peu trop legerement apprehendé tantost l'arriuee de ces Cheualiers, puis que vous deuez vous fier dauantage à l'invention qui vous defguise qu'à vostre propre valeur. Helas, reprit Syluiane, que vous cognoissez mal ce que peut vn esprit quand il est vne fois en fureur: Est-il rien de funeste que ie ne doiue attendre de la malice de Childeric? voyez-vous, ma chere amie, continua telle, ie suis dans vne si grande mesfiance, que ie croy que la fidelité melme seroit capable de me tromper; i'ay creu que ce ty-ran auroit tant fait souffrir de supplices à Andrenic, qu'il auroit pu tirer la verité de sa bouche, & sçauoir de luy ce que le garçon qui nous guide luy auoit communiqué de nostre dessein. Pour Dieu, Madame, dit cette femme en l'interrompant, ne mettez iamais cela dans vostre esprit, & croyez qu'il periroit plustost mille fois, qu'il ne feroit quelque chose contre ce qu'il doit à vostre contentement, & au repos d'Andrimarte: bonne femme, adiouta Syluiane, quand nous ne sentons point demal, nous nous persuadons que les plus cruelles tortures ne seroient pas capables de nous faire rompre la foy que nous auons pour le secret & pour le filence.

filence, mais souvenez vous que dans la plus grande sorce de la douleur, il est bien disficile qu'on ne manque de constance, & c'est pourquoy m'estant siguree en moy-mesme, qué Childeric le pourroit auoir exposé à ce genre de peines, ie craignois qu'il eust consessée que iene voudrois pas qu'il descouurist à personne.

Auec telles ou semblables paroles elles s'alloient diuertissant durant la longueur du chemin, & Syluiane qui mouroit d'impatience de reuoir son cher Andrimarte, à chaque homme qu'elle voyoit paroistre elle s'imaginoit que c'estoit luy; toutefois quelque desir qu'elle en eust elle se trouua tousiours deceuë, & toute cette iournee se passa sans qu'elle en pust apprendre des nouvelles: la femme d'Andrenic la consoloir le mieux qu'il huy estoit possible, & le ieune homme qui les conduisoit ne cessoit de luy dire qu'Andrimarte ne pouuoit venir par autre chemin que par celuy qu'elles tenoient. De cette forte elle arriua à Gandelu où elle coucha vrayment, mais ce fut sans y reposer, car l'enuie qu'elle auoit d'en partir la fit leuer aussi tost que l'aurore, & dés qu'elle fut à cheual elle se mit à future le chemin de Coincy.

Ie vous ennuyerois Madame, si ie vous racontois seulement vne partie des pensees qui l'affligeoient durant son voyage, tant y a qu'elle estoit dans vne perpetuelle inquietude, eque dés le moment qu'elle se figuroit qu'Andrimar,

Dern. part.

228 LA DERNIERE PARTIE D'ASTREE, te auroit pris vn autre chemin, ou qu'il auroit passé durant la nuict, elle paroissoit presque desesperee: Mais toutes ces craintes furent peu de chose en comparaison de celle qui la vint attaquer, quand elle s'imagina qu'il y auoit quelque apparence que Childeric l'eust fait assassiner : d'abord elle changea de couleur, puis ouurant sa bouche aux souspirs, & ses yeux aux larmes: Ah!mamere, dit-elle, se tournant vers la femme d'Andrenic, peut-estre faisons-nous icy vn voyage bien inutile? Cette bonne femme qui s'estonna de ce changemet, pourquoy auez-vous cette opinion? luy respondit-elle, pource que le crains, adiousta Syluiane, que ce barbare ait fait tuer Andrimarte: Bons Dieux, repliqua la bonne vieille, que dittes-vous-là, Madame, ce soupçon seulement est capabie de me faire mourir; pour Dieu ne vous imaginez pas que cela puisse estre, nous en aurions desia sceu quelque chose, & croyez-moy, que puisque le cœur ne me l'a point dit, c'est vne marque que cela n'est pas, car il m'arriue peu de malheurs, dont auparauant ie n'aye eu quelques presages: L'apparence que i'y voy, reprit Syluiane, est trop grande pour ne me laisser pas cette crainte, car pensezie vous prie, au temps de son depart, & jugez s'il ne deuroit pasestre maintenant de retour. La semme d'Andrénic s'estant mise alors à penser & à compter par ses doigts, ie n'ay pas, dit-elle, tout à coup, l'esprit

trop bon pour bien supporter toutes ces choses, mais selon mon soible iugement, ie ne treuue pas, quelque dil gence qu'il fasse, qu'il puisse passer qu'aujourd'huy:le garçon qui l'accompagnoit, ayant sait son compte de son costé, ie vous assure, Madame, cria-til tout haut, que cette femme a raison, car ie voy que son comptè

se rapporte parfaittement au mien.

Disant cela, ils arriverent sur le haut d'ynè petite colline, qui laissant libre, la veuë d'vne grande plaine qui estoit au delà, permit à Syluiane de remarquer d'assez loing quelques homes à cheual, qui venoient en grande diligen. ce: d'abord elle n'en (ceut cognoistre ny le nobre ny les personnes, mais les montrant à la femme d'Andrenic, ne voyez vous pas, luy ditelle, ma bonne mere, quelques hommes là bas qui viennent droit à nous? ie ressens vne secrette ioye, qui me dit que ce pourroit bien estre Andrimarte: La bonne vieille a qui l'aage auoit vn peu gasté la veuë, ie ne voy pas, refpondit-elle, ce que vous me montrez, mais si c'estoit Andrimarte, commé ie prie les Dieux, qu'ils le vueillent, en verité Madame, que feriez-vous? ie mourrois, luy respondit Syluiane, d'vn excez de contentement; ce n'est pas, reprit elle, ce qu'il faudroit faire, il vaudroit bien mieux le combattre, ou pour le moins le desfier comme ces Cheualiers qui nous suiurent l'autre 10ur; helas! repliqua Syluiane, il y atrop 230 , LA DERNIERE PARTIE D'ASTREE;

long-temps qu'il m'a vaincuë: Disant cela, elle qui tenoit tousiours les yeux attachez sur les hommes qu'elle auoit veus, dés qu'elle apperceut qu'il y en auoit vn qui portoit vn chapeau couuert de plumes blanches, elle lascha la bride de son cheual, & se frappant d'yne main contre l'autre, c'est fait ma mere, dit-elle, voyla Andrimarte, ie recognois ses plumes & son habit, Madame, respondit cette semme, si c'est luy, ie suis d'auis que nous le trompions, & que nous essayons s'il nous recognoistra? Il nous cognoistra sans doubte, repliqua Syluiane, car son feruiteur n'est pas desguisé comme nous, à cela, reprit la bonne vieille, il y a vn remede, c'est qu'il faut qu'il se cache iusqu'à ce que nous l'ap-pellions; a ce mot Syluiane commanda à ce ieune homme qui auoit aussi recognu Andrimarte, de se mettre derriere vn arbre qu'elle luy montra, à quoy il obeyt incontinent : mais Syluiane qui dans l'excez de sa ioye auoit oublié de reprendre les resnes de son cheual, faillit à se rompre le col, car le cheual qui commançoit d'estre vn peu lassé de la longueur du chemin, broncha si lourdement en la descente, que le beau Cephindre, qui n'estoit pas trop bon Escuyer, tumba la teste la premiere à trois ou quatre pas de luy. Cette cheute estonna beaucoup plus la vieille, qu'elle ne fit de mal à Syluanie, qui ne pouuant recepoir de grand dommage en la presence de son mary, se releua promptement, & dit à la bonne femme qu'elle ne s'estoit qu'vn peu blesse au nez, & de fait, elle en auoit heurté contre la terre, ensorte, que le sang en sortit.

Andrimarte s'estoit desia si fort approché, qu'il auoit pu voir tumber Cephindre, & cela füt cause que pour luy ayder il poussa son cheual à toute bride, mais il n'arriua aupres de luy qu'au mesme temps qu'il eut acheué de se releuer; & parce que Syluiane auoit mis so mouchoir sous le nez, pour receuoir le sang qui en sortoit, il fut impossible au Cheualier de la recognoistre, toutefois se croyant obligé par les loix de la courtoisie, à luy dire quelque chose; Cheualier, luy dit-il, ie m'estois hasté de venir pour vous assister, si vous eussiez eu besoin de mon seruice, mais à ce queie voy, vous estes en estat de vous en passer; Syluiane rougit oyant les paroles d'Andrimarte, & fut tentee de ne luy retarder pas dauantage le contentement que sa veuë luy pouuoit apporter, toutefois voulant encore prendre quelque plaisir dans cette seinte, Cheualier, luy respondit-elle, auec vne voix vn peu changee, & laissant son mouchoir deuant le visage, vostre bonne volonté ne laisse pas de m'obliger infiniment; disant cela, elle le regarda des mesmes yeux, pour lesquels il auoit si longtemps brussé, & parce qu'Andrimarte y remarqua quelques traits de ceux qui l'auoient autrefois rendu sensible aux atteintes d'Amour, il luy

232 LA DERNIERE PARTIE D'ASTREE, passa vne confuse idee dans l'esprit, qui luy sit croire qu'il avoit veu ce Chevalier en que que autre lieu: maiscomme il estoit sur le poinct de luy en ouurir le discours, il prit garde que le cheual de Syluiane s'estoit eschappé, & quese santat libre il auoit gaigné la campagne; il commanda donc à ceux qui l'accompagnoient de courir apres luy, & de le ramener, & au mesme temps ayant mis pied à terre, il pria le Cheualier qui luy estoit incognu de s'asseoir sur vn petit coing de rocher qui s'auançoit sur le grad chemin; a quoy Syluiane ne resista point, car elle en auoit assez de necessité, & là Andrimarte ayant sceule nom de Cephindre, & qu'il n'estoit party de la Cour que depuis peu de iours, il le coniura de luy raconter les nouuelles qu'il y pounoit auoir apprises.

Syluiane doc resoluë de le mettre en peine le plus qu'e de pourroit, afin de luy faire trouuer sa rencontre plus douce, ce que ie sçay, luy respodit elle vous donera plus d'horreur que de plaissir quand ie le vous auray appris, car estant, si ie ne me trompe, franc de nation, aussi bien que moy, il seroit impossible que vous ne supportassiez impatiemment, de si grands dessauts en vn Monarque, qui se peut vanter de gouuerner l'Empire le plus glorieux qui soit en l'V niuers; toutesois, puis que vostre courtoisse m'a fait cognoistre que ie commettrois vn crime en vous desobey ssant, ie vous diray que Childerie vient

233

deternir sa vie par la plus sale & la plus lasche action que tyran ait iamais faite. A ce discours Andrimarte fremit, dequoy Syluiane s'apperceut, puis elle continua de cette sorte, Son impudicité a esté si grande, qu'elle l'a porté à deshonorer vne femme, dont le merite & la vertu estoient extremes aussi bien que sa beauté: & il est croyable qu'ayant esté dans la Cour, il sera difficile que vous ne l'ayez veue auecque admiration, car Syluiane, c'est ainsi qu'elle se nomme, n'a presque iamais esté regardes de personne, sans qu'à l'instant mesme sa grace n'en ait gaigné le cœur. Au nom de Syluiane Andrimarte perdit toute contenance,& se leuant, comme transporté: Ah Dieux! dit-il assez haut, est-il possible que ce barbare ait assouuy sa brutale fureur,&qu'il ait triomphé en mesme temps de la vertu de Syluiane, & de l'honneur d'andrimarte?il est vray, reprit Syluiane qu'il l'a entrepris, mais la resistace de cette ieune semme, a trompé les desseins de ce luxurieux tyran, & sa vertu l'a fait recourir à vn remede qui n'estoit pas moins necessaire que ie l'ay trouué vio ent. Ces dernieres paroles, remirent vn peu l'esprit du Cheualier, cela fut cause qu'il se tourna asseoir, & que s'addressant à Cephindre, qui laissoit tousiours son mouchoir deuat son visage, Cheualier, luy dit-il, ainsi les Dieux te donnent l'accomplissement de tes desirs; ie te supplie raconte m'en les particularitez,& ne permets plus que mon ame languisse dans l'incertitude où tu la retiens; vous auez donc, dit le dissimulé Cephindre, quelque interest dans cet accident? si grand, respondit le Cheualier, qu'Andrimarte mesme n'y en sçauroit auoir dauatage: Certes, adiouta Syluiane, ie vous en seray donc le discours, & bien que ie ne croye pas qu'on puisse apporter quelque remede à ce desordre, ie vous reciteray ce que i'en sçay, asin que vous auisiez de vous y gouuerner come vous le iugerez plus à propos; à ce mot Andrimarte tira son mouchoir de sa pochette, & l'ayant ouuert sur sa main, il appuya sa teste dessus, & Syluiane voyant qu'il tenoit les yeux baissez deuint vin peu plus hardie, & ostant le sien qu'elle tenoit deuant le nez, elle poursuiuit de cette sorte.

Si le sçauois quels ont esté les succez qui ont accompagné l'amour d'Andrimarte & de Syluiane, ie m'imagine que i'aurois beaucoup de plaisir à vous les raconter, & que vous ne seriez pas marry de les ouyr, mais puis que ie n'ay rien appris de leur vie, que ce qui est arriué depuis leur mariage, ie me contenteray de vous dire qu'à peine eurent-ils cueilly le fruist de leurs trauaux, que Childeric, sous vn pretexte seint & imaginaire comméça de mettre des obstacles au repos dont ils deuoient iouyr: & parce que l'amour que ce Prince auoit pour Syluiane n'a-uoit nul sondement legitime, elle ne demeura pas das les termes de la discretion, au contraire

elle le fit resoudre à tenter de la corrompre ou de la forcer. Il enuoya donc Andrimatte chez la Reyne Methine, afin qu'en son absence il eust plus de commodité d'executer son pernicieux dessein, & dés que ce Cheualier sut party, il prit si bien son temps, qu'il entra dans la maison de Syluiane, lors qu'il n'y auoit aupres d'elle qu'vne vieille semme, qui est celle de qui l'on a ap-

pris la verité de tout.

Iugez quel fut l'estonnement de Syluiane, voyat entrer Childeric, toutefois elle cacha son desplaisir & sa crainte, le mieux qu'elle put, & s'approchant de luy, auec vn visage bien coatraire aux mouuements de son cœur, elle voulut luy dire quelque chose:mais Childeric la preda uenant se ietta à ses genoux, & luy prit la man pour la baiser, dequoy Syluiane sut si suprile, qu'elle se desbatit auec violence, & fit tant qu'elle s'en retira; incontinent le Prince se releua, & s'estant mis sur vn siege, il pressa si fort cette ieune femme, qu'ill'a contraignit de s'asseoir assez prez de luy, & là apres quelques regards qu'il accompagna de mille souspirs, mais belle Syluiane, dit-il tout à coup, pour quoy me refusezvous les faueurs qu'Andrimarte a desia obtenuës?ne commettrez-vous pas vn crime, si cependant que vous le pouuez, vous ne voulez point iouyr d'yn plaisir que i'estime le plus doux de la vie? craignez-vous que ie manque de discretion, & que iene sçache pas me taire dans la

LA DERNIERE PARTIE D'ASTREE, iouissance de vos faueurs? à ces paroles Syluiane rougist, & se voyat en vn estat, auquel sans faillir contre son deuoir, elle ne pouuoit ouyr des discours d'amour d'autre bouche que de celle de son cher Andrimarte, Seigneur, luy respodit, elle essez hardimet, ie ne dois plus craindre que vous manquiez de discretion, vostre discours m'enseigne que yous n'en eustes iamais pour moy, puis que sçachant ce que ie dois à mon\_ mary, vous entreprenez malà propos de me rendre coupable d'vne action que la rigueur du Ciel ne sçauroit iamais assez punir. Syluiane dit encore quelque chose que le Prince escouta fort impatiemment, puis prenat la parole, mais enfin Syluiane, luy dit il, à quoy croyez-vous que soient vtiles tant d'insupportables resus? A conseruer, repliqua-telle, ce que ie ne dois iamais perdre qu'auccque la vie;c'est en quoy, reprit Childeric, vous vous trompez, car vous ne sereziamais assezsorte pour resister à la voloté que i'ay de vous vaincre, & c'est sans doubte que ce que vous refuserez a mon amour, vous serez forcee de le donner à la violence, dont ie

me seruitay contre vostre cruauté.

Disant cela, il luy pri vn bras, & se voulant saisit de l'autre, pour les ensermer tous deux dans sa main, Syluiane le rețira, puis tout à coup le portant sur les cheueux du Prince, Seigneur, s'escria telle, arrestez-vous, ou vous me serez sortir du respect que ie dois à vostre nais-

fance; Childeric qui ne vouloit plus differer l'execution de son mauuais dessein, fit signe alors à quelques hommes qui l'auoiet suiuy pour cet effect, qui ayans fermé la porte, & s'estans saisis de Sylviane, la voulurent ietter sur son lict. Elle qui vid bien que la resistance de la bonne vieille qu'elle auoit, ne seroit pas capable de la garentir du danger dont elle estoit menacee, sit en cet instat vne resolution fort estrage, & promit d'accorder à Childeric quelques faueurs qu'il pust desirer d'elle, pourueu que ces hommes la voulussent quitter. Childeric flatté de la douceur de cette promesse, leur commanda de la laisser, à quoy ayans obey, Syluiane s'approcha du Prince, & le pria de permettre qu'elle pust quitter vne partie de ses habits dans son cabinet; à quoy le Prince ayant consenty, Syluiane se despouilla de sarobe, & de ses plus riches ornemens, puis sortant ainsi deshabillee, elle parut la gorge presque toute nue, & les manches de son corps de juppe trousses iusqu'à la moitié du bras. Quand Childeric la vid en cet equipage, il en demeura tout rauy, & se laissant transporter à la joye que luy donnoit l'esperance de iouyr de tant de belles choses, se leua pour l'aller embrasser, mais elle tirant vn poignard qu'elle auoit pris; Arreste, luy ditelle, sur peine de la vie, & m'escoute: à ce commandement le Prince s'arresta tout court, ne sçachant à quel dessein elles'estoit saisse de

238 LA DERNIERE PARTIE D'ASTRÉE ces armes, & alors Syluiane luy dit; Voicy cruel Tyran, le remede à ta lasciue fureur, voicy qui finira mes iours & ton impudence, & de quile secours me fera verser assez de sang pour y noyer ton seu, que mes larmes n'ont pas esté capables d'esteindre; change desormais ton amour insolente en vne legitime compassion, & ne permets pas, qu'apres sa mort ce corps fouffre la honte d'auoir esté pollu par vn de tes regards seulement; Andrimarte restera pour nous vager de ton crime, cependat si les Dieux permettent que la verité de cette action paroisse aux y eux de tout le monde, on sçaura que i'ay voulu mourir pour ne l'offenser point, & pour te faire cognoistre qu'il t'estoit moins facile de triompher de mon honneur que de ma vie: A ce mot cette belle femme s'en donna deux si grads coups dans le sein, qu'à peine deuant que mourir elle pust dire ces deux mots Adieu Andrimarte.

Syluiane racontant ce dernier accident, ne put s'empescher de sousirire, mais elle ne sut pas long-temps sans se repentir de son artisice, car Andrimarte haussant vn peules yeux, & regardant Cephindre, tu m'assures donc, luy dit il froidement, que Syluiane n'est plus? Elle n'est plus, respondit Syluiane, si elle ne vid aupres de vous; disant cela, elle auoit remis son mouchoir deuant son visage, & le Cheualier qui entendit que Syluiane ne viuoit plus que dans son cœur;

helas! adiousta-til, que ce qui luy reste de vie mefera souffrir de morts; à ce mot il s'arresta, & porta son mouchoir à ses yeux, puis tout à coup reprenant la parole, toutefois, dit-il, mon mal n'est pas sans remede, si ma chere Syluiane a sceu mourir pour ne m'offenser pas, ie n'en feray pas moins pour luy plaire; & toy Cheualier, continua-til, regardant Cephindre d'vn œil qui parloit desia de son transport; situ n'as esté oculaire tesmoing du courage de Syluiane. sois-le de mon desespoir : Disant cela, il mit la main sur son espec, & l'auoit desiatiree hors du fourreau, quand Syluiane se ietta sur luy, & luy saisissant les bras, fit tout ce qu'elle put pour empescher qu'il ne se la mist dans le corps: toutefois quelque force que luy donnast l'extreme crainte où elle estoit, Andrimarte l'eust emporté pardessus sa resistance, si la semme d'Andrenic n'eust mis pied à terre, & ne se fust iettee à corps perdu sur le Cheualier, qui faisant alors yn dernier effort, & les autres ne le voulans point quitter, fut cause qu'ils cheurent tous trois en mesme temps.

Cependant ceux qui estoient à la poursuitte du cheual de Syluiane, reuindrent, & voyans d'assez loing leur maistre, l'espec à la main, se desbattre contre deux hommes, iugerent d'abord qu'ils l'auoient voulu assassiner, ils pousserent donc leurs cheuaux, & le plus auancé ayant mis pied à terre, Ah/ voleurs, s'escria-til,

240 LA DERNIERE PARTIE D'ASTREE, vous ne viendrez pas à bout d'vn si lasche dessein; disant cela, il porta son espee contre les reins de Syluiane, & luy en eust trauersé le corps, si le seruiteur d'Andrimarte, qui auoit desia abandonné l'arbre où il s'estoit caché, ne se sust approché en mesme temps, & n'eust crié que c'estoit Syluiane: Syluiane s'oyant nommer, tourna la teste incontinent, & voyat le peril où elle auoit esté, iugea bien que cette feinte luy pourroit apporter quelque domage si elle duroit plus longuement. Voulant donc redonner à son cher Andrimarte le contentement que son artifice luy auoit desrobé, commet mon Andrimarte, luy dit elle tout à coup, vous ne cognoissez doc plus le visage de vostre Syluiane? Est il possible que pour me recompenser de la peine que l'ay prise à vous cher-cher, vous me donniez moins de tesmoignages de vostre amour que de vostre oubly? A ces paroles Andrimarte la regarda attentiuement, & ne voyant plus rien deuant son visage qui l'empeschast d'en recognoistre les traits, il sortit de l'erreur où Syluiane l'auoit vn peu trop entretrenu, & cognoissant en mesme temps son seruiteur & la femme d'Andrenic, mauuaise, dit-il, receuant Syluiane entre ses bras, de quel crime me vouliez vous punir, quand pour m'affliger vous auez inuenté vne si fascheuse nouuelle? Syluiane ne pouuant luy respondre que par sesbaisers, fut long temps sans luy dire vne

seule parole, enfin s'estant mieux sait cognoistre semme par la quantité des larmes qu'elle versa, que par son habit, elle luy rendit vn veritable compte de tout ce qui s'estoit passé depuis son départ.

Andrimarte donc ayat sceu au vray iusqu'où s'estoit portee l'insolence de Childeric, sit dessein de se retirer promptement dans la Gaule Armorique, & de ne rien espargner pour tirer de son impudique attentat une vengeance memorable: toutesois s'imaginant que ce seroit une espece d'ingratitude de partir sans auoir remercié la Reyne Methine des faueurs qu'elle auoit si liberalement departies a Syluiane, & à luy, il resolut de repasser chez elle, si bié qu'aussitost qu'ils surent a cheual ils reprirent le chemin par où Andrimarte estoit desia venu.

Mais, Madame, que les propositions des homes trouvent d'obstacles devat qu'arriver à leur accomplissement, & que la suitte de ce discours vous fera bien cognoisstre que le plus souvent la fortune nous fait rencontrer un nausrage où nous auons creu trouver un port assuré.

Andrimarte n'auoit plus qu'vne demy iournee de chemin pour estre dans la Cité des Rhemois, quad de peur que le chaud incommodast Syluiane, il la pria de mettre pied a terre, & de se reposer à l'ombre de quelques saules durant le milieu du iour; elle qui n'auoit de volonté que pour luy plaire, descendit incontinent, & le

242 LA DERNIERE PRARTIE D'ASTREE, Cheualier en ayant fait de mesme, ils laisserent leurscheuaux, & s'allerent asseoir dans vn pré qui estoit tout contre le grand chemin; là ils virent deux rangs de petits arbres, que l'Art auoit plantez en droite ligne, entre lesquels couloit vn perit canal qui seruoit d'vne humide sepulture aux feuilles, que les saisons auoient fait mourir; & parce que ce lieu leur sembla tres-agreable,ils resolurent de n'en partir point, que le solcil & le feu de leur amour n'eussent vn peu adoucy leur violence: Toutefois comme il commençoit de baiser sur les levres de Syluiane les roses qu'Amour luy presentoit alors sans espines, quelque rauissement où son ame se rencontrast, il se vid contraint de s'en retirer, pour le bruit de quelques especs qu'il oiiyt assez pres de luy. A peine eut il tourné la teste, qu'il apperceut dans le pré yoisin deux hommes le pourpoinct bas & l'espce à la main, qui s'alongeans de grandes estocades, montroient n'auoir d'autre soing que de s'oster la vie l'yn à l'autre; & parce qu'il iugea qu'il ne pouvoit mieux faire que de les separer,

tans qui auoit esté le plus offensé, cognoissant bien le peu de temps qui luy restoit pour se vager, ne vid pas plustost approcher Andrimarte, que voulant ou mourir ou vaincre, il se ietta comme

il passa au trauers des saules, & ayant sauté le petit canal, s'auança l'espec à la main, resolu de se messer parmy eux, & d'empescher que seur cobat ne sust vne tragedie mais celuy des combacomme desesperé sur son ennemy, & passa si fauorablemet qu'il luy mit son espee das le corps, dont il luy fitvne mortelle blessure: Aussi-tost il se sauua, & tout ce qu'Andrimarte put faire, ce fust d'arriuer à temps pour soustenir le corps du blessé, qui commençant à chanceller, & ne se pouuat soustenir, se laissa aller entre les bras du Cheualier, & luy dit à mots interrompus, Cheualier, qui que tu sois, scache que ie me vois. iustement puny,& que mon vainqueur a tiré sa raison d'une iniure qu'il ne pouuoit souffrir sans la pette de sa reputation; cependant qu'il parloit ainsi, Syluiane qui auoit suiuy Andrimarte arriua aupres de luy, & rompit son mouchoir pour arrester le sang qui couloit de la playe du blessé; mais luy se sentant en estat de ne pouuoir plus esperer de viure, leuat les yeux auCiel puis les portat sur Andrimarte; En vain, luy dit-il, auec vne voix tremblante, & entrecouppee de sanglots, vostre courtoisses'efforce de me secourir, ie cognois que mon trespas est ineuitable, toutefois afin que ce bien-fait ne soit pas du tout inutile, permettez qu'il serve à la descharge de mon homicide, auquel ie pardonne ma mort aussi librement que le souhaitte qu'il oublie l'offense qu'il receut autresois de moy. A ce mot il s'arresta, & perdant la vie, comme la parole, demeura tout froid entre les bras d'Andrimarte: cet accident l'affligea. mais ny pouuat apporter de remede, il reprit son es-Dern. part.

pee qu'il auoit laisse en terre, pour auoir plus de commodité de secourir le blessé, puis donnant la main à sa chere Syluiane, s'en reuint où ses cheuaux l'attendoient, & se remit en chemin.

Ils n'eurent pas fait enuiron trois ou quatre cens pas, qu'ils furent rencontrez par quantité d'hommes à cheual, qui voyans Andrimarte & Syluiane marquez de sang en diuers endroiets. commencerent à murmurer entr'eux, puis s'estans separez, les vns suivirent Andrimarte à veuë d'œil, & les autres passerent outre, pour tascher d'apprédre quelques nouuelles du malheur dont ils auoient commencé de soupçonner quelque chose mais à peine eurent-ils treuué le corps de Cleosidor, c'est ainsi que se nommoit le mort, qu'ils le firent emporter, & s'imaginans que ceux qu'ils auoient récontrezen estoient les assassins, quelques-vns d'entr'eux pousserét leurs cheuaux pour en aduertir ceux qui suivoient Andrimarte, puis tous ensemble se saistrent de luy, de Syluiane, & de ceux qui les accompagnoient, deuant qu'ils eussent pensé seulement à se desendre, tant l'innocence apporte de seureré. Jugez, Madame, quel fut leur estonnement, se voyans traittez de la sorte, & particulierement quand vn vieillard pouuant à peine parler, pour l'extreme colere où il estoit, s'adressant à Andrimarte, Assassin, luy dit-il, tu croyois peut-estre que le jour seroit aussi noir 11 ....

que ton crime, & qu'il pourroit cacher l'infamie dont tut'es chargé en la mort de mon fils: mais les Dieux ont permis qu'elle ait esté descouuerre, & deuant ue deux iours forent expirez, tu ressentiras ce que les loix ordonnent cotre tes complices, & contre toy. Andrimarte se douta bien à l'instant qu'on le soupçonnoit du meurtre dont il auoit esté le tesmoing, & non pas l'autheur; toutesois, se croyant obligé de respondre plustost aux iniures du vieillard, qu'à parler de son innocence, en racontant l'action qu'il auoit veue, ille regarda d'vn œil qui ne sentoit point son coupable, & luy dit, ie ne suis ny assassin ny homicide de ton fils, mes actions sont irreprochables, & m'aydent a dementir tous ceux qui osent me soupçonner de quelque perfidie. A cette response, le vieillard se laissant emporter a la violence de son resfentiment, tira du fourreau la mesme espee qu'on auoit ostee à Andrimarte, & la luy eust plongee dans le sein, si de fortune vn sien neueu ne luy eust arresté le bras, & ne luy eust fait cognoistre que c'eust esté trop de gloire pour le prisonnier de mourir de sa main, puis qu'il deuoir perir par celle d'vn bourreau. Cette consideration arresta le coup dont le vieillard auoit fait dessein de tuer Andrimarte; mais Syluiane qui le vid si proche de la mort en eut tant de frayeur, qu'elle perdit toute cognoissance, & ses yeux s'estans obscurcis, elle commença a chanceller, & c'est sans double qu'elle sust tumbee, si ce n'eust esté que ceux qui estoient a costé d'elle, la retindrent chacun par vn bras, & la soustindrent, tant que dura son esuanouy siement: toutesois ne sçachans pas la veritable cause de sa douleur, ils iugeret que c'estoit vn este du remords que luy donoit la faute qu'ils croyoiet qu'elle eust commise. La semme d'Andrenic estoit de son costé aussi passe que la mort, & parmy ses souspirs & ses larmes laissant quelquesois eschapper le nom de Madame, elle estoit cause que ceux qui la gardoient s'imaginoient que desia la crainte du supplice luy auoit troublé le iugement.

De cette sorte ils surent conduits dans la ville de Fisme, qui n'estoit pas beaucoup esloignee de la Cité des Rhemois, & là ils surent ensermez dans une tour, dont les cachots estoient si horribles, que le Soleil mesme eust eu hôte d'en approcher. Ie ne vous diray point, Madame, les regrets de Syluiane, ny les desplaisirs d'Andrimarte, touchant leur captiuité, ie vous diray seulement de quelle saçon ils en sortirent.

Celuy qui auoit tué Cleosidor n'eut pas plussoft sait le coup qu'il se sauua, comme ie vous ay dessa dit, & s'estant retiré dans le plus prochain village, il changea ses habits, & prit ceux du premier berger qu'il rencontra, resolu de se retirer chez soy soubs la faueur de ce desguisement. Toutesois ayant seeu sur le commence.

ment de la nuiet, que le Cheualier qui s'estoit ietté dans le pré pour les separer, auoit esté pris comme coupable, il changea son premier dessein,& se disposa de mourir plustost que de permettre que l'innocence d'Andrimarte pottast plus long-temps la peine d'vn meurtre qu'il auoit seul commis. Sur cette resolution il prit le chemin de la Cité, & s'estant vn peu reposé durant la nuict, il arriua au Palais de la Reyne Methine, sur le poinct qu'elle alloit au Temple, pour assister à vn sacrifice qu'elle faisoit faire en faueur de Childeric Soudain qu'il l'apperceut il s'auança, & prit si bien son temps, qu'il se ietta à ses pieds, deuant que personne eut eu le moyen del'en empescher. La Reyne, qui est la meilleure Princesse qui ait iamais porté le Sceptre des Francs, s'arresta incontinent, & iettant les yeux sur ceberger, luy demanda ce qu'il vouloit; Alors l'Estranger luy respondit, ie vous demandela vie, Madame, & supplie tres humblement vostre Majesté de m'ouyr sur les raisons qui la peuuent obliger à ne me la refuser pas : & qu'as-tu commis, adiouta la Reine, pour auoir merité la mort? ma plus grande faute, repliqua l'Estranger, est de n'auoir pu viure dans l'infamie, & d'auoir osté la vie à vn homme qui m'auoit osté l'honneur : comment, reprit la reyne en sousriant, les loix de l'honneur sont-elles aussinuiolables parmy les bergers que parmy les courtisans? cet habit, Madame, dit l'estranger,

Q iij

LA DERNIERE PARTIE D'ASTREE, n'est pas celuy que ma naissance me permet de porter, ie m'en suis reuestu pour auoir le moyé. de m'approcher en seureté de vostre personne, sans cela l'aurois paru en Cheualier. La Reyne iugeant bien qu'il y auoit quelque mystere caché la dessous, qui meritoit plus de loisir; & bié, luy dit-elle, au rerour du Téple l'escouteray tes raisons, & referay iustice: disant cela elle passa outre, & l'Estranger ne se fut pas plustost leué, qu'il fut enuironné d'yn nobre infiny de Cheualiers qui ne le quitterent plus qu'ils n'eussent appris son auature. Le sacrifice acheué, l'Estráger fut introduit dans le Palais, & de la en la chambre de la Reyne, qui ne luy eut pas plustost commandé de parler, qu'il luy redit fidelement l'offence qu'il avoit receuë de Cleosidor. Il luy. raconta comme dans Lyon ils auoient esté riuaux au seruice d'vne tres belle fille, & comme Cleofidor desesperé de se voir hay, pour obeyr aux mouuemens de saialousie, auoit resolu de le perdre de reputatio, qu'à cet effect Cleosidor auoit asséblé quelques-vns de ses amis, & qu'vn iour l'ayant rencontré seul, il auoit vsé de supercherie en son endroit, & l'auoit frappé iusqu'à trois fois d'yn baston, deuant qu'il eust eu le temps de se defendre, qu'apres cela tous ensemble s'estoient iettez sur luy, & l'auoient si mal traitté, qu'ils l'auoient laissé comme mort au milieu de la ruë. En suitte de cela, il raconta sa guerison, & comme la fuirre de Cleosidor l'auoit obligé à le venir chercher dans son propre pays, où l'ayant trouué, & luy ayant assigné vn lieu de combat, il auoit enfin tiré sa raison de l'iniure receuë, & luy auoit fait verser assez de sang pour lauer la honte dont il auoit taché sa reputation. Mais, Madame, dit-il, en continuant, il est arriué depuis vn malheur qui m'est, extremement sensible, c'est que deux Cheualiers qui vindrét pour separer Cleosidor & moy ont esté pris, à ce qu'on m'a dit, comme coupables de cet homicide; & parce qu'ilsont esté menez dans les prisons de Fisme, l'ay craint que: leur innocence ne parust pas affez, si elle n'esclattoit dans ma confession: c'est pour cela, qu'encore que i'eusse pu me retirer sans estre: pris ny cognuzi'ay voulu me fou fmettre à la misericorde de vostre Majesté, & la supplier treshublement d'ordoner de moy ce qu'il luy plaira, pour ueu qu'elle arreste les violences dont on pourroit vser contre ceux qui sont maintenant, prisonniers. We are the total of the prisonniers.

La finit l'Estranger, & la Reyne qui se vidiportee à luy faire grace, pour beaucoup de considerations, promit de luy pardonner, pour ueu qu'il pust en quelque sorte verisser ce qu'il auoit dit, & en cet instant elle commanda a celuy qui auoit l'intendance de sa instice, d'enuoyer à Fisme, pour saire amener deux elle ceux que le pere de Cleosidor auoit pris. Ce commandement sut executé auecque tant de diligéce, que per la commande que su commande que su commande que se comma

Q m

LA DERNIERE PARTIE D'ASTREE, le mesme iour Andrimarte & Syluiane furenz conduits au Palais, où dés que la Reyne vid Andrimarte elle luy saulta au col, & luy fit de si extraordinaires caresses, que le pere de Cleosidor s'en estonna; toutefois demeurant encore dans le ressentiment qu'il deuoit auoir pour la perte de son fils, il se ietta aux pieds de Methine, & luy demanda iustice de l'assassinat dont il foupconnoit ce Cheualier. Mais la Reyne les ayant fait entrer dans son cabinet, dit tant de choses au vieillard pour la instificatio d'Andrimarte, qu'il luy guerist entierement l'esprit de. la manuaise opinion qu'il auoit conceue de son courage. A peine le pere de Cleosidor sut bien remis qu'Andrimarte ayant appris de la Reyne ce que l'Estranger auoit fait, se mit à raconter le fuccez du combat de Cleofidor & de luy & rapporta si fidellement les dernières paroles du mort, qu'à l'exemple du fils le pere se vid forcé de pardonner au vainqueur. 1000 101

Cet accident occupa la Cour iusqu'à ce qu'il fut un peu tard; & la réyne ayant congedié le pere de Cleosidor, ne se vid pas plustost seule aupres d'Andrimarre; que le souvenir de l'infortune, ou plustost de l'impudicité de Childer ric luy sit respandre des larmes Andrimarre en cut compassion, & quelque sujer qu'il cust de se vanger de Childeric, it falut ensin qu'il accordast aux pleurs & aux prieres de la Rèyne, le pardo qu'elle luy demanda pour son sils. Apres a

251

cela elle s'enquist en quel lieu pouuoit estre alors Syluiane, à quoy Andrimarte respondit, qu'il auoit eu des nouuelles, qu'elle s'estoit retiree dans la Gaule Armorique, & qu'elle luy auoit enuoyé vn sien frere pour luy rendre copte de tout ce qui s'estoit passé: aussi tost la Reyne commanda qu'on le fit entrer, & dés que Syluiane luy eut fait la reuerence, en verité, dit-elle à Andrimarte, voyla le plus beau ieune homme que ie vis iamais, & qui a des traits extremément semblables à ceux qui se font admirer sur le visage de sa sœur; Syluiane rougist oyant ce que la Reyne disoit, dequoy cette Princesses'apperceuant, il n'a pas encore, dit-elle, assez bas à Andrimarte, bien gousté l'air de la Cour, & ie le cognois en ce qu'il est vn peu honteux, car il rougit quand on le regarde; puis s'addressant à Syluiane mesme, Cheualier, continua-telle, quelle nounelles me donnerez vous de vostre sœur? à ce mot Syluiane ietta l'œil sur Andrimarte; afin qu'il prit la parole pour elle, ce que le Cheualier ayant recognu, & ne voulant plus retenir la Reyne dans la tromperie où elle estoit, les plus assurces, ditil, qu'elle vous puisse donner, sont celles qu'elle yous apporte elle-mesme soubs l'habit où vous la voyez, & auquel elle a esté contrainte de recourir pour se sauver de la poursuitte & de la tyrannie de Childeric: Disant cela, il prit Syl-

LA DERNIERE PARTIE D'ASTREE, uiane par la main, qui s'estant iettee encore vne fois au pieds de la Reyne, receut de cette Princesse toutes les caresses & toutes les faueurs qu'elle en pouvoit attendre parmy le desordre & l'affliction où l'auoit reduitte l'insolence de fon fils: A pres cela, elle leur redit quelles marques elle avoit euës du repentir de Childeric, & comme il auoit passé depuis quelques iours, dequoy Syluiane tesmoigna vne extreme ioye, se souvenant du peril qu'Andrimarte eust couru, s'ils se sussent rencontrez en chemin. Toutefois ne se pouuant imaginer que sa vie pust iamais. estre en seureté, que dans le pays dont Semnon. l'auoit fait Seigneur; elle supplia la Reyne de permettre qu'ils partissent dés le lendemain, ce qui leur ayant esté accordé, Syluiane receut les commandemens de la Reyne, & Andrimarte aussi, puis s'estant retirez, Methine leur enuoya quantité d'habits & de pierreries, pour Sylviane; & pour Andrimarte vn chariot attellé de fix cheuaux, les plus beaux qu'on eust sceu voir. Ainsi ils partirent, & la fortune lassee desi obstacles qu'elle auoit mis à leur contentemet, permit qu'ils arrivassent où ils desiroient, sans nulle funeste rencontre. Quelques heures deti uant que partir, Andrimarte sçachant que lestois dans le Palais, retenu par mes blessures, prit la peine de me visiter, & là ayant sceude, moy les particularitez du combat où l'auois

esté blessé, il me raconta de mot à mot tout ce

que vous auczouy.

Quelque iours apres, ie me treuuay allegé en quelque sorte, si bien que mon Chirurgien m'assurant que ie pouvois me remettre en chemin sans rien craindre, i'allay baiser les mains à la Reyne, & pource qu'elle desiroit infiniment que Childerie fust restably, elle me sollicita de ne partir point d'aupres de Guyemants, qu'elle ne sceust ce qu'elle en deuoit attendre : le luy dis librement que c'estoit vne affaire vn peu de longue haleine, puis qu'vn peuple s'esmeut bien facilement; mais qu'il est assez difficile de l'appaiser, que toutefois elle en deuoit conceuoir yne bonne esperance, puisque Guyemants auoir promis del'y seruir, & que ie croyois qu'auecque le temps il en pourroit venir à bout, elle me demanda alors, si ie ne sçauois point quels estoient les desseins de Guyemants sur ce suject, & moy qui desirois la laisser auectoutela consolation que ie luy pouuois doner, ie luy dis en peu de mots ce que Guyemants: m'en auoit communiqué, qui est, qu'il espere faire en sorte que Gilon qui est d'vne humeur extremément auare, chargera le peuple de quantité de subsides & d'imposts, soubs pretexte de le retenir dans la crainte & dans le deuoir; qu'apres cela il le rendra ennemy de la Noblesse, & l'obligera à faire quelque mau154 LA DERNIERE PARTIE D'ASTREE, uaise action contre les principaux, afin que de cette sorte, il le rende odieux à tout le monde, & qu'enfin il essayera de prendre si bien fon temps parmy ces desordres, qu'il montrera au peuple combien sera plus tyrannique la domination de Gilon, que celle de Childeric, & que peut-estre il treuuera assez de creance parmy eux, pour faire qu'ils se revoltent contre Gilon, & qu'ils rappellent leur premier Roy. Cette Princesse me tesmoigna de bien esperer de ce dessein, & mayant permis de partir, ie retournay à Paris, chez Guyemants, qui ne treuuant pas à propos que i'y fisse du sejour, consentit que le ramenasse les forces que Clidamant & moy y auions ; de cette sorte ie partis resolu de les licentier à Moulins, mais ayant receu alors la lettre que Fleurial m'apporta de vostre part, ie les conseruay pour les employer à vostre ser-

A ce mot Lindamor finit le discours qu'A-mass auoit eu enuie de sçauoir, & la Nymphe s'estant leuce, les Princes qui iugerent qu'il estoit heure de dormir, finirent aussi leur entretien, & se disposerent à se retirer, Amass les accompagna en leur departement, quelque difficulté qu'ils y eussent apportee, & ayant laissé le soing à Galatee de conduire Rosanire, & les autres dames dans leurs

uice.

LIVRE TROISIESME. 255 chambres; elle supplia ses hostes de disposer absolument de tout ce qui estoit en sa puissance, puis qu'elle confessoit n'auoir rien au monde qu'elle ne deut à leur courage & à leur affection.

Fin du troisiesme Liure.



The state of the s

ing the stiff of the stiff



.LA

### DERNIERE PARTIE

## DASTREE

LIVRE QVATRIESME.



V s s 1- T 0 s T que le iour parut Ligonias partit, & Astree s'esueilla; cette belle fille auoit encore couché ce soir-là dans la maison d'Ada-

mas, parce que sans se faire vne extreme violence, elle ne pouuoit perdre pour vn seul moment la presence de sa chere Alexis: & bien que dans le logis du Druyde elle eust tousiours eu sa chambre separce de celle de Celadon, ce luy estoit toutes ois vne consolation nompareille de s'imaginer qu'elle n'en estoit pas beaucoup esloignee, & qu'autre Dieu que celuy du sommeil n'estoit capable de luy rauir son entretien. A piene eut-elle commencé d'ouuris les yeux, que se trouuant dans vne extreme 258 LA DERNIERE PARTIE D'ASTREE impatience de voir sa maistresse, elle s'habillale plus promptement qu'elle put, & s'en alla d'abord en la chambre de Celadon, où elle entra sans faire que fort peu de bruit: le Berger qui ne dormoit pas prit garde à la discretion d'Astree, & voyant qu'elle marchoit à petits pas,& fort lentement, il fit dessein de feindre de repofer, pour apprendre mieux quels seroient les mouuements de son ame; il vid donc que sa Bergere se vint ietter à genoux deuant son liet, & qu'elle le baisa deux ou trois fois; mais feignant que pour cela son sommeil n'en estoit pas moins profond, il ouyt qu'elle souspira affez haut, & qu'elle dit, helas! pourquoy ne m'estil permis de donner ses baisers à celuy dont tu merepresentes l'image? quoy, pour estre plus chauds & plus humides en seroient-ils moins innocents? à ce mot elle se taisoit, puis reprenant la parole, contentons-nous, adioutoit-elle auec vn grad souspir, du peu de bien que le Ciel nous accorde, & puis qu'il nous est defendu de baiser Celadon soubs ce visage, adorons au moins ce visage en memoire de Celadon: difant cela elle le baisa encore vne sois, mais elle demeura si long-temps attachee sur ses levres; que le Berger se laissant transporter à l'excez de ce plaisir, ne put s'empescher de souspirer & d'ouurir les yeux, dequoy Astree s'estant apperceuë, pardonnez-moy, luy dit-elle, mabelle Maistresse, si i'ay esté si indiscrette que de VOUS

vous esueiller , Celadon alors , pour seindre mieux qu'il eust dormy, ie suis bien-aise, mon seruiteur, luy dit-il, que vous ayez pris la peine de me visiter, mais dites-moy, cotinua-til, y a-til long-temps que vous estes entree? fort peu, respondit Astree, ie meure si i'ay presque eu le loisir de vous baiser deux sois; & bien, reprit Celadon, Amour l'apermis de certe sorte, car il sçait bie que vos faueurs me plaisent si fort, que ie seray tousiours plus contente de les obtenir soubs la figure de la verité, que du songe; mais monseruiteur, adiousta Alexis, faisant asseoir Astree sur son liet, qui vous peut auoir renduë si diligente, ie cognois à mes yeux qu'il n'est encore guiere tard? Ma maistresse, repliqua Astree, ie n'ay point eu d'autre resueille-matin que mes pensees, qui me donnent de si grandes inquietudes, que ie ne pense pas, si vous n'y remediez, qu'elles ne me fassent perdre le jugement : Bon Dieu, dit Alexis en souspirant, pourquoy me demandez-vous des remedes, si c'est moy qui les attends de vous? De moy, dit la bergere, vn peu estonnee, & en quoy pourriez-vous en auoir besoin? A faire, reprit Celadon, que nous soyons eternellement inseparables; helas! respondit Astree, si i'ay d'autre desir que celuy là, ie veux bie que le Ciel me haysse; mais ma maistresse, il me semble que cela depend plustost de vous que de moy? nullement, adiousta Celadon, c'est vous seule de qui le consentement est

Dern. part.

LA DERNIERE PARTIE D'ASTREE, necessaire pour l'accomplissement de ce desir; I'y consents donc dés maintenant, dit Astree, & supplie le Ciel qu'il ne mette point d'obstacle à la volonté que i'en ay : Cela est fort bien, reprit le Berger, il ne reste plus qu'vne chose, sans laquelle cet auantage ne nous peut estre accordé? Ah Dieu! adiousta Astree, hastezvous de me la dire, ie iure qu'il faudra qu'elle soit impossible si ie ne la fais, pour obtenir ce contentement. Il ne faut autre chose, repliqua la feinte Druyde, sinon que vous me commandiez que : A ce mot vne rougeur luy monta au visage, & la parole luy manquant, il sut aisé à la bergere de iuger qu'il luy estoit suruenu quelque accident; dequoy estant extremément en peine, ma Maistresse, luy dit-elle, ie cognois que vous vous trouuez mal, peut-estre auezvous besoin de prendre quelque chose? Ien'ay besoin, respondit Alexis, vn peu esmeuë, que de prendre courage: Disant cela, Adamas entra, ce qui fut vn extreme contentement à Celadon, qui voyoit bien, que sans l'arriuee du Druyde, il luy eust esté impossible de sortir de ce discours, sans auoir declaré vne partie de son crime; la ioye donc qu'il en eut, parut incontinent sur son visage, & Astree qui le remarqua, mon pere, dit-elle à Adamas, vous estes bien le meilleur Myre qui fust iamais. puisque vostre seule presence a le pouuoir de guerir les malades; ces paroles mirent le Druy-

de vn peu en peine, & s'estant approché de Celadon pour en apprendre la verité, ce berger luy dit assez bas le peril d'où son arriuee l'auoit retiré, mais Adamas s'imaginant que la commodité du lieu & la disposition des personnes, le convioient à retirer A stree de l'erreur où elle auoit esté, comme enscuelie durant pres de deux Lunes, se resolut de faire ce que Celadon n'auoit osé, & pour executer ce dessein, sans que le berger mesme y pût apporter de l'empeschement, il ne luy en parla point, mais ayant fait remettre Astree en la place où elle estoit,& s'estant assis au deuant du lict, il luy tint ce langage: Il y a quelque apparence, Astree, que vous deuez croire que ie vous ayme, puisque vous auez vn tresbon iugement, & quil n'est pas possible que vous n'ayez remarqué dans mes actions quelque bonne volonté, plus particuliere pour vous, que pour quantité d'autres personnes que le suis obligé d'estimer : C'est donc pour cela que ie m'assure que vous prendrez mes conseils en tres-bonne part, & que ne pouuant douter que ie n'aye autant de foing de vostrerepos que du mien propre, vous ferez vostre profit de tout ce que ie vous diray. Or il faut que vous sçachiez, Astree, que cette Druyde que vous voyez maintenant, & qui porte la qualité de vostre maistresse, bien que sa plus grande gloire soit de vous obeyr, quelques traits qu'elle ait dans les yeux, elle n'est autre

262 - LA DERNIERE PARTIE D'ASTREE, que ce : alors il alloit adiouster Celadon, quand il prit garde que Diane & Phillis entrerent, qui estans parties de chez Clindor pour venir voir Astree, se douterent bien qu'elle seroit dans la chambre d'Alexis, puis qu'elles ne l'auoient pas treuuee où elle auoit accoustumé de coucher. Soudain qu'Adamas les apperceut, il prit la main d'Astree, & la luy pressant vn peu, il luy ditassez bas, ce que l'auois à vous communiquer, ma belle fille, n'auoit pas besoin de tant de tesmoings, vne autrefois vous le sçaurez mieux, & cependant ayez le soing d'entretenir vos compagnes, durant le temps que l'aduertiray Alexis de tout ce qu'il faut qu'elle fasse pour vous emmener auccque elle chez les Carnutes, où vous auez tant d'enuie de la suiure. Astree alors s'en alla au deuant de ces deux belles filles, qui s'estoiet dessa vn peu auancees; & dés qu'elles eurent donné le bon iour a Adamas, & à la feinte Druyde, elles s'assirent en l'vn des coings de la chambre, où Astree, sans releuer beaucoup la voix, & laissant voir sur son visage des marques d'vn extraordinaire contentement, se mit à parler en ces termes: Il est bien vray mes copagnes, ce qu'on dit en commun prouerbe, que le bon-heur, non plus que le malheur, ne va iamais sans estre accompagné: Il n'y a pas deux iours que l'estois comme accablee de toutes fortes de miseres, & voicy que depuis la deliurance d'Amalis & la nostre, chasque moment

LIVRE QUATRIESME.

m'apporte quelque nouueau sujet de plaisir. Vous n'auez que faire, respondit Diane, de nous parler de vostre contentement, il est assez bien peint sur vostte visage, pour faire que nous n'en doutions pas; ie vous iure', reprit Astree, qu'il y est encore moindre que dans mo cœur; mais ma sœur, luy demanda Phillis, d'où peut proceder cette si grande ioye? de l'esperance, respondit-elle, qu'Adamas m'a donnce, qu'Alexis m'emmenera bien-tost; En verité ma compagne, adiousta Diane, vous estes cruelle quand vous nous menacez de cet esloignemet, & ie m'estonne dequoy vous pouuez receuoir du plaisir d'vne chose qui nous sera peut-estre mourir de douleur. Ie croy bien, dit Astree, que vous me regreterez vn peu, mais le mescontentement que vous receurez de ma perte, ne sera pas si grand, que Syluandre & Lycidas ne vous en consolent bien dans peu de iours; N'en fai-tes pas la fine dit Phillis, si i'estois obligee à choisir de viure tousiours auecque Lycidas ou auecque vous, il n'y a point de doute que ie presererois la compagnie de mon berger à la vostre, & pour le dire entre-nous, ie croy que Dianea trop d'esprit pour n'estre pas de mon opinion; mais s'il m'estoit possible d'auoir l'vne & l'autre, ie n'aurois plus rien à desirer: Vous voulezdire, respondit Astree, que vostre contentement seroit parfait, comme l'eust esté le mien, si le Ciel m'eust permis de jouyr en mes-

LA DERNIERE PARTIE D'ASTREE, me temps de Celadon & de vous; mais puisque par la mort de ce berger les Dieux ont voulu m'interdire cette felicité, il faut que vous ayez aussi vostre part de l'infortune, & que vous souffriez la perte d'vne sœur, comme i'ay supporté celle d'vn amant. Vostre perte, adiouta Diane, me seroit plus sensible que celle de tous les hommes ensemble, & bien que i'honore grandement Syluandre, ie diray bien sans mentir: Tout beau, dit Astree en l'interrompant, & luy mettant la main sur la bouche, vous deuez aymer ce berger pardessus toutes choses, & quand vous rendrez vostre affection esgale à la sienne, vous ne ferez que ce que vous deuez à son merite; N'en parlons donc plus, repliqua Phillis, & contentez-vous ma chere sœur, que l'espere que vous ne nous abandonnerez point,& qu'il ne faut qu'yn moment pour arrester le cours de tous les desseins que vous en auez faits.

Auec semblables paroles, Astree preparoit le plus doucement qu'il luy estoit possible, l'esprit de ces belles filles, à ne treuuer pas si suneste leur separation qu'elle croyoit ineustable, cependant que de son costé Adamas preparoit l'ame de Celadon, à ne s'opposer plus au desir qu'il auoit de le faire cognoistre à sa bet gere, & pource que ce pauure amant auoit bien remarqué de quelle saçon ils auoient esté interrompus; Il faut bien, mon pere, luy dit il, qu'il y

ait quelque fatalité qui s'oppose au dessein que vous en auez, puisque sans l'arriuee de Diane & de Phillis, nous sçaurions maintenant ce que ie doibs esperer de la feinte que nous auons pratiquee: Il est vray, dit le Druyde, que dans les plus petites choses, les Dieux nous font quelquefois aussi bien lire leur volonté, que dans les plus grandes, & ie veux bien croire comme vous, qu'il y a quelque suject, pour lequel ils ne veulent pas que ce soit icy qu'Astreeait premierement l'honeur de reuoir son Berger, c'est pourquoy ie veux prendre tantost congé d'Amasis, puis qu'aussi bien n'a-telle plus affaire de mon seruice, & i'emmeneray tous les bergers & toutes les bergeres chez moy, cù nous auise-rons de prendre le temps le plus sauorable qu'il se pourra, pour vous rendre auec vsure tous les biens que vous auez perdus, hors de la possession d'Astree. Celadon alors demeura quelque temps sans respondre, & Adamas s'estant enquis pourquoy il ne disoit mot; Mon pere, luy respondit-il, auec vn grand souspir, s'il est vray que nous ayons quelque secrette preuoyance des choses qui nous doiuét auenir, ie presage qu'il m'arriuera des accidéts bien sunestes, de la cognoissance que cette bergere au-ra de moy: Vous auezeu si souuent cette crainte, reprit le Druyde, qu'en fin elle s'est changee en assurance, & vostre esprit qui n'estingenieux qu'à vous affliger, vous la represente

266 LA DERNIERE PARTIE D'ASTREE, comme infaillible; mais souuenez-vous que i'ay vn sentiment bien contraire au vostre, & que i'oserois vous promettre deslors, tous les contentemés que vous vous sçauriez imaginer: Ce n'est pas, adiousta Celadon, que quelque bien, ou quelque mal qui m'arriue, ie ne vous ave tousiours vne tres-grande obligation du soing que vous auez eu de me rendre content; & ie meure si ie ne souhaitte de l'estre, autant pour le plaisir que vous en receuriez, que pour l'auantage qui m'en arriveroit; disposez donc de moy, en la sorte qu'il vous plaira, & si ie desobeys au moindre de-vos commandements, ie veux estre appellé le plus ingrat berger qui sut iamais. Adamas tres-satisfait de la responce de Celadon, mon fils, luy dit-il, puisque vous auez resolu de vous sier à ma diligence, & de vous fousmettre à mes volontez, souuenez-vous que si vous ne possedez vostre maistresse la faute n'en sera iamais à moy; disant cela, il baisale bergerau front, & s'estant leué, il dit adieu à ces belles filles, & puis s'en alla au leuer d'Amasis.

Il ne fut pas plustost hors de la chambre, qu'Astree, qui estoit dans une impatience nompareille des çauoir ce que le de luy de auoit eu des sein de luy dire, s'alla ietter sur le list d'Alexis, & la coniura de l'en esclaircir; mais Celadon, au lieu de luy dire la verité, luy sit accroire tant d'autres choses, qu'elle n'en put rien apprendre

du tout. Diane & Philis s'approcherent aussi de son lict, & presque en mesme temps L'eonide entra, qui se doutat bien que Celadon n'oseroit s'habiller deuant elles, les mena dans vne autre chambre, iusqu'à ce qu'il fust hors du lict.

Adamas estoit desia arriué chez la Nymphe, & par ce qu'il luy vouloit demander la permisfio de s'en retourner, aussi-tost qu'il put parler à elle, il luy sceut si bien representer la necessité qu'il auoit de reuoir sa maison, qu'elle le luy accorda, à condition qu'il reuiendroit das peu de iours; le Druyde l'ayant promis, luy baisa la main, puis sans aller prendre congé de Galatee, de peur qu'elle voulust voir Alexis, ou qu'elle luy demandast des nouvelles de Celadon, s'en alla chez Clindor, où Astree, Alexis, Philis & Diane estoient desia, & auec elles tous les autres begers & bergeres: leur ayant donc proposé le dessein qu'il auoit fait de les emmener, il les trouua dans vne figrande impatience de reuoir leurs trouppeaux, qu'ils furent tous bien aise de partir au mesme instant. Clindor seul, qui n'estoit pas de ces amis qui se lassent d'une visite de trois iournees, tesmoignoit vn extreme desplaifir de perdre vne si bonne compagnie, toutefois ne voyant point de remede à ce malheur, il tira Lycidas à part, & apres l'auoir prié d'aymer Leontidas son fils, comme autrefois ils s'estoiet aymez Alcippe & luy, illuy fit promettre plus de cet sois qu'il le viédroit reuoir, & qu'il ame268 LA DERNIERE PARTIE D'ASTREE, neroit encore vne fois dans sa maison les mesmes personnes qui en alloient partir; apres cela la ilembrassa Phocion, & bien qu'il eut de la peine à marcher, pour le grand aage qu'il auoit, il ne voulut iamais luy dire adieu dans sa maison, ny aux autres bergers & bergeres, mais les ayant accompagnez iusques hors de la ville, il receut là les remerciements qu'ils luy sirent; & apres les auoir suiuis de l'œil, aussi loing que sa veuë se put estendre, il se retira auecque Leontidas qui l'ayda à marcher iusqu'à ce qu'il sut en son logis.

Toute cette grande trouppe, à laquelle s'esfloient ioints les freres de Cyrceine, de Palinice, & de Florice, ne fut pas long-temps sans arriuer chez Adamas, qui s'estant disposé à les bié receuoir, les mena d'abord dans vne fort belle sale, où ils trouuerent la collation dressee, quis les ayant conduits dans sa gallerie, aux vis il expliqua des tableaux, aux autres il sit admirer l'excellence des peintures, les diuertissant ainsi le plus agreablement qu'il put, en attendant

qu'ils se voulussent asseoir.

D'autre costé Amasis faisoit tout ce qui luy estoit possible pour bien traitter les Princes,

estoit possible pour bien traitter les Princes, dont le secours luy auoit esté si vtile; & bien que le siege qu'elle auoit soustenu la pût excuser de beaucoup de manquements, elle sut pourtat si soigneuse de les bien receuoir, qu'ils auoüeret que la somptuosité de ses banquets ne cedoit en

rien à la despense des plus grands Monarques: ce iour-là, aussi-tost après le repas, elle leur representa la crainte qu'elle auoit que Gondebaut s'armast de nouneau contre elle, & que luy ayant declaré la guerre si ouuertement, il n'y auoit pas de l'apparence qu'il l'en deust tenir quitte à si bon marché; mais Sigismond, Rosileon & Godomar luy promirent si souuent de nel'abandonner iamais qu'elle ne fust dans vne paissible iouyssance du bien qu'elle auoit commencé de gouster, que cela la mit du tout en repos. Les ayant donoremerciez encore vne fois de la bonne volonté qu'ils luy tesmoignoient, elle les coniura de viure desormais sans cotrainte, & d'vser absolument de tout ce qui seroit en son pouuoir. Apres cela elle entra dans son cabinet ou cette heure l'appelloit pour ses affaires domestiques, & les Princes s'estans approchez des Nymphes & des Dames qui estoient dans la chambre, auec la pluspart des Cheualiers, Sigismond tira vn peu Dorinde à part, & luy tint ce discours: Quelque sujet que vous eussiez, belle Dorinde, de croire que les hommes sont incostants, ie m'assure que ce que le say pour vous obliger seroit capable de vous faire chager d'opinio,où devous faire auouer pour le moins, que ma fidelité ne me separe pas moins du commun que ma naissance: Seigneur, luy respondit Dorinde, ie ne douteray iamais que vous n'ayez fait pour moy beaucoup plus que ie ne merite,

LA DERNIERE PRARTIE D'ASTREE, mais qu'il soit vray pour cela que vous ayez plus de fidelité que le reste des hommes, pardonnezmoy si ie ne l'auouë pas entierement, puis qu'on dit ordinairement que la fin corone l'œuure, & que ie ne sçay pas si vous serez aussi constant à l'aduenir, que vous l'auez esté iusqu'icy: cette mesfiance, adiouta le Prince, n'est pas vne petite marque de vostre peu d'amitié? elle est vn tesmoignage, repliqua Dorinde, de la cognoissance que l'ay de mes dessauts, qui sont bien plus propres à faire mourir vne assection qu'à la coseruer : le seul defaut dont je vous accuse, continua Sigismond, est de ne m'aymer pas essez; encore est-il en quelque sorte excusable, puis qu'il est bien difficile qu'il se trouue parmy les mortels vn homme qui soit digne de vous posseder. Ces flatteries, respondit Dorinde, tiennent de l'artifice & de la dissimulation, & ne sont pas le moindre crime que puisse commettre vn homme qui fait professió de bien aymer; Que si vous auez resolu de ne me tenir point d'autre langa-ge, ie ne diray plus que vous puissiez deuenir infidelle, mais ie croyray que vous l'estes dessa. Quelque croyance que vous puissiez auoir de moy, dit froidement Sigismond, celan'empeschera pas que iene vous estime plus que toutes les filles du monde; toutefois si vous croyez que les preuues que ie vous en donne ne partet pas d'vn cœur assez franc, faites-moy des loix,& dites-moy comme vous voulez que ieviue, ie

proteste que ie les observeray inviolablement: cen'est pas à moy à vous faire des loix, repliqua Dorinde, & puis que le rang que vous tenez ne permet que vous les receuiez que des Dieux, si vous m'aymez, il me semble que c'est à l'Amour à vous les prescrire? C'est bien aussi l'Amour, respondit le Prince, qui me commande de croire que toutes les beautez du monde sont moindres que la vostre,& qu'il n'en est point de qui le merite ne se trouue petit, si on le compare à vos persections. Amour, reprit Dorinde en fouspirant, est donc comme ces lunettes qui tropent la veuë, & qui font paroistre les objects où elle se porte beaucoup plus grands qu'ils ne font? nullement, dit encore le Prince, ie vous considere telle que vous estes, & ie meure, si ie ne croy que l'Enuie mesme seroit bien empeschee à trouuer en vous quelque chose qu'elle pûr condamner; en cela ie cognoistrois, respondit Dorinde, que la complaisance seroit vn vice bien commun & bien ineuitable, puis qu'elle seroit entree dans l'esprit mesme de ce Monstre. Mais, Seigneur, continua-telle, ne parlons plus de ma beauté, car cela ne fait que me mettre en colere, dequoy ie ne la possede pas au degré où ie voudrois qu'elle fust, pour vous estre plus agreable, disons seulement que telle que ie suis, i'ay vne parfaite inclination à vous honorer: disons seulement, reprit Sigismond en l'interropát, que ie suis le plus heureux de tous les hom272 LA DERNIERE PARTIE D'ASTREE, mes, & que l'amour que ie vous porte, iointe à l'assurance que vous me donnez de vostre amitié, m'est vn bien plus cher mille fois que le Sceptre de mon pere. Ah Dicux! dit Dorinde en fouspirant, que ce sont deux choses qui peunent mal compatir ensemble que le Sceptre de Gondebaut, & l'affection que vous me portez; car l'vn n'entrera pas plustost dans vos mains, que l'autre sortira de vostre cœut. Mes serments, respondit le Prince deuroient, ce me semble auoir osté de vostre esprit tous ces funestes soupçons qui m'affligent & croyez-moy, belle Dorinde, que les effets de ma fidelité seroient assez puissants, pour vous obliger à ne douter iamais de ma fov, si vostre ame auoit seulement daigné prendre la peine d'en conseruer le souuenir; mais c'est vn malheur pour moy, que vous ne iugez pas bien de mó humeur, & que vous vous persuadez que le no de Roy sera capable de me faire perdre celuy d'Amat: Non non, chere Dorinde, la discretion que vous auez veu paroistre dans toutes mes actions vous est vne preuue irreprochable, que ie ne pretends rien de vous qui vous puisse offerfier, & que n'ayat point de pasfion qui ne soit legitime, ie la conserueray aussi pure & aussi sainte dans la iouyssance d'vn Empire, que dans l'esperace que i en ay maintenat: ievoudrois bien estre plus libre queiene suis, pour vous en pouuoir donner vne plus forte affurance, mais dependant absolument de la puis-

fance d'vn pere, & encore d'vn pere courroucé, ingez si ie puis faire autre chose à cette heure, que promettre de vous espouser, dés le momét que i'en auray la liberté. Dorinde slattee de ce tiltre de Reyne des Bourguignons, & s'imaginat que ce Prince pouvoit mettre sa fortune au mé-me poinct où elle avoit porté son ambition, se rendit entieremét à ces dernieres promesses, & laissant voir sur son visage vne petite hote meslee d'vne ioye incomparable, elle luy respondit ainsi, Seigneur, la bonne volonté que l'ay pour vous ne doit point sa naissance aux grandes esperances que vous me donnez, car ie puis dire fans mentir, que l'ayme beaucoup mieux vostre personne que vos coronnes & vos merites, que vostre qualité; toutesois, puis qu'il vous plaist de m'assurer que vostre amour est assez grande pour vous obligerà me saire part de la gloire où vostre naissance vous appelle, ie veux bien accepter l'offre que vous m'en faites, & vous promettre de ne disposer iamais de moy, que selon les commandeméts que i'en receuray de vous; & pour marque de cela, dit elle, tirant d'vne petite boëtte la bague que Sigismond luy auoit donnee,& la rompant en deux,voicy qui sera le symbole de nostre vnion; Le temps auquel les pieces de cette bague demeurer ot separees, marquera celuy de nostreabsence; & quand vous serez en estat d'accomplir ce que vous m'auez promis, leur assemblage sera le nostre aussi.

LA DERNIERE PARTIE D'ASTREE 274 Alors Sigismond prenant vne moitié de la bague, & la baifant par diuerses fois, ie iure, dit il, que ie ne croiray iamais que Dorinde m'ait mãqué de foy, que lors qu'elle m'aura renuoyé, come par mespris, l'autre moitié qui luy reste, & veux bien qu'elle croyele mesme de moy; difant cela le Princeluy prit la main, & la portant contre son cœur, viuez assuree, luy dit il belle Dorinde, que ce cœur sur lequel l'appuye vostremain, est beaucoup plus à vous qu'à moymesme, & qu'il aymera mieux mourir que mãquer d'vn seul poinct à tout ce que ie vous ay promis; Dorindele regardant sans luy respondre, & les yeux de Sifgifmond s'estans rencontrez auecque les siens, ils s'ayderent de leurs traicts, pour se iurer encore vne fois que leur foy seroit inuiolable, & ce langage, bien que muet, ne fut pas moins puissant pour exprimer leur passion, que le long discours qu'ils auoient eu ensemble: enfin, de crainte de se perdre dans ce rauissemet, Dorinde sut la premiere qui baissa la veuë, & rougissant vn peu, dequoy elle auoit esté si long-temps sans parler à personne qu'à Sigismond, elle le supplia de s'approcher dureste de la compagnie.

Lindamor cepédant n'auoit pas mal employé le temps, car dés qu'il vid que Rosselon s'estoit approché de Rosanire, & que Sigismond entretenoit Dorinde, il s'alla mettre aupres de Galatee, & luy sceut si bié representer ce qu'elle

deuoit

deuoir à ses trauaux passez, qu'il obtint la permission de la rechercher ouvertement : & bien qu'il crust que la volonté d'Amasis séroit en sa faueur, il iugea pourtant qu'il ne deuoit pas la consulter, sans auoir communiqué son dessein au Druyde, qui outre le pouuoir que sa vertu luy auoit acquis sur l'esprit de la Nymphe, auoit encore vne particuliere inclination pour luy. Il proposa donc à Galatee le desir qu'il auoit de se declarer à Adamas, & cette Nymphe l'ayant treuué tres-iuste, Lindamor le sit chercher dans le chasteau; mais comme on luy éut raporté qu'il estoit party de Marcilly, vous verrez, dit Galatee, qu'il aura voulu ramenet dans leurs hameaux, les bergers que Clindor auoit dans sa maison, & certes ie suis bien marrie qu'il ne m'en ait rien dit, mais ie veux prier Ligdamon qu'il aille iusques là, & qu'il le solicite de reuenir le plustost qu'il luy sera possible: A ce mot Galatee ayant fait signe à Ligdamon, qui s'entretenoit alors auec Syluie, ce Cheualier s'approcha d'elle, & n'eut pas plustost receu le commandement de partir, qu'il alla monter à cheual

Amasis presque en mesme teps sortit de son cabinet, & pource qu'elle n'estoit point sortie de Marcilly, il y auoit desia quelque temps, elle sut bien aise d'aller vn peu prendre l'air de la campagne, pour marque de la liberté dont elle iouyssoit alors. Elle sit donc atteller ses cha-

Dern.part.

riots, & s'estant mise dans l'vn auecque les trois Princes, Lindamor, Rosanire, Galatee & Dorinde: le premier lieu qu'elle visita, sut ce-luy où Polemas auoit mis son camp; de là, elle passa dans la plaine, où le sang de ce rebelle paroissoit encore, & se ressouuen at des frayeurs qu'elle auoit euës, elle leur racontoit en quel trouble estoit son esprit cependant qu'ils combattoient. Enfin apres vn grand tour qu'ils sirent encore, elle les ramena dans le chasteau, où elle ne pouvoit se lasser de leur faire des caresses, tant elle se cognoissoit obligee au soing qu'ils avoient eu de la deliurance de l'insolence de son ennemy.

Ligdamon cependant arriua chez Adamas, & le treuua dans sa gallerie où il se promenoir, en la compagnie des bergers & des belles bergeres de Lignon; d'abord que le Druyde l'apperceut, il fut vn peu surpris, & eut peur qu'il fust suruenu dans Marcilly quelque nouueau desordre; toutefois luy ayant demandé la cause de sa veuë, il sut tout resiouy quand il sceut que ce n'estoit que pour l'obliger à reuoir Galatee le plustost qu'il pourroit. Il fit donc dessein de partir le lendemain de bon matin, pour se treuuer au leuer de la Nymphe, & ayant coniuré Ligdamon de vouloir estre son hosteiusqu'alors, il le prit par la main & le mena où estoit le reste de la compagnie: ils ny furent pas plustost, qu'ils virent que Circeine, Pa-

#### LIVRE QUATRIESME!

277

linice & Florice estoient autour de Philis, à qui Circeine parloit de cette sorte: Mais belle bergere, ou plustost veritable interprete des Dieux, puis que le Ciel vous a choisse pour nous donner le repos que nous luy demandons depuis si long-temps, pour quoy nous voulez-vous differer le secours que nous attendons de vous? ne craignez vous point que cemesnie Dieu qui vous a doné la cognoissance de sonOracle vous accuse de nonchalace, & vous punisse des maux que nous auons soufferts depuis que vous auez pu nous guerir? alors ils ouyrent que Philis en fousriant, luy fit cette response, Belle bergere, si ie refuse iamais de donner à vos peines le soulagement qui dependra demoy, ie veux bien estre punic, comme coupable d'vn tres-grand peché, mais considerez, ie vous supplie, que vostre repos ne depéd pas entieremet de moy, & que deux personnes y sont encore necessaires que ie ne croy pas qu'on puisse rencontrer facilement; toutefois, adiousta-telle, les priant de se leuer, ie vous promets de m'y employer. quand il en sera temps, & quand les Dieux nous feront cognoistre qu'ils veulent doner vne derniere fin à vos desplaisirs. A ce mot elle les embrassa toutes trois, & Adamas ne pouuant rien. deuiner en tout cela, pria Philis de luy dire pourquoy ces belles filles luy faisoient cette requeste: la bergere alors, Mon pere, luy respondit-elle, puis que vous sçauez combien les artests des Dieux sont ineuitables, vous ne vous estonnerez pas du recit que ie vous seray. Ces trois belles filles ont eu il y a dessa quelque temps, vn Oracle qui leur a commandé de venir chercher en Forests, le soulagement qu'elles desirent aux maux qu'Amour leur sait soussirir : Et afin que vous sçachiez de qui c'est qu'elles le doiuent attendre, ie vous rediray l'Oracle de mesme qu'il leur a esté rendu, il est tel.

#### ORACLE.

E mal de toutes trois en Forests gue-

Le mort qui sera vif vn Medecin sera,

L'autre à qui l'on rendra, quoy qu'elle le re-

Le bien que de son gré perdre elle aura

Mais qui, sans que de vous l'ouverture en

L'Oracle vous dira tenez pour resolu

Ce qu'elle ordonnera, car c'est mon interprette.

Or mon pere, continua Philis, ie ne sçay

si c'est par inspiration, ou comment, tant y a qu'ayant sceu cet Oracle, il y a vne Lu-ne ou enuiron que ie le leur recitay, & les suppliay en mesme temps de me raconter quelque chose de leur vie, mais vne parti-culiere consideration, m'ayant empesché de leur donner toure l'audience, dont elles auoient besoin, ie les suppliay de remettre cet entretien à vne autresois, ce qu'elles ont sait, & n'ayant point treuué de commodité plus fauorable que cette-cy, elles me prioient maintenant de les escouter. Adamas sut extremément estonné du discours de Philis, ne sçachant pas de quelle saçon elle auoit appris ce qu'elle venoit de luy dire; toutesois at-tribuant cela à vn particulier miracle, il s'adressa à Circeine, & luy dit: le cognois bien, ma belle fille, que c'est auiourd'huy que vous receurez le contentement pour le-quel vous auez eu dessa tant d'impatience, car ayant trouué celle qui doit iuger de vos differends, ie ne voy plus de difficulté au reste: premierement vous pouuez sans sortir d'icy rencontrer les deux autres personnes qui doiuent estre les arbitres de vostre sort: & c'est sans doute, que par ce mort qui sera vif, les Dieux ont voulu parler de; à ce mot il voulut nommer Alexis, comme celle qui viuoit apres la perte de Celadon: mais voyant que cela ne se pouvoit sans des280 LA DERNIERE PARTIE D'ASTREE, couurir les secrets du Berger, il s'arresta,& com? me il auoit l'esprit fort present, il nomma incontinent Ligdamon: car dit-il en continuant, il n'est personne qui ne sçache que nous l'auons pleuré comme mort, & que luy mesme a parfaittement creu mourir en prenant l'endormie qu'on luy donna au lieu de goison; cette autre a qui l'on rendra malgré elle le bien quelle aura y oulu perdre, est Celidee, à qui Damon, quelque resistance qu'elle en ait faite, veut rendre la beauté qu'elle mesme s'est rauie par les couppures de son diamant. A ce mot Palinice transportee de ioye, mon pere, dit-elle, prenant la main du Druyde, & la baisant, que nous deuos bien marquer ce iour pour le plus heureux de nostre vie, & qu'il est bien vray que l'obligation que nous vous auons est extreme, puis que par vostre moyen nous voyons claires deuant nous, les mesmes choses que nous trouvions plus obscures que les tenebres; il ne reste plus qu'à voir a qui de nous trois le sort ordonne, ra de raconter les difficultez où nous sommes, car nous ne doutons plus que ce ne soit icy le lieu destiné pour le repos de nos sutures an-nees. Adamas qui estoit bien-aise de diuertir Ligdamon, & de luy faire passer le temps durant ce qu'il leur restoit de jour, cela sera bien facile, dit il, nous n'auons qu'à mettre vos noms dans vn chappcau, & le premier que Philis tirera, sera le nom de celle à qui les Dieux ordoneLIVRE QUATRIESME.

281

ayans consenty, le Druyde escriust leurs noms dans trois petits billets, & les ayant pliez & mis dans vn chappeau, Philis à qui il les presenta tirale nom de Florice, qui tesmoignant qu'elle eust esté bien-aise qu'vne autre eust eu cette commission, ne laissa pas toutesois d'obeyr; de sorte qu'apres qu'Adamas eut prié toute la compagnie de s'asseoir, elle regarda doucement Philis, & puis commença son discours en cette sorte.

# DE L'HISTOIRE

DE CIRCEINE, DE PALINICE,

ET DE FLORICE.



E voudrois bien, belle & discrette Philis, pouuoir demesler sans desordre le discours qu'il faut que ie fasse, pour ne paroistre pas desobeyssante enuers les Dieux, & peu

courtoise enuers vous, mais n'ayant pas l'esprit assez bon pour cela, ie vous supplie de suppleer par la force de vostre iugement aux desauts du mien, & de me pardonner si ie vous say vn recit vn peu embroüillé, puis qu'il est vray

Siij

282 LA DERNIERE PARTIE D'ASTREE, que nous mesmes à qui l'affaire touche, auons eu toutes les peines du monde à nous empescher de nous perdre dans cette confusion: les accidents qui for suruenus parmy nous meriteroient des journees entieres, s'il faloit que ie les redisse par le menu, mais sçachant qu'Hylas a fair beaucoup de sejour en ce pays, & qu'estant ennemy du Secret & du Silence, il yous aura parlé quelquefois de nos affaires, ie me tairay de beaucoup de choses qui seroient superfluës, & ne vous diray que les principaux effets, afin que par eux vous iugiez plus parfaittement des mouvements de nostre ame, & que vous ordonniez qui de ces Cheualiers doit posseder nostre affection. Scachez donc, nostre Iuge, que Circeine, Palinice & moy auons chacune deux freres; & puis qu'il faut tout dire, deux seruiteurs, s'il est vray, pour le moins qu'on doiue adiouter quelque foy aux serments & aux paroles des hommes : mais afin que cela vous apparoisse plus clairement, ie seray bien-aise devous en dresser vne petite Figure; disant cela elle prit la plume, dont Adamas auoit escrit leurs noms, & marqua cecy fur du papier.

Freres.		Seruiteurs.
SILEINE.	de f	CLORIAN.
LVCINDOR.	CIRCEINE.	ALCANDRE.
CLORIAN.	de	SILEINE.
CERINTE.	PALINICE.	AMILCAR
ALCANDRE.	de	LVCINDOR.
AMILCAR.	FLORICE.	CERINTE.

Apres, elle poursuiuit de cette sorte, Or dans ce desordre, nostre interest est si messé, que Circeine ne peut rendre aupres de moy, de bons offices à Lucindor, sans desobliger Cerinte, qui est frere de Palinice, & sans craindre que pour se vanger il la ruinast aupres de Clorian: Palinice ne sçauroit parler à Circeine à l'auantage de Clorian, sans me fascher en la personne d'alcandre, & sans m'obliger à luy rauir Amilear, & ie ne sçaurois ayder aux passions d'Alcandre & d'Amilear, sans troubler le repos de Circeine & de Palinicé, qui auroient droit de m'oster, l'vne Lucindor; & l'autre Cerinte; cela nous a fait viure durant quelque temps, parmy des contraintes & des tyrannies insupportables; & par

284 LA DERNIERE FARTIE D'ASTREE, ce que nous iugeasmes bien que cette cosulion seroit ensin capable de nous separer d'amitié, nous recourusmes tous ensemble à l'Oracle, qui respondit premierement ceçy.

#### ORACLE.

Les six demeureront sans partir de ce lieu, Que le deuoir ou l'honneur ne l'ordonne, Et pour les autres trois, l'Oracle de ce Dieu Ne respondra qu'à leur seule personne.

Cette responce nous fit iuger que l'Oracle reservoit encore quelque chose pour nous,& cela fut cause que l'ayant cosulté en particulier, nous apprismes celuy que les Dieux vous ont communiqué aussibien qu'à nous; voila donc le principal suject de nostre voyage, & ce qui nous a conduites en ce pays: mais puis qu'il ne reste qu'a vous deduire ce qui vous peut saire cognoistre en quel poinct est nostre inclinatio, pour ces Cheualiers que vous voyez maintenant auecque nous ie commenceray par Circeine, & vous diray que deuant qu'Alcandre mon frere eust iamais ietté les yeux sur elle, Clorian s'estoit mis si auant dans ses bonnes graces, par l'entremise de Palinice, qu'il estoit croyable que iamais cette amitié ne pourroit

285

estre rompuë:qu'Alcandre me pardonne, si l'affection que ie luy porte, n'est pas assez forte pour me faire mentir, ie me sens forcee par vne puissance plus grande, de dire la verité, & d'a-uouer que cette bel'e fille a toutes sortes d'obligations à Clorian. C'est luy quil'a seruie le premier, & qui a recognu en elle la grace de ces traits qui font aymer; son affection n'est pas nee en luy, pour aucun interest particulier, mais seulement pour auoir remarqué dans ses plus tendres annees quelque apparence de ces charmes, qui la font admirer maintenant; Ilaeu tant de soing de sa ieunesse, que quelque ingratitude qui fust en elle, il faudroit pour le moins qu'elle confessast qu'elle doit à sa conuersation vne grande partie de la gentillesse qu'elle a; Et certes i'ay de la peine à m'empescher de rire, quand ie me souviens des reparties qu'elle luy faisoit au commencement qu'il l'ay ma. Il faut que vous sçachiez qu'elle n'auoit pas encore atteint la septiesme de ses annees, qu'il en faisoit le passionné, & luy parloit de son amour auec autant d'ardeur, que si elle eust eu vn demy siccle. Vn iour il la treuua fort proche du feu, & dés qu'il l'eut mise sur ses genoux, ie m'estonne, luy dit-il, comme il est possible que ma petite maistresse ait besoin de se chauffer, puisqu'elle est capable de faire brusser tout le monde? Mon seruiteur, luy respondit elle assez doucement, il ne faut pas croire que ie puisse brusser!

286 LA BERNIERE PARTIE D'ASTREE, quelque chose, car si i'en auuois la puissance, ie bruslerois le temps, afin qu'il ne fust iamais plus si froid: Le feu que ie ressens, reprit Clorian, & que vos yeux ont allumé dans mon ame, ne me permet pas d'en doubter, mais ie vous iure que quelque grand qu'il soit, i'ay-merois mieux mourir que l'esteindre: Vous bruslez donc? dit Circeine en l'interrompant, Ouy, repliqua Clorian, mais de la plus douce flamme dont vn cœur puisse estre embrasé; & d'où vient, adiousta Circeine, que ie ne sens rien, car si l'on ne iette dans le seu qu'vn os, vne plume, ou vn peu de linge, cela se fait sentir par toute la maison : C'est, respondit Clorian, qui auoit de la peine à s'empescher de rire, que pour encore vous estes insensible, mais cela n'empesche pas que mon feu ne s'augmente de iour en iour; & peut-estre deuiendra-til si grand, que deuant que vous y puissez remedier, il m'aura reduit en cendre: Il vaut donc bien mieux, ditelle, y apporter quelque remede de bonne heure; difant cela, elle voulut se ietter en terre, mais Clorian qui la tenoit embrassee, & quel remede, luy demanda-til, en la retenant, y voudriez-vous apporter? ie m'imagine, luy ditelle, que si on versoit dessus vous deux ou trois esguieres pleines d'eau, cela vous feroit du bien, car i'ay pris garde, qu'on en fait de mesme sur le bois quand il est trop allumé: Ah! ma belle fille, adiousta Clorian, que le seu dont ie parle,

287

est bien different de celuy que vous vous ima ginez, puisque tant s'en faut, que l'eau fust capable d'esteindre le seu d'vn home amoureux, qu'il est vray que sa violence se nourrit dans l'humidité de ses larmes. Vne autresois qu'il estoit allé aux champs, où ses affaires l'auoient appellé, i'allay visiter Circeine, & me iouer auecque elle à faire des poupees, bien que desia mon aage commençast à me desendre ces petits jeux d'enfant; ie la rencontray d'abord, vn peu affligee de l'absence de son amant, car encore qu'elle fust incapable de cognoistre ce que c'estoit qu'Amour, elle ne laissoit pas de ressentir pour le moins, quelques traits d'yne amitié qui n'estoit pas commune; & luy ayant demandé depuis quel temps il estoit party d'aupres d'elle, ie vous iure, me respondit-elle, que ie ne l'ay pas compté, Comment, adioustay-ie, & i'ay ouy dire que lors qu'on ayme bien vne personne, on ne compte pas seulement les iours de son absence, mais les minutes &les moments: C'est, me dit-elle froidement, vne preuue d'affection qu'il ne doit pas attendre de moy, car comment voudriez-vous que ie tinsse le compte de tant de choses, que ie ne sçay pas encore compter l'horloge quand elle sonne.

Voila belle & fage bergere, quels estoient à peu pres leurs discours & leurs entretiens, durant l'innocence de cet aage, dont l'estois bien souvent tesmoing, car nos maisons estans vois

IA DERNIERE PARTIE D'ASTREE, sines, ievoyois Circeine presque tous les iours, & Clorian luy-mesme qui me cognoissoit plus capable de raison, prenoit plaisir à me redire ses plus plaisantes responces: Toutesois ce Cheualier, se lassant enfin de seruir vn enfant, & voyant bien qu'il falloit pour le moins cinq ou six annees deuat qu'elle pust bien recognoistre ce qu'elle deuoit à son amour, il se resolut de les employer à la guerre. Sur ce dessein il partit, & ie pense que ie pourray me souuenir d'une chanson qu'il sit en ce mesme temps, les vers en sont tels.

#### STANCES.

Joy pour qui ie fay des Autels,
Ieune beauté, que les Mortels
Considerent comme un miracle:
Pardonne à mon esloignement,
Et ne t offense pas, s'il jaut que cet obstacle
Trouble mon esperance, & ton contentement.

l'ose esperer dans mes malheurs, Que le Ciel touché de nos pleurs Aura pitié de mon supplice: Et qu'ensin, le Temps & l'Amour, Pourne se rendre pas autheurs d'une iniustice M'accorderont bien-tost, la mort ou monretour. Cependant, permettent les Dieux, Que les traits qui sont dans tes yeux Mettent tout le monde en seruage: Mes Riuaux me plairont alors; Pourueu que tes desirs soient à mon auantage Et que ton amour croisse aussi bien que ton corps.

Durant le temps que Clorian demeura esloigné, il acquit vne tres-grande reputation, & Circeine deuint si parfaitte, qu'à son retour il se rangea tout à fait dans l'esclauage, & commença de treuuer quelque raison en la perre de sa propreraison. Elle estoit alors entierement hors de l'enfance, & bien qu'elle se souvint du nom de Clorian, elle ne tesmoigna iamais auoir aucune memoire des libertez qu'elle luy auoit donnees : elle le receut pourtant assez bien, & comme elle a l'esprit extremémét doux, toutes ses actions & ses paroles confirmerent ce Cheualier dans la croyance qu'il en estoit aymé. Le voyla donc amoureux parfaittement, & si Hylas vouloit prendre la peine de raconter ce qui se passa dans la suitte de cette affection, depuis le retour de Clorian, il en pourroit dire encore plus de particularitez que moy, cariesçay que ce Cheualier se seruit de luy, aux enseignes qu'il en fur trompé, & qu'Hylas apres s'estre chargé de le mettre bien aupres de Circeine, commença de parler pour soy-mesme, & d'ou290 LA DERNIERE PARTIE D'ASTREE, blier ses promesses, aussi bien que l'interest de son amy: Il y a long-temps, dit Hylas, que i'ay dir a quantité de ces bergeres, toutes les follies que ie fis alors, dont la plus grande, fut de vous aymer les vnes & les autres vn peu trop longuement, c'est pourquoy ie ne pense pas qu'il soit besoing que vous leur en parliez encore, puis qu'elles ont la memoire affez bonne ; pour se souvenir de tout ce qui pourroit seruir à l'in-telligence de vostre discours : le n'en parleray donc point, reprit Florice, pour ne les ennuyer pas dans la longueur d'vne si fascheuse narration, ie diray seulement que vous ne sustes pas long temps son rival, & que vous le laissaftes bien-tost paisible en la recherche de cette beauté: Mais nostre Iuge, voyez comme le Ciel dispose de nous: Clorian n'eut pas plustost perdu l'apprehension que luy causoit la poursuitte d'Hylas', qu'il tumba, comme on dit, de fievre en chaud mal, car Alcandre mon frere, estant de retour des pays où mo pere l'auoit enuoyé pour apprendre ses exercices, ne vid pas plustost Cir-ceine qu'il l'ayma, & sa passion le rendit si assi-du aupres de cette belle fille, que peu à peu Clorian deuint ialoux auec raison. Au commencement il n'en ressentoit pas trop de douleur, car il s'imaginoit que l'authorité de Palinice en arresteroit le cours, mais enfin voyant que ny les remonstrances de sa sœur, ny sa vigilance, car il ne l'abandonnoit presque iamais, n'estoient

LIVRE QUATRIESME.

291

n'estoiet pas assez fortes pour luy faire hayr Alcandre, qu'aucontraire elle se lassoit de souffrir leur tyrannie, il se laissa tellement transporter à sa ialousie, qu'il en perdit entierement le repos: de vous dire les marques qu'il en donna, ny ce que fit Alcandre pour rendre Circeine sensible à son affection, celane seruiroit à rien; il suffit que vous sçachiez, que dans peu de temps il se mit si bien aupres d'elle, qu'il se pouuoit vanter d'y estre comme Clorian: Toutefois Circeine ne pouuant se resoudre à desobliger Palinice, à qui elle auoit de l'obligation, à cause qu'elle auoit espousé son oncle, & ne pouuant aussi hayr Clorian, bien que son humeur ialouse luy despleust autant qu'elle aymoit la discretion d'Alcandre; elle rendit ses volontez si esgales, & pour l'vn & pour l'autre, qu'elle a esté depuis en estat de receuoir sans regret, celuy que les Dieux luy doiuent donner par vostre commandement.

Pour ce qui regarde les affaires de Palinice, il me sera fort aisé de vous en redire la plus grande partie, dautant qu'elle & moy auons esté de tout temps fort bonnes amies, & qu'ayants toutes deux vn peu plus d'aage que Circeine, nous contra étasmes dés le commencemet vne confidence plus estroitte que celle que nous auions auec cette belle fille. Cela sut cause, que dés que Syleine en deuint amoureux, ie le sceus presque plus tost que la sœur mesme de ce Che-

Dern.part.

292 LA DERNIERE PARTIE D'ASTREE, ualier, car Palinice n'en eur pas plustost quelque legere cognoissance, qu'elle me le communiqua,& me pria de luy en dire mon sentiment. Quant à moy l'auoue la verité, ie ne la dissuaday point de ce party, au contraire me semblat que Syleine estoit tres-aymable, & voyant l'estime que chacun faisoit de luy, ie creus qu'il y auoit de la gloire pour elle d'estre aymee par vn homme que tout le monde cherissoit. Ie treuuay l'humeur de Palinice affez disposee à gouster mon opinion, fut qu'elle eust desia quelque inclination à l'aymer, ou que veritablement elle deferast cela au bon iugement que i'en faisois: Tanty a que dés l'heure mesme que ie luy eus conseillé de receuoir l'affection de Syleine, elle me tint ce discours.

Ce n'est pas sans raison ma considente (car c'est ainsi que nous auions accoustumé de nous nommer) que ie vous ay demandé vostre aduis touchant la saçon dont ie me dois gouverner aupres de luy, car il saut que vous sçachiez que le lendemain qu'il eut dansé ce bal, où il representoit vn Narcisse, amoureux de soy-mesme, m'ayant rencontré chez la Reyne, Mere de Sigismond, il s'approcha de moy, & commença de m'entretenir de discours assezindisserents; mais aussi-tost que ie vins à parler du suject de sonbal, & que ie luy eus dit qu'il auoit si bien dansé, qu'il auoit rauy tout le mode, Ah Dieut me dit-il, belle Palinice, ne m'en faites plus sou-

uenir, l'ay tant de honte d'vne faute que ie commis, que si l'on m'ostoit l'esperance de la reparer, ie croy que ie perdrois la volonté de viure: moy qui n'entendois nullement ce qu'il vouloit dire, ie luy respondis que ie n'auois point remarqué qu'il eust failly, qu'au contraire l'auois pris garde que chacun auoit admiré son addresse & sa disposition; si les autres; reprit-il assez froidement, ont manqué en cette cognoissance, ie n'ay pas fait comme eux, car ie sçay bien que ie fis vne tres grande faute, en ce qu'au lieu de feindre d'estre amoureux de moy, ie deuois representer combien veritablement ie suis amoureux de vous. Dieu sçait si ie sus surprise de l'ouyr parler de la sorte, ie vous iure ma confidente, que c'estoit le discours que i'en attendois le moins; toutefois ne pouuant faire autre chose; ie rougis, & luy respondis vn peu en colere, quand vous eusfiez changé l'obiect de vostre amour, vous n'eussiez pas pourtant changé vostre destinee, puis que vostre mort eust toussours esté ineuitabble, & que vous eussiez eu autant de suject de desesperer d'obtenir quelque chose de moy, que de cette image que vous feigniez d'adorer dans la glace de vostre miroir; disant cela ie m'esloignay vn peu de luy, m'imaginant bien qu'il n'en fût pas demeuré en si beau chemin, & en cet instant, à cause que mes compagnes s'auancerent, il changea tout à fait de

294 LA DERNIERE PARTIE D'ASTREE, propos; mettant donc les mains dans ses pochettes, il en tira quelques confitures qu'il leur presenta, de celles qu'il auoit euës en la colla-tion qu'on leur fit apres qu'ils eurent dansé: chacune d'elles en prit, & moy, pour ne tes-moigner pas que l'eusse du suject de me plaindre de luy, ie receus vne Orange confitte qu'il me donna; mais soudain que ie l'eus dans les mains, ie commençay à la ietter en l'air & à m'en iouer comme d'vne petite boule: luy, qui mouroit de peur qu'elle tumbast, s'approcha de moy, & me dit assez haut, vous tenez bien peu de compte belle Palinice du present que ie vous ay sait? moy qui compris à peu pres sa pensee, & qui cognus bien qu'il disoit cela en suitte de l'affection qu'il m'auoit desia tesmoignee, ce n'est pas, luy respondis-ie, que ie ne le treuue beau, mais il est bien leger, c'est ce qui est cause que i'en passe mon temps de la fa-çon; prenez garde, adiousta til, qu'il ne tumbe au pouuoir de quelqu'vne devos compagnes, car il est croyable qu'elle en feroit mieux so pro-. sie, ne manquent pas de semblables choses, & ie ne croy pas qu'il y en ait vne seule qui ne sçache bien qu'il n'est point de viande dont on se saule si tost, ny si facilement. Alors baissant vn peu l'œil & la voix, quand ce ne seroit, me dit-il, que pour montrer que ie ne vous suis pas entierement ennemy, ie vous

coniure de la manger, & de croire qu'elle ne peut estre empoisonnee, si depuis que je l'ay portee, Amour ne l'a remplie du mesme venin dont il m'a defia remply le cœur : A ce mot il se retira, & il saut que l'auoue que ie me dou-tay desa malice, mais n'estant plus en estat d'y remedier, ie me resolus pour le moins d'empescher que personne ne me desrobast cette Orange, de peur que si quelqu'vn eust descouvert l'artifice de Syleine, on n'eust iugé que l'eusse consenty à cette invention : la Reyne se retira presque en mesme temps, & dés que ie me vis seule dans la chambre, le commençay à disputer en mon ame si ie la deuois ouurir, ou si ie la deuois ietter dans le seu, mais la curiosité l'ayant emporté pardessustoute autre consideration, ie la rompis en deux, & vis qu'il y auoit vn petit papier enfermé dedans, & quelques petites dragees musquees, aueclesquelles il auoit bouché vne petite ouuerture, qui estoit à l'Orange; ie pris donc incontinent ce billet, & l'ayant ouuert, ie vis qu'il difoit ainsi.

## DESILET A PALINICE.

Pardonnez-moy belle Palinice, si ie me suis seruy de cette inuention pour deceuoir vostre cruauté, en ne faites pas vn mauuais iugement de mon amour, bien que le premier tesmoignage que ie vous en donne, soit vne tromperie; si vostre pitié me fait grace, ie beniray l'artistice dont ma passion m'a fait vser, mais auecque serment de ne m'en seruir iamais, en ce qui regardera la volonté que ie vous offre, en que vous ne sçauriez refuser, sans me rendre le plus malheureux de tous les hommes.

Ie n'eus pas plustost leu ce papier, que ie sis dessein de vous le montrer, & de ne tesmoigner pas à Syleine que ie l'eusse veu, iusqu'à ce que vous m'eussiez coseillé de quelle saçon l'en de-uois vset, c'est pour quoy ie vous en ay dit toute la verité, afin que vous m'ordonniez la mesme

chose que vous voudriez pratiquer, si le mesme accident vous estoit arriué. Voila, nostre Iuge, quel fut le premier discours que Palinice me tint, par lequel ie fus pleinement informee de la passion de Syleine, & de l'inclination qu'elle auoit à souffrir qu'il la recherchast : de sorte qu'ayat en quelque façon secondé son humeur, ie sis si bien qu'apres quelques petites dissicul-tez, elle luy permit de la seruir, sous condition qu'il seroit si discret, que ses pensees mesmes ne pourroient iamais estre condamnees; ce que Syleine promitauecque tant de serments, que ie ne croy pas que la terre ne se fust ouverte

pour l'engloutir, s'il eust esté pariure.

Depuis ce temps-là, il continua sa recherche auecque tant d'amour & d'assiduité, que Palinice eust eu le cœur mille fois plus dur que le marbre, si elle n'eust esté sensible aux preuues qu'il luy en donnoit: il me fouuient qu'vn iour il la supplia deluy donner vne faucur, & pource qu'elle luy demanda du temps pour y penser, elle vint le mesme iour chez moy, & me pria de luy dire s'il estoit iuste qu'elle luy donast quelques marques de la volonté qu'elle auoit pour luy, ie luy respondis, que puis qu'elle l'ay moit veritablement, & qu'elle cognoissoit sa discretion assez grande pour s'y pouuoir assurer, il n'y auoit pas du mal à luy faire cognoistre qu'elle l'estimoit plus que nul autre : mais que ie luy conseillois de l'espreuuer en quelque occasion,

298 LA DERNIERE PARTIE D'ASTREE, & d'essayer si son amour estoit aussi veritable qu'il la depeignoit; Palinice donc resoluë de me croire, luy sit premierement yn brassellet tissu de ses cheueux, & messé de quelques silets d'or, qui disposez en lettres, y marquoient ces messemes mots,

MIEVX LE COEVR QUE LE BRAS; puis l'ayant couuert d'vne petite chaisne d'or, qui faisoit des las d'amour entre les mots, comme si ce n'eust esté que pour les separer, elle fit mettre aux deux bouts, deux petits chattons de pierreries pour seruir de fermoirs; ayant ainsi acheué cet agreable ouurage, la premiere fois que Sileine la vid & qu'il la coiura de ne luy differer plus, le bien qu'elle luy auoit permis d'esperer, Ie veux bien, luy dit-elle, vous donner vn tesmoignage de mon amitié, mais ieveux en eschange que vous m'en donniez vn de vostre obeyssance: Sileine qui pour obtenir ce contentement, eust promis l'impossible, iura tout ce qu'elle voulut; & alors, Palinice, tout ce que ie veux devous, luydit-elle, cosiste en deux points, le premier est, que ie vous ordonne de ne vous mocquer point du present que ie vous feray, bié qu'il soit indigne de vostre merite; l'autre est, qu'apres que le vous en auray attaché le bras, ie veux que vous me iuriez que vous ne verrez de trois iours ce que c'est? Pour ce qui regarde le premier de vos commandemens, respondit Sileine, il ne me sera pas difficile, Madame, d'y

obeyr, car il n'est rien qui vienne de vous, qui ne soit plus digne d'admiratio que de mocquerie; mais pour le second pardonez-moy, si ie ne promets pas de pouuoir obtenir cela sur moy, puis que l'ay tant d'enuie de voir ce qui me doit estre vne preuue de vostre affection, que i'oserois iurer qu'il me seroit plus facile de m'empescher de voir le iour, qu'vne faueur qui me sera si chere; Et bien, reprit Palinice, promettez-moy pour le moins, que vous ne la verrez que vous ne soyez retiré chez vous? ie le veux bien, repliqua Sileine, puis que vous le desirez. A ce mot Palinice luy ayant mis son chappeau deuat les yeux, qu'elle luy faisoit tenir à luy-mesme, auecque defense de l'en oster; elle troussa v. e des manches de son pourpoint, & puis l'abbatir, apres auoir attaché sur la chemise le brasse dont ie vous ay parlé. Soudain que Sileine eut la permission de retirer son chappeau, il mit vn genoiiil en terre, & prenant la main de Palinice, belle main, dit il en la baisant, qui daignes auiourd'huy me mettre au nombre des Elclaues de Palinice ie iure par toy-mesme, que ie ne rompray iamais les marques de ma captiuité, & qu'il ne sera iamais de consideration assez forte pour faire que ie brise mes fers; & à ce mot, sans attendre que Palinice luy dit seulemet vne parole, il courut hors de la chambre, & fortit du logis de cette belle fille pour s'aller enfermer dans le sien. Dés qu'il y fut entré il s'en alla

300 LA DERNIERE PARTIE D'ASTREE, dans sa chambre, où il voulut estre seul, & com? me s'il eust encore eu peur que le tresor qu'il portoit ne fût pas assezassuré sous la foy d'vne ferrure, il entra das son cabinet, duquel ayat aussi fermé la porte, & puis haussant la manche de son pourpoinct, il porta en mesme teps les yeux &labouche sur l'endroit où il sentoit que son bras estoit pressé; mais, Dieu sçait quel fut son estonnement, quand il remarqua que c'estoient des cheueux de Palinice, & quad il vid l'artifice dot elle auoit enrichy ce brasselet, il m'a depuis iuré qu'il en fut dautant plus surpris, qu'il auoit creu que c'estoit seulement vn des nœuds dont elle auoit accoustumé de se coiffer : il demeura donc fort long-temps à le considerer, sans oser seulement dire vne parole, de peur d'interrompre son rauissement; puis tout à coup le portant à la bouche, & baisant l'vn apres l'autre tous les caracteres qu'il y voyoit marquez, oiiy, dit il, belle Palinice, il est bien raisonnable que cette faueur m'occupe mieux le cœur que le bras, puis que ie ne vis que par elle, & que c'est dans mon cœur qu'est le principal siege de ma vie. A ce mot il se teut, puis mouillat de mille baisers cette faueur qu'il trouuoit si belle; pardonnez-moy grands Dieux, adiouta-til, si ie l'adore, & si ie ne la regarde que comme le plus parfait ouurage qui soit iamais sorty des mains d'une Diuinité.

Belle Philis, il seroit superflu de vous redire

icy tous les discours que sa passion luy sit tenir dans cet agreable transport; c'est assez que vous sçachiez qu'il y sut durant pres de deux heures, & que peut estre se fust-iloublié das ce cabinet s'il n'eust esté contraint de parler à Lucindor, qui le vint conuier de la part de Sigismodà vne course de bague qui se deuoit faire das deux ou trois iours par le comandement de la Reyne. Ie ne fus pas long-téps sans apprendre de Palinice mesme, que Sileine auoir eu ce brasselet, cela fut cause que ie luy dis qu'elle auoit dessa beaucoup donné aux requestes de ce ieune Cheualier, & que l'estois desormais d'auis qu'elle essayast par quelque artifice, s'il auoit veritablement de l'amour pour elle; Palinice m'assura qu'ellele feroit, & que deuant que huict iours fussent passez elle m'en diroit de plus particulieres nouuelles, ce qu'elle fit, mais nostre Iuge, il faut que ie vous die de quelle façon elle y proceda, afin que vous cognoissez que de tout temps elle a eu l'esprit tres-bon.

Ie vous ay desia dit que deux ou trois iours apres que Sileine eut eu le brasselet, la Reyne deuoit donner vne bague, qu'elle vouloit que Sigismod courust, & auecque luy tous les Cheualiers de sa Cour, & pour ce que Sileine estoit l'vn des plus adroits, il y sut conuié par Lucindor de la part de ce ieune Prince. Le lendemain donc il en alla aduertir Palinice, & elle qui sut bié-aise d'auoir trouué cette occasion pour exe-

LA DERNIERE PARTIE D'ASTREE cuter vn dessein qu'elle auoit desia fait dés l'heuremesme que Sileine luy en eut ouvert le dis-cours, & qu'il luy eut dit qu'il ne croyoit pas que personne luy pût disputer cette bague, puis qu'il la courroit pour l'amour d'elle; ce sera vous, luy respondit Palinice, qui ne la disputerez contre personne, car vous ne la courrez point du tout; pardonnez-moy, Madame, dit le Cheualier, Sigismond me l'a enuoyé commander par Lucindor; & moy, repliqua Palinice, ie vous le desends: vous estes trop iuste, reprit Sileine, & trop amie de ma reputation pour me defendre d'obseruer ce que l'ay promis? Ah Sileine, adiouta Palinice, que voyla bien vne marque du peu de pouuoir que l'ay sur vous: nullement, repliquale Cheualier, si vostre seruice m'appelloit ailleurs, où que ie sceusse que c'est tout de bon que vous me commandez de ne courre point, ie proteste que ie m'en excuserois, & que i'aymerois mieux desplaire à Sigismod qu'à vous, si cela est, dit Palinice, desengagez vous de vostre promesse, car si vous m'aymez vous ne courrez point, & pour des causes que ie vous diray ce mesme iour-là, si vous estes aupres de moy, cependant que les autres seront sur la carriere. Sileine la pressa vn peu, pour sçauoir les raisons qui l'obligeoiet à luy faire cette desence, mais Palinice ne les sçachant pas elle mesme, il luy fut impossible d'en rien apprendre du tout. Ce soir la mesme il s'en alla das la chabre de Si-

gismond, & comme il ne pensoit à autre chose qu'au comandement que sa maistresse luy auoit fait, il prit si bien son teps, que courant au tour d'vne table auec quelques autres Cheualiers, pour se desendre du ieune Prince qui les poutfuiuoit auec de l'eau, dont il auoit enuie de les mouiller, il fit semblat que le pied luy estoit tourné,& toba tout de son long contre terre, au comencement on creut qu'il ne s'estoit pas blessé, & Sigismond luy-mesme s'en mit à rire le plus haut qu'il put, mais quad on vid qu'il se relevoit auecque peine, & qu'il se plaignoit, chacun s'approcha pour sçauoir quel estoit son mal: il dit doc qu'il s'estoit démis le pied, & le ieune Prince qui le crut, luy fit proptement doner vn chariot & des homes pour le coduire iusqu'en son logis, puis luy enuoyat ses Myres, leur comanda de ne rie espargner pour sa guerison, mais Sileine qui ne vouloit pas estre visité, de peur qu'on fit vn rapport de son mal, cotraire à son intétion leur sit accroire qu'il auoit fait venir vn Chiturgie, sur l'experience duquel il auoit dessa sié sa blessure.

Le bruit de cette cheute, & du malheur qu'on croyoit estre arriué à Sileine s'espadit bien tost par la ville, & Palinice ne sut pas la derniere qui le sceut, seignant toutes ois d'en ignorer la cause, elle pria Cerinte de l'aller voir, mais Sileine ayat sceu qu'elle auoit pris ce soing-là, ie vous coniure, dit-il à Cerinte d'assurer Palinice, que depuis qu'elle a eu pitié de mon mal, ie n'en ay plus res-

de ne pouvoir accompagner Sigismond en la course de bague qu'il doit faire, il n'est rien maintenant qui m'assilige: ce que Cerinte ayant rapporté à sa sœur, elle entendit incontinent ce qu'il vouloit dire, tant les personnes qui ayament bien, ont de facilité à expliquer les actions & les paroles qui les touchent vn peu.

Voyla donc le iour destiné aux courses arriué, & Sileine hors du lict, il prit pourtant vn baston, comme s'il en eust eu besoin pour se soustenir, & s'estant redu au logis de Palinice, l'accompagnaiusques chez vne de ses amies,où elle auoit esté price, pour ce que les senestres de sa maison regardoient sur la carriere, ils n'y furent pas long-temps sans que Sigismond arrivast, & auecque luy quantité de Cheualiers, quiapres vne longue dispute cederet enfin le prix à l'addresse du ieune Prince, qui l'emporta au grand contentement de toute la Cour. Durant qu'ils coururent, Palinice & Sileine ne firent que parler, & s'il est vray ce qu'elle m'en a dit depuis leur discours, sut a peu pres tel que ie vous le vay dire : ils estoient appuyez tous deux sur vne mesme fenestre, & Sileine regardat sa maistresse, comme s'il eust esté rauy de la voir si belle; que vous m'auez obligé, luy dit-il, de me defendre de paroistre parmy ces Cheualiers pour me donner vne place si pres de vous: tel, respondit assez froidement Palinice, est bien souuent pro-

che du corps, qui est bien loing du cœur; ce malheur, adiouta Sileine, est ineuitable à tous ceux qui ont aussi peu de merite que moy: n'en faites pas le fin, repliqua Palinice, ie confesse bie que vous auez d'assez bonnes qualitez pour faire qu'on vous estime; mais d'en auoir pour obliger toutes les filles qui vous voyent a courre les ruës, & à faire des extrauagances pour l'amour de vous, c'est ce que iene sçaurois me persuader sacilement: ie vous iure, reprit Sileine sousriant vn peu, que comme ien'en ay pas la puissance, ien'en ay pas aussi la presomption, & fi i'auois à souhaitter d'estre parfaitement aymé de quelqu'vn, non pas iusqu'au poinct de commettre les folies que vous dites, ie proteste que ie desirerois que ce sust de vous, que l'adore, & pour qui seule la vie me plaist; vous seriez bientost lassé de ce desir, respondit Palinice, puis que vous ne sçauriez rien gaigner aupres de moy, qui ay fait vne resolution inuiolable de tenir tous les hommes pour indifferents : Ah Dieux! dit Sylein e en l'interrompat, qu'est-ce que vous dites, Madame, ne pensez vous point aux serments que vous auez faits en ma faueur?ie me souviens, repliqua Palinice, de tout ce que ie vous ay promis, & si vous en auez aussi bonne memoire que moy, vous trouuerez qu'encore que l'aye iuré de vous aymer, ie n'ay pas pour cela protesté de hayr tout le reste des hommes, puis qu'au contraire ie les veux tous cherir es-

LA DERNIERE PRARTIE D'ASTREE; galement, sans qu'il y en air vn seul qui air aupres de moy plus de credit ny d'authorité que l'autre; chacun, reprit Sileine aura donc droit de pretendre de vous les mesmes faueurs que i'en ay obtenuës? & comment voulez-vous que ie les estime, si vostre facilité les rend comme cela communes a tout le monde? alors il se teut pour ouyr ce que Palinice luy respondroit, mais voyant qu'elle s'amusoit ailleurs: Ah cruelle! continua-til, que vous auez de dangereuses armes, mauuaile, est-il possible que vous ayez en si peu de temps changé d'inclination, & que vous ayez fait dessein de ne recompenser point autrement l'obeyssance que ie vous ay tesmoi-gnee? ie pense, dit Palinice assez bas, & se tournanttout à fait de son costé, que vous croyez auoir beaucoup fait pour moy en cette occasion, & que vous vous persuadez que ie vous en dois beaucoup de retour, pour vous estre priué seulement aujourd'huy du plaisir que vous eussiez pris en ces courses? mais Sileine, puis que vous auez si bonne opinion de vous,& que pour si peu de chose vous auez la hardiesse d'aspirer à de grandes recompenses, cherchez de bonne heure qui vous les veuille donner, car pour moy, ie m'en demets entierement, & vous iure; que ieseray bien-aise que vous ne m'importu-niez plus. Sileine estonné de la voir dans cette colere, & ne sçachant en façon du monde quel en pouuoit estre le sujet, belle Palinice, luy responditrespondit-il, si c'est monamour qui vous importune, pardonnez-moy si le vous dis que l'ay trop de sidelité pour vous laisser lamais pretendre de pouvoir guerir de cet ennuy; mais si c'est ma presence qui vous fasche, vous ne lan-guirez pas longuement dans ce desplaisir; car dés maintenant ie proteste de neme presenter iamais deuant vous que ie ne sois bien assuré que vous le desirez: disant cela il partit d'auprees d'elle, & voulut sortir de la chambre, mais Palinice qui le suiuoit de l'œil, l'appella comme il commençoit d'ouurir la porte. Aussi-tost que Sileine s'ouyt nommer il reuint, & s'estant approché de Palinice, elle luy dit auec yn visage quitesmoignoit vn mespris extreme, puis que vous vous retirez, Sileine, il n'est pas raisonnable que vous gardiez aupres de vous vne compagnie qui vous pourroit nuire dans vos solitudes, rendez-moy, adiouta-telle, mon brasseler, carie le veux rauoir? le voudrois bien, respondit froidement Sileine, qu'il me fust possible de vous donner ce contentement, mais ayant iuré de ne m'en desfaire iamais qu'auec la vie, il faut, si vous me commandez de vous le rendre, que vous me permettiez de mourir: mourez ou viuez, dit Palinice, cela m'est indifferent, pourueu que l'obtienne ce que ie demande, & que vous me rendiezmes cheueux : belle pariure, repliqua le ieune Cheualier, sera til possible que vostre rigueur me tuë, sans que i'en sçache le Dern. part.

LA DERNIERE PARTIE D'ASTREE, sujet? me traitterez-vous auecque plus detyrannie qu'on ne fait les coupables que l'on ne condamneiamais à la mort sans les auoir pour le moins conuaincus de quelque crime? N'accusez, respondit Palinice, du traittement que vous receuez, autre chose que vostre peu de merite; & si vous ne voulez me desplaire mortellement, hastez-vous de me redonner le brasselet que vous auez de moy: mais reprit Sylcine, vous mel'auez donné sans condition? pource, repliqua Palinice, que ie le voulois r'auoir sans condition; & si ie n'ay rien fait, adiousta Syleine, qui me rende indigne de le posseder, n'est-ce pas une iniustice de me le rauir? Tant s'en faut, dit Palinice, c'est vn trait de iustice de prendre son bien où on le trouue: Ie crains, reprit Syleine, que vous ayez de la peine à le desfaire, car il est attaché de mille nœuds? C'est trop disputé, respondit Palinice, fronçant yn peu le sourcil, l'ay des cizeaux qui coupent en perfection, & qui me seruiront en cet office, si vous me tendez vostre bras; & bien perside, dit alors Syleine, tout transporté, & luy donnant fon bras, faoulez vostre fureur, & acheuez d'executer le dessein que vous auez fait de me perdre; ie ne veux pas vous donner cet aduantage; de me reprocher vn iour que ie me sois opposé à vne seule de vos volontez. A ce mot Palinice acheua de coupper le ruban qui estoit attaché au bout des deux chattons; & l'ayant mis dans

sa pochette, allez maintenant, luy dit-elle, où vous voudrez, vous m'aurez l'obligation d'auoir dessait vos chaisnes, & de vous auoir mis
en liberté: Disant cela, elle se remit sur la fenestre, sans l'auoir seulement regardé, & le pauure
Syleine outré de douleur se retira, mais entierement guery de son pied, car le transport où il
estoit luy sit oublier de reprendre son baston, &
de contresaire le boiteux, comme il auoit sait

depuis qu'il estoit sorty du lict.

En verité, dit Hylas, qui perdoit patience, & quise lassoit d'estre si long-temps sans parler, voyla l'humeur du monde la plus contraire à la mienne; comment, l'aurois souffert sans ressentimét qu'elle m'eust appellé importun, & qu'elle m'eust accusé d'auoir trop peu de merite pour elle? ie meure si ie ne luy aurois donné, non pas seulement le brasselet, mais le pourpoint & la chemise, pour me deliurer de la tyrannie d'vn esprit si bisarre que celuy-là, Syleine ne sit pas cela, reprit Florice, mais enragé dequoy il auoit esté si mal traitté de cette belle fille, il resolut de ne viure plus où elle seroit, & commença de se disposer à faire vn voyage, dans lequel il pût treuuer quelque remede à sa douleur. Soudain que les courses furent acheuces, Palinice vint me rédre compte de tout ce qu'elle auoit fait, & pource que ie recognus bien sur fon visage, & aux discours qu'elle me tint, qu'elle auoit quelque regret de l'auoir mis si fort

310 LA DERNIERE PRARTIE D'ASTREE, en peine, ie treuuay bon qu'elle y remediast. Nous allasmes donc voir Circeine, où nous iugeasimes bie que nous le treuuerions, & bien que cette belle fille soit sa sœur, elle ne sçauoit pas pourtant ses secrets, & Palinice mesme neluy en auoit rien declaré, pource que la cognoiffant extremémentieune, elle n'auoit pas osé se fier en elle. Quand nous n'eussios rie sceu de ce qui estoit arriue à son frere, nous n'eussions pas laissé de juger qu'il y auoit quelque desordre dans leur maison, car l'inquietude où estoit Circeine, & les larmes qui luy eschapoient quelquesois nous en donnoient assez de cognoissance; toutefois, feignant d'ignorer sa douleur, nous la suppliasmes par toute l'amitié qu'elle nous portoit, de ne nous cacher pas son desplaisir, & elle qui ne vouloit pas nous resuser, nous dit librement que depuis vne heure ou deux elle auoit veu son frere si affligé, qu'elle craignoit qu'il eust receu quelque grand mescontentement, & peutestre quelque offense, dont il eust enuie de se ressentir; car disoit-elle, il m'a demandé quelque argent que ie luy gardois, il fait enfermer & empaqueter toutes ses hardes, il a commadé qu'on tint ses cheuaux prests, & iele voy dans vn tel transport, que cela me met l'esprit en desordre, Ie voudrois, dit Palinice, qu'il fust icy, car il ne me cacheroit pas le sujet qu'il a d'estre en colere, helas, reprit Circeine innocemment, n'ayez pas cette opinion, ie croy qu'il m'ayme assez,&

que l'ay autant de pouuoir aupres de luy, que personne du monde, mais quelque supplication que ie luy en aye faite, il ne m'en a iamais voulu dire vn seul mot: Disant cela, elles prirent garde que Sileine estoit entré, & que sans voir qui estoit dans la chambre, il s'estoit desia fort auancé; Palinice donc, iugeant bien que Circeinene luy auoit rien dit du desespoir de son frere qui ne fust vray, fit semblant d'auoir quelque chose à faire hors de la chambre, & s'alla mettre sur la porte de la sale, par où il falloit de necessité que Sileine passast, ou qu'il ne sortist point: Sileine sans prendre garde à moy, tant il estoit troublé, prit son manteau & son espee, mais lors que pensant sortir, il vid Palinice sur le sueil de la porte, son estonnement sut nompareil. Elle qui l'attendoit au passage, se mit les mains sur les costez, pour occuper mieux toute l'ouverture de la porte, & dés qu'elle ouve qu'il s'approchoit, qui est là, dit-elle, se tournant vn peu, Sileine alors, sans leuer seulement les yeux, c'est moy, luy respondit-il, qui veux fortir; d'où? luy demanda Palinice, est-ce de mon cœur, ou de cette maison? du monde mesme, s'il m'estoir permis, repliqua Sileine, puis que vostre cruauté s'est lassee de m'y laisser viure. A ce mot faisant vn effort, comme ayant enuie de passer en despit d'elle, Palinice le prit par le bras; & depuis quand, luy dit-elle, auezvous oublié les loix de la bien-scance, pour tenir si mauuaise compagnie à celles qui prennet la peine de vous visiter? Vous aymeztrop vostre repos & vostre contentement, respondit Sileine, pour vous contraindre iusques là, que de visiter vn importun, & vn homme qui a si peu de merite que moy; Palinice qui cognut bien ce qu'il vouloit dire; que vous me soyez, luy ditelle, ou agreable ou importun, c'est dequoy pour ce coup ie nevous parleray pas, mais quoy que c'en soit, ie veux que vous demeuriez, & si ay encore quelque pouuoir sur vous, ie vous le commande.

Belle Philis, à quoy me seruiroit de vous traisner ce discours en longueur, tant y a que Palinice fit si bien, que sans sortir de là, elle remit parsaittement l'esprit de Sileine, & qu'en presence de sa sœur, qui depuis eut sa part de leurs secrets, elle luy iura que tant qu'il auroit pour elle la mesme discretion & la mesme fidelité, iamais elle ne le changeroit. Or nostre Iuge, ie ne sçay si c'est que les hommes se las-fent dans la prosperité, mais il est presque in-faillible que s'ils sont inconstant, c'est plustost pour estre trop aymez, que pour ne l'estre pas assez: Pour le moins Sileine nous l'apprit par son changement, car sans auoir d'excuse legitime, ny de pretexte qui valust, au plus fort de l'affection que ma compagne auoit pour luy, il tourna les yeux sur Dorise, & rendit Palinice si offensee de sa trahison, qu'elle consentit

pour se vanger, que Rossiliandre la recherchast; toutesois quelque auancé que sust son mariage auecque luy, elle crut ensin, que si son perside Sileine r'entroit en son deuoir, elle ne manqueroit pas d'inuentions pour le rompre: elle se hazarda donc deluy escrire, mais luy, au lieu de la nourrir de quelque esperance luy sit cette response.

## LETTRE

## DE SILEINE A PALINICE.

Ous croyez que ma lettre que vous m'auez escritte, est vntesmoignage de vostre amour, mais ie la prends pour vne assurance de vostre insidelité: Ie m'imagine que vous auez imité ces personnes qui veulent mourir, & qui ne recourent iamais aux remedes, que leurs maux ne soient hors de toute espérance de guerison.
Mariez vous hardiment Palinice, puis que le Ciel & vous auez coniuré maruine, en ne pensez pas que i'y puisse desormais apporter quelque obstacle, puis qu'il

n'appartient pas aux hommes d'aller contre les ordonnances des Dieux. Ie confesse bien que celuy que vous aymez, va iouyr des plus riches tresors qui soient auiourd'huy sur la terre, mais comme ie n'en seray point ialoux, aussin'auray-ie point d'enuic de les achetter au prix de ma liberté, puis que même vostre inconstance m'a desia donné tant de hayne pour les semmes, que si elles en auoient autant pour nous, ie croy que le siecle où nous viuons, seroit le dernier aage de la nature.

Cette lettre mit Palinice en si mauuaise humeur contre luy, que pour luy oster tout à fait l'esperance de pouuoit iamais pretendre quelque chose en elle, elle se donna à Rossiliandre, qui l'ayant espousee, l'emmena dans les plus reculez Sebusiens. Sileine recognut bien sa faute, mais ce sut vn peu trop tard, & tout ce qu'il obtint iamais de Palinice, ce sut quelques lettres par lesquelles elle l'assuroit qu'elle l'estimoit autăt que la codition où elle estoit, le luy pouuoit permettre. Enfin Rossiliadre estat mort, Palinice reuint à Lyo, & les amours de Sileine & d'elle, recomencer et aussi sortes qu'elles l'auoiet iamais esté: toutesois auec moins de repos pour luy, car Amilcar mos frete, qui reuint presque en

mesme teps deuint son rival, & se rédit si fort amoureux de Palinice, qu'apres mille actios qu'il fit pour le luy tesmoigner, elle ne se pût desdire de luy vouloir vn peu de bie. l'auoue qu'au comencement ie l'en voulus diuertir, mais en fin voyant que sa blessure n'estoit pas de celles qu'on peut guerir, ie quittay le party de Sileine pour prendre celuy d'Amilcar, & quelques instances que Circeine fist pour son frere, ie sceus si bien faire cognoistre à Palinice, que le premier chagement de Sileine le rédoit indigne d'en estre iamais aymé, que si ie ne la pus vaincre tout à fait, ie luy fis confesser pour le moins, qu'ils auoient autat de pouuoir sur savoloté l'vn que l'autre, & qu'elle se donneroit à celuy que les Dieux luy ordonneroient par leur Oracle.

Or sage bergere, il ne reste plus qu'à vous faire cognoistre mes ieunesses, & à vous entretenir de mes follies passees, dont ie voudrois bien qu'vne autre vous pust faire le discours, mais puisque c'est à moy que le sort l'a ordonné, ie yous les raconteray sans artifice, & yous supplieray seulement de m'excuser, si ie n'ay pas assez de grace à les dire, pour empescher que

vous n'en treuuiez le recit importun.

Sçachez donc nostre Iuge, que de ces deux Cheualiers, à sçauoir Lucindor frere de Circeine, & Cerinte frere de Palinice, Lucindor fut le premier qui me parla d'amour. Ie laisse à Syluandre le soing de chercher la cause de cette af-

LA DERNIERE PARTIE D'ASTREE, fection, car pour moy l'auoue franchement que ie ne suis pas assez sçauante pour esperer de la pouuoir iamais cognoistre. Tant y a que voicy comme elle nasquit: Lucindor vn iour se treuua dans ynetres-bonne compagnie, où l'on vintà parler de moy, & à regretter en mesme temps la mort d'vn ieune Cheualier, qu'ils disoient m'auoir seruie, & qui depuis cinq ou six Lunes, auoit esté assassiné par vn homme qu'il aymoit. CeCheualier s'appelloit Meliseor, home de tresbon esprit, & qui, bien qu'il sut extremément ieune, estoit en estime d'estre l'vn des plus sçauants de toute la Gaule Lyonnoise. Or apres quantité de souspirs qu'on eust donnez au fouuenir de sa perte, on assura Lucindor, qu'outre ce qu'ils auoient de semblable pour les qualitez de l'esprit, encore estoient-ils fort peu disfemblables de corps, puis qu'on voyoit paroistre sur son visage presque tous les traits que Meliseor auoit autrefois portez: dequoy Lucindor se sentant comme flatté, & se resiouyssant en luy-mesme d'auoir quelque chose qui approchast des perfections de ce pauure Cheualier, il resolut de me voir, & d'essayer s'il pourroit auoir pour moy la mesme inclinatió qu'on auoit remarquee en Meliseor; mais voyez que c'est que cette sympathie, ou plustost cette satalité: Lucindor conduit par Circeine en vne copagnie où l'estois, ne ietta pas plustost l'œil sur moy qu'il en fut rauy; & que se laissant surLIVRE QUATRIESME.

317

prendre à cette apparence de beauté qu'il vid esclatter surmon visage, il me fit vn secret sacrifice desaliberté; pour moy ie confesse que sa bonne mine me charma, & qu'à peine fut-il entré, que faisant vn dessein sur luy, ie commençay à chercher dans mes regards des armes pour le desfaire: mais ie ne fus pas long-temps fans cognoistre que la place que ie voulois attaquer s'estoit renduë, car Lucindor, apres quelques petits jeux que nous fismes s'estant approché de moy, il faut, me dit-il, belle Florice, que vous rivez de la rencontre qui m'est arriuee,& que vous pouuez rendre agreable ou funeste pour moy, selon qu'elle vous touchera; ie ne luy respondis que par vn petit sousris, qui luy tesmoigna que son abbord ne m'auoit pas despleu, & celaluy donna la hardiesse de poursuiure, & de me raconter ce qu'on luy auoit dit de sa ressemblance auecque Meliseor: puis en continuant, or adiouta-til, ie recognois bien qu'il y a de l'apparece au discours que l'on m'en a fait, puis qu'on m'a iuré qu'il vous auoit aymee, & que dés le moment que l'ay eu l'honneur de vous voir, ie n'ay pu me defendre des charmes dont vous l'auiez vaincu : vous ne deuez non plus adiouter de foy, luy respondis ie assez froidement, aux paroles de ceux qui vous ont dit que Meliseor auoit eu de l'amour pour moy, que i'en adioute aux vostres, quand vous me voulez persuader que vous m'aymez; il est

318 LA DERNIERE PARTIE D'ASTREE, vray que i'ay cognu ce Cheualier, & que ie n'ay pas moins estimé son merite, que i'ay regretté sa fin, mais ie suis si peu d'humeur à souffrir la recherche des hommes, que quand il eust eu ce desir, ie sçay bien qu'il n'eust iamais; esté si temeraire que de m'en paler: disant cela ie iettay les yeux sur Lucindor, & vis bien qu'il changea de couleur, car la froideur de ma responce l'estonna iusqu'à luy faire perdre la parole : mais enfin ayant yn peu repris de courage, s'il a eu de la passion pour vous, me dit-il, ie n'oserois croire qu'il ne vous l'ait tesmoignee, & bien qu'en cela vous l'eussiez accusé d'auoir failly, ie vous iure, belle Florice, que ie desere tant à son bon esprit, que quelque supplice que l'en doiue attendre, ie n'auray point de regret de commettre vn semblable crime.

Mon Iuge, ie ne vous rediray point icy tout ce que ie luy respondis, ny toutes les raisons qu'il m'allegua pour me saire cosentir à receuoir son seruice, tant y a que ie donnay cela à son importunité, & que luy ayant permis de m'escrire ses passions, ie sus sort long-temps que ie receuois presque tous les iours de ses lettres, qu'il me donoit luy mesme, saute d'auoir vne seule personne à qui i'osasse fier l'interest que i'auois pour luy. Fort peu de temps apres, Cerinte se declara; & parce qu'il eut peur que ie susse en descouurit pas d'abord à moy, mais il sceut si bien mes-

nager l'humeur de mon pere, que lebon homme iugcant que ce party m'estoit sortable, me commanda de l'aymer:cela ne me mit pas dans vne petite peine, d'autant mieux que Lucindor vn peu ialoux de son naturel, me fit bié-tost cognoistre qu'il supportoit ce riual auecque impa-tience; toutes ois ie me gouuernay si bien aupres de l'vn & aupres de l'autre, qu'ils partirent sort peu souvent d'aupres de moy, sans auoir quelque particulier sujet de satisfactió: l'auois pourtant vne inclination plus forte pour Lucindor, que pour Cerinte, & la plus grande marque qu'il en eut iamais, ce fut vn soir que nous estios autour de la table à faire de diuers jeux: mon pere nous donna yn liure,dans lequel on tire au fort toutes choses, soit pour la guerre, soit pour la fortune, soit pour l'amour, pour le mariage, & ainsi du reste: Cerinte sut le premier qui ietta le dez, pour sçauoir s'il obtiendroit sa maistresse, & rencontra vn poinct si fauorable, qu'il en eut toute sorte de contentement. Lucindor au contraire fut si malheureux qu'il rencontra le plus mauuais poinct, dequoy le voyant vn peu esmeu, iettez le dezencore vn coup, luy dis-ie, car pour estre assuré de la verité que l'on cherche, il faut tirer plus d'une fois; à quoy Lucindor ayant consenty; il poussa le dez pour la deuxiesme fois, mais ayant rencontré le mesme poinct, il le prit auec vne furie nompareille, & iura qu'il le mangeroit, si pour la troissesme fois

20 LA DERNIERE PARTIE D'ASTREE, il auoit le mesme sort: mais il eut beau se despiter contre la fortune, son destin ne se changea pas pourtant, car ayant poussé le dezbien auant fur la table, il ne fut pas plus heureux qu'auparauant; ie meure si ie n'en fus yn peu estonnee, & si, quelque creance que l'eusse qu'il ne salloit point adiouter de foy à ces rencontres, ie ne soupçonnay que nostre affection auroit quelque sinistre euenement. Toutefois estant demeuree dans cet estonnement vn peu moins interdite que luy, le me saisis du dez, mais Lu-cindor venant à se souvenir du serment qu'il auoit fait, porta ses mains sur les miennes pour me l'arracher; toutefois voyant que ie m'obstinois à le garder, il me pria de le luy rédre, mais ieluy dis affezbas, ie craindrois Lucindor que vous le traittassiez mal, si ie le sousmettois à voftre mercy? Iele traitterois, me dit-il, comme vn ennemy qui m'a osté l'esperance d'auoir iamais nulle sorte de contentement, s'il est vray, pour le moins que vous ne fassiez pas mes destinces plus heureuses que ie les ay rencontrees dans ce liure: Vostre bon-heur, respondis-ie depend de vostre merite, & non pas du hazard, c'est pour quoy, si vous auez quelque bone opinion de vous-mesme, ie vous conseille d'esperer; Il faut que vous me le commandiez absolument, me repliqua-til, si vous voulez queieviue? moy qui ne voulois pas qu'il se perdit dans le transport où ie le voyois, & qui craignois que

dans cette fureur il donnast quelque cognoisfance dece que ie voulois qu'il cachast à tout autre qu'à moy, & bié, luy dis-ie fort bas, ie vous le commande; à ce mot ie me leuay, & iettant le dez sur la table, nous continuasmes de iouer, iusqu'à ce que mon pere se voulut retirer.

Nous estions alors sur la fin de l'hyuer, & par malheur vne de mes tantes qui demeuroit aux champs,à vne petite lieuë de Lyon, tomba malade, & enuoya prier mon pere de permettre que ie l'allasse seruir; ie partis donc, mais estant bien assuree que Lucindor & Cerinte ne manqueroient pas de m'y venir visiter, la crainte que i'eus que se rencontrants en chemin, la ialousse leur fist faire quelque chose mal à propos, sut cause que ie leur desendis à tous deux, sur peine de ma disgrace, de sortir de Lyon; Cerinte ny manqua iamais, & i'auouë que son obeissance me plust: mais Lucindor apres auoir supporté cette absence auec tous les regrets que peut auoir vn homme qui ayme bien, s'imaginant que quelque crime qu'il pust comettre enuers moy, iel'aymois assez pour le luy pardonner, resolut de trouuer vn moyen pour me voir, & en attendant il m'enuoya ces vers.

## SONNET.

E N fin ce long hyuer a calmé ses orages, Les Zephirs du Prin-temps annoncentle retour,

Les bergers amoureux dansent soubs les ombrages

Au chant de mille oyseaux qui se parlent d'Amour,

Le froid & la passeur ont quitté nos visa-

Et mesme les poissons dans l'humide sejour Admirent les æillets, qui dessus nos riuages Naissent quand le Soleil y fait naistre le iour.

Ainsi ie vois qu'en l'air, sur la terre, & dans l'onde

Les oyseaux, les poissons, & le reste du monde Tirent quelque plaisir d'un si doux changement:

Moy seul infortuné, ie meurs loing de Florice,

Rendez-lamoy, grands Dieux, est ce un trait de iustice

Que ma seule douleur dure eternellement.

Bien-

LIVRE QUATRIESME.

. Bien-tost apres, la fortune fauorisa son dissein, car ma tente ayant enuoyé vn ieune homme à mon pere, pour luy faire seauoir qu'elle commençoit à recouurer sa sanré, Lucindor parla à luy, & le sceut si bien flatter, que soubs pretexte d'auoir à me dire quelque chose de grande importance, ce ieune hommeluy promit de l'introduire dans ma chambre, lors que ie serois preste à m'aller mettre au lict: il prit donc iour au lendemain, de sorte que dés que ce ieune homme fut de retour, & qu'il nous eut rapporté quelle estoit la ioye de mon pere, pour la guerison de sa sœur, il commença de penser à la promesse qu'il auoit faite à Lucindor: ceCheualier cependant, qui n'oublia pas l'assignation qu'il auoit prise, partit le lendemain sur les huict ou neuf heures du soir, mais deuant que ie vous die de quelle façon ie le receus, il est raisonnable que vous ayez le plaisir de scauoir ce qui luy arriua. Premierement, il estoit sorty de Lyon sans que personne y eut pris garde, & parce que les portes de la ville ferment toussours d'assez bonne heure, il demeura dans le faux-bourg iusqu'à ce qu'il sût temps de partir. L'air estoit fort disposé à la pluye, de sorte qu'il n'eut pas plustost comencé de se mettre en chemin, que les nuces s'ouurirent, & verserent une si grande quantité d'eau, que bien qu'il eust vn bon manteau, il sur pourtant mouillé, comme s'il se sur ietté dans la riuiere. La Lune ne rendoit

Dern. part.

324 LA DERNIERE PARTIE D'ASTREE, aucune clairté, pource que les brouillards la couuroient entierement, & ainsi attaqué de la pluye & des tenebres, il poursuiuit son voyage, consolé toutefois parmy ces incommoditez, de l'esperance qu'il auoit de demeurer paisible deux ou trois heures aupres de moy. Il n'eut pas fait enuiron la troisiesme partie d'vne lieuë, que s'estant vn peu essoigné du chemin, & galoppant à trauers les buissons & les arbres, il donna vn si grand coup de la teste contre quelque chose, que son chappeau tumba. Au mesme instant il sentit couler tout le long de foy, vn homme, qui comme il luy sembla, auoit enuie de le traisner en terre. D'abord il creut que c'estoient des vouleurs qui l'attendoient à ce passage; & cela fut cause, que poussant son cheual à toute bride, il courut enuiron quarante ou cinquante pas, & puis mettant la main à l'espee, s'arresta tout court, resolu de se bien defendre si quelqu'vn le poursuiuoit. Il fut vn peu de temps en cette posture, souffrant toussours la pluye, qui sembloit deuenir plus forte qu'elle n'auoit encore esté, & prestant l'oreille pour essayer d'entendre quelque chose, puis qu'il ne pouuoit rien voir, il luy sembla d'ouyr rire presque au mesme endroit où on l'auoit heurté: Ne sçachant donc à qui se prendre de l'accident qui luy estoit arriué, & iugeant bien qu'il n'e-Roit pas possible qu'il treuuast son chappeau au milieu de ces tenebres il mit son manteau sur sa

teste, & s'en vint en cet equipage iusqu'à la maison de ma tante, à la porte de laquelle il rencontra ce ieune homme qui luy auoit promis de le faire entrer. Lucindor estoit si mouillé, que ses habits faisoient l'eau de tous costez stoutefois s'estant fait montrer ma chambre, il y entra sur le poinct que ie commençois à me deshabiller. Aussi-tost il se vint ietter a mes pieds,& me prit vne main qu'il baisa, sans que i'y fisse nulle refistance, car ie sus si surprise de son arriuee, que i'en faillis à esuanouyr: Toutesois m'estant imaginee, que peut-estre quelque loy bien sorte l'auoit porté à me desobeyr, ie luy demanday, toute tremblante, si mon pere se portoit bien, il me respondit qu'ouy; & qu'est-ce donc; luy dis-ie, qui vous a donné la hardiesse de partir de Lyon,& de mespriser ma desense? mon amour, me repliqua-til, qui m'alloit ofter le moyen de viure, s'il ne m'eust donné la commodité de vous voir: Comment, adioustay-ie, c'est donc vn si soible suject qui vous a porté à me desplaire? Madame, respondit il, le treuuez-vous de fi petite importance, puis qu'il y alloit de la vie de l'homme du monde qui a le plus d'amour pour vous; Et bien Lucindor, repris-ie, toute esmeuë, & tesmoignant vne colere extreme, puis que vous aymez si fort vostre vie, & que ie ne dois auoir soing de ma reputation, ne demeurez pas dauantage en ce lieu, cù l'vne & l'autre ne peuuent estre en seureté. Il vou-

LA DERNIERE PARTIE D'ASTREE, Îut alors me dire quelque chose, mais l'inter? rompant, allez, luy dis-ie, & hastez-vous, sur peine de me voir faire des choses qui vous rapporteroient vn mescontentemet eternel:disant cela ie courus dans ma garderobe, où ie m'enfermay, resoluë de n'en sortir point, tant qu'il feroit dans ma chambre; mais Lucindor estant demeuré au commencement immobile, se leua enfin, enragé du mauuais accueil que ie luy auois fait, & la fureur ayant peint sur son visage tous les traits d'vn desesperé, il sortit & remonta à cheual, sans vouloir seulement prendre vn chappeau que ce ieune homme luy offrit. Aussi tost qu'il sut sorty, ie voulus sçauoir de quel artifice il s'estoit seruy pour me surprendre, & ce ieune homme m'ayant confessé qu'il estoit entré par son moyen, & que Lucindor luy avoit protesté qu'il me feroit vn tres-agreable seruice, ie ne sçay ce que ie ne luy dis point, ie le menaçay au commencement de le faire chasser, mais il me fit tant de pitié, quand ie vis que fondant en larmes, il m'en demanda pardon, que ie n'eus iamais assez de puissance sur moy, pour me resoudre à le faire punir.

Lucindor cependant s'en retournoit chargé de tous les desplaisirs qui peuuent affliger vn homme qui se void mal traitté, & comme sile temps en eust eu plus de compassion que moy, les brouillards se dissiperent, & la Lune qui s'approchoit alors de son plain, parut si belle, qu'elle

fit naistre vn nouueau iour malgré les tenebres où son esprit estoit enueloppé: Cela sut cause qu'ayant fait enuiron trois quarts de lieuë, il apperceut sur sa main gauche vne rouë esleuce de terre, enuiron de huict ou neuf pieds, & à trois ou quatre pas de là vn corps estendu sur la terre ; il se doubta bien que c'estoit celuy de quelque criminel, mais il ne pouuoit iuger, pourquoy ce cadaure, qui deuoit estre sur la rouë, estoit toutesois dessoubs. En fin ayant vn peu resué, il vint à se souvenir de ce qui luy estoit arriué, enuiron en ce mesme endroit, & s'imaginant que peut-estre passant au dessoubs de cette rouë, il auoit heurté ce corps, & l'auoit traisnéapres soy, il commença de croire que c'estoient là les voleurs qu'il auoit soupçonnez, & ce qui acheua de le confirmer en cette creance, ce fut que s'en estant vn peu approché, il vid son chappeau qu'il releua, & puis se mit à continuer son chemin; la seule chose qui le tenoit encore en peine, c'estoit qu'il luy auoit semblé d'ouir rire quelqu'yn, mais tout à coup oyant le cry des chouettes & des chats-huants, qui deuorient ce pauure cadaure, il cognut bien que c'estoient-là ces rieurs, & que la peur luy auoit en quelque sorte offusqué le iugement; Lucin-dor m'a confessé depuis qu'il eust ry de cette auanture, si l'estat où il estoit luy eust permis de receuoir d'autres pensees, que celles qui portoient l'image du desespoir, mais s'il est vray

cequ'il m'en a raconté, il auoit alors vn si grad desplaisse en l'ame, que rien au monde n'eust estécapable de le resiouyr: S'estant donc remis à resuer sur le mauuais traittement que ie luy auois fait, il recommença ses plaintes, & dit tant de choses contre moy, que son chemin finist plustost que ses regrets. Toutes ois la nuiet n'estant pas acheuee, il se fit ouurir le messime logis d'où il estoit party, & s'y arresta iusqu'à ce que les portes de la ville surent ouvertes: A pres cela, il se retira dans sa maison, mais à peine y sur il entré, qu'vne grande sievre le saissist, mais auecque vne telle violence que dans le troisses me iour, car elle estoit continuë, on deses pera desa guerison.

Desia matante estoit parsaittement guerie, & mon pere m'ayant rappellee, iene sus pas plussos de retour, que i'appris que Lucindor estoit prestà mourir: l'auoüe que i'estois grandement en colere cotre luy, mais à cette fascheuse nou-uelle, comme si i'eusse perdu la memoire de sa faute, ie sus si troublee, que mon pere mesme, par les changemens de mon visage, s'apperceut de ma douleur: & certes i'auois quelque raison d'estre sasche de son mal, car lors que evenois à penser que s'il ne m'eust point aymee, il ne se sustres des des durant la nuist pour venir où i'estois, & que par consequent il n'eust pas souffert le vent, la pluye & les autres incommoditez qui accompagnent ordinairement la sin

### LIVRE QUATRIESME.

de cette sascheuse saison, tout cela me donnoit tant de pitié pour luy, que i'eusse voulu s'il m'eust esté possible, auoir la plus grande partie de son mal, pour me punir dequoy i'en auois esté la principale cause. Tous les Myres de Gondebaut surent employez à le secourir, mais à ce qu'il dit, i'eus bien de meilleurs secrets pour sa guerison, car il est certain que dés qu'il sceut que ie luy pardonnois sa desobeyssance, il commença de se porter mieux, & de sait, douze ou quinze iours apres mon retour, il sortit du list.

Cerinte cependant auoit entierement gagné l'inclination de mon pere, & toutefois ne voulant pas espouser vne ennemie, il faisoit tout ce qui luy estoit possible pour me vaincre; mais enfin cognoissant que Lucindor auoit plus de part en mes faueurs, & que ie le voyois plus fauorablement que luy, il en entra presque en fureur; deslors il fit dessein de me tesmoigner au plustost le ressentiment qu'il en auoit, & voicy comme il y proceda. Vn soir que Lucindor & luy, estoient venus tenir compagnie à mộ pere, apres quelques discours communs, ie priay Cerinte de chanter; alors ayant pris mon Luth, la Mufique, me dit il, est fort ingratte à la douleur; toutefois, adiouta-til, puis que vous me le commandez, ie vous diray vn air fort nouueau, & sur lequel vn de mes meilleurs amis a fait des paroles que personne que moy n'a encore

X iiij

Ouyes; disant cela ils assit contre la table, & y appuyant le Luth, il ietta les yeux sur moy, & puis chanta ces vers.

### CHANSON.

Ette ingratte beauté, quelque mal que ie fente, N'a iamais pris le soing de guerir monennuy, Elle ayme mon riual, & veut que ie consente Que si ic meurs pour elle, elle viue pour luy.

Il est vray, ce voleur, ce Tyran la possede, Et lors qu' vn desespoir af flige maraison, Ie voy que le cruel iouyt de mon remede, Et triomphe des yeux, où ie suis en prison.

Mais, Dieux! si cet affront blesse vostre lustice,

Vangez-vous, il est temps de finir ma dou-

Et de permettre enfin que ce couple perisse, Elle parmes disdains, & luy parma valeur.

A ce mot il posa le Luth sur la table, & cessa de chanter: ie rougis à la verité, mais Lucindor au contraire passist, & ie pris bien garde qu'il auoit enuie de tirer quelque esclaircissement de ces paroles; toutesois se voyant en vn lieu où le

respect l'en empeschoit, il se contenta de luy dire, ie trouue Cerinte, que cette chanson est parfaittement belle, & il est croyable que si celuy qui l'a composee, la chante deuant quelqu'vn qui y prenne de l'interest, ils aurot des affaires à demesler ensemble? peut-estre, respondit Cerinte n'a telle esté saite que pour cela; alors ils se regarderent, mais auec vne froideur qui defilla fi parfaittement les yeux de mon pere, qu'il sortit de l'aueuglement où mes artifices l'auoient si long-temps retenu: il cognut donc le sujet de leur querelle, & deslors faisant dessein d'en arrester le cours, il les prit par la main, & les ayant menez dans son cabinet, leur dit tant de choses, qu'enfin il les fit amis: & par ce qu'il iugea bien que pour faire mourir en eux l'effect de leur mauuaise volonté, il en faloit esteindre la cause, il leur iura qu'il m'auoit donnee à Theombre, & que ie receuois ce party fort agreablement. Lucindor en faillit à creuer de despit, & repassant par la chambre où l'estois, il se retira sans se souvenir seulement de me donner le bon-soir, mais soudain qu'il sut arriué en son logis, il fit ces vers que ie receus le lendemain.

### SONNET.

Vous, que mon desespoir accuse iuste-

Beaux yeux à mon dommage aussi doux qu'infidelles,

Vous auez donc rendu vos flames criminelles, Par l'enorme peché de vostre changement!

Amour!il est donc vray, que si legerement Leurs faueurs que ma foy deuoit rendre eternelles,

Ont cedé le triomphe a des ardeurs nouuelles,

Et que leur trahison l'a fait impunément?

Ah! d'un Amant trompé, triste & cruel exemple,

Qu'on ne me parle plus, ny de Ciel, ny de Tem-

l'abandonne les Dieux , ie quitte leurs Autels.

Ie blaspheme desia sans crainte de supplice, Ausi-bien voudroient-ils condamner les mortels, Si ma Deesse mesme a fait vne iniustice?

Ces vers me firent parfaittement cognoistre son transport, mais ils ne me donnerent pas pour celales moyens d'y remedier, car en effect mon pere me remit à Theombre, & ce Cheualier m'ayant espousee memmena chez luy au bout de sept ou huict iours ; l'affection pourtant de Lucindor & de Cerinte ne mourut pas dans mon esloignement: au contraîre, il sembla que mon absence sust sa nourriture, & ce qui me le fit cognoistre, ce fut que Theombre estant mort ils recommencerent leurs poursuittes, & comme si le Ciel leur eust voulu oster toutes sortes d'obstacles, ie perdis mon pere, fort peu de temps apres mon mary. Toutefois ne pouuant alors me resoudre à faire beaucoup plus d'estat de l'vn que de l'autre, ie consentis facile. ment a la resolution que nous prismes tous ensemble, qui estoit de consulter l'Oracle d'Amour & de sa Mere dans le Temple de Venus, duquel vous auez sceu les responces, nostre Iuge, aussi bien que le recit de nostre vie, dont le repos depend desormais de vostre ordonnance.

A ce mot Florice seteut, & Philis s'estant leuee, prit Ligdamon & Celidee par la main, & ayant demandé à Florice s'il n'y auoit point de danger qu'Adamas & Alexis sussent appellez à ce conseil, elle luy respondit qu'il n'y auoit point de particuliere desense pour cela; de sorte que le Druyde & Celadon s'estants ioints à Philis, Celidee, & Ligdamon, ils se separerent vn peu de la trouppe, & apres auoir ditchacun son opinion à Philis, elle les vintretrouuer, & s'estant assise, profera tout haut ces paroles.

Puis que les Dieux ont voulu que vos differends me fussent exposez, & qu'ils ont ordonné que mon iugement vous seroit vne loy inuiolable, apres l'aduis de ceux qui ont assisté à cette deliberation; l'ay jugé qu'ayants toutes trois vne obligation presque esgale à ceux qui ont eu la gloire de vous seruir, il faut de necessité que les Dieux fassent particulierement cognoistre qui de ces Cheualiers vous a esté destiné pour mary : l'ordonne donc que le sort en fera la decision, & que chacune de vous ayant les yeux bouchez, aussi bien que les deux Amants, de qui elle aura esté maistresse, se fera elle mesme sa destinee, & qu'elle espousera celuy qui luy tombera le premier entre les mains, sans qu'il soit permis à ceux que le malheur aura essoignez de cette possession. de murmurer, ny contre moy, ny contre le Ciel, dont la volonté est telle que ie la vous expose.

En cet instant Philis se leua, & ayant pris des mouchoirs, boucha premierement les yeux à Circeine, puis à Clorian & à Alcandre, & les

ayant menez en l'yn des coings de la gallerie, elle donna deux petites clefs à Clorian, & deux à Alcandre, afin que faisants yn peu de bruit, Circeine sceust où les chercher. Apres cela leur ayant fait faire plusieurs tours, & leur ayant donné le signal qui leur permettoir de commencer leur recherche, Circeine partit au son des clefs, & s'en alla aueuglément où la conduisit son Genie: le premier qu'elle rencontra fut Alcandre, qui se voyant plus heureux que son riual, embrassa Circeine si estroittement, qu'il eust esté bien difficile qu'elle luy eust eschappé. Apres cela Philis prit leurs mouchoirs, & les ayant mis à Palinice, à Sileine, & à Amilcar, elle observa les mesmes ceremonies qu'elle auoit pratiquees pour Circeine, iusqu'à ce qu'en fin elle demeura en la puissance de Sileine: Florice les suivit incontinent, & comme il luy restoit encore quelque inclination pour Lucindor, les Dieux fauoriserent ses desirs, & firent qu'elle le rencontra plustost que Cerinte, dequoy elle parut si satisfaite, qu'ils demeurerent quelque temps à s'embrasser; sans dire seulement vne parole: Cependant Cerinte cherchoit tousiours, & Hylas ayant osté doucement les clefs à Lucindor, fit du bruit, comme si Florice l'eust encore cherché; enfin se lassant de le voir dans cette vaine & inutile recherches il s'alla ietter entre ses bras, & l'embrassa: Ce-

LA DERNIERE PARTIE D'ASTREE, rinte qui creut au commencement que c'estoit Florice, enfin vous estes mienne, dit-il, belle Florice? ouy, respondit Hylas, s'il plaist à Lucindor de vous la donner. Cerinte alors s'estant desbouché, & voyant la trompetie d'Hylas; cruel, luy dit-il, n'estoit-ce pas assez que ie me visse priué de Florice, sans me voir encore mocqué de toy? pourquoy mocqué, repliqua Hylas, ie veux Cerinte, que tu scaches que tu m'as vne obligation nompareille, & qu'en cè moment que tu m'as pris, ie t'ay fait beaucoup plus riche que tu ne penses : O Dieux! réprit Cerinte, est-il possible Hylas, que tu ayes la hardiesse, de continuer encore à me desobliger par tes railleries? le teiure, dit Hylas, que le dis sans raillerie, & qu'ainsi ne soit, escoute si ie ments; N'est-il pas vray que l'amant se transforme en la chose aymee, puis que comme le publie Syluandre, l'ame vist mieux où elle ay-me, qu'où elle anime? que sicela est, pense vn peu en combien de beautez ie suis transformé, & tu verras que m'estant donné à toy, ie ne t'ay pas fait vn moindre present que de cent belles filles que l'ay aymees, en eschange d'v-ne seule, que le hazard a plustost donnee à Lucindor qu'à toy. Chacun se mit à rire de la plaisante pensée d'Hylas; Cerinte seulement, Clorian & Amilcar parurent yn peu mescontents, & resolurent de partir le lendeLIVRE QUATRIESME. 337. main pour aller retreuuer Sigismond, ce qu'ils firent, car Adamas qui partit aussi auec Ligdamon, leur sit compagnie iusques à Marcilly.

Fin du quatriesme Liure.





LA

### DERNIERE PARTIE

## DASTREE

LIVRE CINQVIESME

DAMAS auoit à faire si peir de chemin, qu'il arriua dans Marcilly, bien long temps deuat qu'Amasis ny Galatee sussent esueillees; cela fut cause qu'il s'en alla droit das la chambre de Lindamor, qu'il treuua presque habillé, car l'impatience que son amour luy donoit, ne permettoit pas qu'il demeurast au lict si tard que les autres: & là s'estant informé du suject qui auoit obligé Galatee à le faire reuenir si promptement, Lindamor luy respondit en ces termes, Mon pere, la cause pour laquelle cette Nymphe vous a donné la peine de venir, nous touche elle & moy esgallement, c'est pour cela que ie vous en feray le discours, afin que vous n'en soyez pas plus longuement en peine: Sça-Dern. part

LA DERNIERE PARTIE D'ASTRÉE, 340 chez donc, mon pere, qu'en l'estat où ie suis, ie tiens que ma vie depend absolument de trois personnes, qui sont Amasis, Galatce, & vous, Peut-estre Amasis se souviendra de mes seruices, & des que mon intention luy sera cognuë, il se peut faire qu'elle ne me refusera pas vn bien pour lequel i'ay desiatant de fois souspiré: Galatee est presque toute vaincue, & st cela se peut dire sans vanité, elle a des desirs qui sont entierement à mon auantage; il reste seulement que vous preniez le soing de me secourir en cette occasió, & de me fauoriser de vostre credit aupres de la Nymphe, puis qu'il n'est perfonne qui puisse tant aupres d'elle que vous, de qui la prudence luy est si cognuë, que pour l'o-bliger à faire quelque chose, ie croy qu'il ne faut point d'autre charme que vostre approbation: Mais mon pere, continua til, afin que vous cognoissiez le desespoir oùie me verrois reduit, si mon dessein n'auoit pas vn succez aussi heureux que ie le desire, ie vous seray vn particu-lier recit de mon amour, & des autres accidens de ma vie; pourueu que vous me pardonniez la faute que l'ay faite, vous ayant caché si longtemps vn interest qui ne me sçauroit estre que funelte, sans l'assistance que vous m'y pouuez donner. A ce mot le Cheualier se teut, & ayant prié le Druyde de s'asseoir, il se mit aupres de luy, & commença de se preparer à luy faire vn long recit de tout ce qui s'estoit passé entre luy

Galatee; mais Adamas qui le sçavioit dessa parfaittement, & à qui Leonide l'auoit raconté, le preuint, & luy dit : Braue Lindamor, vous m'auez creu plus ignorat de vos affaires, & que ie ne suis, & sans que vous vous mettiez en peine de m'apprendre ce qui regarde vostre amour, ie vous aduertis que l'en sçay tant de choses, que peut-estre serez vous bien estonné, quand ie vous en raconteray iusqu'aux moindres particularitez, & pour marque, adioustac'il, que ie ne ments pas, n'est-il pas vray que ce sut Lindamor qui vint dessier Polemas, & qui l'ayant vaincu, se retira sans vouloir estre cogneu de personne? Ne vous souuenez-vous point d'auoir esté vestu quelquesois en Iardinier, & d'auoir donné à Galatee vn cœur qu'elle receut viuant, au lieu qu'elle s'attendoit de le prendre mort? Ce soir la mesme, ne vous fitelle point de promesses, & ne iura-telle pas qu'elle ne réfuseroit iamais son consentement, aux desirs que vous autiez dela posseder? Voyez vous Lindamor, ie sçay tout ce qui vous touche, & vous n'en deuez pas estre marry, puisque ie vous honore si fort, que ie me seruiray tousjours plustost de cette cognoissance pour vous fauoriser, que pour vous nuire: le vous dis donc que si vous auez iamais en quelque suiect de bien esperer de vostre fortune, c'est maintenant que tout contribue à vous rendre heureux, & qu'il n'est pas iusqu'aux cendres de Polemas qui

342 LA DERNIERE PARTIE D'ASTREE, ne parlent de ce qu'on doit à vostre courage; ie vous conseille seulement de vous y gouverner auecque discretion, afin que si vostre passion esclattoit, cela n'offençast en quelque façon Amasis ou Galatee; Lindamor escouta fort attentiuement tout ce que le Druyde luy dit, & ne fut pas long-temps sans cognoistre qu'autre que Leonide ne luy pouvoit avoir appris tou-tes ces nouvelles; Toutesois ne voulant pas perdre du temps à la condamner, il sit semblant d'estre bien-aise qu'il eust sceu la verité de tout, puis il luy respondit de cette sorte, Mon pere, puisque vous n'ignorez pas vn seul des accidéts de ma vie, & que vous sçauez bien que si on me refuse Galatee, ie ne dois iamais viute content, ie vous supplie le plus humblement que ie puis de me dire quels sont les moyens qui me la peunent faire obtenis: ie croy qu'vne seule de vos persuasions sera plus puissante pour toucher Amass, que tout ce que l'ay sait pour el-le, qui pour en parler sainement, n'est pas si considerable que l'en deusse esperer vne recompense si belle qu'est cette Nymphe; C'est pourquoy ie vous coniure par tous les effects que la pitié peut produire dans vne ame capable de la ressentir d'en vouloir faire la proposition à Amasis, & de luy representer que s'il saut vn iour que Galatee soit le prix de l'amour, & des seruices de quelqu'vn, peut-estre n'en rencontrera-telle iamais qui l'ayme, ny

qui la serue mieux que moy. Lindamor pro fera ce peu de mots auecque tat d'affection qu'A-. damas en fut touché, & pour luy en donner vn tesmoignage: Genereux Lindamor, luy dit-il, vous recognoistrez bien-tost quel est le desir que l'ay de vous voir iouyr des contentements que vous meritez; mais afin que nous fassions ioiier en cecy tous les ressorts qui vous peuuent estre fauorables, ie suis d'auis que vous descouuriez vostre dessein à Sigismond, à Rosileon,& à Godomar, & que vous les obligiez à faire euxmesmes cette demande à la Nymphe : il est croyable qu'elle ne leur sçauroit rien refuser, & quand elle en auroit la volonté, elle ne le fera iamais sans me le communiquer; que si cela arriue, iugez ce que ie ne feray pas pour vous en cette occasion, & si vous ayant promis de vous y seruir, i'espargneray ny mon credit, ny mes persuasions. A ce mot Lindamor prit la main du Druyde qu'il baisa, & ayant protesté qu'il executeroit son conseil de poinct en poinct, il se leua pour enuoyer sçanoir si Galatee n'estoit point encore leuee; mais Adamas qui n'auoit pas beaucoup d'enuie de la voir, de peur qu'elle luy fist quelques reproches, dequoy il estoit party le iour auparauant sans luy dire adieu, Seigneur Cheualier, dit il à Lindamor, si la NympheGalatee n'a rie de plus particulier à me dire, vous luy pourrez rédre copte de mo voyage, & des choses dont nous nous sommes entretenus;

LA DERNIERE PARTIE D'ASTREE, pour moy i'ay fait dessein de m'é retourner, car les hostes que i'ay chez moy ne me permettent pas de faire icy plus de sejour: à propos de ces hostes, ditLindamor en l'interrompant, ie pense qu'elle eust esté bien-aise de vous en demander des nouvelles, car elle se plaint dequoy elle ne les a point veus lors qu'ils sont partis: ils sçauent si peu, respondit Adamas ce qu'il faut obseruer en semblables occasions, qu'ils sont pardonnables s'ils ne se sont point acquittez de ce qu'ils deuoient à la grandeur d'Amasis & de Galatée; maisie me promets que vous ferez leurs excuses, & ie ne vous en aurois pas remis le soing, n'eust esté que l'ay creu que mesme vostre re-pos demande qu'Amasis ne sçache pas que ie sois venu pour vos affaires, de peur qu'elle me tienne pour suspect, & qu'elle pense que i'aye plus d'interest pour vostre contentement particulier que pour le bien de son seruice: Lindamor treuua cette consideration si puissante, qu'il consentit à tout ce qu'Adamas voulut, ainsi le Druyde partit, & la premiere chose qui se presenta à sa pensée durant son chemin, sut l'opiniastreté de Celadon, & son obstination à fuyr les occasions qui le pouuoient faire cognoistre à sa bergere: toutefois ne pouuant en deuiner la calife; il resolut, quoy qu'il en deust arriuer, de ne souffrir plus que cette tromperie durast.

Cependant le berger s'estoit esueillé, & par-

#### LIVRE CINQVIESME.

ce qu'il estoit couché dans la mesme chambre, où dormoit Astree, Diane & Phillis, car elles woulurent viure chez Adamas, auec la mesme liberté qu'elles auoient chez Phocion; il n'ouurit pas plustost les yeux pour en laisser sortir le sommeil, qu'il ouurit son rideau, & porta curieusement la veuë sur le lictoù sa bergere reposoit: mais Astree qui s'esueilla presque en mesine temps; Ie prie les Dieux, luy dit-elle que ce iour soit aussi heureux à ma belle maistresse que ie luy desire. Celadon alors, il ne faut pas, luy respondit-il en souspirant, me le souhaitter, puisqu'il depend de vous de me le donner tel que vous voudrez! Ah Dieu, que dittes-vous, adiousta la Bergere, ie vous iure, quesi celà estoit, vous n'en auriez iamais de malheureux, car ie vous ayme trop pour ne faire pas tout ce qui me seroit possible pour yostre contentement; le vous proteste, reprit la seinte Druyde, que l'affection que i'ay pour vous, est allee iusques là, que vous pouuez ce que ie vous dis, & que le iour le plus doux de ma vie me seroit suneste s'il ne vous estoit aggreable, comme le plus funeste me seroit doux si vous y receuiez du plaisir: Vous en diriez tant, ma maistresse, repliqua Astree, que vous me donnerez de la vanité, ou que vous me ferez soupçonner que vous auez quelque dessein de vous mocquer de moy; le Berger vouloit respondre, quand il prit garde que Diane & Phillis

Y iiij

346 LA DERNIERE PARTIE D'ASTREE; s'estoient esueillees au bruit qu'ils auoient desia fait en parlant, cela fut cause qu'il se teut pour ouyr Diane, qui s'estant vn peu frotté les yeux, & se tournant de son costé, Madame, dit-elle, ie pense que vous, ny Astree n'auez point dormy de toute la nuiet, car ie m'endormis hyer cependant que vous vous entreteniez, & maintenant que ie me suis esueillee, i'ay ouy que vous continuiez encore? auoue, respondit Alexis, que si cette belle fille eust eu autant de force pour vaincre le sommeil, que i'en auois de resolution, peut-estre eussions-nous passé la nuict à discourir ensemble: En verité, dit Astree, ie n'auois pas trop de volonté de dormir, mais la crainte que i'eus de vous estre importune, fut cause que ie cessay la premiere de parler: Cette consideration, reprit Alexis, ne vous deuoit pas fermer la bouche, car l'attends bien plus de repos de vos paroles que du fommeil; & bien, repliqua la bergere, il est croyable que nous en iotivrons quelque iour, de cet agreable repos, pourueu que vous vous hastiez d'accomplir la promesse que vous m'auez faite. Celadon se preparoit de parler, quand Philis le preuenant, mon Dieu, dit-elle à Astree, qu'il vous tarde d'estre aupres de cette belle Druyde, & de viure aucc elle en quelque lieu, où nostre presencene vous puisse plus diuertir; ie meure si l'estois où est Diane, ie vous ietterois hors du liet, afin que vous allassiez de bonne-heure prédre

possession de la place que vous desirez: disant cela elle commença de pousser Diane,& Diane Astree, mais auecque tant de force, qu'Astree estoit desia a moitié hors du list: enfin craignat qu'elles la fissent tomber tout à fait; Diane, s'escria-telle en sousriant, vous n'estes pas plus sage qu'il ne faut de me youloir chasser d'aupres de yous, sans sçauoir premierement si ma maistresse voudroit prendre la peine de me receuoir? la loy, respondit Alexis, qui nous desend de laisser coucher personne auecque nous, n'est pas si estroitte, qu'elle ne permette bien que ie vous y reçoiue en cette necessité, à ce mot elle ouurit les bras, & se pancha vn peu sur le costé, comme luy faisant signe qu'elle y vint, mais par malheur sa chemise s'ouurant à l'endroit de l'estomach, laissa sortir le ruban où estoit attaché le portraict d'Astree, aussi bien que la bague qu'il luy auoit attachee, quand son desespoir le fit precipiter dans Lignon: dequoy Astree s'estant apperceuë, & se remettant en memoire combien la couleur de ce ruban estoit semblable à celle du nœud que Celadon luy auoit pris, elle changea de visage, & sans pounoir retirer. ses yeux de dessus cet obiect, demeura assez logtemps sans dire vne seule parole. Le Berger cependant qui l'attendoit s'estonna'd'vn changement si soudain, & ne put s'empescher de luy en demander la cause, à quoy Astree respondit, ie vous iure, ma maistresse, que ie suis si rauie de

LA DERNIERE PARTIE D'ASTREE, voir ce que vous portez sut vostre gorge, que ie ne puis retirer ma pensee d'vn accident qui m'a desia presque sait mourir; Celadon alors baissant la veue, & voyant hors de sa chemise ces chers gages de l'amour & de la ialousie d'A-Arce, qu'il auoit iusqu'alors cachez auecque tát de soing, peu s'en fallut qu'il ne se pasmast:toutesois s'imaginant que pour la tromper mieux; il salloit tenir bonne mine, il se remit bien-tost, & feignant de sousrire; mon seruiteur, luy ditil,ce que vous auez veu ne vous doit pas mettre en peine, ie vous le motreray de plus pres quad vous voudrez, & vous diray librement de qui ie le ties, pour ueu que vous m'assuriez que vous n'en serezpoint ialouse: Disant cela il remit le ruban où il deuoit estre, pour n'estre point veu, & Astree qui mouroit d'impatience; ie confesse, dit-elle, que ie serois la plus coupable du mode, si iene receuois dés maintenant l'offre quevous me faites, & si ie ne me guerissois l'esprit du trouble où cette veuë l'a mis; à ce mot elle se ietta en bas du lictoù elle estoit pour aller dans celuy de Celadó:mais à peine fut-elle au milieu de la chambre, qu'elle s'ouit nommer sur le degré,&parce qu'elle eut peur que ce ne fust quelqu'vn qui les vint visiter, comme Adamas & Leonide, elle s'en retourna le plus viste qu'elle put, & se remit dans son list, bien que Diane & Phillis fisset vn peu de difficulté de l'y receuoir. En ce mesme temps Leonide entra, & Dieu sçait

LIVRE CINQUIESME quel fut le contentement de Celadon, se voyant deliuré de la peine où l'auoit mis la curiosité d'Astrec: mais quelque grande que sust sa ioye, elle ne fut en rien comparable à l'estonnement de Diane, voyant que Leonide n'estoit venuë dans leur chabre que pour y amener Bellinde, toutesois cette belle Bergere dissimulant le desplaisir que l'arriuee de sa mere luy auoit causé, reccut ses embrassemens & ses caresses auec vn tres grand tesmoignage de cotentement : Phillis & Astree en firent de mesme, & cependant Leonide s'estant approchee du liet de Celadon, luy demada come il auoit reposé, à quoy le Bergerrespodit, sage Nymphe, la nuict m'a esté bie plus douce que ne le deuoit permettre la cruauté de mon destin, qui trouue tousiours quelque. nouueau moyen de m'affliger: Leonide alors vn peu surprise, & quoy luy demanda-telle, estil suruenu depuis hyer quelque nouuel accidét? il en est arriué vn si funeste, repliqua Celadon, que si vous eussiez demeuré encor vne heure à venir, i'allois tomber dans la plus estrage peine où iamais Amant air esté reduir: alors il luy raconta de quelle façonle nœud, le portrai&, & de la bague d'Astree auoient paru par l'ouuerture de sa chemise, sur l'endroit de son estomach, & comme Astree s'en estoitapperceuë, iusqu'à le tesmoigner par les changemets de son visage:il luy dit encore le dessein qu'auoit eu cetteBerge-

re de se venir mettre das son liet, pour s'esclair-

30 La Derniere partie d'Astree,

cir de la doute où cet obiect l'auoit mise; & en fin la peine où il estoit de trouuer quelque inuention capable de la tromper.Leonide apres auoir ouy tout ce discours : En verité, dit-elle, les Dieux vous puniront du tort que vous faites à vostre Bergere, luy differat auec tant d'opinia-streté le plaisir qu'elle auroit de vous cognoistre; mais si vous me croyez, vous ne perdrez pas dauantage de temps, & chercherez auiourd'huy quelque commodité, pour luy dire de bouche, ce que vos yeux luy auroient mille fois persuadé, si elle en eut bien entendu le langa-ge: que mes malheurs, dit Celadon, se rendent eternels, si ie ne desirerois auec passion sçauoir desia quelbien ou quel mal i'en dois attendre; car yous yous imaginez bien que dans les irrefolutions où nous sommes, ie ne suis pas celuy qui souffre le moins; & bien, reprit Leonide, i'en parleray a mõ oncle, & luy diray combien librement vous vous sousmettez à tout ce qu'il ordonnera sur ce su ect, cependant ie suis d'auis que vous me remettiez entre les mains ce nœud, ce portraict & cette bague, afin que si Astree vient à vous en demander des nouvelles, ie vous sois vne excuse legitime pour luy refuser ce contentement? Officieuse Leonide, respondit Celadon, sans que ie vous les donne, ie pourray bien luy dire que vous les auez, & ie ne mentiray pas quand ie luy iureray que vous me les auez demandez; mais pardonnez-moy

si ie ne m'en ose pas dessaire, quand ce ne seroit que pour yn moment, car il est tres-vray que la douleur que ie soussiriois durant cette separation, seroit assez forte pour me mettre au hazard de perdre la vie; Leonide qui cognut bien qu'elle n'obtiendroit pas cela sur luy, ne s'y opiniastra pas dauantage, mais ayant dit à Celadó de quelle saçon il deuoit receuoir Bellinde, ce Berger s'en acquitta si bien, & sit ses complimers de si bonne grace, qu'il eust pu deceuoir non pas Bellinde seulement, mais tout le monde enfemble.

Adamas en ce mesme temps reuint de Marcilly, & treuua Paris fort preside sa maison, qui estoit desia party pour luy aller porter les nouuelles de l'arriuee de Bellinde, l'ayant donc ramené, & s'estant informé particulierement du fuccez de son voyage, il luy fit toutes les caresses qu'vn fils peut attendre d'vn pere qui l'ayme parfaittement. Bellinde fut incontinent aduertie du retour du Druyde, cela fut cause qu'elle fortit de la chambre de ces belles filles, pour leur laisser le temps de s'habiller, & pour aller de bone heure s'acquitter de ce qu'elle deuoit à l'affection & à la qualité d'Adamas. A peine ces bergeres commencerent de se leuer, que Diane, quelque contrainte qu'elle se fist, ne put iamais cacher le desplaisir que luy auoit causé la venuë de sa mere, sçachant bien qu'elle n'auoit autre desir que d'acheuer son mariage auecque Paris;

LA DERNIERE PARTIE D'ASTREE, 352 ainsi à chasque espingle qu'elle attachoit sur ses cheueux ou sur sa robe, elle poussoit quelque souspir, dequoy Aftree s'estonna d'abord, & luy en ayant demadé la cause, Diane luy respondit qu'elle ressentoit auecque tant d'excez le contentement que luy avoit apporté le retour de sa mere, qu'elle en estoit come transportee, & que dans la cofusion où son esprit estoit alors, il paroissoit presque plustost affligé que cotent. Phillis qui l'ouyt parler de la forte, ie crains bien, adiousta telle tout à coup, que la ioye de Syluan-drene soit semblable à la vostre, & que le retour de Paris ne donne à son ame vn plaisir qui ne paroistra iamais dans ses yeux: le croy, repliqua Diane, que cela luy sera comme indiffer et, ou que s'il doit estre touché de quelque choses ce sera plustost du contentement de reuoir ma mere, que du regret de reuoit Paris, Ie ne sçay ce qui en sera, reprit Phillis, mais iene voudrois pas que tous les plaisirs que l'atteds en la possession de Lycidas, fussent semblables à celuy que Syluandre receura quand on luy donera cette nouuelle; voyez-vous Diane, ie cognois si bien son humeur, que i'oserois iurer qu'il n'en sera pas feulement affligé, mais desesperé: car quelque mine que vous en fassiez, vous sçauez bien qu'il atrop de iugement, pour ne cognoistre pas que toute cette partie est faite pour vous donner à Paris, ce qui est le plus sanglant outrage qu'il puisse iamais receuoir. Ah Dieux! dit la Berge-

353

re, la larme à l'œil, que vous estes cruelle, ma sœur, de me tenir ce discours; disant cela, elle rougit, puis elle adiousta; & ne voyez vous pas que puisque Syluandre a du iugement, il ne treuuera pas estrange que i'obeysse à Bellinde, & que l'obserue ses volontez, comme des loix qui me doiuent estre inuiolables? Ie ne dis pas, respondit Phillis, qu'il condamne vostre obeyssance, mais ie dis bien qu'il s'en affligera, & que peut-estre la douleur qu'il en ressentira sera si violente, qu'elle luy fera faire quelque funeste resolution. Diane alors pliant les espaules,& leuant les yeux au Ciel: Vueillent les Dieux, dit-elle, luy donner ce qu'il merite, ce que ic luy accorderois s'il ne dépendoit que de moy, de le rendre heureux; En verité, dit Phillis, voila qui luy fera grand bien, cependant que vous donnerez à vn autre vos plus particulieres faueurs, il faudra pour la recompense de tous ses seruices, qu'il se contente d'vn simple souhait que vous aurez fait à son auantage : le meure, vous estes gratieuse, adiousta Diane, & que voudriez-vous que ie fisse pour luy, en l'estat où ie suis? ne pouuant seulement rien faire pour moimesme; ie n'oserois dire, repliqua Phillis, ce que ie voudrois que vous fissiez; mais iesçay bien ce que deuroit faire vne fille qui auroit du courage, & ce que ie ferois moy mesme, si i'estois reduitte en cette extremité: Ma compagne, reprit Diane, yous estes si sage que yous fouffririez vostre disgrace, sans oser seulement vous plaindre de l'iniustice qu'on vous feroit, aussi est-ce la resolution que s'ay prise & que s'executeray, quelques malheurs que mon dessin me prepare. Diane accompagna ces dernieres paroles d'vne certaine action, qui sit bien cognoistre à Astree & à Phillis, qu'elle ne parsoit pas contre son sentiment; commençans donc de bonne heure à plaindre le sort de Syluandre, elles acheuerent des habiller, puis toutes ensemble descendirent où Adamas & Bellinde estoient.

D'autre costé Ligonias quisçauoit bien qu'il nepouuoit faire vn plus grand plaisir à Sigismond, ny vn plus grand seruice à Amasis, que d'emmener promptement hors du Forests les troupes qui auoient esté remises soubs sa conduitte, leur fir faire la plus grande iournee qu'il pur, & les fit coucher bien auant dans les terres duRoy des Bourguignons, le lendemain il les fit partir de bonmatin, & leur fit faire vne si grande diligence, que sur la nuict ils arriverent tous à Lyon. Incontinent Ligonias s'alla ietter aux pieds de Gondebaut, & luy rendit vn comte si particulier de tout ce qui s'estoit passé en la desfaitte de Polemas, que ce Roy offensé de l'éuenement qu'auoient eu les desseins de ce Cheualier, tourna toute sa colere contre Sigismod, comme s'il eust esté le principal autheur de sa ruine. A cela sa ialousie le poussa extremément,

CAL

car venant à se souvenir que sa fuitte n'auoit pas esté si tost pour donner quelque secours à Godomar, que pour faire voir des preuues de son amour à Dorinde, peu s'en fallut que ce despit ne luy troubast le iugement; Il sut ainsi affez long temps fans dire seulement vne parole; en fin apres auoir fait cinq ou six tours par lachambre: ie me doubtois bien, dit-il, que la desobeyssance de Sigismond me causeroit yn desplaisir extremement sensible, mais ie perdray la qualité de Roy, ou ie luy feray cognoistre bien tost, qu'il n'est pas moins indigne de viure, que de porter le nom de mon fils, à ce mot il se teut, & Ligonias iugeant bien que dans la violence de cette colere, il n'y auoit pas apparence de rien dire pour la défense de Sigismond, tint tousiours les yeux baissez, iusqu'à ce qu'il ouyt que le Roy reprehant la parole: mais Ligonias, huy dit-il, quand yous avez esté obligéa me ramener mes trouppes, & que Sigismond vous en a remis la commission, est-il possible que cet ingrat les ait veu partir sans quelque ressentiment de douleur, ou de ioye? Seigneur, respondit Ligorias, de croy qu'il a estétouché de tous les deux , carevostre courroux le tient dans vne affliction nompateille & ie sçay bien qu'il n'a pas esté marry qu' A mass ait esté deliuree, pour un temps, des mortelles craintes où vostre puissance la retenoit: & pour marque de cela, lors que ie luy dis adieu, allez,

me dit-il, Ligonias, rendre au Roy monseigneur & mon pere, des hommes qui meritent d'estre employez en de meilleures occasions, & parce que vous le treuuerez en colere contre mon frere & cotre moy, suppliez-le qu'il nous pardonne, & representez-luy qu'il seroit bien plus iuste que les deux fils qui luy restent sussent desormais l'appuy de sa couronne, que l'obiect

hayne & de ses armes.

Ligonias dit ces dernieres paroles, auec vn ton de voix qui toucha le Roy sensiblement, car en fin quelque violent que fust son transport, il n'estoit pas capable de luy faire oublier que ceux dont il accusoit l'inclination, estoient les mesmes à qui il auoit autresois donné la naissance & la nourriture: toutesois craignant en quelque faço que Ligonias eust inuenté ce qu'il venoit de luy dire; ie ne croiray iamais, adiousta til, que le repentir puisse entrer dans vne ame, cù l'ingratitude regne auecque tant d'authorité; Si vostre Majesté, repliqua Ligonias, doubte de ce que l'ay dit, l'ay entre les mains deguoy le verifier; disant cela, il prit garde que Gondebaut s'arresta pour le regarder: s'imaginant donc qu'il ne pouuoit mieux prendre son temps pour luy remettre la lettre que Sigismond luy escriuoit, il la tira de sa pochette, & mettant vn genoùil en terre, la presenta auRoy; en ce momet Gondebaut chagea deux ou trois fois de couleur, disputant entre l'affection & le

LIVRE CINQUIESME. 357 despit, toutesois l'amitiése trouuant plus sorte en suy que toute autre consideration, il la receut ensin, & l'ayant ouuerte, il y seut ces mesmes mots.

# LETTRE DE SIGSIMOND A GONDEBAYT.

NONEIGNEVR, si l'extre-IVI me colere où vous estes contre moy, n'a pas fait mourir dans vostre ame toute sorte de pitie, receuez en pour ce peu de lignes, co croyez qu'elles ne sont pas, co mme moy, tout à fait indignes de vos regards: vous y verrez la peine où me retient le regret de vous auoir despleu, o si vous leur laissez quelque esperance de vous pouuoir toucher, elles ne manqueront pas de paroles pour vous bien parler de mon repentir; en effect celuy que ie ressens surpasse de beaucoup mo crime, mais ie desire que l'un & l'autre soiet moindres que vostre copasion. Ie ne vous disrien, MON-SEIGNEVR, de mes actios passees, c'est

578 LA DERNIERE PARTIE D'ASTREE,

assez que ie sçache qu'elles vous ont fasche, pour iuger que ce seroit mesme vne grande faute que d'entreprendre de les iustifier; ie vous supplieray seulement de considerer qu'elles n'ont pas esté si criminelles, qu'elles puissent auecque iustice auoir merité vostre hayne & mon bannissement. Toutefois, si c'est un Arrest que vous ayez prononce, ie ne veux pas murmurer contre vos ordonnances; mais i ose vous demander que l'interest d'Amasis ne soit pas meste dans ma disgrace. Cette grande Nymphe desire de vous vne paix que son innocence merite, & si vous luy refusez cette faueur, il est à craindre que vous n'ayez à combattre tout le monde, & qu'aymant l'equité, comme vous faites, vous ne deueniez vous mesmes vostre ennemy: en vn moment vous pouuez remedier a tous ces desordres, & receuant l'amitie de cette Princesse, vous vanter de l'auoir vaincue par les armes de vostre bonté. C'est la derniere grace que i<sup>e</sup> vous demande, en attendant que le retour de ce

Cheualier m'apprenne si Godomar doit estre aussi miserable que moy, of sine pouuants attendre vn pardon de vous, il faudra que le desespoir triomphe de ceux à qui le Ciel eust fait vne faueur, s'il ne leureust iamais donné de vie, puis qu'il estoit fatal qu'ils la perdissent hors de vostre seruice of de vostre amitié.

Durant que Gondebaut leut cette lettre, Ligonias prit garde à tous ses mouuements, & les observasibien, qu'il en conceut vne tresbonne esperance pour le succez de son voyage: il vid que le Roy tira son mouchoir, dont il se frotta deux ou trois fois les yeux, puis il ouyt qu'il souspira plusieurs fois, & qu'en fin haussant la voix, ce qu'il me demande, dit-il, est d'assez grande consequence pour m'y faire penser, ie verray ceque i'auray à resoudre là dessus, & demain vous en sçaurez la responce; disant cela, il commença encore à se promener par la chambre,& Ligonias voulut fortir, mais en ce mesme temps Clotilde entra, à qui Gondebaut ayant montré la lettre de Sigilmond, & Ligonias Payat vn peu entretenuë du suject de son voyage, elle ioignit ses prieres à celles du Cheualier, & sceut sibien persuader le Roy, qu'ence moment elle tira de luy toutes fauorables promes-

Z iij

360 LA DERNIERE PARTIE D'ASTREE, fes qu'il pouvoit faire à l'avantage de Sigif-mond & de Godomar.

Les affaires d'Amasis & de ces Princes estoier en cet estat, cependant qu'Adamas, comme i'ay desia dit, estoit auecque Bellinde, & luy faisoit toutes les honnestes caresses dont il se pouvoit souvenir. Il se pourmenoit alors auec elle dans vne sale basse, où Alexis, Diane, Astree & Phillis, estoient desia descenduës, & presque au mesme temps Circeine, Doris, Florice, Palinice, Delphire, Dorisee & les autres y arriverent, qui saluants Bellinde, la firent estonner dequoy elle voyoit en elles tant de grace & de beauté; Peu detemps apres Paris entra, qui les salüa toutes, mais auec vn contentement qui n'estoit pas moindre, que l'estonnement de Diane & le repentir dont elle se vid touchee, pour luy auoir donné la permission d'aller proposer son mariage à sa mere.

Ils estoient encore dans ce complimét, quand ils virent entrer dans la sale vn berger, qu'a l'abord ils ne cognurét point, il auoit le teint passe comme vn home mort, les yeux extremément ensoncez dans la teste, sur laquelle on ne voyoit presque point de cheueux, les sourcils sort logs, les ioües toutes descharnees, vne contenance languissante, & vne desmarche quiresmoignoit assez la soiblesse qui estoit en luy: Soudain qu'il sut entré, il sit la reuerence au Druyde & à Bellinde, qui au commencement le receurent auec

LIVRE CINQUIESME. assez de froideur; mais enfin Adamas l'ayant consideré vn peu plus attentiuement, ô Dieux. dit-il, en l'embrassant, vous voicy Adraste, & d'où vient que nous vous voyons si tost de retour & si changé? Au nom d'Adraste toutes les bergeres s'approcheret, & Doris ne croyant pas qu'il deust iamais reuenir sans Palemon, commença d'abord à se troubler, & à donner place aux soupçons qui faisoient naistre en elle vne secrette crainte de ne le reuoir plus; suiuant doc les premiers mouuements de la peur qui la possedoit, elle s'approcha tout à fait de luy, & soudain qu'il eut respondu au Druyde, mais Adraste, luy dit elle, quelles nouuelles me donnerezvous de Palemon ? le berger alors la regardant auec vn sousris meslé d'vn peu de froideur, meilleures, luy respondit-il, Belle Doris, que vous ne les attendez, si par la passeur que ie vois peinte sur vostre visage, il m'est permis de iuger del'estat où est maintenant vostre esprit: Vous pouvez bien, adiousta-telle, m'en donner de meilleures que ie n'en attends, mais s'il n'est pas de retour aussi bien que vous, il est impossible que vous m'en donniez de si bonnes que i'en desire, ie voudrois bien, repliquale Berger, que vous pussiez iouyr de ce contentemét, mais puisque le Cielvous en veut encore priuer, ie croy que tout ce que ie puis faire de mieux pour vostre satisfaction, c'est de vous rendre


compte de ses actions & des miennes, depuis

Z iiij

362 LA DERNIERE PARTIE D'ASTREE, nostre depart d'aupres de vous, iusqu'au temps qui le separa de moy. A ce mot il se retiravn peu, comme ayant enuie de l'en entretenir en particulier; mais Adamas qui n'en auoit peutestre pas moins de curiosité qu'elle, l'arresta, & luy dit que si les nouvelles qu'il devoit raconter à Doris n'auoient pas besoin d'vn trop grand secret, il seroit bien aise de les apprendre ; à quoy le Berger s'estant disposé d'obeyr, apres s'estre excusé seulement sur l'apprehension que son discours fust importunà la compagnie, le Druyde le fit asseoir, & tous les autres s'estants mis autour de luy, il tourna ses yeux languissans fur Doris, & puis commença son discours en cette sorte.

111

# DE L'HISTOIRE D'ADRASTE



seroient encores moindres que mon silence: mais puis que les Dieux ont permis que mes afflictions, soit en leur naissance, soit en leur progres, ayent esté cogneuës & pleurees presque de tous, ie vous coniure dene pas trouuer mauuais si leur fin à le mesmesort que leur commécement & leur continuation. Ie sçay bien que vostre rigueur condamnera comme criminelles toutes les passions que ie resens; mais quand vous sçaurez que dans leur extremité mesme, elles ne sçauroient desplaire à Palemon, il est croyable que vous en seréz touchée, & que vous ne serez pas si peu sensible à la compassion, que vous n'en ayez pour moy, autant que vostre vertuvousle pourra permettre. Puisse-ie mourir fiie porte mon ambition plus auant, &'fiie ne me croirois digne du plus grand supplice qui ait iamais esté inuenté, si iene mesurois mo amour à vostre deuoir & à ma discretion; ie vous ay dit tout cela, belleDoris, afin que vous cognoissiez l'estat de moname, & que vousiugiez du pouuoir devostre beauté parla qualité de ma blessure, de laquelle ie ne veux iamais guerir, puis que la cause qui l'entretient, qui est la vie de Palemon, m'est plus chere mille fois que tous les remedes qu'on me sçauroit donner. Maisafin que vous ne pensiez point que l'affection que ie luy porte soit vn artifice dont ie me veille seruit pour estre bien aupres de vous, ie seray bien aise de redire icy vne partie des obligations que l'ay

364 LA DERNIERE PRARTIE D'ASTREE, à son amitié, afin que vous iugiez, s'il est possible, que ie sois iamais ingrat des faueurs que i'en

ay receuës.

Sçachez donc, mon pere, continua til, se tournant vers Adamas, que le mesme iour de nostre départ sut celuy auquel ie vismourir tous mes contentements; car le regret de m'esloigner de Doris me sut si sensible, que dessors ie perdis non seulement l'esperance, mais encore la volonté d'auoir iamais aucun plaisir en la vie. le passay donc cette premiere iournee dans vne melacolie si profóde, que Palemon, qui croyoit que ce fût quelque restedu malheur quim'estoit arriué, employa toutes sortes dinuentions pour me diuertir: mais quand la nuict fut venuë, & qu'il vid que ie ne voulois point manger, cela redoubla la peine en laquelle il estoit de moy,& fut cause qu'il commanda qu'on me fit prom-ptement vn lict, où ie pusse pour le moins prendre quelque repos, pour luy, il fouppa fort legerement, mais Halladin qui n'auoit de l'interest que pour sa propre conseruation, mangea comme vn homme qui auoit enuie de viure; ainsi il fut plus longuement à table que Palemon, qui cstant reuenu bien tost dans la chambre où iestois desia couché, me demanda en quel estatiestois: moy qui craignois de le fascher, voyant bien que ma douleur l'affligeoit, ie luy dis que ie me portois beaucoup mieux que ie n'auois fait dutant le jour, & que ie croyois que la nuis, & l'abstinence que l'auois faite me remettroiet en bon estat. Ic vous iure, cher Adraste, me ditil,se panchant sur mon lict, & me baisant au front, que yous ne sçauriez me doner vne plus agreable nouuelle, car ie ne croy pas que ie ne mourusse das ce voyage, si ie voyois que vostre mal s'augmentast; ie le remerciay dequoy il me faisoit paroistre qu'il estoit touché de quelque ressentiment pour le mal que ie souffrois, & le suppliay de n'accroistre point ma douleur par la sienne, le conjurant de se coucher de bon 100 heure, puisque nous deuions partir le lédemain de bon matin; sur cela Halladin entra, qui s'estant approché de monliet, & m'ayant vn peu consideré, nous donnale bon soir, & s'alla mettre dans le sien, où il dormit iusqu'à ce que nous l'esueillasmes pour cotinuer nostre chemin. Palemonnele vid pas plustost couché, qu'il me dit à l'oreille, voyla l'home du monde le plus heureux,il n'a point d'autre foing que de plaire à vn maistre qui l'ayme, il n'a rien dans l'esprit qui le brouille, & ie croy que toutes les choses du mode ne seroient pas capables de luy faire perdre vn moment de repos: & alors ie disois en moy-mesme, helas Palemon, qu'il est bien moins heureux que toy, qui triomphes de ma maistresse qui t'ayme; & puis ie luy respondois tout haut, il est vray que Halladin est heureux, aussi l'à-til merité, car sa sidelité ne sçauroit trouuer de fortune qui ne sust petite. Quelque-

366 LA DERNIERE PARTIE D'ASTREE, fois, adioutoit Palemon, les plus fidelles ne sont pas les plus heureux, non, disois ie encore en moy-mesme, car Adraste estoit bien aussi fidelle que Palemon, & pourtant Doris n'a pas esté mienne, & puis ie luy repliquois tout haut, en cela la faute en est à l'ingratitude des maistres, qui est vn deffault dont Halladin ne sçauroit accuser Damon, car il a trop de iugement pour ne cognoistre pas ce que ses services meritent. Auec semblables discours nous nous entretinsmes presd'une demie heure, apres laquelle ilme demanda s'il ne m'incommoderoit point de se mettre aupres de moy, ie luy iuray qu'il me feroit plaisir, & que ie serois bien-aise que nous ne fissions qu'vn mesme list durant tout nostre voyage:ainsi s'estat deshabillé, il ne sut pas plustost couché qu'il remarqua que l'estois tout en feu, & de fait i auois desia que que ressentiment de fievre; cela fut cause qu'ayant mis vne main fur mon estomac, ô Dieux, dit-il Adraste, vousbruslez: ouy, luy respondis-je, i'ay vne chaleur extreme par tout le corps; & puis me taisant, mais disois-ie à par moy, que cette chaleur est perite, en comparaison de celle qui fait que moname se consome, & Palemon, reprenant la parole, mais, adioustoit il, ie crains de vous apporter de l'incommodité, car peut estre si ie n'estois point icy vous n'auriez pas vne si mauuaise nuich? vous ne sçauriez, repliquay ie, rendremon mal plus grand qu'il est, puis i'adiouLIVRE CINQUIESME.

367

stois en moy-mesme, helas, il eust fallu que Palemon n'eust iamais esté au monde, ou que Doris m'en eust chassé, pour faire que tu n'eusses point esté cause, non pas decette mauuaise nuict seulement, mais de toutes celles qu'il faudra que ie passe desormais; il me dit encore quelque chose, & ie croy qu'il m'eust entretenu iusqu'au iour, si pour estre plus libre en mes resueries, ie n'eusse fait semblant de dormir, ie demeuray donc quelque temps sans luy respondre, de sorte que s'imaginant que ie reposois, il cessa peu à peu de parler, & enfin s'endormit: quantà moy l'acheuay la nuict comme ie lauois commencee, c'est à dire sans fermer les yeux, & sans receuoir iamais aucun relasche parmy les fascheuses pensees qui me representoient incessamment le bon heur de Palemon, & l'infortune d'Adraste:ie recognus bien alors que de tous les maux,il n'en est point ou l'on doiue attendre moins de remedes qu'en l'amour; d'autant qu'ayant esté deliuré de l'yn des plus grands qui sçauroient iamais arriuer à vn homme, ie n'auois pas pourtant esté guery de cette fascheuse passion:mais cette cognoissance ne faisoit qu'irriter ma playe, d'autant mieux qu'estant hors de toute esperance de guerison, ie n'osois pas seulement pretendre d'y treuuer quelque soulagement. Cepandant que ie me perdois dans ces fantailies, Palemon se resueilloit assez souuent, & parce qu'à chaque fois il portoit la main

für mon estomac, & l'auançoit vn peu sur l'endroit du cœur, cruel, disois-ie en moymesme, tu doubtes si ievis encore, apres que tu m'as osté Doris qui estoit ma vie? puis en continuant & saignant tousours de dormir, qu'il est peu sin, disois-je, de chercher mon cœut dans ce list, comme si la beauté qui eut des charmes pour me le rauir, n'en auoit pas pour le conseruer.

l'estois encore enseuely dans ces fascheuses pensees, quand la nuict disparut, & que Palemon s'estant encore vne fois esueillé, prit garde que le iour commençoit à poindre. Au commencement il ne m'osa rien dire, de peur d'interrompre mon sommeil, dequoy m'estant apperceu, ie sis semblant de mesueiller aussi, & cela fut cause qu'ayant ietté les yeux sur moy; bien qu'il ne me pust voir qu'auecque peinc, il me dit que i'auois esté toute la nuict dans vne fort grande inquietude; ie luy respondis que vrayement la nuiet ne m'auoit pas esté trop douce, mais qu'elle m'auoit laissé pourtat assez deforce pour cotinuer le desse in que nous auios desia fait; disant cela, ie m'habillay, & Palemon en ayant fait de mesme, nous eueillasmes Halladin, & partismes deuant que le Soleil fust leué. Cet accez de fievre que l'auois cu, outre que de mon naturel, ie n'ay pas la couleur trop bonne, me fit paroistre si passe & si desfait, que Palemone peut s'empescher de me dire que ie

deuois m'en retourner, & que le voyage estant si long, il estoit bien difficile que ie le pusse acheuer, m'estant treuué si mal à la premiere iournee: mais moy qui ne desirois rien mieux que de mourir en chemin, ie m'obstinay si fort, qu'il fallut enfin qu'il cedast à la volonté que i'auois de le suiure; ainsi nous arriuasmes à Lyon, où nous ne fusmes pas plustost, que Palemon cognoissant bien qu'il estoit difficile que la seule fievre eust causé en moy vne melancoliest profonde, me tira à part dans vnechambre, & nous estans tous deux assis sur vn lict, il me tint le mesme discours que ie vous vay redire, afin de ne manquer pas en la moindre circonstance de ce qui regarde l'interest de Doris ou le mien; à ce mot il se teut pour vn peu, puis tout à coup reprenant la parole, il continua de cette sorte.

Cher Adraste, me dit-il, il faut que vous me pardonniez si ie suis curieux iusques la que de vouloir apprendre la cause qui vous rend si melancolique & si pensis, ie sçay bien que vous estes vn peu mal disposé, & que le trauail du chemin ne contribue rien à vostre guerison, mais il est impossible que ie me persuade qu'il soit violent, iusqu'au poincs de faire que vous paroissiez de si mauuaise humeur: si c'est qu'il vous restequelque souuenir du dernier accidét qui vous est arriué, & que cette pensee nourrisse en vous vn regret de n'auoir pas esté tousiours

370. LA DERNIERE PARTIE D'ASTREE, das yne parfaitte cognoissance de vous mesme, considerez que cette douleur ne deuroit plus trauailler vostre esprit, parmy les contentemés que vous deuez auoir d'en estre parfaittement. guerry; outre que c'est aller contre les arrests du Ciel, qui ne vous osta, durant quelque temps, le vray vlage de la raison, que pour vous le rendre en vn degré plus eminent que vous ne le posse! diez. Que si comme ie le croy, ce n'est pas ce dernier accident qui vous trouble, ie vous prie, cher Adraste, par l'ennuy que ie sousfre de vous voir assigé, par l'amitié que ie vous porte, & par celle que ie desire que vous ayez pour moy, de ne m'en cacher plus le suiect, & de croire que s'il depend de moy d'y apporter quelque remede, ie ne m'y espargneray pas, quand mesme il y iroit de mon contentement & de ma vie.-Voyla qu'el fut le premier discours quePalemõ me tint, auquel ierespondis en ces termes, ce m'est vn extresme desplaisir, cher Palemon, de voir que mon mal soit si contagieux, & que ma douleur soit cause de la vostre; le voudrois pour vostre repos que vous eussiez moins de copalfion, & souhaitterois pour mon-contentement d'estre vn peu moins sensible; mais comme vous auoüez vous mesmes, que c'est vne imprudence d'aller contre les arrests du Ciel, se croy que vous n'estes pas moins coupable d'estreen peine de cognoistre mon mal, que ie le serois si i'espevois d'en guerir; c'est pourquoy cher Palemon, ie vous

ie vous supplie, & vous consure par tout ce que vous aymez, de quitter cet inutile soing que vous employez à ma conseruation, & de ne mesler point dans les contentemens que le Ciel vous a donnez, la fascheuse memoire des ennuis qui me persecutent. Ie discela auectant de froideur, que Palemon en fut touché iusqu'à le tesmoigner presque par des larmes, en fin en m'embrassant, cher Adraste, me dit-il, pourquoy vous obstinez-vous à me taire ce que vostre passeur & vos regards, s'efforcent de me dire? si c'est que vous me cognoissiez incapable de remedier à vostre mal, ne me le descouurez pas comme à vn Mèdecin de qui vous voudriez employer les secrets, mais racontez-le moy, comme à vn amy, qui sera bien aise de rendre vostre douleur moindre en la partageant auecque vous: le luy respodis que la raiso par laquelle il pensoit m'obliger à cela, estoit seule capable de m'en empescher, puisque i'aymois trop son contentement, pour consentir samais que le recit de ma misere, luy sit prendre quelque part en mes desplaisirs: mais enfin Palemon refolu de cognoistre le suiet de mon affliction, ou de ne me laisser iamais paisible; Adraste, me ditil, ou plustost mon frere, car desormaisie veux que vous me permettiez de vous nomer-ainsi, ie vous coniure encore vn coup, par mon affection, & par l'amour que vous auez eue pour Doris, de m'oster l'esprit de l'impatience où

Dern part.

372 LA DERNIERE PARTIE D'ASTREE, vostre silence le retient, & croyez que si vous pouuez attendre d'vn homme quelque soulagementà vostre mal, ie mourray plustost que de fouffrir qu'autre que moy vous réde cet agreable office. l'aduoue, mon pere qu'à ce nom de Doris, tout mon sang s'esmeut, & m'imaginant que c'eust esté manquer enuers elle, que de ne satisfaire pas aux desirs de Palemon, puisque i'en estois coniuré de sa part; cher Palemon, luy repliquay-ie enfin, vous auez tant de pouuoir sur moy, que pour en obtenir quelque chose, vous n'auez besoin d'y employer que vostre seul commadement; c'est pourquoy ie ne veux pas me defendre dauantage sur ce que vous voulez sçauoir de moy, car ie croirois que mon opiniastreté seroit punisfable, si elle s'opposoit au moindre de vos desirs: Ie vous diray donc que l'accepte premierement l'alliance que vous faites auecque moy, comme le plus grand bien qui me pouuoit arriver, & puis, ie vous confesseray ingenument que celle-là mesmes par la-quelle vous m'auez coniuré de vous descouurir ma douleur, est la seule pour qui ie la souffre: Ne vous estonnez pas mon frere, de m'ouyr tenir ce discours, encore que se sois amoureux de Doris, ie ne laisse pas d'aymer Palemon, & quelque passion que ie conserue pour elle, iamais elle ne sera si forte qu'elle me fasse oublier le res-pect que ie vous doibs; Pleust à Dieu adiou-Ray ie, que le premier iour que ie la vis euft

esté le dernier de ma vie, comme il le fut de mon contentement & de mon repos; l'aur ois esuté mille morts par vne seule, & ne me verrois pas contraint auiourd'huy, de nourrir vne flame qui me brusle sans me consomer. Croyez moy Palemon, le traict dont ie fus premierement blessé, vint bien des yeux de Doris: mais il fut descoché par la main d'vn Dieu, qui luy communiqua quelque chose de sa nature, & qui voulut qu'aulieu de me faire mourir, il sit en moy vne playe quifût immortelle: c'est donc pour cela que quelque grand que soit le desespoir où ie dois estre, de pouuoir iamais attendre quelque allegement en mon mal, ie ne laisse pas d'en aymer la cause, & de cognoistre qu'il me sera bien plus facile, de cesser de viure, que de m'empescher de la cherir.

Belle Doris, continua Adraste, se tournant vers elle, vostre cher Palemon ouyt tout cela sans m'interrompre, & sans cesser de tenir ses yeux arrestez sur les miens: mais quand ie vis qu'apres m'estre teu, il continuoit encore à me regarder sans me dire vne seule parole; Ie vois bien, repris-ie tout à coup, que mon amour, quelque discrette qu'elle soit, vous donne de l'ombrage, & que ce ne seroit iamais qu'auec de tres-grandes impatiences que vous en souffririez la continuation: c'est pourquoy, pour arnester d'vn mesme coup vos soupçons & mes peines, il est iuste queie me perde, & que ie vous

LA DERNIERE PARTIE D'ASTREE, oste de bonne heure la presence d'yn homme? quitost ou tard vous apporteroit de l'ennuy. A ce mot ie sautay enbas du lict où i'estois affis, & courus prendre mon espée sur la table, ( car comme vous sçauez, nous laissasmes icy nos houlettes) mon dessein estoit de sortir du logis & de me desrober par le premier coing de ruë, afin d'aller apres cela finir mes iours en quelque solitude, où le soleil mesme eust honte de me visiter: mais Palemon qui me vid dans cette sureur, & qui creut que ie m'allois saissir de cette espée que pour m'en outrager, se vint ietter à corps perdu sur moy, & me l'arracha des mains, sans que i'y fisse toutefois beaucoup de resistance, car i'estois si foible, qu'à peine me pouuoisie soustenir. Aussi tost il commença d'accuser mon transport, & me dittant de choses pour m'en retirer, que peu à peu il porta mon esprit à tout ce qu'il voulut; & comme ie luy allois tousjours representant qu'il estoit difficile quela volonté que l'auois pour Doris ne luy despleust; voyez-vous, mon frere, me dit-il, cela seroit bo si ie ne cognoissois pas sa vertu & vostre discretion: au contraire, ie veux que vous l'aymiez,& que vous soyez assuré que iamais vostre assection ne me donnera de l'inquietude. A ce mot se iettant à mon col, croyez moy, dit-il en continuant, viuez pour elle, peut-estre que le Ciel aura pitié de vous, & qu'il permettra yn iour que vous occupiez la place que ie confesse vous

auoir vsurpee presque tyranniquement:plust au Ciel que dés auiourd'huy il fut en ma puissance de vous la remettre, ie iure que les accidents qui vous sont arriuez à sa consideration, & l'estat où ie vous vois à cette heure, me font tant de pitié qu'elle seroit la féme d'Adraste,& la sœur de Palemon: disant cela, il m'embrassa fort estroittement, & me mouillant le visage des larmes qu'il ne pouuoit retenir; ce n'est pas, adiouta-til, que l'amour que l'ay pour elle ne soit au delà detout ce que i'en pourrois dire: mais i'auouë que la compassion que i'ay pour vous n'est pas en vn moindre degré. Ie sus quelque temps sans luy respondre que par mes souspirs: enfin voyant qu'il ne me disoit plus rien, ie serois bien ingrat, luy repliquay-ie, si iene faisois pour vous la mesme chose que vous voudriez faire pour moy; c'est pourquoy Palemon viuez pour Doris, possedez-là heureusement durat le cours d'vn nombre d'annecs, qui soit aussi grand que celuy de mes malheurs,&soyez assuré qu'elle sera la sœur d'Adraste, tant qu'elle sera la femme de Palemon. A ce mot ie l'éfermay dans mes bras, & le pressant de toute la force qui m'estoit restee, nous demeurasmes fort logtemps sans nous separer: enfin nous susmes contraints de nous quitter, car en mesme temps vn grand froid me saisit, qui me causa vn si grand tremblement, que sans le secours de mon frere, ie pense que ie n'eusse pas eu la force de

376 LA DERNIERE PARTIE D'ASTREE, me mettre au lict; au commencement Palemon necogneut pas bien mon mal, mais tout à coup me voyant ietter par la bouche quantité d'eaus iaunes & vertes, & que ie sentois bien estre extremément ameres, il iugea que c'estoit la fievre qui me prenoit, incontinét il enuoyà querir. vnMyre,qui ne sut pas plustost entré das la chabre, qu'il s'assit dans vne grande chaire au cheuet de mon liet, où apres auoir toussé deux ou trois fois d'un ton assez aigu, & sans cracher, il me prir le bras, & puis se mit à discourir sur la qualité de ma maladie. Vn peu apres, il me demanda si iene me souuenois point d'auoir fait quelque exces; à quoy ie respondis innocemmet que ie n'en auois iamais faict qu'en amour: maisluy,qui expliqua mal ma pensee, ils sone fort dangereux, me dit il, & sur tout en ce teps où nous approchons de la canicule; puis ayant toussé encore deux ou trois sois, ie pris garde que Palemon le tira à part, où come ie l'ay sceu depuis, il luy guerit l'esprit de la mauuaise opinion qu'il auoit cuë de moy, & luy rendit vn compte fort exact des plus particuliers accidens qui m'estoient arriuez: apres 'que ce Myre eut esté bien instruit il s'approcha de moy, & mettant vne main sur mon lict, car dans l'autre il portoit ses gands pliez en quatre, or sus, me ditil,bon courage, nous ne vous ordonner ons rien iusqu'à demain, que nous sçaurons quel cours prendra vostre maladie, cependant ne mangez

## LIVRE CINQVIESME.

que sort peu,& que ce soit apres que l'accez sera tout à fait passé,où pour le moins qu'ilaura perdu beaucoup de sa violece. Palemonluy promit d'auoir soing de me faire obseruer ce qu'il ordonnoit, & puis l'alla reconduire iusqu'au bas du degré Halladin cependant s'estoit approché de mon list, & comméçoit à me dire quelques raisons pour me diuertir du'dessein que i'auois de continuer le voyage, quand tout à coup Palemon reuint, qui ioignant ses prieres à celles de cet Escuyer, me coniura de perdre la volonté que l'auois de luy tenir compagnie: Ce n'est pas, me dit-il, que ie veille vous abandonner; car si vostre maltire à quelque longueur, ie ne partiray point que vous ne soyez parfaittemet remis; mais ce qui m'oblige à vous detourner de ce dessein, c'est que quelque bonne disposition que vous acqueriez, elle ne sera iamais telle, que vous puissiez continuer vn silong chemin sans vne extreme incomodité. Halladin qui ouyt que Palemon estoit resolu de ne partir point que ie ne susse bien guery, mais luy dit.il Palemon, vous ne regardez pas qu'en attendant la santé d'Adraste, nous perdrons la commodité de nostre embarquemer? nous deuons nous seruir du temps, & n'attendre pas qu'vne iniurieuse saison nous defende d'executerce que nous auons entrepris; ie cognus bien qu'il auoit raison, aussi ie dis à mon frere, que le lendemain nous pourrions nous mettre das yn

Aa iiij

378 LA DERNIERE PARTIE D'ASTREE, batteau qui me porteroit iusqu'à la ville des Massiliens, & que là nous verrions en quel estat ie serois, ou pour me mettre sur la mer, ou pour m'en reuenir; ils trouuerent ma proposition bonne, mais sans que ie vous ennuye dauanta-ge, ie vous diray, que ie nela pus mettre en esfect, car ma fievre s'estant renduë continuë, le Myre qui me visita le l'endemain, assura que sas vn extreme danger de ma vie ie ne pouuois me mettre sur l'éau, & qu'il valloit bien mieux, puis que l'estois en vn lieu où ie pouuois estre assisté de remedes, que i'y attendisse le succez de mon mal, que de le porter plus loing. Il fut donc arresté entre-nous que je demeurerois à Lyon,& par ce que Palemon & Halladin ne pouuoient plusdifferer leur de part, au bout de deux ou trois iours que ma fievre alloit tousiours empirant, Palemon s'approcha de mon lict, & ayant la larme à l'œil metint ce langage, ie vay partir cher Adraste, ou plustost ie vay mourir, car ie ne sçaurois appeller viure, le temps qu'il faudra que ie passe das les ennuis de nostre separation, & dans la peine où ie seray pour l'euenement de vostre mal: mais souuenez vous, que si les Dieux ne m'obligeoient à ce voyage, par le serment que i'en fis lors qu'on planta le cloud pour l'amour de vous, iene croy pas que rié au monde fust capable de my faire consentir; ie les préds à tesmoins du mal que ie souffre en vous esloignant, & les supplie de me faire sențir la

LIVRE CINQVIESME.

pesanteur de leurs foudres, si ce desplaisir n'est le plus grand que l'aye iamais receu : l'aurois bien trouué quelque pretexte pour m'en desdi-re, s'il m'eust esté aussi facile de les tromper que Celidee, mais ie regarde qu'ils ne me l'eussent iamais pardonné, & que sans doute ils se fussent vangez, ou sur vous, ou sur moy, du mãquement que l'eusse commis en leur manquant de parole; voila donc, mon cher frere, comme il est impossible que l'éuite ce depart, & que ie ne cede à la loy, qui m'ordonne d'obseruer ce que l'ay promis; & puis que vous iugez bien que l'interest que vous y auez m'y porte plus que toute autre chose, ie dois croire que vous ne me condamnerez point; bien que ie vous laisse en vn estat où vous auez besoin de l'assistance de tous vos amis. Palemon profera ces mots auecque des tesmoignages d'vn si grand ressentimét de douleurs, que le cognus bien qu'il m'aymoit veritablement, cela fut cause que tournant mes yeux languissants sur luy, & tirant vne main hors du lict, ie pris la sienne, & la pressant le plus fort que ie pus, allez, luy dis-ie, cher Palemon, où vous estes appellé pour la guerison de Celidee, & continuez vostre voyage sans estre en peine de mon mal, car ie cognois bien qu'il m'a desia reduit à l'extremité, & qu'il est impossible qu'il me permette de suruiure d'vn seul iour, le moment de nostre separation: c'est pour cela que ie vous coniure de me dire le dernier adieu,

& de receuoir ce baiser comme la derniere marque de mon affection: disant cela, ie le tiray vn peu contre moy; & luy se laissant tomber sur mon visage: ah Dieux, me dit-il, quelle allarme me donnez-vous Adrasse? quoy, n'aurez-vous pas assez de courage pour resister à la violence d'vne sievre qui ne durera qu'autant de temps que vous aurez dans le corps quelque mauuaise humeur pour la nourrir? quand i'aurois, luy respondis-ie le moyen de guerir, ie n'en aurois pas la volonté, car ie suis si lassé de viure, que ie croy que la plus grande grace qu'on me pourroit faire, seroit de me prononcer l'Arrest de ma mort.

Mais, mon pere, à quoy me sert que ie vous entretienne dauantage d'vn recit de si mauuais goust, c'est assez que Doris sçache, que Palemon me sceut si bien persuader qu'il me sit promettre deux choses, la premiere, que ie contribuerois tout ce qui pourroit depédre de moy pour le recouurement de ma santé, de l'autre qu'aussi tost que ie serois vn peu remis, ie reuiendrois parmy nos troupeaux, & rendrois à Doris vne lettre qu'il me laissa. Ainsi Halladin & luy, apres m'auoir embrassé mille sois, & dit adieu aucc des souspirs & des larmes, se mirent sur l'eau, & me laisserent entre les mains du Myre qui auoir pris le soing de me guerir. Ie luy auois esté si bien recommandé, que depuis leur depart il ne m'abandonna que sort peu souuent, & seu-

lement lors qu'vne extreme necessité le conraignoit d'aller voir quelque autre malade.Ma fievre demeura continue pres d'yne demy Lune, apres laquelle elle s'arresta par la force, comme ie croy, des remedes qu'il me fit prendre, & bien que ie n'eusse plus besoin de medicaments, il ne laissa pas de me voir iusqu'à ce que ie sus entierement remis, & en estat de m'en pouvoir revenir. Il ne se passoitiour que dans ses visites il ne me racontast quelque nouuelle: ce fut luy qui le premier me dit le siege de Marcilly, & la fuitte de Sigifmond; par luy ie sceus que Gondebaut enuoyoit vne armee à Polemas, ce qui me mittellement en peine, que si i'eusse esté en estat de pouuoir marcher, ie susse allé à l'heure mesme treuuer Sigismond qui s'estoit sauué dans Vienne, & qu'on disoit n'estre là que pour faire des troupes, afin de secourir Godomar son frere. En fin la derniere fois qu'il prit la peine de me venir voir, il me dit que le siege estoit leué, & que Polemas auoit estétué par Lindamor; dequoy ie receus tant de contentement, que ie croy que cela acheua de me remettre: & de fait apres auoir pris congé de mon Myre, & l'auoir remercié du soing particulier qu'il auoit eu de moy, ie partis de Lyon, & vis bien en chemin la verité de ce qu'il m'auoit desia raconté, car l'ay rencontré vne partie des solduriers que Gondebaut auoit enuoyez contre A mafis

382 LA DERNIERE PARTIE D'ASTREE,

A ce mot Adraste se teut, presentant à Doris la lettre que Palemon luy escriuoit, & cette belle Bergere l'ayant receuë, l'ouurit au mesme instant, & vid qu'elle estoit telle.

## LETTRE DE PALEMON A DORIS.

Interest que i'ay en la conservation d'Adraste, me fait vser des remedes qui peuvent estre vtiles à sa guerison: est parce que ie sçay bien que vostre affection est le plus puissant de tous ceux que i'y pourrois employer; il faut, chere Doris, que vous l'aymiez, puis qu'il le merite, es que ie le veux. Vostre vertu me desend de prescrire des limites à cette bonne volonté, toutes ois de crainte que soubs ce pretexte d'honneur, vous le traittiez moins fauorablement que ie ne desire, i'ordonne que vostre amitié pour lup, ne sera pas moindre que pour vn frere. Disposez-vous donc

à me donner ce contentement, & souvenez-vous qu'en ce moment vous conseruerez deux choses qui vous doiuent estre cheres, qui sont la vie d'Adraste, & le repos de Palemon.

Elle n'eut pas si tost acheué de lire cette lettre, qu'elle changea de couleur; dequoy le Druyde s'estant apperceu, comment, luy dit-il, belle Doris, vous rougissez; il faut bien qu'il y ait dans ce papier quelque chose qui vous touche? Il n'y arien de si particulier, luy respondit-elle, que ie ne sois bien aise que vous voyez; que si i'ay rougy, c'est sans doubte de la volonté de Palemon, qui me commande d'aymer Adraste, comme si ie pouvois sans crime avoir de l'inclination pour qui que cesoit: Adamas alors ayant pris la lettre & l'ayant leuë, en verité, reprit-il, ce qu'il yous demande est si iuste que yous auriez tort de le refuser, & pour moy ie vous conseille deluy donner le contentement qu'il desire, puis que mesme il vous tesmoigne d'auoir tant d'interest en la vie d'Adraste, que peut estre vous aymeroit-il moins si vous le faissez mourir. Ces paroles, & l'estime que Doris faisoit d'Adraste, emporterent enfin cela sur son humeur, & la firent resoudre à souffrir qu'il l'aymast comme sa sœur, promettant qu'elle auroit pour luy la mesme volonté que pour yn frere: 384 LA DERNIERE PARTIE D'ASTREE, En cet instant A draste se leua pour luy baiser la main en remerciement de cette faueur, maisil en fut empesché par vne tres-belle bergere, qui en mesme temps estant entree dans la sale, se ietta à son col & le baisa: cette caresse le surprit vn peu, d'autant mieux qu'ilne cognust point celle qui l'auoit salué de cette sorte; s'imaginant donc qu'elle l'auoit pris pour vn autre, il se recula deux ou trois pas, sans que l'estonnement où il estoit, luy permit de dire vne seule parole, mais la bergere s'approchant de luy, seroit-il possible Adraste, luy dit-elle, que vous ne me cogneussiez pas apres m'auoir sait vne saueur si grande? A cette voix Adamas crut bien la cognoistre, toutesois voyant sort peu d'apparence en l'opinion qu'il auoit, il la regarda fortattentiuement, & puis Adraste, qui pliat les espaules; Belle bergere, luy dit-il, ne vous estonnez pas de ma mescognoissance, i'ay esté si long-temps sans me cognoistre moy-mesme que ie suis pardonnable, si ie ne me puis remettre en memoire d'auoir eu l'honneur de vous voir quelquefois; Vous m'auez veuë, reprit la bergere, dans Marcilly & sur les riues de Lignon, mais puisque vous en auez perdu le souuenir, Astree & Diane yous en feront foy; disant cela, elle s'approcha d'elles, qui la receurent fort courtoisement, mais non pas sans tesmoigner vn estonnement aussi grand que celuy d'Adraste: dequoy l'incognue soustriant en

Livre cinquiesme. 38

elle mesme; ô Dieux, s'escria-telle, & qui vid iamais rien de pareil, seroit-il possible que depuis ce matin ie ne susse plus Celidee. A ce nom toutes les bergeres commencerent à se regarder entr'elles; enfin se souvenans que Palemon & Halladin estoient partis pour sa guerison,& se remettans en l'esprit les traits qu'elle auoit deuant qu'elle se sust fait tant de playes au visage, elles ne la mescognurent plus, & se resiouyrent auecqu'elle du recouurement de sa premiere beauté. Elles furent long-temps sans faire autre chose que l'embrasser & labaiser, cependant qu'Adamas racontoit succinctement à Bellinde les derniers accidents qui estoientarriuezà cette bergere: Enfin s'estant approché d'elle, mais belle Celidee, luy dit-il, ne sçaurons nous point de quelle façon vous auez esté guerie? car l'auoüe que le remede dont on s'est seruy, a fait vne action si prompte, que ie ne puis assez m'en estonner, & particulierement quand ie confidere qu'estant hyer aussi blessee que le premier iour, ie vous treuue pourtant à ce matin aussi belle que vous fustes iamais? Mon pere, respondit la bergere, auecque vn visage qui tesmoignoit bien le contentement qu'elle auoit, il me seroit impossible de vous raconter comme cela s'est fait; car en verité ie ne le fçay pas moy-mesme, ie vous diray seulement qu'au matin, apres que Thamyre a esté hors de la chambre, où Syluandre l'est venu querir

386 LA DERNIERE PARTIE D'ASTREE, pous s'aller promener auecque les autres Bergers, ie me suis leuce, & m'estant assisse deuant mon miroir pour me coiffer, ie n'y ay pas esté enuiron vn demy quart-d'heure, que i'ay pris garde que ie ne paroissois plus si effroyable qu'à l'ordinaire; au commencement l'ay creu que i'allois insensiblement, m'accoustumant à cette deformité, mais voyant que de moment en moment, mon teint s'adoucissoit, & que mes playes se fermoient, i'ay bien iugé, que ce poutioit estre vn effect des bonnes espetances que Damon m'auoit fait conceuoir. Pour celai'ay attendu de me coiffer plus longuement que ie n'eusse fait, car ie consesse librement que dans la resolution où i'estois de ne me soucier iamais de guerir, ien'eusse osé croire que le plaisir que i'en ay receu, eust pu estre au degré où ie le ressens, i'ay esté de cette sorte pres d'vne heure, durant laquelle à chaque fois que i'ay porté mes yeux sur mon miroir, i'ay remarqué en moy quelque nouueau changemet:ensin me voyant au meilleur estat où i'eusse iamais esté, & iugeant bien que c'eust esté vne presomption punissable d'attendre quelque chose dauantage, puis que mesmes i'en auois obtenu plus que ie n'en auois esperé, i'ay acheué de m'habiller,& en descendant le degré, ie n'ay pas plustost sceu qu'Adraste estoit de retour, que dans la ioyeoù i'estois de ne me voir plus si laide, ie n'ay pu m'empescher de le venir caresser en remerciment

LIVRE CINQUIESME. ment du bien qui m'a esté rendu, duquel il est en partie cause. Celidee alloit de cette sorte racontant ce qu'elle scauoit de sa guerison, cependant qu'Adraste qui estoit aupres de Doris,ma chere sœur, luy dit-il, vous n'auez plus besoin de demander des nouuelles du voyage de Palemon, le visage de Celidee vous tesmoigne qu'il a esté fort heureux iusqu'icy, & que nous n'auons plus à faire des souhaits que pour son retour. Ce que vous dites, luy respondit-elle, à vrayment beaucoup d'apparence, mais cela n'empesche pas que ie ne sois encore en des craintes mortelles, d'autant mieux qu'il doit faire vne pattie de son chemin sur la mer, qui; à ce qu'on m'a dit, est yn Element bien cruel & bien perfide. La fortune, reprit Adraste, ne le regardera iamais que d'vn fort bon œil, & ie croy qu'elle a iuré de ne luy faire iamais sentir vnseul des effets de son inconstance; la gloire qu'il a de vous posseder en est dessa vne preuue irreprochable: disant cela, il souspira assez haut, dequoy Doris s'estant apperceuë, & se doutant bien que ses souspirs estoient encore des marques du feu qui s'entretenoit dans son ame, elle en fut en quelque façon touchee, non pas d'amour, mais de pitié, s'estonnant donc de voir que sa passion pust suruiure son esperance, élle fut vne fois sur le poinct de luy conseiller de porter ses volontez en quelque lieu d'où il

Dern. part.

388 LA DERNIERE PARTIE D'ASTREE, pustattendre plus de recompense, mais s'imaginant que peut estre cela ne seron que r'ouurir sa blessure, & l'irriter, elle ayma mieux n'en point parler du tout, & laisser cela à la disposition du temps, qui bien souuent est le meilleur medecin dont on se puisse seruir en semblables maladies: ainsi elle cessa ce discours, & faisane figne au berger qu'elle vouloit ouyr ce qu'Adamas disoit a Celidee, il presta l'oreille de son costé, & ouyt que le Druyde continuoit en cette sorte; il est croyable que Thamyre ne sera pas peu content de vous voir en cet estat, puis qu'il l'a desiré auceque tant de passion: mon pere, respondit Celidee, ie croy bien que la joye qu'il en aura ne sera pas petite, mais aussi ne sera-telle pas de longue duree, puis qu'elle ne durera qu'autant que ce petit esclat, qu'il appelle beauté, paroistra en moy, ce qui ne sçauroit estre longuement, parce que c'est vn tribut que nous deuons à la suitte des annees, qui semblent prendre plaisir à se saire compter par les plis, & par les rides qu'elles nous laissent imprimees sur le visage: quoy que c'en soit, reprit Adamas, il me tarde que ie ne le voye dans ce contentement, & puis qu'il ne sçait encore rien de vostre guerison, ie suis d'auis que nous le trompions. A peine le Druyde eut fait ce dessein que Thamyre entra auecque Alcandre, Sileine, Lucindor, Calidon, Lycidas, Thomantes, Hylas, & quelques

389

autres: soudain qu'ils furent dans la sale ils saluerent Bellinde, mais Adamas prenant Thamyre par la main, le mena où estoit Célidee, & luy sit accroire que c'estoit sa sœur que Bellinde anoit amenee. Thamyre le crut dautant plus facilement, qu'il estoit vray que Celidee en auoit vne, &qu'il voyoit sur sonvisage presque les mesmes traits qu'il auoit autrefois adorez en sa maistresse: ils'en approcha donc, & apres luy auoir fait les plus grandes caresses qu'il pur, luy demanda si elle n'auoit point encore veu Celidee: Cette belle Bergere sousrit en cet instant, & fut sur le point de parler, mais le Druyde qui eut peur qu'il la recognust à la voix, prit la parole, & luy dit qu'elle l'auoit veuë vrayment, mais qu'elle n'auoit pas esté long-temps aupres d'elle, à cause d'yn mal qui luy estoit suruenu, pour lequel elle auoit demădé qu'on la laissast vn peu en repos. Ces dernieres paroles mirent Thamyre en peine, & furent cause que laissant la copagnie il mora le degré, & s'en alla dans la chambre où il croyoit que Celidee reposast. La premiere chose qu'il fit, ce fut de prester l'oreille pour escouter s'il l'entendroit plaindre, mais ne pouuant rien ouyr, il s'approcha tout à fait du lict, dont les rideaux estoient fermez, & n'osant pas presque respirer, de peur de faire trop de bruit, il taschoit de se faire vn peu de iour, afin de la voir au visage. Adamas cependant qui l'auoit suiuy tenoir 390 LA DERNIERE PARTIE D'ASTREE, Celidee par la main, & regardant du seuil de portela contenance de Thamyre, se mità rire de le voir si fort empesché: dequoy le Berger s'apperceuant, peut-estre luy dit-il, vous riez de me voir chercher Celidee, que vous auez fait cacher en quelque lieu: le Druyde alors entrant dans la chambre, tant s'en faut, luy responditil, que ie voulusse vous la cacher, que ie vous l'ameine au meilleur estat où elle fut iamais, A ce mot Thamire demeura tout confus; ne pouuant pas bien entendre ce qu'il vouloit dire, mais Celidee luy sautant au col & le baifant , Quoy, luy dit-elle Thamire, tenez-vous si peu de compte du present qu'on vous fait, que vous ne daigniez pas seulement remercier celuy qui vous le donne? à quoy seruoit cet ex-treme soing que vous faissez paroistre pour me voir dans ma premiere beauté, si maintenant qu'elle m'a esté renduë, vous ne voulez pas mesmes la cognoistre? à cette voix Thamire se détrompa entierement, & la serrant entre ses bras; O Dieux, dit-il, ô Damon, quelles graces ne vous dois-ie pas, pour la faueur que vous m'auez accordee? Disant cela, il commença de nouueau à luy baiser tantost la bouche & tantost les yeux; & il est croyable qu'il n'eust de long-temps cessé de luy donner ces marques de son amour & de son contentemet, s'il n'eust cru estre obligé de remercier aussi le

Druyde, qui s'en retournant dans la sale, treuua bon que deuant que le iour se passast, il allast dans Marcilly rendre graces à Damon, & luy rendre compte de la guerison de Celidee. Thamire en cet instant se disposa à ce petit voyage, & Adamas ne sçachant ce que Syl-uandre estoit deuenu, en demanda tout haut des nouuelles, ce qui fut cause qu'Hylas prenant la parole pour tous les bergers, luy respondit qu'il l'auoit laissé en la compagnie de Tyrcis, & qu'il croyoit qu'ils s'entretenoient de quelque discours de grande importance: Aussi tost le Druyde luy Demanda s'il n'en sçauoit pas le suject, & Hylas en soustiant, mon pere, luy dit-il, ie ne sçay pas assurément, mais il est croyable qu'ils s'entretiennent de leurs ordinaires resueries, & que Syluandre, qui philosopheroit, comme on dit, sur la moustache d'vn Ciron, s'opiniastre peut estre à luy presuader quelque chose que l'autre ne peut pas comprendre facilement. Bellinde sut bien aise d'entendre que ce berger parlast de la sorte, car elle auoit autrefois ouy dire quelque chose de sa bonne humeur, & cela sur cause que pour le faire parler dauantage, elle s'adressa à luy, & luy dit, qu'on luy auoit autrefois raconté les accidents qui estoient arriuez en l'amour de Tyrcis & de Cleon, mais que rien ne l'estonnoit comme la passion que ce berger tesmoignoit enco-

192 LA DERNIERE PARTIE D'ASTREE, re pour sa maistresse morte; à quoy Hylas, sage Bellinde, respondit-il, si ce braue Iuge qui condemna Laonice, estoit maintenanticy, il yous feroit croire par des raisons qu'il a peschees dans yne autre eschole que la mienne, que c'est son deuoir de viure ainsi, & qu'il commettroit vne extreme faute contre les maximes d'Amour, s'il ne conseruoit inuiolablement cette fidelité, qu'il suy iura dés le commencement de son affection. Estrange & insupportable ignorance, d'autant mieux qu'elle n'a point de veritable fondement, & qu'il n'est point de loy qui nous ordonne d'aymer ce quin'est plus: Mais cette belle constance de laquelle il fait tant de cas, & de qui volontiers il feroit vne Deesse, afin qu'on luy dressast des autels, est cause qu'il soustient ces sottes opinions, quelques dommageables qu'elles soient, & qu'il infecte cette prouince d'vne science qui deuroit estre condamnee de tous ceux qui ayment le repos & la liberté: le voudrois, reprit Bellinde, qu'il fust maintenant icy, car outre que ie serois bien aise de le voir pour l'estime que ie fay de son merite, encore serois-ie curieuse de sçauoir ce qu'il pourroit respondre au discours que vous tenez de luy : Madame, dit Hylas, haussant vn peu la voix, ne le prenez pas là, ie croy que Lignon tariroit plustost que ses paroles, & c'est bien ce qui gaste tout, car encore qu'il enseigne vne tres-pernicieuse do-Arine en matiere d'amour, il sçait accompagner ses raisons d'vne eloquence si agreable, qu'il n'est presque personne qui ne s'y laisse charmer.

Auec semblables discours Adamss, Bellinde & les autres s'alloient diuertissant, en attendant qu'il fust heure de disner, cependant que Syluandre qui en effect se pourmenoit auecque Tyrcis, faisoit tout ce qui luy estoit possible pour destourner ce triste berger du dessein qu'il auoit fait de partir de Forests: mais toutes les raisons qu'il luy allegua, furent entierement inutiles, car ce pauure desolé se lassant d'auoir tant de tesmoings de sa melancolie, s'opiniastra dans sa resolution, s'imaginant que desormais les bords de Lignon n'auroient pas des obiects assez tristes pour plaire à sa douleur; & ce sut pour cela qu'aussi-tost qu'il pust rencotrer Syluandre en lieu commode pour l'entretenir, il s'approcha de luy, & luy tint ce discours: Il n'est pas besoin, sage Syluandre, que ie vous renouuelle par mes paroles le suject de mon afflictió, vous en auez desia vne cognoissance assez grande, c'est pourquoy ie vous parleray seulement d'vn dessein que i'ay fait, pour auoir plus de commodité de rendre ce que ie doibs à la memoire de ma chere Cleon. Vous sçauez que depuis le iugement que vous prononçastes

LA DERNIERE PARTIE D'ASTREE, en ma faueur, contre les importunitez de Laonice, ie n'ay pas laissé d'en estre persecuté, iusqu'à ce qu'ayant ouy de sa propre bouche la trahison dont elle auoit vsé pour se vanger de vous & de Phillis, i'entray dans vne si forte colere contr'elle, que dés l'heure mesme elle abandonna le Forests: & certes ce sur bien à propos, car ie ne croy pas qu'enfinie ne susse sorty du respect que ie doibs à son sexe, pour luy rendre quelque signalé desplaisir. Or n'ayant plus deuant moy cette fascheuse, dont l'abord m'estoit insupportable, comme celuy de quelque hydeux animal, & desirant éuiter desormais sa rencontre, ie suis resolu de me retirer en quelque lieu, où personne ne puisse interrompre mes pensees, ny me diuertir de ce que se veux saire, pour tesmoigners me Clean que ie veux faire, pour tesmoigner à ma Cleon quelle est la fidelité que ie conserue pour elle. L'ay honte de partir sans dire le dernier adjeu à Adamas & aux bergers, de qui i'ay eu la cognoissance, mais i'espere, cher Syluandre, que pour peu que vous preniez de peine à m'excuser enuers eux, vous les obligerez facilement à me pardonner cette faute, & à receuoir plus de pitié pour mes ennuis, que de colere pour mes manquements: A ce mot Tyrcis se teut, & Syluandre ayant remarqué ce qu'il auoit dit de la trahison de Laonice, le pria de luy en faire le recit tout au long, à quoy Tyrcis satis-

fit incontinent, & Syluandre fauy\_de l'arrifice qu'elle auoit inuenté pour se vanger, apprit en mesme temps que sçauoit esté le suject de la colere de Diane, que Phillis auoit sceu desguiser si subtilement. Cette marque de la ialousie de sa maisstresse, luy sut vne assez grande preuue de son assez capable d'occuper toutes ses pensees, il ne laissa pas de representer à Tyrcis le peu de suite qu'il auoit de s'essoigner d'vn lieu, où tout le monde l'aymoir, pour aller viure tout le monde l'aymoit, pour aller viure en quelque desert, où son corps seroit exposé à la barbarie de mille annimaux, qui feroient rous les iours quelque nouveau dessein sur sa vie, & qui chercheroient à tous moments le moyen de le surprendre, pour plaire à leur insatiable faim: Mais le deso-lé, au lieu de se laisser toucher à ses raisons, leur cruauté, respondit il froidement, ne sçauroit estre si grande que celle de mille souscis qui m'assligent. Mon desespoir est en tel poinet, qu'il me fait aymer tout ce qui peut auancer ma fin, & plust au Ciel que sans crime ie pusse faire moy mesme cet office: Tu sçaurois Cleon, combien peu ie se-rois auare de mon sang, & tu verrois auec qu'elle diligence ie te remettrois l'ame de Tyr-cis qui languit dans vn supplice pire mille sois

396 LA DERNIERE PARTIE D'ASTREE; que la mort, en attendant qu'il te reuoye, & qu'il ait l'honner de iouyr sans trouble de la douceur de tes embrassements: Disant cela, ses yeux qu'il tenoit ouuerts contre le Ciel, l'aisserent couler de grosses larmes, dont Syluandre fut tellement esmeu, qu'il luy sur impossible de retenir les siennes, & cependant qu'il employoit en vain son mouchoir pour en arrester le cours, il pensoit à la constance de Tyrcis, & faisant apres cela des reflexions sur soy-mesme, il consideroit quelle seroit sa douleur, si par vn semblable accident il venoit à perdre Diane. Ils furent ainsi quelque temps sans parler, se pourme-nants tousiours dans le bois, mais Syluandre reprenant la parole, ie vois bien, luy dit-il, cher Tyrcis que vostre ressentiment est iuste, & qu'on ne sçauroit condamner dans vostre douleur, autre chose, que cet excez qui vous porte à nous vouloir quitter; car ayant contracté icy des habitudes qui peuuent estre vtiles à vostre repos, ie regarde que sans estre ennemy de vous-mesmes, vous ne pouuez vous resoudre à vous en essoigner; nostre vie estassez douce, nostre conuersation n'a rien de barbare, & quand il vous arriveroit quelque mal, il n'est lieu au monde où vous deuiez esperer tant d'assissance, que vous en rencontrerez parmy nous: Mon repos, repliqua Tyr-

cis, depend du dernier moment de ma vie, qui n'arriuera iamais si-tost, qu'il ne soit preuenu par mes souhaits, & par les desirs de Cleon, qui m'aymant sans doute plus qu'elle n'a iamais fait, m'accuse de paresse, & me blasme dequoy ie suis si long-temps sans la reuoir:ie vous supplie donc par la chose du monde qui vous est la plus chere, de ne treuuer plus mauuais que ie suiue ma premiere resolution & de vouloir prendre la peine d'assurer Adamas, & ceux de qui mon nom est cogneu, qu'é quelque lieu que le sort conduise mes passie coserueray inuiolablemet, le souuenir que ie dois à leur courtoisie; mais adiousta Syluandre, dittes-moy pour le moins, où vous auez resolu d'aller, afin que nous puissions apprendre quelquefois de vos nouuelles, & vous faire part de ce qui se passera sur les riues de nostre bien. heureux Lignon? Il me seroit difficile, respondit le desole, de vous dire ce que ie ne sçay pas moy-mesme: Ie pars sans autre dessein que de me confiner dans la premiere horreur que me presenta la Nature, parmy des bois ou des rochers, c'est pourquoy ie vous coniure de n'en estre point en peine, & de croire que ne meritant pas l'honneur d'estre en vostre souuenir, ie n'ay garde de presumer que vous veuilliez donner à vos pensees vn obiect si deplaisant que le mien: disant cela, il embrassa Syluandre,

198 LA DERNIERE PARTIE D'ASTREE, & Syluandre serrant de mesme Tyrcis entre ses bras, puissiez-vous, luy dit-il, rencontrer toutes choses fauorables à vos desirs; & vous Syluandre, repliqua Tyrcis, puissiez-vous jouyr bien tost des faueurs que le Ciel doibt à vostre merite. A ce mot ils se separerent, & Tyrcis s'estant enfoncé dans le bois, sans sçauoir seulement où il deuoit aller, Syluandre se remit dans la grande allee, & reprit le che-min de la maison d'Adamas: Il ne sçauoit pas encore les malheurs que luy preparoit le retour de Paris, & c'est sans doute qu'il n'eust pas esté si tost aduerty de son arriuée, si de fortune Lucindor se promenant auecque yn ieune homme qui luy auoit apporté des nou-uelles de Lyon, ne l'en eust informé comme d'yne tres-agreable nouuelle; Il luy parla aussi de Bellinde, & ce berger qui se doubta incontinent du suiect de leur voyage, receut en ce moment vn si sensible coup, qu'il ne put s'empescher d'en faire voir les marques dans le changement de son visage; il cacha toutefois au Cheualier le suiet de son ressentiment, & de peur qu'on l'eust accusé de manquer de ciuilité, si ayant sceu la venuë de Bellinde, il ne luy fust allé rendre ce qu'il luy deuoit, il resista aux pensees qui luy persuadoient que puisqu'elle n'estoit venuë que pour le con-tentement de Paris, il en deuoit suyr la preLivre CINQVIESME.

sence. Il entra donc dans la maison, où Bellinde le receut auec des caresses extraordinaires, & comme sil'on n'eust attendu que luy pour disner; à peine sut-il dans la sale, que toute la compagnie se mit à table.

Fin du cinquiesme Liure.





LA

## DERNIERE PARTIE

# DASTREE

LIVRE SIXIESME.



Ls n'eurent pas plustost acheué de disner, qu'Alcandre, Silenie & Lucindor refolurent de partir du Forests, & d'aller reuoir les riues de l'Arar, pour leur apprendre

quel estoit le contentement qu'ils auoient en la possession de leurs maistresses. Circeine, Palinice & Florice y consentirent facilement, cela sut cause qu'aussi - tost qu'ils surent hors de table, ils s'approcherent d'Adamas, & apres l'auoir remercié, par les plus obligeantes paroles dont ils se purent souuenir, des tesmoignages qu'il leur auoit donnez de son assection & de sa courtoisse, ils dirent adieu au reste dela

LA DERNIERE PARTIE D'ASTREE, compagnie, non pas sans faire paroistre qu'ils auoient du regret de s'en separer. Florice, Circeine, & Palinice ne peuret retenir leurs larmes quand il fallut donner les derniers embrassements à la feinte Druyde, à Diane, à Aftree,& sur tout à Phillis, à qui elles se sentoient particulierement redeuables, pour les auoir tirees de la peine où l'Oracle les auoit retenues si long teps: contestois considerans qu'elles n'estoiet pas vehuës en ce lieu, pour y demeurer eternellement, & qu'apres avoir obtenu le bien qu'elles attendoient, elles ne iugeoient pas qu'il y eust rien d'assez fort pour les y arrester dauantage, elles acheuerent leurs adieux auecque moins de regret, & se mirent en chemin, quelques prieres que leur pust faire Adamas, pour les obliger à ne partir point de chez luy si promptemét. Thaumantes, Delphire, Dorisee, & le reste de leur trouppe, ne croyants pas pouuoir rencontrer yn plus beau iour pour se retirer dans leurs hameaux, d'où ils n'estoient pas beaucoup essoi-gnez, supplierent aussi le Druyde de leur permettre de s'en aller, à quoy ayant enfin consenty, pour ne leur retarder pas dauatage le plaisir de reuoir leurs trouppeaux, il les coniura de le venir reuoir quelquesois, & leur protesta qu'il les receuroit toussours auec toute sorte d'affection & de plaisir. Ces Bergers luy rendirent mille graces des offres qu'il leur faisoit, & apres auoir pris congé de la compagnie qui estoit reftee.

stee, ils partirent extremément satisfaits du bo accueil du Druyde, & de la conuersation des belles bergeres qu'ils laissoient dans sa maison.

Alexis ne fut pas peu contente de leur despart, s'imaginant qu'elle pourroit auec moins de contrainte, iouyr des caresses d'Astree, & l'entretenir de sa passion; mais Syluandre qui esperoit que parmy la confusion de tant de gés, il pourroitauecque moins de peine parler à Diane du trouble où il estoit, sut extremément sasché de les voir partir, & eust bien desiré, qu'ils eussent donné encor le reste du jour aux prieres du Druyde. Cependant Adamas qui ne pouuoit oublier la resolution qu'il auoit prise, de ne souffrir pas que le iour se passast, sans qu'Astree sust detrompee, aussi-tost qu'il eut rendu ce que sa courtoisse luy faisoit croire qu'il deuoit à ceux qui partoient de chez luy, il entra dans son iardin, où apres auoir fait deux ou trois tours', resuant sur les moyens qui le pourroient plus facilement faire venir à bout de son intention, il fit appeller Leonide, & luy communiqua son dessein; apres cela illa mena dans son cabinet, & ayat choisi parmy ses liures, celuy qui luy sembla le plus propre pour l'vsage auquel il le vouloit employer, il le remit entre les mais de sa niepce, & luy dit de poinct en poinct tout ce qu'il failloit qu'elle fist, & de quelle façon elle auoità se conduire pour rendre Celadon à sa chere Astree: la Nymphe promit de luy obeyr

Dern.part.

LA DERNIERE PARTIE D'ASTREE. fidellement, & s'en estant reuenuë dans la fale, s'approcha d'Alexis, qui discouroit auecque Syluandre & Astree, cependant que Diane estoit fort empeschée à respondre aux discours de Paris; car ce nouveau Berger ne fut pas plû-tost hors de table qu'il l'aborda, & bien qu'elle le receut auec vn peu de froideur, il ne laissa pas de luy dire, belle Diane, peut-on voir vn homme plus heureux que moy, puis que les Dieux m'ont promis la iouyssance de la chose du monde que s'ayme le mieux? ie ne sçay, luy respondit Diane, assez froidement, ce que vous voulez dire, non plus que ie ne m'estonne pas de vostre bonne fortune, car il ne vous sçauroit arriver tant de bien que vous en meritez, ie veux dire, reprit Paris, que les Dieux ont assuré par leur Oracle que vous seriez mienne, & c'est dequoy ie tesmoigne tant de ioye, car a n'en mentir point, l'affection que ie vous porte est tres-violente, & i'ay tant d'interest pour vous, que de toutes les faueurs que le Ciel me pouvoit saire, il n'en estoit point qui me pust estre chere comme la gloire de vous posseder: Diane alors iettant les yeux sur Sylvandre, qui tenoit les siens attachez sur elle, & puis les portant contre le Ciel c'estoit, dit-elle, auec vn grand souspir, le moindre bien que vous deuiez attendre, & ie m'estonne seulement dequoy vous auez voulu prendre la peine de le rechercher, ie suis peu

de chose en comparaison de vous, que cette dis proportion m'espouuante, & m'empesche de me resiouir de cela mesimes; dont toute autre que moy tireroit vn grand suiet de contentement: ah Diane, adiouta Paris, n'estce pas vn crime que vous vous estimiez si peu, vous, de qui la beauté & les perfections meriteroient vn party mille fois plus auantageux que celuy que ie vous presente. Plust au Ciel, que comme ie ne dispose en vostre faueur que de quelques heritages, dont l'amitié de mon pereme veut rendre possesseur, ie pusse vous donner des Sceptres & des Empires, ie vous iure, belle Diane, que ie les remettrois en vos mains, & que ie serois aussi prodigue de tous les biens de la fortune, que ie le sus de ma liberté dés le moment que ie vous vis: Voyla, repliqua la Bergere, comme les Dieux messent tousiours quelque amertume parmy les douceurs de nostre vie, puis qu'ordonnants que ie sois vostre, ils ne permettent pas que i'en aye la volonté, & veulent que l'honneur qui me peut arriuer de vostre alliance, soit accompagné duregret que l'ay de n'y pouuoir porter mon inclination; comment! dit Paris vn'peu estonné, & d'où pourroit auiourd'huy proceder cette repugnance? ne me fistes vous pas la faueur de consentir que l'allasse supplier Bellinde d'agreer nostre mariage? ie donnay cela, respondit Diane au desir que vous en tesmoignasses,

406 LA DERNIERE PARTIE D'ASTREE, sans me souvenir qu'Astree & moy, auions fait vœu de ne nous separer iamais: Or il est arriué depuis vostre départ, qu'elle a fait dessein d'aller viure parmy les Carnutes, de sorte que estant plus obligee à elle qu'a vous, ie ne puis que ie ne la suiue, & que ie ne m'engage au mesme genre de vie qu'elle voudra mener; ienesçay, adiousta Paris ce que le Ciel ordonnera d'Astree, mais ie vous promets bien que sans enfraindre ouvertement les Arrests de vostre destin, vous ne pouuez vous opposer au contentement que ie recherche. Il faut, belle Diane que vous soyez à Paris, de mesme que Paris vous iure inuiolablemet de n'estre iamais qu'à Diane; disant cela il luy prit la main, & la portant contre sa bouche, bien qu'elle y resistast vn peu, helas, continua-til, quel malheur seroit le mien, si à la veille de iouyr du plus grand bo-heur que ie pouuois souhaitter, i'é voyois mourir l'esperance? est-ce, chere Diane, que ie vous aye offensee par quelqu'vne de mes actions? si i'ay failly, faites-moy hardiment cognoistre mon crime, i'ay assez de courage pour me punir & assez d'amour pour vous satisfaire: à ce mot il se pancha contre elle, & Diane qui ne le pouuoit hayr, quelque voloté qu'elle eust pour Syluandre; la plus grande faute, luy respondit-elle, que vous ayez commise, est celle que vous auez faite contre vous mesmes, d'autant mieux, qu'en la recherche où vous auez engagé vostreinclination, vous ne pouuez rien trouuer qui seconde vostre merite: ie voudrois que vous eussiez porté vos pensees sur quelque obiet qui vallust mieux que moy, car comme vous y auriez eu sans doute plus d'honneur, vous y auriez rencontré plus de subiets de contement, cen'est pas que iene vous estime, & que iene fasse autant d'estat de vous, que vothre vertu & vostre naissance m'y obligent, mais ie confesse que ie vous aurois vne tres grande obligation si vous vouliez cesser cette poursuitte, & ne vous opposer point au desir que i'ay d'aller auec Astree finir mes ioursparmy les Vierges Druydes. Paris vouloit respodre quad on le vint appeller de la part d'Adamas, qui s'estoit enfermé dans son cabinet auec Bellinde, de sorte que iugeant bien que c'estoit pour traitter de ses affaires, il ne luy dit autre chose, sinon, vostre sort & le mien, belle Diane, sont maintenant entre les mains de ceux qui peuuent disposer de nous, ie croy que vous tien-driez pour vn crime de leur desobeyr, comme ie suis resolu d'observer inviolablement tout ce qu'ils ordonneront de moy; disant celà il luy quitta la main, apres l'auoir vne fois baisee, & s'en alla où le Druyde & Bellinde l'attendoiet. Syluandre ne le vit pas plustost hors de la chabre qu'illaissa Alexis, Leonide & Astree, & s'approcha de Diane, mais si interdit en sa contenance, qu'il estoit bien aisé de cognoistre la pei-

Cc iij

408 LA DERNIERE PARTIE D'ASTREE, ne où il estoit: d'abord il le ietta à ses genoux; parce qu'il n'estoit resté dans la sale aucune personne dont il se deust messier, & portant ses yeux sur ceux de Diane, qui estoient desiatous humides; & bien, luy dit-il, ma maistresse, tout est perdu, voyla Bellindearriuée, & Paris, dans le contentement que luy donne l'efperance qu'il a de vous posseder bien tost, voyla les desirs de Diane accomplis,& les pretentions de Syluandre entierement esteintes? AhDieux! respondit Diane, coment auez-vous le courage, Syluandre, de me blesser si cruellementin'est-ce pas assez que ie me voye contrainte de souffrir la tyrannie d'vne mere, & que ie languisse dans la plus mortelle affliction, dont vne fille puisse iamais estre trauaillée, sans que vous me veniez encore affliger par vos soupçons, & me croire coulpable du malheur qui nous doit arriuer, mes soupçons, reprit froidement Syluandre, se changerent en asseurances, dés le moment que vous permistes à Paris de vous rechercher; il estoit assez fàcile de iuger que sa naissance vain-croit les volontez de Bellinde, & que la gloire d'estre fils du grand Druyde, estoit seule capable de luy faire meriter le bien dont il va iouyr: mais Diane, triomphez à vostre aise demon repos, viuez contente en la iouissance de ce riual, donnez à sa condition ce que mon amour deuroit obtenit, si i'en murmure ce ne sera pas contre vous; le Ciel

cust commis vne iniustice s'il vous eust donné plus de fidelité, yous ne deuiez point estre la conqueste d'un incognu, d'un vagabond, ny d'vn miserable, sur qui les Astres ont versé toutes leurs mauuaises influences; Paris seul vous doit posseder, non pas, pource qu'il vous ayme, mais par ce qu'il est plus riche, & plus heureux que moy. Le dernier Arrest, repliqua Diane, qui me doit remettre entre ses mains n'est pas encore prononcé, ie vous promets d'y rapporter tous les obstacles que ie pourray, & qui ne contreuiendront point à mon deuoir, ie luy ay des ja protesté que l'auois fait vœu de me confiner dans les Carnutes, & quand ie deurois m'y resoudre, ie treuueray bien moins de violence en l'execution de ce dessein, que ie n'en ay, à receuoir son alliance, mais il m'a iuré qu'il a appris par vn Oracle, que ie dois estre sienne infailliblement; & c'est bien ce qui me met le plusen peine, d'autant, que si c'est vne loy que les Dieux ayent establie, ie crains bien que tous nos efforts ne soient pas capables de la rom-pre. Aussi, dit Syluandre, est-ce à moy vne imprudence punissable, de m'ostiner encore à desirer vn bien qui me doit estre eternellement deffendu, les Dieux ne peuuent mentir, & puis qu'ils ont ordonné que Diane soit à Paris, & que Sylvandre meure, il est iuste que nous suinions leur ordonnance; ie vay donc, bel410 LA DERNIERE PARTIE D'ASTREE, le Diane, chercher les moyens de les contenter, & de me deliurer en mesme temps de tant de malheurs qui me persecutent, disant cela il se leua: mais la Bergere le retenant, où voulez-vous aller Sylvandre, luy dit elle, voulez-vous entreprendre quelque chose sans mon consentement? vostre amour doit estre plus forte que toute autre consideration, & quelque recherche que vous en fassiez, vous ne trouuerez point de loy qui vous dispense de l'obeyssance que vous me deueuez. La loy que me prescrit mon desespoir, respondit Sylvandre, doit estre d'autant plus inuiolable, qu'elle seconde la volonté des Dieux; leur dessein est que ie cesse de viure, & puis qu'ils le veulent, vous & moy fommes obligez à le vouloir aussi: croyez moy, Diane, ne me retardez pas ce bien, par luy ie dois auoir l'accomplissement de mes desirs, si vous m'aymez, pouuez-vous sans crime vous opposer à ce qui me peut irer de la misere, & seruir de commencement à tous mes, plaisirs? aussi bien quand ie suiurois vostre inclination, & que ie prolongerois le cours de ma miserable vie, qu'en retireriez-vous, sinon vn regret de me voir estre le tesmoing de vôtre foy violée? & moy Diane, quel croyez-vous que ie deulendrois? vous imaginez-vous que le pusse suruiure ce suneste moment qui vous rangeroit foubs la puissance d'vn autre? helas! que vous aymez peu, si vous ne croyez que ie serois capable alors de toutes les saillies que peut saire vn desesperé; non non Diane, assurez-vous que que le ferois de si estranges choses, que la posterités'en estonneroit; il vaut donc bien mieux que ie m'éloigne de bonne heure, & que par vn trespas precipité, deuançant mille ineuitables morts que me causeroit vostre mariage, ie tesmoigne que i'ay plus d'amour & plus de coura-

ge que vous.

Syluandre proferoit ces paroles auec vne certaine action, qui faisoit que Diane mouroit de pitié, & parce qu'il luy faschoit de le voir dans cette fureur, elle fut quelque temps sans luy respondre que par des larmes : enfin haussant vn peu la voix, & le regardant au visage, si ie croyois, luy dit elle Syluandre, que le coup qui me donneroit la mort ne fust qu'vne preuue de mon affection & de mon courage, ie vous iure que ie m'ouurirois l'estomach, plustost peutestre que vous ne vous l'imaginez, mais ie craindrois qu'il sust en moy vne marque d'infamie, & qu'il laissast à ceux qui me suruiuront vn suject de m'accuser de quelque faute plus grande que celle de vous auoir aymé. La viene m'est pas si chere que l'honneur, & s'il m'estoit possible de quitter l'vne, sans perdre l'autre, Paris ne triompheroitiamais de Diane, & ie ne me verrois pas forcee à receuoir d'autre mary que vous; croyez-le Syluandre, ie le iure par les Dieux qui nous escoutent, & supplie le Ciel de neme pardonner iamais, si ie n'executerois ce dessein auec autant de hardiesse que i'en ay eu à le proposer. Quoy que s'en soit, reprit froidement Syluandre, tout ce que vous me dittes, ne sert qu'à m'assurer que ie ne dois plus rien pretendre aupres de vous, & si cela est, croirez-vous iamais que ie vous aye voulu du bien, si ie me laisse consoler sur vne semblable perte? ah Diane, ne me faites pas ce tort de penser que ie puisse demeurer au monde quand vous n'y serez plus pour moy; i'en sortiray, quelques raisons qu'on m'allegue, ne croyant pas qu'il s'en puisse trouuer d'assez fortes pour condamner mon desespoir.

A ce mot Bellinde entra dans la sale, ce qui ne sut pas vne petite surprise pour Diane, qui craignant de perdre Syluandre, eust bien desiré d'adoucir en quelque sorte le desplaisir qu'elle luy voyoit ressentir: elle se hasta toutesois de luy dire assez bas, mon seruiteur, si i'ay quelque pouuoir sur vous, ie vous commande de viure pour le moins, iusqu'àce que vous sçachiez asseuent que mon mariage soit consommé: & acheuant ce mot, elle se leua pour aller à sa

mere qut luy fit signe de l'œil.

Alexis, Leonide & Astree, qui auoient aussi parlé de leurs affaires, se leuerent en mesme temps, & s'estants iointes à Diane, s'approcherent de Bellinde, qui les ayant menees dans le iardin, les pria de permettre qu'elle pust dire

413

particulierement à Diane, quelque chose qu'elle luy vouloit communiquer: Cela sur cause qu'elles se separerent, & que Leonide, Astree & Alexis s'estants iettees dans la grande allee, s'ensoncerent bien auant dans le bois, cependant que le pauure Syluandre, sans sçauoir où il deuoit aller, estoit sorty de la maison, & auoit pris le premier chemin que le hazard luy auoit ofsert.

Il arriua de fortune au mesme lieu où autrefois il auoit pris plaisir d'aprendre aux rochers la naissance de son affection; & là s'estat appuyé contre le tronc d'vn vieil Saule, que le cours de la riuiere minoit insensiblement, il s'arresta quelque temps à cossiderer ses racines, & voyant qu'elles estoient presque toutes hors de la terre, il alloit comparant l'estat de cet arbre à celuy de son amour; Pauure tronc, disoit-il en luy-mesme, que ta vie & la mienne sont maintenant attachces à bien peu de chose, il te reste seulemet deux ou trois racines qui te soustiennent, que le premier orage & la premiere colere de Lignon desroberont a la terre, pour te desrober en mesme temps à nos riuages; & moy miserable, ie ne subsiste desormais que par vn simple commandement de Diane, qui n'aura de force qu'autant de temps qu'il en faut à la colere du Ciel, pour m'oster l'esperance de la posseder, & de viure; puis iettant les yeux sur les petites ondes, qui battoient doucement la terre, & qui

414 LA DERNIERE PARTIE D'ASTREE, se retiroient au mesme instant : Claires eaux disoit-il, n'est ce point que vous m'appellez, & que vous me faites signe que ie vous suive? Ce doux murmure dont yous flattez mes soucis, ne m'assure-til point que vous me seriez plus sauorables que Diane, & que vous auriez pour le moins assez de pitié pour me receuoir dans vostre sein? Ah! Celadon, continuoit-il, que vous fustes heureux, de treuuer dans ces ondes vn remede à vos ennuis, car quelques discours qu'on nous en fasse, au lieu d'y estre tumbé pour secourir Astree, ie croy que vous vous y precipitastes pour vous secourir vous-mesmes, & pour vous guerir de quelques outrages que sa colere, ou peut-estre sa ialousie vous auoit faits. O Dieux ! ô Celadon ! que ne m'est-il permis d'enfaire de mesme; Lignon m'offre le mesme secours, Diane me donne le mesme suject de le rechercher; mais l'inhumaine, elle m'en ofte la puissance, & m'oblige iniustement à l'observation du vœu que l'ay fait de luy obeyr. A ce mot laissant à ses pensees la liberté de se porter où elles voudroient, il sut prés d'une heure sans faire autre chose que resuer sur les diuers accidents de sa vie: mais apres y auoir fait mille considerations, il s'arresta enfin sur ceux de son amour, & opposant tous les plaisirs qu'il auoit receus, à sa douleur presente, il y treuuoit vne si grande disproportion, qu'à peine se pouuoit il souuenir d'auoir iamais esté content; cela luy fit maudire ses premieres flammes, & fut causeque ne pouuant resister à ce premier mouuement, il se repentit d'auoir aymé; toutesois se remettant en memoire les perfections de Diane, & considerant que puis qu'il luy estoit satal de mourir, il ne pouuoit se perdre pour vne plus belle cause, il condamnoit ses premieres pensees, & comme s'il fust deuenu ennemy de soymesme, pour aymer dauantage cette bergere, il desiroit d'auoir encore plus de mal, afin de le

pounoir souffrit pour elle.

Il est croyable qu'il eust employé tout le reste du iour, à nourrir son imagination de semblables resueries, si de fortune ayant esté contraint de tousser, il n'eust pris garde qu'vn Echo assez proche, luy renuoyoit les coups de sa voix; & bien qu'il sceust assurément d'où cela procedoit, il ne laissa pas de le vouloir consulter sur l'estat present de sa vie, & cela fut cause que haussant la voix, afin qu'elle pust paruenir iusqu'au delà du riuage, il profera ces paroles.

#### O D E.

Le mal qui trouble ma raison N'espere point de guerison Qu'en descouurant sa violence:
Toy dont les aymables accents
Ont esté iadis si puissants,
A bien parler de ma fortune:
De grace Echo pardonné-moy,
Si ma passion t'importune,
Ie n'attends mon bien que de toy:

Diane me tient en seruage,

Mais que faut-il pour l'asseruir?

Et si l'on me la veut rauir,

Que doit tesmoigner mon courage?

Peut-estre que sans recourir

A la volonté de mourir,

l'auray l'effect de mon attente?

Mais quoy Diane est à Pâris,

Et cette longueur si distante

L'empesche d'escouter mes cris?

Echo.

Etcho.

feruir,

feruir,

tente.

tente.

L'empesche d'escouter mes cris?

Contre le mal qui me possede, Le foible soulas que voylà?

voyla.

#### LIVRE SIXIESME.

417 Escho, mais apres tout cela ayde. Qu'obtiendray-ie de ton remede? Tu flattes mon ambition; Dy-moy donc quelle passion hayne. Aura pour moy cette inhumaine? O Destins que d'empeschements, Helas! faut-il donc que ma peine

ie ments.

N'ait iamais de soulagements?

Echo, vis-tu iamais esclaue Plus amoureux de sa douleur, Dy pourtant quell est ma couleur, Lors que sa cruauté me braue? haue. Quand elle peut voir sur mon teint Les tourments dont ie suis atteint, aise. Quelle devient cette maunaise? Mais si ie veux luy proposer D'adoucir l'ardeur de ma braise, oser. Que faut-il pour l'y disposer?

Responds, ou se plaist mieux mon ame, aux fers. Depuis mes services offerts? Et cette beauté que ie sers, l'ame. Qu'a-telle sousmis à ma flamme? Ne ments plus, & dy par pitié, A qui sera son amitié, tienne. Quelque obstacle qui la retienne? Mais quoy, son mariage est fait: Et pour faire qu'elle fust mienne, desfait. Il faudroit qu'il n'eust point d'effect?

418 LA DERNIÈRE PARTIE D'ASTREE,

O Ciel! que cet heureux presage,
Est agreable à mes desirs:
Parmy l'espoir de ces plaisirs;
Qui fera qu'elle me soulage?
Cependant hostesse des bois,
Dy-moy, que doit faire ma voix
Dans cette attente volontaire?
Mais ensin si ie dois parler,
Nomme-moy quelque secretaire
Qui scache mes slammes celer?

l'age.

taire:

c'estl'air.

Helas! que ma folie est grande, Et que mon transport est puissant; Ie consulte vn roc innocent, Qui veut tout ce que ie demande: Arbitres du sort des humains, C'est vous qui tenez dans vos mains Le remede au mal qui m'oppresse; Dieux! si mon repos vous est cher, Ne souffrez pas que ma maistresse Soit plus dure que ce rocher.

A ce mot ce berger se teut, pour quelque téps, puis reprenant la parole; ouy certes, continuatil, il saut bien Syluandre, que l'excez de ta passion t'ait troublé le iugement, puis qu'elle te sait chercher du secours aupres d'vne chose insensible, ne l'ayant pu treuuer parmy les personnes qui sont capables de raison : Cesse donc, pauure miserable, cesse desormais tes plaintes, & sans

& sans te consommer en des regrets inutiles, commence à croire que c'est peut estre auiourd'huy le iour que Paris triomphera des volontez comme des faueurs de Diane. Ah malheureux moment, auquel ie seray contraint de voir ma maistresse, soubs l'iniuste domination de monriual, puisses-tu ne te rencontrer iamais parmy les heures, qui appelleront les mortels à la iouyssance de quelque plaisir; mais, sois-tu condamné du Ciel, pour marquer le temps des supplices qui puniront les criminels des sorfaits de leurs damnable vie; Ou plustost bien-heureux moment, auquel ie me verray deliuré de cette contrainte, qui tient encor mon ame dans la prison de ce miserable corps, sois-tu recognu par moy pour le plus fauorable de ma vie, & sois-tu marqué à l'aduenir de la couleur de mon fang.

Auec semblables paroles Syluandre alloit exprimant vne partie du regret qu'il auoit de perdre Diane, & son desespoir sut si grand, qu'il sura de ne r'entrer dans la maison d'Adamas, qu'il ne sceust au vray ce qui auroit esté resolu touchant le mariage de cette bergere, & cependant qu'il disputoit en luy-mesme s'il se retireroit en son hameau, où s'il se perdroit dans quelque solitude, il vint à se souvenir de la saute qu'il commettroit enuers le Druyde, s'essoignant de sa maison, sans le remercier d'aucune de ses saueurs, ny luy dire seulement adieu, mais com-

Dern. part.

 $\mathbf{D}\mathbf{d}$ 

420 LA DERNIERE PARTIE D'ASTREE, me il n'estoit pas en estat de donner quelque chose à la raison, aussi ne laissa-til pas de suiure sa premiere pensee,& de se resoudre à ne se laiffer plus voir, que pour apprendre la derniere nouuelle qui luy deuoit prononcer l'Arrest de sa mort ou de sa vie; ie sçay bien, disoit-il en luy mesme, qu'Adamas aura du sujet de se plaindre de mon ingratitude, & de faire vn mauuais iugement de mon humeur; mais ie trouue le mal quim'en peut arriuer, bien moindre que celuy que ie souffrirois, si ieluy donnois le temps de se seruir de l'authorité qu'il a sur moy, & de me commander de ne partir point de chez luy que ie n'eusse assisté aux nopces de Paris, qu'il ne croit pas me deuoir estre si funestes : disant cela il s'alloit tousiours esloignant, & enfin, sans auoir seulemet pris garde au chemin qu'il auoit tenu, il se trouva sort proche de sa cabane; où n'ayant pas trouué ses trouppeaux, parce que le garçon qui les gouuernoit les auoit sait sortir de l'estable dés le matin, pour ne les ramener que sur le soir, il y sit si peu de sejour, qu'il montra bien, que les foings dont Amour le trauailloit, l'occupoient mieux que ceux qu'il deuoit auoir pour sa fortune. Ainsi quittant sa demeure ordinaire, pour plaire à son inquietude, il se mitencor vn coup à suiure le premier chemin qu'il rencontra, sans sçauoir en façon quelconque, quel estoit enfin le lieu, où ses pas incertains le deuoient conduire.

Bellinde d'autre costé se voyant seule auec Diane, & n'attendant plus que son consentement pour la marier auecque Paris, commençant à se promener le long d'vne allee, elle luy tint ce discous; L'authorité que ie dois avoir dessus toutes vos volontez, Diane, me permettroit bien de disposer de vous, sans en consulter personne que moy-mesme; toutesois ne voulat pas vser du pouuoir que la Nature me donne, si absolumet, que ie ne laisse quelque lieu à l'amitié qu'elle me fait auoir pour vous, ie trouue qu'il est à propos que ie vous communique le dessein que l'ay pour vous loger. Il n'est pas que vous ne sçachiez que Paris vous ayme, & iene doute pas que vous ne l'aymiez aussi, le voyage qu'il a fait vers moy m'en a donné vne si grande cognoissance, que si ce n'eust esté le siège de Marcilly, i'euste esté icy bien plustost, pour luy donner le contentement que le voyois qu'il re-cherchoit auec tant d'ardeur & de sincerité. Or ne s'estant proposé en son affection autre fin que le Mariage, & n'y pouuant desormais auoir de l'empeschemet que devostre costé, i'ay bien voulu en sçauoir vostre aduis, & vous dire le mien, afin que vous ne me reprochiez iamais que le n'aye veillé auec toute sorte de soing, aux choses qui ont tant soit peu regardé vostre repos. C'est donc mon dessein, de ne le faire pas dauantage languir en cette recherche, & de faire que ce mariage se consomme le plustost qu'il

Dď ij

fe pourra; bien souvent la longueur est nuisible en telles poursuittes, & c'est peu de sagesse de ne recevoir pas vn bien quand il se presente, comme c'est vne imprudence de le regretter apres que nous l'auons perdu. Dites-moy librement, Diane, ce qu'il vous en semble, & ne faites point de difficulté de me descouurir iusqu'à la plus secrette de vos pensees, vous assurant, que ie vous doneray tousiours des tesmoignages, que comme vous estes seule au monde, depuis la perte que ie sis d'Ergaste, sur qui i'ay sondé l'appuy de mes vieilles annees, aussi estes-vous celle

que i'ayme pardessus toutes choses.

Diane qui durant le discours de Bellinde auoit tousiours tenu les yeux attachez contre terre, les haussant alors, Madame, respodit-elle, il n'est pas grand besoin que ie vous die quelle est l'in-elination que i'ay pour Paris, ny de quelle saço ie reçoy sa recherche, puis qu'il n'est que trop vray que vous auez resolu que ie sois sienne, & que de quelques raisons que ie me seruisse pour destourner ce coup, peut-estre seroit-il impossible que ie pusse changer la volonté que vous en auez conceuë. Toutesois, pour vous satissaire, & pour ne vous laisser pas plus longuement dans l'opinion où vous estes que i'aye de l'affection pour luy, ie vous diray que veritablement ie ne le hay pas, mais ie vous aduoüeray bié aussi que ie ne l'ayme pas, iusqu'à destrer d'estre sa semme, ce n'est pas que ie veuille cotreuenir à quoy

que ce soit que vous ordonniez de moy,ie defere plus à vostre iugement qu'au mien, & cette obeyssance que ie dois rendre à vos comande-ments m'apprend que mes desirs ne doiuent iamais estre contraires aux vostres. Bellinde qui ne sçauoit pas qu'elle eust de l'amour pour Syluandre, & qui s'imaginoit que toutes ces paro-les ne tendoient qu'à mieux cacher celle qu'elle auoit pour Paris; voyez vous, luy dit-elle, Diane, toutes ees petites feintes sont maintenant hors de faison, ie n'ay pas si peu de memoire des accidents qui me sont arriuez iadis auec Celion vostrepere, que ie ne sçache bience que peut direvn fille qui a honte d'auouer vn ressentiment. Ie sçay que vous aymez Paris,& puisqu'il falloit que vous receussiez les volontez de quelqu'vn, ie ne suis pas marrie que celuy-là vous ait touchee plus sensiblemet qu'vn autre : son merite luy pouvoit faire pretendre plus de biens que vous n'en auez; & c'est en quoy vous luy estes plus obligee, puis qu'il n'a fait estat que de vostre vertu, & qu'il s'est plus attaché aux graces que vous auez receuës de la Nature, qu'aux faueurs que la fortune vous a faites: Madame, repliqua Diane, ie vousiure que peu s'en faut que Paris ne me soit indifferet comme tout le reste des hommes,&qu'il n'y a qu'vn seul poinct qui m'oblige à l'estimer, qui est, qu'en la bonne volonté qu'il m'a tesmoignee, sa discretion a esté si grande, qu'il m'a esté impossible de m'empes-

Dd iij

424 LA DERNIERE PARTIE D'ASTREE, cher de luy vouloir vn peu de bien; mais cette volonté, comme ie vous ay dit, madame, né va point plus auat, & i'oserois dire qu'elle demeure dans les termes de cette amitié, qu'vne sœur doit auoir pour vn frere; c'est pourquoy ie vous conjure de ne croire pas que me donnant à luy; vous me procuriez aucun aduantage qui me rapporte du contentement, ie proteste que ie voudrois de bon cœur qu'il n'eust iamais regardé mon visage qu'auec indifference, & que la plus grande saueur que vous me pourriez saire, seroit de me permettre de continuer à viure. comme i'ay fait iusqu'icy. Ce que vous me demandez, reprit Bellinde, n'est pas iuste, & ieserois extremement blasmable si ie vous l'accordois; la plus forte loy que ie vous en deurois donner, pourroit bien estre, celle de commandement; mais afin que vous ne pensiez pas que ieveuille vous porter à aucune chose, qu'à ce que la raison me dicte, ie veux que vous consideriez s'il est possible que ie vous permette ce que vous desirez. Premierement, il ne se peut faire que cette amitié que vous auez contractee auez Astree & Phillis, ne serompe à la fin, ou pour le moins qu'elle ne cesse de vous rapporter les mesmes plaisirs qu'elle vous à desia donnez, parce qu'il faudra enfin que vous vous separiez, & quand cela n'arriueroit pas de vostre costé, il est croyable que ce sera du leur : ainsi vous ne treuuerez plus de douceurs dans la vie,

s'il est vray que ces deux compagnes vous ayent esté extremément cheres, dautant que les lieux mesmes où vous viuriez apres les auoir perduës, ne feroient à tous moments que presenter à vostre veuë de nouueaux sujects de douleur; mais quand il seroit possible que cette amitié durast eternellement, & que vous fussiez inseparables, il faut que vous sçachiez Diane, que vous ne pouuez resister à la puissance des annees, qui vous feroient enfin deuenir vieille fille, & Dieu sçait alors quelle honte vous ne receuiez pas, de mille contes qu'on feroit à vostre desaduantage: les vns diroient que ç'auoit esté en vous vne marque de peu de jugement, de n'auoir sceu faire choix d'vn party sortable à vostre condition, les autres assureroient que vous auriez eu si peu de merite, que vous n'auriez pu donner à personne la volonté de vous rechercher; & ainsi presque tous, sans s'informer plus auant des succez de vostre vie, se plairoit à dire contre vous tout ce qui leur viendroit en l'imagination; au lieu que viuant sous la puissance d'vn mary, vous serez garantie de toutes ces mesdisances, & gousterez en repos le plaisir qu'on a d'estre inseparable d'vne personne qu'on ayme parfaittement; Madame, dit la bergere, le mariagen'est pas tousious vn moyen pour clorre la bouche aux mesdisants; ceux qui ont enuie de mordre sur les actions d'autruy, y trouueroient aussi tost dequoy 426 LA DERNIERE PARTIE D'ASTREE, s'assouuir, que dessus quelqu'autre genre de vie qu'on voudroit suiure: l'ay ouy dire que la mesdisance ressemble à un traiet descoché, qui frappe necessairement quelque chose, & quia cela de mauuais, que bien souvent il blesse l'innocence melme, & fait condamner comme vn crime les plus saintes actions; si bien, madame, que si on auoit sait dessein de me blasmer, il se-toit dissicile que i'en pusse esuiter le coup, & ie necroy pas que le nom de femmem'y seruist mieux que celuy de fille; Quoy que c'en soit, adiousta Bellinde, il faut que de necessité ie me descharge du soing que ie suis obligee d'auoir pour vous, afin que ce peu qui me reste de vie soit employé plus parfaittement au seruice de nos Dieux: Mais, madame, respondit la bergere, si yous auez tant de satisfaction au seruice de ces Diuinitez, n'oserois-ie pretendre d'y estre employee? vous le pourriez sans doute, dit Bellinde, mais les Dieux m'ont fait cognoistre leur volonté, & m'ont ordonné de vous remettre entre les mains de Paris; car il faut que vous sçachiez Diane, que comme ce n'est pas mon humeur d'aymer les choses precipitees, aussine voulus-ie point entendre d'abord à la demande que Paris me fit, mais ayant pris du temps pour en deliberer; ie sis premierement ce que ie pus pour recognoistre s'il auoit veritablement pour vous l'inclination qu'il tesmoignoit, puis l'ayant iugee telle que ie la desirois,

LIVRE SIXIESME.

je consulté en particulier l'Oracle de la Deité que ie sers, qui acheua de m'y faire consentir, car elle me le commanda absolument par ces mots.

### ORACLE.

E t'informe pas dauantage Bellinde, mais va de ce pas Donner ta fille en mariage A Paris le fils d'Adamas.

Ah Dieux! s'escria Diane, qu'elle est insupportable cette necessité que les Dieux m'imposent, & que l'auray de peine à souffrir la tyrannie de ce mary: Disant cela,ses yeux commencerent à verser des larmes, dequoy Bellinde s'apperceuant, mais repliqua-telle, que vous aurez de plaisirs en la possession de cet Amant, qui sera vn autre vous mesme, Madame, reprit la bergere, se iettant à ses pieds, ie vous coniure par la memoire de mon pere, & par cet amour qu'autresfois vous eustes pour luy, d'agreer que iene finisse mes iours qu'en vostre copagnie: vous ne sçauriez me procurer vn plus grand aduantage, & s'il est vray que vous aymiez mon contétement, par pitié donez-moy celuy que ie vous demade. Bellinde qui s'alloit

428 LA DERNIERE PARTIE D'ASTREE; figurant que les actions & les larmes de Diane, ne procedoient pas d'une veritable apprehension qu'elle eust, de ce voir reduitte sous la puissance de Paris, mais plustost de cette pudeur qui est inseparable de ce sexe, Diane luy dit-elle vn peu froidement, ie sçay mieux que yous, ce qui est necessaire à vostre bien, & sans me desplaire, vous ne sçauriez vous opposer desormais à celuy que ie vous procurent: Disant cela, elle luy commanda de se leuer, puis elle continua ainsi, quand la naissance de Paris ne le rendroit pas extremement confiderable, sa vertu est au mesme degré où ie la demande, pour n'auoir point de suiect de doubter que vous ne soyezaupres de luy, plus heureuse que vous ne meritez: c'est poutquoy faites en sorte que iene voye plus sur vostre visage aucunes marques de mescontentement, où ie les prendray pour autant de preuues de vostre desobeyssance; le sçay, madame, repliqua la bergere, quel sera le poutoir que l'auray sur mon visage, pour empescher qu'il ne ne vous parle de mon desplaisir, mais ie crainsbien de n'en auoir pas afsez sur mon inclination, pour faire qu'elle se porte a receuoir ailecque l'oye l'alliance de Paris, l'aymerois beaucoup mieux Syl. alors elle s'arresta, surprise dequoy le nom de Syluandre luy estoit presque eschappé de la bouche, & Bellinde luy ayant commandé de, poursuiure, Diane qui iugea bien qu'encore qu'elle eust eu

assez de hardiesse pour le nommer, & pour le demander à sa mere, elle n'y eust iamais confenty, elle reprit ainsi, ie dis madame, que l'aymerois beaucoup mieux, s'il estoit possible que vous l'eussiez agreable, aller viure parmy les Carnutes ou aupres de vous, qu'en la compagnie de Paris? Ie vous dis pour la derniere fois respondit Bellinde, seignant d'entrer vn peu en colere, que vous ne deuez point auoir de volonté que la mienne, & que desirant d'obeyr aux Dieux, qui veulent que ie vous donne à Paris, vous me fascherez, si vous y rapportez la moindre difficulté; preparez. vous y donc de bonne heure, car je veux, puisqu'Adamas y consent, que ce soir mesme l'affaire soit entierement resoluë: A ce mot elle la laissa à la mercy de mille pensees, qui commençoient de l'affliger; & sans vouloir escouter aucune raison, s'en alla où Adamas l'attendoit.

Diane ne se vid pas plustost seule, qu'elle ouurit le passage aux larmes, que le respect qu'elle portoit à sa mere auoit retenuës das ses yeux, & se voyant en liberté de souspirer, pour le moins, dit elle, si on resuse de me guerir, on ne me desendra pas de me plaindre; puis considerant auec attention les pleurs qui couloient le long de ses ioues, & qui tumboient apres sur des roses, helas, disoit elle, soibles larmes, que yous entreprencéyne chose bien difficile, vous

430 LA DERNIERE PRARTIE D'ASTREE, arrousez & voulez faire viure ces fleurs, que la terre produit, apres auoir fait mourir celles que la Nature auoit mises sur mon visage; Ah: qu'il leur saut bien vn aliment plus doux, vous estes trop ameres, cruelles larmes, & vous procedez en moy d'yn suiect trop suneste, pour n'estre pas plûtost en autruy vne cause de mort que de vie: Disant cela, elle s'arrestoit vn peu, puis tout à coup reprenant la parole, helas! continuoit-elle, que vous estes bien vne marque de mon peu de courage, puisque ie n'ose re-courir qu'à vous, comme si la Nature ne m'osfroit point d'autres armes pour me vanger des iniures de la fortune: A quoy sert donc l'vsage des poisons, à quoy le fer, à quoy les precipices, les flames & les eaux, sinon pour estre employezau secours des miserables, Courage doc Diane, sers-toy de quelqu'vn de ces remedes, pour la guerison de ton mal; cherche les plus violents afin qu'ils fassent vne action plus prompte,& tasche de preuenir ce moment,qui doit faire mourir en toy toute esperace deioye. A ce mot elle sortit du iardin, non pas pour r'entrer dans la maison d'Adamas, car elle luy estoit desormais trop odieuse, mais pour aller das la grande allee, afin d'y treuuer quelqu'vne de ses compagnes, aupres de laquelle il luy sust loisible de souspirer sans crainte le suiest de sa douleur, elle sur presque iusques sur le bord de Lignon, sans rencontrer personne, mais enfin

elle apperceutastree, qui assise sous vn viel chesne, le dos soustenu contre l'arbre, tenoit son visage appuyé sur l'vne de ses mains, dans laquelle elle auoit vn mouchoir, dont elle se couuroit les yeux: elle s'estonna de la voir hors de la copagnie d'Alexis & de Leonide, parce qu'elles estoient sorties enséble, & se doutat bien qu'elle ne s'en estoit pas separee sans quelque suiect, elle voulut tascher d'en appredre la cause, & s'approcha auec si peu de bruit, qu'elle vint à cinq ou six pas pres cette Bergere, sans auoir esté entendue; d'abord les sanglots qui sortoient de l'estomac & de la bouche d'Astree, firent iuger à Diane qu'elle auoit quelque grand desplaisir, mais ce qui luy en donna vne plus grande cognoissance, cefut qu'Astree tout à coup haussat la voix, Traistre & perfide s'escria-telle, auec vn grand souspir, as-tu donc bien eu le courage de m'offenser si cruellement? cruel deuois-tu si longuement abuser de mon innocence, pour me perdre enfin de reputation? alors se taisant pour vn peu, comme si la violence des sanglots n'eust pas permis qu'elle en eust dit dauantage; Miserable que ie suis, reprit elle, comment oseray-ie desormais paroistre deuant le monde, ie me verray donc obligee à rougir eternellement, & à souffrir qu'on remarque lar mo front les apparences d'vn crime que ie ne commis iamais. A ce mot fondant toute en larmes,& portant encore yn coup son mouchoir à

432 LA DERNIERE PARTIE D'ASTREE, ses yeux, elle se mit à resuer, mais si profondement, que Diane apres auoir fait vn peu de bruit, se vint asseoir aupres d'elle, & y demeura quelgue temps, sans qu'Astree s'en apperceust; Enfin la voulant retirer de cette fascheuse pensee, & desirant d'apporter quelque remede à sa douleur, bien qu'elle en eust besoin pour elle-mesme; ma sœur, luy dit-elle, apres l'auoir poussée doucement, quelle nouuelle affliction vous est suruenue? Astree alors, se resueillant comme d'vn prosond sommeil, & se voyant si pres de la personne du monde qu'elle estimoit le plus, sans respondre toutesois à ce que Dianeluy auoit demandé, car à peine en auoit-elle oiiy la voix, se leuant sur ses genoux, elle se mit à l'embrasser, & à verser tant de larmes, que Diane qui n'estoit pas assigee dyne moindre douleur, se sentat prouoqué par cet obiect de pitié, à ne plus retenir les siennes, comença de son costé à pleurer & ainsi sans dire vn seul mot, elles furent assez log-temps sans donner aucun relasche à leurs pleurs ny à leurs embrassements. Enfin Astree auec vne voix toute entrecouppee de souspirs, ah! ma sœur, luy dit-elle, ah ma sœur! ie suis perduë; Pourquoy ma sœur, respondit Diane, qui vous a causé cette mauuaife humeur? Celadon, repliqua Astree. Diancalors s'imaginant que la mort de ce berger luy estoit reuenuë en la memoire,& qu'estant si proche de Ligno, elle n'auoit pûs'e-

pescher de repenser au triste accident qui luy estoit suruenu, ma sœur respondit-elle, cen'est pas que ie vueille condamner vos pleurs, mais vous me permettrez bié de dire, que si les larmes que vous auez versees depuis sa perte, pouuoient estremises ensemble, elles feroient vne riuiere plus grade que celle où il se noya, croyez-moy, macompagne, vous l'auez assez pleuré! Ah ma sœur, dit Astree, en l'interropant, que vous estes peu sçauate, Pleût aux Dieux, qu'au mesme téps qu'il se precipita, iè me susse noyee auecque luy, ie ne languirois pasà cette heure dans la peine où ie suis,& ne me verrois pas reduitte à estre la fable de tout le monde, pour tant de mauuais contes qu'on va faire de moy. Diane ne pouuat comprendre ce qu'elle vouloit dire, ie vous iure, ma sœur, reprit elle, que ie seray long teps igno. rante, si vous nem'instruisez mieux, mais continua-telle, ie vous prie parlez-moy franchemet, & faites que ie sçacheau vray le suiet de vostre desplaisir; vous assurant qu'auec la mesme liberté; ie vous descouuriray vne chose qui me trauaille, & qui m'afflige d'autant plus que ie suis hors d'esperance d'y pouvoir iamais treuver de remede: le veux bien, respondit Astree, se remettant en la mesme place où elle estoit, & començant à seicher ses larmes, vous dire ce qui me met en peine, & vous advertir de ce qui m'est arriué, car encore que iene voulusse pas rendre ce deuoir, à l'affectio qui a esté commune entre

LA DERNIERE PARTIE D'ASTREE, nous,i'y serois obligee par vne consideratio bie forte, qui est, qu'ayans esté presque vne mesme chose, & nos pensees ne nous ayants iamais esté cachees, non plus que nos actions, il est necessaire que vous respodiez de mes deportemes & que ceux qui douteroient de ma vertu, cessent d'auoir mauuaise opinion de moy, par les discours que vous serez à mon aduantage. Ie ne pense pas repliqua Diane, qu'il se treuue iamais d'homme assezimpudent pour entreprédre de vous blasmer, mais quad ce malheur arriveroit, ie vous promets inuiolablemet que iene le souffriray point, & que ie parleray de vous comme ie dois; c'est pourquoy, macompagne, ie vous coure de ne me rien celer, & de m'ouurir vostre cœur, auec assurance que iene vous refuseray iamais quelque chose que vous puissiez desirer demoy, alors Astree acheuat de seicher ses larmes, i'ay tousioursbien creu, luy dit-elle, que vostre amitié estoit pour moy aussi grande que ie l'ay desiree, voire bié plus que ie n'ay merité, aussi affin que vous ne croyez pas que ie vous cede en cette volonté, ie vay vous faire vn' difcours qu'autre personne que vous ou Phillis, n'eust iamais pu apprendre de moy. Sçachez donc ma compagne que tantost, cependant que Paris vous entretenoit, Leonide s'est approchee d'Alexis & de moy, & apres nous auoir deman-dé quel estoit le sujet de nostre entretien, elle m'adit, que me donnerez-vous Astree, & ie vous

vous diray les meilleures nouuelles que vous seauriez desirer? ie n'ay rien, belle Nymphe luy ay-ie respondu, dequoy ie puisse disposer, car tout ce que l'auois, est aujourd'huy en la puissance de ma maistresse; mais le vous seray bien obligee, si vous me dites quelque chose qui regarde son contentement ou le mien:ce que l'ay à vous dire, a telle adiousté, vous regarde toutes deux immediatement; & afin que ie vous oste de peine, c'est quAdamas vient de m'assurer qu'il ne tiendra desormais qu'à vous, de vous lier d'vn nœud que la mort seule poutra desfaire: il sçait donc bien, luy ay-ie dit, que l'obtiédray parmy les Carnutes la place que l'y demade?il faut bien qu'il en soit assuré,m'a-telle respondu, car il m'a commandé de vous en venir porter la nouuelle, afin que vous commenciez de bone heure à vous y preparer, & à vous en resiouyr, il y a long-temps, ay-ie adiouté, que ie m'y suis disposee, mais iusqu'à cette heure ie ne l'ay pas osé si parfaitement esperer, c'est pourquoy ie veux luy tesmoigner la ioye que i'en ay, par les remerciements que ie donneray au souuenir qu'il a eu de ma fortune. Nous allions de cette sorte nous entretenants, lors que Leonide, apres auoir yn peu demeuré sans parler, enfin s'approchant de mon oreille, elle a commencé à me dire tout bas, dites moy la verité Astree, la compagnie de Celadon ne vous eut-elle pas esté bien plus agreable que celle Dern. part.

436 LA DERNIERE PARTIE D'ASTREE, d'Alexis? pourquoy, sage Nymphe, luy ay-ie respondu, me faites-vous cette demande? pource, a-telle adiouté, qu'il est necessaire que le fçache, pour quelque consideration que ie vous diray; à ce mot, i'ay pris garde qu'Alexis s'est vn peu esloignee de nous, & qu'enfin, sous pretexte de regarder le tableau qui est posé sur la cheminee, elle a commencé à se promener par la sale. Estant donc demeurée seule auecque cette Nymphe, Celadon, luy ay-je dit, estoit vn berger, pour qui ie ne deuois pas anoir de l'inclination, à cause de l'inimitié de nos peres, & Alexis est vne fille Druyde, que toutes choses m'obliget à cherir parfaitement; c'est pourquoy il y a bien plus d'apparance que ie doiue treuuer plus de douceurs en sa compagnie, qu'en celle d'vn berger, qui ne m'eût, peut estre, iamais esté qu'indifferent: Cette feinte ma dit Leonide, seroit bonne en vne autre saison,où aupres d'vne personne, qui n'auroit pas tant de cognoissance de vos affaires que l'en ay; mais aupres de moy, qui sçay iusqu'à la moindre des lettres que vous luy auez escrittes,& qui n'ignore pas vn seul des accidens qui vous sont arriuez, tesmoing vostre ialousie, qui fut cause qu'il se precipita dans Lignon; il faut croire, belle Astree, que ces seintes font inutiles, & que vous auriez tort, si vous ne me parliez plus franchement.

Iugez, Diane, si l'ay esté surprise de luy ouyr tenir ce discours, ie meure si cela ne m'a presque kauie, mais desirant d'en sçauoir d'auantage; & d'où est-ce, luy ay-ie demandé, que vous pouuezauoirappris ce que vous dites! ie vous le diray, m'a-telle respondu, mais ie vous supplie n'en parlez iamais à personne, & iurez-moy que de tous les secrets que vous eustes iamais, cettuy-cy sera le plus inuiolable? moy qui ne desiray en ma vie rien auec tant de passion, que de sçauoir par quel moye elle auoit pu deuiner tant de choses, ie luy ay iuré tout ce qu'elle a voulu, & alors elle a repris ainfila parole: il faut que vous sçachiez, Astree, que mon oncle, comme il est dans vne condition qui le separe grandemet du commun des hommes, aussi atil des qualitez estranges qui le font approcher de la Diuinité; peu de-personnes sçauent iusqu'où va l'excellence de son esprir, car son humilité, qui est incomparable, fait qu'il cache auccque soing ce qu'vn autre feroit paroistre par ostentation; mais moy qui luy appartiens, i'ay eu tat de part en son amitié, qu'il ne s'est presque iamais caché de moy; & ie puis dire qu'il a peu de secrets, dot ie n'aye veu faire quelque experience: Or il y a quelques iours qu'estants dans Marcilly en. fermez luy & moy dans sa chambre, il me vint, ie ne sçay comment, en fantaisie de luy demander quelque chose de vous, à quoy ayant fait au commencement quelque difficulté de respondre, enfin il me dit, sçachez Leonide, que cette Bergere est nee soubs vne constellation, qui luy

Ee ij

LA DERNIERE PARTIE D'ASTREE, promet des contentemens extrémes, mais ils seront messez de tant de deplaisirs, qu'il se trouueroit peu de personnes qui voulussent estre vn iour heureuses à ce prix la selle a eu vne passion tres grande pour Celadon, & c'est sans doubte qu'elle brusse encore du mesme seu que la discretion de ce Berger alluma dans son ame, mais cette flame asi peu de tesmoings, que Diane, Phillis, & Alexis, sont les seules personnes à qui elle en a descouuert la violece, que si vous voulez apprendre vne partie des succes qui leur soc arriuez, voyla qui vous en rendra sçauante; alors elle m'a dit qu'Adamas luy mit vn liure dans la main, & que l'ayant ouvert, il n'y eut pas plustost marqué que lques figures, outre cel-les qui y estoient dessa, qu'elle y l'eut tout ce qu'autrefois ie vous ay raconté de ma vie, & de celle de Celadon: m'en ayant donc redit vne partie, elle a continué ainfiguous voyez, Astree cobien peu de suiet vous auez eu de me vouloir cacher quelque chose, que tout ce que ie vous ay dit, est capable de vous obliger à vous fier en moy, confessez librement que vous eussiez esté bien plus contente de finir vos iours aupres de luy, que de viure aupres d'Alexis, qui en qualité de fille Druyde ne sçauroit, si iene me trompe, vous causer que des plaisirs fort communs: Puis que les actions de ma vie, belle Nymphe, luy ay-iedit, vous sont aussi cogneuës qu'à moy, & que cette prodigieuse science d'Adamas

vous en a fait apprendre iusqu'aux moindres circonstances, ie ne vous nieray point qu'il ne soit vray que i'ay aymé Celadon d'yne amour toute pure & toute sainte, & que le plus sensible deplaisir que l'aye iamais ressenty, a esté celuy que sa perte m'a causé; mais les Dieux qui fonttout pour nostre bien, n'ayants pas permis que nostre affection eust vne fin plus heureuse, i'ay enfin porté mon humeur à souffrir cette separation auec patience; & c'est seulement pour cela que i'ay donné mes volontez au merite d'Alexis, ne croyant pas que l'ombre de mon Berger soit en rien offensée, si pour euiter d'estre obligee à receuoir l'alliance de quelqu'yn, ie me confine auec elle en quelque lieu qui me laisse aussi libre en mes pensees, que ie la serois peu en la compagnie de Calydon, ou de quelqu'autre de ceux que Phocion me voudroit faire espouser, vostre dessein, m'a dit Leonide, est si iuste & si beau, qu'Adamas a resolu de vous en faire auoir le contentement que vous esperez; mais parce que cette retraitte est vne espece de mort, ie voudrois bien, Astree, que vous me dissiez en confidence, si deuant que mourir au monde, & quitter pour iamais ces agreables demeures, où vous auez autrefois passé de si douces iournees auec vostre berger, vous ne seriez point bié aise de le voir encor vne sois, & de luy faire cognoistre que c'est pour l'amour de luy que yous quittez cette cotree, où depuis son ab-

Ee iij

440 LA DERNIERE PARTIE D'ASTREE, sence vous n'auez rien trousé qui ne vous ait esté desplaisant helas, belle Nymphe, luy ay-ie respondu, à quoy me seruiroit de vous assurer du contentement que i'en receurois, puis que ce ne seroit que rengreger ma douleur, & m'apprendre de mieux en mieux, combien il est impossible que le sort qui me l'a rauy consente iamais à me le redonner non non, sage Leonide, ay-ie adiouté, i'ay trop offense son amour, pour n'estre pas eternellement punie du supplice que ie souffre, dans l'assurance où ie suis de ne le reuoir iamais: le moment auquel ie le vis precipiter dans Lignon, la teste baissee, & les bras ou-uerts, comme s'il eust este bien-aise d'embrasser cet Element, qui luy deuoir estre plus fauorable que moy, ce moment, dis-ie, ce traistre moment, sut celuy qui le derobant à ma veuë, osta de moname l'esperance d'estre encor ay-mee de luy. Ne vous enquerez pas, m'a-telle dit alors, s'il est impossible ou non que ie vous donne ce contentement, c'est vn soing qui ne touche que moy, & dont la peine ne sera, peut estre, pas si grande que vous vous l'imaginez; dites moy seulement si vous le desirez, car pour ne vous en mentir point, ie le puis absolument, & ce mesme Liure, dans lequel mon oncle me sit lire l'histoire de vos amours, est celuy par l'ayde duquel ie vous feray reuoir l'image de vostre tant aymé Celadon; disant cela elle m'a ouuett vn liure qu'elle tenoit entre les

mains, où i'ay veu quantité de figures & de caracteres qui me sont entierement incognus; de sorre, que dés que l'ay cuietté les yeux dessus, ie ne sçay si ça esté vn essect de mon imagination, où si veritablement il y a quelque secrette vertu enfermee; mais il est certain que ie me suis sentie comme saisse d'une frayeur non accoustumee, & que tout mon sang s'est esmeu: cela a esté cause que l'ay esté quelque temps sans parler, dequoy Leonide s'apperceuant, voyez-vous Astree, a telle continué: à tout cecy il ne saut qu'vn bon courage, & vne sorte resolution; car enfin, ou vous aymez Celadon, ou vous ne l'aymez point? si vous l'aymez bié, laissez faire à l'Amour, ce Dieu est assez puissat pour donner yn bon succez, à toutes nos entreprises, que si vous ne l'aymez plus, ne souffrez pas que son nom viue encor dans vostre memoire, & ie perdray le soing de vous le montrer, aussi bien ne le desirois-ie que pour vostre contenrement: helas! belle Nymphe, luy ay-ie respondu que vous metouchez bien en la plus sensible partie de mon ame: eh, pour quoy mettez vous en doute que l'ayme la memoire de ce berger, s'il est vray que vous aïez leu depuis peu de temps, les secrets de mavie les plus cachez? Sage Leonide, sçachez, que si vous remarquez en moy quelque repugnance au dessein que vous auez, ce n'est pas que ie ne meure d'enuie de receuoir Celadon, mais c'est veritable met, qu'ou442 LA DERNIERE PARTIE D'ASTREE, tre la difficulté que i'y trouue, l'aduoue que ie crains de n'auoir pas assez de courage pour obseruer, peut-estre, tout ce que vous me comanderez, que si vous prenez la peine de me dire de bonne heure ce que vous voudriez que ie fisse:i'essayerois d'y preparer mon esprit: c'est en quoy, m'a-telle dit, ie vous satisferay facilement, & vous diray qu'il faut en premier lieu que nous nous retirios vous & moy toutes seules en quelque endroit que nous chosirons das le bois, où personne ne pourra venir troubler nostre amoureux mystere: ah Dieux? ay-ie dit en l'interrompant, dés là ie cognois la chose impossible; si vous me contraignez d'aller seule où vous marquerez vos figures, & où vous ferez, peut estre quelque noir enchatement, ie crains que mon esprit se trouble aussi bien que l'air que vous ferez obscurcir, & que les images que vous presenterez à mes yeux me soient à l'abord si effroyables, quelles me fassent mourir, deuant que ie puisse reuoir celle du pauure Celadon. C'est, a telle adiouté, ce que vous ne deuez point craindre, mon dessein s'acheuera sans quel'airs'en offense, ny que le soleil en palisse, d'horreur, les fleurs au contraire en paroistront plus belles, & vous verrez que la terre mesme, rira du plaisir que vous receurez: mais enfin, il faut que vous soyez seule, car il seroit à craindre qu'en l'habit où Celadon paroistra deuant vous, il n'eust honte d'estre veu de quelque œil qui

fust estranger:comment, sage Nymphe, luy ayie dit, & si ie vous demandois qu'Alexis y sust, croyez-vous que l'ombre de Celadon en fust scandalisee? Leonide alors faisant semblant d'y penser, ie croy, a-telle repris tout à coup, que la volonté que vous auez pour elle sera plustost agreable à Celadon, qu'elle ne luy desplaira; c'est ce qui me fait iuger, qu'encore que nous l'appellions à cette ceremonie, elle n'y rapportera pas de l'empeschement: & bien, luy ay-ie dit, pourueu que ma maistresse y soit, i iray par tout où vous voudrez, & me permets de ne rie craindre, tant que vous me permettrez d'éstre en sa compagnie: voyez donc, m'a dit Leonide, fielle y consentira, & puis nous irons mettre la main à l'œuure ; à ce mot ie me suis leuce d'aupres d'elle, comme vous auez veu: le vous iure, ma sœur, dit Diane, que ie n'y ay pas pris garde, car ie croy que ç'a esté enuiron le temps, que Paris estant sorty, ie m'entretenois auec Syluadre, vous auez raison, ma sœur, reprit Astree, i'ay veu que Syluandre estoit aupres de vous: mais pour continuer le discours que i'ay commencé, ie vous diray que ie me suis approchee d'Alexis, qui comme vous auez desia ouy, s'amusoit à se pourmener par la sale, & à considerer quelques peintures; & d'abord que i'ay esté aupres d'elle, ma Maistresse, luy ay-ie dit, ie vies demander vostre aduis, & implorer vostre secours sur vne chose qui m'importe? mon ser-

444 LA DERNIERE PARTIE D'ASTREE, uiteur, m'a-telle respondu, vous pouuez tout fur moy, & vous ne deuez pas douter que ie ne vous serue de tout mon cœur, mais ie crains, luy ay-ie dit, que la priere que ie vous veux faire, vous foit importune, parce que vous croirez, peut-estre, qu'elle contreuient à ce que ie vous dois? nullement, a-telle adiousté, vous ne sçauriez faillir aupres de moy, qui prendray tousiours en tresbonne part tout ce qui viendra de vous: yous me promettez donc ma maistresse, ay-ie cotinué, que cela ne vous faschera point, & que vous me presterez yn peu de vostre courage pour l'execution de mon dessein? ie vous promets, m'a-telle respondu, de vous donner, non pas seulement mon courage, mais ma personne mesmes, si elle est vtile à quelque chose qui regarde vostre contentement: elle y est veritablement necessaire, luy ay ie dit, car ma maistresse, il faut que vous sçachiez que Leoni-de ayant leu, peut-estre, dans mon ame, qu'il y reste quelques slammes de celles qu'autrefois Celadon y a si viuement allumees, & voyant que cette retraite que ie dois faire auecque vous parmy les Vierges Druydes, est sur le poinct de me separer pour iamais de ces lieux, où la presence de mon Berger m'a esté jadis si douce & siagreable, elle, a resolu de me donner deuant nostre départ le plaisir de reuoir encore vne fois son image. l'ay bien pris garde ma chere sœur, qu'au mesme instant qu'Alexis a

ouy ma proposition elle a rougy, & que bientost apres, les roses mourants sur son visage, elle 'est demeurce enfin aussi passe qu'vn criminel à qui on a prononcé l'arrest de sa mort: mais n'en pouuant deuiner la cause, je luy ay demandé d'où pouvoit proceder le changement que ie remarquois en elle; au commencement elle a esté vn peu empeschee à me respodre, mais enfin elle m'a dit, Ievous assure mon seruiteur, que le dessein de Leonide m'effroye, & que i'ay de la peine à comprendre de quelle invention elle se servira pour contenter vostre curiosité: Ah! ma maistresse, luy ay-je dit, si vous sçaujez les choses qu'elle m'a racontees,& de quelle façon elle peut penetrer quand il luy plaist, dans les secrets des ames les plus couvertes, vous perdriez beaucoup de cet estonnement; l'ay esté d'abord en la mesme peine où vous estes, mais certes quad elle m'a eu dit des particularitez de ma vie,qu'autre que les Dieux, Celado & moy, ne pouuoit sçauoir, i'ay creu que ce qu'elle me promettoit n'estoit pas plus impossible quele reste. Pour moy, m'a dit Alexis route troublee, ie feray tout ce que vous voudrez; mais pour ce qui vous touche, ie serois bien d'aduis que deuant que vous engager à cela, vous sussiez pre-paree à tout ce qui vous y peut arriuer de sas-cheux; car enfin que sçay-ie de quel œil vous verrezceberger? peut-estre vous paroistra-til si desagreable, que vous le haïrez autant que vous

446 LA DERNIERE PARTIE D'ASTREE,

vous imaginez à cette heure de le pouvoir ay? mer: que s'il arriue qu'vne seule de vos pensees tende à luy procurer ce mescontentement, c'est sans doubte qu'yn second desespoir, pire mille fois que le premier, sera cause que vous le perdrez, mais sans esperance que tous les secrets de la magie, puissent iamais le faire reuenir des lieux où son ame se sera retiree: Ma maistresse, Juy ay-ie dit, ie ne crains pas que ma haynele chasse, comme ie n'espere pas que mon amour le puisse retenir, mais puisque cette officieuse Leonideme veut donner le bien de le reuoir, pour le moins durant vn quart d'heure, ie vous supplie de ne vous opposer pas au plaisir que i'en attends; à ce mot ayant la larme à l'œil, innocente que i'estois, ie luy ay pris la main, & la baisant mille sois, ie l'ay conduitte aupres de la Nymphe, qui ayant sceu qu'Alexis consentoit à venir auecque moy, s'est mise au milieu de nous, & lors que Bellinde & vous estes sorties, nous a menees dans le bois, pour m'y faire receuoir le plus sensible desplaisir qu'vne honneste fille pouuoit iamais ressentir.

A ces dernieres paroles, Astree se remit à pleurer, auec tant de violence, qu'elle sut contrainte de cesser son discours, & Diane prenant la parole, ie vous iure ma sœur, luy dit elle, que c'a esté enuiron ce temps-là, que i'ay aussi esté assigee de la plus cuisante douleur que i'aye iamais receuë, mais si vous desirez que ie vous la

raconte, ie vous prie ne me faites pas languir dans l'enuie que l'ay de sçauoir ce qui vous est arriué, afin que ie messe pour le moins mes larmes auec les vostres, & que nostre affliction se partageant entre nous, elle soit tant plustost allegee, ma sœur, reprit Astree, portant son mouchoir à ses y eux, excusez l'excez de mon desplaisir, & ne vous estonnez pas s'il est capable de m'oster la parole, puisque ie cognois parfaittement qu'il aura assez de pouuoir pour m'oster mesme la vie: mais deuant que la douleur me reduise à cette extremité, ie veux bien vous acheuer le recit de cette auanture. A ce mot Astree alloit continuer, quand elles ouyrent la voix de Phillis, qui ne sçachant où pouuoient estre ses compagnes, les alloit cherchant de tous costez, & cependant s'amusoit à chanter vne Villannelle que Lycidas luy auoit donnee le iour auparauant. Elles presterent donc l'oreille, plustost pour sçauoir quel chemin elle prendroit, que pour aucune enuie qu'elles eussent d'escouter les paroles qu'elle alloit chantat, mais parce qu'il se rencontra qu'elle venoit à elles, & qu'insensiblement elle s'en approchoit, il leur fut impossible de s'empescher d'ouyr qu'elles disoient ainsi.

## VILLANNELLE.

Amour que i ayme les Lys Qui sont au sein de Phillis, Velques beautez que la Nature Donne à la naissance des fleurs Et quelques aymables couleurs Dont elle imite la peinture, Rien n'est beau comme les Lys Qui sont au sein de Phillis!

Zephire enuieux de mon aise; Ne souspire plus que pour eux, Et dans son transport amoureux Il va disant quand il les baise; Amour que i ayme les Lys Qui sont au sein de Phillis.

Leur blancheur que rien ne surmonte; Reluit d'un esclat nompareil, Pour eux s'est caché le Soleil, Et la neige a passy de honte, Amour que i'ayme les Lys Qui sont au sein de Phillis.

Mais i ay beau cognoistre leurs charmes, On les defend à mon desir,

Et la mauuaise prend plaisir A les arrouser de mes larmes, Et pourtant i ayme les Lys Qui sont au sein de Phillis.

Cette bergere alloit chantant de cette sorte, ne croyant pas qu'elle eust tant de suject de s'affliger, pour l'interest qu'elle auoit en la douleur de ses compagnes; & presque au mesme remps qu'elle eut acheué sa chanson, elle arriua si pres de l'arbre, soubs lequel Astree & Diane estoient assises, qu'elle les apperceut. D'abort elle s'auança, auec yn visage tout resiouy, mais dés qu'elle eut ietté les yeux sur elles, elle les vid dans yne contenance si triste, qu'elle s'en estonna; cela sut cause qu'elle s'assit sans leur rien dire, & ne sçachant à qui des deux elle deuoit plustost parler, tant elle les voyoit esgalement affligees, elle fut quelque temps sans faire autre chose que les regarder, tantost l'yne, tantost l'autre; enfin perdant patience, est-ce, leur dit-elle, mes cheres compagnes, que vous feigniez d'estre ainsi tristes pour me faire peur, ou que veritablement vous ayez quelque iuste suject d'estre si melancoliques? helas! respondit Astree, auec vn prosond souspir, il n'est que trop certain ma sœur, que mon affliction est vraye, & qu'elle est paruenuë au plus haut poinct où elle pouvoit iamais arriuer; c'est en quoy, adiousta Diane, la mienne

LA DERNIERE PARTIE D'ASTREE, n'est pas differente de la vostre, car ie sçay bien qu'elle est allee iusqu'à l'extremité: Vous ne sçauriez, reprit Phillis, trenuer en cette matiere vn Iuge plus confident ny plus equitable que moy, s'il est vray pour le moins que les loix de nostre amitié vous obligent à me faire le recit de ce qui vous fasche; pour ce qui me regarde; dit Astree, ie vous en auray bien-tost esclaircy l'esprit, car lors que vous estes arriuee, i'auois desia commencé d'en faire le discours à Diane; & ie croy bien qu'elle ne fera non plus de difficulté que moy, de vous raconter tout ce que vous desirerez sçauoir de ses affaires; à ce mot elle commença de luy redire succinctement ce qu'elle auoit desia fait sçauoir à Diane, & puis elle continua ainsi: Or il faut que vous sçachiez, mes compagnes, que cependant que nous allios nous enfonçants dans le bois, Alexis paroissoit tousiours plus espouuantee, & sembloit à sa co-tenace qu'on la menast plustost à la mort, qu'en vn lieu où i'esperois receuoir d'elle le secours que ie luy auois demandé: ses pas estoient incertains & chancellants, & les couleurs de son visage n'estoient pas plus viues que celles du pauure Adraste, durant qu'il estoit insensé: moy qui m'en prenois garde, & qui la voyois affoi-blir de moment en moment; ma maistresse; Iuy ay-ie dit, ie croyois estre la moins courageuse fille du monde, mais à ce que ie voy, vous estes encore moins hardie que iene suis; en ve-Tite:

rité, mon seruiteur, m'a dit Alexis, ie sçay si peu où Leonide nous meine, ny ce qu'elle veut faire de nous, que cette incertitude m'estonne, & me fait douter si le lieu où elle nous conduit, ne sera point plustost pour moy vn lieu de supplice, qu'vn lieu de repos. Ie m'assure, ay-ie adiousté, que nous en seros bien-tost esclaircies, car nous voicy desia soubs des arbres, dont le seuillage est si espaix, qu'à peine y treuuons-nous assez de iour pour remarquer nos visages, & puis que pour mettre plus facilement son entreprise à execution, elle cherche les lieux les plus obscurs, ie ne pense pas qu'en toute l'estéduë de ce bois, elle en pust treuuer vn plus sauorable que cettuy-cy: le lieu m'a dit Alexis, est vrayment bien solitaire, mais ie ne puis pas comprendre, comme il sera possible que parmy l'horreur que i'y voy, Leonide vous puisse presenter quelque obiect qui vous soit agreable; pourueu, luy ay-ie respondu, qu'elle accomplisse sa promesse, & qu'elle me fasse voir Celadon, ie suis contente, & quelque horreur que nous remarquions dans cette solitude, elle se perdra sans doute aux premiers regards de mon berger. Vous estes donc bien resoluë, a-telle repris, de fouffrir qu'il se presente deuant vous ? I'y suis si resoluë, luy ay-ie repliqué, que le luy commanderois mille fois au lieu d'vne, & ie meure si l'eus iamais de passion esgalle au desir que l'ay delereuoir, Puis que cela est, m'a dit Alexis,

Dern. part.

LA DERNIERE PARTIE D'ASTREE. auec vne' contenance bien plus assuree qu'elle ne l'auoit auparauant, allons belle Astree, où le Çiel doit prononcer par la bouche de Leonide le dernier arrest de nostre felicité; moy qui croyois qu'elle parlast de nostre retraitte parmy les Carnutes, qui n'estoit desormais retardee que par la volonté que l'auois de reuoir encor vn coup Celadon, allons ma maistresse, luy ay-ie respondu, où le Ciel nous doit oster le dernier obstacle qui s'oppose à ma prosperité:Disant cela, i'ay pris garde que Leonide s'est arrestee, & que se tournant à nous, elle nous a dit auec vne voix vn peu forcee, & d'vn ton plus graue qu'à l'ordinaire; Voicy Astree où les Dieux ont destiné que Celadon vous soit rendu, aduisez d'estre attentiue à ce mystere,& resoluez-vous pour quelque temps au silence, de peur que vous ne le profaniez par vos paroles: à ce mot elle a commencé d'ouurir son liure, & mettant en terre le genouil gauche, le visage tourné du costé d'où le Soleil se leue, elle a tiré vn cousteau de sa pochette, par le moyen duquel ayant couppé vne branche d'Alysier, elle y a graué quelques caracteres, & a prononcé certaines paroles, où ie n'entendois rien du tout; Apres cela elle s'est leuce, & s'en venant à nous, souuenez-vous Astree, m'a-telle dit, que vous auez promis d'obseruer tout ce que ie vous commanderois, prenez donc bien garde à n'y faillir point, sur peine d'irriter les esprits,

dont ie vay inuocquer la puissance; disant cela, elle s'est tournee du costé de l'Orient, puis du Midy, & enfin du Septentrion & de l'Occidet, & à chasque tour marmotoit quelque chose: enfin elle s'est approchee de moy, & apres auoir imprimé vn cerne sur la poussiere, mettez vous là, m'a-telledit, belle Astree, & preparez-vous à receuoir le plus grand contentement que vous eustes iamais, puis se tournant vers Alexis, & l'ayant aussi fait mettre dans vn cerne, Grands Dieux a telle dit tout haut, qui faites les destinees, puissant Amour, en faueur de qui ie pratique vn secret qui ne sut iamais cognu d'autre mortel que d'Adamas; Esprits bien-heureux, qui iouissez des plaisirs que produit vne amitié inuiolable, Dieux, Amour, Esprits, ie vous appelle pour tesmoings, ou plustost pour autheurs de ce miracle, & vous coniure de redonner à la Bergere Astree l'image, ou plustost la personne mesme de Celadon. A ce mot me regardant d'vn œil plus doux, & s'approchant de moy, auec vne desmarche sort posee, l'ay veu, m'a telle dit, Celadon qui n'attend autre chose pour se presenter, deuant vous, que le comandement, sans lequel vous luy defendistes d'estre iamais si osé que de paroistre en vostre presence, ne voulez vous pas, a-telle continuéle luy ordoner? Ie leveux, sage Nymphe, luy ay-ie respondu, pourueu que ie sçache de quelle façon, ou en quels termes ie le dois prononcer:

454 LA DERNIERE PARTIE D'ASTREE, pour vous deliurer de cette peine, a repris Leonide, il faut que vous redissez ce que ie diray; alors ayant commencé tout haut à dire, Celadon,i'ay dit apres elle, Celadon, & ayant adiousté, ie vous comande, i'ay dit aussi, ie vous commande, de vous presenter à moy, a repris Leonide, & moy i'ay dit, de vous presenter à moy; à ce mot la Nymphe me regardant, & puis Alexis, qu'est-cecy a-telle dit, belle Astree, ne voyezvous pas Celadon? Ie ne voy rien encore, luy ay-ie respondu, regardant autour de moy toute craintiue, & i'ay bien peur que pour me punir de l'offense que ie commis contre son amour, il me veuille priuer de la ioye que l'aurois de luy en pouvoir demander pardon: alors l'ay ietté l'œil sur Alexis, & la voyant dans vne frayeur extraordinaire, peut-estre, ma maistresse, luy ay ie dit, vous le voyez? helas! m'atelle respondu, ie le voy vrayment, & ie le touche: mais, à ce mot la voix luy a failly, & Leonide prenant la parole, mais a telle continué, il est croyable Astree, que vous auez manqué en quelque chose, touchant ce commandement, si ce n'est aux paroles, c'est peut-estre en la penfee ? Ie vous assure belle Nymphe, luy ay-ie dit, que ie ne croy pas auoir failly ny en l'vn ny en l'autre, alors m'ayant fait redire iusqu'a trois fois ces mesmes mots, Celadon mon fils, ie vous commande sur peine de me desplaire, de vous presenter à moy; O Dieux, mes compagnes, que vous diray-ie, l'ay veu, chetiue que ie fuis, Alexis, ou plustost Celadon luy-mesme, prosterné à mes pieds, qui m'embrassant les genoux, le voicy, m'a til dit, mon bel Astre, ce fils que les eaux ont espargné, de peur d'esteindre vne seule estincelle de ses flammes: moy qui croyois que ce fust encore Alexis; Ah, ma maistresse, luy ay-ie dit, en l'embrassant, que vous estes cruelle de vous mocquer de moy; Belle Astree, a repris Celadon, il n'est plus teps que ie sois appellé vostre maistresse, i'ay trop de gloire à porter le nom de vostre tres humble seruiteur, & pour marque, a-til adiousté qu'autrefois cette qualité m'a esté donnee, voila, a-til dit, mettant la main dans son sein, & tirant le mesme ruban qu'il m'arracha le iour qu'il se iettadans Lignon, voila le dernier tesmoignage de vostre colere, qui tient attachez ensemble, tous ceux que vous m'auiez donnez de vostre amitié: alors ouurant la boëtte, où est mon portraict, & me le presentant, ne soyez pas ingratte, a-til adiousté, iusqu'au poinct de mescognoistre vostre visage, & si ie suis si malheureux que de n'estre plus cognu de vous, pour le moins n'exercez pas cette rigueur sur vous-mesmes: à ce mot il s'est teu, & comme s'il eust fallu que son silence eust esté cause du mien, ie suis demeuree sans pouuoir dire seulement vne parole.

Vrayment, dit Phillis, en l'interrompant c'est Ff iii

456 LA DERNIERE PARTIE D'ASTREE, dequoy ie ne m'estonne pas, car vous deucz auoir esté bien surprise, puis qu'à vous ouir seulement raconter cette auature, ie ne sçay moymesme si c'est vn songe ou vne verité; helas, reprit Astree, il n'est que trop vray, que ce cruel m'a traittee de la sorte, & pleustaux Dieux, que pour faire que ce n'eust esté qu'en songe, ils eussent permis que l'eusse dormy d'vn sommeileternel: Pourquoy, repliqua Diane, vous affligez vous d'auoir eu cette cognoissance, si vous l'auez desiree & recherchee, auecque tant de passion? Ie ne croyois pas, respondit Astree, qu'elle me deust estre si desaduantageuse, ny qu'il fust possible qu'elle m'arriuast de la façon, l'ignorois l'artifice de Leonide, & comme Celadon a iusqu'icy triomphé de mon innocence, foubs le personnage d'Alexis, cette Nymphe a voulu abuser de ma credulité, soubs le pretexte d'vne science qui ne luy fut iamais cognuë. Quoy que c'en soit, reprit Phillis, il nous en est pour le moins arriué ce bon heur de sçauoir que Celadon est en vie, ce qui ne sera pas vn petit suject de ioye pour mon Lycidas; Quoy que c'en soit, respondit Astree, il m'en est arriué ce malheur de sçauoir que i'ay esté trompce, & que ce perfide a esté cause de mille crimes que i'ay commis, pour le chastiment desquels, ce ne fera pas vne iniustice si on m'accuse d'auoir failly contre ce que ie doibs à ma reputation; le ne croy pas, adioura Diane, que personne du

monde ait suject de blasmer vos actions, mais quand il s'en treuueroit quelqu'vn de qui la malice les voudroit condamner, vous auez vn beau moyen pour leur fermer la bouche, sivous espousez Celadon, Moy, dit Astree, toute troublee, ah ma sœur, peut-estre n'est-il desia plus au monde: Comment, reprit Phillis, & qui l'en auroit osté, auriez-vous bien fait vne seconde faute, apres auoir payé la premiere si cherement ? Ie ne pense pas, respondit Astree, auoir point fait de faute quand ie luy ay tesmoigné le ressentiment que le deuois auoir de sa tromperie. Pour Dieu, ma sœur adiouta Diane, acheuez nous le recit de toute cette action, afin que nous n'en soyons plus en peine; ie le veux bien, repliqua la Bergere, pourueu qu'apres cela Phillis veuille iuger sans passion, si ie n'ay pas sait ce que ie deuois: dites hardiment, adiouta Phillis, tout ce que vous voudrez, & ne doubtez pas que ie ne vous en die franchement mon opinion, alors Astree s'estant vn peu remise, continua son discours en cette forte.

Aussi-tost que i'ay eu ietté les yeux sur ma peinture, sur la bague & sur le ruban que Celadon m'a presentez, i'ay porté mes regards sur luy, & les y ayant arrestez vn peu sixement, i'ay recognu si parsaittement son visage, que ic me suis estonnee dequoy i'auois pu demeurer si long-temps dans l'aucuglement où i'auois esté

458 LA DERNIERE PARTIE D'ASTREE, detenue. D'abord i'ay esté sur le poinct de l'embrasser, & de suiure le premier mouuement de mon amour; mais tout a coup me remettant en memoire l'estat où il m'auoit yeuë, les faueurs qu'il auoit receuës de moy, & combien de fois il auoit eu la liberté de baiser ma gorge, ma bouche, & mes yeux, celam'a mise dans vne telle confusion, que ie suis restee aussi immobile qu'vne souche; c'est alors que s'est commencé dans mon ame, vn combat entre l'Amour & la raison; la pitié tenoit le party de l'vn, & l'honneur suivoit le party de l'autre: l'Amour me representoit l'extreme obeyssance de ce Berger, sa fidelité inuiolable, sa passion, & sa fortune, & la Pitié se messant par la dedans, essayoit de me persuader de donner desormais quelque sin à ses supplices: mais la raison & l'honneur me faisants voir clairement les mauuais desseins qu'il cachoit sous cette feinte, & me commandants de faire quelque action, qui pust tesmoigner à tout le monde que ie n'estois nullement complice de ce desguisement, l'ay enfin fuiny cette derniere resolution, & entrant dans la plus grande colere où i'aye iamais esté, sans me souuenir qu'il auoit desia demeuré assez long-temps à genoux & sans luy faire aucnn signe qu'il se leuast; cruel, luy ay ie dit, qui as attenté contre mon honneur, & qui auec vne impudence insupportable, oses encore te presenter deuant la personne du mon-

de, qui ale plus de suiet de te hayr, comment ne rougis-tu point de ton effronterie? perfide & trompeuse Alexis, meurs pour l'expiation de ton crime, & commetu as eu assez de malice pour me trahir, trouue assez de courage & de raison pour me satisfaire:à ce mot me desmessat de ses bras au mieux que i'ay pû, i'ay commencé à vouloir fuir, mais luy me retenant par ma juppe, Belle Astree, m'a-t'il dit, ie n'attendois pas de vostre rigueur yn traittement plus fauorable, ie sçauois bien que ma faute meritoit vn femblable chastiment; mais puis qu'il est fatal que ie meure, & que vostre belle bouche en a prononcé le dernier Arrest, par pitié, ordonnez moy quel genre de mort vous voulez que ie suiue, afin que mon repentir, & l'obeyssance que ie vous rendray en ce dernier moment, seruent de satisfaction à vostre colere. L'auouë que le ton de voix auec lequel il a proferé ces paroles m'a touchee bien sensiblement, & que peu s'en est fallu que ie n'aye cedé aux efforts que faisoit en moy la compassion, mais estant bien resoluë desia a faire quelque violence, non pas seulement sur luy, mais sur soy-mesme, i'ay paru obstinee en mon premier dessein, & retirant ma iuppe auecque force, Meurs, luy ay-ie dit, comme tu voudras, pourueu que tu ne sois plus il ne m'importe; à ce motie l'ay quitté, & Leonide m'a suiuie ving-cinq ou trente pas, mais voyant que Celadon prenoit yn autre chemin,

elle m'a enfin laisse pour le suiure, ne voulant pas, à ce que i'ay pu croire, l'abandonner dans l'affliction où ie l'ay laissé. Aussi tost que ie les ay eu perdus de veuë, i'ay commencé à disputer en moy mesmessi i'auois bien fait ou non, & dans le temps que i'ay mis à venir icy, ie pense que i'ay cent sois approuué mon action, & que cent sois ie m'en suis repentie, mais ne trouuant point de moyen de reuoquer ma parole, & ne pouuant oster de ma pensee les aduantages que sa tromperie luy auoit fait obtenir sur moy, ie suis ensin assis se commançois à me plaindre de ma fortune & de Celadon.

Astree acheua de cette sorte le discours de ce qui luy estoit arriué en la nouuelle cognoissance qu'elle auoit euë de son Berger, & Phillis qui mouroit de regret dequoy la cruauté de sa compagne auoit imposé à Celadon vne peine plus dangereuse que la premiere, Ie ne m'estone pas ma ſœur, luy dit-elle, si vous sousfrez du mal, & si le Ciel vous condamne tous les iours à quelque nouueau suiet de douleur: car en verité, vous auez des façons de l'offenser qui vous sont toutes particulieres, & ausquels ie ne pense pas qu'autre que vous osast iamais auoir pensé. Venez çà quel besoing estoit il de chasser encore vne fois ce Berger? si vous auez creu par là, fermer la bouche à ceux qui auroient voulu vous accuser de quelque crime, ne

voïez-vous pas qu'il n'estoit nullement necessaire de recourir à cette extremité, puis que l'authorité d'Adamas estoit seule capable de vous garantir de tout soupçon. Ah, ma sœur, respondit Astree, bien qu'il y ait quelque apparence qu'Adamas à sçeu quelque chose de tout cecy, ie n'en suis pas pourtant assuree, & que pour ne vous en mentir pas, c'est à quoy ie n'ay point pensé; mon iugement s'est trouué si surpris & si embroüillé dans cette pr cedure, qu'il luy eut esté fort difficile de faire d'autres considerations que celles qui m'ont obligee à condamner ce Berger de la plus grande trahison qu'il pouvoit commettre contre moy: & bien, reprit Phillis, peut-estre que le Ciel permettra que vous sçaurez bien-tost le secrét de toute cette affaire, afin que vous soyez bourrelee d'vn plus sensible remords, & que vous ayez plus de regret d'auoir si mal vsé de la faueur que l'on vous faisoit, en vous rendant Celadon: cepandant, pour n'estre pas si peu charitable que vous, ie vay penser aux moyens qui pourroient empescher ce Berger de ce faire mal, & aduertir Lycidas de tout ce que vous mauez raconté.

A ce mot sans se mettre en peine d'ouyr la respoce d'Astree, ny ce que Diane auoit promis de luy dire, touchant le desplaisir qui l'assiligeoit, elle se leua, & se remettant dans la grande allee, reprit le chemin de la maison, où

LA DERNIERE PRARTIE D'ASTREE; elle croyoit que Lycidas pourroit estre dessa de retour. Astree & Diane n'avresterent guiere à la suiure, & iugeants bien qu'en se retirant, elles auroient assez de loisir pour s'entretenir encore de leurs affaires, Diane commença de luv redire presque mot à mot tous les discours que Paris luy auoit tenus; elle luy parla du deses poir de Syluandre, & enfin du commandement que Bellinde luy auoit fait: l'ayant donc bien infor-mee de tout, elle poursuiuit ainsi, Or ma sœur, pour vous ouurir à ce coup l'interieur de mon ame, ie vous diray librement que ie ne croy pas que l'eusse plus d'auersion s'il me falloit espouser vn tombeau, que i'en ay quand on me propose d'espouser Paris, ce n'est pas que i'aye de la haine pour luy, ny que le manque de jugement pour cognoistre l'honneur que ce me seroit: mais pour le 'confesser ingenument, i'ayme mieux Sylvandre: & si la Nature les afait naistre inesgaux, croyez moy qu'Amour s'en est bien vangé, puis que les mesmes auantages que la naissance donne à Paris pardessus Syluandre, mon affection les donne à Syluandre sur Paris. Voyla de quelle façon le Ciel se iouë de moy, me faisant auoir de la bonne volonté pour vn, en qui ie ne puis rien pretendre, & m'empeschant d'en auoir pour celuy, à qui ie dois estre sacrifiee. Vostre malheur, luy dit Astree, n'a rien de commun auec le mien, car dans le succez de vostre vie, il n'est rien arriué qui puisse

blesser vostre reputation, au lieu que dans la suitte du deguisement de Celadon, la plus innocente de mes actions pourroit aucc raison estretenuë pour vn crime. D'ailleurs, que vous espousiez Paris, ou Syluandre, la fortune vous offre tousiours l'esperance de quelque conten-tement:mais que i espouse Celado, où que ie ne le voye iamais, cela ne sçauroit empescher que iene demeure tachee detoutes les fautes dont vn mauuais esprit me voudra charger: mais continua-telle en souspirant, ie suis resoluë d'y apporter bien tost le remede, que le desespoir enseigne aux ames qui se lassent de souffrir. A ce mot, elle se teut, & Diane reprenant la parole, ma compagne, luy dit elle, vous trouuez vostre mal plus grand que le mien, parce que vous le ressentez, & ie trouue le mien plus grand que le vostre, parce que ie sçay combien il m'est cui. sant; asseurez-vous que les causes qui peuuent rendre vne douleur insuportable, se trouuent mieux en mon affliction qu'en la vostre, par ce, qu'outre qu'en l'estat où ie suis, l'ay le messine desplaisir que vous, qui est de ne pouvoir posseder la personne que l'ay me; encore ay ie vn re-gret que vous n'auez pas, qui est de me voir contrainte de me donner en proye à la tyranie de celle qui peut disposer de moy; Toutesois, ma sœur, peu s'en saut que iene me resoluë aus-si, de recourir à ce commun remede, qui ne peut estre resufé à personne, & que ie ne consen.

464 LA DERNIERE PARTIED'ASTREE, te à mourir, plustost qu'à prononcer cet ouy, qui doit estre le premier moment, & le premier

autheur de toutes mes peines.

Auec semblables discours ces belles filles arriuerent si pres de la maison du Druyde, qu'elles apperceuret Lycidas, qui sortoit auec Phillis, & qui monroit à sa contenance d'auoir quelque affaire bien pressee. Astree pria Diane de s'esloigner vn peu, pour ce qu'elle apprehendoit de le rencontrer, ce que la Bergere luy ayant accordé facilement, elles se ietterent dans vne petite allec qu respondoit à celle dans laquelle elles estoient, & s'estats cachees sous la bordure, elles n'y furent pas long-téps, sans ouïr que Lycidas, marchant à grands pas, mais Phillis, dit il, n'auez-vous point sceu de cette cruelle en quel endroit s'est passé cette tragedie! ie vous iure, luy respondit la bergere, que c'est la seule chose que i'ay oublice; mais adiouta telle, cherche-le auec le plus de soing que vous pourrez, & peut-estre vous rencontrerez Leonide qui vous en donnera quelque nouuelles : ah Dieux, reprit Lycidas se hastant tousiours de marcher si Astree eut voulu rabatre vn peu de sa suffisance accoustumee, elle eut bien pu me garantir de la peine que ie vay prendre; mais ie croy qu'elle n'est au monde que pour la ruine de nostre maison. Ce fut-la le dernier mot qu'elles ourrent, pour qu'il s'estoit dessa vn peu essoigné, cela fut cause que se doutans bien qu'il n'eut sceu les

apperceuoir, elles sortirent, & ne furent pas plustostes r'entrees dans la grande allee, qu'elles virent que Philis reuenoit seule: elles l'attédirent donc, & d'abord qu'elle se sut approchee, & bien, luy dit Astree, ie pense que Lycidas, est bien en colere cotre moy?mais, respondit Phillis, n'en a t'il pas raison, croyez-vous qu'il ait si peu d'interest pour Cela don, qu'il ne doine hayr ceux qui sont cause de sa perte? helas, ma sœur, repritAstree,i'aduouë que la premiere fois qu'il se perdit i'en sus vrayment la cause, & que ie sis vn peu de faute de le condamner si legeremet; mais auiourd'huy ne se doit -il pas accuser luymesme de son malheur? à qui peut-il reprocher quelque manquemet, qu'à sa mauuaise humeur qui l'a porté si indiscretement à la recherche de mille faueurs qu'il a obtenuës de mon innocence, sous la tromperie dont il s'estoit couuert? Voyez vous Phillis, la conseruation de ce Berger me deuoit estre bien chere, mais celle de mon honeur luy deuoit bie estre pour le moins aussi considerable: cependant vous auez veu mille fois qu'il n'en a point fait de conte, & qu'il ne cessoit de me baiser & de m'embrasser, abusant insolemment de la liberté que ie donnois à la qualité d'Alexis, & dont ie ne luy eusse pas laissé la moindre partie, s'il eut paru deuant moy fous la personne de Celadon: ce n'est pas que ie ne recognoisse dessa, qu'insensiblemet ie me pourrois resoudre à luy pardonner cette of466 LA DERNIERE PARTIE D'ASTREE fense; mais quand ie me remets dans l'esprit l'image des choses passees, ie meure si ie n'entre dans vn tel transport, que si ie luy pouuois ordonner vne peine plus grande que celle à quoy iel'ay sousmis, ie pense que ie le ferois. Vrayement, ma sœur, adiouta Phillis, ie ne pense pas que bergere de Forests ait iamais eu des repentirs plus hors de saison que les vostres; de mesme me tesmoignastes vous auoir quelque regret de la perte de Celadon, la premiere fois que vous le vistes perir; voyez vous, Astree, ie troune ces remors tres-inutiles,& l'eusse mieux aymé vous voir relascher quelque chose de cette rigueur, que vous aucz exercee contre luy, bien que c'eust esté en quelque sorte, au preiudice de cette extreme discretion, que vous vouliez qu'il eust pour vous, que vous voir auiourd'huy dans la peine où vous, estes, pour guerir le mal que vous auez fait: ma sœur, reprit Astree, croyez moy, que, qui pourroit comme cela disposer de ses mouuements, auroit vne qualité qui le releueroit par dessus la Nature de tous les hommes, nous sommes trop soibles pour auoir cetEmpire sur nous, il faut que nous obseruions, comme parforce, les loix que nos passions nous imposent, sans qu'il nous soit possible de preuoir sur le champ, les accidens qui nous en peuvent arriver: pensez-vous qu'en cet instant, que l'honneur m'a dit que Celadon estoit indigne de viure, i'aye creu que i'aurois quelque

quelque regret de l'auoir fait mourir ? nullement, au contraire, l'ay creu que ie deuois cette vengeance à ma reputation, & que ie serois tousiours fort contente de l'auoir coseruce aux despens mesmes de la vie de ce Berger: Cependant, dit Phillis, vous voyez à quoy nous en fommes, vous voudriez, peut-estre, n'estre iamais entree en colere contre luy, & l'auoir receu auecque ioye, lors que Leonide vous l'a presenté? ie voudrois, respondit Astree, qu'il ne se fust iamais dispose à me deceuoir, afin que sans me faire tort i'eusse puluy rendre vne partie de ce que ie dois à l'amitié qu'il m'a portee; mais puis que ce malheur est auenu, i'auouë, que quelque regret que l'en ressente, ie ne sçaurois condamner ce que l'ay fait.

Disant cela, Astree, qui estoit la plus auancee outrepassa la grande allee, comme voulant se retirer dans la maison, à cause qu'il se faisoit desia vn peu tard: mais Diane qui s'en prit garde, & qui n'auoit pas moins d'horreur de ce lieu, que de quelque obscure prison, n'y voulat entrer, que lors que la nuice les y contraindroit, ma compagne, luy dit-elle, il me semble que nous aurions encore assez de jour pour aller jusqu'au Labyrinthe, & si vous le trouuez à propos, nous irons faire vn tour jusques-là? Allons, luy respondit Astree, où il vous plaira; alors elles prirent vn peu sur la main gauche, & s'estans iettees dans l'allee qui les devoit conduire jusquettees dans l'allee qui les devoit conduire iusquettees dans l'allee qui les devoit conduire iusquette.

Dern. part.

468 LA DERNIERE PARTIE D'ASTREE, qu'à ce Dedale, aussi-tost elles apperceurent Leonide qui venoit à grands pas, & qui portoit la contenance d'vne personne qui a quelque grand suject de douleur; cela fit vn estrange effect dans l'ame d'Astree ; car luy estant resté quelque esperance que cette Nymphe arreste-roit les desseins de Celadon, des qu'elle la vid reuenir seule, à peine qu'elle n'en mourut de desplaisir: les premiers tesmoignages qu'elle en donna parurent sur son visage, & puis ayant comencé à souspirer, Ah Dieux ! dit-elle, mes copagnes, voila Leonide qui nous vient annoncer la mort de Celadon, c'est, respondit Phillis, ce que vous ne deuez pas treuuer estrange, puis que vous l'auez desiree, & que vous luy auez si absolument comandé de la rechercher: disant cela, la Nymphe arriua si pres d'elles, qu'il leur fut facile de remarquer le trouble où estoit son esprit: & parce que Leonide estoit vn peu en colere contre Astree, pour le mauuais traittement qu'elle auoit fait à Celadon, dés qu'elle les apperceut elle se voulut ietter dans vne autre allee, afin de ne les rencontrer point: mais Phillis luy couppant chemin l'attaignit, & la supplia de demeurer; ce qu'ayant enfin obtenu fur elle, soudain qu'elle sut en la presence d'Astree, vous avez raison, sage Nymphe, luy dit la Bergere, de fuir l'abord d'vne miserable, qui a pourtant plus de suject de se plaindre de vous, que yous n'en auez de la hair. Vous auez suje et,

respondit vn peu froidement Leonide, de vous plaindre de moy, come de la personne du mode, qui a contribué le plus de soing & de peine à vous procurer le bien que vous auez refusé; & que vous ne possederez iamais, car les Dieux soc trop iustes pour ne vous punir pas de vostre cruauté par quelque estrange supplice : Les Dieux, reprit Astree, 'lisent dans mon ame, & iugent de ma voloté, s'ils y trouuent du crime, ie ne refuseray iamais quelque peine qu'ils me veuillent imposer, mais ie croy bien qu'ils espargneront mon innocence, & qu'ils ne trouuerot pas dequoy me codamner. Tous ces discours, dit Phillis, ne me guerissent pas l'esprit, ie veux sçauoir où est Celadon, pour Dieu, belle & sage Leonide, ostez moy de la peine où i'en fuis; Vous sçauez donc bien, respondit Leonide que Celadon est en vielle sçay, repliqua Phillis, vne partie de ce qui s'est fait auiourd'huy a son occasió, & combien cruellement cette fascheuse la condamné vne seconde sois à se desesperer. Puis que cela est, dit la Nymphe, ie vous veux aduertir de ce qui est arriué depuis, afin que vous iugiez si Astreen'est pas la plus mauuaise fille du monde, de dire encore qu'elle a du suiect dese plaindre de moy; à ce mot Leonide s'alla asseoir sur l'herbe vn peu à costé de l'ailee où elles estoiet, & Diane, Astree & Phillis s'estas assises autourd'elle, la Nympheleur parla en ces termes, si ie ne voyois que le iour est prest afinir

Gg ij

470 LA DERNIERE PARTIE D'ASTREE, & qu'il ne me sçauroit donner le temps de vous dire beaucoup de choses, ie vous esclaircirois l'esprit de toutes les doubtes où vous pouuez estre, pour ce qui regarde la vie que Celadon a menee, depuis que nous le retirasmes de l'eau, mais en attendant que ie vous raconte cette hissoire auecque plus de loisir, ie vous diray que dés le momét qu'Astree a esté separee de nous, l'ay couru apres Celadon, que l'ay attaint facilement, parce qu'il ne croyoit pas que ie le suiuisse, & me iettant à ses bras, comme si l'eusse eu crainte qu'il eust esté en estat de s'outrager, Berger, luy ay ie dit, Astree vous mande que vous viuiez, & que vous l'aymiez, il a esté vn peu surpris à la verité, car, comme ie vous ay desia dit, il ne me croyoit pas si pres, & mesmes qu'il m'auoit veu courir apres Astree, mais se tournant vers moy, & me regardant auec vne froideur incomparable, Astree, m'a til respondu, ne desire plus que ie viue, puis qu'el-le m'a commandé de mourir; & c'est à tort qu'elle m'ordonne que ie l'ayme, puis que malgrésa rigueur ie ne puis empescher que mon ame ne l'adore, plus religieusement qu'ellen'a iamais fait. l'auouë que ie me suis estonnee de le voir si composé, car ie m'imaginois de le trouuer tout en fureur; mais ne laissant pas d'en tirer vn mauuais augure, Celadon, ay-ie ad-iouté, iene vous dis rien qu'elle n'auouë, &

qu'elle ne vous die elle-mesme, si vous preneze

la peine de la reuoir ; moy? s'est-il escrié, se reculant d'vn pas, ah, belle Leonde, cela n'est plus en ma puissance, vous auez ouy quel a esté l'Arrest qu'elle a prononcé contre moy, c'est son dessein que ie l'execute, aussi n'y rapporteray-ie point de difficulté; ie suis disposé de tout temps à l'observation de ses ordonnances, & le plaisir que l'aurois à viure ne sçauroit estre plus grand que celuy que l'auray à luy obeir: mais, ay-ie repris, que pensez-vous que ie deuienne, croyez-vous que ie vous abandonne dans ce transport? assurez-vous, Celadon, que ie ne vous quitteray point,&que l'empescheray, tant qu'il me sera possible, que vous ne vous fassiez du mal: sage Nymphe,m'a til respondu, quand vous n'auriez pas resolu de me quitter, la nuict vous y cotraindra, elle sera plus puissante àvous le persuader que toutes mes supplications ny mes paroles, aussi ne me mets ie pas beaucoup en peine de vous en solliciter, l'horreur des tenebres, & la solitude de ce bois ne conuiennent nullement auec les craintes & les frayeurs qui sont ordinairement dans l'esprit d'yne fille; c'est pourquoy vous deuez estre plus amie de vostre repos que du mien, & n'auoir pas tant de soing d'empescher ma mort, qu'il ne vous en reste pour euiter la vostre: Vous auez beau me prescher, luy ay-ie dit,i'y suis resoluë,& ie ne me separeray point de vous, tant que vous serez en fi mauuaisehumeur; que si l'horreur de cette so-

472 LA DERNIERE PARTIE D'ASTREE, litude m'imprime quelques craintes dans l'ame, sans doute les Dieux permettrot que ie les surmonte: c'est en quoy, a-til dit assez promptement, yous vous deceuez, car le meilleur office que vous me pussiez rendre, seroit de consentir à ce que la iustice d'Astree a destiné de moy; croyez-moy Leonide, cette Bergere ne faillit iamais en ce qu'elle me commanda, & 1e ne sçaurois faillir, non plus, de quelque façon que ie luy obeisse, permettez donc que l'acheue de luy doner le contentement qu'elle me demande,& ne souffrez pas qu'elle vous haisse, dequoy vous y.

aurez mis quelque empeschement.

Cependant qu'il me disoit toutes ces raisons, i'ay porté tout à coup ma pensee sur les mesmes paroles que vous luy aucz dites, dans la colere où vous vous estes mise,& m'imaginant d'auoir treuué yne bonne inuention pour la consoler, Celado, luy ay-ie dit, ie ne veux pas empescher que vous ne rendiez à vostre Bergere toute l'obeissance que vous luy deuez: mais aussi, ie ne veux pas que vous passiez au delà, ny que vous vous figuriez, pour vous affliger des choses qui ne sont pas, voyons, ie vous prie, quel a esté le commandement qu'elle a fait, & sinous y pensons bien, nous trouuerons que nous n'auos pas beaucoup de suject de nous en plaindre, aussi atil adiouté, n'en murmure-ie pas seulemet, c'est assez que se sçache qu'elle veut que iene sois plus,&cela ne pouuat arriver que par ma mort,

473

ie dois recourir à ce remede : ie ne pense pas, luy ay-ie dit qu'elle ait eu cette pensee, car elle s'en fust mieux expliquee qu'elle n'a fait, ie croy bie que son dessein a esté de vous tesmoigner qu'elle a quelque hote d'auoir esté trompee, & peutestre de vous auoir accordé quelques prinantez trop particulieres: mais quand il a esté questio d'en ordonner la penitence, croyez-moy Celadon, qu'elle ne s'est pas addressee à vous, & a qui donc a-til adiouté, à Alexis, luy ay-ie respondu, ah Leonide, a-til reprisincontinent, ie voy bien cù vous voulez tumber, assurez-vous que vous n'en viendrez pas à bout; i'ay leu trop clairement sur le visage d'Astree la volonté qu'elle a que ie me perde, & souuenez-vous que s'il luy est eschappé de nommer Alexis au lieu de Celadon, ç'a esté que ce nom de fille ne luy a pas semblé si odieux que l'autre, ou qu'ayant eu depuis peu, le nom d'Alexis en la bouche & dans la memoire plus souuent que le mien, il ne luy a pas esté possible de s'empescher de le nommer, mais quoy que c'en soit ç'a tousiours esté à moy qu'elle a parlé, ç'a esté en me condamnant par la fureur de ses regards, & en se desmessant de mes bras auecque plus de vio-lence que si l'eusse esté quelque lyon ou quelque satyre.

Auec semblables paroles il s'alloit tousiours esloignant, & moy qui voyois bien que la nuict

474 LA DERNIERE PARTIE D'ASTREE, approchoit, & qui sçauois que quelque sem-blant que l'eusse fait d'estre bien resoluë à surmonter les frayeurs & les horreurs de la nuict, ie n'aurois iamais affez de courage pour obtenir cela sur mon esprit, mais enfin Celadon, luy ay-ie dit, quelle est la resolution que vous auez faicte? conforme, m'a-til respondu, au commandement que la belle Astree m'a fait: vous n'entreprendrez donc rien contre vous, ay ie adiousté, car encore qu'elle vous ait ordonné de mourir, elle ne vous a pas commandé de yous tuer vous-mesmes; à ce mot il s'est mis à penser vn peu, & quand i'ay veu qu'il ne me respondoit point, ie ne treuue pas, ay-ie continué que son ordonnance vous doiue troubler, car dés que vous vinstes au monde cette loy vous fut imposee par la Nature, qui vous ordonna de mourir dés qu'elle commença de vous faire viure; & certes puis qu'Astree ne vous a point assigné de temps, ie serois d'auis que vous attendissez de luy obeir, iusqu'à ce que la foiblesse de vostre humanité, exige de vous, ce tribut qu'elle reçoit de toutes les creatures.

Belle Nymphe, m'a til dit alors, Astree ne m'a point assigné de temps, parce qu'elle sçait bien que ie ne dois pas estre moins prompt à l'execution de ses ordonnances, qu'elle l'est à les prononcer; ie ne doute point qu'elle n'ait voulu que le mesme iour qui luy a fait cognoistremafaute, serue pour la vanger & pour me punir; ie vous coniure donc de ne vous opposer plus au desir que i'en ay, que s'il vous reste dans l'ame quelque petite marque de la bonne volonté qu'autresfois vous m'auez tesmoignee, ie vous coniure de m'en donner cette derniere preuue, dittes à cette belle ingratte, (car vous la verrez sans doute dans vne ioye nompareille, à cause du malheur qui m'est arrivé, ) que ie n'ose pas m'affliger de mon trespas, de crainte que ma douleur sut vn legitime suie&t pour prouoquer la sienne; assurez la que de toutes les faueurs qu'elle m'a iamais faites, ie tiens cette-cy pour la plus grande, puisqu'il luy a plu de me deliurer en vn moment, de tous les ennuis qu'elle estoit capable de me faire souffrir iene croy pas qu'apres ma mort il reste à cette belle fille de la colere contre moy, que si par malheur son esprit n'estoit pas assez vangé, par pitié faites quelle me pardonne le surplus de mon crime; ie voudrois bien en faire moy-mesme la penitence, mais n'en ayant pas le temps, & ne la pouuant mieux satisfaire que par la perte de ma vie, dites luy belle Nymphe, que ie la vay finir pour l'amour d'elle, & que comme il n'y auoit qu'elle pour qui ie volusse viure, aussi n'y auoitil qu'elle, qui me pust faire resoudre à mourir. Belles bergeres i'auoue que i'ay ouy tout cela

LA DERNIERE PARTIE D'ASTREE, fans luy rien dire, car mon cœur s'est tellement attendry, que ie n'ay plus pensé qu'à seicher les larmes qui commençoient à me mouiller le visage; de sorte qu'au mesme temps que s'ay voulu ouurir la bouche pour luy dire quelque chose', mais a-til continué c'est trop languir dans vn si beau dessein, c'est trop resister à la volonté d'Astree, qui auroit vn nouueau suiest de me condamner, si elle estoit aduertie du retardement 'que l'apporte au plaisir qu'elle receura de ma mort; Adieu belle Nymphe, adieu sage Leonide, ne soyez pas comme Astree, insensible aux traicts de la compassion, & permettez ie vous supplie que ie desrobe vn baiser'à vostre main, pour assurance que vous en obtiendrez vn de cette bergere, ou pour le moins que yous prendrez la peine de luy demander, pour yne marque de la volonté qu'elle aura d'oublier toutes mes offenses: à ce mot, ô Dieux, ie meurs quand i'y pense, il a pris ma main, & l'ayant portee à sa bouche iusqu'à trois sois, il s'en est eschappé, & s'est mis à courir auec tant de force, qu'encore que ie me sois ha-stee de le suiure, ie l'ay perdu de veuë en fort peu de temps; cet accident a failly à me faire enrager, ie ne sçauois à quoy me resoudre, i'e-stois hors d'esperance de le rencontrer, & cepédant ie ne pouvois comprendre comme je pourrois obtenir sur moy de m'en reuenir sans

luy: enfin dans cette consusion de pensees, tantostapprehendant le mal qui luy pouuoit arriuer, aquelquesois blasmans vostre rigueur yn peu trop soudaine, i'ay veu que le iour alloit sinir, ane iugeant pas qu'il sust desormais possible de remedicr à ce malheur, ie suis reuenue sur mes pas, appellant de temps en temps Alexis a Celadon; mais n'ayant ouy personne qui ait daigné respondre à ma voix, ma douleur en est deuenue presque insupportable, a peint dessus mon visage les couleurs de mort que vous y auez remarquees, sans doubte, quand ie suis arriuee aupres de vous,

Tel sut le discours de Leonide, qui mit de si estranges frayeurs dans l'esprit d'Astree, qu'à peine qu'elle n'en perdist le iugement, pour ce coup son œil ne s'ouurit pas aux larmes, car son cœur estoit tellement oppressé de la douleur qu'elle ressentoit, qu'il luy sust impossible de pleurer, mais en eschange ses sanglots sortirent auec tant de violence, qu'ils luy osterent entierement la liliberté de la parole: Phillis qui cognoissoit l'humeur de sa compagne, & qui craignoit que cette derniere nouuelle du desespoir de Celadon, acheuast de la desesperer elle-mesme, resoluë d'y apporter quelque sorte de remede, Belle Nymphe, dit-elle, s'addreffant à Leonide, puisque Lycidas est en campagne, ie m'assure qu'il remediera à tous ces desordres, & qu'il ne reuiendra pas sans l'auoir guery, ou sans auoir pour le moins pris sa bonne part des desplaissers de son frere: Helas dit Astree, pouuant à peine hausser la voix, helas ma sœur, il est bien à craindre que la fureur de Celadon preuienne le secours de Lycidas, ou que le desespoir de l'vn surmontant les persuasions de l'autre, ne l'attire dans le mesme precipice ou peut-estre il s'est dessa ietté, & en ce cas ie serois doublement criminelle, ayant commis deux homicides en la personne de Celadon, & pour auoir fait aller ma vengeance iusques sur l'innocence de Lycidas.

A ce mot Leonide se leuant, & prenant Astree par la main, il est vray, luy dit-elle, que ie
ne sçaurois excuser vostre cruauté, car sans métir, elle a esté trop extraordinaire; mais puisque
vous n'estes pas maintenant en estat d'y remedier, ie suis d'aduis que nous ne parlions de cet
accident, qu'à ceux qui seront capables de nous
y seruir. Diane, Astree & Phillis l'ayans treuué à propos toutes quatre, reprindrent le chemin de la maison, & y arriuerent au mesme
temps qu'Adamas acheuoit de conclure les articles du mariage de Paris, dont les conditions
ne surent pas si secrettes que quelques vns de
ses domestiques n'é apprinssent la verité, qui se
la redisans entr'eux, surent cause que le bruit

s'en espandit iusques hors de la maison,&de là;

presque par tous les hameaux voisins.

Bellinde n'apperceut pas plustost Diane, qu'elle l'appella, & luy rendit compte de ce qu'elle venoit d'arrester auec le Druyde; dequoy cette Bergerefut si surprise, quelques aduertissements que sa mere luy en cust don-nez qu'elle en faillist à esuanoüir; toutessois luy restant quelque lumiere de ce iugement, qui la rendoit si auisee, & si considerable par dessus toutes les bergers des Forests, elle dissimula sa douleur le mieux quelle put, & s'adressant à Bellinde, mais Madame, luy dit-elle, il me semble que cecy est vn peu bien precipité? m2 fille, luy respondit Bellinde, vne bonne action ne peut iamais estre faite trop tost, & d'ailleurs ie ne sçaurois faire icy beaucoup de seiour, puisque vous sçauez bien que ma condition m'appelle autrepart, c'est pour quoy dés ce soir il faut que ce mariage s'acheue: Disant cela, elle se retira dans sa chabre pour faire quelque priere'aux Dieux, en faueur de cet hymenee, & laissat Diane seule, Amour sçait de cobien de soucis son ame fut trauaillee; en cet instant elle voulut resortir de la maison, peut estre pour saire quelque action desesperée; mais Phillis qui estoit aussi restee seule, parce qu'Adamas parloit à Leonide & à Astree, courut à elle, & semit à l'étretenir. Diane qui n'eust pu cacher son desplaifir, quand elle eust esté la plus artificieuse fille du monde, & qui vid outre cela qu'elle pouvoit confidemment le communiquer à sa compagne; elle commença de luy en faire le discours, mais accompagné de tant de souspirs & de larmes, que Phillis en sut veritablement touchée, & s'estonna de la contrainte dont Bellinde ty-rannisott sa volonté.

Cependant Adamas s'alloit informant de la negotiation de Leonide, & si-tost qu'il en eut appris le succez, ô Dieux: s'escria t'il, qu'auez-vous fait Astree, vous allez estre cause de la perte du plus aymable & du plus fidelle Ber. ger qui ait iamais habité sur les riues de Lignon? Mon pere, luy respondit Astree, nous serons bien tost quittes luy & moy; car si ie suis cause de sa mort, il ne sera pas long temps sans se pouuoir vanter d'auoir esté l'autheur de la mienne, il me fasche seulement dequoy la façon dontil a traitté auecque moy, m'empesche de mourir auec honneur, car ie crains qu'il me reste tousiours vn blasme de luy auoir permis des choses, ausquelles il n'eut iamais aspiré s'il n'eust manqué d'amour & de discretion; Ma fille, reprit Adamas, souuenez vous que ces deux deffauts dont vous l'accusez, sont les deux persections qui luy doiuent faire espe-rer de vous, vn traitement bien plus doux que celuy qu'il en a receu; iamais il n'a failly

ny contre le respect, ny contre l'Amour, & si vous sçauiez bien quelles ont esté les actions de savie, vous en iugeriez sans doubte comme moy: Ie n'ay garde, mon pere, repliqua la Bergere, de sçauoir ce qu'il a fait depuis qu'il se ietta dans Lignon, car n'ayant iamais creu qu'il eust eschappé de ce peril, ie me suis souuenuë de luy seulement comme d'vne personne que l'auois estimée, & pour qui l'auois eu vne meilleure inclination que ne le requeroit la hayne qui estoit entre nos peres, & bien luy dit le Druyde, ie vous en instruiray aussi-tost que l'auray comandé à quelqu'vn de le suiure: Lycidas, adiousta Astree, est desia party pour cela; il suffit donc, reprit le Druyde, carce Berger a assez d'esprit & d'affection pour ne rien oublier de tout ce qui peut estre necessai-re à cette recherche, Disant cela, il prit Astree par la main, & l'ayant menee en vn coing de la sale, il commanda à Leonide d'aller entretenir Diane & Phillis, & commença son discours en cette sorte; l'ay à vous dire ma chere fille, tant de choses de la passion de ce Berger, que quand vous n'auriez iamais eu d'autres preuues de son amour que celles que ie vous donneray, vous seriez obligee à l'aymer plus que tout le reste des hommes. Vous croyez qu'il a manqué d'amour & de discretió, mais dans le recit queie vous fray, vous re482 LA DERNIERE PARTIE D'ASTREE, marquerez de si estranges tesmoignages de l'vn & de l'autre, que vous admirerez sa constance, & vous estonnerez de sa vertu, Il ne faut pas Astree, que vous vous imaginiez desormais que ie ne sçache iusqu'aux moindres accidés de vo-ftre vie: i'en ay esté iustruit par celuy-là mesme qui les a causez & ressentis, & qui pour rien du mondene m'eût voulu mentit d'vne seule parole, & afin que vous ne vous estonniez pas' dequoy i'ay esté si soigneux de sa conservation: il faut que vous sçachiez que les Dieux ont attaché le repos de ma vieillesse à celuy dont ce berger doit iouyr, & que l'estat de mes annees doit estre tel que ie le procuray à Celadon. iugez si ie n'ay pas bien du suiect de me plaindre de vous, maintenant que vous auez destruit mes esperances, & que soubs vn pre-texte d'honneur où vous vous estes sondee vn peu trop scrupuleusement, vous m'auez mis en estat de n'auoir iamais aucun contentement au monde? Toutefois, continua-t'il, ie n'ose pas desesperer de leur bonté, de peur de me rendre indigne de leurs graces, & c'est pour cela que ie receuray fauorablement, quoy que ce soit qu'ils m'enuoyent, estant du tout resigné à leur volonté: Mais ensin que vous n'accusiez pas Celadon d'auoir esté en quelque sorte complice des malheurs qui me pourroient arriver, & qu'au contraire c'est à vostre riguent

rigueur qu'on en pourroit imputer toute la faute, ie vay vous appredre sa vie depuis le momét que vous le bannistes d'aupres de vous. Vous sçauez bien Astree qu'à cet instant il s'alla precipiter dans Lignon, mais il ne s'y noya pas pourtant, car le courant de l'éau l'ayant ietté de l'autre costé sur le sable, il y sut secouru par Galatee, Syluie & Leonide, qui l'emmenerent secrettement dans le Palais d'Isoure, Alors il se mit à luy raconter la passion que Galatee eutpour luy, les regrets que fit Celadon, apres qu'elle luy eut fait desrober ses lettres; sa contrainte, ne sçachant de qu'elle façon il pourroit refuser les offres de la Nymphe, sa maladie, ses recheutes, & enfin sa sortie soubs l'habit & sous le nom de Lucinde; en suitte de cela, il luy dit la vie qu'il auoit commencée dans sa cauerne, les inuentions dont Leonide se seruit pour l'en retirer, les occupations qu'il eut en dressance Temple à la Deesse Astree, les difficultez qu'il auoit faites de permettre qu'on sit vne copie du portraict qu'il auoit d'elle, les rauissemens qu'il eut ce matin là qu'elle luy vint bastir vn vain tombeau, en la compagnie de tous les Bergers & de toutes les Bergeres de Lignon, & enfin par quel moyen ill'auoit fait consentir à se laisser voir sous l'habit d'Alexis. Or dit Adamas, en continuant, vous sçauezmieux que moy tout ce qui est arriué de-Dern. part.

484 LA DERNIERE PARTIE D'ASTREE, puis, mais afin que vous ne soyez plus en colere dequoy vous luy auez permis tant de priuautez, ie vous apprends, que ce qu'vn autre eust tenu pour faueur, ille receuoit comme yn supplice, & que ie l'en ay veu si souuent affligé, que l'ay desiré mille fois que vous n'eussiez point tant d'affection que vous en telmoigniez & de fait Astree, si vous prenez la peine d'y repenser, vous treuuerez que vous auez presque toussours commécé de le caresser & de le baiser, car ie sçay bien assurément qu'il eust mieux aymé mourir que l'entreprendre, & que mesme il s'en sust desendu s'il n'eust eu peur de vous faire soupçonner quelque chose de son dé-guisement: Voyla ma fille quelle a esté la vie de vostre Celadon, duquel vous auezardemment desiré la possession, & de laquelle vous auez tenu si peu de compte, quand il vous a esté permis de l'obtenir que si le Ciel permettoit que Lycidas nous le ramenast, promettez-moy que vous luy ferezbon visage, & que vous oublierez toutes les iniurcs que vous croyez qu'il a commises contre vous.

Astree qui n'auoit pas perdu vn seul mot de tout le discours du Druyde, & qui dans la consideration de tant de succez s'estoit consirmee en la creance que son Berger estoit veritablement innocent, Mon pere, luy dit-elle, s'il arriue que Lycidas me ramene Celadon, ce que

ie ne dois pas attendre, sçachant combien il est prompt en toutes ses resolutions, ie vous promets que le viuray auec luy comme vous me l'ordonnerez, & qu'à la moindre marque que l'auray de son repentir, ie seray bien aise de luy faire cognoistre que quelque rigneur dont l'aye vsé enuers luy, ie n'ay iamais manqué d'amitié, ny de cognoissance de ce que ie dois à ses seruices A ce mot Adamas l'ayant baisee au front, l'emmena où estoient Leonide, Phillis & Diane, & s'en alla dans la chambre de Bellinde, pour la conjurer de remettre les nopces de Paris iusqu'au l'endemain, qu'il croyoit n'auoir plus aucun suiect de s'affliger, pour l'esperance qu'il auoit d'apprendre des nouvelles d'Alexis, à quoy Bellinde ayant consenty, Diane en fut incontinent aduertie, qui voyant son malheur encore esloigné d'vne nuict, diminua vn peu de l'extréme affliction dont elle estoit saisse.

Cette iournee se passa de la sorte dans la maison d'Adamas, cependant que dans Marcilly Amour faisoit naistre des effects bien contraires; pour ce coup les sorests & les boccages perdirent la douceur qu'ils souloient faire gouster à leurs habitans, & la ville en eschauge se déspouilla de toutes les horreurs que la crainte & les armes y auoient sait regner depuis le commencement de la rabellion de Polemas. Amass à alloit tous les iours confirmant dans

486 LA DERNIERE PARTIE D'ASTREE; l'esperance d'obtenir bien-tost vue paix en tiere; Sigismond estoit rauy par les charmes qu'il remarquoit sur le visage, & dans la bonne volonté de Dorinde, & Rosileon assuré de la constance & de l'amour de Rosanire, ne respiroit que son depart, pour aller iouir des faueurs, qu'elle ne luy pouuoit accorder qu'en la presence d'Argire. Damon estoit sur le poinct d'acheuer son mariage auecque Madonthe, qui croyoit bien deuoir ce gage de son amour aux merites & à la valleur de son Cheualier; & Alcidon n'ayant plus rien à combattre dans l'esprit de Daphnide, n'attendoit que le desenchantement de la fontaine pour confommer le sien. Ligdamon & Syluie estoient aussi en tres-bonne intelligence, mais parmy toutes ces selicitez celle de Lindamor pouuoit passer pour extréme.

Ce Cheualier resolu de suiure les conseils que le Druyde luy auoit donnez, ne sut pas plustost hors du list, qu'il s'en alla dans la chambre de Sigismond, & y ayant treuué Rosileon, qui estoit venu saire vne partie auecque luy pour aller à la chasse, sut bien aise d'auoir treuué cette occasion de les entretenir cependant qu'ils seroient ensemble. Ainsi apres leur auoir doné le bon iour, & les auoir assurez qu'il les accompagneroit, pour leur montrer les lieux les plus propres à leur saire auoir du plaisir, MaisSei-

487

gneurs, leur dit-il, en sousriant, si i'ay l'hon. neur de vous seruir en cette chasse, ne dois-ie pas esperer que vous me fauoriserez en celle que le poursuis il y a si long-temps? Sigissiond qui entendit presque ce qu'il vouloit dire, car Dorinde luy auoit racoté quelques particularirez de l'amour de ce Cheualier, pour ce qui me regarde, luy respondit-il, vous ne deuez nullement douter que ie ne vous serue, & que ie ne yous assiste de tout mo pouuoir, pourueu que ie sçache de quelle façon ie m'y dois gouuerner. De moy, adiousta incontinent Rosileon, ie ne pense pas que Lindamor osast douter, car il sçait bien iusqu'à quel poinct ie l'estime, Seigneur, reprit Lindamor, l'assurance que yous me donnez de vostre bonne volonté, m'est trop aduantageuse pour ne la cherir pas comme mon souucrain bien, ie prendray donc tantost la hardiesse de vous en entretenir, afin que vous puissiez iuger s'il sera iuste que i'obtienne le secours que ie vous veux demander: Si ie ne me trompe, dit Sigismond, nous aurons bien à cette heure le loisir d'en dire quelque chose, car ie ne pense pas que nous puissions voir la Nymphe qu'il ne soit vn peu plus tard; Ce n'a pas esté pourtant, reprit Lindamor, le principal suiect qui m'a amené, puisque ie n'ay eu d'autre consideration que celle de vous venir rendre mon deuoir:

Hh iij

LA DERNIERE PARTIE D'ASTREE, toutesois puisque vous desirez que ie profite ce peu de temps, & que vous disant les actions de ma vie les plus cachces, ie yous fasse cognoistre les pensees dont mon ame s'est nourrie depuis deux ou trois ans, ie vous supplie dene me condamner pas de temerité, si l'ay osé porter mon ambition plus haut que mon merite & ma naissance ne me deuoient faire aspirer, mais de croire plustost que ç'a esté vn effect de la puissance de Galatee, qui me desrobant la raison, ne m'a pas mesme laissé. du iugement ce qu'il m'en falloit, pour cognoistre que ie ne suis nullement digne d'elle, Je vous diray donc Seigneurs, qu'à ce matin Adamas ayant pris la peine de venir dans ma chambre, & comme charitable & officieux amy, m'ayant proposé quelques expe-dients pour me rendre plus sacile la possession de cette belle Nymphe, il n'en a point treuué de plus doux ny de plus necessaire que vostre faueur, sur laquelle il a fondé tout l'esta-blissement de ma sortune: car m'a-til dit, s'il est vray que ces Princes ayent de la bon-ne volonté pour vous, & qu'ils en fassent la recherche aupres de la Nymphe; il est certain que dans le souvenir qu'elle aura des faueurs dont ils l'ont si étroittement obligee, il est presque impossible qu'elle leur resuse, quoy que ce soit qu'ils luy puissent demander. Voyla

donc seigneurs, quel a esté son auis, que ie me suis resolu de suiure, sans penser que c'estoit en moy vne imprudence, de ne iuger pas, que quelque grande que soit la necessité que s'ay de vostreassistance, ie ne deuois iamais entreprendre de vous importuner: toutefois puisque ie l'ay osé, & que les offres que vous m'auez faites me permettent d'esperer que vous me serez l'honneur de vous employer pour moy, ie vous diray libremet que ce qui me doit arriuer de bien ou de mal dans le succez de ma vie, ne depend desormais que de l'octroy ou du refus d'Amasis, sur la priere que vous luy ferez de me donner la possession de Galaree & afin que vous ne croyez pas que vous ayez à vaincre d'autres volontez que celles de cette grande Nymphe, bien que ce soit en moy vn peu trop de vanité, ie vous confesseray que l'amitié de celle que ie recherche ne m'a iamais laissé douter qu'elle ne sut bien aise d'y consentir. A ce mot Lindamor se mit à leur raconterquelques marques de la bonne volonté de Galatee, & apres leur en auoir dit les plus remarquables accidés; Genereux Lindamor, reprit Rosileon, vous ne deuriez saire parler en vostre saueur que les qualitez qu'on remarque dans vostre courage & dans vostre vertu; elles seules vous peuuent faire acquerir des Empires, puisqu'elles vous en donnent le merite, toutefois ie veux bien me

LA DERNIERE PARTIE D'ASTREE, charger de cette commission auec Sigismod & Godomar, qui pourront sans doute vous y seruir mieux que moy, afin que l'aye au moins la gloire, d'auoir contribué quelque chose à vostre contentement: il est tres-yray, respondit Sigismod, que ie ne croy pas que mon frere & moy luy soyons entierement inutiles, mais ie n'auoileray pas que nous y puissions plus que vous à qui Amasis est extremement redeuable; quoy que c'en soit, adiousta Godomar, nous deuons cet office à la valeur de Lindamor, & ie suis d'auis qu'à la premiere commodité que nous en rencontrerons, nous sçachions la volonté d'A, masis, qui sera sans doute, portee à luy donner cete recompense pour les services qu'elle en a receus. Lindamor les ayant coniurez de s'en souuenir, les accompagna dans la chambre de la Nymphe, où Rosanire, Galatee, Daphnide, Madonte, Syluie & les autres, s'estoient desia renduës, & puis tous ensemble s'en allerent au Temple, & y demeurerent iusqu'à l'heure du disner, apres lequel Amasis mesme, sut bien aise d'aller à la campagne, & de donner à ses hostes le plaisir de la chasse pour les diuertir plus agreablement.

D'autre costé, Clotilde desirant ne perdre point de temps, de peur que quelqu'vn diuertist Gondebaut, du desir qu'il auoit desia en quelque saçon conçeu, & luy sist oublier ce

qu'il auoit promis en faueur de Sigismond, elle s'en alla dans le cabinet du Roy pour acheuer de la vaincre: elle le trouua qu'il auoit dans la main la lettre du Prince, tesmoignant toutesfois en son visage qu'il n'auoit pas l'esprit bien satisfait, elle luy dit donc en le surprenant, Seigneur n'y pensez plus, il s'en faut tenir à la promesse qu'il vous a pleu me faire tantost, & ne souffrir plus que l'essoignement de Sigismond & de Godomar vous accuse d'estre mauuais pere, ou leur donne le blasme d'estre de mauuais enfans: ie vous iure Clotilde, luy respondit le Roy, que vous auez deuiné ma pensee, & qu'il est vray que ie resuois maintenant sur ce suject, mais ie n'y trouue pas tout à fait mon compte, car enfin que demendra Dorinde? si ie consents qu'elle reuienne, c'est sans doute que Sigismond continuera ses sollies, & que l'auray le regret d'en estre tesmoing; si elle demeure pres d'Amasis, ie crains que, à ce mot il se teut, branslant la teste deux ou trois fois, & faisant vn grand souspir: mais Clotilde qui se doubta bien qu'il vouloit dire qu'il craignoit que cette absence luy sust insupportable, ne voulut pas toutefois en faire semblant: feignant donc le mieux qu'elle put, Seigneur, reprit-elle, quand elle demeurera pres d'Amasis, vous ne deuez pas doubter que nous ne trou-

492 LA DERNIERE PARTIE D'ASTREE, uions bien des inuentions pour guerir l'esprig de Sigismond, de la passion qu'il a pour elle, consentez seulement qu'elle viue aupres de cette sage Nymphe, & commandez que vos enfants se retirent, car l'absence, qui est vn excellent remede contre les blessures d'Amour, ne sera pas le seul que nous y employerons. Gondebaut se mit à soussire de la pensee de Clotilde, ne croyant pas qu'elle eust deuiné la sienne, & cette ieune Princesse recognoissant bien qu'il se falloit seruir de cette occasion, puis qu'il estoit en bonne humeur, Mon Dieu, ditelle, qu'il me tarde que ie ne reuoye Sigismond pour luy reprocher sa lascheté, & pour luy montrer combien peu de soing il a de son honneur, s'estant engagé si inconsiderément à aymer vne personne qui n'approche, ny de son merite, ny de sa qualité: ah, dit le Roy auec vn profond souspir, croyez-moy Clotilde, que ce n'est pas sans raison qu'on peint Amour aueugle : car, & ie le dis du plus pur de mon ame, il nous rend aueugles nous-mesmes, & trouble si fort nostre iugement, qu'il nous oste le moyen de considerer autre chose que nostre propre plaisir; disant cela il commença de se promener, & Clotilde craignant de resueiller en luy cette passion, qui sembloit s'estre assoupie par l'essoignement de Dorinde, mais enfin, Seigneur, luy dit-elle, ne vous plaist il pas

qu'Amasis iouysse de la paix que nos Princes yous demandent pour elle? tout vostre peuple redoute cette guerre; & quant à moy, ie ne croy pas qu'elle vous fust auantageuse, puis qu'elle a esté commencee sur vn si foible suject: quand ie feray la paix auec Amasis, respondit Gondebaut, Dorinde ne la fera pas auecque moy; Clotilde qui lisoir dans son cœur, & qui voyoit bien que tout cela n'estoit qu'vn discours que sa passion luy faisoit tenir, feignant de n'entendre pas bien ce qu'il vouloit dire, Seigneur, adiouta-telle, ie pense que vous luy pardonnerez, car elle est indigne de vostre colere; à ce mot Gondebaut eut la bouche ouuerre pour dire qu'elle n'estoit pas indigne de son amour, toutefois ne luy voulant plus tesmoigner qu'il eust encore quelques sentiments à l'auantage de Dorinde, il changea de discours, & se tournant à Clotilde, puis que vous desirez, luy dit-il, le retour de Sigismond, & de godomar, ie veux bien vous montrer que l'ayme vostre contentement, & que ie veux oublier leur faute; faites donc, continua til, que ie donne à Ligonias la responce qu'il attend, & laissez-moy vn peu de loisir pour faire sa despesche: Clotilde alors s'estant iettee entre ses bras, & l'ayant baisé, sortit du cabinet, & enuoya incontinent querir Ligonias, auec lequel elle s'entretint

494 LA DERNIERE PARTIE D'ASTREE, dans la chambre, cependant que Gondebaut escriuoit. Aussi tost qu'elle iugea que le Roy pouvoir auoir acheué, elle entra auecqueluy, & Gondebaut l'ayant fait approcher, Cheualier, luy dit il, ie vous remets entre les mains yn entier pouuoir de traitter la paix aucc Amasis, vous ne luy direz point qu'il y ait d'autres considerations qui m'y poussent, que la cognoissance que s'ay de ce qu'elle vaut; assurez luy, que si le mauuais dessein de Polemas m'eutesté bien cognu, ie n'eusse pas fauorisé sa perfidie, car l'iniustice ne meplûr iamais: voila, continua til, vne lettre pour Sigismond, dictes a ce fils que ie luy pardonne, & que ie luy commande de laister-là Dorinde, & de me ramener Godomar; disant cela, il permit que Ligonias luy baisast la main; & le Roy l'ayant embrassé, pour vn tesmoignage de l'estime qu'il faisoit de luy, il luy donna congé de partir, apres auoir com-mandé à seize des plus braues Cheualiers de sa Cour de l'accompagner en son voyage: Ligonias prit vn billet de Clotilde, & receut ses commandements, non pas sans voir verser à cette ieune Princesse des larmes de ioye, pour le bon succez qu'elle voyoit prendre aux affaires d'Amasis, & pour l'esperance qu'elle auoit de reuoir bien-tost Sigismond & Godomar, pour qui elle auoit vne inclination

LIVRE SIXIES ME. 495 d'autant plus entiere, qu'estoit seinte celle qu'elle tesmoignoit à Gondebaut. Apres quoy il partit, resolu de saire la plus grande diligence qu'il luy seroit possible.

Fin du sixiesme Liure.





LA

## DERNIERE PARTIE

## DASTREE

SEPTIESME LIVRE



T de fait Ligonias se hasta si bien; que n'ayant cessé de marcher durant la plus grande partie de la nuict, il arriua le lendemain à Mar-

cilly, deuant qu'Amasis sust leuce : il s'en alla d'abord au quartier de Sigismond, & l'ayant trouué hors du list, apres l'auoir salué, il luy presenta la lettre de Gondebaut, au commencement Sigismond n'osa pas luy demader quel auoit esté le succez de sa commission, de crainte d'en apprendre quelque manuaise nouuelle; mais enfin l'ayant embraffé, & lisant sur son visage des traits qui panchoient plus du costé de la ioye que de la douleur: & bien Ligonias, luy dit-il, qu'à resolu le Roy des Bourguignons? de vous r'auoir, Seigneur, luy respondit le Cheua498 LA DERNIERE PARTIE D'ASTREE, lier, à quelque prix que ce soit : ie le croy, adiouta le Prince, mais quelles armes a-til resolu d'y employer, celles de sa colere ou de sa bonté? Ligonias alors en soustiant, Seigneur, luy dit-il, il s'est seruy de celles qui sont plus conuenables à la qualité que la Nature luy a donnee, il vous r'appelle par milles assurances d'oublier l'offence qu'il croit auoir receuë de vous; & promet de viure auec Amasis comme vous l'ordonnerez,& comme ie le resoudray, en vertu du pouuoir que i'en ay de luy: voilà, repliqua Sigismond les plus agreables nouuelles que ie pouuois apprendre, & vostre commission a eu le mesme succez que nous en attendions, cognoissant le merite de celuy qui la deuoit executer: mais, adiouta-til, ne vous a-til point parlé de Dorinde? ç'a esté, respondit Ligonias, vn des plus exprés commadements qu'il m'a faits; car enfin il desire que vous la laissiez icy, & que vous luy rameniez Godomar: en cela, dit Sigismond, il a parfaittement suiuy ma pensee, car i'estoisbien resolu de ne l'aller plus exposer à la mercy de sa passion, & ie suisbien aise qu'il m'ait fait vn commandement, auquel il me soit si facile dobeyr; disant cela il ouurit la lettre que le Roy luy escriuoit, & vid qu'elle estoit telle.

## LETTRE DE GONDEBAVT A SIGISMOND.

A pitie qui fait tomber la foudre de Lla main des Dieux, est celle qui me desarme de tous les traits que ma colere auoit assemblez pour vous destruire; vostrerepentir l'a fait naistre en moy, & vostre lettre qui me demande la paix pour Amasis, ne m'a pas si peu touché, que ie ne me sois dispose à me souvenir que i estois vostre pere, a oublier que i estou son ennemy: ma haine enuers elle n'estoit pas si iuste que mon ressentiment enuers vous, pourtant ie me déporte esgallemet de l'vn & de l'autre, afin que m'enayant plus d'obligation, vous commenciez à vous resoudre à vne plus grande recognoissance: celle qu'auiourd'huy ie desire de vous, c'est vostre retour, par lequel vous ne vous remettrez pas plustost dans le deuoir où la Dern.part.

Nature vous oblige, que vous esprouuerez que ie ne veux plus sortir des termes que me prescrit l'assection que i ay pour mon sang: faites donc que vostre presence me rende celle de Godomar, viuez desormais en sorte, que ie ne puisse plus doubter que vous n'ayez oublié pour l'amour de moy la cause de nostre mauuaise intelligence, Adieu.

La lecture de cette lettre frappa Sigilmond droit au cœur, & luy fit bien cognoistre, que de quelque fureur qu'vn pere soit animé contreses enfans, il est difficile qu'il oublie le deuoir que la Nature exige de son affection: il se repentit doc en quelque sorte de luy auoir despleu; mais quand il vint à considerer le bien qui en estoit reuffigil creut assurément que ç'auoit esté vne providence des Dieux, & se resiouyt d'auoir acheté, à ce prix-là, le repos de deux Princesses, telles qu'estoient Amasis & galatee: il estoit encore dans cette pensee, quand il ouurit le billet de Clotilde, & ayant leu dedans, les prieres qu'elle luy faisoit de haster son retour, & la ioye qu'elle tesmoignoit pour la victoire qu'il auoit emportee, il en fut extremément satisfait,& resolut en luy mesme, de luv donner lé contentement qu'elle demandoit: enfin apres quelques

discours qu'il tint à Ligonias sur le suject de Clotilde, mais continue d'active de Clotilde, mais continua-til, sans nous amuser icy plus long temps, ie suis d'aduis que nous alsions treuuer Rosileon; mon frere est allé desia dans sa chambre, & nous leur ferons part de la bonne nouuelle que vous nous auez rapportee; allons seigneur, respondit Ligonias où il vous plaira, pourueu que nous ne perdions pas le temps d'en aduertir la Nymphe, car ie ne voudrois pour rien du monde, luy destrober vn seul momét du plaisir qu'elle en receura. Auec semblables discours Sigismod acheua de s'habiller, & ayant sceu qui estoient les Cheualiers que Gondebaut luy auoit donnez pour l'accompagner, il les fit appeller, & leur fit toutes sortes de caresses. Apres cela ils sortirent, mais soudain qu'ils furent entrez dans la chambre de Rosileo, luy & godomar coururent embrasser Ligonias, & s'estonnans de la diligence qu'il auoit faite, luy demanderent les mesmes choses dont Sigismond auoit esté pleinement informé: à quoy le Cheualier ayant satisfait, & afin, dit Sigismond, que vous voyez les preuues que i'ay receuës de la clemence du Roy, yoila, continua til, montrant sa lettre à Rosileon, ce qu'il m'en escrit. Ce Prince alors l'ayant leuë, c'est vrayment à ce coup, dit-il, qu'Amasis a du sujet de se resiouyr, & de croire que son repos sera desormais appuyé sur des sondements que l'on ne sçauroit esbranler, l'en ressens, dit godomar,

LA DERNIERE PARTIE D'ASTREE, vne si grande iove, que ie veux compter ce iour pour l'vn des plus heureux de ma vie : Elle sera sans doute commune à tout le mode, dit Sigismond, maisie croy bien que Lindamor en aura la meilleure part. Comme ils estoient dans ce discours, ils sceurét qu'on pouuoit voir la Nymphe; Godomar donc demeura quec Ligonias,& Sigismond & Rosileon luy allerent donner le bon iour, & luy annon er l'heureux retour de ce Cheualier; dequoy Amasis sut si contente, que l'on iugea bien que c'estoit de là qu'elle attendoit presque tout le repos de sa vie:mais parce qu'il falloit receuoir Ligonias, comme vn homme enuoyé de la part du Roy des Bourguignons, & pour traitter vne paix si solemnelle, foudain que Rosanire, Galatee, Madonte, Dorinde, Daphnide, Siluie, & les autres furent arriuces dans sa chambre, elle descendit dans la salle, & s'appresta pour donner audience à cet agreable Ambassadeur Godomar en sut incontinent aduerty, se disposant done à luy mener Ligonias, il fit aller deuant les seize Cheualiers de Gondebaut, qui apres auoir fait la reuerence à la Nymphe, s'ouurirent en haye,& firent place à Godomar, qui ne quitta iamais la main du Cheualier, qu'il ne l'eust conduit iusqu'aupres d'Amasis. La Nymphe s'auança deux ou trois pas pour le receuoir, & le Cheualier ayant mis vn genoüil en terre, puis s'estant leué à la priere de la Nymphe, Madame, luy dit-il, Gondebaut

le Roy des Bourguignons consent à la paix que vous auez desiree, il veut qu'elle soit desormais si forte & si entiere, qu'elle ne puisse estre rompuë, sans que celuy qui l'enfraindra soit coupable de la peine que peut meriter le crime d'vne soy violee: Il ne commença cette guerre qu'a la sollicitation de Polemas, qui luy cachant la persidie qu'il commettoit, implora ses armes soubs pretexte de les occuper legitimement; depuis ayant sceu le chastiment qui a suiuy la faute de ce subiect rebelle, il a resolu que la fin de sa vie seroit la fin de vos dissentions, & qu'au lieu d'entreprendre iamais de vous nuire, il viura auecque vous, non plus comme ennemy, mais comme voisin & amy confederé.

A ce mot Ligonias se teut, & Amasis luy respondit; l'accepte auecque ioye la faueur que-Gondebaut me fait, ie tiendray tousiours à beaucoup de gloire de luy rendre ce que ie dois à son merite & à sa qualité, & quandil me fera l'hôneur de viure bien auecque moy, ie luy tesmoignerayque ie cheris son amitié comme l'vn des principaux soustiens de mon Estat. Disant cela elle osta son gand, & ayant mis sa main sur celle de Ligonias. Voicy continua-telle, lè premier symbole decette soy, que ie iure en presence des Dieux & des hommes de ne sausser iamais; Ligonias ayant iuré la mesme chose, Cetztui-cy, adiousta-telle, prenant vn des tronçons du jauelot ropu, (car elle l'auoit sait garder soi-

gneusement,) & donnant l'autre au Cheualier, gneusement,) & donnant l'autre au Cheualier, sera la derniere marque de nostre reunion, difant cela, elle attacha les deux tronçons l'yn contre l'autre, & puis en continuant, & afin, ditelle, qu'il serue de presage pour marquer à l'aduenir l'inuiolable pureté de cette paix, il sera consumé par le plus pur de tous les Elements. A ce mot, en presence de toute la compagnie, elle le ietta dans yn seu qu'elle sit allumer exprés.

Cette ceremonie ne fut pas plustost acheuee, qu'Amasis la sit publier, & le peuple rauy d'vne si bonne nouuelle, dressa des seux de soye par tous les carresours, où chacun se mit à danser

en signe de resionyssance.

Adamas en fut incontinent aduerty par vn Cheualier que la Nymphe luy enuoya, & bien que la ioye qu'il en ressentit sut tres grande, il > luy fascha pourtant de voir que ce plaisir fust troublé par les malheurs qui le iour deuant estoient arriuez dans sa maison. La prosperité d'Amasis luy estoit extremément chere, mais la disgrace de Celadon l'affligeoit infiniment, il voyoit bien que le deuoir l'appelloit aupres de la Nymphe, pour se resiouyr auec elle de cette nouuelle paix, mais l'interest qu'il auoit pour ce Berger, estoit vne chaisne qui le retenoit dans sa maison. Ainsi ne pouuant quitter le soing qu'il falloit qu'il eust pour le repos de Celadon, il fit supplier Amasis de ne treuuer pas mauuais qu'il acheuast quelques affaires qui luy estoient sur-

uenuës, & dont il yroit luy redre compte aussitost qu'il en auroit le loisir; Amasis receut ses excuses,& cependant, Sigismond pour ne donner au Roy son pere aucun mescotentement, resolut de partir le mesme iour, apres en auoir doné vne partie à Dorinde; Il aduertit donc Godomar de s'y preparer, & le pria de disposer Rosileon, Lindamor, Damon, Alcidon, & les autres Cheualiers, à venir passer quelques iours dans Lyonà la Cour de Gondebaut, auec assurance qu'ils n'y seroient qu'autant de temps qu'il leur plairoit d'y demeurer; ce que Godomar ayant promis de faire, il s'en acquitta si bien, qu'il obtint cela sur l'esprit de Rosileon, à condition qu'il n'y seroit que deux ou trois iours au plus. Lindamor, Damon, Alcidon, Ligonias, Ligdamon & les autres, treuuerent à propos de ne rien entreprendre sans le consentement d'Amasis, qui sçachant que Rosileon s'estoit disposé à ce petit voyage, fut bien aise qu'ils luy sissent compagnie.

Aussis se sur retiree dans son cabinet pour resoudre quelque chose touchant le départ de Sigismond, ce Prince s'addressant à Rosanire & à Galatee qui tenoient Dorinde par la main, le croy belles Dames, leur dit-il, que si mo voyage reüssit selo vos souhaits, il me sera bien sunesse, puisque vous me desirez sas doute beaucoup de mal, pour le crime que ie comets, de vous rauir

LA DERNIERE PARTIE D'ASTREE, la presence de vos Cheualiers? Il est tres-vray, respondit Rosanire, que si ie sçauois que le départ de Rosileon, ne fust suiuy d'vn retour aussi prompt que le le souhaitte, l'auroisbien de la peine à consentir à son essoignement,&croirois auoir vn grad sujet de me plaindre devous;mais estant bien assuree que vous ne me l'ostez que pour mele rendre, ie supporte auec moins de peinel'iniure que vous me faites, & ne croy pas qu'il me fust possible de me resoudre à m'en venger. Cette belle Nymphe, reprit Sigismond s'addressant à Galatee, n'est peut-estre pas de vostre humeur? Seigneur, respondit Galatee, en cela son sentiment a touché le mien, & iene fçaurois micux vous respondre que par sa bouche. Ce sera donc vous, belle Dorinde continuatil, qui ne me pardonnereziamais cette faute? Alors Dorinde voulut respondre, mais Sigismond en l'interrompant, tout-beau, dit-ilbelle Dorinde ie vous prieque l'arrest que vous prononcerez, n'ait pas tant de tesmoins, ie veux, s'il plaist à ces belles Dames, que vous ne le dissez qu'à moy. A cemot Rosanire & Galatee s'estans vn peu separees de Dorinde, Sigismond luy prit la main, & l'ayant conduitte où estoient quelques sieges, la pria de s'assoir, & puis luy parla en cestermes. Si ie sçauois, chere Dorinde, que mon esloignemet vous pust faire iuger de moy autrement que ie ne desire, c'est sans doute que le moment de mon départseroit celuy de ma

mortou pour rien du monde ie ne consentirois à cette sascheuse separation: Ie sçay parfaitement ce que ie dois aux commandements de mon pere: mais aussi ie n'ignore pas ce que ie dois à mon amour, & quand le Roy m'ordonera quelque chose qui contreuiendra à l'affection que ie vous porte, ie ne croiray iamais que ce soit vn crime de luy desobeyr; l'espere que le seiour que vous ferez icy nevous sera pas trop importun; d'autant mieux que vous ser z à couvert des poursuittes de Gondebaut, & qu'à tous moments ie vous renouuelleray par mes lettres les assurances de ma fidelité; que si vous croyez que vous puissiez auoir plus de contentement ailleurs, faites moy l'honneur de me dire en quelle part du monde vous voulez que ie vous conduise, ie proteste que ie l'entreprendray hardiment, & que i'ay assez d'amour pour ne receuoir aucune sorte de considerations là où il s'agira de vous plaire. Seigneur, luy respondit Dorinde, ie voy si peu d'apparence de bien esperer de vostre essoignement, que ie ne suis pas à blasmer si ie crains que le mesme iour qui m'ostera vostre presence vous oste de l'ame toutel'amour que vous dittes auoir pour moy, si l'auois des qualitez ou en manaissance ou en mon esprit, qui sussent capables de cóseruer vne affection apres l'auoir fait naistre, ie n'en aurois pas du tout si mauuaise opinion, mais cognoissant que l'ay d'extrémes dessauts

508 LA DERNIERE PARTIE D'ASTREE, en l'vn & en l'autre, pour le moins en comparaison de vous, ie m'imagine que tout ce qui peut arriuer de sinistre dans les rigueurs d'vne absence, c'est ce que ie dois attendre du temps auquel ie ne seray plus aupres de vous: Ce n'est pas que ie ne consente à ce despart, car ie ne veux pas auoir tant de soing de l'amitié que vous me saittes l'honneur de me porter, que ie n'en aye encore pour vostre sortune, mais ie confesselibrement que ie n'en attends rien de fauorable pour moy, & que ie croy infailliblement que vostre passion mourra soubs les attaintes que luy donneront les persuasions de Gondebaut, ou l'artifice de mes ennemis: Ma maistresse, reprit Sigismond, car i'ose dire que vous meritez mieux cenom, & que vous le pos sedez plus parsaitement que fille du monde, fouuenez-vous que cela n'arriuera iamais, & qu'il leur fera plus facile d'attenter sur ma vie que sur mon amour. Assurez-vous Dorinde, que ie suis preparé depuis long-temps, à respodre sur tous les points qu'ils oseroient me proposer, car enfin, que peuuent ils dire, sinon qu'il y a de l'inesgalité en nos conditios, & qu'estant nee subiette du Roy mon pere, vostre alliance ne me sçauroit pas estre beaucoup honorable: c'est tout ce qu'ils peuvent alleguer, pour ne trouver pas iuste la volonté que l'ay pour vous, car pour ce qui regarde vostre vertu, on sçait bien, qu'elle est hors de blasme, & que la

meldisance mesmes n'aiamais osé s'y attacher: mais ie leur respondray, qu'estant né libre en mon choix & en ma volonté, ce seroit vne tyrannie & vne iniustice, de me contraindre à rechercher vne autre alliace, que celle ou me porte mon inclination; que la cognoissance que i'ay de vostre humeur & de la facilité de vostre esprit, me promet des douceurs que ie ne treuverois pas aupres de quelque Princesse estrangere, qui ayant pris vne nourriture contraire à la mienne, auroit peut - estre trop de peine à s'accommoderà mes desirs; & pour conclusion, que le propre des Roys estant de faire des actions memorables, i'aurois pris plaisir à surmonter la Nature, donnant la qualité de Reyne à vne fille à qui la naissancel'auroit resusée:mais quand ces raisons ne seroient pas assez fortes pour leur fermer labouche, i'en ay vne autre plus puissante, & ie sçay qu'ils ne treuueront iamais dequoy me convaincre, quand ie diray absolument que ie le veux. Ainsi, chereDorinde, ie ne voy pas que vous ayez aucun suiet de craindre, que la passion que l'ay pour vous, n'ait vn succés aussi fauorable que nous le deuos desirer. Helas! seigneur, repliqua Dorinde en souspirant, si ie crains, c'est parce que ie vous estime, & que la crainte & l'amitié sont presque tousiours inseparables: Ie ne doute nullement que vous n'ayez l'esprit extremément fort, & qu'aux choses que vous promettez vo-

GIO LA DERNIERE PARTIE D'ASTREE, stre volonté ne soit inuiolable, mais quand ie considere par quels efforts on voudra surmonter vostre constance, & de quelles malices on se seruira pour me ruiner aupres de vous, i'aduouë que ie n'ay pas assez de pouuoir sur moy, pour croire que vous y puissiez resister: Voyez-vous, seigneur, ie confesse franchemet que s'ay de l'inclination pour vous, peut estre dauantage qu'il ne seroit bien seant que i'en eusse. pour la mesfiance où nous deuons estre de tous les hommes: mais ie vous iure, que dés le moment que l'apprendray quelque chose au desauantage de cette fidelité que vous m'auez iuree, l'auray tant de haine pour vous, que ne pouuant me vanger de vostre persidie fur celuy qui l'aura commise, ie m'en vangeray sur moy-mesme, & sçauray bien me punir de la faute que l'auray faitte, vous ayant aimé plus que ie ne deuois: l'espere adiousta Sigismond, que vous apprendrez plustost des nouvelles de ma mort que de mon inconstance, & quand il arriueroit que les artifices de quelque riual ou peut estre de Gondebaut, feroient courir quelque bruit qui dementist les assurances que ie vous donne, ie veux si vous m'aimez, que vous n'y adioustiez iamais de foy, & que vous neme soupçoniez iamais d'auoir manqué d'vn seul poinct, à pas vne des promesses que ie vous ay faittes. Veuille le Ciel, respodit Dorinde, que ie n'espreuue point quelle est la douleur que l'o

à de perdre de belles esperances, vous estes cause que ie les ay conceuës, & m'auez ordonné de ne les mespriser pas, s'il arriue que ie sois deceuë en mes pretentions, que ie n'ay iamais treuuees legitimes que par ce que vous me l'auez comandé, & s'il faut que ie tumbe du lieu où vous auez voulu que l'aye porté mon ambition, souuenezvous que cette cheute me sera mortelle, & que vous serez seul coupable de tout le mal qui en arriuera: Dorinde, reprit froidement le Prince, par pitié, chassez de vostre ame vn si dangereux soupçon, croyez, continua-t'il en souspirant, que des ce moment si l'estois en liberté de disposer de ma personne, ie ioindrois à la qualité d'amat le tiltre d'espoux, & que ie receurois ce no, auec plus de ioye, que ie ne ferois le sceptre qui me feroit estre possesseur de tout le monde. Helas!scroit-il possible que le Ciel ne punist ma trahison, & que l'enser ne m'enuoyast toutes ses furies pour me tourmenter si ie vous auois faussé ma parole, & si ie ne vous auois fait mespriser tous les partis qui se sont offerts que pour ne vous repailtre que de vaines esperaces & vous faire treuuer plus insupportables ma perfidie & mon changement? Non, non Dorinde, croyez que mon amour est sainte, & par consequent agreable aux Dieux, ie n'ay iamais eu de pensees pour vous, qui n'aye esté legitimes, & puis qu'ils ont permis que ma passion ait continué jusqu'icy croyez moy qu'il est

difficile qu'ils consentent à la faire mourir; pour le moins, ie vous iure par toutes les Diunitez qui habitent dans le Ciel, par l'amour que ie vous porte, & en fin par vous, ma Dorinde, que tout ce qu'vn amant peut apporter de soing à la nourriture de sa flamme, ie l'employeray à la conservation de la mienne, afin que, s'il se peut, elle viue mesme apres mon trespas.

Difant cela il luy prit la main, & la presfant vn peu la porta à sa bouche, dequoy Dorinde ne se desfendit point, car elle paroissoit de. sia si preoccupee de l'ennuy de cette separation, qu'à peine s'apperceut-elle de ce qu'il faisoit: mais parce que Sigismond demeuroit come rauy dessus cette main, tout à coup elle la retira,& luy dit, quelques sermets que vous fassiez pour rassurer mo ame parmy les troubles où la retiét la crainte qu'elle a de vostre changement, croyez seigneur, qu'ils ne sçauroient estre plus puissants que vostre seule parole, à laquelle ie descretoute la croyance, & la soy que l'on peut donnerà vn Prince: ie veux croire pour ma cofolation que vous ne changerez point, & pour ne treuver pas si criminelle la facilité que l'ay euë a me laisser persuader que vous m'aimiez, ie veux m'imaginer que vostre passion n'est pas petite, & qu'elle ne sçauroit diminuer: permettez moy seulement de ressentir vostre despart, comme le plus grand outrage que la fortune me pouvoit faire, que si vous auez besoing de quel-

que telmoignage, pour vous confirmer dans l'oppinion que ie vous veux du bien, receuez mes pleurs pour le plus grand que ie vous sçaurois doner. A ce mot elle laissa couler quelques larmes, qui pour auoir esté retenuës auecvn peu de violence, sortirent aussi auec effort, & Sigismond ne ietta pas plustost les yeux dessus, qu'il s'escria: ah! ma Dorinde, que ie voy de petits Amours empeschez à recueillir ces perles, & que vous estes obligeante, quand vous recom-pensez mon amour d'vne chose de si grad prix, croyez-moy mauuaise, seichez-les ces belles larmes, ou vous irriterez ma douleur, & me forcerez d'en verserà vostre exemple:Dorinde alors portant son mouchoir à ses yeux, pourueu, luy dit elle, que par le desespoir où me porteroit vo. stre infidelité, mes yeux ne soiet iamais prouoquez à ce triste exercice, ie n'auray point de regret d'en auoir donné à vostre despart, mais s'il arriue (ce que les Dieux ne veuillent) que i'aye iamais quelque suiet devous accuser de perfidie, ie les blasme dés maintenant, toutes les larmes que l'ay versees, & les condamne comme complices de vostre trahison. Je vous proteste encor: vn coup, chere Dorinde, repliqua Sigismond, que vous n'aurez iamais suiect de codamner ny voslarmes ny mon amour; i'obserueray mes promesses inuiolablement, & vous verrez que le terme de mon affection ne sera pas moindre que celuy de mavie; vous le deuez croire dautat

LA DERNIERE PARTIE D'ASTREE, mieux que ie le dis sans contrainte, & sans dessein de m'en preualoir de la moindre faueur du monde: faittes moy ce bien de n'estre pas moins religieuse en l'observation de ce que vous m'auez promis, & souuenez vous que le plus agreable moment de ceux que ie passeray esloigné de vostre beauté, ne mesera pas moins fascheux que m'est sésible cet adieu que ie vous dis mainrenant, & que l'accompagne de ce bailer qui vous doit estre vne marque de ma fidelité, comeie vous le donne pour vne preuue de ma discretion, disant cela il luy baisale bras vn peu au desfus de la main, & Dorinde ne l'en pouuat empescher, parce qu'elle auoit l'autre main employee à couurir ses yeux, & à seicher les larmes qu'elle ne pouvoit retenir, Sigismond y porta sa bouche iusqu'à trois fois, & fut contraint dese leuer; sans donner seulement à Dorinde le temps de luy respondre, ne pouuant plus resister aux violences que faisoient dans fon ame, son amour & la compassion.

Rosileon en mesme temps demandoit à Rofanire la liberté d'aller voir Gondebaut, & bien qu'au commencement elle fist vn peu-de dissiculté de le luy permettre, èlle sut ensin vaincuë par ses raisons & consentit à son départ pourueu que son absence sust limitee dans le terme de cinq ou six iours seulement; car, luy dit elle, s'il arriue que la Reyne Argire nous mande de ses nouuelles, & qu'elle nous prescriue vn téps LIVRE SEPTIESME.

pour nostre retour, quel moyen treuueray-ie de luy obeir si i'en suis empeschee par le log seiour que vous ferezhors d'icy? Ie ne voy pas qu'il foit rien au monde qui vous doiue estre plus cher que sa presence, d'autant mieux que si vous m'aimez, vous sçauez que c'est d'elle seulement que vous deuez attendre l'accomplissement de vos desirs & des miens. Ma Princesse, luy respondit Rosileo, le dessein qui me meine aupres de sondebaut est peut-estre de plus grande consequence que vous ne croyez, vous cognoissez quelle est la puissance de ce Roy, & combien son amitié doit estre chere à ceux qui dans la possession d'vn'sceptre, ont quelque suiet de s'assurer contre les surprises & la force de leurs ennemis, Or l'espere par l'amitié inuiolable qui s'est contractee entre Sigismond, Godomar & moy, que ie ne reuiendray point sans auoir gai-gné quelque chose sur les inclinations du pere, & sans l'auoir obligé à me promettre le mesme support qu'il donneroit à quelque alié. Ie ne m'enquiers pas, reprit Rosanire, du suiect qui vous fait partir mais ie vous follicite de m'assurer du temps de vostre retour, ie sçay que vos propositions & vos desseins ont tousiours pour leur fin, quelque obie & legitime, mais ie crains: à ce mot rosanire se teut, & rosilion lisant sur son visage quelques traits que la crainte y auoit imprimez, que craignez-vous ma Princesse, luy dit-il, n'est-ce point que ie meure dans l'ennuy

 $K_K$ 

Dern. part.

516 LA DERNIERE PARTIE D'ASTREE, que ie souffriray hors de vostre presence? Nulle: ment, repliqua froidement Rosanire; ie craindrois plustoit qu'en voyant Clotilde vous mourussiez d'amour, Ialouse, reprit Rossleon, vostre soupço me tuë, mais ie ne partiray point, & bien que l'eusse iugé qu'il y auoit quelque necessité qui m'appelloit à ce voyage, ie mespriseray tout pour l'amour de vous, & vous feray voir que la conservation de vostre amitié m'est plus chere & plus considerable que celle mesmes de l'Estat qui me doit estre remis. Rosanire alors quittant cette premiere apprehension, & regardant Rosileon d'yn œil qui sembloit sousrire, excusez, luy dit elle, cette petite frayeur, qui vous doit estre vne preuue que ie vous aime, puisque ie crains de vous perdre, mais ne changez pas pour cela le dessein que vous auez sait d'aller auec Sigismod, car ie vous promets que si ie souffre que que chose durant vostre essoignement, ce sera plustost vne impa-, tience de vous reuoir, qu'vne crainte que vous puissiez sacrifier à quelqu'autre, le cœur que vous m'auez si liberalemet consacré: Il me semble, luy respondit Rosileon, que mes seruices doiuent auoir merité cette creance aupres de vous, & quand il vous resteroit encore quelque doute de ma fidelité, i'ay autant d'amour que ren eus iamais, pour recommencer à vous en donner les mesmes assurances; croyez belle nosanire, que ie ne puis estre qu'a vous, & que

les choses impossibles se rendront faciles à tout lemonde, deuant que ie cesse de vous aymer que cla mesme ardeur que l'ay resentie depuis que vous me permistes d'auoir de l'amourpour vous, ie le croy assurément, adiousta Rosanire, & fay vœu de n'en plus douter, pourueu, cher Rosileon, que vous croyczaussi que ma foy est inuiolable: A ce motrofileon luy ayant deman. de si elle ne luy feroit pas l'honneur de luy commander quelque chose, tout ce que se veux de vous luy respondit elle, c'est que vous reueniez bien tost, & que les plaisirs que vous gousterez dans Lyon parmy l'esclat de cette Cour, ne vous fassent point oublier ceux dont vous pouuez iouyr en la possession d'vne couronne qui vous attend, & qui vous rendra maistre absolu de plusieurs prouinces, comme desia vous l'estes de mon inclination rosileon luy ayant promis de n'estre en son voyage que le moins qu'il pourroit, s'approcha de Sigismond, & le treuuant vn peu esmeu & affligé, car en ce moment il venoit dé quitter Dorinde, il le pria en confidence de luy en dire le suiect, & Sigismond s'approchant de son oreille, Regardez, luy dit-il, le visage de Dorinde & iugez s'il est possible de s'en separer qu'auec vn extreme desplaisir; ie vous sure continua-til, que s'espreuue sensible-met que l'amour est la plus puissante de toutes les passions, puisque celle que l'ay pour cette belle filleest capable de me faire aller par dessus

518 - LA DERNIERE PARTIE D'ASTREE; toutes choses, & de me faire oublier & mon pere & mafortune: i'ay tousiours bien creu, reprit Rosileon, que lors que cette passion s'est emparee d'vn braue courage, il est dissicile, voire presqueimpossible qu'elle s'en separe iamais, si pour le moins elle ne meurt par le ressentiment de quelque grande iniure receuë, comme seroit vn changement ou vn mespris: & c'est pour cela que ie ne m'estonne pas, qu'ayant vne sois esté sensible aux charmes de Dorinde, vous ayez de la peine à croire que cette amour puisse iamais mourir en vous; car ie croy tres-assurément qu'elle viura dans vostre ame autant de temps que l'amitié de cette belle fille prendra le soing de l'entretenir: cela, repliqua Sigismond, me rend odieuse la tyrannie des peres, qui soubs pretexte d'vne authorité que la Nature leur done, contraignent la volonté de leurs enfans, & les forcent par vne violence insupportable, à se despoüiller de leurs propres inclinations, pour

fuiure les sentiments, que leur donne l'ambition ou l'auarice; comme s'il n'estoit pas iuste que nous eussions le mesme privilege, qui est accordé aux animaux, qui dans leurs passions innocentes suivent sans contrainte, le party que leur humeur a voulu choisir. Ie meure, cotinua-til, si depuis que i'ay cognu le merite de Dorinde; ie n'ay porté mille sois enuie à ceux, qui dans vne naissance moins considerable, que n'est celle où ie suis, n'ayants à comander personne, peuvene

au moins sur eux-mesmes tout ce qu'ils veulet, & ne sont iamais forcez à complaire quà leur propre desir: Ceux-là, dit rosileon, rencontrent quelque autre obstacle qui les inportune, & qui leur empesche de gouster ce parfait contentement, que les Dieux n'ont encore iamais accordé aux hommes, si bien qu'à le prendre comme il faut nous deuons demeurer contents en nostre condition, sans porter enuie à personne; car c'est sans doute, que ceux pour qui nous en auons, s'ils estoient en liberté de choisir, cesseroient volontiers d'estre ce qu'ils sont, pour de-

uenir ce que nous sommes.

Ils tindrent encore quelque discours, cependant que Lindamor racontoit à Galatee ce que ces Princes luy auoient promis de faire aupres d'Amasis; & la trouuat vn peu en peine dequoy ils n'auoient point encore parlé à la Nymphe, Madame, luy dir-il, ie ne pense pas qu'ils oubliet la promesse qu'ils m'en ont faite, & bien que ie ne les en aye pas sollicitez, ils sçauent sans doute qui me l'ont iuré trop solemnellement, pour manquerà la parole qu'ils m'en ont donnee, quoy que c'en soit, reprit Galatee, vous voyez qu'ils sont sur le point de leur départ, & qu'il est croyable, que pour resoudre vne chose de si grande importance, il faudroit plus de temps qu'il ne leur en reste: Nous n'auons besoin, Madame, respondit Lindamor, que du consentement de la Nymphe, & l'espere que pour l'ob-K k iij

520 LA DERNIERE PARTIE D'ASTREE, tenir il ne faudra que le demander, si bien qu'ayants du temps pour cela, ie croy qu'ils en auront assez pour me rendre le plus heureux homme du monde; vous croyez donc, dit Galatee en soustiant, qu'il est bien facile de m'acquerir: ouy, Madame, repliqua Lindamor, & bie plus que de vous meriter, vrayement, adiouta Galatee, vostrevanité n'est pas petite; elle est encore moindre que mon amour, respondit-il, & que l'esperance que vous m'auez donnee:toutefois, continua-til vn peu froidement, ie ne feray pas bien aise qu'elle vous offence, & si yous me le commandez, à ce mot galatee l'interrompit, & craignant de l'auoir fasché: mo Cheualier, luy dit-elle, vous ne me sçauriez desplaire, quelque chose que vous puissiez desirer de moy, & pour vous montrer, que quelques grands que soient les desirs que vous auez de me posseder, ils n'ot point d'auantage sur la volonté que l'ay d'estre vostre, souvenez-vous que ie suis dessa toute à vous d'inclination, & que si par malheur les volontez de ma mere se trouvoient contraires aux nostres, ie mourray plustost que de souffrir qu'elle me done à vn autrequ'à Lindamor, disat, cela, elle prit garde que Rosanire s'estoit vn peu separée de Rosileon, & qu'elle s'approchoit de Dorinde, cela fut cause qu'elle quitta Lindamor, pour luy doner le teps d'aller faire souvenir les Princes de la promesse qu'ils luy auoient faite. Presque en mesme temps Amasis sortit de son

cabinet, les yeux à la verité vn peu humides, car elle n'auoit cessé de penser au départ de ceux à qui elle croyoit estre obligee de sa vie, & de sa liberté; & Sigismond qui auoit des-ia commandé qu'on tinst toutes choses prestes, s'approcha d'elle pour luy dire adieu. Dés que la Nymphe le vid venir, elle rentra dans son cabinet, où le Prince l'ayant suivie, & Rosileon & godomar estans entrez auec luy, il luy parla en ces termes; vous auez veu, Madame, quel est le commandement que l'ay receu du Roy mon pere, & combien est puissante la loy qu'il m'impose touchant mon retour aupres de luy; la crainte que l'ay d'irriter encor vn coup son humeur, & de l'obliger à se repentir du pardon qu'il m'a octroyé, fait que ie vous supplie tres humblement de permettre que ie luy donne le contentement qu'il me demande, vous protestant, Madame, que si le desir qu'il a de reuoir godomar & moy , estoit tant soit peu contraire à vostre repos, ie pense que je souffrirois plustost toutes les pointes de sa colere, que de retourner iamais aupres de luy: Seigneur, luy respodit Amasis, vous ne deuez pas douter que vostre essoignement ne m'afflige, & ne me soit presque aussi sensible que l'eust esté la perte de cet Estat, duquel ie vous dois la consernation: ce n'est pas pour cela que ie ne trouue iuste que yous obeyssiez au commandement de Gondebaut, puis qu'il ne tend qu'à vous deliurer

KK iiij

522 LA DERNIERE PARTIE D'ASTREE, des incommoditez que vous receuez ceans,& à vous remettre dans le premier esclat où vous estiez parmy les magniscences de sa Cour; mais l'aduoue que le ne suis pas assez sorte pour resister au desplaisir que s'ay de voir que vous me quittez, & de cognoistre que ne pouuant en nulle saçon me reuancher de tant de bons ossices, ie suis contrainte d'en paroistre ingratte enuers vous: Il me semble, Madame, adiouta Rosileon, que vous ne deuez pas estre trauaillee du soing de nous recompenser, puis que iecroy que c'est nous qui vous auons vne obligation extresme, dequoy vous nous auez forny d'vn moyen pour acquerir de la gloire, & nous auez doné vne matiere honorable pour employer nos armes legitimement. Seigneurs, repliqua la Nymphe, vostre reputation estoit dessa au plus haut point où elle pouuoit attain-dre, & cette derniere occasion où vous auez si genereusemet fait paroistre vostre courage, ne sçauroit estre qu'vn tesmoignage de la pitié que vous auez euë de moy; il est vray, que de quel-que saçon qu'on en iuge, ie suis toussours celle qui en reçoit tout le profit, & qui vous en demeure obligee, iusqu'au poinct de ne le pouvoir iamais recognoistre: toutefois, quand ie considere qu'après tat de faueurs que l'ay receues de vous, il faut que ie me resolue à vous perdre, & que ie consente à ce despart, sans auoit pu tesmoigner le ressentiment que i'en ay, ie meure

si ie n'ay de la peine à me ressouir du bien que yous m'auez acquis: & si ie ne voudrois presque estre dans les frayeurs que me causoit l'insolence de Polemas, pour n'estre pas obligee à souffrir si tost les douleurs que m'apportera vostre esloignement. Madame, dit Godomar, il est croyable que nostre départ vous touchevn peu, puis qu'en ce momét il vous oste la presence de deux personnes, sur qui vostre merite vous donne vn tres-absolu pouuoir; mais il n'est pas iuste qu'il vous afflige, puis qu'en quelque lieu du monde que nous viuions, nostre affection & nos seruices yous feront tousiours cognoistre que nous sommes parfaittement à vous : il est vray, dit Amasis, que l'ay desia receu tant de marques de vostre bonne volonté, que ie ne dois iamais doubter que vous ne preniez la peine de vous employer pour moy, dans les occasions où vostre assistance me seroitencore necessaire: mais cela ne me console pas dans la douleur que ie ressents de cette separation, car ie voudrois au moins vous voir partir auec plus de satisfaction de moy, que vous n'en emporterez; & ie desirerois qu'il me restast ce contentement de pouuoir m'acquitter des obligations que l'ayà vostre valeur: Madamé, reprit Sigismond, le soing que vous auez eu de Godomar & de Dorinde, depuis qu'ils sont dans Marcilly, n'a pas esté moindre que celuy que i'ay employé à vous secourir, encore oseray-ie dire que

524 LA DERNIERE PARTIE D'ASTREE, La faueur qu'ils ont receuë de vous, surpasse de beaucoup tout ce que i'ay fait en cette occasion; parce que vous estiez moins obligee à les receuoir, que ie ne l'estois à vous guarantir des maux qui vous pouuoient arriuer à leur consideration. De cette sorte c'est moy qui vous demeure redeuable, & qui me doibs plaindre dequoy la fortune ne m'a pas offert de meilleurs moyens pour m'en reuancher: Toutefois, Mame, continua til, si vous voulez que ie donne cela à vostre courroisse, & que ie m'imagine que ce que l'ay fait pour vous, merite quelque sorte de recompense, ie veux bien le croire, puis qu'il vous plaist, afin que s'aye plus de droit d'esperer que vous m'accorderez deux tres-humbles supplications que s'ay à vous faire: Seigneur, respondit Amasis, auecque vn visage moins triste qu'elle n'auoit auparauant, ie ne pense pas que ie pusse iamais receuoir vn plaisir comparable à celuy que l'aurois, si ie pouuois faire quelque chose pour vostre conrentement, ie vous supplie donc, & vous coniure par tout ce qui peut auoir le plus de pouuoir sur vous, de me commander ce que vous desirez que ie sasse, asin que ie vous tesmoigne combien est grande la volonté que s'ay de vous obeyr. La premiere chose dont ie vous requiers, Madame, dit Sigismond, regarde l'inte-rest de Dorinde, à qui ie vous supplie de permettre encore quelque temps de sejouraupres

525

de vostre personne : Ie ne croy pas qu'il soit besoin que ie vous en die les raisons, car ayant la cognoissance de sa vie, & de la mienne, c'est, sans doute, que yous les sçauez aussi bien que moy: seulement le vous assureray que les fa-ueurs qu'elle a dessa receues, & celles qu'elle attend encore de vostre amitié, seront mises dans le compte des obligations que ie vous ay, & seront si bien imprimees dans ma memoire, que ie n'en perdray iamais le souuenir. Pour ce qui touche l'autre priere que l'ay à vous faire, elle ne regarde pas seulement l'interest de Rofileon & de Godomar, qui se sont engagez aussi bien que moy à vous la presenter; mais encore, elle regarde yn Cheualier, de qui la vertu, peut sans temerité, aspirer au plus haut degré où puisse monter la fortune d'yn homme: & pour ne vous laisser pas dauantage en doute, ie vous diray librement, Madame, que Rosileon, mon frere, & moy, sommes icy, pour vous supplier tres-humblement d'accorder au merite de Lindamor la possessió de Galatee: Vous cognoissez mieux que personne du monde les qualitez qui sont en luy, & les preuues qu'il vous a donnees de son courage, vous apprennent assez, que si vostre Estat doit estre soustenu par la valeur & par le iugement d'va homme, il n'est personne qui le puisse pretendre plus legitimement: c'est pourquoy, Madame, si vous desirez qu'il reçoiue enfin quel726 LA DERNIERE PARTIE D'ASTREE, que recompense de ce qu'il a souffert dans les perils, où il s'est genereusement exposé pour l'amour de vous, & que nous ne receuions pas la honte d'auoir esté refusez d'yne demande si iuste, nous vous coniurons par la memoire de Clidamant qu'il a si fidellement seruy, & par la prosperité dont vous voyez que desormais vos annees vont estre suiuies, d'approuuer le dessein qu'il a de vous appartenir. Disant cela, Sigismond qui tenoit la main d'Amasis, se pancha pour la baiser, & la Nymphe en soustriant, Seigneur, luy dit-elle, ie consents de bon cœur à tout ce que vous me demandez, Dorinde ne me sera iamais en moindre consideration, ny moins chere que Galatee mesme, & quand ie ne serois pas obligee de donner à Lindamor tout ce qu'il pourroit desirer de moy, en recognoissance de ce que ie doibs à son courage, ie cognois sa naissance, & sçay assez bien ce qu'il merite, pour luy accorder ce qu'il recherche auiourd'huy; ie consulteray seulement la volonté de galatee, m'assurant toutesois qu'elle ne desaprouuera iamais quelque, chosequeie fasfe: Madame, dit Rosileon, Sigismond vous en a fait la demande, & bien que vous ayez deu l'accorder à sa seule priere, ie ne laisse pas de vous en saire le remerciement, & de vous iurer que ie ne vous ay pas moins d'obligation de la faueur que vous faites à Lindamor, que si ie l'auois receuë moy-mesme; cela me sera haster

527

mon retour, pour me treuuer à l'accomplissement de cet heureux Hymenee, & quelques plaisirs que nous promette l'amitié de Sigis-mond & de Godomar, ie m'assure que les iours que Lindamor passera dans Lyon, ne serone pas les plus beaux ny les plus heureux de sa vie: Il est tres-vray, dit Godomar, que ny vous ny luy,ne sçauriez y treuuer des diuertissemens qui vous plaisent beaucoup, mais pour lé moins y serez-vous receus fauorablement, & sile Roy me le permet, ie reuiendray auecque vous pour estre tesmoing des plaisirs de Lindamor & des vostres: Helas! dit Amasis, en souspirant, que i'aurois peu de suject d'accuser ma fortune, s'il m'estoit permis d'esperer ce que vous dites; cela, reprit Godomar, depend absolument de la volonté de Gondebaut, Ah Dieux!respondit la Nymphe, que ie m'estimerois heureuse s'il luy plaisoit d'y consentir, & que i'aurois peu de raison de me plaindre des allarmes & des frayeurs qu'il m'a causees, puis qu'en eschange il me laisseroit posseder aucc tant de repos le cotentement que vostre presence me rapportetoit: Il ne tiendra pas à moy Madame, adiousta Sigismond, que mo frere n'obtienne ce congé, car ie m'offre de le demander pour luy, & de faire tout ce qui sera possible, pour disposer le Roy à rreuuer bon qu'il ait l'honneur de vous reuoir, cependant pour la derniere grace que ie veux obtenir de vous, ie vous demande, Mada-

528 LA DERNIERE PARTIE D'ASTREE, me, la continuation de vostre bien-veillance, & vous supplie tres-humblement de croire qu'à quelques accidents que la fortune me reserue, ien'oublieray iamais le serment que l'ay fait de vous seruir contre tous vos ennemis: disant cela, il se baissa pour luy dire adieu, mais Amasis le pressant entre ses bras, Seigneur, luy ditelle, est-il possible qu'il faille que vous vous separiez de nous? le Ciel n'est-il pas bien cruel de ne m'auoir donné l'honneur de vostre cognoissance, que pour me faire treuuer plus mortelle la necessité de vostre esloignement; à ce mor elle ne put retenir ses larmes, & Sigismond qui en sut touché, Madame, reprit-il, quelque necessité qui m'appelle aupres du Roy mon pere, elle sera moins forte que vostre com-mandement, si vous m'ordonnez de ne partir point; il est vray quene voyant pas à quoy desormais mon service vous pourroit estre vtile, ie ne puis m'imaginer que vous ne treus uiez legitime l'obeyssance que ie luy rends, & que vous n'appreuuiez le dessein que i'ay fair de ne souffrir plus qu'il air aucun suject de se plaindre de moy: Vostre obeyssance, reprit Amasis, ayant la larme à l'œil, ne peut estre condamnee, non plus que le ressentiment que l'ay de vostre départ; vous rendez à Gondebaut ce que la Nature exige de vous, & ie vous donne ce que sans estre la plus ingratte du monde, ie ne sçaurois resuser aux estroittes obligations

529

que ie vous ay : toutefois puis qu'il est raisonnable que les interests d'vn pere vous soient plus considerables que les miens, ie veux bien receuoir cet adieu que vous me dittes, à condition pourtant, que vous me serez l'honneur de me promettre qu'encore que ie demeure esloignee de vostre presence, ie seray quelquesois presen-te à vostre souuenir. A ce mot elle embrassa encore vne fois Sigismond, qui la salüant, ie ne le vous promets pas seulement Madame, luy dit-il, mais ie vous le iure, par l'ame de mon pere, & par tous les serments qui me doiuent estre le plus inuiolables, priant les Dieux qu'ils m'affligent par toutes sortes de supplices, dés le moment que i'y contreuiendray: & moy Seigneur, dit Amalis, à mots entrecoupez, à cause de ses sanglots, ie say vœu de mourir plustost que de cesser de vous honorer & de yous cherir comme ie dois, & comme vous m'y auez obligee: Disant cela, elle quitta Sigismond qu'elle avoit dessa tout moüillé de ses larmes, & s'adrèssant à Rosileon, & vous Seigneur, continua-telle, si iamais vous auez eu quelque dessein de m'obliger, ie vous coniure de m'en donner à ce coup vn tesmoignage, & de faire en sorte que condebaut ne refuse point à Godomat la liberté de reuenir ; Rosileon luy ayant promis de s'y employer, & l'ayant saluee, Godomar s'auança, qui se baisfant aussi pour luy dire adieu, pardonnez-moy

30 LA DERNIERE PARTIE D'ASTREE, Madame, luy dit-il, si par vne trop grande liberté l'ay manqué au respect que ie vous dois, vous assurant que ie suis prest d'en faire toute la reparation qu'il vous plaira; mais vous seigneur, luy respondit-elle, pardonnez aux malheurs que l'ay ressentis, si durant le sejour que vous auez fait icy, l'ay oublié de vous rendre tout ce que ie doibs à vostre naissance, protestant que ce n'a iamais esté par aucun deffaut d'affection, car i'en ay pour le moins autant pour vous,que i'en eus iamais pour Clidamant : A ce mot luy ayant encor donné quelques larmes pour marque de sa douleur, elle sortit la premiere de son cabinet, mais auec vne contenance si triste, que toutes les dames qui estoient dans la chambre, & particulierement Dorinde, commencerent à reprendre sur leurs visages la mesme couleur qu'elles y auoient au temps de leur calamité. Galatee mouroit de peur que les Princes eussent. oublié ce qu'ils auoient promis à Lindamor, & ce Cheualier qui sçauoit bien que leur faucur estoit le plus puissant ressort qu'il pust faire iouer pour auoir sa maistresse, estoit aussi dans vne extreme impatience d'apprendre ce qu'ils auoient obtenu, toutefois n'olant faire paroistre la peine où il estoit, il desiroit d'estre desia en campagne, pour sçauoir tant plustost l'arrest desabonne ou mauuaise fortune. Galatee qui ne souffroit pas moins que luy, fut vne sois sur le poinct de prier Dorinde d'en demader quel-

que

que chose à Sigismond, toutesois considerant que c'eust esté faire vn manquement contre la discretion d'vne fille, elle resolut de ne s'en informer point, & d'attendre auecque patience ce qui en pourroit arriver: ainsi quand les Princes se furent approchez d'elle pour la saluer & pour luy direadieu, elle respondit aux discours qu'ils luy firent, auec le plus d'honnesteté qu'elle put, & Rosanire, Dorinde, Daphnide, Madonte, Syluie & le reste des dames en avats fait de mesme, Sigismond apres en auoir demandé la permission à la Nymphe, leur sit present de toutes les pierreries qu'il audit auparauant enuoyees à Godomar, apres cela s'estant enquis des moyens par lesquels il pourroit assurer Adamas de sa bonne volonté, il chargea Thamyre de cette commission, parce que ce mesme iour il deuoit retourner chez le Druyde, & le pria de luy dire qu'encore qu'il partist sans le voir, il ne laissoit pas de luy estre parfaittement amy; Rosileon & Godomar luy dirent la mesme chose, & apres auoir commandé qu'on mist toutes leurs armes sur des chariots, ils dirent à la Nymphe & à toutes les Dames le dernier adieu, & puis monterent à cheual.

Godomar s'estoit desia dessait publiquement de la charge de souverain Distateur, à laquelle ilauoit esté esseu, tant pour planter le cloud en faueur de Rosileon & d'Adraste, que pour les particulieres affaires d'Amasis; de sorte que rie

Dern. part.

ne le pouvant arrester dauantage; il partit avec Sigismond & Rossleon, & la Nymphe qui voulut les accompagner, sit atteller quelques autres chariots pour elle, & se mit à les suiure, sans les approcher que de deux ou trois cens pas.

C'estoit vne des plus agreables choses du monde, de voir ces Princes si bien montez, car l'adresse qu'ils auoient à faire aller leurs che-uaux estoit nompareille, & leur suitte n'estoit pas moins belle à voir, car outre ceux qui n'esstoient pas estrangers, comme Periandre, Merindor, Lydias, Ligdamon, Lipandas, Sileine, Alcidon, Damon, & quantité d'autres: Rosseleon emmenoit les cent Cheualiers que la Reyne Argyre luy auoit laissez pour la seurté de

Marcilly.

En cet equipage donc ils sortirent de la basse cour du chasteau, où ils s'estoient assemblez, & les habitans qui surent aduertis de ce départ se souvenans que ceux qui s'en alloient, estoient les mesmes qui auoient si fort trauaillé à leur deliurance, se vindrent ranger dans les ruës par où ils deuoient passer, & la, les genoux pliez & les mains iointes, les vns pleurants de ioye, & les autres de douleur, il n'y eut personne iusqu'aux ensans, qui ne sist quelque souhait pour leur prosperité. Clindor entr'autres les voulut voir pattir, & se remettant en memoire combien Alcippe & luy estoient semblables à ces Cheualiers, au temps qu'ils estoient dans l'exer-

cice des armes, il ne put s'empescher de donner quelques souspirs à la perte d'yn si cher & si sidelle amy.

Quand ils furent vn peu esloignez de la ville, les Princes surent aduertis que la Nymphe les suivoit, cela sur cause qu'ayans tourné bride sils reuindrent à elle, & l'ayants supplice instamment de ne passer point plus outre, ils luy dirent encor vne fois adieu, & a toutes les Dames qui l'accompagnosent, & puis continuerent leur voyage. Lindamor qui ne pouuoit viure dans l'impatience où il estoit, d'apprendre ce qu'Amasis auoit ordonné sur la requeste, qu'il se doubtoit bien que les Princes luy auoiet presentees, s'approcha de Godomar, parce que Sigilmond & Rosileon alloient discourants ensemble, & l'ayant supplié de luy dire ouuertement ce qu'il deuoit attendre de bien ou de mal en son amoureuse poursuitte, ce ieune Prince luy mit enfin l'esprit en repos, & luy assura que la Nymphe avoit tesmoigné d'auoir cette recherche si agreable, qu'elle auoit promis inuiolablement de n'y apporter aucune sorte de difficulté : Lindamor rauy d'vne si fauorable responce, leua premierement les yeux au Ciel, puis regardant Godomar, genereux Prince, luy dit-il, puissent les Dieux ne souffrir iamais qu'il se presente aucun obstacle à quelque contentement que vous puissiez rechercher, comme vous auez vaincu, le plus. 534 LA DERNIERE PARTIE D'ASTREE, grand de tous ceux qui me pouuoiet arriuer en l'amour que i'ay pour Galatee; mais Seigneur, adiousta-til, peut estre flattez-vous ma passion par cette douce esperance, & taschez de tromper finement le desespoir que me pourroit cau-fer le resus d'Amasis? Braue Lindamor, respondit Godomar, ne croyez point que i'vse d'aucun artifice, pour vous desguiser la verité de ce que vous voulez que ie vous die ; Ie vous assure qu'Amasis tient vostre party, & qu'elle n'a pro-posé d'autre codition en la demande que Sigismond luy a faite pour vous, que celle de consulter sur ce suject, la volonté de la Nymphe sa fille; or est-il que Galatee ne respirant qu'apres ce bien, il est croyable que l'affaire est en partie resolue, & qu'elle s'acheuera à vostre retour: mais Lindamor, continua-til, ie ne deuois pas vous donner de si fauorables nouuelles, car ie crains que l'impatièce de iouyr des faueurs que vous auez desia si longuement pourchassees, vous fasse treuuer importun le sejour que vous ferez aupres de nous? Seigneur repliqua le Che-ualier, l'honneur d'estre en vostre compagnie ne me doit pas estre moins cher que toute autre forte de plaisirs, il est vray que puisque vous voulez que ie desere quelque chose à cette vio-lente passion qui me possede, pour le plus aymable suject du monde, ie vous auoueray librement que si mon seruice ne vous est necessaire, ie seray bienaise que vous me comman-

diez de m'en reuenir aupres de la Nymphe, pour la faire souvenir de la promesse qu'elle vous a faite en ma faueur, & pour la solliciter de m'en faire voir l'accomplissement : Sçachez Lindamor, reprit Godomar, qu'où nous allons, yous n'aurez pas moins de liberté que moy, & que bien loing d'empescher vostre retour, ie l'accompagneray du mien, s'il plaist au Roy de me le permettre; car enfin il faut que vous croyez que l'ay treuué tant de douceurs dans la conversation d'Amasis & deses Nymphes, & que ie leur voy gouster vn repos si doux & si agreable, que ie ne croy pas que en achettas-se au prix de mon sang la liberté d'en iouyr. Vous n'auez veu, reprit Lindamor, qu'vne ombre des plaisirs qu'on reçoit en cette petite contree, car la perte de Clidamant, la rebellion de Polemas, & les armes du Roy vostre pere, ont meslé vn trouble si grand parmy les felicitez dont Amasis & ses peuples iouyssoient, que durant le temps que vous auez esté dans Marcilly, ie puis iurer que vous n'auez veu qu'vne fausse image des douceurs qui accompagnoient leur vie dans la iouyssance de la paix : C'est ce qui me fait dire, adiousta le Prince, qu'ausourd'huy leurs contentements doiuent bien estre extremes, puisque i'y en ay receu de si grands, durant le regne du malheur & del'aduersité. Auec semblables discours ils s'alloient digertissant durant la longueur de leur chemin, &

536 LA DERNIERE PARTIE D'ASTREE, Amasis qui auoit repris celuy de la ville, ne fut pas plustost rentree dans le Chasteau, que laissant à Galatee le soing d'entrérenir toute la compagnie, elle se remit dans son cabinet, pour chercher dans sa propre vertu quelque consolation sur l'absence de ces Princes: & cependant qu'elle r'appella dans son esprit tous les divers succez qui luy estoient arrivez durant le cours de sa vie, & que par la mort de son fils, elle eut esprouué combien est irreuocable cette loy qui nous condamne à mourir, elle sit dessein d'accomplir au retour de Lindamor, le mange de Galatee, & apres luy auoir remis la conduitte de l'Estat, de se retirer seule dans Montbrison, ou dans le Palais d'Isoure, pour y passer en reposte reste de ses iours. Galatee à qui l'aage sembloit desendre l'vsage d'une consideration si saincte, commença d'abord à penser a mille sortes de jeux, pour se diuertir durant le temps que Lindamor & les autres Cheualiers demeureroient en leur voyage, mais n'en trouuant point d'assez plaisant pour surmonter le desplaisir que ce départ leur auoit causé, enfin apres auoir vn peu resué, elle s'adressa à Rosanire, & luy dit; Vous ne sçauriez iuger, Madame, à quoy ie pensois maintenant? il est vray, luy respondit Rosanire, car ie n'ay pas les yeux assez bons pour pouuoir lire dans vostre ame; en verité; reprit la Nymphe, ie resuois sur les

discours que nous fit hyer Thamyre, touchant la guerison de Celidee, & ie croy que nous aurions bien du plaisir à la voir maintenant, car deuant qu'elle se sus belles silles qui eussen iamais visité les riues de Lignon: Iepense, repliqua la Princesse, que si vous en auez tant soit peu de desir, vous auez assez d'authorité sur elle pour l'obliger à venir icy; le croy bien, continua Galatee, qu'elle ne me refuseroit pas ce ce contentement, si ie l'en auois fait prier, mais ie regarde que sans luy donner cette peine, il nous seroit facile de la voir où elle est, si nous voulions faire vne chose que ie me suis imaginee; Rosanire alors ayant prié Galatee de luy dire son dessein, c'est, adiousta la Nymphe, que si nous voulions bien passer le temps durant quatre ou cinq iours, il faudroit nous habiller en bergetes, & aller surprendre Adamas dans sa maison: la nous verrons Celidee, Astree y sera peut-estre encore, à qui ie seray bien ayse de pouuoir dire vn secret qui luy sera tres-agreable; Syluandre sans doute n'en sera pas party, & si nous y rencontrons Hylas, vous verrez que nous ne manquerons pas de diuertissement. Dorinde qui iusqu'alors n'auoit rien dit, tant le souvenir de l'essoignement de Sigismond la tenoit occupee, tout à coup prenant la parole, i'ay encore, dit-elle, mes habits, &

LA DERNIERE PARTIE D'ASTREE, Madote & Daphnide si ie ne me trompe n'ont pas perdu les leurs, si bien que si vous vous hastez de commander qu'on en fasse auiourd'huy pour vous, demain matin nous pourrons nous aller promener iusques la. Daphnide & Madonte ayans treuué bonne cette proposition, Rosanire y consentit facilement, & Dorinde en continuant, pour le moins, dit-elle, ie n'y auray plus de combat à rendre, & ie croy que peutestre le Ciel m'y laissera paisible à vostre consideration? Ie le pense ainsi, respondit Galatee, pour le moins ie vous iure que i'y contribueray tout ce qui pourra dependre de moy; mais adiousta-telle, voyla nostre dessein bien formé, il ne reste plus qu'à faire qu'Amasis le treuve bon; Personne, dit Madonte, ne pourra mieux que vous la faire consentir à nous permettre ce petit voyage, c'est pourquoy ie suis d'auis que vous luy en fassiez la proposition? c'est ce que ie ne croy pas, respondit la Nymphe en soustiant, aussi ie desire qu'on opine là dessus, & que la pluralité de voix l'emporte; Ie vous donne la mienne, dit Rosanire, & moy de mesme, adiousta Daphnide; commencez donc belle Galatee, dit Dorinde, à vous y preparer, car vous voyla condamnee à receuoir cette commission: Voyla, reprit la Nymphe, vn conseil bien-tost tenu, mais puisque vous me le commandez, ie ne feray nulle difficulté de vous obeyr.

A ce mot elle entra dans le cabinet d'Amasis, qu'elle treuua toute pensiue, & luy ayant proposé la resolution qu'elles auoient prise, elle l'approuua, & se resolut de s'aller promener à Montbrison, cependant qu'elles passeroient leur temps chez Adamas: Galatee luy ayant fait la reuerence voulut sortir, mais la Nymphe la rappella, & apres l'auoir consideree yn peu attentiuement; Dites-moy la verité Galatée, luy demanda-telle, si Lindamor prend party aupres de Gondebaut, & qu'il abadonne mon seruice come il l'a resolu, ne l'accuserez-vous pas d'vne extreme mescognoissance? Ie ne pense pas Madame, luy respondit Galatee; que la volonté luy en vienne iamais, car il a vos interests en trop grande recommandation; mais reprit Amasis, ie n'ay plus d'interest en cela, puisque Gondebaut & moy ne sommes plus ennemis- N'importe, Madame, repliqua la ieune Nymphe, c'est assez qu'il l'ait esté, pour faire que ce Cheualier ne le serue iamais, si vous ne luy en faites vn tres-exprets commandement. Vous iugez, adiousta Amasis, si aduantageusement. de son humeur, que ie coniecture par là que yous auez de la bonne volonté pour luy? Madame, repliqua Galatee, rougissant vn peu, il est certain que ie n'ay point de suiest de le hayr; & bien, dit Amasis, allez mettre ordre à recouurer des troupeaux, puisque vous voulez deuenir bergeres, & vne autrefois nous ch discourerons plus amplement: Amasis sousrit proferant ces paroles, & galatee qui obseruoit insqu'à la moindre de ses actions, prit de là vne bonne opinion de ses affaires.

Au mesme temps qu'elle voulut sortir, Thamyre se presenta à la porte, & galatee l'ayant pris par la main, le mena à la Nymphe, qui sçachant qu'il estoit la pour receuoir l'honneur. de ses commandements, luy donna charge de dire au grand Druyde, qu'elle auoit bien du regret dequoy il ne s'estoit pu trouuer à la conclusion de la paix, que toutesois s'il suruenoit quelque chose de nouueau, elle auroit le foing de l'en faire aduertir. Thamyre luy ayant baisé la robe, promit de faire ce qu'elle luy commandoit, & apres auoir dit adieu au reste des Dames, partit pour aller reuoir sa chere Celidee, qui luy sembloit absente depuis plus d'vn fiecle, bien qu'il n'eust esté qu'vn iour sans la voir.

Il ne sut pas arriué à cent pas pres de la maison du Druyde, qu'il la rencontra, mais auec vn visage sitriste, que cela le mit en peine, & luy sit desirer d'en sçauoir le suject; la Bergere qui l'aymoit comme son ame, & qui ne taschoit qu'à luy plaire; le desplaisir, luy dit-elle, dont vous voyez que ie suis atteinte, vient plustost de l'intererest d'autruy que du mien, & si vous prenez la peine d'entrer chez Adamas, vous serez bien insensible si vous n'y deuenez aussi af-

fligé que moy; tout y est dans vn extreme de fordre, presque tous ceux que vous y laissastes; partirent hyer, vn peu de temps apres vous, & ce qui resta de bergers & de bergeres, est dans yne telle confusion, qu'il seroit impossible de vous la bien representer: Alexis s'est perduë, Syluandre n'est point reuenu depuis hyer; Diane & Astree sont sorties aujourd'huy de leur chambre, deuant que le iour y soit entré, sans que depuis on en ait eu aucunes nouuelles; Paris est party pour les aller chercher, Leonide, Phillis, Lycidas, Stelle, Hylas, Doris, Adraste & les autres en ont fait de mesme, & ie n'eusse point esté iusqu'a cette heure sans les suiure, stien'eusse bien creu que vous reuiendriezbien-tost Voylà, dit Thamyre, vn changement bien estrange, mais qu'on ne iuge pas que nous ayons moins de bonne volonté que les autres, ie suis d'auis que nous fasfions de nostre costé, ce que nous pourrons pour le seruice du Druyde, apres que je luy auray renducompte de ce qu'Amasis m'a commandé particulierement de luy dire: Tout ce que nous pouuons, respondit Celidee, c'est d'aller chercher des nouvelles d'Astree & de Diane, car c'est le principal soing qui le trauaille, & bien, adiousta Thamyre, nous y serons nos diligences, cependant vous pouucz m'attendre icy, sous l'ombrage que ces arbres yous presentent, & ie reuiendray le plustost

942 LA DERNIERE PARTIE D'ASTREE, qu'il me sera possible, Celidee l'ayant embrassé le baissa, & puis s'assit, & Thamyre s'en alla dans la maison du Druyde.

Il fut d'abordiusqu'àla chambre d'Adamas, sans rencontrer ame du monde, & parce qu'il treuuala porte fermee, cependant qu'il disputoit en luy mesme s'il heurteroit ou non,il ouyt Adamas qui disoit assez haut; mais Bellinde à quoy croyez-vous que seruent toutes ces lar, mes, ne voyez-vous pas que vous les respandez inutilement, & qu'elles ne sçauroient empescher que ce que les Dieux ont destiné n'arriue, commeils l'ont arresté dans leur fatale ordonnance? ce peu de mots fut cause que Thamyre presta l'oreille plus attentiuement, & qu'il ouit que Bellinde respondit auec vn grand souspir, helas: ie sçay assurément que toutes les eaux du monde, ne seroient pas capables de lauer la fau. te que ie voy bien que Diane a faite, mais quelque cognoissance que i'en aye, ie ne laisse pas de les donner au ressentiment que i'ay de son crime, afin qu'elles puissent vn iour seruir de tesmoignage, que l'ay desapprouué son action, & que ie n'attendois pas vn si mauuais fruict, de la nourriture que ie luy ay donnée: Pour encor, reprir le Druyde, ie ne l'ose accuser de rien, car pour auoir esté la moitié d'vn iour esloignee de vous, il se peut faire qu'elle en a eu des suiects

bien pressants, & que quand elle vous les dira, vous treuuerez ses excuses legitimes; il ne faut

pour cela, sinon qu'elle ait mal reposé cette nui & passee, & qu'estant sortie comme elle a fait de bon matin, elle se soit peut-estre endormie sur l'herbe, pour faire qu'elle ne reuiene point qu'il ne soit bie plus tard: Ah Dieux!repliqua Bellinde, si elle n'eust eu que ce dessein, il ne luy eust pas esté difficile de m'en demander la permission, mais quand ie repasse vn peu attentiuement par ma memoire les responses & les mines qu'elle me fit hyer, quand ie voulus sonder sa volonté touchant le mariage de Paris, duquel elle n'a iamais esté digne, ie remarque aisément qu'elle a quelque autre chose dans la fantaisse, & qu'il est dangereux qu'elle ne la fasse esclorre, au preiudice peut estre de sa reputation & de la mienne. Nous verrons, dit Adamas, dans ce qui nous reste du iour, s'il sera iuste ou no que vous la condamniez; cependant ie ne trouue pas que vous ayez tout à fait raison de vous affliger, comme vous faites; disant cela, le Druyde s'approcha vn peu de la porte,&Thamyre qui craignoit d'estre surpris, heurta comme vn homme qui auoit quel que affaire bien pressee; cela fut cause qu'Adamas se hasta d'ouurir, & Thamyre le voyat seul auec Bellinde, se recula deux ou trois pas, comme s'il eut eu peur de les destourner; mais le Druyde l'ayant prié d'entrer, luy demandades nouuelles deMarcilly, à quoy Thamyre respondit de cette sorte, Mon pere, la Nymphe Amasis m'a commandé de vous dire

544 LA DERNIERE PARTIE D'ASTREE, qu'elle est aujourd'huy dans la parfaitte jouyssance de la paix, par le traitté solemnel qu'elle en a fait auecque Ligonias, qui estoit venu de la part du roy des Bourguignons, elle a differé le iour qu'elle auoit destiné pour le sacrifice, iusqu'au retout de Rossleon, qui sera, comme elle croit, dans cinq oufix iours, & les Princes m'ont commandé à leur despart de vous assurer de la voloté qu'ils ont de vous seruir en toutes sortes d'occasions: ie meresionys, luy die Adamas, du bon succez que ie voy prendreaux affaires de cette grande Nymphe, & suis bien aise qu'elle ait difere le sacrifice, à cause de quelques accidents qui me sont arrivez: Celidee, repliqua Thamyre,m'a dit confusément quelque chose de Diane & d'Astree; maisie n'ay sceu bien entendre ce qu'elle vouloit dire: c'est respondit Adamas, que ces bergeres n'ont point esté ceans de tout le iour, & nous sommes maintenat en peine d'apprendre ce qu'elles peuvent estre deuenuës: ie vay, luy dit alors Thamyre enchercher des nouuelles, afin d'apporter si le puis quelque remede à l'impatiéce où vous estes de les voir; à ce mot il fit vne profonde reuerence,& cependant que le Druyde se remit en discours auec Bellinde, il s'en reuint où Celidee l'attendoit. Aussi tost qu'elle la vid venir, elle se leua, & l'ayant pris par la main, tous deux se mirent en queste deces belles bergeres.

Mais il leur eust esté bien difficile de les

tencontrer, car craignants d'estre diuerties du dessein qu'elles auoient fait la nuict auparauant, & se doubtans bien qu'infailliblement on les suiuroit, elles auoient mis tant de soing à se bien cacher, qu'il estoit presque impossible de les trouuer où elles estoiet: la nuict elles auoient couché seules dans yn lict, car Leonide qui youlut en l'absence d'Alexis, dormir dans leur chambre, pria Phillis de luy venir tenir compagnie:de sorte qu'Astree & Diane estans demeumees en estat de se pouvoir librement entretenir de leur commune affliction, apres quelques petits discours qu'elles eurent auec Leonide & Phillis, soudain qu'elles iugerent que le sommeil leur auoit ferméles yeux, elles se tournerent l'vne contre l'autre, & s'estants embrasses, elles furent quelque temps sans parler; mais Astree vaincuë par les propos que le Druyde luy auoit tenus touchant la fortune de Celadon, fut la premiere qui rompit le filence, en ces termes, helas ma sœur, luy dit-elle en souspirant, nostre do lleur sera telle eternelle? somes-nous destinees à n'auoir iamais aucun contentement? ie ne suis pas plustost tombee dans vn malheur, qu'au lieu de m'en voir deliuree, ie me vois contrainte d'en souffrir encore d'autres plus grands & plus sensibles; i'ay ouy dire quelquefois à Sylvandre, que toutes choses ont leur vicilitude, mais ma disgrace n'en a point, & depuis que le sort a commencé de troubler

l'estat de ma vie, ie n'y ay iamais remarqué de changement: Ma sœur respondit Diane, il est certain que nous ne sommes pas de celles à qui la fortune rid le mieux, ny à qui le Ciel enuoye le plus de graces; pour moy, ie sçay bien que depuis que Filandré est mort, ie n'ay pas gousté vne seule des douceurs que l'on trouue dans l'vsage de la vie, & ie puis dire entre vous & moy, que le moindre de tous les ennuys que l'ay receus, a esté l'affe-Etion de Syluadre, mais voyez si le Destin n'est pas bien ennemy de ma prosperité, ie n'ay pas plustost eu sondé quelque esperance en l'amitié de ce Berger, que mille obstacles se sont venus opposer à mon bien, & qu'il a fallu que i'y aye esté trauersee, non pas par autruy, mais par moy qui ay doné le plus grad coup à ma ruine: car puis qu'il faut tout dire, il est tres-vray que si ie n'eusse point adiouté de soy aux rapports que Laonice me sit, ie n'eusse iamais permis à Paris d'aller resoudre mon mariage auecBellinde, & ne luy eusse iamais tesmoigne d'auoir sa recherche agreable; ainsi ie ne croy pas qu'il se fust obstiné a me vouloir posseder contre mon consentement, & ie ne serois pas maintenant à la veille de me voir sorcee à faire vne faute irreparable, & contre mon amour, & contre le repos de Syluandre. Les Dieux, reprit Astree, deuroient, ce me semble, desormais estre concents, puis que par les maux que nous auons foufferts,

soufferts, ils se sont assez vangez des fautes que hous auons faites, vous cotre Sylvandre, & moy contre Celadon: & cependant ils ne laissent pas de nous persecuter encore, & ie ne croy pas que leur haine finisse qu'auccque nostre vie: si cela est, adiouta Diane, leur couroux ne durera plus guiere, car ie suis resoluë à mettre bien tost vne fin à tant de miseres; aussi bien, tost ou tard ie serois contrainte de recourir à cette violence, puis qu'en l'humeur où iesuis maintenant, ie ne pense pas qu'il me fust possible de viure vn seul moment en la puissance de Paris: à ce mot elle s'arresta vn peu, puis reprenant la parole, ah, ma sœur, continua-telle, que yous aucz vsé tantost d'vn terme qui m'a touchee viuement, quad vos auez dir: que vous appliqueriez à vos maux, le remede que le desespoir enseigne aux ames qui se lassent de souffrir, ie vous iure que ie ne respire maintenant autre chose, & que dans les ennuis dont la mienne est affligee, i inuoque la mort auec plus d'ardeur que ie n'é eus iamais à desirer aucunes saueurs de la fortune: quand i'ay ditcela, respondit Astree, i'ay parlé selon mon humeur, & selon ma passion, & ie vous assure que la resolution que s'en ay faite n'est pas moins irreuocable que les Arrests de la fatalité; aussi bien, à quoy me seruiroit desormais la vie, qu'à me representer la suitte de mes malheurs, & à me faire cognoistre qu'il faut bien que l'aye fait quelque grande offense contre les Dieux, Dern. part, Mm

LA DERNIERE PARTIE D'ASTREE, 548 puis qu'il semble, que pour me punir, ils inuen? tent tous les iours quelque nouueau supplice? non non Diane, adiouta-telle, ie trouue iuste la volonté de viure à ceux qui boiuent à longs traits, comme on dit, le Nectar & l'Ambrosie, & qui semblent estre seulemet au monde pour feruir d'obiect aux graces & aux faueurs du Ciel; mais à ceux qui comme moy, n'osent pas seulement esperer la jouyssance d'aucune selicité, ie tiens que c'est vne extréme folie de la coseruer, & de s'obstiner à vouloir destourner de soy, des accidents, dont l'effect est ineuitable; si ie ne cognoissois parfaitement l'humeur de Celadon, & si ie ne sçauois bien, que luy ayant ordonné de mourir, il est presque impossible qu'il n'ait desia obey à cefascheux comadement, le croyroisque cesuiect-là, pourroit auoir quelque sorce pour me retenir en vie; mais puis qu'il n'est peutestre plus, & que mesmes quand il viuroit, i'aurois tousiours quelque remords dans l'ame, qui me reprocheroit comme vn crime quatité d'a-ctions, qui ont esté pourtant sort innocentes, l'aduoue que ie ne croy point qu'il y ait de plus fouuerain remede contre tout cela, que celuy que ietrouueray en ma mort. Ie pourrois bien, repliqua Diane, trouuer dans le succez de ma vie des consideratios aussi sortes, pour me saire desirer de ne viure plus, & quand ie ne regarderois que l'estat present de mon ame, c'est sans doute qu'il m'en pourroit doner vn suie et assez legitime; car si la vie ne nous doit estre chere, qu'en tat qu'elle peut estre accopagnee de quelques contentements, ie suis desia hors de toute esperance d'en oser seulement attendre; & si comme vous desireriez de viure pour Celadon i'auois quelque volonté de viure pour monBerger, ne vois-ie pas que cela ne se peut, sans que l'accepte l'alliace de Paris, & que par consequét iene sois cause de la perte de Syluandre, qui m'a iuré de cesser de viure dés le moment qu'il en apprendra la verité? mais chere Astree, ie regarde, que quelque inclination que nous ayons à nous perdre, & quelque commodité que nous en rencontrions, il est impossible que cela se fasse, sans que ceux qui nous suruiuront, blas-ment nostre desespoir, & discourent à leur santaisse des suiects qui nous l'auront inspiré: & outre cela, l'ay oiiy dire qu'il y en a beaucoup qui reclament la mort, & qui la desirent; mais quand elle se presente, il n'en est point qui ne trouue son visage effroyable, & qui ne soit bien aise de la fuyr; cela veritablement me donne quelque sorte d'apprehensio, & mesait douter que iene susse trop peu courageuse pour recourir à cette extremité, quelque inuiolable que fust la resolutió que i'en aurois faite: pour ce qui vous regarde, reprit Astree, il est croyable que vous auriez de la peine à mourir, d'autat mieux qu'il faudroit vous sousmettre à des maux, capables de donner de la crainte aux amés les plus

Mm ij

550 LA DERNIERE PARTIE D'ASTREE, hardies: mais pour moy? ah! i'ay vn moyen le plus honneste & le plus legitime, que personne du monde sçauroit iamais choisir; ie mourray pour le repos & pour le plaisir, non pas seulemét d'vne Prouince, mais, peut estre, de tout l'Vniuers. Diane qui nescauoit cequ'ellevouloit dire, masœur, luy demanda-telle, ne sçauray-ie point quel il est, afin que ie men serue de mesme? le ne pense pas, respondit Astree, qu'autre que moy y doine aspirer, mais ie vous le diray pourtant, afin que vous ne croyez pas que ie puisse vous cacher quelque chose, c'est continuatelle, que la fontaine de la verité d'Amour, est comme vous fçaucz, depuis quelque temps enchatee detelle forte, que cet enchantement ne peut finir que par la mort du plus fidelle amant, & de la plus fidelle amante qui ait iamais visité cette Prouince; Or sçachant bien que ma fidelité est en vn poinct le plus hault où puisse iamais aller celle d'une fille, l'ay resolu de m'aller sacrifier pour le public, en attendant, qu'a mon exemple, il se trouve quelque berger qui veuille s'exposer pour le contentement, & pour la satisfaction de tout le monde. En verité, repliqua Diane, voyla le plus beau & le plus glorieux dessein qui soit iamais entré dans la pensee d'vne fille, ah, ma sœur, que ie vous y accomgneray courageusement, & que ie m'estimeray heureuse de courre cette fortune auecque vous: Ma sœur dit Astree, ie ne refuse

pas vostre compagnie, d'autant mieux que sçachant bien qu'yne seule Amante y doit mourir, ie suis assurée que vous n'y receurez aucun domage, il en arriuera reprit Diane, ce que les Dieux voudrot: mais ie ne vous abandonneray point, & m'exposeray auecque vous à quelque peril qui se puisse presenter: si vous y estes bien resoluë, adiousta Astree, il faut que nous conduisions ce dessein le plus secrettement qu'il nous sera possible, & ne faut pas mesme que Phillis en soit aduertie, car cette belle fille nous aymant comme elle fait, ne consentiroit iamais à nous laisser partir, & mettroit tant d'obstacles à nostre dessein, qu'à peine le pourrions nous iamais faire reuffir, c'est pour cela adiouta Diane, que le serois d'auis que nous sortissions de ceans, deuant qu'Adamas ny ma mere soient hors du lict, car dans la frayeur où ie suis, ie m'imagine qu'il ne sera pas plustost iour, qu'ils me viendront querir, pour faire que Paris m'espouse; mais dit Astree, dés qu'on ne nous trouuera plus dans nostrechambre, on nous fera suiure, & si l'on nous surprend, on nous r'amenera, sans qu'apres cela vous puissiez iamais esperer de vous desrober de leur vigilance; à cela, respondit la Bergere, nous ne manquerons pas de remede, car aussi-tost que nous serons sorties, nous irons nous cacher en quelque lieu, où nous demeurerons tout le long du iour, & apres cela, quand la nuict sera reuenue

LA DERNIERE PARTIE D'ASTREE, nous nous remettros en chemin, iusqu'à ce que nous soyons arriuees au lieu qui doit mettre fin à toutes nos calamitez: Et si le sommeil nous surprend, adiousta Astree, voil a nostre affaire en desordre? C'est, repliqua Diane, ce que iene crains pas, carie sçay que mesme quand ie le voudrois, il me seroit maintenant impossible de reposer; mais pour iouer au plus seur, ie vay commancer à m'habiller, cependant que Leonide & Phillis dorment affez profondement, pour ne me point ouyr, quelque bruit que ie fasse. A ce mot, Diane se ietta hors du lit, & à la clairté de la Lune ramassa ses habillements, & s'en accommoda le mieux qui luy fut possible: Astree de son costé se couurit des siens, & puis toutes deux se remirent sur le lict, en atten. dant que la nuict fust yn peu plus auancee.

A peine furent-elles assises, qu'elles ouyrent que Phillis souspiroit, & parce que ses souspirs estoient meslez de quelques gemissements, elles crurent que peut-estre elle s'estoit apperceuë de leur dessein: & ce qui leur en donna plus de creance, ce sut que tout à coup elle se mit à crier à motstoutes interrompus, sans moy, ah! ma sœur, ah Diane, non, non. A ce mot de sœur, & de Diane, les deux bergeres s'imagineret que tout estoit descouuert, & surét si fort espouuantees, qu'Astree descédit du list pour luy allet dire tout le secret de leur voyage, & de sait, dés qu'elle sur aupres d'elle, elle se disposa pour l'en

entretenir, mais s'estant baisse pour luy parler à l'oreille, afin que Leonide ne la pût ouyr, elle vid qu'elle auoit les yeux fermez, ce quifut cause qu'Astree se douta que c'estoit infailliblement l'effect de quelque songe; elle luy vid aussi le visage couvert de larmes, dequoy elle eut tant de compassion, qu'elle ne put s'empescher de pleurer aussi. De cette sorte elle s'en reuint aupres de sa compagne, & luy ayant assuré que Phillis dormoit, ma sœur, luy dit Diane, sor s de la chambre, & regardons si nous ne pourros point trouuer quelque moyen pour sortir de la maison, le iour arriuera que nous n'y prendros pas garde, & s'il nous surprendicy, l'apprehende bien d'estre troublee dans la volonté que i'ay de vous accompagner: sortons, respondit Astree, mais ne faisons pas béaucoup de bruit; de peur d'esueiller Leonide ou Phillis. Disant cela, elles ouurirent la porte fort doucement, & apres auoir descendu l'escalier, entrerent dans la basse cour; Dés qu'elles commencerent à paroistre, deux grands chiens que l'on nourrissoit pour la garde de la maison, se mirent à abboyer, & leur firent tant de peur, qu'elles retournerent sur leurs pas, & fermerent promprement la porte qui respondoit de la cour au degrépar où elles estoient descenduës. Apres cela elles l'entrouurirent sans bruit, & virent qu'vn valer qui auoir le foing des clefs, s'estoit leué au bruit que ses chiens auoient fait.

554 LA DERNIERE PARTIE D'ASTREE,

Vn peu apres elles apperceurent qu'il ouurit le guichet de la grande porte, & qu'apres auoir vn peu ietté les yeux d'vn costé & d'autre hors de la maison, il le referma, & se retira auecque ses chiens dans sa petite chambre, sans se souuenir de reprendre ses cless qu'il laissa par dedans attachees à la serrure: cela leur donna vn peu d'assurance, de sorte que dés qu'elles iugerent que ce portier auoit eu assez de temps pour se rendormir, elles trauerserent la basse cour, & apres auoir ouuert la mesme portesort doucement, sortirent de la maison, aussi effroyces, que si elles eussent esté coupables de quelque grand crime. Aussi-tost qu'elles furent sorties elles se prirent par la main, & se mirent à courir de toute leur force,se tournants toutesois de temps en temps, comme si elles eussenteu peur qu'on les eust suivies. Enfin dés qu'elles furent hors d'haleine elles s'arresterent, & apres auoir bien soufflé, Diane qui estoit la plus espouuantee, mon Dieuma sœur, luy dit-elle, qu'estce que nous entreprenons? & quel sera le. courage que l'auray à la fin de ce dessein, si l'en ay si peu au commencement? Nous entreprenons, repoud r Astree, d'accomplir vne resolution qui nous doit affranchir de la tyrannie de tous les malheurs dont nous auons esté persecutees, & c'est pour cela que nous ne deuons pas manquer de courage, puis que de cette action dépend immediatement le reposdont nous de-

uons jouyr dans la seconde vie que nous attendons; Ie sçay bien, reprit Diane, quel est le bien qui nous en doit arriver, mais cela n'empesche pas que ie ne redoute vn peules moyens par lesquels ils nous y faut paruenir; toutefois ma compagne, adiousta-telle baisant Astree, vostre presence me r'assure en quelque sorte, & me fait croire qu'il ne me sçauroit ariuer de mal si grand, quil ne soit moindre que le plaisir que l'ay d'estre en vostre compagnie: Ma sœur, repliqua Astree, vous y receurez sort peu de cotentement, & moy beaucoup de satisfaction, en ce que ie vous auray pour tesmoing de la derniere & de la plus memorable action de ma vie, toutesois sans nous amuser si tost à nous entretenir de ce discours, ie serois d'auis que nous cherchassios quelque lieu bien commode pour nous cacher, & que cependant nous fissios prouisson des fruicts que ces arbres nous presentent; car ie regarde que si nous sommes obligees à ne sortir point de tout le jour du lieu où nous nous seros mises, il est croyable que nous autons quelque necessité de manger; En verité, adiousta Diane, ie ne pense pas que l'on ait iamais veu dans vn mesme esprit deux volontez si differentes, nous sommes sorties ce matin auec vne inuiolable resolution de mourir, & cependant vous parlez de manger, comme s'il nous deuoit rester quelque grand soing de nostre vie. Il m'en reste aussi, respondit Astree,

LA DERNIERE PARTIE D'ASTREE, car pour rien du monde ie ne voudrois moutir d'autre mort, que de celle qui doit seruir à desenchanter la fontaine où nous allons; & bien, repliqua Diane, faisons tout ce qu'il vous plaira, cueillons des fruicts, mangeons, mourons, ie veux tout ce que vous voudrez: Disant cela elles auançoient tousiours, & remotoient le long de Lignon, resoluës de s'arrester au premier lieu qu'elles iugeroient propre à les receler tout le long du iour. Elles alloient aussi cueillant des fruicts, & presque insensiblement elles en remplirent leurs pannetieres, mais apres auoir marché assez longuement, Astree vid naistre l'Aurore, & puis le Soleil, qui dorant la pointe des montagnes,& descendat peu à peu dans la plaine pour la peindre d'vne mesme couleur, sembloit se haster, pour descouurir le lieu bien-heureux que ces deux beautez choisiroient pour leur retraitte: Cela fut cause que ne voulants plus differer de se cacher, elles chercherent vn peu plus curieusement que de coustume,&qu'estants assistees d'une plus grande clairté, elles eurent plus de commodité de voir les lieux que la Nature leur offroit pour fauoriser leur dessein. Elles se logerent en beaucoup d'endroits, mais semblables aux criminels, qui ne croyent iamais pouvoir treuver de retraitte assez assuree, & qui à moins que d'estre dans le Centre de la terre, s'imagineroient toussours d'estre exposez à la veuë de tout le monde, elles ne

pouuoient se persuader qu'on ne les apperceust en quelque lieu qu'elles se pussent mettre. Enfin apres auoir beaucoup roulé, elles virent sur le bord de la riuiere vne petite cauerne qui leur parut sicommode, qu'elles resolurent des' y arrester; Elles y entrerent donc, bien qu'auec vne grande difficulté, à cause des buissons qui en empeschoient l'entree, & s'estans assisses desfus vn siege de mousse, qui montroit d'auoir esté fait par artifice, elles se preparerent d'attendre là ce que le Ciel ordonneroit de leur fortune.

Presque en mesme temps, Phillis qu'elles auoient laissee dans le list, s'esueilla, & parce qu'elle auoit encore la memoire embroüillee de quelques fascheux songes qui l'auoient trauaillee tout le long de la nuict, elle se leua doucemet d'aupres de Leonide, pour se venir ietter das le lict de ses compagnes, afin de leur rendre compte des imaginations qu'elle auoit euës: mais quand elle ne les y treuua pas, &qu'elle n'apperceut plus ny leurs habits ny leur personne, elle commença à se douter de quelque chose, & à craindre le malheur dont ses songes l'auoient menacee: Elle ouurit d'abord les fenestres,& voyant que le Soleil estoit à peine leué, voicy, dit-elle en elle-mesme, vne diligence extraordinaire, Astree & Diane n'auoient pas accoustumé de se leuer si matin; puis essayat de iuger pourquoy elles estoient sorties de la chabre

558 LA DERNIERE PARTIE D'ASTREE, fans luy rien dire: mais, continuoit elle, pourquoy me laisser dans le lict? depuis quand suisie deuenuë suspecte à leurs entretiens? ah!ma sœur, ah! Diane, ie meure vous me la payerez, ie vous apprendray à ne faill r plus contre ce que vous deuez anostre commune amitié: disant cela cette bergere s'alloit peu à peu habillant, & dés qu'elle fut en estat de sortir, elle descendit le degré & s'en alla dans la salle, mais n'y treuuant personne, elle courut dans la grande gallerie, puis trauersant la basse-cour, & n'ayant pas rencontré seulement vn domestique, a peine que cela ne la fist mourir. N. sçachant toutefois à quoy se resoudre dans cette extremité, elle reuint dans sa chambre, & ayant esueillé Leonide, pardonnez-moy, belle Nymphe, luy ditelle, si i'ay esté contrainte d'interrompre vostre sommeil; ie ne puis plus viuresi vous netreuuez quelque remede à l'inquietude qui metrauaille: Astree & Diane ne sont plus ceans, & ie crains qu'elles soient allees se perdre en quelque lieu, puis qu'elles m'ont caché leur fuite. Leonide alors toute estonnee, car elle sçauoit l'estat de leur ame & de leur amour, s'habilla le plus proptement qu'elle put, & puis toutes deux s'en allerent à celuy qui auoit le soing de la porte, pour sçauoir si quelqu'vn estoit desia sorty: Il leur iura qu'il n'auoit encor ouuert à personne, qu'il estoit bien vray qu'il auoit ouy abboyer ses chiens yn peu deuant le iour, mais que s'estat

leué & n'ayant apperceu personne, il s'estoit remis au liet, & auoit dormy iusqu'alors sans auoir plus ouy aucun bruit. Leonide & Phillis fore estonneess'en allerent à la porte, mais treuuant que les cless y estoient atrachees, elles ne douterent plus que ces bergeres ne pussent estre sorties par ce moyen. Elles crurent donc que le meilleur estoit d'en aduertit le Druyde, & en attendant qu'ilfust leué, elles s'en allerent dans la gallerie, où elles ne furent pas plustost, que Phillis ne pouuat retenir ses larmes, helas! Madame, dit-elle, que le cœur me l'a bien dit, & qu'a mo dommage i'ay bien esté trop veritable prophete de ce qui m'est arriué. Tout le long de la nuict l'ay esté dans des inquietudes nompareilles, & i'ay esté trauaillee de si fascheuses resueries, qu'en ma vie ie n'ay iouy d'vn sommeil si mal plaisant. Les songes, respondit Leonide, ne sont qu'illusions & que fantaisses, où l'on ne peut assoir le fondement d'aucune verité: Ah! sage Nymphe, reprit la bergere, assu-rez-vous qu'ils ne l'ont point esté cette sois, & que l'ay veutout ce que ie voy aussi clairement que si ie n'eusse pas dormy; car, Madame, il faut que vous sçachiez, qu'vn peu apres que i'ay esté endormie, & ie iuge que ce peut auoir esté enuiron sur le milieu de la nuiet, il m'a semblé que l'ame de Celadon & celle de Syluandre s'estoient approchees du list d'Astree & de Diane, & que celle de Celadon plus offensee que

LA DERNIERE PARTIE D'ASTREE; l'autre, disoit à masœur, auec vn ton devoix qui tenoit tout ensemble, & de l'amour & du courroux, Ingratte bergere, Celadon est mort par ton iniustecommandement, & tu dois mourir pour satisfaire à sa iuste priere, voicy son ombre qui t'attend pour te conduire dans les champs d'Elise, & qui ne cessera de te persecuter, que tun'ayes en safaueur disposé du dernier momét de ta vie. Alors il m'a semblé, que l'autre prenat la parole, & toy ma Diane, a-telle dit, qui as iadis triomphé de moy par la puissance de tes charmes, s'il te reste quelque memoire de ma fidelité, demeure constante en l'affection que tu m'as promise, & resous toy plustost de mourir à mon exemple, que de viure dans le blasme que t'apporteroit ton infidelité; A ce mot cette ombre s'est teuë, & i'ay creu ouyr Astree, qui respondant la premiere, ouy Celadon, a-telle dit, ie satisferay au desir que tu as, i'iray de bon cœur despouiller aupres du tien la pesanteur de ce miserable corps, & accompagneray ton ame en quelque lieu qu'elle prenne le soing de me conduire. Et puis Diane, & toy Syluandre, a-telle adiousté, prends garde à ne partir point sans moy, ieme veux rendre inseparable de ton ame, afin que n'ayants pu estre vnis durant ta vie, nous le soyons au moins apres ta mort. Disant cela elles se sont habillees, à ce qu'il m'a séblé, & puis suivans ces deux ames qui les guidoient, elles sont allees se ietter entre les bras

d'Amour, qui en ayant quelque sorte de compassion, leur adonné le contentement qu'elles demandoient. Ie me souviens fort bien que i'ay fait ce que l'ay pu pour les retenir ou pour les fuiure, i'ay pleuré, ie me suis mise en colere, i'ay crié tantost contre Astree, tantost contre Diane, leur reprochant qu'il ne leur estoit pas permis de rien entreprendre sans moy, mais ces ingrattes n'enont point tenu de compte, & sont parties sans me vouloir seulement dire adieu. Les accidents qui nous arriverent hyer, dit Leonide, ont esté cause de cette resuerie; car on die que c'est le propre des songes, de representer durant la nuict les choses dont on s'est entretenu durant le iour : car ces ames de Celadon & de Syluandre, leurs discours auec ces Bergeres, leur resolution, tout cela est tiré du dessein que Celadon fit de mourir, des plaintes qu'il fit contre Astree, & du suiect qu'a Syluandre d'empescher que Diane n'espouse Paris. Quoy que ce soit, reprit Phillis, Diane & Astree sont sorties, & voylà tousiours vne partie de mon songe qui n'a pas menty, ç'a esté, respondit la Nymphe, plustost vne rencontre qu'autre chose, car il se peut faire que ces deux belles filles s'estants esueillees bien matin, se seront allé diuertir sans aucun dessein qui approche de celuy dont nous les soupçonnons: Non, non Madame, dit-Phillis, iamais elles ne seroient parties sans me le dire, & à

moins que de faire quelque resolution estrana ge, elles ne seroient point sorties sans m'en aduertir: mais, continua-telle, ie les suiuray malgré elles, & quelque volonté qu'elles ayent euë de se cacher de moy, ie les chercheray de tant de costez, qu'il sera difficile que ie n'en apprenne des nouvelles.

Disant cela, elles sortirent de la gallerie, & ayants sceu qu'Adamas estoit hors du lict, Phillis luy alla faire le recit de la fuitte de ses compagnes, au commencement le Druyde en rit, car il croyoit que tout cela n'estoit qu'vne mocquerie, mais quandil en sceut toutes les circonstances, & qu'il eut ouy les responses du portier sur les demandes que Leonide luy sit vne seconde sois, il creut que ce qu'elle disoit n'estoit point entierement hors d'apparence. Il vint alors à se souvenir du dernier commandement qu'Astree auoit fait à Celadon!, & s'imaginant que pour luy en faire quelque satisfaction, cette bergere auroit bien pu recourir à quelque dangereuse extremité, il treuua iuste l'apprehension de Phillis, mais cherchant le suject pourquoy Diane auoit voulus'eschapper aussi; il creut que l'amitié qu'elle auoit pour Astree, auoit gaigné cela sur son esprit, pour luy faire oublier ce qu'elle devoit aux commandements de Bellinde. Ainsi s'estant confirmé dans la crainte que ces filles pourroient bien attenter fur elles-mesmes; il pria tous les bergers & bergeres

bergeres qui estoient dans sa maison, de courir après elles, ce qu'ils firent: ear Hylas, Stelle, Calydon, Phillis, Adraste, Doris, Leonide mesme, & les autres, partirent au mesme instant, & ne resta que Celidee, qui voulut attendre le retour de Thamyre, pour l'obliger, comme elle sit, à prendre aussi le soing de les chercher.

De tous ceux qui se mirent en cette queste, chacun prit vn different chemin, les vns seietterent dans le bois, les autres dans la plaine, & Phillis conduite par vn meilleur Genie, prit tout le long de Lignon. Elle n'eut pas marché enuiron durant vne petite demie heure, qu'elle apperceut Lycidas couché de son long sur l'herbe tout au bord de la riviere, & si pres de l'eau, qu'il mouilloit sa main dans les petites ondes qui serompoient doucement contre le riuage. Cette rencontre luy plut infiniment, car elle mouroit d'enuie de le voir, pour apprendre ce qui luy estoit arriué en la recherche de Celadon: ayant donc vn peu hastéle pas, elle ne fut pas plustostaupres de luy, que le surprenant, Boniour, luy dit-elle, mon Lycidas, & bien, où est Celadon ? à ce mot elle s'assit aupres de luy, & le berger se tournant vers elle, fort estonné pourtant de la voir seule en ce lieu si peu frequenté: Ma maistresse, luy respondit-il, en souspirant, il faut qu'il ne soit plus dans nostre plaine puis que ie ne l'y ay pas treuué. I'y ay em-ployé le plus de peine qu'il m'a esté possible, & Dern. part.

564 LA DERNIERE PARTIE D'ASTREE, ie croy qu'il s'est encore vne fois precipité dans Lignon, cariene sçache recoin si caché dans tous ces boccages; où depuis hyer ie ne l'aye foigneusemet cherché. S'il est mort, reprit Phillis,ie crains bien qu'Astree n'arreste guiere à le fuiure, car cette mauuaise s'est desrobee de moy sans que ie puisse seulement presumer où elle est allee, Diane, comme ie croy, est auec elle, car onne peut auoir des nouuelles de l'vne ny de l'autre, & ie sçay bien qu'elle a esté touchee d'vn si sensible repentir, dequoy elle a si mal traitté Celadon, qu'il est capable de luy inspirer tout ce que la rage a iamais fait faire à vne ame desesperee. Il ne sçauroit estre si grad, repliqua Lycidas, ce repentir, qu'il ne soit encore moindre quel'offense qu'elle a commise, & contre mon frere & contre moy, & en cela elle ne vous a pas espargnee non plus que nous, car si, come vous me l'auez dit souuent, vous prenez quelque interest aux accidents qui m'arriuent, n'est-il pas vray qu'elle vous a desobligee par les iniures qu'elle m'a faites ? Ah! Lycidas, dit Phillis, elle m'a vrayment faschee quand elle vous a fait du desplaisir, mais s'il estoit aussi facile de remedier aux malheurs qui sont arriuez, qu'il me seroitaisé de luy pardonner, nous serions bientost dans la iouyssance du repos, qu'il ne nous est pas seulement permis d'esperer : car il faut que vous sçachiez, Lycidas, que quelque grandes que soient les fautes que vous croyez qu'A-

stree a comises, elle n'a iamais manqué d'excuses pour s'en desfendre, & pour faire treuuer iustes tous les ressentiments qu'elle atesmoignez. Ma Phillis, dit Lycidas en l'interrompant, pour Dieu si vous voulez que le croyé que vous m'aimez, ne tenez point le party de cette inhumaine, ie nedoute pas qu'elle n'inuente tout ce qu'elle iugera pouuoir seruir à sa décharge, mais ilme semble que vous & moy, qui par la longue pratique que nous auons eue de son humeur, la cognoissons insques das l'ame, ne sçaurios douter sans crime, de celuy dont elle est coupable contre la fidelité de Celadon: helas!cotinua-til, quand ie me remets dans l'esprit quelle a esté sa vie, & ce qu'il a souffert pour cette mauuaise, ie meure, Phillis, si ie ne croy que cela autoit esté capable de faire mourir de compassion tout autre cœur que celuy de cette insensible; quel croyez-vous qu'il estoit lors que ie le vins querir dans cette cauerne où il s'estoit confiné quad Alcé nostre pere ayant fait imiter les caracteres d'astree, luy sit escrire que Corebe l'alloit espoufer?iamais home ne fut plus desfait, il auoit laiffé croistre ses cheueux outre mesure, son visage s'estoit si fort amaigry, qu'il paroissoit vne autre fois plus long qu'il ne l'a quand il se portebien, fes yeux que vous scauez qu'il a si beaux, ne se voyoient presque plus, tant ils estoiet ensoncez dans sa teste, & son teint estoit deuenu si iaune, qu'il fallut que le sag fist vne force en moy pour

366 LA DERNIERE PARTIE D'ASTREE, me lefaire cognoistre quand ie le rencontray: Il me semble, adiousta Phillis, que vous nous dittesalors, que sa cauerne estoit le long de Lignon? elle l'est aussi, respondit Lycidas, & si vous la voulezvoir vous n'auez qu'à tourner la teste, la voila à deux pas de vous: son entree semble n'estre pas d'vn accés trop facile, car vous voyez quantité de ronces quila couurent, mais elle est assez agreable au dedans. Disant cela, Phillis & Lycidas se leuerent, & s'en allerent à l'ouverture de cette grotte; Aussi-tost que Phillis y fut, elle auança la teste pour regarder dedans, mais ne pouuant rien voir à cause des buissons & de l'obscurité, elle commença de s'y faire vn passage, & se tournant à Lycidas, l'ay vne si grande enuie, dit elle, de la voir à cause de Celadon, que quand ie deurois laisser la moitié de ma peau dans ces espines, ie suis resoluë d'y entrer. Le Berger qui craignoit en effect qu'elle se fist du mal, l'arresta par la main, & luy dit, que sans se mettre au hazard de se blesser, il pourroit bien luy en faciliter le passage, & de fait, il se mit aussi-tostà rompre auec sa houlette les buissons qui estoient au deuant.

Dieu sçait quel fut alors l'estonnement d'A-stree & de Diane, car ces deux bergeres quis'estoient cachees dans cette cauerne pensans y estre en seureté, n'auoient pas perdu vne seule parole de tous les discours que Lycidas & Phillis auoient cus ensemble; au commencement

elles crurent bien, que c'estoit par hazard qu'ils s'estoient rencontrez en ce lieu, & iugerent facilement que Phillis n'estoit en campagne que pour leur sujet; mais quand eiles ouyrent qu'elle s'approchoit de la grotte, & qu'elle s'opiniastroit à la visiter, Astree qui auoit encore l'esprit en desordre, à cause de ce que Leonide auoit fait le iour deuant, prit opinion que cela se faisoit par quelque sortilege; & qu'il estoit impossible qu'elle eust appris autrement le lieu où elles s'estoiet enfermees; Toutefois resoluë d'attendre à quoy tout cela se termineroit, au premier bruit que fit Lycidas en rompant les espines, elles se leuerent & s'allerent mettre dans l'endroit qu'elles iugerent estre le plus obscur. A peine eurent elles acheué de se mieux cacher, que Phillis entra, qui n'ayant que fort peu de iour, parce qu'elle s'ostoit elle-mesme la plus grande partie de celuy que l'ouverture luy pouuoit donner, n'osa pas entrer beaucoup auant: mais s'estant arrestee au premier pas, Licydas, dit-elle, est-il vray que Celadon suticy durant pres de six Lunes? Il y sut, respondit le Berger, tout autat de temps que dura son essoignemet, cariln'en sortit iamais, que pour venir quelquesois sur le bord de la riuiere messer ses larmes auec le courant de ses eaux, & luy confier le secret de ses amoureuses pensees, come il sit dans cette boule de cire que ie pris, & qui nous enseigna en quelque saço, le lieu de sa retraitte;

568 LA DERNIERE PARTIE D'ASTREE, En vérité, reprit-elle, ie ne croy pas qu'il me fust possible d'y viure la moitié d'vn iour seulemet, car ce lieu me semble yn peu trop horrible, outre que la chose du monde que ie crains le plus c'est l'obscurité: Quand on est dedans, repliqua le berger, on y void affez clair, & fur tout quand on y ademeuré vn peu de téps, c'est ce que ie n'essayeray point, dit Phillis, se retirant auec vn peu de haste, car il me semble que ce lieu est bié plus propre à receuoir des serpents que des homes. Disant cela, elle sortit au grad contentemet d'Astree&deDiane, qui mouroiét de peur qu'elle les surprist, ce qu'elle eust fait infailliblement, pour peu qu'elle eust demeuré la dauantage, à cause qu'insensiblemet elle se fust accoustumee à cette blafarde lumiere que le jour y donoit, & dot Phillis ne se put apperceuoir d'abord, parce qu'elle estoit encore éblouye de la clairté du Soleil. Dés qu'elle fut dehors, Lycidas & elle s'aller et remettre en la mesme place où ils estoiet auparauat,& le berger reprenat la parole:Mais chere Phillis, luy dit il, est-il vray qu'Astree ait entrepris quelque chose sas vous en aduertir? Ievous assure, respodit Phillis, que i'en suis extremémét en peine, & que si le la voyois, ie luy en ferois des reproches plus grades peut estre qu'elle ne péle; mais no pas si iustes, adioûta Lycida, que celles que ie luy pourrois faire, touchat mon déplaisir &la disgrace de Celado: Tant y a, reprit la bergere que ie luy ferois voir qu'elle a tres mal obser-

ué les loix qui furent establies entre nous: helas! repliquale berger, coment eut-elle pu bie obseruer celles de l'amitié, puisqu'elle a si cruellemet failly cotre celles de l'amour? Nous auons beaucoup de sujet de nous en plaindre, dit Phillis; mais quad ce ne seroit que pour la punir, il faut que ie continue mo voyage, &que ie n'espargne ny peine ny soin pour treuuer cette ingratte; & bien, dit Lycidas, ayez plus de pitié d'elle qu'elle n'en a eu de nous, & puisque vous le desirez, ie prie les Dieux qu'ils vous donnét plus de cotentement en la recherche de cette cruelle, que ie n'en ay eu en celle de Celadon. Apres quelques autres discours ils se separeret, & Phillis ayat continué son chemin, Lycidas demeura sur le bord de la riuiere, où plusieurs Saules saisoiet vn assez agreable ombrage; & apres auoir passé vne partie du iour assis sur l'herbe, car il estoit extremémet lasse du chemin qu'il auoit fait, il s'y coucha tout de son long, ne pouuat resister au sommeil qui le vint surprédre, à cause qu'il n'auoit point du tout reposé, ny dormy la nuiet auparauant.

Mais quelque grande qu'eust esté l'inquietude de Lycidas, elle ne sut nullemet comparable aux soings & aux craintes dont Syluandre sut attaqué, car cet amoureux Berger s'estant perdu bien auant dans le bois, & s'y voyant surpris par l'obscurité de la nuict, il se resolut à n'en partir point, & à iouyr de la fraischeur des champs, bien qu'elle sust incapable d'alleger en

Nn iiij

570 LA DERNIERE PARTIE D'ASTREE, aucune sorte la flame qui le consumoit: pour ceteffect il s'assisse en terre, & s'estat appuyé contre vn arbre, il n'y eut accident de sa vie que sa memoire ne luy representast, non pas pour le confoler, mais pour luy faire treuuer plus insupportable l'estat où il se voyoit reduit : il sut dans ces fascheuses pensees durant pres de deux heures; mais quand il vid paroistre la Lune, ce sut alors que sa douleur s'augmenta, comme s'il eust esté fatal que sa fureur eust prissa naissance auec elle; toutefois prenant cet Astre pour tesmoin de ses, malheurs, belle Cinthie, s'escria til, qui par la clairté de ta lumiere, sembles disputer côtre ton frere le prix de la beauté: grand flabeau qui faifant le tour du monde, prends plaisir à luy donner vn nouueau iour, clair Astre qui descouures les plus doux secrets qu'Amour enseigne dans ses Escolles, dy moy par pitié, si iamais tu as ouy de plusiustes plaintes que celles que ie fay maintenant, & s'il est possible qu'vn mortel soit plus amant, ny plus affligé que moy? alors s'arrestat vn peu, puis tout à coup reprenant la parole; agreable flambeau, disoit-il, belle Lune, ne me verras tu iamais content? telle, ce me semble, estois tu cette mesme nuict que ie me sauuay de la maison d'Abariel, & que tu vis en ma place, perir vne masse d'habillements, soubs le faix des pierres dont on le couurit, bel Astre, verse desormais dessus moy de plus douces influences, ie t'en coniure de la part de mon

amour, que si tune la trouves pas assez puissante pour t'esmouuoir, laisse-toy de grace, toucher aux interests de ma maistresse, elle est belle, & Diane comme toy. A ce mot Syluandre se teut, & dans son silence, se laissant emporter à toutes les considerations que sa douleur luy fournisfoit, il desira cent fois la mort, & se plaignit à cette Diane chasseresse, qui auoit autrefois habité le Forests, dequoy, elle & ses Nymphes auoient depeuplé le pays, de Lyons & de Tygres, comme si c'eust esté vne action de peu de pitié, que de n'y auoit point laissé d'animal qui fust capable de le deuorer. Apres cela, repensant au peu d'esperance qu'il auoit de posseder Diane, il s'abandonna tellement aux desplaisirs, qu'il est croyable qu'il s'y sust entierement perdu, si le sommeil n'en eust en quelque sorte adoucy l'aigreur, & neluy eust fait trouuer vn peu de repos dans l'excez mesme de son inquietude: mais, comme si ce peu de bien ne luy fustarriué, qu'afin de luy donner plus de force qu'il n'en auoit, pour supporter les derniers malheurs dont il estoit menacé, il ne sut pas plustostesueillé, que voyant que le Soleil estoit vn peu haut, il resolut de se laisser voir à quelqu'vn, seulement pour sçauoir quel succez auroit eu le dessein que l'on auoit fait pour le mariage de Diane: il se leua donc, & prenant vn chemin qu'il vid estre vn peu battu, il se mit à le suiure, sans sçauoir pourtant en quelle part il

572 LA DERNIERE PARTIE D'ASTREE, le conduiroit. Il n'eut pas marché durant vn quart d'heure ou environ qu'il ouyt assez prés de luy, le son d'vn slageolet, & ayant tourné ses pas de ce costé-là, il apperceut quelques brebis qui paissoient, & sort prés d'elles, vn ieune garson, qui dansoit, & iouoit tout ensemble: il estoit seul toutesois, ce qui sit iuger à Syluandre qu'il failloit bien qu'il eust; quelque grand suiect de satisfaction, puis que sans nul autre dessein que de se contenter foy-mesme, il faisoit si gayement tous ces bons & toutes ces passades: il ne se sut pas plustost approché de luy, que le berger ces-fa de danser, & ayant tourné le visage du costé de Syluandre, il le recognut, car c'estoit le garçon qui auoit le soing de ses troupeaux. Aussi-tost que ce ieune homme vid son mai-stre il courut à luy, & ayant tesmoigné vn extréme estonnement, dequoy il n'estoit pas en la compagnie des autres bergers, Syluandre qui prenoit quelquesois du plaisir à l'entretenir, à cause des plaisantes reparties que son innocence luy faisoit faire, & où voudrois-tu, luy dit il, que ie fusse mieux qu'aupres de mes troupeaux?ah, mon maistre, repliqua le ieune homme, il y a si long-temps que vous n'auez eu le soing de les visiter, que se ne sçaurois croire que ce suiect-là vous ait maintenat amenéicy: c'est vrayment vn hazard, reprit Syluandre, que ie t'aye rencontré, mais puis que le sort m'a esté si

fauorable, ie suis resolu de ne les abandonner plus: je sçay bien respondit le jeune homme, que vous ne ferez plus de si longue absence, mais tousiours faudra-til vous en separer yn peu, quand ce ne seroit que pour assister à la feste qui se fait auiourd'huy dans la maison d'Adamas:& quelle feste? luy demanda Syluandre, vn peu furpris, celle, repliqua le ieune berger, du mariage de Paris, auec vne bergere qui l'ayme, & qui est fille d'yne certaine femme, qui est sa mere, & qu'on nomme le ne sçay coment : Bellinde sans doute? dit Syluadre; c'est elle mesme, respondit le ieune homme, elle prend Paris, & celuy qui garde les troupeaux de Lycidas, m'a dit qu'on disoit que le mariage estoit desia espoulé, aux enseignes qu'il auoit ouy des hautbois & vne cornemuse pour faire danser les bergers & les bergeres. Syluadre rauy du desordre de ces responces, mais confirmé parfaittement dans l'opinio que ce mariage estoit en effect accomply, se retira sans tesmoigner aucune chose de son transport, & sans recommander ses troupeaux a celuy qui en auoit la charge, comme n'ayat pas la voloté ny l'esperance de les reuoir iamais: il se ietta doc encor yn coup dans le plus espais du bois, & apres auoir yn peu marché, les forces venants à luy deffaillir, vn grand treblement le saisit, qui fut cause que ne pouuant se · Soustenir, il s'appuya contre vn arbre, & peu à peu se laissant aller en terre, il tomba tout au

574 LA DERNIERE PARTIE D'ASTREE, pied du tronc; il fut-là pres d'vne heure, com? me esuanouy, mais enfin ne pouuant esperer de son mal, le trespas qu'il alloit cherchant, il resolut de se donner luy-mesme le secours qu'il ne pouvoit attendre de personne. En ce moment il fit bien cognoistre qu'on donne bien souvent à autruy des conseils qu'on ne peut prendre pour soy-mesme, car luy qui auoit blasmé si souuent ceux qui pour n'auoir pas affezde courage pour supporter vne affliction, se laissent emporter au desespoir, fut le premier qui en commit la faute, & qui ceda à la violence de celuy qui le vint attaquer: le plus grand ennemy qu'il eut alors, ce fut son imagination, qui ne luy representaiamais si bien l'obeyssance de Diane, qu'il n'y trouuast du suiect pour l'accuser d'vn peu d'infidelité. Apres, repensant au bon-heur de Paris, & à sa propre infortune, helas! dit-il, que l'estat des hommes est conduit bien aueuglement, bons Dieux, faut-il que pour n'estre pas assez riche, ny assez cogneu, i'aye perdu en vn moment, tout ce que la longueur & l'assiduité de mes seruices m'auoient fait meriter aupres de cette volage bergere. Qui vid iamais vn siecle si depraué? qui a iamais veu regner si peu d'ordre en la Nature? qu'il faille desormais iuger des hommes, par les biens, & les estimer riches par la seule chose qui n'est point à eux:ah!Bellinde, ah? Diane, que cette l'ascheté vous rend coulpables. Alors s'arrestant vn peu, mais in-

LIVRE SEPTIESME. sensé que ie suis, reprenoit-il tout à coup, que ie suis coupable moy-mesme de les accuser d'auoir failly au choix qu'elles ont fait, comme s'il defailloit quelque chose à Paris, de ce qui peut rendre vn homme tres-accomply: non non Bellinde, vous deuiez à son merite ce que vous luy auez accordé, mais Diane se deuoit elle mesme à mon amour, elle seule est à blasmer, s'il y a du crime dans la trahison qu'elle a commise contre-moy, car quelque grande que fust la naissance de Paris, & quelques vertus dont le Ciel ait enrichy son ame, elle m'a tesmoigné plus d'affection qu'à luy, & c'est elle seule qui a permis à mon ambition d'aspirer à la gloire de la pretendre; cependant, adioutoit-il, la voyla cette inconstante, qui comme vne victime immolee, brusse auiourd'huy sur vn Autel dont Paris est le Dieu; la voyla cette infidelle qui rid, peut estre, de mes malheurs, & qui n'a plus d'au. tre soing que de perdre la memoire des serméts qu'elle auoit faits à mon aduantage: ah?cruelle, continuoit-il, iete voy mourir dans la douceur de ses embrassements, cependant que ie meurs dans le desespoir où m'a reduit ton inconstance Ie te voy, Diane, ie te voy reprendre la vie defsus les levres humides de mon riual; mais ie ne verray iamais regiure mon esperance, car tu l'as trop bien estouffee sous la rigueur de ton changement: ah Paris, que de beautez sont auiour-

d'huy sousmises à ta mercy; que tu triomphes

glorieusement de leur s despouilles, ah! Syluan? dre que tu es malheureux de les auoir desirees, de les auoir esperees, & d'auoir esté si miserablement essoigné du moyen d'en pouvoir iamais jouyr.

A ce mot il se teut, pour donner plus de liberté aux sanglots que la douleur luy arrachoit de l'estomac: & apres auoir longuement souspiré; pensant tousiours aux delices, dont il croyoit que Paris estoit iouyssant, mais ensin, reprit-il tout à coup, à quoy te sert pauure & infortuné berger, de murmurer, ny contre les destins, ny cotre elle?l'Arrest qui a sousmis Diancà la puisfancedeParis est irreuocable,& comme elle a eu assez de pouvoir sur elle-mesme pour y consentir, i'ay maintenant assez de liberté, pour faire de moy ce que ie voudray; disant cela, il se remit en memoire les dernieres paroles qu'il auoit ouyes de Diane 3& sçachant qu'elles ne luy deffendoient de mourir, que insqu'à ce qu'il sceust asseurément la conclusion de fon mariage, pour le moins, dit-il alors, mes. desseins n'auront plus d'obstacles, & puis qu'il n'y a plus d'esperance dans mon ame, sa defence n'y doibt plus auoir de lieu; mourons donc Sylvandre, mais hastons nous, puis que les destins le veulent & que Diane y consent. Alors bien resolu de donner vne fin à sa vie; il commença de songer aux moyens qui seroiet plus propres, à luy en faciliter le chemin& apres

LIVRE SEPTIESME. auoir resué sur les poisons, sur le fer, & sur l'eau, ces remedes, dit-il en luy mesme, sont ce me semble bien longs, & bien incertains, pour estre appliquez à vn si grand mal, & qui a besoin d'vne assistancesi prompte: caradiouta-til, il est à craindre, que si ie recherche le poison, ie ne sois trompé comme Ligdamon le fut, & qu'ainsi ie ne rende ma resolution trop cognuë; si i'employele fer, Chryseide se fit ouurir les veines, & le sang qui se figea à l'ouuerture deses playes, fut cause qu'elle ne mourut point, Si ie me iette dans Lignon, il est bien moins en colere qu'il n'estoit, lors que Celadon s'y noya, & iaurois suiect de craindre qu'il donnast à quelques pescheurs le temps de me secourir, comme la Garonne fit à ceux qui sauuerent Damon, ainsi ie ne doibs pas esperer que nul de ces trois moyes me puisse donner un trespas tel que iele desire. Alors se remettat encore à penser, de fortune il ietta les yeux sur le mesme rocher, d'où Laonice venoit considerer quel que sois les beau. tez que la plaine duForests presentoit aux yeux de ses habitants; & s'estant imaginé qu'il estoit impossible qu'il ne perist, s'il s'alloit precipiter du haut en bas, il s'arresta à ce dernier genre de mort, & se leuant auec vn courage disposé à mourir, ouy dit-il, ce trespas sera le plus honorable que ie sçaurois choisir, & le plus conuenable à l'estat de mon amour, car s'il est

vray que les chastimens doiuent estte esgaux en

LA DERNIERE PARTIE D'ASTREE, quelque façon aux offenses,n'est-ilpas iuste que si i'ay aspiré plus haut que le ne deuois pretendre, ie tumbe d'vne cheute qui me soit mortelle: Or continua til, ce rocher qui voisine le Ciel, peut estre pris pour vn symbole des perfections de Diane, qui ne sont pas moins esle-uces pardessus le commun, qu'il l'est de la terre, ie monteray iusqu'au plus haut, de mesme que par vne vanité imprudente, i'ay creu pouuoir paruenir au plus haut de mes esperances,& puis me precipitat, ie me verray presque reduire en poudre, comme i'ay veu conuertir en fumee tous les desirs que l'auois si temerairement coceus: disant cela, il s'en alla du costé de Montverdun, choisissant toutefois les lieux les moins frequentez, pour n'estre point troublé en son dessein par la rencontre de personne.

D'autre costé Alexis ne sut pas plustost eschappee des mains de Leonide, qu'elle se disposa à l'execution du comandemet qu'Astree luy auoit sait; & comme si les Dieux eussent pris plaisir de rendre sa fortune esgale en quelque saçon à celle de Syluandre, aussi tost qu'elle sut en liberté, & que parmy les horreurs des tembres qui la surprirent, elle eut disputé si la nuict estoit plus noire que sa douleur, ou que la cruauté d'Astree; elle commença de rechercher das son ame quelque moyen pour treuuer vne mort bien prompte. Il n'y eut inuention de se perdre qu'elle ne s'imaginast, mais vn bon Gcanie, &

579

nie, & peut estre le mesme qui auoit inspiré Astree, luy ayant persuadé qu'elle ne pouvoit se perdre plus glorieusement qu'en aydant à desenchanter la fontaine de la verité d'Amour, fut cause qu'elle s'arresta sur cette resolution:Le seul obstacle qu'elle trouua en son dessein, ce fut qu'elle doubta s'il se trouueroit iamais d'amante assez fidelle pour entreprendre ce qu'elle osoit; car disoit-elle en elle mesme, Astree a sans doute trop de soing de sa vie, & puisqu'il faut que celle qui moura ait vescu dans vne fidelité inuiolable, que sçay-ie si cette ingratte Bergere ne s'est point noircie par le crime de quelque nouveau changement? Diane ce me semble, n'y sçauroit pas estre receuë, car elle a bruslé de deux flames par l'amour des deux bergers qui l'ont seruie, & Phillis qui iouyt à souhait de toutes les delices qu'on peut gouster dans vne amitié toute saincte, n'abandoneroit pas Lycidaspour rien du mode toutefois, s'escria-til tout à coup; ce n'est pas à toy Celadon, à t'enquerir si curieusement, des secrets que les Dieux se reseruent; contente-toy qu'il faut que tu meures & qu'en attendant que le desespoirrende quelque amante compagne de ton sort, ce sera toujours beaucoup d'en auoir ouvert le chemin, & d'auoir fait cognoistre à la posterité qu'il 'ne fut iamais d'amour plus pure & plus veritable que la mienne. Alors il leua les yeux au Ciel & s'estant pris garde que les tenebres diminuoiet peu

Dern. part.

à peu, à cause du nouveau iour que la Lune sema bloit redonner, il s'assit sur l'herbe pour attendre qu'elles sussent entierement dissipees; mais comme il estoit lassé du chemin qu'il auoit dessa fait, il ne sur pas plustost en terre, que statté par la fraischeur du bocage, il sur ensin vaincu du sommeil, & dormit iusqu'au lendemain.

L'Aurore le surprit dans cet assoupissement, & comme si elle eut voulu donner des larmes à la disgrace de ce Berger, elle luy mouilla le visage de lumidité de sa rosee: fort peu de temps apres, il s'esueilla,& ne sçachant s'il deuoit s'affliger ou se reiouyr, dequoy il auoit passé la nuict sans auoir rien auancé en son dessein, tout à coup, ce repos, dit-il, m'a seruy heureusement pour attendre auec moins d'impatience, le retour de cet aymable flambeau, qui doit estre tesmoin de mon amour & de mo courage: c'est aux coupables, continua-til, à fuir la claité, mais à ceux qui ne font point d'action qui ne soit louable, le iour ne sçauroir iamais luste trop clairement. A ce mot Alexis seleua pour s'en aller, mais ayant ouy quelque bruit elle s'arresta, & apperceut Syluandre, qui ayant rompu quelques branches qui s'opposoient à son passage, alloit trauersant le bois auec assez de diligence: le visage de ce Berger, qui portoit tous les traits d'vn desesperé, mit Alexis das vne extreme peine, parce que veritablement elle aymoit sa vertu, de sorte que desirat d'appredre quel en pouuoit estre le suiet, & s'imaginat qu'elle neluy deuoit plus cacherce qui la touchoit elle-mesme, elle se mit à le suiure, & resolut de ne le quitter point qu'elle ne l'eust longuement entretenu.

Syluandre cependant qui n'auoit rien dans la pensee que le desir de la mort 5 à chasque pas qu'il faisoit sentoit yne nouuelle consolation dans fon ame, dequoy il s'alloit approchant du lieu qu'il auoit choisi pour terminer ses iours; si bien que sans penser que personne le pust suiure, & mesme sans iamais tourner la teste pour regarder derriere foy, il fortit du bois & monta iusqu'au plus haut rocher de ceux qui voisinent Mont-verdun, ayant toussours Alexis à sa suitte, qui ne se pouvoit assez estonner de voir que Syluandré se donnast de la peine pour aller en vn lieu, que peut estre iamais berger n'auoit eu la curiosité de visiter: & là s'estant arresté, Grads Dieux, dit-il, qui dés le poinct de ma naissance voulustes sousmettre moname à toutes sortes d'ennuys, & bien me voicy prest d'obeyr à cette fatalité, qui a suiuy toutes les actions de ma vie, heureux en ce dernier moment, d'emporter cette assurance que ie n'ay par aucun peché rendu mon ame ny coupable, ny complice des malheurs qui me sont arriuez: en fin Diane continua-til, i'ay trouué cet agreable remede, qui deuoit guerir toutes mes douleurs, & qui par vne faueur qui n'est pas moins douce. que commune, me va deliurer des supplices 582 LA DERNIERE PARTIE D'ASTREE, que le Ciel me fait souffrir. Pardonnez-moy Diane, si i'ay failly en quelque sorte au respect que ie vous deuois, & quelques grands qu'ayét esté mes manquements, le vous conjure sur toutes choses, de ne croire point que i'aye iamais manqué d'amour; & vous Bellinde, qui par vne insupportable tyrannie, auez forcé Diane à receuoir les volontez & les embrassements de Paris, s'il arriue que ma mort vous soit cognuë, ne luy donnez pas des soupirs ny des larmes; c'est assez que ces rochers en pleurent desia de compassion, & que les Zephirs se disposent à souspirer ma disgrace. Vous cheres Diuinitez, dont le soing & la prouidence veillent eternellemet pour le bien de cette prouince, ie ne vous demande pas qu'vne fleur naisse de mon sang, mais ie vous supplie bien, que les marques ne s'en effacent point, & qu'apres moy, la pointe de ces rochers ne soit iamais funeste à personne: Disant cela, il s'approcha du precipice,& Celadon qui mouroit de peur qu'il se iettast, s'auança pour le secourir, mais comme il estoit sur le poinct de le saisir, il s'arresta pour ouyr ces vers que Syluandre recita, regardant le peril où il s'exposoit.

#### O D E.

Il veut mourir puisqu'il a perdu l'esperance de posseder Diane.

E froyables Deserts, Montagnes que la rage Des vents impetueux bat eternellement, Vn cœur desesperé que la fortune outrage, Vient dessoubs vos rochers bastir son monument:

> Doncques O Cauernes obscures, Qui recelez vos ouuertures, En l'horreur de mille destours, Estouffez-moy dans vos entrailles, Et que les serpents & les Ours Toelebrent mes funerailles.

Vous Torrents qui roulez parmy ces precipir ces,
D'où le bruit & l'effroy ne s'esloigne iamais,
Soyez de montrespas les funesses complices,
Mon destin le commande, & ie vous le permets.

Aufsi bien defia ma memoire Ternit l'efclat de vostre gloire, Oo iij 584 LA DERNIERE PARTIE D'ASTREE;

Car ceux que vous rendez ialoux

Disent qu' au temps de mes allarmes

Lignon n'a iamais eu de vous

Autre eau que celle de mes larmes.

Et toy diuin obiect, ma Diane que i ayme, Et qu' vne tyrannie esloigne de mes yeux, Croy, si tu me cheris, que mon amour extreme

N'eustiamais attiré la colere des Dieux;
Si cette extrême ialousie
Qui bourrelle la fantaisie,
Ne leur eust escrit dans le cœur
Qu'ils ne pouvoient qu' auecque honte,
Souffrir qu'vn Berger fut vainqueur
D'une beauté qui les surmonte.

Ah Dieux que mon malheur anima de la sorte, Pour nouvrir la fureur du tourment qui m'espoingt,

Puis-ie bien repensant aux maux que ie sup-

En ressentir la peine es ne blasphemer point?

Non non, quand les fers es les slames,
Cruelles tortures des ames,
Deuroient m'accabler aux enfers,
Ie diray malgréles supplices
Que les malheurs que l'ay soufferts,
Sout tesmoigs de vos iniustices.

Livre septiesme.

585

Pour le moins si les coups dont mon ame est attainte,

Pouuoient estre gueris par la longueur du temps,

l'accuserois l'humeur qui me pousse à la plain-

Et fuyrois la rigueur du trespas que i attends:

Mais quoy, ie n'ay plus d'esperance
Au cours de ma perseuerance,
Car des que mes premiers desirs
Vous trouuerent inexorables,
Mon amour & mes desplaisirs
Firent veu d'estre inseparables.

Mais l'estrange transport où mon ame demeure,

Les vents perdent en l'air tous les cris que ie fais;

Donc puisque maraison ordonne que ie meure, Arrestons la parole & courons aux effects:

Montrons qu'en ce moment funeste Vn grand bien encore nous reste, C'est que pour assouir le sort Ie contente aussi mon envie, Et que ie ne donne ma mort Qu'aux Dieux qui m'ont donné la vie,

Poicy d'ungrand rocher les pointes toutes nuës, D'où ie descouure à plain la capagne & les eaux, 286 LA DERNIERE PARTIE D'ASTREE, Que ie suis escue, ie marche sur les Nues, Et les Pins arrogants me semblent des reseaux:

Mon corps ta prison me tourmente, Il faut que ta cheute m'exempte. De la commune loy des ans, Que cherches tu pour t'y resoudre, Voyla des abysmes beants, Qui sont prests de te mettre en poudre.

Adicu beaux yeux, adieu soleils du Soleil mesme,

Ie ne reuerray plus vos aymables appas, Car le Ciel qui me hayt autant que ie vous ay-

me; Reigle mes volontez par un autre compas:

Le cruel veut que ie trespasse,
Mais quoy que sa colere fasse,
Ma Diane, ie te promets
Que le seu secret qui m'enslame,
Malgré luy ne mourra iamais,
Si l'onne fait mourir mon ame.

Cependant s'il aduient que la pitié te touche, Al estrange recit de mes iours effacez, Permets qu'vn seul souspir eschappe de ta bouche, Ie seray satisfait de mes trauaux passez: Ou fay que de tes yeux humides, Coulent quelques perles liquides,

#### LIVRE SEPTIESME.

C'est un deuoir à mon tombeau, Que l'honneur ne te peut desendre: Ie ne demande que de l'eau Pour le sang que ie vay respandre.

Ace mot il se voulut eslancer, mais Alexis le saisissant, tout beau, luy dit-elle, Syluandre, le Ciel ne veut pas que vous vous perdiez, le Berger alors se tournant à moitié troublé, & la regardant d'vn œil qui portoit desia des marques du trespas, Trop pitoyable Alexis, luy dit il, quel demon vous a conduitte icy, pour me retarder le contentement que les Dieux me promettent? le plus fauorable, sans doubte, respondit Alexis, de tous ceux qui ont eu quelque soing de vostre vie; mais plustost, adiousta Syluandre, le plus ennemy de tous ceux qui ont esté employez à la ruine de mon repos; Quoy que c'ensoit, reprit Alexis, sans le lascher des mains, pour ce coup vous ne mourrez point, & si vous auez encore quelque respect pour le rang que ma naissance me donne, vous m'accorderez la priere que ie vous fay, qui est de m'escouter sur quelque chose qu'il faut que ie vous communique. Syluandre se voyant obligé d'obeyr au commandement de Celadon, qu'il croyoit encore estre fille & Druyde, s'esloigna du bord de ce precipice, & tous deux estans vn peu descendus, ils s'assirent sur vn autre rocher, qui pour n'estre pas du tout si poin-

LA DERNIERE PARTIE D'ASTREE; ru, faisoit comme vne platte forme: & là Celadon luy parla en ces termes, Vous-vous estonerez Syluandre, du discours que l'ay à vous faire, d'autant mieux que vous-mesme auez esté dans l'aueuglement, qui a fait qu'Astree, Diane, Phillis, Lycidas, & enfin tous les bergers & bergeres de Lignon, se sont deceus en ce qui regarde ma personne; car il faut que vous sçachiez Syluandre, que cette coiffure n'est nullement couenable à mon sexe, & que vous voyez bien deuant vous les habits d'vne Druyde, mais fur le corps d'vn berger, & pour vous le dire en yn mot, de Celadon: à ce mot de Celadon, Syluadre demeura comme rany,& Alexis en continuant; & afin, luy dit elle, que vous puissiez rendre à ceux qui me doiuent suruiure, vn tesmoignage de ma discretion & de monamour, ie vous coniure d'ouyrauec patience le recit de ma fortune, & de vouloir apres cela m'accorder la supplication que i'ay à vous faire, & pour laquelle seulement ie vous ay suiuy, ne scachant pas que vous eussiez contre vous-mes-me, le mauuais dessein que vous m'auez tesmoigné d'auoir. Syluandre ne pouuant sortir de son estonnement, ne respondit pas vn seul mot, mais le regardant fixément au visage, il sit cognoistre par son silence, qu'il l'escouteroit volontiers; ce qui fut cause qu'il luy redit de poinct en poinct; tout ce qui luy estoit arriué depuis qu'il s'estoit precipité dans Lignon; &

luy ayant raconté de quelle façon Léonidel'auoit fait cognoistre à sa Bergere, Or adioustatil, cette farouche, ou pour mieux dire, cette ingratte, au lieu de penser aux preuues qu'elle a desia receuës de mon amour & de mon obysfance, m'a commandé de mourir, & me l'a enioint si absolument, qu'il est impossible que ie ne luy obeyise. Ce que se desire maintenant de vous, fage Syluandre, c'est que vous preniezla peine de dire à Lycidas que s'il luy reste quelque amitié pour moy, il ne faut point qu'il trouble mes Manes, & que ie le coniure de ne se vager point sur Astree, des crimes que sa rigueur a commis contre luy & contre moy: cependant ie vay contenter cette inhumaine, & m'exposer à la rage des lyons & des lycornes, qui gardent la fontaine enchantee, pour obliger en quelque forte la posterité, & pour donner à Syluandre mesme, le plaisir de sçauoir combien veritablement il est aymé de la Bergere Diane. A ce mot Alexis se teut, & Sylvandre qui durant son discours auoit eu le temps de r'appeller ses esprits, & de se confirmer dans la creance, que c'estoit vrayment Celadon qui parloit à luy, se ietta à foncol, & l'embrassant, Ah Dieux! Celadon, luy dit-il, est-il possible que ie vous reuoye, & que parmy le desespoir qui m'oblige à mourir, ie reçoiue la consolation dont vostre presence me flatte? Disant cela, les larmes luy vindrent auxyeux, & puis en continuant, non, non, Ce-

LA DERNIERE PARTIE D'ASTREE, ladon, il n'est pas iuste, luy dit-il, qu'vne colere, ou plustost vne mauuaise humeur d'Astree soit cause de la perte du plus beau & du plus aymable Berger de Forests; Viuez Celadon, viuez pour Astree, & laissez-moy seul acheuer le dessein que vous auez commencé; ie mourray, car ie suis assez fidelle, & le mesme auantage que vous vouliez que ie receusse en vostre mort, vous le deuez attendre de la mienne : Mais vous Sylvandre, repliqua Alexis, viuez pour Diane; helas! reprit le Berger en l'interrompant, & pourquoy, si Diane ne sçauroit plus viure que pour Paris? Pour Paris, dit Alexis, toute estonnee, ouy pour Paris, respondit Syluandre, mais en attendat que vous puissiez apprendre de quelqu'autre, le sujet de mon transport, permettez-moy cher Celadon, d'aller mouiller de mon sang les bords de cette sontaine; c'est maintenant le seul obiect de mes desirs, & i'en suis dans vne si grande impatience, qu'elle est seule capable de me saire mourir; Sage Sylvandre, reprit froidement Alexis, s'il euit esté iuste que vous eussiez eu ce dessein, les Dieux sans doubte vous l'eussent inspiré comme à moy, c'est pourquoy ie ne pense pas que vous ayez droit de vous obstiner sur ce poinct, ny de me disputer vn aduantage, qu'autre que moy sans doubte; ne sçauroit iamais obtenir: pour le moins, dit Syluandre, permettez-moy de joindre ma fortune à la vostre, & treuuez

bon que desormais nos iours ayent vn mesme sort? Alexis s'en voulut desendre, mais le Berger la sceut si bien persuader, qu'il fallut en sin qu'elle y consentist, & qu'elle le receust pour compagnon en cette glorieuse entreprise.

Fin du septiesme Liure.



ent water to a series of the s



LA

## DERNIERE PARTIE

## DASTREE

LIVRE HVICTIESME.

STREE n'ouyt pas plustost dire à Lycidas que la grotte qui la receloit, estoit la mesme où Celadon auoit fait autrefois du sejour, qu'elle en demeura touté surprise, & dessors il luy sembla que ce rocher mesme luy parloit de l'amour de ce Berger: tous les obiects qui se presentoient à ses sens, la traittoient de mesme forte; car fut qu'elle ouyst le doux murmure de Lignon, où celuy que les Zephirs faisoient à l'entree de sa cauerne, elle croyoit tousiours qu'ils n'estoient composez d'autre chose que des amoureux souspirs dont Celadon auoit accompagné la rigueur de son volontaire bannissement. Diane s'apperceut bien de cet estonnement, mais ne pouuant

194 LA DERNIERE PARTIE D'ASTREE, s'imaginer qu'il procedast d'yn autre sujet que de la crainte qu'elle deuoit auoir que Phillisles furprist, elle ne luy en parla point, & seulement elle attendit, bien qu'auec vn peu d'impatien-ce, ce qui arriueroit du dessein, que Phillis auoit de visiter cette grotte. Mais quand cette Bergere fut sortie, apres auoir treuué ce lieu plus remply d'effroy, qu'il n'eust esté necessaire pour receler les flames d'vn amant, & qu'elle eut dit adieu à Lycidas, pour se remettre en queste de celles qu'elle venoit de quitter, Diane voyant que sa compagne continuoit encore dans la mesme frayeur où elle auoit esté, ne put s'empescher de luy en demander la cause; à quoy Astree respondit, Ah ma sœur!n'auez-vous point ouy quand Lycidas a dit que la grotte où nous sommes, est le lieu mesme où Celadon se vint plaindre de mon inconstance, lors que son pere par vn artifice estrange luy mit dans l'esprit que Corebe me deuoit espouser? Ie l'ay vraymentouy, repliqua Diane, mais ie n'eusse pas creu que cela eust esté capable de vous mettre dans la peine où vous estes; ie n'en suis pas, reprit Astree, dans vne peine qui me soit imporfune, mais l'auouë que repensant aux accidents qui m'arriuent en ce temps là,& faisant comparaison de l'estat present de mavie, à celuy dans lequel ie respirois alors, ie ne puis que ie ne m'afflige, dequoy le sort n'a iamais cessé de me persecuter, & a tousiours mis des obstacles à quelquè

que felicité que ie me sois promise; Il s'en trouve peu, adiouta Diane, qui n'ayent le mesme suject d'accuser la fortune, vous vous en plaignez, ie m'en plains aussi; & ie croy que tout le monde en fait de mesme, puis qu'il est impossible que nous receuions iamais aucune ioye, qui ne soit meslee demille sujects de douleur : ie croy bien, respondit Astree, ce que vous dites, mais ie soustiens, que de tous ceux qui ont eu quelque suiect de s'en plaindre, personne n'en aiam aistat eu que moy; car si le regarde les succez de ma vie, ie n'en trouueray pas vn qui n'ait esté ac-compagné de quelque suneste euenement: ma sœur, reprit Diane, nous n'eusmes iamais moins deraison de nous plaindre, que nous en auons maintenant, maintenant, dis-ie, que nos maux touchent presque leur remede, & que nous sommes sur le poinct de nous voir guerir de tous les desplaisirs que nous auons soufferts: Amour nous les a presque tous causez, c'est à luy desormais à nous en deliurer, afin que la mesme main qui afait la playe en donne la guerison: ma compagne, respondit Astree, nous sommes vrayment à la veille de nostre repos, mais quelque proche que soit ce moment, qui verra finir toutes nos miseres, il n'empesche pas que la memoire de mes douleurs ne tourmente ma pensee, & ne me fasse iuger qu'il n'eust pas esté difficile de les guerir par un plus doux remede,s'il eust plu au Giel d'en prendre le soing;

Dern.part.

disant cela elle porta les yeux vn peu plus curieusement que de coustume, sur tout ce qui estoit dans cette grotte; & voyant à sa main droite qu'on auoit graué quelque chose contre le rocher, elle s'en approcha, & recogneut son chissire, que Celadon auoit marqué presque en tous les endroits de cette cauerne; vn peu à cossié, elle vid quelques vers, & la curiosité l'ayant portee à les lire, elle vid qu'ils estoient tels.

Iuge, Astree, à quel poinct le destin m'a reduit, Ie scay bien que la mort où ie me vois conduit, Doit seruir de remede aux trauaux que i'endure:

Et pour lant, obstiné, ie resiste au trespas, Non point que i apprehende une chose si dure, Mais de peur qu'estant mort ie ne t'aymasse pas.

Ces paroles luy firent iuger qu'il auoit eu en cetemps-là quelque volonté dese perdre, mais qu'il en auoit esté diuerty par quelque bon Genie, qui luy auoit mis cette consideration dans l'esprit. Tous ces obiects l'alloient affligeant de telle sorte, qu'ils destoboient à tous momens quelques larmes à ses yeux; mais quelques regrets qu'ils luy missent dans l'ame, elle ne pouuoit pourtant se lasser de regarder ces tesmoignages de l'amour inuiolable de son Berger: ensin apres auoit trouué de tous costez, & n'auoit rien laissé qu'ellen eust visité

LIVRE HVICTIESME.

Eurieusement, elletrouua dans l'vn des coings vne petite bouteille, où Celadontenoit de l'ancre, & ayant veu aupres d'elle vne plume, qui auoit pour estuit vne des fentes du rocher, helas! s'escria-telle en souspirant, voyla sans doubte la mesme plume qui luy seruoit à marquer sur le papier ses sentiments & ses paf-sions amoureuses; la voyla cette sidelle plume, qui à receu si souuent le secret de ses pensees, & qui fut cause en partie que l'appris la fuite & le desespoir de mon berger: sans toy, chere plume (& cecy elle le disoit en la baisant) sans toy ie n'eusse iamais sceu qu'elle partie du mondé le tetehoit, & dans l'ignorance où l'eufse esté de son sejour, si ie n'eusse iamais rencontré les moyens dont il falloit que ie me seruisse pour le r'appeller: mais chere plume, adioutoit-elle, que ne puis-ie, en eschange du bon office que tu me rendis, te donner quelques preuues de ma recognoissance? ces baisers & ces larmes dont ie te mouille ne te sçàuroient plaire, cat tu n'as point de sentiment; toutefois ie metrompe, il est à presumer qu'elles te doiuent estreagreables, puis que le les verse pour celuy qui fut autrefois ton maistre, & qui par vn priuilege de son extreme amour, te priua peut-estre de ton insensibilité; à ce mot elle se teut, & Diane regardant contre terre, ma sœur, luy dit-elle, ie voy quelque chose à vos pieds; alors Astree's estant un peu reculee,

Pp ij

Diane se baissa, & vid que c'estoit vne seuille de papier plice en quatre, où l'on auoit commencé d'escrire quelque chose; aussi tost elle la releua, & prit garde qu'il y auoit escrit en gros caracteres, comme en sorme de tiltre, Regrets D'vn BERGER TRAHY, & yn peu plus bas ces mots.

T'ay creu durant quelque temps, belle Astree, que le cours de mes larmes pourroit lauer le crime de vostre infidelité, mais à ce coup, pensant aux iours que mes yeux ont employez en ce miserable office, i en perds entierement l'esperance, orecognois bien que c'est la mort seulement qui peut apporter quelque remede à mon desplaisir; außi c'est elle seule que i'appelle pour me guerir des blessures que vostre inconstance m'a faites, c'est elle à qui tous les souspirs que mon malheur arrache de mon ame sont addressez, & c'est elle encore, qui plus pitoyable mille fois que vous-mefmes, reçoit les vœux que ie luy presente, pour sortir de la peine où ie suis. Ainsiie rencontre du secours aupres de celle que la Nature m'enseignoit de fuyr, & ma perte dans la cruauté de celle que la raison

me commandoit d'aymer parfaittement: estrange esset de vostre ingratitude, Astree, puis qu'en eschange de tant de seruices rendus, pour m'exempter desormais de vos persidies, il faut que ie recoure à la pitié de mes ennemis: Dien, si vous n'attendiez de ma disgrace que la ruine de.

Ce sens qui n'estoit pas acheué, fit iuger à Diane que Celadon auoit dessein de remplir toute la feuille' de semblables plaintes: mais qu'en ayant esté diuerty, peut-estre, par le commandement que Lycidas luy fit de la part d'Astree, il n'auoit eu le temps d'escrire que ce qu'elle venoit de voir : Astree qui en sit aussi la lecture, futbien marrie dequoy ce discours n'estoit pas plus long, car il luy estoit extremément agreable, toutesois mettant le papier dans son sein; cette plainte que tu fis, pauure Celadon, ditelle, pour vn crime dont ie n'estois pas coupable, seruira pour me conuaincre de celuy que i'ay commis au dernier Arrest que i'ay prononcé contre toy: & afin qu'il reste en ma mort quelque tesmoignage qui puisse publier mon iniustice, ie supplie les Dieux que ce papier me suruiue, & qu'il ait autant de pouuoir pour refister aux injures du temps, que i'en ay pour me punir de celle que l'ay faite à la fidelité de Ce600 LA DERNIERE PARTIE D'ASTREE,

ladon; à ce mot elle sentit vne grandesoiblesse, & Diane qui la vid passir, craignant qu'elle esuanouyst, courur au bord de la riuiere pour en apporter de l'eau; elle eut bien moins de peine à sortir de la cauerne, qu'elle n'en auoit eu pour y entrer, car Lycidas en auoit vn peu facilité le passage, s'estant donc hastee, elle en puisa vn peu, mais ne pouuant s'en reuenir si viste, de peur de la respandre, elle eut le loisir de voir Lycidas qui estoit couché au pied d'un Saule; cette veue l'estonna extremément, toutesois ayant pris garde qu'il dormoit, elle r'entra dans la grotte auec le plus de diligence qu'elle put;& trouuant Astreevn peu remise, ma sœur, luy dit elle, ie vous prie fuyons, si nous nevoulos que Lycidas nous rencontre; pourquoy? respodit Astree, pource, reprit Diane, qu'ilest encore au mesme lieu où nous l'auons ouy parler à Phillis, & ie crains qu'il ait entendunos dif-cours, ou pour le moins qu'il vienne où nous sommes, pour y passer, peut-estre ce qui reste de la iournee : est-il possible, dit Astree, que ce Berger soit encore-là? il y est sans doute, respodit Diane, & si vous auez enuie de le voir, vous n'auez qu'à ietter les yeux sur le bord de la riuiere, car dés l'entree de la cauerne vous pour, rez le remarquer facilement; ie seray bien aise, dit Astree, de le reuoir encore vne sois, disant cela elle s'en alla à l'ouuerture de la grotte, où elle ne fut pas plustost, qu'elle l'apperceut cou-

ché de son long, la teste soustenuë par vn petit gazon, que la Nature auoit couuert d'vn peu de mousse: soudain qu'elle l'eut veu, elle se voulut retirer, car elle eut peur d'estre apperceuë: mais enfin s'estant vn peu rassuree, elle recommença dele regarder si fixémet, qu'elle sut pres d'vn quart-d'heure sans tourner les yeux, ny d'vn costé, ny d'autre. Diane qui detemps en temps le regardoit aussi, tout à coup tirant Astree par sa iuppe:ma copagne, dit-elle, ie pense que vous estes rauie en considerant ce Berger?il est tres-vray, respondit Astree, que son innocece me fait vne extreme compassion, & que i'ay vn regret nompareil dequoy les maux de Celadon luy ont esté si sensibles; car sçachant que i'en suis coupable, il me sasche de voir qu'il ait tant de suject de se plaindre de moy: toutesois, continua telle, l'essayeray de vaincre sa pitié; & s'il luy reste quelque bonne qualité dans l'ame, ie m'assure qu'il aura de la peine à me refufer le pardon que ie luy demanderay; disant cela elle r'entra tout au fonds de la grotte, & prenant la plume qu'elle y auoit trouuce, elle la mouilla dans la petite bouteille, qui estoit encore à moitié pleine d'ancre, & rompant vne partie du papier qu'elle auoit mis dans son sein, elle fit vne lettre à Lycidas, qui ne fut pas plustost acheuce, que voyant que le iour finiroit bientost, elle resolut d'abandonner cette grotte, pour ne perdre la comodité de remettre ce papierentre les mains du Berger, à quoy Diane ayant consenty, elles sortirent auec le moins de bruit qu'elles purent, & s'estans approchees de Lycidas, Astree mit vn genoüil en terre, & d'vne main mettant la lettre sur l'endroit où le pourpoinst laissoit voir vn peu de l'estomach du Berger, sans estre pliee, asin qu'elle se perdit moins facilement; amour, dit-elle, par pitié, done vn bon succez à cette lettre, ne sousser qu'elle se perde inutilement, & s'il est impossible, qu'elle touche l'ame de Lycidas, permets qu'elle luy touche la main; alors elle se leua, & apres auoir regardé de tous costez, elles continuerent leur voyage.

Phillis estoit desia de retour chez Adamas bien affligee, dequoy, quelque diligence qu'elle eust faite, elle n'auoit pu apprendre aucunes nouuelles de ses compagnes, Leonide y estore aussi arriuce, & fort peu de temps apres elle, tous les bergers & bergeres qui estoient chez Adamas: de sorte qu'ayants tous rendu compte au Druyde & à Bellinde de l'exacte recherche qu'ils auoient faite de Diane & d'Astree, ils commencerent alors à croire veritablement que leur fuite ne pourroit auoir qu'vne dangereuse fin. Adamas estoit bien en peine de ces bergeres, mais parmy tout cela il ne pouuoit oublier l'interest qu'il auoit pour Celadon; s'estat donc enquis si personne n'auoit rien appris de luy, Phillis dit librement qu'elle croyoit

qu'il fust mort, puis que Lycidias luy auoit iuré qu'il n'y auoit endroit dans la plaine où il ne l'eut curieusement cherché. Le Druyde alors montrant d'estre bien fasché de cette responce, mais, dit-il ne sçaurions nous sauuer au moins Lycidas;& empescher que ce nouueau malheur ne luy soit encore funeste? mon pere, dit Phillis,ie l'ay laissé assez loing d'icy, fort proche toutefois de Lignon, & pour aller au lieu où ie l'ay veu, on n'auroit qu'a suinte contremont la riuiere; peut estre reprit Adamas, il se sera endormy en quelque lieu, & si cela est, il ne sera pas difficile de le ramener: ie le croy, repliqua Phillis, mais il faudroit que ce fust par le commadement de quelqu'vn, aqui il eust peur de desobeyr, Paris, adioûta leDruyde, y employera fes prieres; à ce mot luy ayant commandé d'y aller, ce nouueau berger se mit en chemin, & trouua Lycidas vn peu deuant que le soleil fust. couché? presque en mesme temps il s'esueilla, & recognoissant Paris, il se leua si promptement, que sans y prendre garde il laissa tomber la let tre qu'Astree luy auoit remise; Paris voyat que Lycidas ne s'en apperceuoit point, se baissa pour la releuer, & l'ayant prise, voicy sans doute, luy dit-il, quelque tesmoignage del'amour de Lycidas? ie ne sçay ce que c'est, respondit le berger, mais difficilement sera ce vne preune de mon affection, si Phillis ne vous la donnee: au contraire, reprit Paris, c'est moy qui la veux

LA DERNIERE PARTIE D'ASTREE, donner à Phillis, & quiveux estre le messager. de cette lettre, puisque vous l'auez escrite; moy, respondit Lycidas, ievous iure qu'il y a plus de deux iours queie n'ay veu ny papier ny ancre: vous auez pourtant laissé cheoir cette lettre, dit Paris, car vous l'auiez aupres de vostre sein, peut estre est-cevous, repliqua le Berger, car ie suis bien assuré que d'auiourd'huy ie n'ay eu aucun papier, nous en serons bien-tost esclaircis, reprit Paris, car ie ne pense pas que vous mescognoissiez vostre escriture: disant cela ille presenta à Lycidas, & le Berger portant ses yeux dessus, puis tout à coup les retirant, helas! dit-il, ces caracteres ne sont pas plus contraires aux miens, que la cruauté de celle qui les a peints, est contraire à mon contentement. Paris ne sçachant pas bien ce qu'il vouloit dire, c'est continua Lycidas, que cette lettre vient d'Astree, mais ie ne puis comprendre de quelle façon elle m'est tombee entre les mains: ily a peut-estre long temps que vous l'auez? dit Paris, nullement, respondit le berger, ie ne la vis iamais qu'à cette heure, & ie croy bien qu'elle n'a esté escrite que depuis peu, car ie le cognois à l'ancre qui est encore route fraische, alors il commença de lire ce qui estoit dans ce papier, & y trouua ces mots.

# LETTRE D'ASTREE A LYCIDAS.

TE trouue legitime, cher Lycidas, la co-Llere où vous estes contre moy, d'autan: mieux, que n'ayant pas oùy vne seule des raisons qui me peuuent iustifier, il seroit difficile que vostre esprit ne se fust laisse emporter aux interests de vostre frere: i excuse vostre ressentiment, comme ie blasmesa tromperie, es pour ne vous laisser pas long-temps sans receuoir quelque satisfaction du crime dont vous m'accusez, ie vay mourir, puis qu'ausi-bien les artifices de Celadon sont cause que ie ne sçaurois plus viure dans le monde auec assez d'honneur. Je veux bien croire que dans la violence de montransport i ay vse d'une rigueur un peu trop grande; mais quel supplice luy pounoy-ie imposer qui ne fut petit, m'imaginant que sa faute

606 LA DERNIERE PARTIE D'ASTREE, estoit hors de toute comparaison? Toutefois, puis que vous voulez que i aye failly, ie le veux de mesme, 🖘 confesse que ma faute ne merite pas vn moindre chastimet que la mort: ie vous dis donc encor vn coup, Lycidas, que ie vay mourir, en que vostre courroux sera punissable, s'il n'est assez vange par montrespas. Que's'il faut, pour le repos de mon ame que robtienne vn pardon de vous, accordez le moy Berger, mes larmes vous le demandent, & l'amour qu'autrefois Celadon m'a portes vous deffend de me le refuser: Adieu Lycidas, ie n'ay plus qu' vn moment à viure, faites que Phillis le prenne, pour vn tefmoignage de mon souvenir. Adieu.

A la lecture de ces dernieres paroles Lycidas ne put retenir ses larmes, & tirant son mouchoir pour le porter à ses yeux, helas: dit-il, qu'elle a bien raison de confesser qu'elle est coupable, car tous les malheurs dont nous auons esté pour-suiuis, ont eu leur commencement d'une petite ialousie qu'elle conceu til y à quelque temps, mais sur les plus soibles apparences du monde. Ie m'estonne, dit Paris dequoy elle ne parle

LIVRE HVICTIESME point du tout de Diane, puis qu'on croit qu'elles sont ensemble? ie ne sçay, respondit Lycidas quelle en peut estre la cause, mais ie ne doute point qu'il ne soit vray qu'elles sont l'vne auecque l'autre, par ce que si Diane n'eust point esté auec Astree, das la fin de sa lettre elle auroit aussi bien parlé d'elle que de Phillis, à qui elle enuoye, come vous auez veu, vn tesmoignage de son souuenir: quoy que c'en soit, reprit Paris, ie croy que nous nesçaurions mieux faire que d'en aller promptement aduertir Adamas, afin que nous voyons ce qu'il iugera de ce dernier accident? voyla, repliqua Lycidas la lettre d'Astree, vous pouuez la luy communiquer, & s'il vous plaist i'attendray icy vostre commandement. Lycidas disoit cela pour le peu d'enuie qu'il auoit de retourner en la maison du Druyde mais Paris le sceut si bien persuader, qu'enfin il l'emmena.

Adamas, de sorte que Bellinde, n'esperant plus d'auoir aucunes nouvelles de Diane, avoit de beaucoup augmenté son desplaisir, & quelques consolations que le Druyde pust inventer pour slatter son ennuy, elles ne servoient qu'à le luy faire trouver plus sensible: Elle estoit en cet estat, quand on la vint advertir que Paris & Lycidas estoient de retour, si bien qu'elle courut à eux comme à son dernier resuge, mais n'ayant rien appris qui luy donnast quelque su-

608 LA DERNIERE PARTIE D'ASTREE, iect desperer, elle retomba dans sa première affliction. Adamas se fit incontinent montrer la lettre que Paris luy dit que Lycidas auoît euë, & n'y voyant rien qui parlast de Diane, il sit cognoistre à Bellinde, que dans cette incertitude, elle ne deuoit rien desesperer; qu'il n'estoit pas croyable qu'elle cust esté si peu sensee, que des'aller exposer à la mort, puisque de quelque œil qu'o la regarde elle a tousiours d'extremes horreurs, & que Diane n'estant qu'vne fille, il n'y auoit pas apparéce qu'ellene la deust crain-dre, quelque resoluë qu'elle sust: qu'il se pouuoit bien faire qu'Astree luy eust inspiré le desfir de l'entreprendre, mais que ny l'vne ny l'autre n'auroient assez de courage pour l'executer; Adamas luy dit encore plusieurs raisons, que Bellindene receut pas absolument come bones, mais qu'elle n'osa pas aussi codaner entieremet, & le Druydel'ayant accopagnee dans sa chambre, se retira apres dans la sienne, où ayant fait venir tous les bergers & toutes les bergeres, il les pria de recomencer le lendemain la mesme recherche qu'ils auoient desia faite; à quoy ayants promis d'obeyr, ils luy donnerent le bonsoir, & s'allerent mettre au lict.

Astree & Diane auoient cependant sait vn peu de chemin depuis qu'elles s'estoient separces de Lycidas, mais quand la nuict sur astriuce, & qu'elles virent que l'air estoit tout chargé de brouillards, & que le Ciel, parmy l'obscuttés

Livre Hvictiesme. 609

leur enuoyoit de teps en temps des esclairs, qui sembloient promettre autant de foudres; alors vne grande fayeur les saissit,& ce courage qu'elles auoient fait paroistre, se perditau mesme temps qu'elles vindrent à se souvenir qu'elles estoient filles: la foiblesse de leur sexe leur sit entrer mille considerations dans l'ame, dont la moins puissante estoit assez forte pour les empescher de passer plus outre; elles resolurent donc de retourner sur leurs pas,&pour trouuer où se mettre à couvert de la pluye qui comméçoit à tomber, elles reuindrent dans la mesme grotte d'où elles estoient parties. Elles n'y furet pas plustost, que l'air se deschargea, mais par vne si grande abondance de pluye, & par de si grands esclats de tonerre, qu'à peine crurer-elles que le rocher qui les tenoit enfermees pût conseruer leur vie contre l'iniure du mauuais téps.

Lignon, qui n'est iamais plus orgueilleux, que lors qu'il a receu, comme en depost, des montagnes voisines, toutes les marques qu'elles ont euës de la colere de l'air, s'ensta si fort en moins de deux heures, par le moyen des Nuees qui se sondirent en eau, qui tenant en cela de la nature des torréts, il sembla qu'il sust plustost destiné pour noyer les campagnes, que pour les arrouser. Dans cette gloire, par laquelle il pretendoit se faire craindre à Loire mesme, qui le reçoit tous les iours das son sein pour le rendre à la Mer, qui est sa mere, il ouurit ses bras, & por-

LA DERNIERE PARTIE D'ASTREE, tant ses bords en des lieux qu'il n'auoit iamais mouillez, il enferma dans son humide lice toutes les fleurs qui auparauant estoient nees sur ses riuages, à ce coup la grotte, qui auoit receu les flames de Celadon, fut cotrainte de receuoir les froideurs de cetElement,& comme si le Demon de cette riviere eust pris plaisir d'aller visiter les tesmoignages d'amour que Celadon y auoit laissez, il entra auec tant de promptitude, que tout ce qu'Astree & Diane purent faire, ce fut d'empescher qu'il ne les y surprist; elles en sortirent doc, & de bone fortune la pluye estoit desia cessee: de sorte que voyans que l'air s'estoit esclaircy, & que la Lune commençoit à laisser reuoir l'argent, où plustost la neige de son teint elles se remirent en chemin, & ne cesserent de marcher iusqu'à ce qu'elles furet arriuees à trois cens pas pres de la fontaine, qu'elles auoiet choisie pour vn dernier remede à tous leurs desplaifirs. Là elles trouveret vne forme d'Autel, esles ué de terre sur vn petit perron, dot les degrezestoiet marquez de sang en divers endroits, & noircis par la fumee des Victimes qu'on y auoit immolees, d'abort elles jugerét bien qu'il auoit estéconsacré à quelqueDivinité, & s'imaginans que peut estre estoit-ce à la Deité mesme qui presidoit sur cet enchantement, elles se mirent à genoux sur le plus bas de tous les degrez, & Astree fit sa priere en cette sorte, Puissant, A; mour qui conserues la Nature, & qui me de-Aruis,

LIVRE HVICTIESME. fituis, Dieuabsolusur les ames, oste ie te prie le bandeau qui te couure-les yeux, & regarde fi ma fidelité n'est pas aussi grande que mon courage: voicy cette Amante qui doit appailer ton courroux, & qui das la perte de sa vie, doit emporter la gloire d'auoir fait perir ces Lyos, & ces Lycornes, qui rendans cette fontaine inaccessible, cachent aux Amants la verité de tes agreables mysteres. Reçoy Fils & Pere de l'Eternité, le sag qu'il faudra que ie respade, & pour empes. cher que ma mort ne soit suivie d'aucune hote, de grace préds vn peu de foing de ce corps que ie vay volotairemet exposer àla barbarie de tes animaux impitoyables. Disant cela, elle alla baifer le pied de l'Autel, & Diane haussat les yeux au Ciel, grad Dieu, dit-elle, ce qu'Astrce desire de ta pitié, ie le demande à ta hayne, ta rigueur n'a iamais cessé de me persecuter, acheue auiourd'huy mes malheurs & tes tyrannies: ie ne te rends point de compte de ma fidelité, tu lis dans les secrets de mon ame, & sçais bien, qu'elle a tousiours esté inuiolable; espargne, A mour, espargne la beauté d'Astree, ne souffre pas que tes Lyons soient insensibles, inspire dans leur ame farouche la crainte & le respe Et, & fay, qu'au lieu d'approcher de sesmembres delicats, ils me deschirent pour assouuir leur faim & ta cruauté. A ce mot elle se leua, & ayant baisé trois fois le pied de l'Autel, descendit où estoit Astree; mais cette Bergere, ah ma sœur, luy dit elle,

Dern. part. Qq

612 LA DERNIÈRE PARTIE D'ASTREE vous m'auez fait tort, vostre priere deuoit plus stost auoir pour obiect vostre conservation que la mienne, & si les Dieux accordoient ce que vous demandez, ie les accuserois d'iniustice: C'est pourquoy, dit - elle, se remettant à genoux, le te coniure, Amour, de punir par vn refus cette Bergere iniurieuse; ne te montre pas sans ressentiment, & fay luy recognoistre que comme i'ay plus de droict en ce que ie recherche, ie dois avoir plus d'esperance de l'obtenir. AlorsDiane se voulut aussi remettre à genoux, mais Astreel'en empescha, & luy mettant vne main deuant la bouche, ma sœur, luy ditelle, si vous m'aymez ne continuez pas à me desobliger, vostre requeste est entierement contraire à mon repos & à mes desirs; disant cela, les larmes luy vindrent aux yeux, & Diane ne pouuant retenir les siennes, sans dire seulement vn mot, elles commencerent à s'embrafser, & s'estant laissé aller contre terre, lasses du chemin & dequoy elles auoient esté vn iour & deux nuicts sans reposer; ay dees à cela par la force comme ie croy de l'enchantement, elles s'endormirent, demeurants toutefois embrassees, comme elles estoient deuant que le sommeil les surprist.

A prinefurent-elles endormies, que le iour parut, bien plus beau que ne l'auoiet promis les Vents & les Orages, qui auoient regné durant une partie de la nuiet; Alexis & Sylvandre ne

### Livre Hvictiesme.

s'esueillerent pas pourtant, mais Bellinde qui auoit à peine serméles yeux, à cause des grades inquietudes dot elle auoit esté trauaillee, ne vid pas plustost paroistre les premieres clairtez de l'Aurore, qu'elle se ietta en bas du lit, & se mettant vne iuppe dessus, courut à la chambre de Leonide pour la prier de faire en sorte que Phillis prist encore la mesme peine qu'elle auoit euë le iour deuat, en la recherche de ses compagnes: elle treuua cette Nymphe habillee, & Phillis aussi, car l'vne ne se pouvant dessaire de l'interest qu'elle auoit pris depuis quel ques Lunes pour Alexis, & l'autre ne pouvant viure dans le regret qu'elle soussers pour l'absence de ses deux amies, elles s'estoient levees fort matin.

Bellinde s'estonna de leur diligence, & comme elle voulut dire a Leonide le suiest qui l'auoit amene dans sa chambre, elle se vid preuenue par Phillis, qui s'adressant à elle, vous voyez Madame, luy dit-elle, qu'elle est la peine qu'Astree & Diane me donnent, mais ce qu'elles ont commis de crime enuers moy, ne demeurera pas impuny si ie les treuue? Helas! belle Bergere, respondit Bellinde, ie crains bien que vous en soyez desia assez vangee; Madame, reprit Phillis, on ne me satissait pas si facilement, peut estre que vous vous l'imaginez, car en l'humeur dont ie suis, ie ne croy iamais auoir bien tiré ma raison de quelqu'vn, si ien en say la vengeance moy-mesme. Pieust

Qqij

614 LA DERNIERE PARTIE D'ASTREE; au Ciel, repliqua Bellinde, que cela fust en vostre pouvoir, le supplice que vous leur ordonneriez seroit bien grand, s'il n'estoit moindre que celuy que peut estre elles se sont desia doné: Madame, dit Leonide, il est impossible que ce iour ce passe sans que nous soyons esclaircies de toutes nos doutes; nous mettrons tant de gens en campagne, que quad elles se seroient noyees das Ligno, ce que ien'ose pas croire, on treuuera pour le moins quelque marques de leur trespas: Veuillent les Dieux, reprit Bellinde, que ma crainte soit fausse, que vous m'en puissiez doner de meilleures nouuelles que ie n'en attéds; Disant cela elle sortit, & auec elle Leonide & Phillis, qui ayant treuué Lycidas sur le degré,& auec luy tous les bergers, s'en allerent querir les bergeres, & puis cependant que Bellinde se retira dans sa chambre, tous ensemble se mirent en queste d'Alexis, d'Astree & de Diane.

D'autre costé Galatee qui estoit dans vne impatience nompareille de pouuoir entretenir Astree, & luy direce qu'elle sçauoit de Celadon, dont elle ne croyoit pas que la Bergere
stut si sçauante qu'elle estoit, esueilla Rosanire
debon matin, & se sit apporter les habits de
bergere qu'elle auoit fait saire des le iour auparauant. Dorinde, Daphnide, Madonthe & Syluie s'habillerent aussi comme elles, & soudain qu'elles surent au mesme estat auquel
elles youloient estre veuës dans la maison

d'Adamas, elles s'en allerent dans la chambre d'Amasis, qui apres auoir admiré la grace de leur habillement, bien qu'elle fust de beaucoup inesgalle à celle de leur vsage; leur donna congé de partir. Elles se mirent donc dans vn chariot, & puis le renuoyerent aussi-tost qu'il les eut menees iusqu'aupres de la maison du Druyde, car ayant mis pied à terre, Madonte & Daphnide qui estoient dessa sçauantes en ce mestier, leur enseignerent de qu'elle saçon il falloit tenir la houlette, & par quel langage il se failloit faire entendre aux brebis; apres cela elles entrerent dans la bassecour, sans auoir rencontré personne dequoy Galatee s'estonnant, & ne se pouuant d'abord imaginer d'où pouuoit proceder la grande solitude, & lesilence qu'elle rencontroit dans cette maison, enfin elle creut que les bergers & les bergeres cstoient allez dans le bois, pour se diuertir durant la chaleur du jour. Sur cette pensee elle monta le degré, & Adamas qui fut aduerty par celuy qui auoit le soing de la porte, qu'il estoit entré quelques bergeres, les vint receuoir sur le dernier repos de l'escalier. Incontinent il recognut Madonthe & Daphnide, car il les auoit desia veuës en cet habillement, puis ayant aussi recognu les autres, Mon Dieu, mesdames, dit-il, auec vn visage assez content, & s'adressant à Rosanire & à Galattee, quelle est la bonne fortune qui me donne auiourd'huy le bien de

Qq iij

616 LA DERNIERE PARTIE D'ASTREE, vous voir ceans? Mon pere, respondit Galatee en sousriant, il me semble que ce n'est pas la coustume de parler auec tant de respect aux. Bergeres; ie vous diray pourtant que depuis le despart de Sigismond, de Rosileon, de Godomar, de Damon & de tous nos Cheualiers, nous auons fait dessein de vous venir visiter, & sommes venuës pour prendre nostre part des plaisirs innocents que l'on gouste sous l'habit dont yous nous voyez reuestuës: mais plustost, repliquale Druyde en souspirant, pour estre tesmoings des malheurs dont l'innocence de cette vie est auiourd'huy trauersee, pour le moins dans la plaine du Forests; car sçachez, Madame, qu'il n'est presque berger ny bergere dans tous les hameaux voisins, qui ne soiet en desordre pour des accidents qui nous sont arriuez seulement depuis deux iours; vrayemet, reprit Galatee, vous m'estonnez, & ie ne croyois pas les treuuer dans yne si grande confusion; disant cela, elles entrerent dans vne sale, par où on alloit en la chambre d'Adamas, & le Druyde reprenant la parole: Pour vous faire bien cognoistre nostre douleur, dit-il, ie n'ay qu'à vous faire voir le visage de Bellinde, qui est merc de Diane, car elle a perdu sa fille depuis hyer, quelle se deroba de ceans auecque Astree, & tout cela, comme ie pense, est prouenu dequoy Alexis s'estoit dessa perduë le iour deuant: Comment, dit Galatee, Alexis n'est

617

donc plus icy?nous ne sçauons où elle est maintenant, repliqua le Druyde, mais peut-estre serez-vous bien aise d'apprendre sa fortune, car yous y auez quelque interest. Galatee ne pouuant comprédre ce qu'il vouloit dire, ie ne puis qu'y en auoir vn tres-grand, adiousta telle, puisqu'elle vous appartient. A ce mot elles entrerét dans la chambre duDruyde,&là,Bellinde ayat esté appellee, & ayant sceu les noms de ces nouuelles bergeres, elle leur rendit ce qu'elle deuoit à leur naissance & à leur qualité; mais paroissat aupres d'elles, auec vn visage qui tesmoignoit assez son desplaisir; Rosanire apres l'auoir saluee, nous pensions, luy dit-elle, estre venuës pour admirer les beautez & les perfections de vostre fille, mais à ce que ie voy, son esloignement ne nous laisse qu'vne matiere pour vous consoler? Madame, respondit Bellinde, j'eusse bien desiré que sa saute ne vous eust pas esté cognuë, car on ne sçauroit assez cacher vne si grande imprudence, mais puisque vous la sçauez, ia n'auray pas honte d'auouer deuant vous que son action me deplaist, iusqu'à vn poinct qui me rend presque incapable de consolation. Vous estes mere, dit Galatee, & par consequent tres-sensible à ce qui touche vostre sang, mais l'espere que vostre douleur ne sera pas sans remede, si le Ciel vous ayme autant que nous vous estimons. A ce mot Adamas les supplia de s'asseoir, & ayant

618 LA DERNIERE PARTIE D'ASTREE, esté prié par Galatee de leur dire tout ce qui concernoit la perte d'Alexis, & la fuitte d'Astree & de Diane, il leur en dit insqu'aux moindres particularitez, de sorte que Galatee ayant sceu qu'Alexis estoit cetté mesme Lucinde qui s'estoit sauuce du Palais d'Isoure, ie ne m'estonne plus, dit-elle, toute surprise, si vous auez tousiours empesché que ie ne l'aye veuë: car vous sçauiez bien sans doubte, que ie la recognosftrois; Ie le craignois pour le moins, reprit le Druyde, & ie sçauois bien que cette cognoissance n'eust de rien seruy à Celadon, car il estoit encore alors si obstiné à ne paroistre point deuant Astree, qu'il est certain qu'il fust desia mort cent sois, si ie ne l'eusse conserué par l'artifice de ce desguisement.

Ce discours les traisna insensiblement iusqu'à l'heure du disner, apres lequel Rosanire ayant voulu voir la gallerie, Adamas y mena toute la compagnie, & à peine y eut-il esté enuiron vn quart d'heure, qu'on le vint aduertir qu'il y auoit trois hommes à la porte qui demandoient de parler à luy. Aussitost il commanda qu'on les sist entrer, & le premier qui parut sut Halladin, qu'Adamas & les autres recognurent incontinent. Cet Escuyer n'eut pas plustost salué le Druyde, qu'il courut faire la reuerence à Madonthe, & ayant sceu que Damon estoit à Lyon, il

luy demanda la permission de l'y aller treuuer, mais Madonte luy ayant dit combien peu Damon deuoit estre en ce voyage, i'ayme bien mieux, continua-telle, que vous nous rendiez compte de ce que vous auez fait, & de quelle facon Celidee a esté guerie, Halladin alors, Madame, luy respondit-il, pour vous bien redire tout cela, il faudroit que i'eusse plus d'esprit que ie n'ay pas, mais il est venu, vn homme auecque moy qui vous en dira toutes les circonstances: à ce movil leur dit, que des deux qui estoient entrez auccque luy, l'vn estoit le grand Olicarsis Africain, l'autheur mesme de la guerison de Celidee, l'autre Azahyde, & qu'il croyoit que ce qu'elle desiroit apprendre, elle le sçauroit mieux de luy que de personne du monde. En cet instant toute cette compagnie qui auoit esté attentiue à caresser Halladin, tourna les yeux sur ces deux hommes, dont Olicarsis estoit l'yn, de qui l'habit, la taille & le geste ne leur fut pas vn petit suject d'estonnement. A damas luy alla à la rencontre, & sçachant par les discours que Damon luy auoit tenus, combien ce vieillard estoit considerable, pour les rares qualitez qui estoient en luy, il le receut auec toutes les demonstrations de bonne volonté qu'il luy put faire, & Olicarsis qui bien que barbare de naissance, ne l'estoit pas d'humeur, se sentit si obligé aux tesmoignages de courtoisse que leDruyde luy donna, que dellors il s'attacha à luy d'v-

620 LA DERNIERE PARTIE D'ASTREE, ne tres-particuliere affectio. A pres les premiers compliméts le Druyde les pria de s'asseoir auec toute cette bonne compagnie, & de fortune en ce mesme temps Olicarsis leua les yeux pour voir les tableaux dont cette gallerie estoit enrichie: cela fut cause qu'ayant recognu quelqu'vn des portraicts, ie pense, dit-il, vn peu surpris, que voyla la peinture d'Eudoxe, que Genseric emmena en Afrique, apres auoir triomphé de Rome & de la Sicile ? Ce l'est vrayment, respondit Adamas, & les principaux accidents qui sont arriuez à cette Princesse depuis sa naissance iusqu'alors, nous ont esté racontez par des personnes qui en ont esté tesmoings irreprochables; mais depuis qu'Vrsace & Olimbre partirent de chez les Massiliens pour s'en aller en Afrique, nous n'en auons rien ouy dire du tout; helas! reprit Olicarsis, il semble que la fortune ait pris plaisir à persecuter cette sage Princesse auecque opiniastreté, & si ie ne croyois vous Importuner par vn si fascheux recit, que seroit celuy de ma vie, dont vne partie a esté messee dans les accidents qui luy sont arriuez, ie vous en raconterois les choses plus remarquables: Toute la copagnie tesmoigna vn extreme desir d'ouyr. ce qu'il pouvoit dire sur ce suject là, & Adamas luy en ayant porté la parole, Olicarsis commença son discours en cette sorte.

### SVITTE DE L'HISTOIRE

D'EVDOXE, D'VRSACE,

& d'Olimbre.

ENSERIC chargé des despouilles de Rome, & glorieux de tant de conquestes, n'arriua pas plustost à Carthage, que le peuple pour

honorer sa valeur, commença de chanter publiquement ses Triomphes; & luy-mesme chatouillé de l'heureux succez qui auoit suiuy toutes ses entreprises (resolu de ne laisser nonplus de bornes à l'Afrique qu'à son ambition) se mit à premediter vn second armement, par lequel il pust donner de la terreur, non pas à l'Italie seulement, mais à tout le reste du monde: Toutesois voulant donner quelque temps au repos qu'il croyoit auoit merité, il fit dessein de jouyr, en attendant vn fecond voyage, de tous les plaisirs où son desir le pourroit porter; & le premier qu'il se proposa, sut de triompher de la pudicité d'Eudoxe, comme il auoit desia triomphé de son Empire. Le souuenir des obligations qu'il auoit à

622 LA DERNIFRE PARTIE D'ASTREE, cette Princesse ne le toucha nullement, au contraire il luy inspira vne secrette crainte, que comme elle l'auoit appellé dans l'Italie pour la deliurer de la tyrannie de Maxime, & pour la vanger du parricide commis en la personne de Valentinian, elle n'attirast la hayne de quelqu'vn sur luy, & ne fist quelques menees qui pussent enfin reüssir à la ruine de sa personne & de ses Estats. Cette apprehension sut cause qu'illa fit soigneusement enfermer dans vn Palais, où ne luy laissant que la compagnie de ses deux filles, il ordonna vne peine de mort à quiconque y entreroitsans sa permission: Quelques Eunuques seulement surent commandez pour la seruir, encore n'estoir ce qu'aux heures qui luy estoient ordonnees pour le repas. Le ressentiment que cette Princesse eut de sa captiuité, & comme ie le sceus depuis, le regret de la perte d'V rsace qu'elle aymoit vniquement, la mirent dans peu de jours en vn estat si miserable, que ceux qui la seruoient crurent estre obligez de le rapporter à Genseric. Ce Roy barbare touché de cette nouvelle, mais seulement pour se voir empesché par sa mort d'executer le dessein qu'il auoit fait, m'enuoya querir, & ayat toint mille grandes promesses à autant de prieres & de commandements, m'ordonna de l'aller visiter, & de ne rien espargner pour la guerison de son mal. Il auoit desia sceu par plusieurs experiences, ce que ie pounois dans les maladies

plus desesperees, & la vie que i'auois comme rendue à Thrasimond son fils, apres auoir esté abandonné de tous les Myres, luy estoit vn tesmoignage cuident que le pouvois faire reufsir tout ce qu'il me plairoit d'entreprendre. Ainsi cette bonne opinion dont il anoit l'esprit preoccupé, fut cause qu'il m'employa, & moy qui ne desirois rien auecque tant de passion que de voir cette Princesse, de qui les ancestres ne m'estoient pas incognus, l'acceptay cette commisfion comme le plus grand auantage que la fortune me pouuoit offrir. Ayant donc esté introduit dans son Palais, ou plustost dans sa prison, ie me fis conduire en sa chambre; mais bons Dieux, combien me fur agreable & deplorable tout ensemble, la premiere veuë que i'en eus. Elle s'estoit vestuë ce jour-là d'yne Simarre de fatin incarnat, semee de fleurs nues, & rehausse en quelques endroits d'yne broderie de perles; sa imppe & ses manches estoient d'vn fatin blanc comme son teint, brodees d'or & de perles, & enrichies presque par tout d'vn nombre infiny de petits diamats, elle auoit les mains nues, & tenoit dans l'vne vn mouchoir qu'elle portoit de temps en temps à ses yeux, ses cheueux estoient encore couverts de l'habillement qu'elle avoit porté la nuict, & toutefois comme s'ily en eust eu qui eussent pris plaisir de s'eschapper, i'en vis plusieurs, qui frisez à petites ondes, tumboient nonchalamment le long de

624 La DERNIERE PARTIE D'Astree,

ses iouës, elle auoit vn mouchoir sur sa gorge, mais son collet qui s'abbatoit sur celuy de la Simarre, laissoit voir, vn peu au dessus, vn teint qui eust fait honte à la blancheur la plus esclattante, son visage seulement paroissoit abbatu & amaigry, & comme il est difficile dé conseruer vn embonpoinct parmy des afflictions extremes ; cette Princesse s'estoit tellement relaschee à la douleur, que ses yeux qui depuis sa captiuité n'auoient iamais esté fermez aux larmes, en auoient terny l'esclat, & comme brussé vne partie: Elle se promenoit par la chambre, & tenant les yeux baissez, montroit de resuer profondement à quelque chose. l'auouë que comme elle fut affez long remps sans m'apperceuoir, ie sus long-temps aussi sans faire autre chose que l'admirer, & comme si l'eusse eu befoin de me remettre apres vn si agreable rauissement, ie n'osay entrer, iusqu'à ce qu'ayant porté de fortune les yeux du costé de la porte, elle prit garde que ie n'estois pas là sans quelque dessein.

Elle auoit sceu l'estroitte desense qui auoit esté faite à son occasion, de sorte que me voyat couuert d'vn autre habit que celuy que le commun a accoustumé de porter, cela la surprit, & ie ne sçay si ce sur la crainte ou le desir dela mort, tant y a, qu'au mesme temps que ie mis le pied dans sa chambre, elle me vint à la rencoutre, & me preuenant, & bien, dit-elle, qu'est-ca

que Genseric ordonne de ma vie? veut-il pour me rendre infame à la posterité, que ie la perde dans quelque honteux supplice, & ne vous a-til point commandé de m'en venir porter la nouuelle, afin que i'y prepare mon esprit? Ie pris garde alors qu'elle me regardoit fixément, & iugeant bien qu'elle attendoit ma responce, Madame, luy dis-ie, quand le Roy aura fait quelque dessein contre vous, ie ne seray iamais celuy qui vous fera vn si funeste message; Il m'a tesmoigné n'auoir de l'interest qu'envostre santé, & c'est pour cela qu'il m'a comandé de vous voir, afin que i'y contribuë tout ce qui pourra dependre de moy. Ce peu de mots fit cognoistre à la Princesse la profession que le faisois, de sorte qu'ayant tout à coup perdu la premiere opinion qu'elle auoit euë, helas! me dit-elle, auec vn grand souspir, mon mal n'est pas de ceux que les Myres peuuent guerir, si ce barbare qui me detient a quelque volonté de voir fi-nir mes miseres, qu'il se haste de m'oster vne vie qui ne me peut estre agreable, apres la perte de mon Estat & de maliberté. Nous sommes trois. Victimes, & ie deurois dire quatre, que ce Tyran peut immoler à sa fureur; Bons Dieux, qui le porte à nous conseruer apres auoir deftruit les superbes Temples de Rome? A ce mot Eudoxe recomença de se promener, & les pleurs qu'elle versa me firent aisément recognoistre que dans le ressentiment où elle estoit, pour les

626 LA DERNIERE PARTIE D'ASTREE, pertes qu'elle auoit faites, son ame auoit plus besoin de remedes que son corps, & voyez cobien peut la compassion sur vn esprit qui n'est pas entieremet incapable de la ressentir, ie proteste qu'en ce moment se sus si fort touché de sa disgrace, que se pense qu'il n'est rien au monde que ie n'eusse entrepris pour l'obliger & pour la seruir. Ie luy en donnay tous les tesmoignages que ie pus, mais ie visbien que la crainte de se voir deceuë, fut cause qu'à ce commencemet elle ne tint pas grand conte de ce que ie luy dis, elle m'en remercia pourtant, mais auec vne froideur qui me fit bien iuger de la doubte où elle estoit de ma fidelité. M'ayant donc commandé de rapporter au Roy mille plaintes que la passion luy suggera, elle me donna congé de me retirer, & Genseric qui attendoit auec impatience le rapport que ie luy serois de la santé d'Eudoxe, apprit par moy plus de choses qu'il n'eust esté necessaire pour son repos:ie ne luy dis pas ce que cette Princesse m'auoit ordonné, mais ie luy racontay si fidellement l'estat où ie l'auois treuuce, & luy parlay si bien des charmes que l'auois remarquez en elle, que l'aiguisay innocemment les armes qui depuis faillirent a nous faire tous mourir. le croyois que comme ien'auois pu resister à la pitié, la voyant en l'estat où ie l'auois rencontree, il auroit de la peine à s'en defendre, au rapport que ie luy en ferois; mais au lieu d'y estre sensible, il laissa si fortallumerle

mer le seu dont il auoit commencé de brusser, qu'il desespera de le pouuoir iamais esteindre: Si s'eusse eu quelque cognoissance de son dessein, ie me susse bien empesché de le nourrir, puisqu'il n'estoit pas legitime, mais ne sçachant pas qu'il eust eu contre l'honneur de cette Princesse, vne pensee si desaduantageuse que celle qu'il sit paroistre depuis, s'auouë que ie creus faire beaucoup pour elle, en luy parlant du me-

rite que i'y auois recognu.

Genseric donc ayant sceu que le plus grand mal d'Eudoxe estoit en l'imagination, & iugeant bien que la solitude où il la detenoit n'en seroit iamais le remede, me commanda de l'aller visiter souuent, & deslors me donna la permission d'y aller toutes les fois que bon me sembleroit. Cela fut cause qu'apres plusieurs visites, ayant enfin sait cognoistre à cette Princesse, l'extreme desir que l'auois de luy rendre seruice, ie l'obligeay à se fier entierement en moy, & à me iurer qu'elle me communiqueroit iusqu'à la moindre de ses pensees. Il aduint qu'vn iour, l'ayant fait souuenir du premier discours qu'elle m'auoit tenu, & luy ayant demandé, pourquoy parlant detrois Victimes, qu'on pouuoit immoler à la fureur de Genseric, elle auoit dit qu'il y en avoit peut-estre quatre, elle me fit asseoir à la ruelle de son list, & là cependat que la ieune Eudoxe & sa sœur Placidie s'amutoiet à se iouer dans vn cabinet, elle me raconta tout

Dern.part.

628 LA DERNIERE PARTIE D'ASTREE; ce que vous auez pu sçauoir de l'amour d'VAJ sace; Elle me dit toutes les circonstances qui estoient arriuees en la naissance de l'affection de ce Cheualier, Ses regrets lors qu'elle espousa'Valentinian, Les amours de ce ieune Empereur pour Isidore, La violence qu'il luy sit, La vengeance que Maxime en tira: En suitte elle me raconta le dessein qu'elle auoit fait auecVrface, de se refugier chez Marcian, qui commandoit alors à l'Empire d'Orient, La promesse qu'elle fit à ce Cheualier de n'espouser iamais autre que luy, Ses desespoirs lors qu'elle fut contrainte de se donner à Maxime, Et enfin come elle appella Genseric à Rome pour la deliurer de la tyrannie de ce nouueau mary: mais lors qu'elle vint à parler de la resolution que sit Genseric d'en accroistre ses despouilles, & de l'emmener en Afrique, come la plus belle matiere de ses triomphes, elle me raconta ce que fit V rsace pour l'enleuer ; & puis sa mort qu'elle croyoit assuree, mais auec tant de larmes & de sanglots, que l'eus peur vne sois qu'ils l'eussent estoussee. En esse elle tomba pasmee entre mes bras, & ie vous iure que l'eus de la peine à la faire reuenir ; enfin après auoir vn peu repris de force, elle me raconta l'affection qu'Olimbre auoit conceuë pour Placidie, & me dit que c'estoit la quatriesme personne dont elle anoit parlé, s'affurant bien qu'il ne suruiuroit pas sa maistresse, si par hazard quelque parriculiere consideration l'auoit conserué apres la perte d'Vrsace. Elle ne m'eut pas plustost acheué le recit de ses fortunes, que ie sis tout ce que ie pus pour la consoler; ie n'oubliay pas vne seule des raisons que ie jugeay capables de luy persuader ce que ie desirois,& sur tout, ie luy offristout le service qu'elle pouvoit attendre d'vn homme de ma condition. Ie luy representay que mon aage, & les qualitez que le Ciel m'auoit donnees ne m'auoient pas mis en si petite consideration aupres du Roy, que ie n'eusse suiest d'esperer d'en obtenir quelque chose quand ie la luy demanderois, qu'il estoit vray que pour saliberté c'estoit vn auantage auquel ie n'osois pas seulement penser, mais que pour tout ce qui regardoit le soulagement des ennuis qu'elle pouvoit craindre en sa detention, ie ne pensois pas qu'il y en eust vn seul qui me pust estre resusé: cette Princesse receut mes offres, mais auec vne douceur si charmante, que deslors ie protestay de n'espargner pas mesines ma vie en ce qui toucheroit son contentement, & ie ne sçay si mes paroles luy donnerent quelque volonté d'esperer, tant y a qu'elle ne parut plus si affligee, & qu'en peu de temps elle reprit ce qu'il luy falloit d'embonpoinct pour paroistre aussi belle qu'elle sut iamais.

Genseric qui en sut bien tost aduerty me resmoigna qu'il me sçauoit gré du secours que i'a-

630 LA DERNIERE PARTIE D'ASTREE, uois donné à cettePrincesse, & comme le feu de son amour luy faisoit souhaitter cette jouyssance pardessus toutes choses, il crut qu'il n'auroit que la peine de la demader, puisqu'en l'estat où Eudoxe estoit, il n'y auoit pas apparence qu'elle fe deust opposer au moindre de ses desirs. Pour cet effect donc il se dispose de l'aller voir, & afin que son dessein ne fist pas tant d'esclat, il ne prit auecque soy que Thrasimond, pour entretenir les deux filles. l'ay tant d'horreur à me souucnir de cet accident, que ie ne vous diray point auec quelle importunité ce barbare pressa Eudoxe; ce sera assez que vous sçachiez, qu'apres que ce Tyran luy eut dit toutes les plus belles paroles que sa passion luy suggera, voyát qu'elle continuoit dans ses refus il recourut enfin à la violence,& iura, qu'à quelque prix que ce fust il la vaincroit: cela fut cause que la Princesse redoutant la barbarie de ce Roy courroucé, diminua vn peu de sa rigueur, & luy ayant representé combien luy estoit sensible la perte d'un bien qu'elle auoit iusqu'alors conserué si cherement, elle le supplia de luy doner quelques iours pour s'y resoudre. Genseric qui s'imagina, que moins il y auroit deforce en cette victoire, & plus il y auroit de plaisir pour luy, ne sit pas beaucoup de difficulté de luy accorder ce qu'elle voulur, apres quoy il se retira, & emmena Thrasimond, que les charmes de la ieune Eudoxe auoiét desia tellement embrasé, que iamais depuis il n'en

put esteindre la flame: & certes, si iamais vne beauté fut capable de donner de l'amour, cellelà l'estoit, & sans la flatter, on pouuoit dire d'elle, ce que le Philosophe Leontius auoit dit autrefois d'Eudoxe sa fille, qui depuis sut semme de Theodose, & grand mere de cellecy, car estant enquis pourquoy ce peu qu'il auoit de bien il le laissoit par testament à ses deux fils, & ne donnoit rien du tout à sa fille; c'est assez, respondit-il, que ie luy laisse ce que la fortune luy promet, voulant dire qu'il remarquoit tant de vertu, de beauté, & de merite en elle, qu'il n'estoit rien de grand, qu'elle ne pust auecque

raison esperer.

Mais pour reuenir à mon discours, Genseric n'eut pas plustost laissé Eudoxe seule, que de fortune l'arriuay, & la voyant toute en larmes, m'estonnay d'vn si soudain changement; mais l'auouë qu'en ayant seeu la cause, ie trouuay qu'elle n'en pouuoit iamais verser pour yn suiet plus legitime : deslors ie commençay de voir clair das le dessein de Genseric, qui m'auoit esté auparauant incognu, & recognus bien que cette compassion qui luy auoit fait desirer de voir cette Princesse bien remise, n'estoit qu'vn essect de la passion qu'il auoit desia conceuë pour elle. Ie sceus iusqu'au moindre des discours qu'il luy auoit tenus, & quand elle m'eut dit que le terme qu'elle auoit pris, n'estoit que pour m'aduertir de son malheur, & me prier d'y chercher 632 LA DERNIERE PARTIE D'ASTREE, quelque remede, Madame, luy respondis-ie, de? main l'auray l'honneur de vous en entretenir plus particulierement, & ie vous promets que l'employeray toute la nuict à y penser, cependant faites bonne mine, & croyez, que s'il ne falloit que mon sang pour vous deliurer des craintes qui vous affligent, ie ne serois pas vn moment sans vous guerir; à ce mot ie sortis de sa chambre, & me retiray chez moy, où comme iel'auois promis, i'employay toute la nuict à chercher des moyes pour le salut de cette sage Princesse; mais quelque soing que i'y misse, ie n'en trouuay pas yn dont l'execution me sem-blast possible; car si ie pensois la retirer de cette captiuné par une fuitte, je voyois que nous n'a-uions pas assez de temps pour gaigner ceux qui la gardoiét, ny pour nous sournir de tout ce qui nous estoit necessaire pour nous embarquer: de diuertir le Roy de cette amoureuse sureur, ie n'y voyois que fort peu d'apparence, car cognoisfant son naturel assezvicieux, ie sçauois que la mort seule en pouuoit arrester les essects; de le tuer, outre l'enormité du crime, & le peril ineuitable que i'y preuoyois pour moy, ie voyois que peut-estre n'estoit-ce pas vn moyen pour deliuer Eudoxe, puis qu'il luy restoit deux sils, qui sans doubte succederoient aussi bien à son humeur qu'a son Empire: ainsi ne pouuatrien inuéter qui luy sust vtile, aussi tost que la nuist fur passec, & que le lendemain sa chambre sut

633

ouuerte, ie luy allay rédre compte de toutes les pensees que l'auois euës pour son suiect: & cette Princesse qui vid par tout la mesme difficulté que i'y auois rencontree, mais Olicarsis, me ditelle, encore auez-vous oublié de penser à vn remede, qui sera sans doute bien facile; luy ayant alors demandé quel il estoit, vous sçauez bien, reprit-elle, ce que fit autrefois Cleopatre, pour ne tomber pas entre les mains de Cesar? imaginez-vous, que comme ie rencontre quelque coformité entre ses malheurs & les miens, il faut que ie l'imite en sa fin violente; elle ne voulut pas suruiure la perte de son Antoine, & qu'ayie besoin de viure apres la perte d'Vrsace, qui m'estoit si cher ? à ce mot Eudoxe se teut, montrant bien en son visage que cette resolutió luy plaisoit, & qu'elle ne maqueroit pas de courage pour l'executer; cela fut cause que ie luy dis que ce remede estoit vraymet le plus assuré de tous, maisque ie ne trouuois pas à propos qu'elle y recourust qu'a l'extremité que l'estois resolu de parler premierement à Genseric, & d'essayer de le diuertir d'vn dessein si ruineux pour elle, qu'apres cela ie ne m'opposerois plus à l'expedient qu'elle m'auoit proposé, & qu'au con-traire ie luy faciliterois les moyens de les saire reussir; que s'il en estoit besoin ie luy seruirois de guide en ce funeste passage, & qu'enfin ie ne trouuois pas que la perte de la vie luy peust estre sensible, comme la perte de sa reputation. Iere-

Rr iiij

cognus bien-tost que mon discours auoit flatté son humeur; car en ce moment me sautant au col, allez, me dit-elle, cher Olicarsis le plus geneueux de tous les hommes, & digne de viure ailleurs que parmy des barbares, allez, & si vous ne pouuez fleschir l'ame de ce Tyran, souuenez-vous de ce que vous m'auez promis, & croyez que ie mourray en Princesse: A ce mot, la compassion me destoba presque des larmes, & l'ayant laissee, ie m'en allay trouuer Genferic.

A peine fus-ie forty, qu'vn ieune homme, de qui ie cognoissois le visage & l'esprit, demanda de parler à Eudoxe de la part de Thrasimond, & soudain qu'il eut esté conduit dans sa chambre il mit vn genoüil en terre, & luy ayant dit, qu'il estoit là de la part de son maistre, pour luy demander la permission de dire quelque chose à la ieune Eudoxe sa fille, la Princesse y confentit incontinent, & pour luy en donner plus de commodité, se retira dans son cabinet, ne laissant auecque elle que Placidie. Aussi-tost ce ieune homme, à qui Thrasimond eust sié sa vie, tira de sa prochette vne lettre, & la luy tentandant, Madame, luy dit-il, voicy vn gage des promesses que vous fit hyer mon maistre, par lequel vous pourrez apprendre en quel estat est son ame depuis que vous l'auez blessé. A cemot cette ieune Princesse sousrist, & sans auoir osé prendre la lettre, Thrasimond dit-elle, m'excu-

LIVRE HVICTIESME. ferasi ie ne lareçoy, qu'à condition de l'ouurir en la presence de Madame; que si vous iugez qu'il ne le desire pas de la sorte, vous pourrez la luy rapporter, & luy dire que ie le remercie tres. humblement de l'honneur qu'il m'a fait de se souuenir de moy: Madame, repliqua le ieune homme, Thrasimond est trop vostre seruiteur, pour ne vouloir pas tout ce que vous trouuerez à propos, & s'il vous plaist, ie ne m'en retourneray pas, sans sçauoir de vous ce que vous ordonnerez de sa mort où de sa vie; disant cela, il luy tendit la lettre vne seconde fois, & la ieune Eudoxe l'ayant receuë, s'en alla auecque le Placidie dans cabinet de sa mere, où l'avants ouuerte, ellesy leurent ces mots.

# LETTRE DETHRASIMOND A LA IEVNE EVDOXE

E suis amoureux de vous, belle Eudoxe, of sima passion n'est la plus legitine qui fut iamais, ie veux que vostre rigeur me rende le plus miserable de tous le hommes. Ie sçay bien que mon affection

636 LA DERNIERE PARTIE D'ASTREE est un tesmoignage de ma temerité, mais elle est ausi vne marque de mon ressentiment & de vostre merite; que si l'un vous semble digne de chastiment, auoüez que l'autre n'est pas moins digne de recompense : ainsi dans l'incertitude où vous pourrez estre de me punir où de m'obliger, remettez en la decision au temps qui est le iuste Iuge de tou. tes choses, punissez moy, si ie suis menteur, où si vous recognoissez que ie vous ayme, ne faites point de difficulté de m'aymer außi: ie vous en coniure, chere Eudoxe, & de croire que ie ne manqueray pas de pitie pour vostre fortune, puis que ie suis esclaue comme vous.

Cette cognoissance qu'eut Eudoxe de l'amour de Thrasimod, ne luy donna pas vne pe tite esperance, s'imaginant que si elle estoit ve ritable, elle pourroit luy faire entreprendre de grandes choses; cela sut cause qu'elle vint ellemesme auecque les deux ieunes Princesses sare responce à cet agreable Messager, & luy die qu'elle receuoit à tres grand honneur le tesmignage qu'il leur auoit apporté de l'affection de son maistre, que saute d'auoir du papier & de l'ancre, elles ne l'en pouuoient remercier que de viue voix, & que s'il attendoit quelque autre responce d'elles, ce leur seroit vn grand contentement de la saire à luy mesme, la premiere sois qu'il prendroit la peine de les visisser. Ce ieune homme leur dit qu'il estoit party pour aller à la chasse, & qu'il estoit difficile qu'il reuinst que sur le soir, mais qu'il ne seroit pas plustost de retour qu'il obeyroit à leur commende.

ment; apres cela il sortit.

Cependant, comme ie vous ay dit, i'estois allé trouuer Genseric, & l'ayant fait tomber insensiblement sur le suiect dont l'auois resolu de l'entretenir, ie luy dis le miserable estat où i'auois treuue Eudoxe vn peu apres qu'il l'eust quittee, les inuentions dont ie m'estois seruy pour l'obliger à me dire la cause de sa douleur, & enfin que l'ayat sceuë, l'estois venu expres de sa part, pour le supplier encore vne sois de ne vouloir rien attenter contre elle, ie luy represétay cent fois combien les Dieux estoient enne mis de l'ingratitude, & que c'estoit yn crime dot il se rendroit coupable, si apres les despouilles dont elle l'auoit fait triompher, il entreprenoit encore de luy rauir l'honneur: Ie luy parlay des Ancestres de cette Princesse, & des hommes à qui elle auoit eu l'honneur d'appartenir, qu'il ny auoit pas apparence, qu'estant fille & semme

638 LA DERNIERE PARTIE D'ASTREE, d'Empereurs, elle fust traittee en Esclaue, puis que mesme il n'eut iamais pensé à la conqueste de Rome, si elle ne l'y eut appellé: ie luy dis encore, qu'il luy auoit l'obligation d'vne partie de la gloire, dont les histoires honoreroient sa vie, & qu'il n'estoit pas iuste qu'il en ternist l'esclat par vne action si sale & si honteuse, enfin, ie pense que ie n'oubliay rien pour le persuader: mais luy, au lieu d'accorder quelque chose à la raison, s'alluma d'vne colere enragee, & messat la ialousie à ce trásport, coméça malhureusemét pour moy, de craindre que i'eusseioùy du bien, dot il auoit resolu de triompher. Cette aueugle passion luy troubla de sorte le iugemet, que sas penser à la vertu d'Eudoxe, il soupçonna tous les deuoirs que ic luy auois rendus, & m'accusa du crime d'où l'auois enuie de le retirer: cela fut cause, qu'auecque vne fureur qui luy rendoit les yeux estincellants, il iura que la nuict mesme il affouniroit sur elle, sa vengeance ou son amour & m'ayant deffendu de la voir iamais, me commanda de me retirer chez moy, où il voulut que ma chambre fust ma prison sur peine de me faire endurer les plus effroyables supplices que sa colere luy pourroit faire inuenter. l'auouë que la crainte de la mort ne fut pas cause que ie luy obeys; mais ayant resolu de donner à cette sage Princesse le remede quelle auoit fait dessein d'employer, lors que toutes choses seroient desesperees, ie m'y allay volontairemet ensermer,

esperant que ma captiuité ne seroit pas longue, puis qu'elle deuoit finir par la mort d'Eudoxe & de moy. Ie ne fus pas plustost dans ma chambre, que l'allay ouurir mon cabinet, où depuis quarante ans l'ay assemblé tout ce que l'ay pu trouuer de merueilleux en la Nature: & par ce qu'auecque vne estude incroyable (& cery soitdit sans vanité) ie me suis acquis la cognoissance de quantité de tres rares secrets, iene sus pas long-temps, sans auoir treuué dequoy preparer yn poison, aussi subtil qu'il le falloit pour faire reissir mon dessein, ie pris premierement de l'Agaric noir, que i'auois mis en poudre, & l'ayant incorporé dans le jus de Thapsis, i'y meslay d'vne essence, tiree du fruict & des feuilles du Texo, que les Gaulois appellent If: apres, i'y mis quantité d'Aconit; & de tout cela ensemble ayant fait vn Extraict, ie iettay dedans vn peu de l'escume d'vn aspic sourd, & aussi tost que i'en eus mis la moitié dans vne petite phiole, ie pris du papier & de l'ancre, & fis ce billet à Eudoxe.

## BILLET D'O L I C A R S I S A E V D O X E.

Lest temps, Madame, de prendre le remede que i aypreparé à vos malheurs, l'iniustice de Genseric à condamné mes raisons, em m'ayant enueloppé dans vos infortunes, m'a inspiré le dessein de mourir auecque vous Cette nuiet, qu'il a destinee à l'accomplissement de ses mauuais desirs, rendra ses ombres complices de la perte de vostre honneur, si vous ne la pre-uenez par la perte de vostre vie. Consultez donc vostre courage sur ce poinet, em croyez que vous n'aurez iamais vne plus belle matiere où l'employer.

Toutes choses estans au meilleur estat que i'eusse sceu desirer, i'appellay vn Esclaue qui meseruoit, & qui auoit accoustumé de me suiure quand i'allois visiter la Princesse, ieluy donnay

'd'vne main la petite phiole bien bouchee, luy disant que c'estoit vn remede qu'elle m'auoit demandé, comme en esse tiene mentois pas, & de l'autre ie luy remis le billet, où ie seignois d'auoir escrit la saçon dont elle deuoit s'en seruir, sur tout ie luy dessendis de la descouurir, & luy donnay charge de se haster le plus qu'il luy

seroit possible.

Vous remarquerez, que pour m'efloigner du bruit & du tracas du peuple, ie m'estois logé en vn lieu de la ville, le plus escarté que l'auois pu choisir: & parce qu'ordinairement ces endroitslà sont aussi bien vn refuge aux voleurs, qu'aux gens d'estude, il arriua que trois ou quatre ieunes hommes, qui s'estoient rédus noirs de vols & de meurtres, s'estoiet depuis peu resugiez aupres de monlogis. Ceux par qui la iustice estoit exercee en furent bien tost aduertis, & pour cela ils firent dessein de les surprendre sur le commancement de la nuiet; ces voleurs estoient vaillants & desesperez, & par consequent dangereux & redoutez presque de chacun: de sorte, que pour les auoir auecque moins de hazard, on fut d'auis de leur dresser vn piege, & à cet effect on tendit dans la ruë plusieurs cordes esleuees de terre d'vn pied ou enuiron, & separees les vnes des autres de quinze ou seize pas seulement. Apres cela, tous les voysins surent commandez de tenir leurs armes prestes, afin de leur courir dessus, apresque par plusieurs

642 LA DERNIERE PARTIE D'ASTREE, cheutes, ils se seroient d'eux mesmes mis hors de cobat. Ce dessein reiissit bien, comme on l'atioit pensé, mais oyez, je vous supplie ce qui aduint auparauant: mon Esclaue, qui comme ie vous ay dit, s'estoit mis en chemin, passa de fortune das cette ruë, & n'eut pas fait vingt & cinq ou trente pas, que, commeil alloit fort viste, rencotrant auec force vne des cordes qui auoiet estétenduës, il donna du nez en terre, & comme naturellement on quance les mains en semblables accidents pour guarentir le visage, il rompit la phiole en mille pieces, & peu s'en fallut qu'il ne se rompit aussi le col. Au bruit & au cry qu'il fit en tombant, quelques voysins ouurirent leurs portes, qui comme ie vous ay dit, ayants eu le commandement de courir sur les voleurs; crurent qu'il estoit temps de mettre la main aux armes; mais quand il ne virent que ce pauure Esclaue, à qui le sang tomboit du nez à grosses gouttes, ils s'approcherent doucement de luy, & sans s'informer où il alloit, luy voulurent donner de la lumiere pour sortir de la ruë auecque plus de seureté; mais luy qui voyoit que le suiect de son voyage estoit rompu, s'amusoit encore à faire quelques plaintes, quand, par malheur, deux grands chiens, qu'vn de ces voysins faisoit quelquesois combatre contre des Taureaux dans les spectacles publics, vindrent en cet instant dans la ruë, & comme ils estoient auides

àttides de sang, se mirent incontinent à leischer celuy que cet Esclaue auoit messé innocemment au poison qu'il auoit respandu; à peine y eurent-ils trempé la langue iusqu'à trois ou quatre fois, qu'ils cheurent, les pieds en l'air, & apres s'estre vn peu desbatus, moururent sur le champ dequoy-le maistre entra en vne telle fureur, que peu s'en fallut qu'en cet instant il ne tuast mon Esclaue: toutesois, pour sçauoir la cause d'vne fin si extraordinaire & si prompte, il s'en saissit, & le mena dans sa maison, où le pauure Esclaue luy ayant rendu compte de la commission que ie luy auois donnee, ne fit point de difficulté de luy remettre le papier qu'il auoit, s'assurant qu'il seruiroit pour sa instification. Cet homme recognut bien-tost mon dessein, & s'imaginant que l'affaire meritoit bien que le Roy en fust aduerty, il luy en alla inconfinent porter la nouuelle: l'ay sceu depuis, que Genseric faillit à tomber pasmé à la veue de ma lettre; mais enfin s'estant remis, & tournant toute sa furie contre moy, il commanda en ce moment à douze où quinze de ses gardes de me venir prendre chez moy, & de m'emmener dans les cachots, où l'on enfermoit les criminels de leze-Majesté, à quoy ils obeyrent assez promptement; & parce qu'estant disposé à mourir, ie n'attendois que le retour de mon Esclaue, ils trouuerent les portes toutes ouuertes, & yn verre sur ma table plein du mesme poison, que ie croyois qu'eudoxe eust receu. le ne vous diray point en quel estat ie sus, lors que ie vis cet obstacle à ma resolution, ce sera assez que vous sçachiez, que m'imaginant que la Princesse estoit morte, ie me resiouyssois, en pensant aux supplices que ie croyois m'estre preparez.

Vn peu auparauant, Thrasimond estoit reucnu de la chasse, & par ce qu'il apprit bien - tost le succez de tout ce que ie vous ay dit, impatient desia de voir sa maistresse, pour sçauoir quel esfect sa lettre auroit produit, il courut au Palais où Eudoxe estoit ensermée, & luy racontant tout ce que vous auez ouy, il sit bien iuger à la Princesse que sa resolution ne luy estoit plus incognuë, non plus que le mauuais dessein de Genseric.

Eudoxe donc voyant que tout estoit descouuert, & craignant que durant les horreurs de cettenuict, le Roy executast ce dont elle auoit esté menacee, pensa qu'il falloit se preualoir de l'amour de Thrasimond, esperant que la passion legitime du fils arresteroit l'impudicité du pere, à cet esfect elle arma ses yeux de tout ce qu'ils auoient iamais eu de plus charmant, & faisant descocher à la pitié tous les traits qui ensortoient, elle prit son mouchoir à la main, qu'elle porta deux ou trois sois sur son visage, puis elle commença de parler en cette sorte: Puis que vous sçauez, Seigneur, iusqu'où s'est

### LIVRE HVICTIESME.

portee la volonté de genserie, & ie dirois l'impudence, si le respect que i'ay pour vous ne me forçoit d'en auoir encore pour luy, il est impossible que vous n'approuniez le dessein que i'ay eu de preuenir par ma mort la honteuse tasche par laquelle il a voulu foüiller ma reputation: quand la Nature ne m'auroit pas fait naistre fille de Theodose, & quand la fortune ne m'auroit pas sousmis deux fois l'Empire d'Occident, ce seroit assez que ie recognusse ce qu'vne femme doit à sa vertu, pour ne consentir iamais à la perte d'une chose, dont le prix ne peut souffrir de comparaison: & certes, quelque tyrannie dont Genseric ait resolu d'vser aupres de moy, sa passion y trouueratousiours vne mesme resistance; ce que sa violence empeschera que ie n'exerce sur ma personne, ma rage fera que ie l'entreprendray sur la sienne, & peut - estre il esprouuera, pour son malheur, ce que peut le desespoir sur l'esprit d'yne honneste semme. S'il est lassé de voir en vie, celle qu'il auoit entrepris de proteger, & s'il luy fasche que le pouuant accuser d'auoir violé sa foy, ie luy sois vne eternelle matiere de reproche, qu'il se haste de m'oster cette vie que ie ne traisne qu'à regret, & il verra s'il me laisse mourir glorieusement, combien peu l'auray de crainte des supplices & desbourreaux; Par là, genereux Thrasimond, vous pou-

646 LA DERNIERE PARTIE D'ASTREE; uez remarquer que s'il n'y a point de remede à la fureur de genseric, il n'y doit point auoir d'esperance en ma vie, n'y en celle de ces deux fil-les, qui semble que le Ciel m'ait laisses seule-ment pour les rendre tesmoings, ou plustost compagnes de mes infortunes: Que si pour nostre dernier resuge, les Dieux auoient permis que cette amour que vous auez fait paroistre à la ieune Eudoxe, fust fondee sur l'honneur; feroit-il possible que vous ne voulussiez pas estre son protecteur, & que vous n'eussiez quelque honte de l'espouser, apres que sa mere auroit perdula seule chose qui luy reste pour vous faire treuuer de la gloire dans la volonté que vous auez de luy appertenir? Quoy donc? ceux qui trauaillent pour rendre presentes aux siecles à venir les choses qui se font maintenant, oseront remarquer que Gen-feric aura voulu assouir son appetit brutal sur vne Eudoxe captiue, & que Thrasimond l'honneur de son siecle, n'aura point mis d'ob-stacle à vn si suneste dessein? Ah Seigneur, pour Dieu ne souffrez pas que ce blasme soit messé aux belles actions de vostre vie, & si la ieune Eudoxe peut quelque chose sur vous, ou si vous estes sensible à la pitié qu'on doit auoir pour les miserables, croyez-moy Seigneur, executez ce qu'Olicarsis auoit entreprisen ma faueur, & sur tout ne soussirez pas que son innocence porte la peine d'yn crime

### LIVRE HVICTIESME.

que l'ay seule commis, C'est moy qui l'ay forcé à me preparer ce poison, & la seule crainte de me voir entreprendre sur la personne du Roy, a fait qu'il y a consenty: Ou bien Seigneur, si par quelque particulier interest que vous pourriez auoir en ma vie, vous auez des-sein de vous opposer à ma mort, changez s'il se peut, la volonté de Genseric, ie vous en coniure par Eudoxe si vous l'aymez, par les larmes que ie donne au souuenir de mes miseres, par vous-mesme, & enfin par ces bras dont l'attache vos genoux, & que ie ne quitteray iamais que vous ne m'ayez promis ce que le vous demande: Disant cela elle se ietta aux pieds de Thrasimond, & luy embrassa les iambes auecque tant de force, qu'il ne put la releuer si - tost qu'il eust voulu. En cet instant son courage sut tellement attendri, & ce qu'employoit Eudoxe à la conservation de son honneur, luy plut si fort, que son amour s'en augmenta, & luy fit iuger qu'il ne pouuoit rien arriuer de plus auantageux à sa fortune, que d'espouser celle qu'vne si vertueuse mere auoit pris soing d'esseuer; Outre cela, la gloire de voir à ses pieds vne Princesse à qui tant de peuples auoient obey, le flatta si doucement, que dessors il resolut de rien espargner pour la deliurer de la peine où cette crainte la retenoit: Cela fut cause que se defmeslant des bras d'Eudoxe le mieux qu'il put, 648 LA DERNIERE PARTIE D'ASTREE, il mit incontinent vn genotiil en terre, & l'ayddant à releuer, Madame, luy dit il, esperez en la bonté du Ciel & en mon amour, Genseric ioindrama mort à la vostre, ou si sa pitié me conserue, ie vous iute que sa passion ne vous perdra pas.

A ce mot il la quitta pour aller voir le Roy, mais il nele sceut treuuer dans le chasteau, car ce barbare n'ayant dans l'esprit que le dessein deruiner Eudoxe, & craignant par l'accident qui estoit dessa arriué, que la mort de cette Princesse luy sust vn obstacle à ses desirs, il resolut de la preuenir, & pour cet effect quand la nuict fut vn peu auancee, il prit dix ou douze Eunuques auceque soy, & par vne secrette porte entra dans le Palais où Eudoxe estoit detenuë, aussi-tost qu'il sceut que Thrasimond en estoit sorty, De fortune la Princesse auoit fermé la porte de sa chambre, ce qui fut cause que Genseric sut contraint de heurter, & Eudoxe l'ayant recognu à la voix, & ayant ouy murmurer ces Eunuques, se doubta d'abord du dessein qui l'amenoit; se voyant donc hors de moyen de se dessendre, elle mit contre la porte, la table & tout ce qu'elle put rencontrer, esperant que peut-estre au bruit qu'on seroit, Thrasimond viendroit au secours: mais quand elle eut vn peu soustenu ce siege, où la passion de Genseric combattoit contre la vertu d'Eudoxe, voyant que la patience du Roy se lassoit de

LIVRE HVICTIESME. 649 treuuer quelque chose qui luy resistast, elle sir vn dessein bien genereux pour vne femme. Elle prit donc auec l'ayde de ses deux filles, les paillasses & les mathelats qui estoient dans leurs licts, & les ayant rangez l'vn sur l'autre au milieu de la chambre, elle se saisit de deux flambeaux qui estoient allumez, puis y mettant le seu, cheres flames, s'escria-telle assez haut, soyez plus pures que celles de censeric, vangez-moy des pernicieux desseins de ce barbare, & permettent les Dieux que vous soyez pour luy aussi impitoyables qu'il l'a esté pour moy. Elle prononça ce peu de mots si distincte-ment, que le Roy n'en perdit pas vne seule parole; desorte que iugeant par là de la volonté de la Princesse, & craignant le malheur qui en pouuoit arriuer, il fit redoubler les efforts de ses sunuques, & fit tant qu'enfin la porte sut enfoncee; mais le seu qui s'estoit desia viuement allumé, & qui pour auoir esté retenu dans cette chambre où tout estoit clos, cherchoit où se faire vn passage, ne treuua pas plustost cette ouuerture qu'il fortit, mais auec vne violence si grande, que trois de ceux qui se rencontrerent les plus proches de la porte, en demeurerent estoussez Genseric affligé & surpris de cet accident se mit à suyr, & sans penser aux remedes qu'ó pouvoit apporter à ce seu ne songea qu'à se sauuer de l'embrazement, mais Thrasimond apres auoir longuemet cher-

Ss iiij

ché le Roy, voulant enfin s'en reuenir où estoit Eudoxe, ne vid pas plustost son Palais en seu, qu'il se douta bien que c'estoit vn essect du courage de la Princesse, ou de la vengeance de Genseric; & parce qu'il vid deuorer à ces stames toutes les douces esperances dont il s'estoit statté en la possession de sa maistresse, il su deuxoù trois sois sur le point de s'y aller precipiter, toutesois ne voulant rien entreprendre sans en auoir sçeu particulierement la verité, il commença de s'en informer de tous ceux qu'il rencontroit, mais on ne luy en dit autre chose, sinon qu'Eudoxe auoit recouru à cette extremité, pour mettre sin à sa servitude.

Cependant Vrsace & Olimbre, à qui le confeil des six cents auoit resusé le poison, s'essoient embarquez au port des Massiliens, stattez, comme ie le sceus depuis, de mille belles esperances qu'vn Astrologue leur auoit sait conceuoir: mais comme si le Ciel eust pris plaisir de mettre tous les iours de nouueaux obstacles à leur prosperité, il permit ensin qu'ils tombassent entre les mains d'vn Pyrate, qui faillit à leur oster auec la liberté tous les contentements qu'ils s'estoient promis. Ce Corsaire se nommoit Clorohalante, & vulgairement on le surnommoit l'Impireux, parce qu'outre qu'il estoit barbare de nation, & que mille crimes l'auosent banny d'Afri-

651

que, encore auoit il fait vn serment solemnel, de ne pardonner iamais à ceux qu'vne mauuaise fortune rendoit ses Esclaues. Aux vns il faifoit arracher les yeux, coupper le nez, les oreilles & la langue, & de cette sorte prenoit plaisir à les voir mourir d'vne mort lente,&quelquefois enragee; aux autres il faisoit arracher le eœur, ou s'il les laissoit en vie, c'estoit seulement pour quelques iours, car il les enuoyoit sur le riuage, où au lieu de Taureaux on les sacrissoit quelquefois à Neptune, & quelquefois à Mercure, comme au Dieu des larcins. Sa retraitte estoit ordinairement dans les Isles de la grande Bretagne, où son humeur auoit treuué des complices, & parce moyen vn refuge bien assuré. De cette sorte il alloit escumant vne partie de l'Occean, & bien souuent trauersant le destroit de Gibaltar, autrement dit terre esseue, il se iettoit dans la Mer mediterranee, & rauageoit insolemment toutes les costes d'Espagne. Ce sut donc par ce barbare, que le vaisseau où Vrsace & Olimbre s'estoient mis fut rencontré,&dans peu de temps inuesty & accroché; mais comme ces deux Cheualiers n'auoient pas accoustumé de redouter les perils, ils se saisirent chacun d'vn escu & d'vn coutelas, & ayants inspiré à quelques marchands la volonté de se defendre, s'auancerent sur la prouë pour empescher qu'on sautast dans leur vaisseau: quelques Mathelats à quile nom & l'humeur du Corsaire estoient 652 LA DERNIERE PARTIE D'ASTREE; cognus, voyants de tous costez la mort ineuitable, choisirent la plus glorieuse, & de cette sorte s'estants saisis de leurs armes, & s'estants ioints à Vrsace & à Olimbre, commencerent vn tres-aspre combat. Au commencement Clorohalante ne faisoit qu'en rire, recognoissant l'inesgalité des forces; mais quand par la valeur de ses ennemis, il eut veu mourir quantité de ses hommes, ce fut alors que la colere le saisit, & que se faisant armer il commença de vouloir combattre. A la veuë de ce cheftous ceux qui suiuoient sa fortune, prirent de nouuelles forces, & l'ayants pour guide, sauterent dans le vaisseau, où Vrsace & Olimbre disputoient leur vie si genereusement, que le moindre coup qui partoit de leurs bras estoit mortel à quiconque en estoit frappé: mais sans que ie m'amuse icy àvous redire par le menu toutes choses, il suffit que vous sçachiez que Clorohalante voyant le peu d'auantage qu'il emportoit de ce costé là, commanda qu'au mesme. temps on chargeast en pouppe, ce qui sut sait, mais si rudement que ceux qui la desendoient ne pouuants resister au nombre de leurs ennemis, leur laisserent enfin l'accez si libre, qu'en moins d'vn quar d'heure ils furent maistres du yaisseau; d'autant mieux qu'V rsace & Olimbrese voyants alors battus de tous costez, apres vne longue resistance, tomberent enfin l'vn aupres de l'autre, affoiblis par la perte du sang qui

estoit sorty de leurs blessures. Clorohalante plus glorieux de cette victoire, que d'aucun butin qu'il eust iamais fait, oublia le prix dont ill'auoit achettee, mais il ne perdit pas la memoire des grands efforts qu'il auoit veu faire à Olimbre & à l'esclaue qui auoit combattu aupres de luy: Cela fut cause que les ayants fait emporter dans son vaisseau, il les sit panser de leurs playes, resolu de les sacrifier solemnellemet, comme la plus glorieuse despouille qu'il eust iamais acquise, depuis qu'il auoit tenté les perils des armes & de la Mer. En ce dessein il tourna ses voiles du costé de la grande, Bretagne, &voyant ses vaisseaux poussez par vn vent assez fauorable, il voulut pour se diuertir apprendre qui estoient ceux dont la valeur luy auoient tant fait perdre d'hommes. Cela sut cause qu'aussi-tost qu'V rsace & Olimbre commencerent à se r'auoir yn peu, ils furent conduits deuant ce Corfaire, qui s'addressant à Olimbre, comme à celuy qui sembloit estre le maistre, luy demanda qui il estoit, & d'où il venoit. Olimbre pour le satisfaire, Clorohalante, luy dit-il, auec vn ton de voix qui tesmoignoit assez la generosité qui estoit en luy, ie suis Cheualier & Patrice Romain, mon nom est Olimbre, & si tu veux sçauoir quelle est la fortune qui m'a rendu ton captif, sçaches que pour sauuer la vie à vn amy, ie n'ay pas suiuy Genseric, quand tout glorieux des despouilles de Rome il est retourné en Affri-

654 LA DERNIERE PARTIE D'ASTREE, que depuis, n'ayant pu treuuer de la douceur en la vie, plusieurs considerations m'obligerent à rechercher la mort, & pour cela, l'allay demander le poison au Conseil des six cents, qui me l'ayant refusé, me contraignit de consulter vn Oracle, dont la responce me sit entreprendre le voyage d'Affrique; ainsi ie me mis dans le vaisseau, où tes armes ont triomphé des mienes, & m'ont sousmis à tout ce que tu voudras faire de moy. Pour cet Esclaue, ie ne te sçaurois apprendre sa fortune, car l'ayant achetté depuispeu, ie n'ay nulle cognoissance de luy, seulement ie commence à iuger par le combat qu'il a rendu aupres de moy, que son courage & son affection meriteroient vn sort plus heureux que celuy qui l'accompagne. Ce fut là tout ce qu'Olimbreluy dit, & Clorohalante quise ressouuint d'auoir autrefois ouy nommer ce nom, tout à coup prenant la parole, Ne fut-ce pas toy, dit-il, qu'Eudoxe enuoya chezle Roy des Vandales pour le solliciter de la deliurer de la tyrannie de Maxime? Olimbre ayant respondu qu'ouy, ce Corsaire sousrist, & s'estant mordu la pointe du doigt, c'est assez, dit-il, l'innocent souss'rira pour le coupable: Disant cela, il fit signe qu'on les ramenast, & comanda qu'ils fussent soigneusement pansez de leurs blessures. Deslors il sit dessein de se vanger en la personne de ce Cheualier, de toutes les iniures qu'ilauoit receniës de Genseric, & s'imaginant qu'il

feroit vn extreme desplaisir à ce Roy barbare, s'il faisoit esclatter sa hayne en cette occasion, il resolut de faire souffrir à Olimbre toutes les infamies dont il se pourroit souuenir; & pour l'affliger de bonne heure, il luy en fit porter la nouuelle, qu'Olimbre receut sans s'esmouuoir; mais parce qu'Vrsace eut peur de le suruiure, il commença à faire des regrets, que Clorohalante mesmes, quelque barbare qu'il fust, n'eust pu ouyr sans en auoir compassion. Il sçauoit, que sans luy, la vie de son amy n'eut iamais esté exposee à tant d'infortunes, de sorte que se trouuant coupable des maux qu'il souffroit, & de ceux dont il estoit menacé, il ne pouuoit s'empescher de maudirele iour qui l'auoit veu naistre. Olimbre disposé à souffrir toutes choses, faisoit tout ce qui luy estoit possible pour le cosoler, & luy representoit que le moment de sa mort seroit le plus glorieux de sa vie, & puis qu'il luy donneroit le moyen de luy faire paroistre en quel degréestoit son affection. Ils furent ainsi quelques iours, durant lesquels leurs blesfures furent entierement gueries, & comme si le Ciel eust esté lassé de les voir si long-temps miserables, il permit qu'vne tempeste s'esleua, mais si forte, que les vaisseaux de Clorohalante, contraints de ceder à la violence des orages, furent enfin portez parmy le reste des vaisfeaux, que Genseric auoit chargez des despouilles de Rome, & qui attendoient à la rade vn fa-

558 LA DERNIERE PARTIE D'ASTREE, uorable vent pour se remettre en mer, & là ayants esté mis à fonds, pris ou brussez en peu de remps, Clorohalante se tua soy-mesme, pour ne tomber entre les mains de Genseric. Cette deliurance inopinee fut vn presage de bon-heur à Vrsace & à Olimbre, qui se voyants deschargez de leurs sers, mouroient d'enuie de s'embrasser, mais ils en furent retenus par la crainte qu'ils eurent, que leurs caresses fissent recognoistre leur desguisement. Ils ne furent pas long temps sans auoir le vent qu'ils desi-roient, & bien-tost apres, sans voir les tours de Carthage, & parce que celuy qui auoit la conduitte des vaisseaux, voulut enuoyer à Genseric, outre la nouuelle de son arriuee, la desfaite de Clorohalante; Olimbre, comme en estant le plus irreprochable tesmoing, se chargea de cette commission. Il fit donc ietter vn esquis dans la Mer, où ayant fait descendre Vrsace & quelques autres, il partit sur l'entree de la nuict, mais à peine eut il esté vne heure ou deux en chemin, qu'il commença de descouurir le port, & peu à peu à distinguer quelques petites lumie-res semblables aux estoilles du Firmament, qui luy firent iuger qu'il n'estoit pas beaucoup essoigné de la ville: L'esperance de reuoir Eudoxe & Placidie, donnoit à Vrsace & à Olimbre vne si grande ioye, qu'ils en estoient commetransportez, & cependant qu'ils s'amusoient à deliberer de quelle façon ils auoient à se conduire

Livre Hvictiesme.

En cette premiere rencontre, tout à coup ils apperceurent vne espaisse fumee, meslee d'vn nobre infiny de grosses estincelles de feu, & quelquefois de grandes flames, qui tesmoignoient partir d'yn furieux embrazement. Cela leur fit arrester la veuë sur cet obiect assez déplorable, mais à mesure qu'ils s'approchoient dauantage, ils voyoient le feu plus grand, & quelque. fois il leur sembloit ouyr vn murmure confus de plusieurs voix assemblees, qui ne formoient que des cris & des gemissements. Il leur sut impossible de n'auoir compassion de voir deuorer tant de choses à cet insatiable Element, bien qu'ils ne sceussent pas qu'ils auoient en ce malheur plus d'interest que personne, car c'estoit le mesme seu qu'Eudoxe auoit allumé pour éuiter la violence de Genserie. Ilsne furent donc pas plustost arriuez au port, qu'Olimbre s'estant fait cognoistre, on courut promptement pour en aduertir le Roy, & cependant la curiosité l'ayant porté à s'enquerir de la cause de cet embrazement, il sceut bientost le bruit qui s'en estoit espandu par la Ville, qui estoit, que le seu s'estant pris dans le Palais où Eudoxe & ses deux filles estoient detenuës, elles n'auoient pu s'eschapper, & par consequent estoient mortes parmy les flames; qu'il y en auoit d'autres qui croyent qu'Eudoxe mesme l'auoit allumé, pour finir tant plustost sa captiuité. A cette triste nouuelle Vrsace tomba

658 LA DERMIFRE PARTIE D'ASTREE, de sa hauteur, & Olimbre demeura si confus, qu'il fut affez long temps sans pouuoir seulement ouurir la bouche: mais sans que ie perde du temps à vous reciter leurs regrets; puis que vous pouuez bien vous les imaginez, cognoiffant la cause qui les faisoit naistre, ie vous diray, qu'apres auoir fait mille plaintes contre le Ciel, dequoy il leur auoit fait surmonter tant de perils, ils accuserent les Dieux d'iniustice, comme s'ils ne les eussent conseruez, que pour les accabler soubs le faix d'vne plus pesante douleur. Enfin s'estants empeschez l'vn l'autre d'entreprendre sur leurs personnes, ils firent dessein de s'en retourner chez les Massiliens, s'assurants qu'alors ils auroient tat de sujet de mourir, qu'il estoit impossible que le poison leur sust resusé. A peine eurent-ils fait cette derniere resolution, queThrasimondarriua où estoit Olimbre, dautant que ceux qui estoient partis pour en aller porter la nouuelle au Roy, n'ayants pu parler au Pere, furent contraints de s'addresser au fils; & parce que depuis le voyage qu'Olimbre auoit fait en Affrique, il s'estoit parfaitement acquis l'amitié de ce Prince, Thrasimond sut bieaise de l'aller receuoir; ils ne se furent pas plustost embrassez, que Thrasimond prenant la parole, Vous estes arriué cher Olimbre, luy dit-il affez haut, en vn temps où vous trouuerez nostre Cour bien en desordre? Si ie neme trompe,respondit tristement Olimbre, i'en ay scett la prinla principale catise, & certes apres la pette de trois si belles Princesses, la ioye seroit bié hors de saison. Olimbre ne se put empescher alors de ietter vn grad souspir, & Thrasimond se faisant vn peu de violèce, pour netesmoigner pas le contentement où il estoit, s'approchant de l'oreille du Cheualier, ce malheur, luy dit-il fort bas, est tres grand en apparence, mais il est fort petit en effect. A ce mot le prenant par le bras, il le ramena dans le batteau, où personne n'estoit qu'Vrsace, qui disputoit entre la mort & la vie; & ayant fait esloigner les hommes & les flambeaux, lors qu'il crut ne pouuoir estre ouy que d'Olimbre, il luy tint ce discours, Cher amy, i'ay à vous faire icy deux confessions bien particulieres, l'vne qui regarde ma temerité, & l'autre la honte du Roy mon pere. A ce mot, il luy raconta comme il s'estoit rendu amoureux de la ieune Eudoxe, & de quelle façon sa recherche auoit esté receuë; En suitte de cela, il luy sit le recit de la violence dont Genseric auoit voulti vser contre Eudoxe, il luy parla de ma prison, à cause du posson que ie luy auois preparé, & enfin illuy dit de mot à mot tout ce qui s'estoit passé au dernier effort que le Roy auoit fait contre la chambre de la Princesse, & de quelle façon elle y auoit mis le feu: Apres cela, cher Olimbre, dit-il en continuant, il faut que vous sçachiez qu'Eudoxe n'a pas veu plustost ce feu allumé, que non pas l'horreur de la mort,

Dern.part.

660 LA DERNIERE PARTIÉ D'ASTREE, mais le regret d'estre cause de la perte de ses deux filles, luy est entré si auant dans l'ame; qu'elle n'a pu s'empescher de se retirer auec elles dans vne autre chambre où couchoient les deux ieunes Princesses, de laquelle ayant bien fermé la porte, & se souvenant de l'affection que ie luy ay vouee, elle a creu que peut-estre si elle eschappoit de ce peril, Genseric se lasseroit dans ses poursuittes, ou que ie trouverois quelque moyen de l'en guarentir. Certe consideration l'a fait consentir à ne mourir point encore, de sorte qu'ayant ouuert vne senestre qui regarde sur le iardin, dont ce Palais estoit embelly, elle a de fortune rencontré à ses pieds deux linceuls qu'elle a ioints ensemble, par l'ayde desquels elle a fait premierement descendre Eudoxe, puis Placidie, & enfin elle est descendue elle-mesme, ayant attaché contre la croisce les draps qu'elle auoit nouez. Alors Olimbre perdant patience, Eudoxe, dit-il, en l'interrompant, n'est donc pas morte? elle ne l'est pas, respondit Thrasimond, car aussi tost qu'elle a está dans ce iardin, elle a couru à vne petite maison qui est en l'vn des coings, & où se tient ordinairement celuy qui a le foing des fleurs & des parterres, & l'ayant esueillé, car comme vous sçauez, ces gens-là se couchent d'assez bonne heure, elle s'en est fait ouurir la porte, & foudain qu'elle a esté entree, mon amy, luy arelle dit, tout le Palais est en feu, à ce mot, le

lardinier, qui à cause de l'obscurité ne recognoissoit pas Eudoxe, est sorty insques dans le iardin, & n'a pas esté long-temps sans voir que le feu qui auoit desia gaigné la chambre, vomissoit de grosses flames par la fenestre d'où les Princesses estoient sorties: s'en retournat donc tout esmeu, Bons Dieux, a-til dit, que seront deuenuës ces belles prisonnieres? elles sont en lieu, a respodu Eudoxe, où leur vie depend desormais de toy, & situ en veux prendre le soing que tu dois, ie fay vœu de te rendre le plus heuteux home de ta condition. Disant cela, elle luy a fait allumer de la chandelle, & ce bon-home cout confus, luy ayant demandé ce qu'il auoit à faire, tout ce que ie veux de toy, a repris Eudoxe, c'est qu'il faut que tu nous caches, de peur que quelqu'vn nous surprenne icy, & puis que tu coures promptemét enseigner à Thrasimod le lieu où tu nous auras enfermees, & sur tout, que tu prennés garde qu'autre que luy n'arrache cette verité de ta bouche. Le iardinier alors netreuuat point de lieu plus commode qu'vne: petite caue, les y a fait descendre, & puis m'est venu rapporter ce qu'eudoxe luy auoit commandé. Il n'a eu no plus de peine à m'aborder, que moy à me demesser de tout le monde, car sçachez Olimbre, qu'en cet instant la Ville s'est treuuce en vne telle confusion, qu'à peine se pouuoit-on recognoistre parmy ce desordre. Ie l'ay doc suiuy dans sa petite maison, sur laquel-

662 LA DERNIERE PARTIE D'ASTREE, le tomboient desia quantité de grosses estinces les, qui me faisants craindre qu'enfin elle bruslast, m'ont empesché de m'arrester à doner aux Princesses des tesmoignages de maioye; mais les ayant emmences le plus secrettement que i'ay pu, chez vn de mes domestiques qui loge fort pres de là, i'ay donné quelque argent au iardinier, & luy ay deffendu sur peine de la vie; de parler iamais de ce qui estoit arriué. Les ayat donc laisses en seureté, ie suis reuenu au Chasteau pour voir le Roy, mais, si iene me trompe, l'horreur de cet accident a esté cause qu'il n'a voulu estre veu de personne; ainsi i'ay esté le premier qui a sceu vostre retour, dont ie vies me resiouyr, & vous assurer, cher Olimbre, que ie continuë dans la volonté de vous aymer & de vous seruir. Tel fut le discours de Thrasimond, dont Olimbre receut vne extreme ioye, & l'eusse dit incomparable, si celle d'Vrsace n'eust esté en vn mesme degré. Ce Cheualier déguisé auoit ouy tout ce que le Prince auoit raconté, parce que s'estant treuué dans le fonds du batteau, on n'auoit point pris garde à luy: & le contentement de sçauoir sa maistresse en vie le toucha si sensiblemet, que peus'en fallut, que sa ioye ne fist en luy ce que n'auoient encore pu ses douleurs & ses disgraces. Toutefois le Ciel qui le reservoit pour la felicité d'Eudoxe,ne permit pas qu'il mourust dans l'excez de ce plaisir, mais ayant suiuy Olimbre que Thrasimod em;

mena loger au Chasteau, ils ne surent pas plutost seuls, qu'ils commencerent à s'embrasser, & passerent presque tout le reste de la nuict dans le recit de leurs auantures.

Le lendemain Genseric sceut en mesme téps le retour de ses vaisseaux & d'Olimbre, mais le souuenir de ce qui luy estoit arriué, l'empescha d'en ressentir la ioye qu'il en eust euë en vne autre saison: Il fit pourtant à ce Cheualier le plus de caresses qu'il put, & voulant cacher à la posterité la veritable cause de la mort d'Eudoxe, il commença de bone heure d'inuenter des excuses pour couurir le crime qu'il auoit commis. Olimbre fit semblant de croire tout ce que le Roy voulut, & donnant à la perte de ces trois Princesses mille souspirs feints, il prit garde que la memoire d'vne fin si tragique, touchoit le Roy de quelque sorte de repentir. En effect, il en receut vn regret si sensible, qu'on le lisoit dans ses yeux, & pour laisser quelque marque de l'estime qu'il auoit faite d'Eudoxe, bien que captiue, il en fit chercher le corps parmy les reliques de l'embrazement. On treuua donc les trois Eunuques, que la flame auoit estouffez, mais comme ils estoient en partie consommez, & qu'il ne restoit de chacun d'eux qu'yne masse sans forme, on crut facilement que c'estoient les corps de la Princesse & de ses deux filles. Ainsi Genseric se disposa de leur faire dresser yn monument aussi superbe, que leur

Tt 11j

condition auoit esté malheureuse, & les ayant fait enfermer dans vn cercueuil d'argent, commanda qu'ils fussent soigneusement gardez.

Cependat Thrasimond qui craignoit qu'eudoxe ne fust pas en assez de seurté dans la Ville, l'auoit fait emmener dans vne tres-belle maison qu'il auoit aux champs, fort peu esloignee de Carthage. Aussi-tost qu'il le put il y mena Olimbre soubs pretexte de le diuertir, mais soudain qu'eudoxe le vid, elle en demeura si surprise, qu'elle faillit à pasmer : Toutefois enfin s'estant un peu remise, & ayant desiré de parler à luy en particulier, elle l'emmena dans yne autre chambre, laissant Thrasimond auecque la ieune sudoxe & Placidie. Aussi tost qu'elle se vid seule auecque ce Cheualier, elle r'appella das sa memoire tous les services d'Vrsace, & le souvenir de sa mort commença del'affligerauec tant de violence, que ses larmes & ses souspirs l'empescherent long-temps de parler: enfin soudain qu'elle put ouurir la bouche, & bien Olimbre, luy dit-elle, que vous semble de ma destince ? ne suis ie pas malheureuse, d'estre contrainte de viure apres la perte. de vostre amy? disant cela, sa voix se perdit parmy ses sanglots, & Olimbre prenant la parole, Madame, luy respondit-il, puis que le Ciel l'ordonne de la sorte, vous estes extremément louable de vous sçauoir conformerà sa volon-

665

té, & peut-estre pour vous en recompenser, il permettra quelque iour que vous soyez deliuree d'vn si fascheux souuenir. Helas! reprit Ludoxe, qu'au contraire, ce seroit bien me punir; car sçachez Olimbre, que quelque affliction, & quelque mal que cette memoire me rapporte, l'aymerois mieux mourir, que ne la conseruer pas: mais, continua-telle, puis que mes pleurs ne le sçauroient l'appeller, dittes moy, Olimbre, quelque chose de vostre voyage, & ie vous feray part de mes malheurs? Madame, dit le Cheualier, le Prince Thrasimond m'a conté vne partie de vos affaires, & pour ce que vous desirez sçauoir de moy, l'auray bien tost satisfait à vostre curiosité: Alors il luy parla des derniers deuoirs qu'il feignoit auoir rendus à Vrsace, & puis luy raçonta commeil auoit esté fait captif par Clorohalante, apres que le conseil des six cents luy eut resusé le poison, sa deliurance, & enfin son arriuee à Carthage, sans autre suitte que d'vn esclaue qu'il auoit achépté pour luy donner. A ce mot, Eudoxe apres auoir seiché les larmes que ce discours luy auoit fait verser, quoy que ce soit, dit-elle, qui vienne de la main d'Olimbre, me sera tousiours en particuliere consideration; mais si vous mele donnez, ie veux que ce soit à condition que ie luy rendray la liberté; Madame, dit Olimbre en s'en allant, ie ne pense pas qu'il la veuille: A ce mot il sortit, & s'en alla querir Vrsace, qui dans

Tt iiij

666 LA DERNIERE PARTIE D'ASTREE, l'impatiece de voir celle qui disposoit de sa vie, sentoit en son ame des mouuements du tout extraordinaires. Enfin saiss d'amour, de crainte, & de respect, il fut conduit en la presence d'Eudoxe, & soudain qu'il sut enti é dans la chambre il s'alla ietter à ses pieds, & commença de luy embrasser les genoux le plus fort qu'il put: Alors la Princesse luy mettant vne main sur la teste, ie vous reçoy pour mien, luy dit-elle, puis qu'Olimbre le veut, & vous oste dés à cette heure le nom d'Esclaue, pour vous donner celuy d'Affranchy; à ce mot, elle luy commanda de seleuer, mais Vrsace haussant la voix, Madame, respondit-il, vn autre vous rendroit graces de cette bonnevolonté, mais pour moy ie ne croy point de felicité comparable à ma seruitude: Ie l'auois bien dit, reprit Olimbre, qu'il ne receuroit pas la liberté que vous luy vouliez donner. Disant cela il ietta les yeux sur la Princesse, & vid qu'elle auoit changé de couleur, & de fait, à la voix d'Vrsace tout son sang s'esmeut, & s'estant vn peu reculee pour le voir au visage, V rsace se leua, & Eudoxe toute surprise, Bons Dieux, ditelle, n'est-ce pas V rsace que ie voy ? Ce l'est, Madame, respondit-il en s'approchant, qui est venu chercher aupres de vous, la mort que les Dienx & les hommes luy ont refusee. O douce tromperie, s'escria Eudoxe, ô cher Vrsace! à ce mot se iettant à son col, elle demeura quelque temps pasmee entre ses bras. Enfin s'estant remise, Vrsace luy rendit compte de tout ce qui luy estoit arriué, & Olimbre apres cela prenant la parole; Madame, dit-il, outre que l'abit dont Vrsace est reuestu, conuient parfaittement à l'e. stat où est son ame aupres de vous, encore ay-ie creu qu'il ne s'en pouvoit trouver de plus fauorable pour le cacher à la cognoissance de Genseric. Vous sçauez Madame qu'il n'ignore pas que ce sut ce Cheualier qui tua Maxime pour vous vanger, & qu'il est croyable qu'ayant fait presque la mesme faute contre vous, il craindroit auecque raison une punition semblables C'est pour cela que ie serois d'auis que vous fussiez vn peu retenuë en vostre ioye, afin que Thrasimond mesmes, qui pourroit auoir quelque part aux sentiments de son pere, ne se puisse iamais apperceuoir de ce déguisement. Eudoxe treuua bon le conseil d'Olimbre, de forte qu'apres auoir remercié les Dieux de la conservation d'Vrsace & de son retour, elle reuint où estoit Thrasimond, qui apres quelques tesmoignages receus de l'amitié de sa maistresse fit signe à Olimbre qu'il estoit temps de retourner à Carthage, pour voir en quelle humeur seroit Genseric. Vrsace toutesois demeura aupres d'Eudoxe, mais ie ne m'amuseray point à vous parler de la douceur des entretiens qu'ils eurét ensemble, parce qu'en mesme temps genseric faillit à se vanger sur moy de tous les desplaisits qu'il auoit ressentis en la pretendué mort d'Eu668 LA DERNIERE PARTIE D'ASTREE,

doxe, & n'eust esté que Thrasimond (à qui, come ie vous ay dit, i'auois conserué la vie) luy representa que le moins qu'il pouuoit faire pour moy, c'estoit de me rendre la pareille, ie ne pése pas qu'il ne m'eust fait soussiri vn tres-infame

Supplice.

Olimbre fut quelques iours à la Cour, sans auoir autre contentement, que celuy qu'il receuoit de l'amitié de Thrasimond & de Placidie, qu'il voyoit quelquefois, sous pretexte d'accompagner le Prince a la chasse : car le Roy, à qui le souvenir de cet embrazement causoit vn ennuy perperuel, sans se contraindre infinimet, ne pouuoit faire bon visage à personne. Il est, comme ie vous ay dit, d'vn naturel assezbarbare, & pourtant il ne laisse pas d'aymer l'honneur; de sorte que recognoissant bien que cette derniere action luy estoit honteuse, il s'en affligeoit outre mesure, & faisoit tout ce qui luy estoit possible pour en esteindre le souvenir. Olimbre doc voyant qu'il n'auançoit rien là pour les affaires d'Eudoxe, sit dessein de retourner chez Marcian, esperant que l'authorité de cet Empereur pourroit quelque chose pour la liberté de cette Princesse; mais Thrasimond, qui auoit vne autre pensee, lors qu'Olimbre luy eut communiqué son intention, ie suis bien d'auis, luy dit-il, que vous fassiez semblant de prendre congé du Roy, afin que vous puissiez iuger & son affection, pour vous, est encore aussi grande

qu'elle a esté; mais iene veux pas que vous m'abandonniez, car ie me veux seruir de vous, s'il faur faire quelque effort à l'auantage d'Eudoxe. Olimbre ayant promis d'obeyr à tout ce qu'illuy commanderoit, s'en alla treuuer Genferic, & luy proposa que ne luy pouuant rendre aucun seruice, il ne voyoit pas quel suiect le pourroit obliger à estre là dauantage, que pour cela il le supplioit tres-humblement de luy donner la permission de s'en retourner, l'asfurant qu'il luy seroit tousiours tres-obligé, s'il luy vouloit faire l'honneur de luy continuer l'amitié qu'il luy auoit si souvent tesmoignee. LeRoy, qui veritablement aymoit ce Cheualier, & quisçauoit bien que la mort de Placidie qu'il auoit ouy dire luy estre promise, le deuoit auoir extremément offensé; resolut en cet instant de ne le laisser point partir sans quelque fatisfaction, & pour cela il le pria de ne penser point encore à son départ de quelques iours, apres lesquels il seroit en liberté de faire tout ce qu'il youdroit : Olimbre montra d'estre content de demeurer autant de temps qu'il luy commanderoit, & le Roy ayant communiqué à Thrasimond le dessein d'Olimbre, luy demanda ce qu'il auoit à faire pour s'obliger entierement ce Cheualier. Le Prince luy proposa plusieurs moyens, & sut bien aise de voir que l'affection du Roy alloit encore au

dessus de son esperance. Cela sut cause qu'il en aduertit Olimbre, & luy dit, que s'il sçauoit se preualoir de cette occasion, il pourroit disposer Géseric à tout ce qu'il voudroit. Olimbre rauy de cette assurance, le supplia de faire en sorte qu'eleRoy se portast iusqu'où estoit Eudoxe, & luy dit, que le meilleur moyen estoit de le disposer à se vouloir diuertir aux champs, & d'aller disner dans cette maison, puis que c'estoit le plus beau lieu qui sust au tour de Cartage. Thrasimond ne treuua pas de la dissiculté à faire reüssir ce dessein, & de sait à la premiere proposition qu'il en sit au Roy, ils prirent iour pour cela.

Le Cheualier cependant aduertit Eudoxe de sa resolution, & bien qu'elle y treuuast de la difficulté, elle ne laissa pas de l'approuuer, s'assurant sur l'amour d'Vrsace, sur les promesses de Thrasimond, & sur la fidelité d'Olimbre. Le iour donc estant venu, Genseric, Thrasimond, Olimbre, & quantité des plus apparents de Carthage, partirent affez matin, & apresauoir employé trois ou quatre heures à la chasse, vindrent enfin descendre dans cette maison, où le Prince auoit mis ordre que les tables fussent dressees dans vne grande sale, qui estoit tout contre la chambre des Princesses, & là soudain apreslerepas, Olimbre s'adressant au Roy, le supplia de luy vouloir accorder le congé qu'il luy auoit desia demandé, luy representant que

Livre Hvictiesme. 671

l'aage où il estoit, ne luy permetroit pas d'estre si log teps esloigné des occasios qui pouvoiet ayder à la reputation d'vn homme; Genseric alors auec vn visage où se voyoit peinte l'amitié qu'il auoit pour luy, cher Olimbre, luy dit-il, ie treuue vostre dessein si legitime, que l'aurois honte de m'y opposer plus longuement, il est vray que i'ay bien du regtet de ne vous pouvoit donner d'assez grandes preuues de l'affection que ie vous porte, mais en attendant que i'en rencontre les occasions, receuez la volonté que ie vous presente, & souuenez-vous que ie ne pourray iamais rien pour vostre contentement que ie ne le fasse, Seigneur reprit Olimbre, apres l'auoir remercié, vous pouuez en vn moment faire pour moy deux grandes choses, & si ie ne craignois d'estre refusé, ie prendrois la hardiesse de vous les demander. A ce mot le Roy ayant iuré solemnellement de ne luy refuser chose quelconque dont il le pust requerir, Olimbre mit vn genoüil en terre, & luy ayant baisé la main, Seigneur, continua-til en se releuant, puisque vous me le permettez, ie vous demande la liberté d'Eudoxe & d'Olicarsis: Disant cela, Thrasimond sit ouurir la chambre où cette Princesse estoit, toute tremblante auec ses deux filles, & le Roy surpris d'vn accident si peu attendu, demeura quelque temps sans se r'auoir, enfin touché des larmes d'Eudoxe, qui se vint incontinant ietter à ses pieds, tenant

LA DERNIERE PARTIE D'ASTREE; d'vne main Placidie, & de l'autre sa sœur, il accorda la supplication d'Olimbre, & promit dessors de la traitter en Princesse, & non pas en Esclaue. Thrasimond qui se voulut seruir du temps, supplia Genseric de luy donner la ieune Eudoxe pour femme, & le Roy recognóissant l'auantage que cette alliance luy pouvoit apporter, ne fit nulle difficulté d'y consentir. Parmy cette commune ioye ie ne fus pas oublié, car en cet instant Genseric commanda qu'on me vint querir, mais moy qui sçauois que iamais on ne fortoit de la prison où i'auois esté mis, que pout estre conduit au supplice, l'auouë qu'estant tout disposé à mourir, i'eus de la peine à croire que ce qu'on me disoit ne fust vne tromperie: Enfin mes yeux meguerirent de ce soupçon, car ayat esté mené au Roy, ie ne sus pas plustost dans la salle où toute cette Cour estoit assemblee, que ie recognus Eudoxe, & receus en mesme temps le pardon qui me pouuoit assurer de la vie.

La nouvelle de cet accident fut bien tost racontee dans la ville, de sorte que tout le monde estant sorty à la rencontre du Roy & de Thrasimond, les Princesses furent conduittes au Chasteau, auecque la mesme cercmonie qu'on eust faite en quelque entree magnisque. Vrsace seul ne s'en pouvoit bien consoler, à cause qu'ayant sceu les premiers mouvements de Genserie, il en redoutoit la continuation, toutes ois luy estant permis sous l'habit dont il estoit LIVRE HVICTIESME. 673
reuestu, d'estre presque tousiours où estoit Eudoxe, il sceut bien-tost que dans les larmes de ioye que le Roy versa à la rencontre de la Princesse, il auoit noyé le seu de son impudicité: & de sait quelque temps apresil la renuoya le plus honorablement qu'il pust à Constantinoplé, auec Placidie sa fille, où elle ne sut pas plustost arriuee, qu'Vrsace l'ayant espousee auec solemnité, receut le bien que la fortune luy auoit fait achetter si cheremet, & qu'Olimbre par le commandement de Marcian & le consentement d'Eudoxe, gousta entre les bras de Placidie le repos qu'Amour deuoit à sa fidelité.

Fin du huictiesme Liure.





LA

## DERNIERE PARTIE

## DASTREE

LIVRE NEVFVIESME.

Peine le grand Olicarsis eut acheué ce discours, que Phillis entra, mais i hors d'haleine, qu'elle estonna toute la compagnie, & particulierement Adamas & Bellinde, qui eurent peur qu'elle leur vint donner quelques mauuaises nouuelles touchant les affaires d'Astree, de Diane & d'Alexis: Cela fut cause que le Druyde, qui iugea que s'il estoit arriué quelque chose de sinistre, il n'estoit pas à propos que Bellinde l'apprist si promptement, se leua pour luy aller à la rencontre: & cette belle Bergere ne fut pas plustost aupres de luy, qu'auec vn estonnemet nompareil, Mon pere, luy dit-elle, i'ay à vous dire la plus memorable chose qui sera iamais; Astree & Diane sont trouvees, elles sont endor-Dern. part.

mies assezpres de la fontaine de la verité d'A3 mour; quantité de bergers & de bergeres sont arrestez à les considerer, mais il ne se treuue personne qui ait assez de courage pour s'en approcher: car, & c'est ce que i'y ay veu de plus estrange, les deux Licornes sont couchees aupres d'elles, & renants leur teste appuyee sur les genoux de mes compagnes, elles lancent de si esseroux de mes compagnes, elles lancent de si estroyables regards contre ceux qui les veulent aborder, qu'il n'y a berger qui l'ose entre-

prendre.

Ce discours estonna extremémet le Druyde, pource qu'il luy fit voir clairement le dessein de ces deux Bergeres,& ce qui le mit dauantage en peine, ce sut qu'il s'imagina que peut estre estoient-elles dessa mortes, & que personne n'ayant osé les approcher, il estoit croyable qu'on auoit pris opinion qu'elles dormoient: Toutesois ne voulant pas dire ouuertement à Bellinde ce qu'il en croyoit, il s'approcha d'elle, &luy raconta ce que Phillis auoit veu : Aussitost Bellinde se leua, & dans l'excez de sa ioye oubliant ce qu'elle deuoit à Rosanire & à Galatee, elle voulut sortir de la gallerie pour courir auecque plus de liberté au lieu où elle croyoit treuuer Diane, mais Adamas l'en empeschant, ne vous hastez pas, luy dit-il, sage Bellinde, nous les aurons bien ces fuytiues, sans que vous preniez la peine d'aller apres elles; Pardonnez, respondit Bellinde, au ressentiment d'yne mere

qui ne peut souffrir qu'on luy differe pour vn feul moment le plaisir que luy rapportera la rencontre de cette desobeyssante, iene sçaurois viure si ie ne la vois, & priis que Phillis a dit où ie la puis treuuer, par pitié, permettez que ie l'aille querir, & que ie la rameine. Mon dessein n'est pas, reprit le Druyde, d'empescher que vous ne la reuoyez, au contraire ie croy qu'à celama diligence seruira mieux que la vostre, mais puisque Phillis sçait si bien le lieu où sont ces deux bergeres, ie suis d'auis qu'elle me serue de guide, & sans que vous en ayez l'incommodité, ie prends sur moy la charge de vous les amener. Pour lemoins mon pere, dit Galatee, ayant sceu cet accidét, vous ne refuserez pas nostre compagnie, car cette rencontre est si belle, qu'il n'est personne de nous qui ne soit bienaile d'en pouuoir estre tesmoing? Comment, reprit Bellinde, voyant qu'Adamas estoit prest d'y consentir, ie serois donc celle qui auroit eu le plus d'interest en ces filles, & qui auroie le moins contribué de peine à les r'auoir; ie meure, continua-telle, si ie ne franchis toutes sortes de considerations, & si ie n'ayme mieux me rendre coupable de vous auoir desobey, que manquer à les aller voir en quelque lieu qu'elles puissent estre. Adamas l'en voulut encore dissuader; croyant tousiours que ces belles filles n'estoient plus en estat

LA DERNIERE PARTIE D'ASTREE, de luy donner aucun contentement, mais ses raisons n'estants pas si fortes que l'amour & l'impatience de Bellinde, il fallut enfin qu'elle fust de la partie. Ils se mirent donc tous ensemble en chemin, & le Druyde ayant demandé à Phillis par quelle rencontre Astree & Diane auoient esté treuuees, cette belle fille luy refpondit; Il faut que vous sçachiez, mon pere, que ce matin nous estans separez comme nous auions fait hyer, & chacun ayant pris pour foy vn endroit particulier, afin de faire nostre recherche plus exactement, il est arriué que Lycidas a voulu aller du costé de la fontaine; ie lny ay dit aussi le lieu où i'allois, & en cas que l'vn de nous apprist quelques nouuelles, nous auons pris nostre rendez-vous sur le milieu du iour, au mesme lieu où nous nous rencontrasmes hyer, qui est sur le bord de Lignon: Iem'y fuis renduë plustost que luy, pource qu'à la verité ie commençois de ne plus rien esperer de mes soings ny de ma recherche, & apres l'y auoir attendu quelque peu de temps, enfinie l'ay veu venir affez viste, mais aussi affligé qu'il l'estoit quand il m'auoit quittee le matin. Aussi tost qu'il a esté aupres de moy, Ma Phillis m'atil dit assez froidement, si vous voulez voir Astree & Diane, elles ne sont pas beaucoup esloignees d'icy, ie les ay veuës l'vne pres de l'autre, qui dorment fort profondement, alors en l'interrompant, vous auez veu Astree? luy

ay-ie dit tout estonnee, ah! mon Lycidas, pour Dieu conduisez-moy où elle est, & ne me tenez plus en peine; Ie l'ay veuë vrayment, m'aril respondu, & bien-tost ie vous donneray la commodité de la voir aussi; mais a-til continué, si vous m'aymez, ne m'obligez pas à parler à elle, ny à m'en approcher, car son abord me sera desormais si funeste, que iene croy pas que la mort me pust faire tant d'horreur que son visage: Vous estes en colere, luy ay-ie dit, mais il me semble que vous deuriez maintenant estre satisfait, puis qu'elle vous a demandé pardon ? ah Dieux, a repliqué ce Berger, que les paroles sont foibles, pour reparer l'iniure que l'ay receuë en la personne de mon frere; disant cela, nous allions tousiours nous approchant, & dés qu'il a puremarquer le lieu où sont mes compagnes, pour le moins où ie les ay laissees : voyez-vous, m'a-til dit ce vieil Autel, que les annees ont en partie desmoly, elles sont couchees au pied de quelques degrez sur lesquels il est esleué, ie voyois bien ce qu'il me marquoir auecque le doigt, mais ne voulant pas qu'il me quittast, ie l'allois tousiours traisnant peu à peu, & seignois de ne pouvoir remarquer l'endroit qu'il me designoit: enfin, quand i'ay comence d'apperceuoir Astree & Diane, il me semble, luy ay ie die, que ie voy à peu pres ce que vous me marquez, mais c'est si confusément, que si vous n'y venez auecque moy, ie crains de ne le pouvoir trou-Vu iii

LA DERNIERE PARTIE D'ASTREE, uer qu'auecque peine; helas, m'a-til respondu, voulez-vous que ie voy e encore vne fois la cause de tous mes desplaisirs ? à ce mot il a yn peu leué les yeux, & voyant que nous en estions plus proches qu'il ne croyoit, sans estre aueugle a-til adiouté, yous ne sçauriez les mescognoistre d'où nous sommes; disant cela, i'ay pris garde qu'il les regardoit fort attentiuement, & tout à coup i'ay ouy que prenant la parole: mais, a til cotinué, ie voy quelque chose aupres d'elles qui n'y estoit point, quand ie les ay rencontrees; helas, ay ie dit, seroit-ce point Alexis? cette esperance nous a fait haster, mais lors que nous n'en auons plus esté essoignez que de quarante ou cinquante pas, tout d'yn coup Lycidas s'arrestant; ma maistresse, a-til dit, pour Dieu ne passez pas plus outre, ie voy aupres d'elles deux animaux, dont les regards nous menacent, & si ie ne me trompe, ce sont les deux Licornes qui gardent la fontaine de la verité d'Amour. l'auouë la verité, mon pere, dés ce moment l'ay fenty qu'yne secrette srayeur s'est glissee dans mes veines, & i'ay esté bien aise dequoy en cet instant Hylas & A draste ont paru vn peu à costé de nous, car soubs pretexte de les aller aduertir. de cette nouveauté, ie me suis essoignee de leur furie mais pourtant ayant vn peu repris de courage, ic suis encore reuenue auec eux, & me sentant vn peu plus forte en leur compagnie, i'ay consideré à loisir la contenance de mes compa-

gnes; ie les ay donc veuës en l'estat que Lycidas m'auoit depeint, c'est à dire couchees au pied des degrez de cet Autel, & de plus, i'ay remarqué qu'elles se tenoient embrasses, & que les deux Licornes s'appuyoient sur leurs genoux. l'eusse bien desiré que ces deux animaux eussent eu autant de peur de moy, que i'en auois d'eux, afin de nous laisser plus libre l'accez de mes copagnes, mais ils n'en ontiamais voulu partir, & pas vn de ces bergers n'a osé s'en approcher dauantage. Voyant donc que ie ne gaignois rien de demeurer-là, i'ay iugé qu'il estoit à propos de vous en venir donner aduis, ce que l'ay fait, & en venant, i'ay rencontré Celidee, Thamire, Stelle, Doris & plusieurs autres, à qui i'ay enseigné le lieu où ils pourroient estre tesmoins de cette auanture. Pour rien du monde, dit Adamas, ie ne voudrois que cela ne fust ainsi; s'il est vray, continua-til, pliant les espaules, qu'il n'y ait rien de plus funeste que ce que vous nous auez raconté; car, Astree, qui craignoit si fort qu'on iugeast mal de sa vertu, à cause du desguisement & de la feinte de Celadon, aura par là vne preuue irreprochable de sa pureté, d'autant que c'est le propre de ces animaux de ne s'approcher iamais d'vne chose qui aura quelquefois esté polluë.

Auec semblables discours toute cette compagnies'alloit entretenant, cependant qu'en ce mesme temps Alexis & Sylvandre estoient en

682 LA DERNIERE PARTIE D'ASTREE, chemin, pour aller mettre en execution l'entreprise qu'ils auoient faite le iour auparauant; ils s'estoiet esueillez vn peu plus tard qu'ils n'eussent desiré, car ils craignoient que le Soleil, pour estre vn peu trop haut, leur fist rencontrer quelque obstacle à leur dessein; toutefois, estants bien resolus de passer au dessus de toutes sorres de considerations ils partirent, & sans penser à autre chose qu'à ce dernier moment qui les deuoit affranchir des tyrannies de la fortune, ils marcherent auec tant de diligence, qu'ils arriuerent en fort peu de temps aupres du mesme Autel où Astree & Diane s'estoient endormies: Alexis fut la premiere quiles apperceut, - & pource que cette rencontre la surprit, elle s'arresta tout à coup, & Syluandre qui remarqua son estonnement, luy en ayant demandé la cause, helas! cher amy, respondit Alexis, ne seriez-vous pas l'homme du monde le plus surpris, si, comme Astree vient de se presenter maintenant à moy, Diane vous donnoit encore vne fois le plaisir de reuoir son beau visage? i'en serois vrayment estonné, dit Syluandre, car - tant s'en faut que ce soit vn bien que ie puisse attendre, que le tiens pour impossible que cela soit iamais, & pourtant, reprit Alexis, si vous iettez les yeux du costé de cet Autel qui paroist vn peu esleué das la plaine, & qui n'est pas beaucoup esloigné de nous, vous verrez aupres d'Astree vne bergere à qui vous ne voulez point de

mal. Syluandre alors ayant porté sa veuë iusques-là, & ayant bien remarqué Diane, changea deux ou trois fois de couleur, & dans ce rauissement pouuant à peine ouurir la bouche; ah Dieux! s'escria-til, ah Diane! à ce mot redoublants vn peu le pas, ils s'approcherent si fort de ces bergeres, qu'ils purent remarquer jusqu'au moindre des traits de leur visage, & Alexis qui se ietta d'abord aux pieds d'Astree; belle mauuaise, dit-elle tout bas, auec vn profond souspir, le Ciel n'est-il pas bien iniuste de t'accorder tant de repos, apres auoir auecque tat de hayne causé la perte du mien ? & Syluandre alors, & toy Diane, dit.il, viens-tu sur cet Autel remercier les Dieux, dequoy ils t'ont accordé la possession de Paris, où si tu viens te plaindre à eux dequoy ils t'ont rauje à l'amour inuiolable de Syluandre? à ce mot se taisants pour vn peu: mais, belle Aftree, reprit Alexis, qui m'es encore chere parmy la rigueur des supplices que tu me sais soussirir, ne sçaurois-ie lire dans tes yeux le suject qui t'a fait entreprendre ce voyage? ah sommeil, ne m'es tu pas aussi cruel que tu es doux à cette inhumaine? permets Dieu du repos & du soulagement, qu'vn seul de ses regards precede le dernier momét de ma vie? mais que i'ay peu de raison de t'inuoquer, continua telle en se reprenant, la cruauté d'Aftree ne m'a-telle pas appris que les Diuinitez sont quelquesois insensibles. Belle Diane, ad-

684 LA DERNIERE PARTIE D'ASTREE, souta Syluandre, portant doucement la bouche sur l'une de ses mains, reçoy ce peu de larmes dontie mouille la blancheur de tes lys, pour le dernier tesmoignage d'amour que tu dois obtenir de ton Berger; reçoy, belle bouche ce funeste & deplorable adieu; & s'il est possible que ma passion inspire encore quelque chose dans ton ame, ne souffre iamais que mon nom meure das ton souvenir: disant cela il se hazarda de la baiser; & bien qu'il pressaft vn peules levres de cette Bergere, elle ne s'esucilla pas pourtant, car le long-temps qu'elle auoit demeuré sans dormir, rendoit son sommeil si pesant, qu'il eust esté bie difficile de le chasser. Alexis de son costé desroba la mesme faueur sur la bouche d'Astree, & puis regardant Syluandre; mais, Berger, luy dit-il, à qui deuons-nous cette grace, si ce n'est à leur peu de sentiment? retirons-nous Syluandre, & ne meslons pas ces douceurs parmy les amertumes que nous goustons, laissons le repos à ces beautez que nous auons si respectueusemet adorees,&n'attendons pas que leur resueil condáne de temerité les dernieres actions de nostre vie; allons, respondit Syluandre, où nous appelle nostre destinee, allons Alexis, allons mourir: mais encor vn coup, continua til, rebaisant la main de Diane, Adieu la plus aimable de toutes les beautez que Lignon a veuës sur ses riuages, adieu Diane, adieu l'obiect de mon amour, & la / cause de mes supplices, à ce mot il se leua, & ouyt

685

qu'Alexis disoit, & toy la plus belle, & la plus inhumaine qui fut iamais, chere Aftree, s'il arriue que la fureur des Lyons & des Lycornes laisse quelques reliques de moy qui te puissent apprendre ma deplorable & genereuse fin, souuiesroyque monamour l'a choili, ce genre de mort, & que ta rigueur en a esté la cause; ie ne demãde pas au Ciel qu'il me vange de ta cruauté, mais ie conjure les Dieux qu'ils re rendent mon innocence & ma fidelité si cognuës, que tu ne puisses iamais doubter, que comme l'ay estéle plus discret de tous les Amants, tu n'ayes esté la pluseruelle de toutes les Maistresses : disant cela elle se leua aussi, & prenant Syluandre par la main, se mit à suiure parmy quelques arbres le chemin qui les pouvoit mener droit à la fontaine.

Cette rencontre se fit cependant que Lycidas estoit allé aduertir Phillis du lieu où il auoit déja trouué ces bergeres, & durant le temps qu'ils mirent à reuenir, Alexis & Syluandres approcherent si fort de la sontaine enchantee, que les deux Lycornes qui les apperceurent les premieres, laisserent les Lyons en garde, & s'en vindrét droit à eux. Alexis qui n'auoit autre volonté que de mourir, les attendit de pied serme, & Syluadre qui n'estoit pas porté d'vn moindre desir, ouurit les bras pour receuoir dans son estomach le coup mortel qui le deuoit oster du nobre des hommes: Mais les Lycornes qui estoient venuës

686 LA DERNIERE PARTIE D'ASTREE. de front, & extremément serrees, ne furent pas plustost à cinq ou six pas d'eux, qu'elles s'ouurirent, & passerent à leurs costez sans leur faire aucun dommage. Cet accident qui trompa leur esperance les laissa grandement confus, desirats toutesois d'apprendre à quoy celase termineroit, ils tournerent la teste,& se mirent à les suiure de l'œil: ils virent donc qu'au petit pas elles s'approcherét de Diane & d'Astree, & qu'apres auoir vn peu mangé de l'herbe qui estoit assez grande en cet endroit-là, elles se coucherent en terre,& appuyerent leur teste sur le giron de ces bergeres: au comencement ils eurent peur que ces animaux leur fissent quelque iniure, & s'auancerent pour les secourir, mais ils ne les viret pas plustost couchez qu'ils s'arresterent, bien estonnez de voir tant de douceur, où ils auoient creu rencontrer tout ce que la Nature a iamais fait de plus farouche.

Ils estoient encore dans cette consideration, quand ils virent venir Lycidas & Phillis: de sorte, que de crainte d'estre apperceus ils s'assirent en terre, & s'estants cachez derriere vne petite haye, ils suret quelque temps à remarquer leurs actions & leur estonement; ensin ils virent que Phillis quitta Lycidas, & vn peu apres ils apperceurent Hylas, Adraste, & les autres à qui cette bergere auoit donné la nouuelle du recouurement d'Astree & de Diane. Alexis voyant doc qu'il s'assembloit-là quantité de personnes, se

tournant froidement à Syluandre; & vous Berger, luy dit-elle, ne voulez-vous point aller trouuer toute cette bone compagnie? ne seriezvous pas mieux aupres de ces bergers, qu'aupres de moy, de qui la conuersation est si contagieuse, qu'elle inspirele dessein de mourir à tous ceux qui me rencontrent? vostre presence, respondit Syluandre, n'a pas produit cet effect en moy, puis qu'au contraire ie puis dire qu'elle l'a empesché, où, pour le moins differé, car il est certain, que si vous ne m'eussiez point hyer diuerty de la resolution que l'auois faite, ie ne serois desia plus, & me verrois quitte de ce tribut que ie veux payer à la Nature: mais vous Celadon, continua-til, pourquoy fuy ez-vous auecque tat d'opiniastreté les regards de vostre Bergere? si Astree a paru en colere contre vous, n'est-il pas aisé de iuger que ce mouuemet sut alors si propt qu'elle n'y put resister, & si violent qu'il n'aura point eu de durée? croyez-moy, allez guerir l'esprit de cette belle Bergere qui se meurt sans doute dans l'impatience de sçauoir ce que vous estes deuenu, vous obligerez en cela presque tout ce qu'il y a de bergers & de bergeres en cette contree, car iene pense pas qu'il s'en trouue vn seul, qui n'ait vn extreme interest pour vous, par le deuoir du sang ou de l'affection; mais moy chetif, à qui puis-ie plaire, quand ie ne mourray pas? Diane premierement, trouuera dans mon trespas yn suject de satisfaction nom-

588 LA DERNIERE PARTIE D'ASTREE pareille, en ce qu'il empeschera qu'elle ne res uoye celuy de qui la presence l'accuseroit éternellement, & la feroit paroistre coupable d'vn peu de trahison. Pour ce qui regarde le reste des bergers & des bergeres, helas! pour quoy seroiét-ils sensibles à mes maux, s'il n'en est pas vn à qui ma mort ne soit indifferente come ma vie?dautăt mieux que n'estant cognu de personne, & ne sçachant pas moy-mesme qui ie suis, il seroit difficile qu'il s'en trouuast quelqu'vn qui eust voulu auoir pour obiect de son amitié, vn vagabond & vn miserable, qui a ressenty tout ce que les coups de la fortune ont iamais eu de plus sensible & de plus pesant : vostre merite, reprit Alexis a suppleé à tous les defauts que vous alleguez, & vous à doné plus de pouvoir sur les volontez de tout ce qu'il y a d'honnestes gens en cette contree, que si vous estiez né de la plus illustrefamille qui soit dans leForests; assurezvous, Syluandre, que les regrets dont vostre mort seroit accompagnee vous toucheroient en l'autre vie, dont les Druydes nous enseignent que nous deuons iouyr, & vous feroient en quelque sorte repétir d'auoir osté à cette Prouince la gloire de posseder vn berger parfait & accomply comme vous estes; ainsi ie ne trouue nullement legitime la volonté que vous auez de vous exposer à la fureur des Ly os, & de m'enuier le contentemet que cette mort me prepare, parce que vous offéseriez non pas seulemet les Dieux, en dessaisant

689

l'vn de leurs plus parfaits ouurages, mais les hómes, en leur rauissant le plus parfait exemple de vertu qui leur pust iamais estre proposé. Croyez moy, Syluandre, laissez moy mourir tout seul; conseruez ce qui reste de vos iours pour des actios qui vous seront plus agreables,& redonez àDiane celuy pour qui ie sçay bien que son ame amille foissouspiré d'amour: ouoy que vous en croyiez, ie ne sçaurois me persuader qu'elle n'ait fait quelque violence pour s'empescher de tomber entre les mains de Paris, & l'estatoù elle est maintenant, est ce me semble vne preuue bien forte que ce mariage n'est point consommé, car à quel propos seroit-elle venuë auec Astree, sans coduite & sans trouppeau, en ce lieu qui a esté si peu frequeté depuis que la fontaine sut enchan-tee, si ce n'estoit pour se desrober de Bellinde pour quelques heures, & luy donner le temps de considerer cobien elle a peu d'inclinatio à cette alliance: helas, dit Syluandre en l'interrompant, que ce petit esloignemet & ce sommeil, sont des marques bien puissantes pour me cofirmer dans la croyance que mo desespoir est iuste, & que sa trahison est vraye:car enfin, ne dois-ie pas croire que cette ingratte n'a suy que pour allumer dauantage les flames dont Paris est cosumé, & que le sommeil qui la tient occupee, ne sert qu'à luy rédre vne partie du repos que les caresses & les embrassements de moriual luy ont desrobé dutant cette premiere nuict? Ah Dieu,cotinua til,

690 LA DERNIERE PARTIE D'ASTREE, que ie voy de sujets de ialousie, & que cette pasfion me donne de furieux transports: Quoy, Celadon, vous treuueriez donc iuste que ie vesquisse, pour estre tesmoing de tous les baisers que ce mary cueillira sur les levres qui ont ay dé a prononcer l'Arrest de ma mort & de son contentement?vous croyez donc que les faueurs que cette volage luy accordera publiquemet, quelques innocétes qu'elles soient, ne me paroistront pas aussi noires que des crimes? ah/que vous aymez peu, si vous vous imaginez que ces saueurs soiet de celles qui ne sont point mourir, assurez-vous qu'vn seul de leurs regards ne me seroit pas moins funeste que le coup d'vn poignard, dont quelque ennemy m'auroit trauerlé le cœur:non non Berger, il vaut mieux que ie les laisse libres en la iouy sance de leurs nouueaux plaisirs, afin que leurs passe-temps ne soient point troublez par les obstacles que ma presence y pourroit apporter; il semble que toutes choses m'appellent à ce dussein bien plus legitimement que vous, qui n'auez pour authoriser la resolutió que vous auez prise, qu'vne mauuaise humeur d'Astree, qui en a peut-estre desia pleuré mille sois, & qui s'est repétie de vous auoir chaché en ce moment, l'extreme passion qui luy a tousiours sait agreer vos seruices: Donc, cher Celadon, s'il est possible que mes prieres ayét quelque pouvoir aupres de vous, de grace laissez-moy seul mettre fin à cette auanture; c'est yn fidele amant qui doit

doit mourir, ne me disputez pas cet auantage, & pardonnez-moy si ie dis, par la cognoissance que i'ay de mon amour & de mon humeur, qu'il est impossible de trouuer vn homme au monde qui l'emporte par dessus moy; disant cela, il se mit à embrasser Celadon, & à le coniurer de nouueau qu'il luy octroyast la grace dont il le requeroit: mais luy feignant d'estre vn peu mal satisfait de sa demande; vrayment Syluandre, respondit-il, vous ne ressemblez pas malàceluy qui apres auoir esté receu pour compagnon au partage d'un tresor, s'en voudroit enfin rendre maistre,& chasser celuy qui luy auroit fait part de sa fortune; c'est moy qui vous ay preuenu au desir de me perdre, pour rompre la force de cet enchantemer, & maintenant que ie vous ay fait part de mo dessein, vous voulez empescher que ie ne l'execute, & voulez prendre pour vous seul, vne gloire que les Dieux ne reservent qu'à moy. Cher Celadon, luy dit Syluandre, en l'interrompat, ne m'accusez pas de vous auoir voulu desrober cet aduantage, que pour vous en procurer vn plus grand, qui est la possession d'Astree, i'oserois iurer que cette Bergere ne respire auiourd'huy que le contentement que vous luy pouuez redonner par vostre presence: croyezmoy, Celadon, voyez encore vne fois so visage, &s'il ne vous deffend de mourir, l'auoueray que i'ay eu tort de vous conseiller de viure. Iamais, respondit Alexis, cette cruelle n'aura le plaisir de

Dern. part.

me condamner vne seconde sois; ie sçay assez bien ce que ie dois à ses ordonnances, pour m'empescher de luy donner la peine de les prononcer si souuent: mais vous Syluandre, viuez pour Diane, puis que vous auez au moins vn tesmoignage qu'elle le desire, en ce qu'elle ne le vous a iamais dessendu; aussi bien, quelque discours que vous me puissez faire, equelques raisons que vous me sçachiez alleguer, iamais ie ne demordray de la resolution que l'ay prise de mourir sous les ongles crochus de ces Lyons, qui ne sçauroient estre si cruels, qu'ils neme laissent en me deschirant, vn peu de teps, pour me souuenir qu'Astree est encore plus impitoyable.

Ces derniers mots destroberent quelques larmes aux yeux d'Alexis, qui s'imaginant que sa
fin estoit bien contraire aux douces esperances
qu'elle auoit conceuës à la naissance de son affection, ne put empescher que son cœur ne s'attendrist à la memoire des fauorables promesses
dont Astree l'auoit autresois entretenuë; & Syluandre qui receut aussi les mesmes considerations, se laissant aller entre les bras d'Alexis,&
l'embrassant, sentit que ses yeux commençoiét
à deuenir humides, & peu à peu à s'ouurir aux
pleurs, que le souuenir des accidents de sa vie
luy desroboit insensiblement. Ils se tindrent afsez long temps embrassez, & peut-estre ne se
sussent les pas quittez si tost, si Alexis, qui auoit

tousiours les yeux tournez du costé où estoit Astree, n'eust remarqué d'assez loing vne troupe de personnes qui s'approchoient; austi-tost il en aduertit Sylvådre, & le Berger ayant vn peu attentiuement regardé qui ce pouvoit estre, ne fut pas long-temps sans voir que c'estoit Adamas, Bellinde, & Phillis, mais il ne put iamais cognoistre Galatee, Rosanire, ny les autres Nymphes, à cause du changement de leur habit. Craignants donc, que si le Druyde les surprenoit, il les troublast en leur dessein; ah! c'est trop, dit Alexis, se leuant vn peu en haste, c'est trop cher Syluadre, disputer sur vn poinct, dont nous pouuons estre si tost esclaircis: nous verrons à qui de nous les Dieux adiugeront le prix de la fidelité, & puis qu'ils peuvent seuls decider nostre differend, n'est-ce pas vne imprudence d'estre si long-temps sans les consulter? à ce mot elle s'en alla du costé de la fontaine, & Syluandre qui la suiuit, vous auez raison, luy respondit-il, & s'il arriue que nous y mourions tous deux, nous emporterons au moins cer aduantage d'auoir enfermédans vn melmetombeau, deux amis qui ayats eu presque vn mesme fort en leur amour, ont voulu souffrir vne mort toute pareille: disant cela, ils arriverent si pres des Lyons, qu'ils furent ouys par ces animaux, dont le seul aspect estoit espouventable; mais: les Bergers, au lieu d'estre sensibles aux mouuements de la peur, virent leur visage couvert

694 LA DERNIERE PARTIE D'ASTREE; d'vne couleur vermeille, & comme si l'obie de ces ennemis eust esté celuy de leur ioye & de leur felicité, ils commencerent à soussire, & à montrer que leur courage n'estoit pas moindre que la ferocité de ces gardiens impitoyables. Alexis qui n'estoit-là que pour mourir, & non pas pour combattre, se mit d'abord en estat de receuoir dans le sein la violence de leurs coups, & deschira elle-mesme ce qu'elle auoit deuant l'estomach: de sorte que s'estant ainsi preparee,cependant que les Lyons, à la veuë de cette nouuelle proye se battoient les flancs de leur queuë, & cherchoient de la colere pour deuorer ces Amants, elle mit vn genoüil en terre, & regar, dant le Ciel; pitoyables Dieux, dit-elle, qui m'auez inspiré ce remede, pour empescher que la suitte de mes ennuys ne sust infinie comme vostre puissance, receuez agreablement le sacrifice que le vous fay de mon corps, & se dirois de mo ame, si vous ne sçauiez bien qu'elle est encore capriue dans les charmes de plus la belle, maisplus ingratte bergere qui fut iamais; souffrez par pitié, puissantes Diuinitez, que ma seule mort vous satisfasse pour toutes ses iniures, & quelques grands que soient les crimes qu'elle a commis contre Amour, despouillez-vous en ma faueur de ce ressentiment, & permettez que la cause qui luy fait desirer ma mort, vous soitvn suject de prolonger son repos & sa vie. A peine Alexis eut finy sa priere, que Sylvandre prenant

LIVRE NEVFVIESME. 695 la parole, & se jettant aussi à genoux, & vous, s'escria-til, impitoyables Destins, qui par des loix irreuocables, ordonnastes que ie traisnerois mes iours parmy tous les maux qu'vne ame est capable de ressentir, voyez enfin vos Arrests executez; & comme vous n'auez pas esté menteurs aux malheurs qui ont menacé ma. vie, soyez veritables au bien que vous m'auez promis en mourant; disant cela il descouurit aussi son estomach, & s'estant disposé à receuoir auec plaisir les blessures par où son sang deuoit fortir auecque son ame, il vid approcher les Lyons, qui iettants le feu par les yeux, & ouurants leurs pattes, laissoient voir des griffes crocheuës, & dont les pointes ne sembloient pas moins aigues que des aisguilles.

. Cependant Adamas & les autres s'estoient si fort approchez d'Astree & de Diane, qu'ils n'auoient plus que quatre - vingts ou cent pas à faire pour les prendre; mais comme si le Cieleust voulu qu'ils ne fussent arriuez-là, que pour mieux ressentir le mal, dont ils deuoient estre tesmoings, les deux Bergeres s'esueillerent presque en mesme temps, & surent si espouuantees de voir les deux Lycornes si pres d'elles, que cela fut cause qu'elles ne ietterent les yeux, ny du costé où estoit Lycidas auec Thamyre, Celidee, Doris, Adraste, & les autres, ny du costé par où Galatee & Rosanire venoient auec Ada-

mas & Bellinde: tout ce qu'elles purent faire das

Xx iij

696 LA DERNIERE PARTIE D'ASTREE, cet estonnement, où plustost dans cette frayeur, ce fut de repousser ces animaux, & puis de se leuer pour s'offrir à eux, croyants bien qu'ils n'estoient là que pour les dessaire: mais tout à coup les ayant veu courir du costé de la fontaine, elles penserent que c'estoit là seulement qu'elles deuoient mourir, & que ces Lycornes n'auoient pris l'auantage que pour leur en motrer mieux le chemin. Astree & Diane se mirent donc à courir apres elles, & ne furent pas plustost arrivees où Alexis & Sylvandre attendoiet le coup de la mort, qu'elles virent ces deux Bergers à genoux à dix pas d'eux, les Lyons qui la perruque herissee & les yeux estincellants s'auaçoient peu à peu pour les mettre en pieces. Cette rencontre les surprit extremément, mais n'ayants pas du temps pour deliberer sur ce qu'elles auoient à faire, elles suivirét le premier mouuement de leur passion, & s'estants mises entre-deux, c'est à nous à mourir, dirent-elles, non pas à ces bergers qui nesont coupables d'aucun crime.

Alexis & Syluandre rauis de ce spectacle, & mourants de peur que ces Bergeres receussent du mal, les retirerent le plus promptement qu'ils purent, mais auec tant de force, qu'elles cheurent vn peu en arrière, & se i ettans alors à corps perdu sur les Lyons, il commencerent à combattre pour l'interest de leurs Maistresses, plûtost que pour leur propre coseruation: mais

comme ils estoient sans armes, aussi furent ils bien-tost terrassez, & en cet instant les deux Lycornes, comme pour prendre leur party, se ietterent sur les Lyons, & commencerent entre eux vn tres-aspre combat. Adamas, Bellinde & les autres qui auoient veu partir Astree & Diane, se hasterent bien pour les suiure, mais il n'y purent iamais arriuer à temps, car le combat estoit desia presque acheué; & tout à coup ils virent que le Ciel, qui vn peu auparauant estoit aussi beau & aussi serain qu'il eust iamais esté, se couurit de brouillards, & retira tellement à foy toute la lumiere du Soleil, qu'il sembla que la Terre deust perir dans l'effroy des tenebres qui l'enuironnerent. Les champs qui par les fleurs dont ils estoient couverts, auoient accoustumé de rendre vne odeur tres-agreable, perdi<sub>7</sub> rent alors cette qualité, & cederent à la puanteur du soulphre : Le jour mesme ne se laissoit plus voir que par esclairs, & l'effroyable bruit des tonnerres se rendoit si frequent, qu'estant vne marque de la colere des Dieux, il estoit facile de croire qu'ils auoient resolu d'aneatir le monde, & de le reduire à la cofusion de son premier Cahos. Dans ce desordre les plus assurez cognurent la peur, & Adamas mesme qui par la profession qu'il faisoit, auoit parfaittement appris à se resigner à la voloté de ses supremes intelligences, s'étonna quad il sentit que la Terre n'estoit plus serme sous ses pieds; souuet il vou-

LA DERNIERE PARTIE D'ASTREE, lut parler, mais l'esclat des foudres qui sembloient tumber de toutes parts, luy ostoit l'esperance de se pouvoir faire ouyr, & quad il vouloit regarder celles qu'il auoit amenees en sa compagnie il cognoissoit qu'en ce moment l'v-fage de la veuë ne luy estoit pas moins interdit que celuy de la parole : quelquefois il souhaittoit d'estre plus proche de sa maison pour se mettre au moins à couuert des tempestes qui le menaçoient, mais quand il consideroit que la force des orages qui dominoient, estoit capable de l'enseueir sous les ruines des plus forts & des plus superbes bastiments, il condamnoit son premier desir, & le treuuoit iniuste, en ce qu'il n'ignoroit pas que les lieux les plus cachez sont ouuerts à la cognoissance des Dieux, & qu'il n'en est point où leur colere ne treuue les Mortels qui doiuent esprouuer la rigueur de leur lustice. Rosanire & Galatee desirerent mille fois que leur voyage fust à commencer, mais quelque grande que fust la fray eur qui les possedoit, leur memoire conserua si forte l'impression de leur amour, qu'au lieu de recourir à la misericorde du Ciel, elles ne cessoient d'inuoquer Rofileon & Lindamor, comme les seules Diuinitezqui pouvoient faire leurs destinees: Bellinde quicroyant Diane morte, ne s'imaginoit pas la pouvoit surviure, ne scavoit quel trespas luy estoit plus sensible ou le sien, ou celuy de sa fille; mais enfin le souvenir de deux siecles qu'elle

auoit presque passez, luy faisant recognoistre qu'il estoit temps qu'elle se lassast de viure, sur cause que le regret de la perte de Diane l'emporta pardessus celuy qu'elle deuoit auoir de mourir. S'estant donc tout à fait abandonnee à ce ressentimét, elle s'aboucha de son long contre terre, & appuyant sa teste sur ses deux bras qu'elle tenoit croisez, sans oser seulement ouurir les yeux pour les porter contre le Ciel, car elle le croyoit estre son plus mortel ennemy; Ah! Diane, dit-elle en elle-mesme, que ton imprudence nous couste cher, & qu'il faut bien que ta faute ait grandement offensé les Dieux, puis qu'ils en prennent vne vengeance si grande: Immortelles Diuinitez, continua-telle, de qui la Iustice excede maintenant la pitié, s'il falloit que le chastiment fust inseparable du crime que cetre fille a commis, que ne l'exerciez-vous sur moy seulement, sans ordonner pour le peché d'yne feule personne vne punition si commune? ouoy n'estois-ie pas vne victime capable devous appaiser, & n'auois-ie pas assez de sang pour lauer cette offense? Ah cruels: vous l'auez mesprisé ce sang que l'eusse librement versé pour le salut de cette coupable, & pour montrer desormais combien vous est odieuse la desobeyssance d'vn enfant, vous la punissez auec tant de rigueur, qu'on void bien que vous auez enuie de rendre vostre colere remarquable à toute la posterité. Sur cette pensee Bellinde fondoit en

LA DERNIERE PARTIE D'ASTREE, larmes, & Adamas qui auoit desia mis vn genouil en terre, pour essayer par ses prieres d'arrester le courroux des Dieux, ayant sans y penfer tourné l'œil du costé où elle estoit, vn esclair en cet instant sit vn si grand iour, qu'il eutle temps de remarquer l'estat auquel elle s'estoit mise:L'ayant donc veuë abouchee de son long, & croyant qu'elle fust morte de quelque coup! de foudre, vne si grande douleur le saisit, qu'il en faillit à perdre tout sentiment; il s'approcha d'elle le plus qu'il luy fut possible,& comme s'il eust vouluse faire ouyr malgré le bruit des tonnerres, sage Bellinde, s'escria-til, helas! quel malheureux accident est celuy qui nous separe, & pourquoy faut il que vostre mort ne soit pas accompagnee de la mienne? Bellinde ouyt bien la voix duDruyde, mais elle n'en put pas distinguer les paroles, & Galatee qui n'en estoit pas beaucoup esloignee, ayant ouy confusément ces mots de Bellinde,&de mort,s'imagina que tout estoit perdu, puis qu'il y en auoit dessa dans la trouppe qui auoient receu la derniere marque de la vengence des Dieux. Rosanire qui la tenoit embrassee creut aussi la mesmechose, & leur opinion ayant passé iusqu'à Dorinde, elle seglissa de l'un à l'autre iusqu'à Hylas, qui ne pouuant comprendre pourquoy il falloit qu'il portast la peine de la faute d'autruy, eust bien souhaitté d'estre en Camargue, au prix de ne se soucier iamais ny de Stelle, ny de pas vne des

701

bergeres pour qui il auoit eu de l'inclination: Mais lors qu'ils estoient le plus auant dans la creance de perir, tout à coup les esclairs & les connerres cesserent, mais non pas l'obscurité, cat elle demeura auffi grande qu'elle estoit auparauant, & dans ce silence de toutes choses, personne n'osa prendre la parole, car chacun croyant estre resté seul en vie, apprehendoit de sçauoir le malheur qu'il pensoit que les autres eussent eu. Enfin les tenebres commencerent peu à peu à se dissiper, & le Soleil redonnant le iour au monde, rendit l'esmail aux fleurs, & aux arbres l'ombre & la couleur qu'il leur auoit oftees. Adamas fut bien aise de voir l'orage cessé, & que les brouillards qui s'estoient formez au milieu de l'air, eussent fait place aux doux regards que le Soleil nous enuoye quand il est amoureux de la Terre, mais la ioye de sçauoir Bellinde en vie, surpassa tout autre contentement, & sut cause qu'il l'alla embrasser, luy racontant la frayeur qu'il auoit euë. Bellinde toutesois ne pouuant esloigner de son souvenir la perte de Diane, & ne voyant qu'à regret le iour qui se rendoit à chasque moment plus clair & plus beau, helas! mon pere, luy dit-elle, que le Ciel m'eust obligee, s'il n'eust pas eu tant de compassion pour moy, sa hayne en ce cas m'eust esté plus douce que sa pitié, & la plus grande grace que l'eusse desiree de luy, c'eust esté qu'il m'eust permis de suiure le sort de ma sille: Lavie

702 LA DERNIERE PARTIE D'ASTREE, qu'il m'alaissee, & pour laquelle voustesmoignez tant de contentement, m'est vne chargepresque insupportable, puisque mon destin ne veut pas qu'elle soit accompagnee du soulagement que l'attendois de la vertu de Diane. A ce mot Bellinde recommença ses regrets, & Rosanire, Galatee, Syluie, & les autres s'estans approchees d'elle, chacune essaya de luy donner quelque consolation; mais son mal estoit trop grad pour estre guery si tost; & sur tout par vn si foible remede que la parole : ne pouuant donc laifser aucun relasche à ses pleurs, ny à ses gemissements, on resolut de remettre au Temps la guerison de cette playe; & cependant on prit garde que les Nuages dot l'air auoit demeuré quelque temps obscurcy, s'estoient comme amoncelez sur la sontaine d'où procedoit tout cet enchantement. Cette obscurité la rendoit inaccesfible, & Bellinde qui mouroit d'enuie de pouuoir rendre l'ame sur les levres de sa fille, quoy que froides & passes, & voyant encore cet obstacle à son desir; Tune veux donc pas; dit-elle, Ciel impitoyable, donner à mes malheurs ce foible soulagement, que ie puisse au moins voir dessus le corps de ma fille, les marques de ta cruauté? Destins dont la rigueur me l'a rauie, si vous n'estes plus sourds que ces arbres & ces rochers, escoutez la priere que vous fait vne mere outragee, & rendez-moy pour vne heure seulemet, celle qui me doit toutes les heures de sa vie:

Te ne vous demande que ce qui m'appartient, l'ame de Diane venoit de la main des Dieux, aussi l'ont-ils bien sceu reprédre, mais son cotps est absolument à moy, ie le veux, & sans vne extreme iniustice on ne sçauroit me le resuser. Disant cela, elle auoit tousiours les yeux tournez du costé de la sontaine, & Adamas & les autres ne pouuoient à son exempleretirer la veuë de dessus les tenebres qui la couuroient, d'où de temps en temps on voyoit sortir vne espaisse sumes, qui comme si elle eust procedé de quelque grand embrazement, estoit accompagnee par sois d'vne slame blanchastre & bleuë, telle qu'est celle du souphre ou de l'eau de vie.

Apres auoir esté quelque temps à considerer ces prodiges, on s'apperceut qu'auec la sumee quantité de brouillards s'estoient dissipez, ce qui donna quelque bonne esperance au Druyde, & Bellinde qui s'imagina qu'elle trouueroit assez de iour pour rencontrer ou sa fille, ou les Lyons qui l'auoient deuoree, s'auança le plus pres de la sontaine qu'elle pust, mais Adamas l'ayant retiree pour luy saire prendre garde à quelque chose qu'il venoit de remarquer, ils virent que ce qui restoit de tenebres & de nuages, n'estoit plus esseué de terre que de sept ou huict coudees: croyants donc que cela se perdroit comme le reste, ils resolurent d'attendre encor yn peu, & tout à coup ils apperceurent au milieu de cette obscurite, yn Amour tout brillant de clairté, qui

s'esseuant peu à peu, parut enfin tout droit sur l'amortissement d'vn Pyramide de porphyre. A la veuë de ce Dieu, tous se ietterét à genoux; & lors qu'Adamas, Bellinde & les autres estoiét le plus auant en admiratio, pour vne nouueauté si peu attenduë, ils virent qu'il auoit soubs l'vne de ses mains, vne table de marbre noir, où estoient escrittes ces paroles.

Sortez de cet estonnement; Et ne murmurez nullement Contre l'ordre de mes miracles: Mais faites ces corps emporter, Et demain venez consulter La verité de mes Oracles:

Ils n'eurent pas plustost appris la volonté d'Amour, que ce Dieu se perdit soubs la sontaine, sans laisser nulles marques de luy, sinon qu'en cet instant tous ces nuages acheuerent de disparoistre, & n'y resta plus d'obscurité, que ce qu'il en falloit, pour faire qu'on ne se pust mirer dans l'eau. Bellinde rauie de ioye pour la permission qui luy auoit esté donnee, ne perdit pas vn moment de temps, mais s'essançant à trauers les Lycornes & les Lyons, s'en alla droit aulieu où Astree & sa sille estenduës sur l'herbe, sembloient auoir rendule dernier souspir. Adamas apres auoir dit à Paris d'aller querir vn chariot, pour obeyr au commandement qu'Amour

LIVRE NEVFVIESME.

auoit fait, suiuit Bellinde, & sut tout estonné de voir que ces quatre animaux n'auoient plus de mouuement; cela luy donna assez de hardiesse pour s'en approcher dauantage, mais il les treuua tousiours immobiles; & de fait, par la puissance du sage Enchanteur, qui le premier les auoit establis pour gardes de la fontaine, ils auoiét esté changez en quatre figures de marbre, sans rien perdre toutefois de leur premiere couleur. Aussi-tost tous ceux qui estoient en la trouppe en furent aduertis, & s'estants approchez pour estretesmoings de ce changement si merueilleux, ils furent saisss d'yn estonnement presque incroyable; mais pourtant il ceda bien-tostà celuy qu'ils eurent, quand au lieu de deux corps qu'on pensoit rencontrer, on en apperceut quatre, parmy lesquels ceux d'Alexis & de Syluan-dre furent recognus. Adamas en demeura commerauy, & Lycidas en futsi surprisqu'il en faillit à mourir d'horreur. Cependant Bellinde embrassoit le corps de Diane, & le treuuant sans poulx & sans mouuement, elle faisoit des regrets capables de toucher la mort mesme. Phillis de son costé courut se ietter sur le corps d'Astree, & Lycidas s'estant approché de son frere, le Druyde se mit à secourir Syluandre. On croyoit qu'ils seroient tous chargez de blessures, & que les Lyons les auroient deschirez en morceaux, mais on n'apperceut pas sur eux vne seule goutte de sang, ce qui sit

706 LA DERNIERE PARTIE D'ASTREE, juger qu'il falloit qu'ils eussent esté estouffez soubs la pesanteur de ces bestes farouches; Galatee en cet instant se ressouuint des flames qu'autrefois Celadon auoit allumees dans son cœur, & ce ressentiment ne fut pas si petit, qu'il ne l'obligeast à donner quelques larmes au regret de le voir en vn si milerable estat; Rosanire, & les autres à son exemple, tesmoignoient vn extreme desplaisir de voir les affaires de ces bergers dans yn si fascheux desordre, & certes il eust fallu n'auoir point d'ame pour n'estre pastouché de compassion parmy tant de malheuts, & pour n'estre pas sensible aux regrets de Bellinde; car cette mere affligee pouuant à peine s'empescher de s'arracher les cheueux & de se deschirer le visage; Ma Diane, disoit elle, est-il possible que tu ne sois plus, & qu'en eschange de la vie que ie t'ay donnee, tu ne me tendesauiourd'huy que l'image de tes membres froids & glacez? quoy ma fille, tu me refuses donc vn regard, & pour tant de veilles que i'ay donnees à ta conseruation, tu resuses d'ouurir vne fois les yeux pour l'amour de moy? Ingratte fille, ou plustost ingrattes destinces qui me la rauissez, n'estoit-il point iuste que mes esperances eussent vn succez plus heureux? Telles estoient les plaintes de Bellinde, cependant que Lycidas, de qui l'affliction n'estoit pas moindre, vomissoit contre le Cieltoutes les iniures dont il se pouuoit souuenir dans le resten-

Livre neveviesme. ressentiment de sa douleur : cent sois il l'appel la cruel; iniuste & barbare; & laschant tousiours quelque traict contre la rigueur d'Astree, il sembloit condamner l'assistance que Phillis donnoit à cetteBergere, mais cela n'empeschoit pas qu'elle ne continualt à chercher les moyens de la secourir, ou d'arracher pour le moins de sa bouche le dernier adieu, sans lequel elle ne croyoit pas qu'elle deustiamais abandonner la vie; mais voyat que toutes ses larmes estoient inutiles,&qu'Astree n'auoit plus pour elle ny d'oreilles ny d'yeux; Ah! Lycidas, s'escria telle, que te voyla cruellement vangé: Disant cela, vne si grande douleur la saisit, que se laissant aller contre terre, elle demeura comme esuanouye sur le corps de sa compagne. Celane mit pas Lycidas dans vne petite peine, car balançant alors, entre l'amour & l'amitié, il ne sçauoit. s'il deuoit abandonner son frere pour aller au secours de Phillis, & c'est sans doubte que s'il eust eu des armes pour se desfaire, il eust suiuy son premier mouuement, qui luy conseilloit de donner ce remede à la douleur dont il estoit accablé; mais n'ayant rien dequoy il se pustoutrager, il fallut malgré luy qu'il consentist à se laisser viure, & qu'il se rendist le principal tesmoing de tous les accidents qui deuoient arriner. Il estoit encore dans le regret de ne pouvoir

pas mourir, quand il ouyt qu'Adamas ayant Dern.part. Yy

LA DERNIERE PARTIE D'ASTREE, veu venir de loing le chariot qu'il auoit enuoyé querir, commandast qu'on se preparast pour y mettre Astree, Diane, Alexis & Syluandre; Ce qui fut fait en peu de temps par l'ayde de plusieurs bergers, qui estoient aussi accourus à ce spectacle, & dés que toute la troupe sut arriuee en la maison du Druyde, on mit dans vne chambre Astree, & Diane; & Alexis, & Syluandre, furent mis dans vn autre departement. Aussi-tost la nouvelle de cet accident s'espandit par tout le Forest, & dans peu de temps Amasis en sut aduertie, qui l'ayant escrit à Rosileon & à Lindamor, quitta Motbrison & s'en vint au Palais d'Isoure, où elle fit dessein de receuoir Rosanire, puis que c'estoit vn assez beau lieu pour luy faire bien paffer le temps.

## SVITTE

## DE L'HISTOIRE

## DE TYRCIS ET

de Laonice.

E P E N D A N T Tyrcis, depuis le moment qu'il auoit quitté la maifon d'Adamas, ou pour mieux dire tous les bergers & toutes les berge-

res de Lignon, auoit euvn sort bien estrange, car ce triste Berger, qui comme nous auons desiadit, s'estoit separé de Syluandre, ne se vid pas plustost hors de la presence du Berger, que leuant les yeux au Ciel; à cette heure, dit-il, grands Dieux, ie puis dire que ie suis en liberté, & que ie pourray sans contrainte donner à ma Cleon les preuues d'amour qu'elle doit attendre de moy; mes larmes & mes souspirs n'auront plus desormais de tesmoings qui les condamnent: au cotraire, continua-til, les Zephirs qui seront mes confidents, m'ayderont à plaindre les malheurs qui me desroberent yne si belle Maistresse: Disant cela, il alloit tousiours marchant, mais enfin estant arrivé au Pont de la Bouteresse, il s'arresta au milieu, & de là il se

Yy i

LA DERMIERE PARTIE D'ASTREE; mit à considerer les lieux dont il alloit pour ia mais quitter la demeure : sur ce suject sa pensee luy presenta mille imaginations, dont les vnes luy faisoient naistre vn regret dans l'ame, dequoy il s'alloit separer d'vn sejour, où tant d'aymables bergers passoient si'doucement leur aage, & les autres le consoloient, en luy representant que depuis la perte de sa Cleon, il estois obligé de renoncer à tous les plaisirs de la vie. Ainsi ces dernieres considerations se treuuants plus fortes que les premieres, il continua son voyage, & à peine fut-il à deux ou trois cents pas du Pont, que, comme s'il y eust eu quelque secrette violence qui l'eust arresté, il demeura tout court, & tournant encore vne fois le visage vers le hameau, où estoient les Cabanes d'Astree, de Diane, & de Phillis: Ie ne m'estonne pas, dit-il en luy-mesme, si i'ay tant de peine à me separer de ses boccages, où la Iustice de Sylvandre, & l'eloquence de Phillis, m'ont deliuré des importunitez de Laonice, ce que ie doibs à l'vn & à l'autre seroit bien assez puissant pour m'obliger à ne m'esloigner iamais de leur personne, si les ennuys qui me rendent desagreable à tout le monde, ne me persuadoient que ieleur rends vn fort bon office, quand ie leur oste la presence d'vn affligé, dont la conuersation est insupportable: Mais, adiousta-til, ie ne regar-

de pas que pensant ne me separer que d'eux,

ie m'essoigne encore d'auantage du lieu où reposent les os de celle qui fut autresois ma vie; Ah Tyrcis! le plus miserable de tous ceux qui ont quelquesois aymé, puis que tu es obligé de faire tes plaisirs de cela mesme qui sert de supplice aux autres, helas ne se-rois tu pas mieux d'aller reuoir encore vne fois ces reliques sacrees, & verser tant de larmes sur la sepulture de Cleon, que noyant tes malheurs & ta vie, tu pusses obtenir la gloire d'estre enfermé dans yn mesme tombeau?

A peine eut-il acheué ce peu de mots, que faisant resolution de retourner sur les riues de l'Arar, il reuint sur ses pas, mais quand il fut encore vne sois sur le Pont de la Bouteresse; toutefois, dit-il, pouquoy vouloir aller chercher le corps de Cleon, si ie porte son ame auecque moy? pourquoy vouloir aller re-uoir ses cendres, si l'ay dans mon cœur les veritables slames dont autrefois elle brusla pour moy? Non, non, continua-til, executons nostre premier dessein, allons Tyrcis, allons nous perdre dans les horreurs de quelque effroyable desert, où l'air, la terre, la solitude & les ombres acheuent de m'oster une vie que mes ennuys rendent odieuse à chacun, & insupportable à moy-mesme. Sur cette derniere resolution il ietta sa veue du costé de Montyerdun, & tout à coup perdant l'enuie de re-

712 LA DERNIERE PARTIE D'ASTREE, tourner à Lyon, il se disposa, voyant les bois & les forests qui couuroient la montaigne d'Isoure, à ne chercher plus d'autre lieu pour contenter son humeur. Îl ne sçauoit pas que desia Laonice s'y estoit retiree, car c'est sans doubte que s'il en eust eu la moindre opinion il n'y fust iamais allé, mais se figurant que parmy les horreurs que luy promettoient ces arbres esleuez,il treuueroit la mesme liberté de viure, que dans les deserts qu'il auoit resolu d'aller chercher plus loing, il arresta là ses desseins, & sans disputer dauantage, s'en alla d'abord establir sa retraitte presquetout au sommet de la montagne. Là se voyant plus proche du Ciel, il creut estre plus proche de Cleon, & ne s'imaginant pas qu'il pust iamais estre diverty dans cette solitude, qui luy sembloit desia si douce & si agreable, il resolut d'y passer paisiblement le peu de temps qu'il auoit encore à viure. Durant le premier & le deuxiesme iour qu'il y fut, il n'employa ses heures à autre chose qu'au souvenir de Cleon, dont sa memoire n'estoit iamais libre, & n'ayant personne auec qui conserer de sa douleur, les rochers & les arbres deuindrent ses secretaires aux vns il racontoit iusqu'au moindre des accidents qui luy estoient arriucz depuis qu'il auoit pris de l'amour pour elle, & sur l'escorce des autres il grauoit le nom de Cleon; mais se figurant que sans crime il ne pouuoit le separer de celuy de Tyrcis, il y grauoit aussi le sien, & de tous deux

en faisoit vn agreable chiffre. Quelquesois chargé des fruicts qu'il auoit amassez, il s'en alloit sur le bord d'vn petit ruisseau, qui tumbants à grands sauts insques dans la plaine, en arrouse enfin quelques prairies, & puis se iette dans Lignon; & là considerant la cheute de ses eaux; Voyla, disoit il en luy-mesme, qui ne ressemble pas mal à ma fortune: Iamais le Ciel ne m'a laisségouster de repos, & si i'en dois attendre, c'est quand ie seray prest d'entrer dans le cercueüil, comme ce ruisseau n'est paissible que lors qu'il est prest de se perdre dans Lignon, qui est son Tombeau.

C'estoient là ses plus douces occupations, & dans ce seul entretien il passoit le iour, apres lequel il s'alloit remettre dans sa demeure, & n'en partoit point que le Soleil n'éust seiché les premieres larmes de l'Aurore; il auoit rencontré vn Antre qui n'estoit guiere different de celuy de Laonice, comme il n'en estoit pas beaucoup esloigné; & il est croyable qu'ayants esté faits d'vne autre main que de celle de la Nature, personne n'en auoit pris le soing que les Druydes, qui en leur euenement ne couersants pas familierement parmy les hommes, s'estoient faits de petites retraites assez proches les vnes des autres, pour auoir plus de commodité de sacrifier, & de communiquer entr'eux des principaux poincts qui regardoient leur religion presque naissante. Il áduint que le troissesme sour que

Yy iiij

LA DERNIERE PARTIE D'ASTREE, Tyrcis y fut, il recommença son exercice ordinaire, & sortit de son Antre presque aussi-tost que le Soleil y eut fair entrer le jour; mais sans retourner à ce petit ruisseau, qui sembloit auoir appris desia à former parmy le bruit de ses ondes les noms de Tyrcis & de Cleon, il passa presque toute la iournee à contempler les beautez du lieu qu'il auoit choisi pour sa derniere demeure: d'vn costé il voyoit tout le Forests, &' presque iusqu'aux plus reculez Sebusiens, & de l'autre sa veue s'estendoit iusqu'à cette superbe Cité, que le Rhosne & l'Arar mouillent de leurs claires eaux : quelquefois il admiroit la hauteur desarbres, dont le feuillage le cachoit au Soleil, & quelqu'autrefois regardant la Terre, dans laquelle ils iettoient leurs profondes racines, il s'estonnoit de la voir sibelle, & si nette qu'il n'y auoit pas seulemet vn buisson qui l'empeschast: de se promener où bon luy sembloit. Se laissant ainsi emporter à ces petits rauissements, il ne prit pas garde que la nuiet le surprit, ce qui fut cause que s'estant desia assez esloigné de son Antre, & ne sçachant pas encore bien les endroits de la montagne, outre que la nuist deuint en peu de temps extremément obscure, il ne sceut. iamais retrouuer le chemin de sa retraitte; il se coucha donc soubs le premier arbre qui se trouua proche de luy, où le sommeil ne le vint chercher de long-temps, car Tyrcis n'ayant pas beaucoup d'enuie de dormir, ne le sollicita

point de se venir enfermer dans ses yeux:neantmoins apres auoir passé vne partie de la nuich dans ses ordinaires resueries, ses membres appesantis, receurent ensin cet agreable soulage-

gement.

Leonide d'autre costé, à qui le secours que les Dieux luy auoient promis, sembloit vn peu trop lent, s'esueilla de fort bon matin, pour aller à son accoustumee, parler de sa douleur aux fleurs & aux Zephirs, qui estoient les ordinaires tesmoins de son inquietude; mais elle ne marcha pas long-temps, sans remaquer quelques couppures sur l'escorce des arbres, qui pour estre fraisches se descouuroient facilement, aussi-tost elle s'en approcha, & comme sa pensee n'estoit iamais loing de Tyrcis, non plus que celle de Tyrcis'l'estoit de Cleon, la ialousse qui luy ouurit les yeux & le iugement, luy fit bientost cognoistre qu'ils estoient-là tous deux ensemble : ceste cognoissance l'estonna extremément, ne pouuant s'imaginer quel Demon luy. auroit voulu rendre encore ce mauuais office. mais ce qui faillit à la rauir entierement, ce fut quad elle l'apperceut luy-mesme couché de son long sous yn chesne à dix ou douze pas du lieu où elle estoit. Parmy la ioye qu'elle eut de le reuoir, elle fut saisse d'vne extreme crainte de paroistre deuant luy, parce qu'en cet instant tous les refus de ce Berger, & toutes les rigueurs dont il auoit vsé contre elle, luy reuindrent en la mes

716 LA DERNIERE PARTIE D'ASTREE, moire: se souuenant donc principalement de ses dermeres paroles, comme estant les plus iniurieules que sa bouche eust iamais proferees pour la condamner; mais disoit-elle en elle-mesme, ce Berger mesure sa hayne à mon amour, & prend plaisir de voir que l'vne & l'autre soient extremes: il croit m'auoir bannie du Forests, & peut estre me chasseroit-il du monde s'il me reuoyoit; il faut donc bien m'empescher d'estre si hardie que de me montrer à luy : mais, adioûtoit-elle tout à coup, pourquoy les Dieux auroient-ils promis de me guerir, si Tyrcis n'en deuoit estre le remede? peut estre ces Deïtez sauorables ont desia preparé son esprit à me pardonner, & disposé son ame à me receuoir, en la place de celle, pour l'amour de qui sa pitié m'a rousiours esté interditte : sur cette consideratio, d'vn pas chancellant & incertain elle s'approcha de luy, & voyant qu'il auoit les yeux fermez, veuille Amour, dit-elle, que son cœur ne soit pas pour moy de la sorte; permettele Ciel, que les desirs de ce Berger ne soient plus contraires à monbien, & qu'il fasse vn peu de part à mon! ame, du repos dont ie voy que son corpsiouyt maintenant; disant cela elle prit garde que le so-leil se faisoit vn petit iour à trauers les seuilles, pour luy faire baiser vn de ses rayons, dequoy paroissant un peuialouse, aussi tost elle se ietta au deuant, & mettant vn genouil en terre, que tes baisers, dit-elle, beau Tyrcis, seroient bien

mieux employez, si tu me les voulois donner pour recompense des maux que ta cruauté m'a desia fait endurer, quoy, ma passion est-elle si criminelle, qu'elle t'oste l'enuie de me vouloir posseder? Dieux, continua-telle en souspirant, que cette loy seroit barbare, qui ordonneroit, que pour meriter ta haine, ce seroit assez de t'aymer parfaittement: à ce mot elle se pancha pour le baiser, mais la crainte qu'elle eut de l'esueiller fut cause qu'elle se releua sans auoir desrobéce contentement; toutefois s'estonnant de son peu de hardiesse: mais, reprit-elle, pourquoy n'ay-ie pas autant de courage que d'amour? helas, continua-telle, que pourra ce Berger, quand il ne dormira plus, s'il a dequoy se faire craindre, lors mesme qu'il est entre les bras de la mort, ou pour le moins du sommeil qui en est l'image ? A ces dernieres paroles elle s'arresta, & Tyrcis commença de gemir, dequoy Laonice fut si surprisë, qu'elle s'en esloigna, de peur qu'il ne l'apperceust; toutesois s'estant cachee derriere vn gros arbre, à douze ou quinze pas de luy, elle auança lateste le plus doucement qu'elle put, & remarquant qu'il sommeilloit encore, peut-estre, ditelle, ne dormoit-il pas, quand i'ay parlé, & s'il a gemy, ç'a esté de compassion? mais continuatelle, s'il estoit vray, pourquoy se seroit-il r'endormy, & pourquoy n'auroit-il donné à ma pafsion de plus puissants tesmoignages de la sienne? non, non Laonice, adioûta-telle, ne te flatte

718 LA DERNIERE PARTIE D'ASTREE, plus de ces agreables, mais vaines imaginatios, Tyrcis te hayt autant qu'il ayme Cleon, il abhorre ta memoire autant qu'il est idolatre de la sienne, & s'il meurt d'amour pour elle, tu dois croire qu'il ne viura iamais pour toy; à ce mot elle s'en voulut aller, mais ayant encore yne fois ietté l'œil sur Tyrcis, elle prit garde qu'il s'esueilloit, & que dessa s'estant à moitié releué, il estendoit les bras, & puis en baillant se frottoit les yeux; cela fut cause qu'elle demeura cachee soubs l'arbre, derriere lequel elle estoit, de peur defaire du bruit: & de fortune le Berger s'estant leué, & ayant veu que le Soleil estoit desia bien haut, s'en alla d'vn autre costé, resolu de ne faire chose du monde, qu'il n'eust retrouué son Antre.

Laonice le voyant partir, ne sentit pas vne moindre violence, que si on luy eust arraché le cœur, & sans penser à ce qu'elle faisoit, ne quittant iamais ce berger de veuë, elle le suiuit d'arbre en arbre, & l'accompagna, iusqu'à ce qu'il eut rencotré ce qu'il cherchoit; à quoy il ne mit pas trop long-temps, car il trouua le petit ruisseau, qui auoit dessa receu quelqu'vne deses larmes, & bien-tost apres il recognut le chemin de son Antre. Aussi-tost qu'il l'eut rencontré il y entra, & dés que Laonice ne le vid plus, elle reduobla le pas, & sans crainte d'estre apperceuë, s'en alla se mettre le plus pres de l'ouuer ture qu'elle pust, & là prestant l'oreille fort at-

tentiuement, pour tascher d'apprendre quelque chose des desseins de Tyrcis, elle ouyt qu'il disoit: Chere demeure, qui me dois mettre à couuert des iniures du Ciel, comme cette solitude me guarentira pour iamais des importunitez de Laonice, pardonne moy, si m'estant perdu dans le chemin & dans la confusion de mes pensees, i'ay esté absent de toy, durant la longueur d'vne nuich. Dieu sçait quelle deuint Laonice à ces paroles, elle faillit à perdre tout sentiment; car voyant mourir en ce moment toutel'esperance qu'elle auoit desia conceuë, peu s'en fallut qu'elle ne mourust aussi. Toutesois oyant que Tyrcis disoit encore quelque chose, il sembla qu'elle voulût viure seulement pour l'escouter, cela fut cause qu'elle ouyt qu'il poursuiuoit ainsi :mais cher Antre, si tu yeux acheuer de me rendre le plus heureux homme qui fut iamais,ie te supplie ne me laisse pas viure longuement; tuer vn autre seroit vne barbarie, mais tuer Tyrcis c'est vne charité: que si pour ne sçauoir pas les succés de ma vie, tu ignores les sujects que i'ay de mourir, sçaches, mon agreable demeure, que l'aymay Cleon, que sa mort nous separa,& que la mienne est le seul moyen qui nous peur reunir. A ce mot il se teut, & parce qu'il sut long-temps sans rien dire, Laonice creut que les larmes luy empeschoient la parole, ou que peut estre ils'amusoit à baiser le rocher, dans lequel il s'estoit enfermé; n'ayant donc pas be-

720 LA DERNIÈRE PARTIE D'ASTREE, soin d'ouyr rien dauantage, pour apprendré qu'elle estoit aussi mal que iamais dans l'esprit de Tyrcis, elle se retira la plus affligee du monde; seulement elle receut yn peu de consolatio, quand elle s'imagina, que puis qu'il auoit fait dessein de n'habiter iamais d'autre lieu que cet Antre, elle auroit, sans doute, bien souuent le plaisir de le voir & de l'ouyr; ainsi le laissant en sa demeure, elle retourna dans la sienne, d'où elle n'osa sortir de tout le reste du jour. Tyrcis n'en fit pas de mesme; car apres qu'il eut esté encore quelque temps à souspirer dans sa petite grotte, il en sortit, mais n'osant pas s'en esloigner, de peur de se perdre, comme il auoit fait le iour auparauant, il s'assist soubs yn arbre, & là pour s'entretenir tousiours dans le suject de sa melancholie, il chanta premierement ces vers.

## MADRIGAL

Source d'eternelles douleurs,
Funeste, mais chere memoire,
Endespit des saisons, conserue-toy la gloire
D'auoir entretenula cause de mes pleurs:
Et toy mort, haste ton secours,
Mais il semble que tu ne l'oses,

LIVRE NEVFVIESME. 721 Helas! Cleon m'apprit en la fin de ses iours, Que tun en veux qu'aux belles choses.

Aprescela il sortit vne à vne de sa pochette toutes les saueurs & toutes les lettres qu'autrefois il auoit euës de Cleon, & les relisant l'vne apres l'autre, sa memoire luy representa si bien tous les accidents de son amour, qu'en cet instat il s'imagina qu'elle estoit encore en vie, mais cette agreable tromperie ne pouuant durer qu'autant de temps qu'il en deuoit employerà cette lecture, il n'eust pas plustost siny, que sa douleur recommença. Ainsi les ayant toutes baises & remises dans vn petit sac de soye, qu'il appelloit son thresor, il se leua, & iusqu'à ce que la nuict l'eut conuié de retourner dans son Antre, il ne cessa de se promener tout autour.

Laonice n'employa pas le iour de mesme sorte, car elle n'osa sortir du sien, de peur, que si tyrcis l'eust apperceuë, cela ne l'eust obligé à quitter pour iamais cette retraitte, qu'il sembloit auoir choisie pour le repos deses derniers iours: toutesois ne pouuant obtenir de ses pensers vn seul moment de relasche, elle ne cessa de songer aux moyens qui pourroient arrester le cours de cette hayne irreconciliable qui viuoit pour elle dans l'ame de ce Berger. Entre les pensees, dont son esprit sur plus viuement touché, l'Oracle qui luy auoit esté rendu tint presque

722 LA DERNIERE PARTIE D'ASTREE, tousiours la premiere place; de sorte que ne pour uant se faire vn iour parmy l'obscurité qu'elle y rencontroit: mais, dit-elle en elle-mesme, si les Dieux ont promis à ma passion vn remede fauorable, n'est-il pas iuste que ie l'espere de leur bonté: & si iel'espere, pourquoy ne m'est-il permis d'auoir quelque cognoissance des moyens par lesquels ie le puis obtenir? vne ombre, m'otils dit, doit seruir à mon affliction, mais quelle peut-estre cette ombre ? ce ne sera pas celle de Tyrcis, car si Tyrcis n'estoit plus qu'vne ombre, mon mal, au lieu de guerir, se rendroit du tout extreme; l'ayme savie, iusqu'à vn poinct, que si quelque fascheux accident venoit à la luy rauir, ie conspirerois contre la mienne: ce ne fera pas celle de Cleon? car, ou les morts ont quelque memoire des choses de cette vie, ou ils n'en ont point, s'ils en ont, il est impossible que l'ame de cette belle fille ne soit bien-aise que Tyrcis continuë à hıy rendre des preuues de son amour & de sa fidelité; ainsi ce seroit vainemet que l'attendrois quelque assistance d'elle, puis que son interest luy seroit plustost entreprendre de me nuire, que de me soulager : s'il n'en ont point, quelle apparence d'attendre quelque secours d'vn lieu où l'oubly regne auec tant d'empire? Non, non Laonice, continuoit-elle, tes malheurs doiuent estre eternels, & tu peux croire que si les Dieux les eussent voulu finir, ils t'en eussent inspiré quelque invention plus facile:

LIVRE NEVEVIESME. 72

cile: Mais, adioustoit-elle en se reprenant, n'estce pas vn comencement de bon-heur, que Tycis ait esté conduit si pres de toy? le monde n'atil pas d'autres deserts; le Forests mesmes n'a-til pas d'autres forests, dot ce berger eust pu rechercher les solitudes, si quelque sauorable Demon, qui prend le soing de ta vie, n'eust treuué plus à

propos de l'amener icy pour te guerir?

Sur cette pensee, elle ouurit les Tablettes où elle auoit escrit l'Oracle qui la touchoit, & l'avant releu par diuerses fois, les Dieux, reprit-elle, assurent que si Laonice est ferme en son affection, le Ciel promet par elle vn remede à sa passion; Est ce que ce remede dépend de l'affection de Laonice, ou de Laonice mesme, ou de l'ombre? ou sil'ombre & Laonice ne sont point vne mesmechose? A ce mot elle s'arresta, & s'estant amusee quelque temps à resuer assez profondément, comme faisant quelque grand dessein, hazardons, dit-elle, tout à coup, le pis qu'il te puisse arriver, c'est de te perdre; & il est croyable que les Dieux ne te l'auroient pas inspiré, s'ils n'auoient entrepris de le faire reussir. Sur cette pensee, elle passa tout le reste de la journee, & dés que la nuiet fut vn peu auancee, elle sortit de son Antre, pour aller chercher celuy de Tyrcis. Durant le chemin elle fut combattuë de mille irresolutions, & la crainte de ne venir pas à bout de ce qu'elle alloit entreprendre, luy faisoit presque treuuer de l'impossibilité das les choses Dern. part.

724 LA DERNIERE PARTIE D'ASTREE; mesmes les plus faciles : Quelquesois elle s'ima ginoit, qu'acquerir l'amour de tyrcis pas vne tromperie, c'estoit vn moyen pour nela posse-der pas longuement; d'autresois ellese persuadoit qu'il recognoistroit sa voix, ou que la Lune qui commençoit à paroistre, descouuriroit le se-cret qu'elle eust desiré ne sier qu'aux tenebres: mais apres cela, quand elle se souuenoit d'auoir ouy dire qu'en amour les artifices, voire mesmes les larcins estoient permis, & qu'elle pensoit qu'il seroit bien difficile qu'il pust remarquer sa voix, puis qu'à peine seroit-il esueillé, & que la Lune au lieu de luy nuire, pourroit ayder à ses desseins, ayant autresois soussert pour Endimion, vne partie des peines qu'elle ressentoit alors pour tyrcis, elle prenoit vn peu de courage, & continuoit dans sa premiere resolution. La seule crainte qui la toucha plus sensiblement, sut celle de le rencotrer hors de son Antre, ne pouuant pas s'imaginer qu'autre lieu que celuy-là, pust bien fauoriser son intention, Cela fut cause qu'en y allant, elle ietta tousiours curieusement les yeux d'vn costé & d'autre, pour voir s'il ne se seroit point perdu, comme il auoit desia fait vne fois; mais n'en ayant appris aucunes nouuelles, elle arriua enfin sur le milieu de la nuiet, au mesme lieu où elle auoit suiuy Tyrcis vn peu auparauant; & d'abord s'estant mise à l'ouverture de l'Antre, elle presta l'oreille pour sçauoir s'il estoit

LIVRE NEVEVIESME ridormy, dequoy elle ne fut pas plustost assuree, que s'estant recommandee à l'Amour, & au Dieu du sommeil & des songes, elle adoucit sa voix le plus qu'elle pust, & se mit à nommer trois fois Tyrcis. A ce nom le Berger s'esueilla à moitié, & iettant vn grand souspir; se tourna du costé de Laonice, qui commençant de bien esperer de son dessein, sçaches Tyrcis, continua-telle auec le mesme ton de voix, que c'est de la part des Dieux, que iete viens commander de finir cette hayne que tuas conceue si peu iustement contre la beauté de Laonice, son amour doit estre desormais l'obiect de tes desirs, sur peine d'attirer sur toy le courroux de la diuinité qui te l'ordonne; & afin que tu cognoisses plus clairement, que tout cecy est conduit par la volonté de ces supremes intelligences, sois assuré que tu treuueras demain cette bergere assez proche d'icy, aussi disposee à te pardonner tes rigueurs, que tu le dois estre à t'en repentir; Ne manque donc pas à la chercher auecque foing, & ne crains plus d'offenser Cleon, puis que c'est elle-mesme qui t'en apporte le commandement. A ce mot Laonice se retira; & Tyrcis, qui au nom de Cleon auoit commencé d'ouurir les yeux, eut seulement le temps de la voir disparoistre, car en cet instant son Antre se treuua si remply de clairté, à cause que la Lune donnoit à plain dans l'ouuertu-

re, que ce Berger n'en pouuant souffrir l'ef-

Zz ij

clat, fut contraint de se tourner de l'autre costé! Il auoit otiy assez consusément le discours de Laonice, & pourtant il ne laissa pas d'en retenir le sens, mais comme il n'estoit pas bien esueillé, il se rendormit aussi-tost, sans auoirfait autre chose que nommer en souspirant, deux sois le nom de Cleon, que Laonice entendit distinctement, car elle ne sut pas plustost retiree, qu'elle reuint prester l'oreille à l'ouverture de l'Antre, pour apprendre ce que Tyrcis diroit, ayant doc eu cette marque d'auoir esté ouye, elle se retira tout à sait dans sa demeure, & reposa comme el-

le put iusqu'au iour.

Tyrcis d'autre costé se leua de fort bon matin, & comme il n'auoit rien de si present en la pensee, que l'amour qu'il conseruoit pour les cendres de Cleon, il ne fut pas long-temps sans resuer sur ce qui luy estoit arriué durant la nuict. Au commencemet il se figuroit que c'estoit vn fonge, mais tout à coup se souvenant de ce qu'il auoitouy, il ne doutoit plus que ce ne fust vne veritable vision. Ainsi ne songeant point à la tromperie qui luy auoit esté faitte, & croyant infailliblement que c'estoit l'ombre de Cleon qu'il auoit veuë: mais chere ombre, dit-il, ayant presque la larme à l'œil, est-il possible que tu te fois enfin lassee de mes pleurs & de mes soûpirs? Cette passion inuiolable que i'ay entretenuë auecque tant de puteté, auroit-elle bien pu deuenir importune, iusqu'au poinet de te desplaire

727

& de te fascher? Si dans la felicité dont tu iouys, & dont cette grande splendeur qui t'accompa-gne mesmes dans les horreurs de la nuict, m'est vne preuue irreprochable, si, dis-ie, dans cet estat bien-heureux il t'ennuye de voir que ie ne te puisse donner que de foibles preuues de mo amour: considere ie te supplie, chere Ombre, qu'en cela les esse sont bien disserents de leur cause, & qu'encore que ces marques de mon asfection perissent presque en naissant, mo amour qui les produit, ne laissera pas de durer comme l'éternité. A ce mot il se taisoit pour vn peu, puis reprenant la parole, mais enfin, continuoit-il, Cleon qui se plaist à te faire entreprendre les choses les plus difficiles, te commande d'aymer Laonice, sçachant bien que tu n'y treuueras guiere moins de peine qu'à tenter l'impossible: si tu luy desobeys, bien que ce soit le premier crime que tu auras commis contre ce que tu luy dois, il n'en sera pas pour cela moins punissable, d'autant mieux qu'estant despouillee de ce qu'elle auoit de mortel, tu ne la peux plus offen-fer que comme vne Diuinité: Si tu luy obeys, qui te dispensera des vœux & des serments que tu auois faits si souvent, de n'auoir de l'inclination que pour elle? Elle sans doubte, adioustoit il incontinent, & puis qu'elle eut bien le pouuoir dete forcer à les saire, elle en doit auoir assez pour te contraindre à les rompre, apres vn si absolu commandement. Ah! chere Cleon, con728 LA DERNIERE PARTIE D'ASTREE, tinuoit-il en se reprenant, qu'elle est insupportable cette derniere rigueur dont vous vsez en uers moy, & qu'il estoit bien plus iuste, que vous m'ordonnassiez de mourir, que de viure pour Laonice.

A ce mot il sortit de son Antre, non pas pour aller chercher cette Bergere, mais pour se diuertir, & pour voir de quelle façon il se pourroit disposer à faire ce qu'il croyoit que Cleon luy. eust commandé: mais comme il estoit impossible que Laonice n'eust dessors presque la meilleure part de toutes ses pensees, il n'y eut vne seule des marques d'amour qu'elle luy auoit donnees, qui ne se presentast alors à son souvenir. Et cela faisoit d'autant plus d'effect en son ame, qu'il consideroit qu'elle les auoit continuees dans le plus fort de sa hayne & de son mespris: Apres cela, comme elle estoit fort belle fille, la memoire des traits de son visage sembloit luy inspirer la pitié, & tout autant de fois qu'il pensoit aux cruautez, dont il auoit payé sa recherche, il sembloit qu'il se laissast toucher de quelque espece de repentir. La seule chose qui le retenoit le plus dans sa pre-miere colere, c'estoit le souvenir de la vengeance qu'elle auoit tirce de Syluandre & de Phillis, luy semblant que cette meschanceté premeditee & our die auceque tant d'art, estoit vn tesmoignage d'vn traistre & d'vn malicieux esprit: mais, comme s'il eust eu honte de la condamner

fans l'ouyr: toutefois, disoit-il en luy-mesme, la vengeance est douce en quelque esprit que ce soit; & comment auroit il esté possible qu'vne fille s'en fust desfendnë, si les plus grands personnages que les Histoires nous ay ent vantez, ont eu plus de peine à resister aux mouuements de cette passion, qu'à conquerir des Empires? il n'estoit pas raisonnable que Laonice fust moins imparfaitte que le reste des mortels, & peut-estre estoit-ce pour cela qu'Hy las me disoit dernierement, que s'il en eust eu le loisir, il m'eust fait auouer que cette Bergere n'estoit pas si coupable que ie me la figurois; il m'eust dit sans doubte, que son ressentiment m'estoit auxtageux, & que ie luy en deuois auoir de l'obligation, puis qu'elle auoit tesmoigné par là, qu'en me perdant, elle auoit creu perdre la seule chose qui la pouvoit contraindre à faire vne trahison; Il m'eust representé qu'elle auoit imité ces desesperez, qui ne sçachants comme r'auoir ce que la mort ou la fortune leur a rauy, s'en prennentaux Dieux, & brisent les statuës qu'ils ont auparauant consacrees à leur honneur.

Auec de telles ou semblables paroles, Tyrcis s'alloit entretenant, quelquesois condamnant les artifices de Laonice, & quelquesois les excusant, & se condamnant soy-mesme d'auoir esté le principal autheur de la meschanceté qu'elle auoit saitte, mais soudain qu'il reuenoit à penser à Cleon, cette memoire l'emportoit, & l'empes-

LA DERNIERE PARTIE D'ASTREE, choit de songer de long-temps à autre chose. Dans ces combats il passa presque toute la iournee, & ne s'esloigna de son Antre, que pour aller boire au petit ruisseau qui le secouroit en cette necessité; mais Laonice ayant veu finir le iour sans auoir eu des nouuelles de Tyrcis, commença de craindre que son inuention eust esté descouverte: elle l'avoit tousiours attendu en vn endroit du bois, où les arbres pour estre fort proches lesvns des autres, sont vn ombrage plus agreable qu'ailleurs, & son impatience auoit esté telle, qu'à chasque bruit que les branches faisoient, quand le vent les faisoit entre-baiser, elle ne pouvoit s'empescher de tourner la teste, s'imaginat que c'estoit Tyrcis. Enfin ayant passé le iour de cette sorte, parmy les inquietudes que peut auoir vne personne qui ayme parfaittement, elle resolut de contresaire l'Ombre yne seconde fois, auec serment de la deuenir ellemesme, en cas que son artifice n'eust pas vn succez plus fauorable qu'il l'auoit eu : Ce sera alors, dit elle en elle-mesme, qu'attachee inseparablement aux pas de ce barbare, ie ne le laisseray iamais iouyr d'vn feul momet de repos: du feu de mon amour i'allumeray vn flambeau, qui plus dangereux mille fois que celuy des Furies, le bruflera fans relasche, & sans le consommer. En ce dessein elle fut sur le poin & de partir pour arriueroù estoit Tyrcis, à la mesme heure qu'elle y avoit esté la nuiet auparauant; mais craignant

que le Berger fut esueillé, soubs l'esperance de reuoir Cleon vne seconde sois, elle creut qu'il estoit meilleur de n'y aller qu'vn peu deuant le iour: Ainsi elle passa la nuict soubs ces arbres, & quand elle iugea qu'il estoit temps de partir, elle s'en alla pour executer ce qu'elle auoit proposé.

Dés qu'elle sut à l'ouverture de l'Antre, elle presta l'oreille, comme elle auoit desia fait l'autre fois, & soudain qu'elle sut assurce que Tyrcis dormoit, elle y entra auec le moins de bruit qu'elle pur, la premiere chose qu'elle fit ce fut de le nommer, sçachant bien que naturellement chacun a plus de disposition à ouyr son propre nom, que toute autre parole, & de fait, en cet instant le Berger donna quelque tesmoignage de n'estre pas entierement endormy; ce qui fut cause que Laonice se hasta de luy dire, Tyrcis, ta des-obeyssance a offensé les Dieux & Cleon, & la rigueur de Laonice sera la punitió de ton crime, que si tu ne veux que son esprit deuienne inexorable pour toy, fay que tu sois auiourd'huy en estat de reparerla faute que tu fis hyer, & fouuiens-toy encor vn coup que c'est Cleon qui te le commande, & que tu ne dois iamais esperer de grace aupres d'elle, si tune m'obeys: A ce mot elle sortit, & se mettant tout contre l'ouuerture, elle ouyt que Tyrcis fit vn grand souspir, & puis haussant la voix, helas! chere Cleon, dit-il, pourquoy fuys-tu si promptement la presence de celuy qui fut autrefois la moitié de ta

732 LA DERNIERE PARTIE D'ASTREE, vie? ou pourquoy m'imposes-tu maintenat vne loy, que iadis tu eusses eu horreur de me prescrire? Bons Dieux! est-il possible qu'il y ait parmy vous quelque changement, & que vous ayez ce deffaut commun auecque les hommes? Alors il se teut, & Laonice qui pensa qu'il n'auoit plus rien à dire, fut sur le poinct de s'en retourner, mais tout à coup elle ouyt, que reprenant la parole, & bien, dit-il, ie la suiuray cette loy que tu me prescris, & puis que les Dieux t'ont inspiré quelque pitié pour les trauaux de Laonice, il n'est pas iuste que ie sois moins sensible que toy. Disant cela il recommença de souspirer, & la Bergere saisse d'vne ioye incroyable, n'en voulut pas ouyr dauantage; mais s'esloignant enuiron de deux ou trois cents pas, elle resolut de luy donner toute sorte de commodité, de rendre vne obeyssance veritable au feint commandement qui luy auoit esté fait.

Cependant tyrcis ne se rendormit pas, mais pensant aux qualitez du corps & de l'esprit de Laonice, & n'ayant plus pour elle cette auersion qui luy faisoit codamner toutes choses, il acheua de se resoudre, & de croire que les annees qu'il passeroit aupres d'elle, pourroient auoir quelque chose de plus doux, que celles qu'il vouloit employer dans la solitude qu'il auoit choisse. En ce dessein, il se leua aussi-tost que le iour parut, & ne se pouuat imaginer en quel lieu il pourroit rencontrer cette Bergere; qu'est-il besoin, dit-il

733

mes Dieux qui nous en mettre en peine, les mes mes Dieux qui nous ont commandé de l'aymer, nous donneront sans doute le moyen de la voir: A ce mot il sortit, & sans sçauoir où aller, il suiuit le premier chemin où ses pas le voulurent conduire. Laonice qui estoit aux estoutes, ne sur pas long-temps sans le voir paroi-siste en terre, & soudain qu'elle iugea qu'il la pourroit entendre, se mit à chanter ces vers:

## STANCES

Beaux deserts, chere solitude
A qui ie dois maguerison,
Et qui remettez maraison
Dans sa premiere quietude,
Quelque horreur que ie treuue en ces lieux obscurcis,
Vous m'estes bien plus doux que les yeux de Tyrcis.

Bois, que vous m'estes agreables,
Mon cœur vous nomme son recours
Contre vn cruel, pour qui mes iours
Ne sont pas assez miserables,
Et qui voudroit aller mesmes iusqu' aux Enfers
Adiouster d'autres maux à ceux que i'ay soufferts.

Tyran arme-toy de colere, Mon ame rid de tes desdains, C'est à ce coup que ie ne crains Quelque mal que tu puisses faire, Ces arbres esseuez, tesmoings de malangueur, Me tiennent à couvert des coups de ta rigueur,

Beaux deferts chere solitude,
Par vostre secours seulement,
Ie m'estoigne si doucement
Des traits de son ingratitude,
Heureuse mille sois si vous pouviez, beaux lieux,
L'oster à ma pensee aussi bien qu'à mes yeux.

A cette voix Tyrcis demeura comme pasmé, admirant la prouidence des Dieux en la conduitte de cette assection, & se glissant d'arbre en arbre il arriua aupres d'elle iustemet comme elle acheuoit de chanter. Aussi-tost il se ietta à ses genoux, & la bergere qui seignit d'auoir vne extreme peur, se voulut leuer pour s'ensuy; mais Tyrcis l'arrestant par sa iuppe, Belle Laonice, luy dit-il, comme Cleon sut autresois la cause du peu d'estime que ie sis de vostre beauté, elle l'est maintenant de l'amour que ie vous viens offrir, heureux doublement, si le souuenir de ma hayne passe n'a point sait mourir en vous la volonté de me receuoir: Laonice alors si gnant sort bien vn estonnement; Cruel, luy

735

respondit elle, n'es-tu pas encore lassé de m'affliger? pourquoy me viens-tu persecuter dans ceslieux où mon humeur a treuué vn remede à ta barbarie? si tu es ce Tyrcis, dont la cruauté m'a fait tant de fois mourir, qui te pousse à me venir flatter des promesses d'vn bien dont tu m'as osté tant de fois l'esperance ? & si tu n'en es que l'ombre, dy moy qui t'a fait abandonner l'ame de cette Cleon, dont tu as si long-temps idolatré les cendres? Ie suis veritablement, repilqua le Berger, ce tyrcis, qui ne se pouuant despoüiller de la passion qu'il auoit conceue pour cette belle fille, eust mieux aymé mourir que la changer; mais depuis que cette mesme Cleon a autrement ordonné de ma vie, l'ay creu qu'autre que Laonice ne deuoit auoir la gloire de me posseder. Disant cela, il s'auança pour luy prendre la main, & la bergere se reculant, comme ne l'osant toucher; attends, luy dit elle Tyrcis, ie doute encore si ce que ie vois n'est point vne illusion; permets que mes esprits se rassurent, ou tu me feras mourir de frayeur: Mauuaile, reprit Tyrcis, si nous auions aussi peu de peine à croire les miracles, que les Dieux à les faire, vous seriez bien-tost hors de cet estonnement; En effect, dit Laonice en l'interrompant, voir tyrcis à mes genoux,& l'ouyr parler d'amour à Laonice, ne sont pas deux petites merueilles, & pourtant, dit tyrcis, il n'est pas plus vray que ie vis, qu'il est vray que ie vous ayme, ie doute esgale-

LA DERNIERE PARTIE D'ASTREE, ment del'vn & de l'autre, adiousta Laonice, & ce qui me met le plus en peine, c'est de sçauoir quelle preuuei'en dois demander; la plus infaillible, repliqua le Berger, c'est le repentir des rigueurs dont i'ay payé iadis la volonté que vous auez euë pour moy, & le vœu intiolable que ie say de n'estre iamais qu'à vous. A ce mot il se hasta de luy prendre la main qu'il baisa, & Laonice en soustriant, à cette heure, dit-elle, ie cognois que vous auez vn corps, & que ie ne dois plus douter qu'il y ait en cecy quelque tromperie, si vous ne la cachez dans vostre intention; Mon intention, respondit le Berger, est toute coforme à mes paroles,&si la volonté que ie vous offre merite que vous arrestiez-là vos desirs, ie vous conjure de quitter pour l'amour de moy ces deserts, qui sont plus propresà nourrir des Ours, que des beautez comme la vostre, & de prendre la peine de venir iusqu'à Mont-verdun; où vous receurez la derniere preuue que ie vous puis donner de ma sincere affection. Laonice qui ne demandoit pas mieux, sit encore quelques petites difficultez, apres lesquelles elle cosentit enfin au desir de Tyrcis, & s'estants demandez en chemin, par quelle rencontre ils auoient esté conduits dans cette forest, Laonice luy montral Oracle qui luy auoit esté rendu, & Tyrcis luy raconta comme il auoit reüssi, parlat auecque tant d'innocence de cette ombre, des discours qu'elle luy auoit tenus, & de cette granz

LIVRE NEVEVIESME. 3

de clairté dont il la vid enuironnee, que Laonice ne put s'empescher de rire dequoy son artisce auoit eu vn si fauorable succez, ce que le Berger attribuant à la ioye qu'elle deuoit auoir de le posseder, il luy sur impossible de se doubter iamais de sa malice. Enfin estants arriuez au Temple, tyrcis supplia Laonice de consentir qu'vn Druyde les mariastensemble, à quoys'estant accordee, ils surent en peu de temps espousez, & aussi-tost apres descendirent iusques dans la Plaine, pour donner la nouuelle de leur mariage inopiné, aux Bergers & aux Bergeres de leur cognoissance.

Fin du neufuiesme Liure.







LA

## DERNIERE PARTIE

## DASTREE

LIVRE DIXIESME.

Es derniers accidents arriverent à Tyrcis, durant que le reste des bergers de Lignon estoit dans vn extre-me desordre, pour l'interest que chacun auoit aux personnes de Celadon, d'Astree, de Diane, & de Syluandre: mais sur tous, Lycidas sembloit digne de compassion, pour l'extreme fureur où l'auoit reduit la mort d'Alexis: & de fait, Adamas durant tout le chemin nerespondit iamais yn seul mot aux regrets de ce Berger, car il les treuuoit si iustes, qu'il eust eu honte de les condamner: mais soudain que toute la trouppe fut arriuce chez luy; & qu'Astrce, Diane, Celadon & Syluandre eurent esté mis dans les chambres que le Druyde auoit ordonnces. Bellinde & Phillis qui estoient tousiours, Dern. part. Aaa

LA DERNIERE PARTIE D'ASTREE, l'vne aupres de Diane, & l'autre aupres d'Aftree, remarquerent qu'elles ouurirent les yeux peu à peu, & que par vn grand souspir elles donnerent tesmoignage d'estre encore en vie-Aussi-tost Phillis courut en aduertir Adamas, qui bien aise de cette nouuelle, s'en alla incontinent où estoit Celadon, pour voir s'il n'en aurois point fait de mesme, mais il se treuua, & Syluãdre aussi, dans le mesme estat où ils estoient aupres de la fontaine : Ne voyant donc point de suject d'esperer quelque chose d'eux, il comanda qu'on les deshabillast, & luy-mesme commençad'ayder à Lycidas, cependant que Thamyre & Hylas mettoient Syluandre dans le lict. A peine eurent-ils acheué de les deshabiller, que le Druyde, pour s'assurer entierement de la mort d'Alexis, luy mit la main sur l'endroit du cœur, mais il luy sembla que la chaleur n'en estoit pas du tout esteinte: & de fait, elle n'estoit qu'esuanoiive, mais par la force de cet enchantement cette pasmoison auoit esté beaucoup plus logue & plus violente, que ne sont ordinairement toutes les autres. Cette cognoissance le rendit si fatisfait, que sans sedonner vn moment de repos, il alla chercher dans son cabinet tous les remedes qu'il iugea luy pouuoir estre vtiles,& trauailla si bien, qu'en moins d'vn quart-d'hure il la retira & Syluandre aussi, de cette espece de letargie en laquelle ils estoient tombez. Lycidas ne vid pas plustost son frere en vie, que se sou

uenant de son trasport, & s'accusant des impietez qu'il auoit proferees, il se ietta à genoux au pied du lict, & haussant les yeux, grands Dieux, s'escria-til; qui par vne prouidence qui nous est incognue, gouvernez toutes choses, ie vous rends graces de la faueur que vous me faites en me rendant Celadon: Puissantes Divinitez, cotre qui ma sureur m'a fait vomir des blasphemes, ie consesse l'enormité de mo crime, & vous en demande pardon; à ce mot il seleva, tout rauy, dequoy Celadon n'estoit pas mort.

, D'autre costé le Berger n'ouurit pas plustost les yeux, qu'il se ressouuint du combat où il s'estoit exposé; & croyant se voir estendu sur la poussiere, & tout counert de blessures & de sang, il fut bien estonné quand il se vid dans vn lict, & qu'il n'auoit ; au lieu des Lyons & des Lycornes, qu'Adamas & son frere aupres de soy. L'accident qui luy aduint chez Galatee, apres qu'on l'eut retiré de l'eau, luy reuint soudain en la pensee, toutefois ne pouuant comprendre de quelle saçon il auoit esté retiré d'entre les grifses des Lyons qui le deuoient auoir deschiré en mille pieces, il tourna ses yeux languissants sur le Druyde, & fortant vn bras hors du liet, sans dire vn seul mot, il luy prit la main, comme s'il eust doubté que les obiects qu'il voyoit ne fussent quelques fausses images : dequoy Adamas se doubta en partie, & cela sut cause que se panchant tout à fait sur le lict; Celadon, luy dit-il

Aa'a ij

742 LA DERNIERE PARTIE D'ASTREE, en le baisant au front, les Dieux nous ont esté enfin assez fauorables pour s'opposer aux maunais desseins que vous auiez faits contre vousmesme; vous estes en vie, mon fils, malgré tous les efforts que vous auez faits pour mourir, & puis qu'il y a quelque fatalité qui ne veut pas que nous vous perdions, i'ose bien esperer de vostre contentement & du mien : Mon pere, luy respondit alors Celadon, auecque vne voix foible & languissante, ie crains bien que le mesme suject d'où vous tirez quelque esperance de contentement, soit cause en moy d'vn desespoir plus violent que tous ceux que i'ay desia ressentis; car si la vie qui me reste doit estre employee à regretter la mort d'Astree, que l'ay veuë comme moy dans le peril, & qui aura sans doubte receu de ces Lyons l'iniure qu'ils m'ont refusee; croyez-vous, mon pereque chaque moment que ie viuray ne me soit pas plus insupportable que l'horreur de mille trespas? à ce mot Lycidas luy sautantau col, & luy faisant des caresses extraordinaires, mon chere frere, luy dit-il, Astree se porte mieux que vous, & l'ay ouy que Phillis en a fait le rap-port au Druyde. Ah Dieux, s'escria Celadon, qu'en cela vous auriez bien montré vostre Iustice: mais mon pere, continuoit-il, se tournant vers Adamas, faut-il que ie croye ce que Lycidas me dit ? vous le deuez, respondit le Druyde, & certes, de l'estat où vous estes, vous pouuez tirer vne consequence pour elle, car tout cecy, comme ie croy, n'a esté qu'vn estect de ce grand enchantement, d'autant mieux qu'auiourd'huy les Lyons & les Lycornes sont changez en de grandes figures de marbre, qui gardent encore leur forme & leur coulcur; outre que la mesme chose qui vous est aduenuë, est arriuee à Astree, à Diane, & à Syluandre : comment, dit Celadon, haussant vn peu la voix, Sylvandre n'est donc pas mort? il nel'est pas, dit le Druyde, & vous aurez bien-tost suject de n'en plus doubter; disant cela, il entr'ouurit vn peu dauantage le rideau, & luy fit voir ce Berger, que Thamyre & Hylas consoloient autant qu'il leur estoit possible; car n'ayants pas sceui au vray quel estoit le suject qui luy auoit fair sechercher la mort, ils croyoient que le seul regret de viure incognu luy en auoit inspiré le desir: pour cela ils luy representerent toutes les considerations que leur jugement pensa luy pouvoir estrevtiles, ils luy dirent que ce malheur ne le devoit pas mettre en peine, puis que les honnestes gens trouvent partout vn mesme Ciel, & se font vn mesme sort en quelque lieu qu'ils aillent; que son merite luy avoit acquis l'amitié de tant de Bergers, qu'il estoit croyable qu'il auroit tousiours assez de biens pour s'exempter de la necessité, & pour finir ses iours dans le mesme reposoù les autres viuoient; enfin ils luy dirent, tout ce qui leur vint en la 744 · LA DERNIERE PARTIE D'ASTREE, fantaisse: mais, comme ils ne touchoient pas la cause de son mal, aussi ne gaignerent ils rien fur son humeur, & n'eurent iamais de luy que des responces, qui leur firent iuger que sa douleur estant extraordinaire, elle deuoit proceder de quelque su ect qui n'estoit pas cognu. Ils le laisserent donc malgré eux en cet estat, car le Druyde les emmena à la priere de Celadon, qui pour entretenir Sylvandre, fut bien aise de n'auoir que Lycidas pour tesmoing. Aussi dés qu'ils furent sortis, il se ietta en bas de son lict, & s'en alla dans celuy de Syluandre, qui l'ayant receu: ah Berger, luy dit-il, que i'ay desormais de suject de vous vouloir du mal, & pourquoy? respondit Celadon, pource, reprit Sylvandre, que vous me destournastes du dessein que l'auois fait de me precipiter; car enfin, n'eust-il pas mieux vallu que vous eussiez esté tesmoing dela fin de ma vie, que de la continuation de mes malheurs? voyez, continua-til, à quoy ic suis maintenant reduit, puis que ie ne sçaurois plus esuiter la presence de Paris & de Diane, dont l'vn me fait mourir d'enuie, & l'autre me tuë par son changement. Le ne sçaurois m'en repentir, luy dit Celadon en l'embrassant, car il y aura tousiours beaucoup de gloire pour moy, d'auoir contribué quelque chose, à la conservation d'vn Berger tel que vous estes; mais l'ay bie du regret dequoy vous voulustes depuis, yous rendre compagnon de ma fortune, puis

que ie crois tres-assurément que vous seul estes cause que ie ne suis pas mort dans cette auature, -& que les Dieux ne m'ont laissé la vie que pour me punir, dequoy ie vous permis de hazarder la vostre en vne occasion, où nul autre Amant que moy ne deuoit perir. Ce secret, adiousta Sylvandre, n'est pas le moindre de ceux qui sont reseruez à la cognoissance de Tautates, mais sans nous amuser à vouloir penetrer dans l'intelligence de tant de mysteres, ie voudrois bien, Celadon, que vous me fissiez la faueur de me dire, si vous ne sçauez point quelque chose de Diane? ie n'ay pas eu, respondit-il, assez de temps pour m'en enquerir, ayant à peine sceu qu'Astree viuoit encore, mais Lycidas nous en pourra peut-estre esclaircir; à ce mot il l'appella, & Lycidas s'estant assis sur le pied du lict, leur raconta ce que Phillis en auoit dit au Druyde, dequoy Syluandre fut en quelque façon content : mais tout à coup, anecque vn profond souspir; helas! reprit-il, Paris, est sans doubte, maintenant aupres d'elle, qui luy baise tantost la bouche, tantost les yeux, & qui par des caresses toutes plei-nes d'amour & de seu, s'efforce de regaigner les plaisirs qu'il auoit perdus durant son es-uanouissement ? nullement, respondit Lyci-das, Paris est occuppé à faire les honneurs de la maison; & bien que l'accident qui est

Aga iiij

746 LA DERNIERE PARTIE D'ASTREE, arriué à Diane le tienne dans vne peine qui n'est pas petite, il faut toutefois qu'il se contraigne, pour satisfaire au commandement d'Adamas, qui a voulu qu'il tinst compagnie à Galatee, à Rosanire, à Daphnide, à Madonte, & aux Nymphes qui sont venuës de Marcilly. Celadon alors prenant la parole, demanda à son frere, depuis quand elles estoient arriuees, & il luy respondit, qu'elles n'estoient chez Adamas que depuis le matin, & qu'elles s'estoiene habillees en bergeres, afin d'y mieux passer le temps. Syluandre à ce mot commença de souspirer, mais Lycidas rauy de la ioye qu'il auoit de voir son frere, ne put s'empescher de rire, & Celadon luy en ayant demandé le sujet; ie ris, luy respondit Lycidas, de cognoistre que Syluandre est ialoux, & de voir que cette passion produit en luy les mesmes effects qu'elle faisoit naistre en moy, durant le temps qu'il prit plaisir à me nourrir dans cette sascheuse humeur; & certes, continua til, on diroit à l'ouyr parler, que Diane a desia eu deux ou trois enfants de Paris, & cependant, à peine y a-til entr'eux vne seule promesse de mariage. Syluandre, qui croyoit que Lycidas se mocquast, ne changea, ny de visage, ny d'humeur, au contraire, paroissant presque plus affligé qu'il n'estoit: helas Berger, luy dit il, que vous auez peu de pitié, quand vous vous plaisez à me blesser par des coups si sensibles, & qu'il faut

bien que ie vous aye fait quelque grande offence, puis que vous vous en vangez si cruellement: Ie vous iure, repliqua Lycidas, que ie n'ay nul dessein de me vanger de vous, & qu'il est tres vray, que s'il vous est aussi facile d'empescher que Paris espouse Diane, qu'il est assuré qu'ils ne sont point encore mariez, vos malheurs auront bien-tost trouué leur remede. Syluandre alors tesmoignant vne extreme satisfaction de cette nouvelle; les Dieux, dit il tout à coup, sont en cela mes luges & mes parties:mais quelque vaine que doine estre l'esperance qui me reste, elle ne laisse pas de me plaire, d'autant mieux que si ie fusse mort, i'eusse desobey à Diane, qui me l'a absolument dessendu, iusqu'à ce. que son mariage soit consommé. Mais, reprit Lycidas, qu'est-ce donc qui vous auoit fait croireque cela estoit? ie n'en ay eu, respondit Syluandre, nulle autre assurance que le rapport du garçon qui a le foing de mes troupeaux, qui m'en parla auec yne innocence si grande, que ie n'osay douter de la verité de cet accident. yous est arriué, dit Celadon, la mesme chose qui aduient en beaucoup de rencontres, & sur tout, quand la nouuelle passe par plusieurs bouches, car chacun y adiouste vn peu, & les dernieres assurent qu'ils ont veu, cela mesme qui n'est point, & qui ne sut iamais: il est vray, respondit Sylvandre, car ce ieune garçon me iura, que celuy qui sert Lycidas, assuroit d'auoir veu

presque toute la ceremonie, & qu'il auoit dansé au son des haut-bois, qui retentissoient bien auant dans la plaine, mais puis que ce malheur ne m'est point encor arriué; Grands Dieux, continua-til, leuant les yeux au Ciel, par pitié destournez de moy ce funeste coup, ou s'il est ineuitable, permettez que ma mort pour le moins lé preuienne.

A peine Syluandre eut acheué ce peu de mots, que se tournant vers Celadon: mais Berger, luy dit-il, que faisons-nous dans ce lict? Il me semble que nous n'y sommes pas bien, puisque nous n'auons aucune incommodité qui nous y retienne: Nous pouuons bien en sortir, dit Celadon, au pis aller si Adamas veut que nous ne bougions d'icy, nous pourrons nous promener par la chambre: A ce mot Syluandre pritses habits, & cependant que Celadon faisoit chercher les siens, il acheua de s'habiller; mais quelque diligence que fust la recherche de Lycidas, il ne sceut iamais treuuer dequoy habiller son frere: car le Druyde qui auoitem-porté en sortant l'habit de la feinte d'Alexis, auoit oublié de remettre celuy que Celadon auoit àutresois porté; de sorte que ne pouuant pour encore sortir du lict, Syluandre & Lycidas s'assirent aupres de luy, & s'estants remis sur le discours de ce qui touchoit l'enchantement, "Lycidas leur raconta tout ce qu'il en anoit yeu.

Cependant Adamas estoit allé voir Astree,& cette Bergere ne levid pas plustost aupres de son lict, que le regardant d'un œil qui tesmoignoit assez l'estonnement où elle estoit; Mon pere, luy dit-elle, pourquoy me vois-ie plustost dansce lict que dans un tombeau? & par quel malheur suis-ie maintenant separee d'Alexis, y ayant si peu de temps que ie me suis veuë auec elle ? C'est, luy dit alors le Druyde, à quoy ie ne vous sçaurois respondre, n'ayant point encore sceu de nouvelles de ce que vous me de-mandez: mais quand les Dieux auroient ordonné que vous ne la vissiez iamais, ie trouuerois cette loy fort iuste, puis que desia vous l'auez traittee auecque tant de mespris, qu'ils croiront yous auoir fauorisee quand ils l'auront fait mourir: Mais mon pere, reprit la Bergere, vous auez voulu que ie luy aye pardonné l'offense que ie croyois auoir receuë de sa troperie, vous m'auez dit tant de choses de son innocence, qu'enfin i'ay consenty à ne l'aymer pas moins que l'auois desia sait; pourquoy donc ne mela tendront-ils pas, s'ils sçauent bien que ie ne suis plus en colere, & que ie ne sçaurois viure sans elle? Quand ie vous ay parlé de son innocence, repliqua le Druyde, ie n'ay rien dit que ce que i'estois obligé de ne vous point taire, par la cognoissance que l'auois de sa discretion; & en quelque degré que ie l'aye mise, vous auez recognu depuis, que ie ne me suis nullement esloi-

750 LA DERNIERE PARTIE D'ASTREE, gné de la verité, puisque les Lycornes ont esté veues aupres de vous, & que c'est vne chose infaillible que iamais ces animaux ne s'approchent d'vne fille qu'ils ne seruent d'vne marque irreprochable de sa pureté: mais plus il y a cu d'innocence du costé d'Alexis, plus il y a cu de crime du vostre, & c'est ce qui me fait craindre que les Dieux se soient disposez à vous punir, & qu'ils ayent jugé que vous ne deuiez jamais posseder une personne que vous auez sans rais son bannie deux fois de vostre presence. Ie voy bien, mon pere, dit froidement Astree, qu'Alexis n'est plus, & que les Dieux sont iustes de m'auoir fait ce mal, mais ils ne le seront pas s'ils me laissent viure, & s'ils ne souffrent au moins qu'apres auoir esté punie de l'iniuste colere que le conceus contre Celadon. ie sois recompensee de l'amour que l'ay conseruce pour luy, au milieu de nos plus grandes infor-zunes: Disant cela, ses yeux se couurirent de larmes, & Adamas qui en eut compassion; ma fille, luy dit-il, se panchant vn peu sur le lict; attendez de vous affliger que vous ayez de plus particulieres nouuelles de la pette d'Alexis; le soing que l'ay eu de vous faire amener, a esté cause que ien'ay pas bien sceu ce qui luy est arriué mais si vous me promettez d'attendre mon moins d'vne heure ie viendray vous en dire fidellement tout ce que nous en deuons esperer

75

de bien ou de mal: Mon pere, respondit Astree, bien que l'estat où ie l'ay veuë, m'empesche de doubter de sa mort, l'attendray, puis que vous me le commandez, que vous m'en veniez prononcer l'arrest, afin qu'apres cela vous treuuiez plus iuste le dessein que l'ay fait de la suiure; mais mon pere, continua-telle, par pitié ne me flattez point, car pensant me guerir ou me confoler, vous rendriez mon desespoir plus violent & plus sensible. Adamas luy promit tout ce qu'elle voulut, & voyant que Bellinde parloit à Diane, il ne voulut pas les interrompre, & s'en alla droit en la chambre de Celadon, où treuuant Syluandre hors du lict, & luy voyant le visage vn peu moins triste qu'il ne l'auoit auparauant, il en tesmoigna vne particuliere ioye, puis s'approchant de Celadon, & d'où vient, luy dit-il, que vous n'estes pas l'eué comme Syluandre? est-ce que vous auez moins de courage ou plus d'icommodité que luy? Lycidas n'attendit pas que son frere respondist, mais prenant la parole; mon pere, dit-il, ce n'est comme ie croy, ny l'vn ny l'autre, mais c'est que ie n'ay sceu treuuer ses habits. Adamas alors se souuenant qu'il les auoit enfermez, luy alla querir incontinent ceux qu'il portoit deuant son déguisement, & les luy tendant, tenez, luy dit-il, mon fils, ainsi puissent les Dieux ne souffrir iamais que vous réceuiez du mescontentement soubs cet habit, comme ie yous le rends

752 LA DERNIERE PARTIE D'ASTREE; auec vn desir incroyable de vous voir bien-tost dans la iouyssance de ce que vous aymez le mieux; Celadon les receuant le remercia, & dés qu'il ietta les yeux dessus, il luy vint tant de choses en la pensee, qu'il ne put s'empescher de faire vn grand souspir; dequoy le Druyde s'estant apperceu: & quoy Celadon, luy dit-il, n'estes vous pas bien plus aise de reprendre cet ha bit, que celuy soubs lequel vous auez esté desguisé iusqu'à maintenant? Mon pere, respondit froidement le Berger, ie ne sçay lequel des deux me doit estre plus cher: car soubs celuy d'Alexis, Astree m'a commandé de mourir: & soubs celuy de Celadon elle me defendit sa presence; Adamas qui vid bien que cette memoire l'alloit affligeant, ne voulut pas l'y entretenir dauantage, mais fe retirant vn peu pour luy donner le temps de s'habiller; Ne disputez point Celadon, reprit-il, sur le choix que vous deuez faire; prenez seulement celuy que ie viens de vous apporter, & si vous me laissez le soing du reste, ie treuueray bienle moyen de vous rendre content. A ce commandement Celadon s'habilla, & dés qu'il parut dans la chambre, Adamas l'embrassa, puis Lycidas en fit de mesme, qui se iettant à son col, le serra si estroittement, & le mouilla de tant de larmes, qu'il estoit aisé de iuger que l'affection qui les lioit ensemble, auoit encore quelque chose de plus fort que le sangs Syluandre fut extremément satisfait de le voir;

& quelque grace qu'il eust euë soubs le seint habit de fille Druyde, il parut beaucoup plus beau

soubs celuy de berger.

Adamas le prit incontinent par la main, & l'emmenant hors de la chambre; mon fils, luy dit-il, il faut que vous sçachiez qu'Astree n'a plus d'autre mal, que l'impatience dans laquelle elle est de seauoir ce qui vous est aduenu; & parce qu'il n'est personne qui luy en puisse donner de plus agreables nouuelles que celles qu'elle apprendra de vostre bouche, ie treuue qu'il est à propos que vous luy veniez dire ce que vous en sçauez. Alors Celadon changea de couleur, & retirant doucement le bras; mais mon pere, respondit-il, elle m'a commandé de mourir, & bien que ie me sois mis en estat de luy obeyr, il n'est pas croyable qu'elle se paye de la seule volonté que i'en ay euë? Ne vous mettez pas en peine de cela, reprit le Druyde, i'ay si bien preparé son esprit en vostre absence, qu'elle a resolu de ne vous donner iamais aucun suie&tde mescontentement; que si vous l'aymez, vous ne deuez pas refuser de la voir, car ie vous apprends que ce peu qui luy reste d'esperance, est maintenant la seule chose qui la retient en vie. Disant cela, il pria Syluandre & Lycidas de les attendre dans la chambre; & ayant conduit en celle d'Astree Celadon, qui trembloit à chasque pas qu'il faisoit, il entra dans la ruelle du lict où estoit cette Bergere, & ayant yn peu en-

LA DERNIÈRE PARTIE D'ASTREE, tr'ouvert son rideau, illuy prit la main & se mit à souspirer, feignant de ne pouuoir pas dire seulement vne parole: Astree tourna doucement les yeux sur luy, & le voyant dans vn si profond silence, crut d'abord qu'il n'estoit là que pour luy annoncer tout ce qu'elle craignoit de plus funeste; de sorte que ne voulant plus languir dans cette inquietude: Ah mon pere! luy ditelle, que voyla vn silence qui parle bien clairement de ma mauuaise fortune; Auouez le vray; continua-telle, Alexis n'est plus? Adamas alors; la regardant d'vn œil tout affligé en apparence, Voyez-vous ma fille, luy respondit-il, ie ne vous diray iamais vne si mauuaise nouuelle; mais quand i'y serois forcé; peut-estre n'auriez-vous pas besoin de consolation; car enfin, vous l'auez desiré, & le luy auez commandé de la sorte. A ce mot Astree prit vn grand tremblement, & pressant la main d'Adamas, ah mon pere, luy dit-elle, vous metuez de ne parler point plus clairement, par pitié ne me cachez plus ce quila regarde, & quelques funestes que soient les accidents qui ont accompagné la fin de sa vie, faites-moy la faueur de me les raconter, puis que c'est la seule consolation que ie vous demãde:Disant cela, elle tesmoigna vne douleur a sensible, qu'il sembloit qu'elle ne deust plus viute qu'vn moment, & Adamas luy dit, à quoy sert Astree, de vouloir apprendre vn succez dot le recit ne vous sçauroit estre qu'importun & defagrea

LIVRE DIXIESME.

desagreable, vous sçauez plus des affaires d'Alexis que moy, vous l'auez veue dans le combat auec les Lyons, & de là vous pouuez iuger que li vous ne la reuoyez plus, c'est que son nom est demeuré dans la bouche, ou soubs les origles crochus de ces animaux impitoyables: Mais mon pere, adiousta Astree, apres vn profond fouspir, est-il possible que ces mesmes Lyos ayet tourné toute leur furie contre elle seulement? estois-ie moins capable d'assouuir leur rage & leur faim? ô Ciel cruel! continua telle, fondant toute en larmes, miserable Astree, mais sur tous infortunee Alexis, est-il possible que tu ne sois plus, & que ma seule rigueur soit cause de ta perte? En cet instant elle voulut retirer sa main pour la porter à ses cheueux, mais le Druyde se saisissant encor de l'autre: ma chere fille, luy dit-il, escoutez auec patience yn seul mot que l'ay à vous dire, apres lequel ie vous permettray d'exercer sur vous-mesme toutes les violences que vostre desespoir vous inspirera. A ces paroles Astree se remit vn peu, & Adamas en continuant, Puisque vous voulez, luy dit-il, qu'on ne vous cache rien, ie vous diray, ma fille, qu'il est vray qu'Alexis n'est plus, & que l'aurois tott de vous taire sa fin, puis qu'aussi bien y a-til quelque fatalité qui ordonne que vous ayez les premieres marques de sa mort: mais afin que vous ayez quelque suiect de croire qu'en ce dernier moment elle n'a rien

Dern. part.

Bbb

756 LA DERNIÈRE PARTIE D'ASTREE, eu de plus cher que le souuenir d'Astree, ie veux vous remettre vn gage qu'elle a laissé, & qui ne peut appartenir qu'à vous, puis que mesme il a tousiours esté vostre durant sa vie. Astree crue alors qu'Adamas luy vouloit rendre le nœud, la bague & le portrai de que Celadon auoit eus d'elle, & se disposant à viure, pour le moins iusqu'à ce qu'elle eust receu ces marques de l'amour & de la fidelité de son Berger, elle tendit les mains auDruyde, luy disant, hastez-vous doc mo pere, de me rendre ce qu'Alexis a conserué plus soigneusement que ie ne meritois. A ce mot A-damas ouurant tout à fait le rideau, & prenant le Berger par la main, tenez, luy dit-il, belle Astree, voyla Celadon qu'Alexis vous ordonno de receuoir, & de qui la vie vous doit estre deformais d'autant plus chere qu'il ne la conseruera que pour vostre gloire & pour vostre contentement. Aussi-tost Astree ietta les yeux sur luy, & le recognoissant, elle sut surprise d'vn si grand estonnement, & se vid combattuë de tant de disferentes pensees, qu'elle en demeura quelque temps immobile : mais Celadon au contraires'estantietté à genoux, & luy ayant pris vne main; Mon bel Astre, luy dit-il, si mon extreme amour est digne de quelque grace, par-donnez-moy ie vous supplie, tous les crimes que ie puis auoir commis contre vostre beauté: que siles maux que s'ay sousserts n'ont pas esté capables de vous satisfaire, permettez belle

Astree, que vostre pitié supplee à ce deffant, & qu'elleme redonne, si ce n'est la mesme place que l'eus autrefois dans vostre cœur, pour le moins la permission de vous rendre les mesmes deuoirs que vous auez tesmoigné d'auoir quelquesois agreables. Ce Berger prosera ce peu de mots auecque tant d'amour, qu'Astree en eust esté touchee quand elle n'eust presque point éti de sentiment; perdant donc à ce coup toute honte, & ne receuant plus de consideration que celle de son amour, elle l'embrassa; & bien qu'elle eust de la peine à parler, tant elle estoit interditte, elle suy dit pourtant à mots interrompus, par les larmes que la ioye luy desroboit : Mon fils, mon cher Celadon, ie te donne non pas seulement la place que tu auois dans mon cœur, mais le cœur mesme, & s'il me reste apres tant d'iniures, quelque chose de ce pouuoir absolu, que tu me donnas iadis sur tes volontez, ie te prie & te commande de m'aymer, & de viure ; A ce mot Celadon demeura comme rauy, & fut long temps sans pouuoir ouurir la bouche : mais enfin s'estant vn peu remis, Ouy mon Astree, repliqua-til, ie viuray, & puis que vous me faites la faueur de me le commander, ie proteste que l'employeray desormais plus de soing à maconservation, que ie n'en ay eu iusqu'icy, pour treuuer les moyens de me destruire : Lors que i'ay iugé que ma passion ne vous plaisoit pas, chaque moment de

Bbb ij

758 LA DERNIERE PARTIE D'ASTREE, ma vie, m'a esté plus funeste que n'eut esté l'horreur mesme de la mort, mais puis que vous auez eu assez de compassion pour vous laisser vaincre enfin par ma perseuerance, & qu'auiourd'huy la memoire de mes seruices, vous infpire dans l'ame la volonté de me continuer les mesmes faueurs que vostre amitié m'auoit accordees, chere Astree, i'ose dire que mes iours n'auront plus de nuict, & que les plus heureux bergers de Lignon n'ont iamais receu de ioye comparable à mes contentements: Mon Ber-ger, reprit doucement Astree, si c'est de mon affection que depend vostre felicité, vous auez raison de dire que vostre fortune sera grande, puis que mon amitié l'est parfaittement; & afinque vous soyezhors de doubte, que ie puisse iamais interrompre le cours de vos plaisirs, souuenez-vous Celadon, que si vous estes inuiolable aux promesses qui m'ont autrefois assurce de vostre discretion, ie mourray plustost que de manquer à la parole que ie vous donne, & au vœu que ie say d'estre vostre eternellement: le veux que Lignon ait autat de colere cotre moy que l'ay eu de hayne pour luy, durant le temps que l'ay creu qu'il auoit estoussé vostre personne & vos flames, si ie n'obserue religieusement toutes les promesses qu'autresois i'ay faites en vostre faueur; croyez-le mon fils, & souuenezvous qu'en ce moment, te renouvelle toutes les assurances qui vous ont iadis donné quelque

cognoissance de mon affection Mon Astree, adioûta Celadon, mourant presque de ioye&de plaisir, si ie ne reçoy ces paroles pour le plus doux remede qui pouuoit estre donné à mes maux, ie veux que ce mesme Lignon se repente d'auoir espargné ma vie; & si l'entrepends iamais de vous desplaire, non pas par mes actios, mais seulement par la moindre pensee; ie veux que l'air que ie dois respirer, soit pour moy vne eternelle peste; Mon fils, dit Astree, en l'interrompant, ie sçay bien que vous m'aymez plus que ie ne merite, mais quelque grande que soit vostre affection, elle ne sçauroit surpasser le desir que l'ay d'estre aymee de vous; car enfin Celadon, le veux que vous soyez tout mien, & que desormais il ne se puisse trouuer de malheur capable de rompre, les douces chaisnes dont Amour reiinit nos volotez: Disant cela, elle l'embrassa de nouveau, & Celadon se laissant ravir à ce contentement, oublia deslors, non pas seulement tous les trauaux qu'il auoit soufferts, mais encor ce qu'il devoit à la presence du Druyde; & perdant insensiblement la cognoissance de foy-mesme, il fut mort sans doute dans les douceurs de ce rauissement, si Phillis qui auoit esté tesmoing de cette reconciliation, n'eust enfin perdu patience, & ne fust venue se ietter à son col, pour luy tesmoigner la ioye qu'elle auoit de le voir soubscet habit. Bellinde & Diane amoient esté aussi fort attentiues à leur discours,

Bbb iij

260 LA DERNIERE PARTIE D'ASTREE, & bien que la douleur que Diane ressentoit sust incapable de remede, elle en receut pourtant quelque soulagement, par l'interest qu'elle auoit

au bien de sa compagne.

Adamas d'autre costé, qui craignoit qu'ayant si soudainement porté l'esprit d'Astree d'vne extremité à l'autre, cela luy causast quelque indisposition, sut bien aise qu'on eust interrompu leurs caresses, & s'approchant d'elle; ma fille, luy dit il, si la vie de Celadon vous est chere, il faut que vous me per mettiez de l'emmener, car enfin i'ay peur que n'ayant pu mourir de tristesse, dans l'excez de vos plus forres rigueurs, il meure de contentement au milieu des faueurs dont vous l'obligez auuiourd'huy : Mon pere, respondit Astree, le bien que vous m'auez fait, a quelque chose de commun avec ceux que les Dieux nous enuoyent; Vous seul m'auez donné Celadon, aussi pouuez-vous me l'oster quand il vous plaira, sans craindre que ie vous accuse d'iniustice : Ce n'est pas, dit Adamas en l'interrompat, que se veuille vous le rauir pour long temps, car ie proteste que deuant que demain soit expiré, ie vous marieray ensemble, & enuoyray querir Phocion expressément pour cela, s'il est vray pour le moins qu'il n'y ait point de repugnance en vostre volonté. Celadon & Astree ayants alors tesmoigné au Druyde que cet effect estoit desormais le seul obiect de leurs desirs: Mes enfans, leur dit-il, les tenant tous

deux embrassez, ainsi puissent les Dieux vous combler de leurs graces, comme ie sçay que vous les meritez, que si ie differe iusqu'à demain cette ceremonie, croyez que ce n'est que pour la rendre plus solemnelle, & pour donner à Phocio le contentement d'en estre tesmoing. Disant cela, il prit Celadon par la main, & l'emmena hors de la chambre, apres auoir conseillé à la Bergere de prendre vn peu de repos, puisqu'ayat esté si trauaillee durant deux ou trois iours, c'estoit le seul remede qui la pouvoit remettre dans vne parfaitte santé. A ce petit essoignement les yeux d'Astree & de Celadon se communiquerent tous les secrets qu'Amour cache soubs la contrainte du silence; & bien que cette separation ne deust pas estre prisepour vn suiect de mescotentement, ils ne laisseret pas de s'en affliger vn peu, & de croire qu'elle pouvoit tenir lieu de ces petites douleurs, que le Ciel messe ordinairement parmy les plus doux plaisirs de la vie.

Adamas ne sut pas plustost sorty, que Bellinde se remit sur le lict de sa sille, & se panchant sur son visage; & bien Diane, luy dit-elle assez bas, voila vostre compagne sur le poinct de voir ses desirs accomplis, voulez-vous que les miens ayent vn succez tout contraire? Elle va iouyr de mille delices en la compagnie de Celadon, est-il possible que vous n'ayez honte de resuser celles que ie vous presente en la possession de

Bbb iiij

762 LA DERNIÈRE PARTIE D'ASTREE, Paris? C'est bien maintenant que vous ne sçan-. riez alleguer d'excuse legitime; car enfin vous voyla dispensee du vœu que vous auiez fait d'al-ler viure parmy les Carnutes, puisque cette Bergere n'y entrera point, & si vous auez iuré de vous rendre compagne de toutes ses fortunes,& desuiure, comme vous me l'auez desia dit, le mesme genre de vie qu'elle voudra mener, ne voyez vous pas que puis qu'elle se va marier, il faut que vous en fassiez de mesme: Madame, respondit froidement Diane(feignant d'estre aussi malade du corps qu'elle l'estoit de l'esprit) l'estat où ie suis vous deuroit plûtost faire penser à me choisir vn cercueil, qu'vn mary, ie me sens si proche du trespas, que ie ne sçaurois plus auoir de consideration pour ce qui regarde le monde; que si vous aymez mon contentement, continua-telle, auec vne voix foible & languissante, ie vous coniure, Madame, par le nom de mere que vous portez, de permettre que ie ne sois plus troublee par ce discours, qui est desormais inutile, puisqu'il ne peut estre suiuy d'aucun essect. Ces paroles augmenterent si fort le desplaisir de Bellinde, que ne se doubtant pas de l'attifice de Diane, elle creut veritablement qu'elle estoit sur le poin&t d'expirer; cela fut cause qu'elle luy dit auec des pleurs extremes, ma Diane, puisque ce propos t'importune, ie veux bien ne t'en entretenir iamais, promets-moy seulement de viure, ou pour le moins de ne te laisser point accabler à la violence d'aucun mescontentement, car ie iure que si tume donnés l'esperance de te voir vn iour dans ta premiere santé, ie seray toutce qui me sera possible pour obtenir des Dieux que tu ne sois iamais mariee, & qu'ils reuoquent l'arrest qu'ils ont desia prononcé en faueur de Paris. Diane qui ne demandoit pas tat de choses, sut pourtant bien aise que Bellinde eust vn peu relasché de cette extreme rigueur, aueclaquelle elle auoit tesmoigné de la vouloir contraindre à ce mariage: de sorte que seignant de reprendre vn peu de vigueur, & renforçant yn peu sa voix; Madame, adiousta-telle, si ie ne vous ay desobey auecque regret, ie veux que les Dieux me punissent: mais ie proteste que s'ils me laissent encore trois iours de vie, ie ne tomberay plus dans vn semblable crime,& feray de poinct en poinct quelque chose que vous me puissiez commander.

Diane disoit tout cela, seulement pour entre tenir Bellinde vn peu en meilleure humeur, & pour l'empescher d'entrer en quelque soupçon qu'elle se voulust messaire; mais pourtant, son principal dessein estoit de se preualoit du téps, & de la deceuoir en telle sorte, qu'elle se pust eschapper pour suiure le sort de Syluandre, quelque funeste qu'il eust esté. Iamais en la presence de sa mere elle n'en osa demander des nou-uelles; routesois estant dans une impatience nompareille de sçauoir ce qui luy estoit adue-

764 LA DERNIERE PARTIE D'ASTREE, nu, & iugeant bien que Phillis en pourroit auoir appris le succez, elle creut que si Bellinde pouuoit sortir; elle auroit assez de temps pour se faire dire toutes choses : Elle fit donc semblant de vouloir dormir, & se laissant peu à peu assoupir, elle ferma enfin les yeux. Bellinde qui auoit ouy dire au Druyde que le repos estoit absolument necessaire à Astree, pensa qu'il pourroit seruir à Diane, & fut bien ayse de la voir dans vn sommeil qu'elle croyoit estre bien profond, se retirant donc d'aupres d'elle le plus doucement qu'elle put, elle pria Phillis de prendre vn peu garde à elle, cependant qu'elle yroit iusqu'où estoit Adamas : Phillis promit d'en auoir du soing, & creut veritablement que sa compagne dormoit, tant elle le sçauoit bien feindre; mais aussi-tost que Bellinde sut hors de la chambre, cette Bergere affligee quitta son liet, & s'estant iettee dans celuy d'Astrec: ma sœur, luy dit-elle, me voicy combattue de bien differentes pensees, ie suis das vne extreme ioye de vous voir dans le reposqu'Adamas vous a procuré en vous rendant Celadon, & ie meurs dans le regret de voir que les Dieux me refusent Syluandre; l'interest que l'ay en vostre contentement, rend bien ma douleur moins violente, mais l'auouë qu'il ne la sçauroit entierement guerir, car outre que ie suis ex-tremément affligee dequoy les Dieux ne veulent pas que ie l'obtienne, encore est-il yray,

765

que ie suis dans vne grande peine d'apprendre ce qu'il est deuenu? Ma compagne, respondit Phillis, la mesme chose qui vous est auenuë à la fontaine à cause de l'enchantement luy est arriuee aussi: de sorte qu'il a esté apporté dans le mesme chariot sur lequel vous auez esté amenee & ayant esté mis dans la chambre où est Celadon, il a esté si bien secouru par Adamas, qu'il se porte maintenant mieux que vous: & de fait, quand le Druyde est entré la seconde fois,il m'a dit qu'il estoit leué, & qu'il auoit lais-Cé Lycidas aupres de luy: helas reprit Diane, qui mouroit d'enuie de le voir pour luy redire les discours qu'elle auoit eus auecque Bellinde, que nous sert de trouuer tant de conformitez en nos humeurs & en nostre vie, si le destin ne veut pas que nos desirs ayent yn mesme effect? disant cela elle ne put s'empescher de souspirer, puis s'addressant à Astree : mais ma sœur, luy dit elle, il semble qu'on ait chassé le iour par les fenestres, ie serois d'auis que Phillis prist la peine de les ouurir, & que nous sortissions de ce lict, où aussi bien ne sçaurions-nous reposer, vous, à cause du suiect que vous auez d'estre contente, & moy, à cause des ennuis qui m'importunent: Ma sœur, respondit Astree, Adamas m'a si expressément ordonné de ne me leuer pas iusqu'à demain, que ie croirois auoir commisvn grand crime si ie luy auois desobey; & pour ce qui regarde le desir que vous auez de voir Syl-

766 LA DERNIERE PARTIE D'ASTREE; uandre, car ie iuge bien quevostre impatience ne vient que de la, il est croyable que le reste du iour ne se passera pas sans qu'il vous donne ce contentement: au contraire, masœur, continua Diane, puis que le Druyde a commandé qu'on nous laissast seules, il atrop de respect pour en oser seulement chercher les occasions; & puis, que sçay-ie, si alors qu'il viendra, mamere ne sera point aupres de moy? & bien, dit Phillis incontinent, seruez vous d'vn moyen que ie vay vous proposer, faites-moy vostre confidente, aussi bien n'est-il plus temps de nous cacher vn feul des mouuements de vostre ame, & ie seray bien aise de faire quelque chose pour la satisfaction de ce Berger, en eschange du mal que ie luy sis, quand ie luy ostay vostre brasselet; ma compagne, repliqua Diane, ie vous supplieray donc de luy dire que: Non, reprit Phillis, luy mettant la main deuant la bouche, ie ne luy veux rien dire, car peut-estrene me croyroit-il pas, mais prenez la peine de luy escrire, & ie luy rendray vostre lettre, auec toute la sidelité que vous sçauriez desirer. Vous ne considerez pas, respondit Diane, que cela ne se peut, d'autat inieux que nous ne sçaurions où trouuer du papier ny de l'ancre? nous en serons quittes, dit Phillis pour en chercher; disant cela, elle courut ouurirvnefenestre, & s'approchant d'vn petit cabinet d'Ebene, elle fouilla dans les tiroirs, & de fortune y trouua vne escritoire, posee sur

tenoit vne en chaque chambre, pour la commodité de ceux qui prenoient la peine de le vifiter; l'ayant donc remise entre les mains de Diane, elle la pressatant, qu'elle luy sit escrire vne lettre, & puis se chargea de la donner à Syluandre: ainsi elle laissa Diane & Astree seules, apres auoir promis de dire à tout le monde qu'elles dormoient, afin que personné ne les allast in-

terrompre.

Paris cependant auoit mené Rosanire, Galatee,& les autres das la falle,où parmy les ennuis qu'il souffroit, à cause des accidents qui estoient arriuez à Diane, il eust bien desiré pouuoir tesmoigner autant d'amour, qu'il estoit contraint de faire paroistre de ciuilité: toutesois ayant appris par la nourriture qu'Adamas luy auoit donnée, à pouvoir sur son esprit, tout ce que requeroient l'honnesteté & la bienseance, il cacha fon desplaisir le mieux qu'il put,&ne tesinoigna iamais de souffrir aucune contrainte en leur copagnie. Ces nouvelles bergeres n'y furent pas long-temps, car elles voulurent aller das le iardin, qui estoit l'vne des beautez, que l'Art & la Nature faisoiet admirer das la maison du Druyde; & apres's'y estre vn peu promenees, elles s'affirent enfin sous yn pauillon, posé iustement au bout d'ynéallee, qui respondoit à la porte par où elles estoient entrees: mais elles n'y eurent pas demeuré vn quart-d'heure, qu'elles vi-

768 LA DERNIERE PARTIE D'ASTREE, rent venir Adamas, tenant Syluandre d'vne main, & del'autre vn berger, qu'elles ne recognurent pas d'abord; elles ne laisserent pas de iuger que sa personne deuoit estre considerable, tant pour l'estime qu'elles voyoient bien que le Druyde en faisoit, prenant la peine de le conduire, que pour la bonne mine qu'elles remarquoient en luy. Toutefois, comme Adamas s'alloit peu à peu approchant, elles sortirent bientost de la doute où elles estoient, car la Nymphe Galatee, qui depuis qu'elle eut ierté les yeux sur luy, ne cessa de sentir en son ame quelque mouuement extraordinaire, tout à coup s'escriant, en verité, dit-elle, c'est le beau Celadon ; disant cela, elle se leua pour aller à la rencontre du Druyde, & toutes les autres en ayans fait de mesme, aussi-tost qu'Adamas les vid approcher il doubla le pas,&ne fut pas plustost aupres de Galatee, que luy presentant Celadon, Madame, luy dit il, voyla ce que vostre pitié a sauué du naufrage, que ie viens vous offrir, come vne chose qui vous appartient; à ce mot le Berger mit vn genouil en terre, & baisa la main à la Nymphe, mais elle qui sçauoit bien quelle estoit la naissance & le merite de Celadon, le releua incontinent, & apres l'auoir embrassé, ie reçoy, dit-elle, ce qu'Adamas me presente, & le veux aymer d'autant plus cherement, que l'ayant retiré d'entre les bras de la mort, ie me puis vanter que c'est en quelque façon mon ouurage. Il

th vray, Madame, respondit le Berger, que si ie ne vous dois ma naissace, ie vous dois au moins ma conservation; & cette faueur est bien si douce à ma pensee, que ie ne croy pas qu'il ne me fust plus facile de mourir, que d'en perdre la memoire: ne vous en mocquez pas, reprie Galatee (prenant le Berger par la main, & le menant das vne petite allee a costé de celle où toute la compagnie estoit) vous me deuez tout cet esclat de beauté qui paroist auiourd'huy sur vo-Are visage, & sans moy, ce corps que vous portez auecque tant de grace, seroit maintenant la nourriture des vers ou des poissons. Madame, repliqua Celadon, ie sçay que ie vous dois la vie, aussi ne seray-ie iamais aucune difficulté de l'employer, par tout où ie recognoistray qu'elle pourra estre vtile à vostre service; ie doute bien moins, adiouta Galatee de vostre courage, que de vostre affection; car enfin, vous auez esté tousiours insensible à mon amour, & quelque violente qu'ait esté la passion que ie vous ay tesmoignee, vostre cœur n'en a iamais esté touché. A ce discours Celadon changea de couleur, se remettant en memoire de quelle façon il en auoit esté pet secuté dans le Palais d'Isoure; & apres auoir regardé tout autour, voyant que per-fonne ne les auoit suiuis, il se doubta bien qu'il auroit vn grand combat à rendre : toutefois estant resolu de manquer plustost au respect qu'il deuoit à la Nymphe, qu'à la fidelité qu'A-

770 LA DERNIERE PARTIE D'ASTREE, mour vouloit qu'il eust pour Astree: Madame, repliqua-til, si i'ay manqué de recognoissance, ç'a esté plustost vn deffaut de mon esprit, que de ma voloté, l'ay tousiours fait ce que l'ay pu pour neparoistre pas ingrat des faueurs que vostre pitié m'a accordees, que si ie n'ay pusatisfaire aux obligatios dont vous m'auez chargé, auquez madame, que la faute en est en partie vostre, qui les auez mises à vn tel poinct, qu'il m'est impossible de les recognoistre. Ah! Celadon, dit Galatee, auec vn feint souspir, ie ne vous ay iamais demadé des Empires, ce que l'ay desiré de vous me pouvoit estre accorde plus facilement, mon ambition n'estoit esleuee que iusqu'à vous posfeder, & si vous y eussiez consenty, i'eusse esté trop bien payee de tous mes soings, & de toutes les peines que l'auois prises à vous rendre vostre premiere santé: Madame, respondit froidement Celadon, pardonnez moy, frie dis, que iene pouvois contenter vostre desir sans commettre vne extreme iniustice, car i'eusse disposé du bien d'autruy, & eusse entrepris mal à propos de vous donner vne chose, qui ne deuoit iamais estre en ma disposition:s'il y a du crime en eela, les charmes d'Astree en sont coupables, ou plustost les Dieux qui ont permis que cette bergere m'ait vaincu, iusqu'au poinct de ne pouvoir iamais estre qu'à elle, & de croire qu'il est impossible que le me retire du seruage ou son merite me retient.Quoy, Celadon, continua Galatee, vous

estes donc encor dans cette resuerie? i'y suis, Madame, respondit le Berger, mais si auant, que ie n'auray iamais la puissance ny la volonté d'en guerir; & que fera Galatee? reprit la Nymphe, feignant d'entrer en colere, croyez vous qu'elle viue parmy la rigueur des mespris que vous luy tesmoignez? belle Nymphe, dit Celadon, la regardant d'vii œil tout plein de respect & de cotrainte, si vous auez quelque regret de m'auoir sauué d'yn peril où ma vie estoit preste de perir, commandez-moy de vous rendre ce que vous m'auez conserué, ie suis tout disposé à mourir,& ie proteste que ce me sera vne satisfaction nompareille de me perdre pour vous obeyr, & pour. faire voir qu'il n'est rien au monde qui puisse rompre les nœuds dont mo amour est enchaisnee; disant cela, ses yeux parurent vn peu humides, & Galatee qui ne luy auoit tenu ce discours, que pour esprouuer sa fidelité, le serrant tout à coup entre ses bras; Celadon, luy dit-elle en sousriant, viuez content en la possession de cette Bergere, ie vousiure que ie n'en seray iamais ialouse,& que son contentemet sera la cause du mien; le Ciel a eu ensin de la pitié pour moy, & à guery mon ame des blessures que la tromperie d'un faux Druyde luy auoir faites: ainsi ie pardonne à la fuitte de Lucinde, & aux complices de la trahison qu'elle me sit; & pour vous descouurir le secret de mon ame le plus particulier, sçachez Celado, que Lindamor are-

Dern. part.

772 LA DERNIÈRE PARTIE D'ASTREE, pris la place que son amour auoit acquise dans mon cœur; mais afin que vous ne croyez pas' que dans ce changement vous perdiez quelque chose, assurez-vous, Berger, que ie vous aymeray & estimeray toute ma vie; disant cela elle l'embrassa fort estroittement, & Celadon transporté de ioye, fit vne violence pour seietter à ses pieds, & luy baisant la main, Madame, dit-il; c'est à ce coup que ie dois auouer veritablement que ic vous suis obligé de la vie, puis que vous donnez à mon ame la seule chose qui la pouuoit faire viure auecque plaisir. A ce mot la Nymphe le reprit par la main, & s'alla ioindre au reste de la compagnie.

Bellinde entra dans le iardin presque en mesme temps, & puis Phillis, à qui Galatee demanda particulierement des nouuelles d'Astree & de Diane: & cette Bergere luy ayant respondu' qu'elles reposoient, la Nymphe se tournant vers' Celadon, ainsi, luy dit-elle assez bas, puissene estre desormais tous les iours de vostre vie, & soit hay du Ciel, quiconque entreprendra de: troubler vostre repos. A peine Celadon eut le loisir de la remercier de sa bon volonté, car en mesme temps-elle se mesla parmy les autres; mais Phillis qui n'estoit là que pour donner à Syluandre vn contentement qu'il n'attendoit pas, faisoit tout ce qui luy estoit possible pour l'aborder, sans que personne s'en apperceust; elle eut peur toutefois, que si elle se cachoit à Lycidas, cela resueillast en luy cette passion, qui leur auoit autrefois causé tant de peines: de sorte qu'elle fut enfin contrainte de luy dire son secret,&cette franchise fut si agreable auBerger, que dés l'heure mesme il s'approcha de Syluandre, & feignant de luy vouloir montrer vne fleur pour en apprendre le nom, il le tira vn peu à l'escart, & luy dit assez bas que Phillis auoit quelque chose à luy dire. Aussi-tost de parterre en parterre ils s'allerent yn peu esloignant, & Phillis qui s'en prit garde, se destroba par vne allee & les alla rencontrer soubs yn berceau qui estoit fort couvert, & qui auoit aux deux costez des pallissades assez fortes, pour empescher qu'o neles pust voir. Phillis trouua Syluandre vn peu surpris, car il se souuenoit encore du commandement qu'elle luy auoit fait vne fois de la part de Diane, touchant son brasselet, & s'imaginant qu'elle venoit, peut-estre, pour luy faire yn message aussi fascheux, il en estoit extremément en peine: mais la Bergere qui recognut sa crainte; Syluandre, luy dit-elle, ie suis si apprise à vous rendre de mauuais offices, que vous estes en allarme quand vous me voyez? mais si vous auez eu autrefois quelque suiest de craindre mon abord, aniourd'huy ie vous donneray vne grande occasion de le desirer; A ce mor, sans luy donner le temps de respondre, elle luy remit la lettre de Diane, & luy dit, Tenez Syluandre. voyla qui recompensera le mal que ie vous sis,

Ccc ij

quand ie vous ostay le brasselet de ma compagne: aussi-tost le Berger la prit, & la baisa, puis d'vne main toute tremblante l'ayant ouverte, il y leut ces mots.

## LETTRE DE DIANE ASYLVANDRE

I vous estes en peine de moy, cher Syluandre, sçachez que ie vis seulement pour ce que vous n'estes pas mort s que si vostre curiosité s'estend, iusqu'à vouloir apprendre quelle est ma santé; n'en consultez point d'autre Myre que vous-mesmes, en par l'estat où vous estes, iugez de celuy où ie suis. On m'a dit que demain Amour doit prononcer quelques Oracles, peut-estre y apprendrons-nous quelque chose de ce qui regarde nos destinees: Cependant aymez vostre conseruation pour l'amour de moy, & croyez que si l'on me deffend d'estre

à Syluandre, pour le moins ie ne seray iamais à Paris, viuez donc & Adieu.

Syluandre n'eut pas plustost acheué de lire cette lettre, qu'il la baisa mille sois, & admirant dans son ame l'affection & la fidelité de cette Bergere, il releut encore trois ou quatre fois la fin du billet, comme s'il eust douté que ses yeux ne l'eussent deceu, en luy faisant esperer vne faueur si peu attenduë. Enfinse tournant du costé de Phillis: il est vray, luy dit-il, belle Bergere, que le bien que vous m'auez remis, est vne satisfaction assez grande pour celuy qu'autrefois vous me rauistes: mais si vous voulez rendre cette faueur toute parfaitte,il reste que vous me fassiez l'honneur de representer à cette belle maistresse le ressentiment que i'ay de la pitié qu'elle tesmoigne auoir de mon amour & de mon mal: dites luy, chere Phillis, que ie viuray aussi long-temps, que sa promesse demeurera inuiolable, ou qu'il me restera quelque esperance de la posseder; que si la santé de son corps se doit mesurer à celle du mien, elle peut hardiment quitter le lict, puis que ie ne sens aucune incommodité qui m'y appelle. Phillis se repentit bien alors de n'auoir apporté l'escritoire dont Diane s'estoit seruie, mais s'imaginant que cette belle bergere adioûteroit assez de foy au rapport qu'elle luy feroit, elle promit à Syluandre de luy redire fidellement ce qu'il destroit, & puis ayant die adieu à Lycidas, s'en alla promptement trouuer ses compagnes, ausquelles ayant fait le recit de ce qui luy estoit arriué, & de la ioye que Syluandre auoit ressentie à la lecture de salettre, Diane en demeura infiniment consolee.

Adamas cependant, Galatee, Rosanire, Celadon, & les autres s'estoientiettez dans vne allee à main gauche, qui les conduisit insensiblement iusques dans vn petit bois, que le Druyde auoit fait enfermer dans le clos de son iardin: mais à peine y furent ils entrez, que tout à coup ils ouyrent vne voix qui formoit des cris espouuãtables. Adamas qui n'auoit iamais ouy rien de pareil, fut extremément en peine de sçauoir ce que ce pouvoit estre, & eut peur, se souvenant des voleurs qui auoient enleué Astree au temps de la rebellion de Polemas, que ce sust encore quelque bergere, menacee d'vn semblable accident: cela fut cause qu'il se hasta de courir au. lieu, d'où il iugea que partoit cette voix si estráge; mais à peine y fut-il arriué auec Rosanire, Galatee, & les autres qui le suivirent au grand pas, qu'ils apperceurent que c'estoit vn homme qui se debattoit entre les bras d'Olicarsis. Cette veuë les surprit extremément, d'autant mieux, que cet homme redoublat ses cris & ses gemissements, & Olicarsis saisant des efforts si grands, qu'il en estoit tout en sueur, il sembloit qu'ils

## LIVRE DIXIESME.

suffent quelque mauuais dessein l'vn cotre l'autre, & qu'Olicarsis plus robuste & plus fort, eust desia surmonté la resistance de son ennemy. Ils s'auancerent donc pour les separer, mais au mesme temps, cet homme tomba en terre, auec si peu d'apparence de vie, qu'il n'y eut personne en la troupe qui ne iugeast qu'il fût mort. Ils recognurent bien-tost que c'estoit le mesme qui estoit venu auec Olicarsis & Halladin, ce qui fut cause que tous à l'instant, porterent la veue sur le bon vieillard, mais tout esmeu, pour le grand trauail qu'il auoit souffert, les regaçdant demesme, sans leur dire vne seule parole, porta la main dans sa pochette, & en tira son mouchoir, dont il commença de se seicher le visage & les cheueux. Cependant Adamas estoit dans vn estonnement incroyable, ne sçachant que iuger d'vn accident si nouueau: & pour en tirer quelque esclaircissement, il s'addressa à Olicarsis, durant que les autres s'approcherent de celuy qui estoit tombé, pour voir s'il seroit encore en estat d'estre secouru : mais tout à coup Olicarsis haussant la voix, & s'estant vn peu remis; Belles Bergeres, leur dit-il (car pour telles prenoit-il Rosanire, Galatce, Dorinde, Daphnide, Madonte, Syluie, & les autres) ne yous estonnez pas de voir ce bon hommereduit en l'estat où il est, c'est vn accident qui luy est assez ordinaire, & qui n'est pas moins merueilleux que la cause d'où il procede. Chacun

Ccc iii

LA DERNIERE PARTIE D'ASTREE, alors tesmoigna vn extreme desir d'en apprendre quelque chose, & mesme Galatee ne put s'empescher de faire cognoistre sa curiosité; dequoy Olicarsis s'estant apperceu, ie sçay bien, continua-til, que ie ne scaurois vous en faire le discours sans vous ennuyer, mais ie ne laisseray pas de vous en entretenir, puis que vous me faites paroistre de le desirer, & qu'aussi-bien il nous en donnera assez de loisir, car il sera pres de deux heures dans l'assoupissement où vous le voyez: Rosanirel'en ayat de nouueau fait prier par Adamas, tous ensemble s'assirent en rond assez pres de là, & Olicarsis voyant que toute la compagnie estoit en silence, prit la parole de cette sorte.

## HISTOIRE D'OLICARSIS ET D'AZAHYDE.

E matin, quand cette Bergere nous est venu interrompre (il entendoix parler de Phillis) i'estois sur le poinct de vous raconter vne partie des cho-

ses qui sont arrivees, tant en l'Empire d'Orient, qu'en celuy d'Occident, depuis qu'Vrsace, Eudoxe, Olimbre, & Placidie euret esté recompensez des peines qu'Amour leur auoit fait souffrir; & parce qu'il est en quelque sorte necessaire que ie vous les die, pour vous faire admirer la fatalité qui m'a conduit icy, ie reprendray mon discours où ie le laissay, apres vous auoir suppliez de m'excuser, si par vne narration, peut-estre troplongue, l'importune vos oreilles & vostre patience. Ie yous diray donc, que l'affection que r'auois tesmoignee à la sage Eudoxe, durant sa captiuité aupres de Genseric, macquit vne si gradepart en l'amitié d'Vrsace & d'Olimbre, que depuis nous auons pu dire n'auoir iamais esté qu'vne mesme chose: cela sut cause, que lors qu'ils partirent, ils supplieret le Roy de permet-

780 LA DERNIERE PARTIE D'ASTREE; reque ie fissele voyage auec eux, & leur dessein estoit de me donner à Marcian, s'imaginants que ce sage Empereur seroit capable de quelque affection pour moy, quand il m'auroit vne sois cogneu, mais Genseric, qui peut estres en doubta, ou qui eut peur que le souuenir de ma prison me portast à quelque ressentiment contre luy, ne m'en voulut iamais doner le congé, au contraire, se figurant que les honneurs & les richessestoient le plus puissant charme dont il se put seruir pour me retenir aupres de sa perfonne, il comença deslors à me donner vn employbien importun, puis qu'il me diuertissoit de mes cstudes, mais bien glorieux, puis que c'e-Roit aux plus belles charges qui fussent dans ses Estats. L'intelligence d'Vrsace, d'Olimbre & de moy ne mourut pas pourtant dans les rigueurs de nostre separation, mais comme si l'absence eust esté vn moyen pour la rendre plus forte & plus estroitte, il est assuré qu'elle s'accreut durat nostre estoignement. Nous prismes donc yn soing extreme de nous enpoyer de nos nouvelles les vns aux autres, & de cette sorte, comme ieleur rendois compte de toutes mes occupations, ie pensequ'ils m'escrivoier mesme iusqu'à leurs moindres pensees. Ainsi l'appris leur recour aupres de Marcian, les caresses que cetEm, pereur leur fit, leur mariage, & enfin la plus grade partie de ce que l'ay àvous dire en la suitte de re discours.

78

Vous sçaurez donc que Marcian ne fut pas arziué à la septiesime année de son Empire, que comme c'est le propre de la vertu de faire beaucoup de ialoux & d'enuieux, le merite de ce sage Empereur sit naistre ces deux passions dans l'ame d'Ardabure & d'Aspar, qui ayants vn party assez fort dans Constantinople, creurent que pour paruenir à l'empire, il ne falloit qu'en auoir osté la coronne à Marcian: ils commencerent donc à faire de secrettes menees contre luy, & recognoissans bien que sa vieleur seroit vn long obstacle(Dieux, que ne fait entreprédre l'ambition de regner) ils vserent de tant d'artifices, qu'enfin leur trahison ayant trouué des coplices, ils le firent empoisonner. Iugez, ie vous supplie, si sa mort toucha Vrsace & Olimbre, & combien viuement ils la ressentirent, puis qu'ils luy deuoient la plus grande partie de leur contentement. Cette obligatio fut cause, que soupconnants en quelque sorte les autheurs d'vn si honteux parricide, ils s'opposerent genereusement à leurs deffeins, & firent si bien, qu'Ardabure & Aspar ayans esté deboutez de leurs pretentions, on esseut pour empereur vn grad per-sonnage Grec, nommé Leon, & né en la ville de Bessique: il est vray, que come leur party estoit extremément fort, ils ne consentirent à cette eslection, que sous condition, que l'on remettroit dans quelque temps à Aspar les resnes de l'empire. Leon ne sit nulle difficulté de la receuoir,

pour s'acommoder au temps, mais il leur fit recognoistre bien tost apres, que quand il auoit consenty à cela, il n'auoit pas moins promis que

l'impossible. Cependant Leon, parmy la ioye qu'il eut de se voir sousmis l'Empire d'Orient, ne perdit pas la memoire de ce qu'Vrsace & Olimbre auoient fait en sa faueur; & sçachant bien que l'affection que Marcian auoit eue pour eux estoit extreme, il creut qu'il estoit iuste qu'il y succedast aussi bien qu'à ses Corones: leur en ayant donc donné tous les tesmoignages qu'il put, il les pria de continuer en l'amitié qu'ils luy auoiet desia fait paroistre, leur iurant qu'en toutes les occassons qui se presenteroient pour faire quelque chose pour eux, il les presereroit à toute autre sorte de personnes. Voyla donc Leon pour quelque temps paisible en Orient, mais nous nesusmes pas de mesme en Affrique, car Maioranus qui auoit succedé à Maxime en l'Empire d'Occident, pour retirer la Sicile d'entre les mains de Genseric qui s'en estoit rendu maistre, fit des efforts dignes de son courage; & sur le dessein, disoit-on, de nous venir brusser dans nos maisons, il fut miserablement assassiné par les mesmes soldats qui l'auoient esleu. Sa mort qui sit cognoistre à tout le monde combien peu durent les faueurs de la fortune, nous mit en quelque sorte de repos, & fut cause que Genseric resueilla son premier courage & ses desseins, &

qu'ayant dressé yne puissante armee, il se mit en estat de resister à tous les hommes, quand il les eust eus pour ennemis: & certes ses preparatifs neluy furent pas inutiles, car aussi-tost apres la mort de Maioranus, Seuerian qui luy succeda. se disposa de suiure les desseins de son predecesseur; mais ayant sceu l'estat de nos forces, il chagea bien-tost d'opino, & tourna ses armes contres les Alains, qu'il des fit pres de Bergame, & y tua leur Roy Berigus. Il est vray que peut estre cette victoire luy eust enflé le courage, & l'eust portéà faire quelque nouvelle entreprise contre nous, mais sa mort qui fut presque aussi prompte que celle de son deuancier, bien qu'elle ne fust pas si violente, estoussa d'yn mesme coup ses desseins & les esperances de Rome.

Durant ce temps-là Genseric, comme ie vous ay desia dit, auoit mis sur Mer vne tresbelle & tres-grande armee, de sorte que pour ne la laisser pas inutile, il resolut de voir Rome vne seconde sois, alleché comme ie croy, du souuenir de ses premieres despoüilles. Son dessein ne sut pas si secret, que l'Empereur Leon n'en sust aduerty, qui pour ne laisser pas perir l'Italie, dans le desordre où elle estoit alors, enuoya Anthemius pour la desendre de l'inuasion des Vandales: mais Genseric qui seeut bien-tost qu'il estoit molesté en son euenement, par les pretentions d'vn certain geruandus qui depuis sut exilé, se hasta de partir, & ayant fait Thra-

784 LA DERNIERE PARTIE D'ASTREE, simond Lieutenant general de son armee, laisfa son autre fils dans Carthage, auec vne tres-ex presse defence d'ordonner de chose quelconque, sans me l'auoir auparauant communiquee, & en auoir receu mon aduis. Ie demeuray donc par ce moyen en Affrique, où si l'eusse eu quelque pernicieuse intention, ie ne manquois pas de moyen's pour l'executer, mais ayant de tout cemps hay les mauuaises actions, l'eusse mieux aymé mourir que commettre celles, dont ie craignois au comencement que le Roy me soupconnast, outre cela l'aymois extremément Thrasimond & le ieune Prince, aupres duquel i'estois resté comme Gouverneur; si bien que l'interest de cette affection eust esté capable de me faire oublier de bien plus grandes iniures, quand ie les eusse receuës de leur pere.

Genseric donc s'embarqua, flatté de tant d'esperances, qu'il sembloit que son voyage ne luy promettoit pas moins que la conqueste de tout le monde: mais combien sont trompeuses les pretentions des humains, vn seul iour vid perir tout ce grand esclat, & tout cet appareil de guerre: car Leon qui craignoit qu'Antemius ne sur pas assez fort pour resister à vne puissance si redoutable, se hasta de luy enuoyer du secouts soubs la conduitte d'vn nommé Basiliscus, qui s'estant ioinstà luy, soubs la faueur de ses Dieux & du Vent, dessit Genseric, le battir & lechassa si rudement, qu'il le contraignit de

Seretirer dans Carthage, auec autant de honte & d'infamie que son ambition luy auoit aupatauant promis de gloire & d'honneur. En fort peu de temps ce Basiliscus se réndit maistre de la Sicile, & regaigna tout ce que les conquestes de Genseric auoient rauy à la puissance Romaine: mais ne se pouuant contenter des trophees qu'il auoit dessa remportez, cependant qu'Anthemius retourna à Rome, il sit dessein de subiuguer l'Affrique, & de ne laisser de terre à genseric que ce qu'il luy en falloit pour son tombeau.

Cette resolution mit Genseric dans yneconfusion que ie ne sçaurois vous representer, il voyoit ses armes dissipees Basiliscus triomphat, la Sicile perduë, les Vandales ruinez, & l'Affrique espouuantee: de sorte que ne sçachant de quelle façon arrester le cours des victoires de son ennemy, vn iour qu'il me fit l'honneur de me communiquer le trouble où le mettoient tant de pertes & d'infortunes, ie luy dis libre. ment, que s'il ne croyoit pas que la force le pust guarentir des armes de Basiliscus, i'estois d'auis qu'on recourust à l'artifice, & qu'il n'y auoit point de plus fauorable expedient pour l'arrester, que de le corrompre par des presents & des promesses : que quand il auroit employé à cela tout ce dequoy il s'estoit preualu au sac de Rome, il auroit encor cet aduantage de n'y auoir rien mis du sien,&d'auoir au moins conserué sa

786 LA DERNIERE PARTIE D'ASTREE; vie & son Estat. Cette proposition luy plust, & s'imaginant que ie ne manquerois peut estre pas d'esprit pour la faire reussir, il me donna charge d'aller où estoit Basiliscus; & me remit vn pouvoir bien ample, de mesnager cette negotiation comme bon me sembleroit. Ie partis donc pour cela, & treuuay que Basiliscus s'estoit desia extremément auancé, mais sans que ie m'amuse à vous redire icy tous les discours dot ie me seruis pour le vaincre, ce sera assez que vous sçachiez qu'apres que ie luy eus represen-té que ce n'estoit pas fait prudemment de desesperer son ennemy; Que la plus grande gloire qu'il pouvoit esperer, estoit celle d'avoir acquis par sa valeur, tout ce que l'Italie auoit perduy Que senseric s'offroit de le rendre, & de luy donner en propre les plus belles & les plus riches despouilles qu'il auoit tirees de Rome; cet esprit auare sans doute de son naturel, se laissa gaigner soubs promesse toutefois que ie luy fis, de tenir ce procedé si secret, qu'il ne pourroit iamais venir à la cognoissance de perfonne.

Ainstie donay en quelque sorte la paix à l'Afrique, & le repos à Genseric, qui n'eut pas plustost observéles conditions de ce traitté secret, que Basiliscus soupçonné comme ie croy, car it est impossible que telles actions demeuret longuement cachees, sur commandé par Leon de retourner à Constantinople. Cet Empereur n'auoit n'auoit iamais voulu essoigner de soy Vrsace ny Olimbre, pource que ce fiant en leur courage & en leur affection, & d'ailleurs redoutant les menees d'Ardaburë & d'Aspar, il estoit bien aise d'auoir sur qui appuyer ses esperances, & de qui se servir en sa necessité: mais à ce coup que la malice de ces deux Capitaines auoit fait yn nouveau party, dont Vrsace & Olimbre apres plusieurs combats, n'auoient encore putriompher, il sut contraint d'enuoyer querir Basiliscus, comme ayant les seules forces qui le pouvoient desormais assurer en la possession de

l'Empire.

Basiliscus ne sur donc pas plustost mandé, qu'Vrsace s'adressant à Olimbre, luy representa la honte que ce leur seroit de n'auoir pu rendre ce service à Leon, & qu'il valloit bien mieux perir soubs vn dernier effort, qu'attendre qu'vn autre leur vint oster la gloire d'auoir mis l'Ortient en paix; à quoy Olimbre, de qui le courage ne respire qu'apres les grandes actions, ayant respodu qu'il estoit tout prest de se perdre pour estuterce blasme, vn iour ils assemblerent tout ce qui pouvoit rendre leur party plus sort, & chargerent Ardabure & Aspar si surieusement, qu'apres vn long combat, où leur sang sut la moindre marque de leur courage, ils les sirent ensin prisonniers, & les mirent à la mercy de Leon, qui pour estousser auec eux la crainte de leur rebellion, les sit mourir publiquement.

Dern. part.

Ddd

588 LA DERNIERE PARTIE D'ASTREE,

Ces choses estoient en cet estat, cependant qu'Anthemius esprouuaiusqu'où peuuentallet la perfidie & l'ingratitude d'vn homme; car Rithimer Goth de nation, que Seuerian avoit fait Citoyen Romain & Lieutenant de son armée, & à qui depuis Anthemius auoit fait espouser sa propre fille, s'esleua contre luy, & oublieux de tous les bien-faits qu'il auoit receus de ce beaupere, sit dessein de le démettre de l'Empire, & de s'en vsurper la couronne & l'authorité. Anthemius plus affligé de son mauuais naturel que de ses pretentions, s'opposa genereusement à ses entreprises, & n'eut pas plustost aduerty Leon de l'ingratitude de Rithimer, que cet Empereur luy dépescha Olimbre, pour le deliurer des oppressions de ce parent ennemy: Mais comme les arrests du destin sont ineuitables, quelque accident retarda le voyage d'Olimbre, & fut cau-fe qu'il n'arriua qu'à Rauenne, lors que Rithimer ayant violé vne paix qu'il n'auoit contractee auecque Anthemius, que pour auoir plus de commodité de le trahir, se sousseua de nouueau, desfit Belemir qui estoit venu au secours d'Anthemius, entra dans Rome, pilla les maifons, faccageales plus superbes Palais, brusla les Temples, & fit miserablement mourir celuy qui n'auoit iamais cessé de luy faire du bien. Cette violence faillit à faire mourir de regret Olimbre, d'autant mieux qu'il s'imagina qu'il eust pul'empescher s'il fust arriué à Rome; mais

elle irrita bien dauantage les Dieux, qui ne voulants laisser impunie vne meschanceté si noire, & vne si lasche trahison, nele laisserent pas presque regner, mais permirent qu'il mourust de la mort la plus violente & la plus enragee qu'on ait iamais racontee parmy les hommes.

Olimbre incontinent apres fut declaré Empereur, & appellé à Rome comme l'vnique esperance de cet Estat deso!é; dequoy la nouuelle fut bien tost portee à Carthage, où Genseric & Thrasimond en receutent tant de contentement, à cause de l'affection qu'ils luy auoient tousiours fait paroistre, qu'ils sirent dessein de luy en donner quelque tesmoignage particulier; pour moy i'auouë quela ioye que l'en ressentis, ne peut pas estre imaginee, & parmy l'excez de ce plaisir, ie pensay mille sois à ce que luy auoit predit cet Astrologue, (qui estoit qu'il ne mourroit iamais que fait Empereur, il n'eust commandé à l'Empire d'Occident) ne pouvant comprendre comme il estoit possible sans miracle, qu'vn homme eust vne si parfaite cognoissance de l'auenir. Enfin apres auoir longuement pensé à cela, l'esproutay ce prouerbe estre veritable, qui dit que comme les mal heurs ont toufiours quelque autre malheur en suitte, de mesme peu souvent yn bonheur va sans estre accompagné, car Gense-

Ddd ij

790 LA DERNIERE PARTIE D'ASTREE, ric, qui comme ie viens de vous dire, auoit reso lu de faire voir quelle estoit la ioye qu'il ressentoit de l'auancement & de la fortune d'Olimbre, voulutioindre au contentement que cette nouuelleme donna; celuy d'en estre tesmoing. Il me commanda donc de me tenir prest pour faire ce voyage, & moy qui nageois dans le plaisir que cette rencontre me promettoit, esperat que peut-estre en mesme temps il auroit sait venir Placidie à Rome, & qu'Eudoxe & Vrsace s'y pourroient rencontrer aussi, dans deux iours ie mis si bon ordre à mes assaires, que ie sus tout prest de partir. Genseric fit armer vn vaisseau tout expres pour moy, dans lequel il fit mettre quelques gens de guerre, & me chargea de rant de riches presents pour Olimbre, que ie puis iu rer auecque verité n'auoir iamais veu tant de raretez ensemble. Ainsi apres qu'on eutfait yn sacrifice en mafaueur, & que Genseric, Thrasimond & son frere, m'eurent remis à la garde de nos Dieux, on leua l'anchre, & nos Mathelots chantants des hymnes en l'honeur de Neptune, peu à peu nous perdismes la veue de Carthage, qui sembla s'esloigner de nostre vaisseau. Quelques Marchands qui trafiquoient en Italie se ioignirent à nous, & comme nous auions le vent aussi sauorable qu'il estoit possible de le desirer, il n'estoit personne qui n'esperast bien de la fin de nostre voyage, puis que le commencement

en estoit si heureux.

LIVRE DIXIESME. Nous fulmes ainsi quelques iours, sans qu'vn seul empeschemet s'opposast a la diligence que nous voulions faire, mais comme si nostrebonheur eust irrité les Deitez de la Mer, qui viuent dans vne inconstance perpetuelle, nous espreuuasmes bien-tost qu'il n'y a pas grand espace entre la prosperité & le malheur. En effet, vne mesme heure vid changer les petites ondes, dont l'eau se frisoit en de grandes bosses qui faisoient des montagnes liquides sur cet humide Element, & qui se perdants les vns soubs les autres sembloient se pousser, seulemet pour donner yn plus rude coup contre nos vaisseaux. Le vent qui nous fauorisoit renforça ses haleines, & au lieu d'ensler nos voiles à petites bouffees, comme il faisoit auparauant, il se despita de les voir occupees par d'autres vents contraires, de sorte que commençants entr'-eux vne guerre, dont il sembloit que nous estions la matiere & le prix, nous nous vismes tout à coup seruir de butte à l'insolence des orages. Toutesois ce ne furent pas là nos plus puissants ennemis, l'air qui se courrouça en mesme temps, nous osta tout à fait la lumiere, & nous fit bien-tost remarquer, combien nostre mal s'estoit accreu par les tenebres: Plusieurs coups de foudre mirent le feu dans quelques-vns de nos vaisseaux, que nous vismes brusler au milieu des ondes, sans qu'il nous fust possible d'en sauuer vn seul

homme; car ceux qui pensoient esuiter les fla-

Ddd iii

LA DERNIERE PARTIE D'ASTREE; mes, estoient incontinent enseuelis & estouffez soubs les eaux. Dans cette confusion les Pilotes s'abandonnerent à la mercy des vagues, & les Mathelos n'esperants plus de salut qu'en leurs prieres, laisserent briser & Masts & cordages, à la violence des vents & des flots. Pour moy, i'auoue que dans ce peril, la Mort ne se presenta iamais à moy auec vn visage effroyable; ie ressentis seulement yn extreme desplaisir dequoy mes iours devoient finiradevant que l'eusse iouy du bié que me promettoit la presence d'Olimbre : Cette tempeste dura huist iours entiers, durant lesquels, ie puis dire que nous n'eusmes presque iamais de iour, tantost nous susmes iettez en vn climat, tantost en l'autre, & sembloit que ce fust seulement pour chosir mieux le lieu de nostre naufrage, car par tout nous rencontrions le mesme peril. Enfin le vaisseau où i'estois, comme plus grand & plus fort que les autres, ayant esté le dernier à perir, vint heurter contre des escueils qui sont aux costes des Massiliens, & comme si Neptune l'eust demandé pour la derniere victime qui devoit appaiser safureur, au mesme temps qu'il se sut entr'-ouuert, & qu'il commença de couler à fonds, l'air s'esclaircist, les orages cesserent, & la Mer se calma. Ceux que la peur n'auoit pas tuez, perirent, comme ie croy, auecque le vaisseau; & moy qui voulois disputer ma vie iusqu'à l'extremité, le pris vn perit coffre où l'auois enfermé

quelques Ongnents & quelques Essences, pour en assister ceux qui en auroient besoing, & auec luy me iettay dans l'eau. Mon dessein estoit de nager autant que mes forces me le pourroient permettre, m'assurant que ie prolongerois tousiours ma vie de deux ou trois heures, & que peut estre durant ce temps-là, les Dieux m'enuoyerois quelque secours; Ainsi quelquesois soustenu sur mon petit coffre, que le bois empeschoit de couler à fonds, & quelquesois m'aydant de mon experience à nager, i'apperceus que ie n'estois pas beaucoup essoigné du rocher, contre lequel mon vaisseau auoit sait nausrage: Le pris donc en cet instant vn nouueau courage & de nouuelles forces, & fis tant. qu'auec l'assissance du Ciel (qui, comme ie croy, ne m'abandonna iamais en cette necessité) i'atriuay où ie desirois. Ie ne sus pas plustost sorty de l'eau, que lassé du grand effort que l'auois fait, & me sentant tout mouillé, ie me despouillay, & puis me couchay de mon long aupres de mes habits, que ie ne voulus reprendre, qu'apres que le Soleil les eut seichez. De la l'acheuay de voir enseuelir dans la Mer les reliques de nostre naufrage, & apres auoir vn peu resué sur le malheur qui auoit tant fait perdre d'hommes & de biens, ie vins tout à coup à considerer que mon sort n'estoit guiere plus sauorable, puis que ie voyois bien que la vie qui m'estoit restee, ne pouuoit pas estre conseruee longue-

Ddd iii

LA DERNIERE PARTIE D'ASTREE, ment fur ce rocher aussi nud que moy, &incapa? ble de me donner vn remede contre la faim que ie ne pouvois esuiter: Toutesois esperant tousiours en la bonté du Ciel de qui la colere estoit entieremet appaisee, ie cobattis contre ce Monstre tout le reste du jour, & toute la nuiet, & le lendemain quand ie sentis que mon cœur commencoità deffaillir à faute de nourriture, ie me resolus d'vser des Essences, dont en partant de Carthage l'auois fait vne assez bonne prouisson; ie portay done la main sur mon petit coffre,sans me souvenir qu'en me deschargeant de ce que ie pouvois avoir de plus incommode, i'en avois ietté la clef dans la Mer : Cela fut cause qu'aussitost que ie vis qu'il m'estoit impossible de l'ouurir, ie fis dessein de le rompre, mais ie ne l'eus pas plustost leué de ma hauteur pour le laisser tomber contre le rocher, que ie vins à peser que de la force du coup, les phioles où elles estoient enfermees se romproient infailliblement, &que par ce moyen tout estant respandu, ien'en retirerois pas le secours que ie m'estois promis. Sur cette pensee ie remis le coffre à mes pieds, & ayant hausséles yeux au Ciel pour luy demander quelque assistance, l'apperceus vn vaisseau qui venoit à pleines voiles, & qui pour estre trop bien equippé, ne montroit pas d'auoir esté en Mer au temps de l'orage que l'auois souffert. Aussi tost ie me mis à crier le plus haut que ie pus, mais ie recognus bien-tost que ma voix se

perdoit inutilement, & qu'il estoit impossible qu'elle pust paruenir iusques-là, cela sut cause que m'estant despouillé de ma chemise, ie la pris par l'vne des manches, & iettay le reste en l'air, m'en seruant comme d'yn estendart; ce que ie n'eus pas sait durant vn quart-d'heure ou enuiron, que ie vis destacher du vaisseau vn petit brigantin, & peu à peu s'approcher de moy à sorce de rames, sans estre chargé que dequatre ou

cinq hommes seulement.

Dieuscait quelle sut ma ioye en cet instant, ie vous iure qu'il me seroit impossible de la depeindre; tant y a, queie me hastay de m'habiller, & que dans la crainte que quelque nouucau malheur esloignast de moy le secours qui me sembloit si proche, ie m'imaginay cent fois que ceux qui estoient aux auirons, ne voguoient pas auec toute la force qu'ils eussent pu; pourtant en moins de demy-heure ils approcheret le rocher ou l'estois, & à peine leur eus ie donné le temps d'aborder, que ie m'essançay d'vn grand saut iusques dans le batteau, sans me souuenir du coffre, qui estoit alors toute ma fortune, & la seule relique que l'auois pu guarentir de l'iniure de l'eau, Neantmoins apres que mon esprit se fut vn peu remis parmy l'excez de cette ioye, ma memoire me representa combien estoient importantes les choses que l'auois enfermees dedans, & pour cela ayant supplié ceux qui auoient pris le soing de mon salut, de ioindre

796 LA DERNIERE PARTIE D'ASTREE, cette obligation, à celle que ie leur auois de ma vie, ils ne firet nulle difficulté de reuenir encore à ce rocher, & de me donner le contentement d'emparter mon thresor auec moy. Nous ne fulmes pas long temps sans arriver au vaisseau qui m'auoit enuoyé ce secours, où ie sus receu de chacun auec tant de demonstrations de 10ye, qu'ils firent bien paroistre que la vie d'vn homme ne leur estoit pas en petite consideration. Les vns me donnerent du biscuit & du vin, les autres de quelques viandes qu'ils auoient salees, & ainsi charitablement ils pourueurent à l'extremenecessité que j'auois de manger. Apres cela ils me firent raconter les particularitez de mon naufrage, qu'ils escouterent auec estonnement, & quelque temps apres la nui et nous surprit, qui appella tout le mode au repos. Ainsi cependant que chacun se preparoit au sommeil, deux de ceux qui m'auoiet recourus'approcherent de moy, & me convierent de m'aller reposer sur un mattelas qu'ils auoient fait mettre das le vaisseau, ie n'osay leur refuser ce contentement, me semblant qu'il y eust eu de la honre pour moy de leur desobeyr, apres le bien-fait que i'en auois receu, de cette sorte ie consentis à tout ce qu'ils voulurent, & dés que nous fusmes tous trois assis, le premier qui parla me dit tant de choses de la ioye qu'il auoit de m'auoir rendu ce seruice, qu'apres mille remerciements, ie fus curieux d'apprendre son nom, il me respondit

797

gu'il se nommoit Palemon, & qu'il estoit Segufien: alors me remettat en memoire ce que i'anois ouy raconter des auantures d'Vrsace,&me souvenant qu'vn homme du mesme pays, & ce me sembloit du mesme nom, l'auoit autrefois empesché de se tucr, ie luy demanday incontinent si ce n'essoit point luy, qui en Italie auoit donné ce sauorable secours à ce Cheualier: Il me dit aussi-tost que non, qu'il estoit bie vray qu'vn Segusien auoit retiréV rsace des bras de la mort, mais qu'il se nommoit Celadon, & non pas Palemon, alors me panchant vn peu contreluy, quoy que c'en soit, luy dis-ie, vostre secours m'apprend que les Dieux sont bien amis de vostre patrie, puisqu'ils y font naistre des hommes si charitables & si necessaires; & ne doutez pas de cette derniere action que vous auez faitte en ma faueur, ne treuue dans le Ciel vne recompense bien grande: puis en l'embrassant, pour le moins, adioustay-ie, vous deuez estre assuré, que si ie puis, Olicarsis n'en sera iamais ingrat.

A ce nom d'Olicarsis, celuy qui estoit à l'autre costé de moy, & qui peut-estre commençoit de sommeiller, s'esqueilla comme en surfaut, & se tournant tout à fait à moy, me demanda si ie n'auois pas nommé Olicarsis, & ce que i'en auois dit, ie luy respondis alors qu'il estoit vray que ie l'auois nommé, & que ç'auoit esté en assurant Palemon, que ie recognoistrois en tou-

798 LA DERNIERE PARTIE D'ASTREE; tes fortes d'occasions, le bon office qu'il m'auoir rendu: Vous portez-là, me di-il incontinent, le nom d'vn homme, de qui l'estime est bien grande dans le monde; & soubs la faueur duquel vous ne manquerez pas d'amis en quelque lieu que vous puissiez aller; Je respondis à cela le plus honnestement qu'il me fut possible, mais fans que ie vous raconte ce que la bonne opinion qu'il auoit de moy, luy fit dire à mon aduantage, ie vous diray seulement qu'en moins de rien, ie sus recognu pour celuy qu'ils cher-choient, & qu'apres auoir receu la lettre de Damon, leur ayant dit que l'auois dequoy satisfaire au desir qui leur auoit fait entreprendre ce voyage, ie les remplis de tant de contentément, qu'à peine purent-ils dormir de toute la nui &. Ils sceurent que mon dessein estoit d'aller à Rome pour visiter Olimbre, si bien que m'ayant proposé qu'il ne me seroit pas difficile de faire le voyage par terre,&que si le voulois voir Damo & le Forests, ie ne me destournerois que de trois ou quatre iournees, ie treuuay bon qu'on nous mist en terre, ce qu'on sit sur la pointe du iour.

Dessors ils me parlerent de guerir Celidee, & me firent voir les petits bastons ensanglantez, mais la croyance que i'auois de pouuoir panser bien-tost ses blessures mesmes, sur cause que ie les priay de remettre cette guerison iusqu'à ce que nous sussions icy. Ils ne m'en presserent

donc plus, mais ayants sceu que l'auois enuie de voir la ville des Massiliens, à cause que c'estoitlà qu'Vrsace & Olimbre auoient demandé le poison, ils y vindrent auecque moy, & de là pasfants dans le pays des Allobroges, nous visines Vallence, où la beauté du lieu nous ayant conuiez de sejourner vn iour, outre quantité de merueilles, nous fusmes curieux de voir le tombeau de Tullia, fille de Ciceron, qu'vne voûte fort longue & assez haute, conserue contre le débris d'yne Colline qui en est proche, & où l'on dit qu'vn de ses Amants versatant de larmes, qu'Amour en sit vne sontaine, qui depuis n'a iamais pu tarir. De là nous laissasmes à main gauche vn superbe Chasteau, qu'on nous dit que Turnus auoit fait bastir, puis suivants contre-mont le Rhosne, la nuict nous surprit à trois lieuës pres de Vienne. Nous fusmes donc contraints de ne passer pas plus outre, à cause qu'il nous eust fallu trauerser vn grand bois, & fore dangereux, & particulierement alors, que l'armee des Francs ayant esté congediee, plusieurs solduriers attendoient les hommes sur les passages, & les voloient, ou les assassinoient: mais combien il est difficile d'éuiter ce que les Destins ont resolu, le lendemain estants partis de fort bon matin, nous n'eusmes pas fait enuiron vn quart delieuë, que nous fusmes rencontrez par douze ou quinze de ces voleurs. D'abord ils fe rangerent en haye, & feignirent au commen-

300 LA DERNIERE PARTIE D'ASTREE; cement de nous demander l'aumosne, mais à peine eusmes-nous le temps de leur tesmoignet que nous auions enuie de leur donner quelque chose, que trois des plus grands saisirent la bride de nos cheuaux, & les autres se iettants à corps perdu sur nous, nous traisnerent en terre: Halladin fit bien toute la resistance qu'il put, & Palemonaussi, qui ayant mis assez promptement la main à l'espee, ne vid pas plustost prendreles resnes de son cheual, qu'il en deschargea yn si grand coup sur la main de celuy qui s'en estoit saiss, qu'il la luy couppa entierement: mais comme il nous estoit impossible de resister à tant d'hommes, & mesme qui estoient armez auantageusement, à cause qu'outre leurs espees, ils portoient chacun vn grand poignard, dont la coquille estoit capable de leur couurir la moitié du corps, cette resistance ne sit que les irriter, en sorte, qu'ils resolurent de nous faire tous mourir. Ils nous emmenerent donc sur la main gauche dans le plus espais du bois, où nous ayants despouillez, sans nous laisser seulement nos chemises, ils nous attacherent les bras derriere le dos, & nous lierent chacun à vn arbre, auec le licol de nos cheuaux. Là Palemon ressentit le premier les traits de leur barbarie, car celuy à qui il auoit couppé la main, estant dans vne extreme impatience de se vanger, ne le vid pas plustost attaché, que s'approchant de luy; Cette-cy; dit-il, luy montrant la main

droitte, te punira de l'outrage que tu as fait à fa sœur: disant cela, bons Dieux que ce' souvenir m'estonne, il luy plongea cinq ou six sois son poignard dás le corps. Il estoit attaché si pres de moy, que ie pus voir quand ses yeux me dirent le dernieradieu, car la parole (qui nous estoit interditte, à cause que de peur que nous criassions, on nous auoit mis vn mouchoir deuant la bouche) ne nous put iamais seruir en cette occasion; & moy qui croyois que sa mort ne deuanceroit la mienne que d'vn moment, i'auoüe que ie luy respondis aussi des yeux, & qu'en cet instant ie taschay de disposer mon ame a le suiure sans regret. Mais ie ne sçay si mon aageretenoit ces voleurs dans quelque respect, ou si dans le dessein de me faire mourir le dernier, ils auoient resolu de rendre mon trespas plus sensible, tant y a, que ie vis qu'à peine Palemo auoit rendu le dernir souspir, qu'ils se tournerent du costé d'Halladin, & comme ils estoient sur le poinét de luy faire sentir la fureur de leurs armes, tout à coup l'vn d'entr'-eux, qui sembloit auoir quelque authorité particuliere, & qui auoit eu le loisir de le considerer attentiuement, fit signe à ses compagnons qu'ils attendissent, & qu'il auoit quelque chose à luy demander. A ce commandement ils s'arresterent, & cet homme s'estat vn peu dauantage approché d'Halladin, pour luy oster le mouchoir qu'il auoit deuant la bouche, luy demanda d'où

802 LA DERNIERE PARTIE D'ASTREE; il estoit party ce mesme iour, de Rossillon, luy respodit-til,&qu'auez-vous fait deuant que partir? reprit cet homme, i'ay esté, híy dit Halladin, au Temple; & personne n'a-til parlé à vous? continua cet homme, Halladin alors y ayant vn peupensé: Non, repliqua-til, si ce n'est vn ieune soldurir, qui m'a dit auoir esté à la prise de Calais, & qui n'ayant pas des commoditez pour se retirer en sa maison, estoit contraint d'implorer la charité des honnestes gens; luy auezvous donné quelque chose? adiousta cet homme, ie luy ay donné, respondit Halladin, vne petite piece d'argent, qui estoit la seule monnoye que l'auois alors sur moy: Ce bien fait, reprit incontinent cet homme, sera la cause de ma mort ou de tavie. Disant cela, il retourna à ses compagnons, & les persuadasi bien, qu'enfin il obtint La vie de cet Escuyer: il est vray, que de peur qu'il les accusast, ou qu'il les recognust, ils luy boucherent aussi-tost les yeux, & l'ayant destaché de l'arbre, le mirent sur son cheual, le visage tourné contre la crouppe, les bras liez derriere le dos, & les iambes attachees soubs leventre du cheual. En cette posture ils luy donnerent les champs, non pas sans faire de grands esclats de rire, & cependant que trois ou quatre s'amu-foient à chercher dans les habits qu'ils m'auoiét ostez, la clef du petit coffre qui estoit encore attaché sur mon cheual, les autres s'en vindrent à moy pour m'esgorger: mais à peine furent ils à crois trois ou quatre pas de l'arbre où i'estois garrotté, que nous ouysmes de grands cris, comme d'vne personne espouuantee. Aussi-tost la frayeur les saissift, & ne sçachants ce que ce pouuoit estre, la crainte d'estre pris, sit qu'ils ne songerent plus qu'à la fuitte. Ils se sauuerent donc en la plus grande haste qu'ils putent, d'autant mieux que les cris que nous auions ouys redoubloient tousiours plus fort, & que la voix s'approchant, & se rendant à chasque moment plus haute, ils crurent que ce pouuoit bien estre Halladin, qui amenoit quelqu'vn pour les surprendre au mesme lieu où ce meschant acte auoit esté commis. Ainsi à peine les eus-ie perdus de veuë, que tournant l'œil du coste d'où venoit cette voix si effroyable, ie vis à trauers les arbres vn homme seul, à qui la frayeur rendoit les yeux esgarez & farouches; il tenoit quelquefois les mains iointes ensemble, quelquefois il les portoit à ses cheueux, comme pout se les artacher; d'autrefois il se mettoit à genoux, comme vn homme qui demande misericorde, puis s'estant releué, il couroit dix ou douze pas auec vne vistesse incroyable, mais tousiours criant & plaignant, auec vn ton de voix, qui faisoit bien paroistre la violence de sa sureur. Il ne fut pas plustost aupres de moy, que ie voulus parler, pour le supplier de me retirer de la peine où i'estois: mais, outre que le mouchoir que i'auois deuant la bouche me le deffendoit absolu-

Dern. part.

804 LA DERNIERE PARTIE D'ASTREE, ment, ie pris garde qu'en cet instant il tomba en terre, sans force & sans sentiment. D'abord ie creus qu'il estoit mort, mais bien-tost apres l'oyant souffler, comme vne personne à quil'estomach oppressé, ne permet pas de respirer librement, ie recognus bien qu'il dormoit. Iugez, ie vous supplie, en quel estat ie deuois estre, & combien son repos me donnoit d'inquietude, puis que la crainte que ces voleurs reuinssent acheuer leur mauuais dessein, me fit sembler son sommeil plus long deux fois qu'il n'auoit esté: Car en effect, il ne demeura assoupy que deux heures, durat lesquelles l'eus toufiours pour mon entretien, l'horreur d'vne mort presque ineuitable, & l'obiect de la funeste auanture de Palemon.

Cependant Halladin estoit retourné au bourg d'où nous estions partis le matin, à cause que son cheual en prit le chemin, aussi-tost qu'il se sentit en liberté. Et certes son arriuee y sut bien plaisante en mesme temps, & bien deplorable; car estant nud, & attaché comme ie vous ay dit, au commencement les petits enfants se mirent à le suiure, & peu à peu tout le peuple accouru dans la ruë, s'esclatroit de rire, à la veuë d'vn spectacle si nouueau, & ie croy qu'on eust esté long-temps sans lescourir, si de sortune vn Sacrisscateur allant au Temple, & ayant quelque honte de voir vn homme en cet estat, n'eust arresté le cheual,

💸 n'eust ietté sur Halladin vn long manteau qu'il portoit. Aussi-tost apresil le destacha, & dés que cet Escuyer put parler, il luy raconta l'accident qui nous estoit arriué, auec tant de souspirs & delarmes, que ce Sacrificateur esmen de compassion, & le peuple qui l'auoit desia enuironné de tous costezine pouuat souffrir vne si grande meschanceté, firent incontinentarmer la Iustice; pour essayer de surprendre ceux qui nous auoient traittez si indignement. Cela arriua au mesme temps, que cet home qui estoit tombé aupres de moy s'esueilla, ou plustost reuint de son assoupissement, & Dieu sçait si i'eus peur-qu'il continuast son chemin sans m'auoir secouru: Enfin, de fortune il tourna les yeux sur moy, & me voyat en l'estat que ie vous ay dépeint, & aupres d'vn corps, de qui l'ame s'estoit destrobee auec le sang par cinq ou six grandes blessures, il en fut tellement surpris, qu'il en demeura comme immobile: Ie recognus bien à ses yeux quele sommeil l'auoit remis, car il n'auoit plus le regard farouche, mais y voyant vne compassion meslee d'vn extreme estonnement, ie commençay d'esperér qu'il auroit quelque pitié de moy. En effect, il me vint deslier assez promptement, & m'ayant aydé à ramasser mes habits, ie n'en fus pas plustost couuert, que le remerciant du bon office qu'il m'auoit rendu, ie luy contay tout le succez de nostre desastre: Il me tesmoigna d'estre

806 LA DERNIERE PARTIE D'ASTREE, bien fort touché de l'infortune de Palemon & de la mienne, & m'ayant conseillé de retourner au lieu d'où l'estois party le matin, pour faire informer decette meschanceté, & pour donner à Palemon vne sepulture honorable, il s'offrit de m'y accompagner. Ie crus donc fon confeil, & m'estant remis sur mon cheual, ie le priay de monter sur celuy de Palemon, que ces voleurs n'auoient osé emmener, de peur, come ie croy, d'estre trop facilement conuaincus, s'ils eussent esté surpris auec cette marque de leur delict; mais à peine eusmes nous regaigné le grad chemin, que nous vismes venir plus de deux cents personnes qu'Halladin conduisoit. Cet Escuyer croyoit me treuuer mort, ce qui fut cause qu'aussi-tost qu'il me vid, il se vint ietter à mon col, & me fit des caresses extremes: Aprescela nous retournasmes où Palemon estoit resté, que Halladin & moy ne reuismes pas plustost, que le regret de sa perte faillit à nous faire mourir. Enfin apres l'auoir fait emporter & enseuelir auec honneur, Halladin reprit ses habits, & quantité de ceux du Bourg ayants voulu nous accopagner iusques hors du bois, ce qui nous restoit du iour nous mena iusqu'à Vienne. Là Halladin m'ayant tiré à part, & m'ayant representé combien d'empelchements me pouvoient oster les moyens de donner à Celidee la guerison qu'il estoit venu chercher si loing, il me pressa si fort de haster ce contentement à Damon, que

dés le lendemain ie pris les petits bastons ensanglantez, & les traittay, comme si l'eusse pansé les blessures mesmes. Ie ne doubte pas que l'effect n'en ait esté bien prompt, car en la composition de cet Onguent, dont ie voulus apporter vne petite boëtte pour Olimbre, ie n'auois oublié aucune des choses qui le pouuoient rendre extraordinairement subtil; & de bonne fortune, quand ie partis de Carthage, il n'y ad uoit pas plus d'vn mois que le l'auois acheué, bié qu'il y cust pres d'vn an que i'en auois commencé la composition; car outre les huyles qu'il faut tirer, comme huyle de lin, & huyle rofat, il faut encore du Bol Armenien, du fang d'vn homme, dela Mommie, dela gresse d'vn corps humain, & sur tout, de la mousse qui soit cruë sur la teste d'vn mort exposé à l'air. Ainsi ie n'eus pas plustost pansé tous ces petits bastons, que nous partismes, & cet homme qui m'auoit secouru, ayant ouy nommer à Halladin le nom deForests, il nous supplia de permettre qu'il y vinst auecque nous; mais parce qu'à tous moments ie me resouuenois du peril d'où sa rencontre m'auoit retiré, aussi-tost que nous susmes en chemin, ie luy demanday le plus ciuilement que ie pus, quelle bonne fortune l'auoit amené si à propos, & d'où pouvoit proceder le trasport où ie l'auois veu : aussi-tost il haussales yeux au Ciel, puis les portant sur moy auec va grand souspir, helas! me dit-il, que ce que

Eee in

vous nommez transport, est bien plussost vai iuste chastiment dont les Dieux m'assigent pour l'expiation de mes crimes, mais puisque vous desirez que ie vous en sasse le discours, bien que mon mal soit hors de toute esperance de remede, ie ne laisseray pas de vous obeir, pourueu que vous me permetticz de ne m'y atrester pas long-temps de peur que ce souvenir ne me porte aux extremitez où vous m'auez desia veu: A ce mot il se teut, comme ie croy, pour se remettre vn peu, puis cependat qu'Halladin essoigné de nous de vingt-cinq ou trente pas s'amusoit à s'entretenir seul, il reprit la pa-

sçachez donc mon pere, que mon nom est Azahyde, & que i'ay tiray ma naissance parmy les Allobroges, d'yn pere qui a tousiours esté en particuliere consideration dans la ville, que le Lac de Leman baigne de ses eaux limonneuses: & parce qu'à peine sus ie capable de raison, que cette prouince se trouua enueloppee dans lestroubles, à cause qu'on vouloit oster à Gondioch Roy des Bourguignos, tout ce qu'il auoit deça le Rhin; on me mit les armes dans la main, presque deuant que i'eusse la force de les soustenir. Au bout de quelque temps une tresve se sit, qui dura quelques annees, durant lesquelles, mo pere se souvenant qu'il n'auoit que moy pour l'appuy de sa maison & de sa vieillesse, resolut de me marier, & de sait il me sit espouser vne

fore belle'& honneste femme, que ie ne garday qu'vn an, car elle mourut en couche, apres m'anoir laissé vne fille pour gage de son amour, Presque aussi-tost apres, Acrius grand Capitai-ne, eut le gouuernement de la Gaule, & recommençant les premiers desseins que les Romains auoient faits sur nous, se mit en estat de les faire reuffir, 'cela fur cause qu'Abariel, tel est le nom demon pere, ne put iamais me retenir aupres de sa personne, car mon humeur qui auoit treuué quelque particuliere satisfaction dans le sang & le carnage, fut plus forte que toutes les persuasions qu'il employa pour m'empescher de l'abandoner. Ainsi ie partis, & iusqu'à ce qu'Aetius eust commandemet de nous laisser en paix, ie ne cessay d'estre des premiers à tous les combats, à toutes les prises de place, & à tous les pil-lages qui furent faits. Vne fois entr'autres m'estant tumbé en partage de parfaittement belles armes, ie les donay en eschange d'vn ieune garçon, de l'aage de cinq ou six ans, nommé Syluadre, & qu'on me dit auoir esté destrobé à quelques lieuës au delà du Rosne & de la prouince Viennoise; l'aspect de cet enfant me plut si fort, que ie fis dessein de l'esseuer soigneusement iusgu'en l'aage de deux ou trois Lustres, & apres cela d'en retirer du seruice, comme d'vn homme qui m'eust esté obligé de la vie. Pour cet effect, la paix ne nous fut pas plustost accordee, que ie l'emmenay chez moy, & le fis voir à

Ecc iii

810 LA DERNIERE PARTIE D'ASTREE, mon pere, comme le plus glorieux butin que i'eusse fait : Mais ie vous supplie de remarquer icy vn estrange effect de la prouidence divine, cet enfant destiné par moy à vne seruitude eternelle, ne parut pas plustost aux yeux demon pere, que se souvenant du peu de support qu'il auoit eu de moy à cause de mon naturel bouillant & prompt à entreprendre, il desseigna d'esseur ce ieune garçon, & d'y establir le fondement de ses plus douces esperances. Cette resolution ne sut pas si cachee, qu'elle ne vinst en ma cognoissance, de sorte que commençant à preuoir vne partie de ce qui arriua depuis, i'vsay de toutes sortes d'artifices pour arrester le cours de cette bonne volonté naissante : Mais toutes mes inventions furent inutiles, car mon pere me l'ayant vsurpé comme sien, l'enuoya aux Escholes chezles Massiliens, d'où il reuint sissauant & si bien fait, qu'il faut que l'auouë que quelque enuie que l'eusse conceuë contre luy, ie n'eus i'amais le iugement si troublé que ie ne recognusse bien que l'affection de mon pere ne pouvoit avoir vn obiect plus digne d'estre estimé; toutesois la crainte que s'eus qu'Abariel qui m'auoit fort peu donné de bien (s'estant reservé la libre disposition de tout ce qu'il possedoit) se laissast si fort emporter à cette amour, qu'il voulust luy faire quelque auantage à mon preiudice, fut cause que ic fis dessein de ne m'opposer pas seulement à

la fortune, mais à sa vie si l'occasion s'en presentoit.

Cependant la fille que l'auois euë, n'estoit pas moins creuë de beauté, que de corps & d'esprit; si bien qu'estant alors en aage d'estre mariee, mon pere proposa de la donner à Syluandre,& de fait le sus contraint de prendre là le suiect de ma vengeance, car ayant commandé à ma fille de faire accroire à mon pere que iene consentirois iamais à ce mariage, & qu'il estoit à propos qu'elle l'espousast secrettement, ie fis si bien que le pauure Syluandre ayant pris assignation à vne certaine heure de la nuict, pour monter par vne fenestre qui regarde sur le Lac, ie metreuuay dans la chambre, & comme il fur à moitié monté, ie couppay la corde & le fis tober dans l'eau, où l'ayant comme accablé de coups de pierre, iamais depuis on n'a eu nouuelles de luy.

Vous pouuez bien iuger, mon pere, que quand ie n'aurois iamais commis d'autre crime que celuy-là, c'est assez pour meriter les chastiments que les Dieux reservent aux plus coupables; mais comme si le Ciel eust voulu mefaire remarquer parmy les hommes, conime vn exemple d'auarice & de cruauté, il voulut me surcharger d'autres faix aussi pesants pour le moins & insupportables. Sçachez donc qu'aussi tost que Syluandre sur noyé, ie sis semblant d'accourir le premier au bruit, &

312 LA DERNIERE PARTIE D'ASTREE, commanday à ma fille, sur peine de la vie, de dire que la corde s'estoit rompuë d'elle-mesme, & derejetter ainsi sur le malheur, vn effect dont l'auois esté la seule cause. Elle n'y manqua point, & moy-mesme apres auoir paru à la fenestre, courus vistement sur le bord, où ayant treuuay Abariel, ie luy fis le recit de ce suneste accident, non pas comme il estoit arriué, mais comme ie voulois qu'on le creust : D'abordil recourut aux larmes & aux cris, puis voyant que son desplaisir ne pouvoit avoir de remede, il esuanouyst, en sorte que je creus qu'il auoit rendul'esprit. Nous l'emportasmes donc dans son lict, où estant reuenu de sa pasmoison, & me voyant aupres de luy, il tint quelque temps les yeux arrestez sur moy, puis auec vn grand souspir: Confesse la verité, me dit-il, traistre & barbare Azahyde, tes artifices ne sont-ils point cause de cette mort? Alors ayant composé mon visage d'une douleur toute feinte, ie luy respondis que non, & que i'eusse plussost consenty à ma fin, qu'à luy procurer ce mescontente-ment; & bien, reprit-il, les Dieux sont des Iuges qu'on ne peut ny corrompre ny tromper, situ es innocent de ce crime, ie les supplie qu'ils te pardonnent, comme ie fay, tous les autres manquements que ta des obeyssance ta fait comettre enuers moy, & situ en es coupable, ie les coniure de mesurer leurs chastiments a tes offenses, afin que tes supplices soient plus sensi-

bles & plus grands: Difant cela, la voix comença à luy destaillir, & quelques vns de nos paréts qui estoient accourus au bruit qui se fit dans ce desordre, firet tout ce qui leur sut possible pour leconsoler, mais commeil estoit dans vn aage decrepite, il se trouuasi soible pour resister aux coups de cette douleur, que nous ingeasmes bien qu'il ne passeroit pas la nuict: ce que voyat ma fille,&s'imaginant de pouuoir gaigner quelque chose sur luy, elle s'approcha de son oreille, & l'entretint fort long temps. l'eus peur vne fois qu'elle luy racontast ma meschanceté, car elle seule en estoit tesmoing, & certes n'eust esté que ie creus que cela fortifieroit le soupçon que l'auois desia remarqué en mopere, ie n'eusse iamais permis qu'elle eust parlé à luy. Cela fit que i'obseruay exactement leurs mouuements afin d'y remedier, si i'eusse remarqué qu'il y eust eu del'aigreur: mais au contraire il sembloit qu'à son discours l'esprit d'Abariel se remettoityn peu; toutefois r'entrant enfin dans sa premiere foiblesse, & haussant vn peu la voix: Masille, luy dit-il en luy prenant la main, tu vois bien que iene scaurois auoir assez de vie pour m'assurer de cequetu dis, & c'est pour cela que ie veux croire, que ce remede que tu as voulu doner à mon mal, vient plustost de la pitié que tu as de ma peine, que d'aucune verité qui t'ait obligee à m'en parler ainsi; laisse-moy donc mourir ma chere fille, & ne t'oppose plus à la

814 LA DERNIERE PARTIE D'ASTREE, necessité qui fait que ie te quitte, que si l'ay encore quelque authorité sur toy, commence d'oz beyr aux derniers commendements que ie te veux faire: Va-t'en dés a cette heure chez mon frere, dit-il, luy montrant vn mien oncle, ie luy laisseray dequoy te pouruoir d'vn sortable party, & sur tout ne vis aupres de ton pere que le moins que tu pourras, puis qu'il ne t'a iamais esté vn assez bon exemple d'honneur & de vertu. A cemot il la baisa, & pria mon oncle de l'emmener, ce qu'il fit, puis se tournant à moy; le te laisse, me dit-il, ce bien dont tu as esté si auide, souviens-toy que ie t'aduertis que tu ne seras iamais moins riche que lors que tu croyras l'estre dauantage: Ie ne sçay quelle secrette opinion les Dieux nourrissent dans mo esprit, mais ie meurs assez mal satisfait de tes deportements; Veuille la diuine bonté que toutes mes apprehensions soient fausses, que si elles sont vrayes, sois assuré que le te serray vn bourreau eternel, & que se ne seray pas le moindre Ver de ceux qui rongeront ta conscience.

Ces paroles qu'il prononça auec assez de peine, surent presque les dernieres qu'il prosera, car à peine eut il encore adiousté le mot d'Adieu, que son ame nous laissa son corps tout froid & tout passe. Ce coup m'esbranla visiblement, car dessors ie parus presque aussi mort que luy, & les derniers discours qu'il m'auoit tenus, outre le repentir de ma faute qui commençoit de me

presser vn peu, firent qu'en cet instant ie portay enuie à l'estat où ie le voyois reduit. Toutefois cachant, le mieux qu'il me fut possible, le ressentiment de mon crime soubs les larmes qu'il m'estoit permis de donner à cetrespas, ie sis si bien qu'au lieu de me codamner, on me loua de la douleur que ie tesmoignay en cette derniere perte. le fis dresser pour mon pere vn monumer assez honorable à vn homme de sa condition,& à peine les derniers deuoirs furent rendus, que cherchant vn moyen pour estouffer absolumer la memoire de ma faute, m'imaginant bien que ie ne serois iamais en repos, tant qu'il resteroit au modequelqu'yn qui la pourroit descouurir, ie me portay presque au plus barbare dessein qui soit iamais entré dans la pensee d'un homme; & puisque i'ay resolu de fier toutes choses à vostre discretion, ie vous diray que l'estois sur le poinct de preparer du poison pour donner à ma fille, quand l'appris que l'horreur comme ie croy d'estre nee d'vn pere si meschant, luy auoit ofté le desir de viure dans le monde, & l'auoit portee à se confiner parmy les Vestales qui sont le long du Lac, soubs la charge d'vne qu'on nomme Bellinde. Ainsi tout à coup me voyant sans père, sans fille, mais non pas sans crainte d'estre quelque iour conuaincu de la trahison que l'auois faite à Syluandre, ie voulus commencer à iouyr des heritages qu'Abariel m'auoit laissez: mais i'esprouuay bien alors,

815 LA DERNIERE PARTIE D'ASTREE," qu'il auoit esté veritable prophete, & qu'il n'est point d'homme riche que celuy qui est content, puis que parmy l'affluence de tant de biens ie me treuuois mille fois plus pauure que lors que i'en auois eu moins ; que si ie pensois faire reuffir vn seui des desseins qui m'auoient fait desirer de succeder aux possessions de mon pere, i'y treuuois de l'impossibilité, ou dans la chose mesme; ou dans mon humeur: car en effect ayant quelquefois souhaitté d'auoir du bien pour faire bonne chere, alors que ie n'en manquay pas, ie manquay d'appetit, & iamais depuis la perte d'Abariel, on ne m'apresenté de viande qui ne m'ait fait mal au cœur: si ie m'estois imaginé que i'aurois plus de commodité pour receuoir mes amis, ie voyois alors que ien'auois plus d'amis au monde, puis que me recognoillant coupabled'vn crime si peu remissible, ie me figurois que tous les hommes estoient mes luges, & que mes parents mesmes ne m'approchoient iamais, que pour me con-duire au supplice que i'auois merité. Ainsi ne trouuant plus de paix dans la societé, ie recourus à la solitude, & pour cela, ie me retiray en vne maison que i'ay aux champs, mais mon peché qui me suiuoit par tout ne me donna pas plus derelasche là qu'ailleurs; au contraire, comme si le Ciel eust voulu me punir par moy-mesme, il permit que durant plus d'vn mois ien'eus ia-mais de penses que celles de ma faute, & de la

punition que i'en pouuois encourir. Ce qui me troubla de sorte, que ie recognus sensiblement que peu à peu ma raison se perdoit dans la violence de ce ressentiment, d'autant mieux, que comme ie vous ay dit, ne pouuant manger qu'auec vne extreme contrainte, le peu de nourriture que ie prenois ay doit beaucoup à m'oster ce peu qui me restoit de jugement & de santé. le combattis quelque temps contre la naissance de ce mal, mais les Dieux qui voulurent appesantir leurs mains fur moy, me firent bien-tost esprouuer qu'ils pouuoient donner aux mortels des peines plus grandes que celles qui prouiennent de la perte de la raison: & de fait, vne nuich que l'estois enfermé dans machambre , & couché dans mon list, où ie croyois pounoir reposer, puis qu'il y avoit desia quelque temps que ie n'auois pu dormir d'vn bo sommeil, il me sembla, mais pourquoy dis je, il me sembla, puisque ce que l'ay à vous raconter est vray, jouys, disje, tout à coup, ouurir la porte, auec vn bruit efpouventable, & soudain que l'eus porté curieusement la veuë, pour apprédre ce que c'estoit, ie vis Abariel couvert de sag en plusieurs endroits; tenant dans l'une de ses mains un slambeau allumé, & dans l'autre vn cœur percé detrois ou quatre cousteaux: il auoit deuant soyl'vne des Furies, & les autres deux à ses costez, toutes trois portants vn flambeau comme luy, & armees dans l'autre main de fouets retorts, qui se sepa-

818 LA DERNIERE PARTIE D'ASTREE. roient en diuerses pointes; Dieusçait combien cette veuë me surprit, & plus encore son abord, car s'estanțapproché de mon list, Azahyde, me dit-il,voy tu ce cœur que ie te presente tout percé? c'est le mesme, que les traits de ta desobeyssance ont fait mourir, & parce que la Iustice des Dieux doit estre vn iour touchee de ton repenrir, pour ne te priuer pas des delices d'vne seconde vie, elle a ordonné que tu souffrirois vni chastiment secret; pour vn crime, dont ta seule conscience t'accuse; disans cela, sans que ie le visse presque mouuoir, il se retiradeux ou trois pas, & faisant vn certain signe aux Furies qui l'accompagnoient, aussi-tost elles se saisirent de moy, & cependant que l'vne me faisoit deuorer le sein par des serpents, l'autre me brussoit de so' flabeau, & latroisiesme me deschirant de coups, au lieu de s'amollir, sembloit accroistre sa rage par mes cris&par mes plaintes. Le ne sçay ce que iene sis point pour toucher l'ame de mon perc, ieme iettay cent fois à genoux, mais lors que ie pensois luy embrasser les iambes, ie ne trouuois que du vent, parce qu'il fuyoit ma rencontres de peur, comme ie croy, que mon supplice finist auec sa colere. Ie fus dans ce tourmét plus d'vne heure, apres laquelle vn si grand assoupissement me faissift, qu'il dura iusqu'au iour; & lors que ie m'esueillay, m'imaginant que ie trouuerois sur mon corps les marques de la peine que l'auois enduree aie sus tout estonné, quand ie n'y vis

LIVRE DIXIESME.

819

vne seule playe qui tesmoignast le traittement que i'auois receu. Cela me fit iuger que cette vengeance estoit bien diuine, puis que mon ame seule la ressentoit, & pensant que les sacrifices en pourroieut arrester l'essect, i'en sis faire plusieurs, mais pour cela mon mal ne laissa pas de continuer, de sorte que presque tous les huiet sours ie soussiros vne sois le mesme supplice dont ie vous ay parlé. Ensin, ne pouuant presque, ny viure ny mourir dans la rigueur d'vne peine si extraordinaire, ie sus inspiré d'aller consulter vn Oracle, qui me respondit cecy.

## ORACLE.

A, mais cherche un lieu que Neptune S'est veu contraint d'abandonner; C'est là qu'un Estranger parlant de ta fortune Fera les Nymphes estonner: Mais retiens bien ces mots; ton malheur Azayde Iamais ne se terminera; Ou celuy qui te rend coupable d'homicide, Te voyant te pardonnera.

Cet Oracle, où ie ne peus rien comprendre, sinon que ie ne guerirois iamais, iusqu'à ce que celuy que i'auois tué m'eust veu, & m'eust pardonné mon crime, me mit dans

Fff

820 LA DERNIERE PARTIE D'ASTREE, vne telle confusion, que voyant cet effect impossible, ma sureur se redoubla: toutesois vn Vacie m'ayant representé qu'il ne falloit point que ie desesperasse de la bonté des Dieux, me remit vn peu l'esprit, & me dit, que si ie deuois estre secouru en mon mal, ce seroit seulement dans le Forests. Ie me mis donc incontinent en chemin, & à peine fusje entré dans le bois, où ie vous trouuay hyer, que ie vis le mesme Abariel, auec les mesmes furies au milieu de mon chemin ;aussi-tost ie meiettay dans le plus espais des arbres, pour éuiter vne rencontre qui m'est si funeste, mais il m'attaignist bien tost, & comme si ma suitte l'eust offensé, ie proteste que ie n'ay iamais receu de si mauuais traittement que celuy que i eus alors, ce fut la cause pour laquelle vous me vistes dans vn transport qui vous toucha de compassion, comme d'estonnement, & qui me fit faire les cris que vous ouystes, que ie veux desormais benir, puis qu'ils ont produit, en vous suiuant la vie, vn effect qui me sera agreable tant que ie viuray.

Ce fut-là, continua Olicarsis, tout ce qu'Azahyde me dit, & bien que ie creusse absolument que toute cette sureur n'estoit que l'esfect d'vne imagination extremémet blesse, ie ne laissay pas de iuger, en voyant l'Oracle, qu'il me sit lire deux ou trois sois, que ce mal trouueroit difficilemet son remede: & de fait tantost en nous promenant dans ce bois ce transport la repris, & luy a fait faire des actios si estranges, qu'il est impossible que ie m'en souuienne, sans en auoir vne extreme hor-

reur, & vne extreme pitié.

Adamas alors qui l'auoit escouté auec vne attention nompareille, prenant la parole, les Dieux, dit-il, sont si iustes & si bons, que iamais ils n'enuoyent aux hommes, plus de mal qu'il n'en peuuent supporter; & nous en pouuons trouuer vn tesmoignage en Azahyde, qui a pu subsister parmy de si furieux mouuements, & qui toutefois a esté puny de la volóté qu'il a euë de faillir, qui a fait la plus grande partie de son crime: car il faut que vous sçachiez que ce Syluadre, qu'il pense estre mort, ne l'est pas, à cause qu'ayant esté aduerty par sa fille mesme, de la trahison qu'il auoit brassee contre luy, il attacha à la corde fes habits pleins de sable, & puis se sauua quad il les eut ouy tomber dans le Lac. Cela me fait iuger, que de quelque qualité que soit son mal, ou d'imagination ou autrement, il pour-ra bien-tost estre guery, puis que Syluandre, qui est en ce pays depuis plusieurs Lunes, le verra de bon œil sans doute, & ne luy resusera le pardon, d'où cette guerison depend: ainsi nous verrons en tout l'accomplissement de l'Oracle; puis que c'esticy le lieu

Fff ij

822 LA DERNIERE PARTIED'ASTREE. que Neptune a quitté, depuis qu'vn Cesar sit rompre les montaignes, par où s'escoulerent les eaux dont ce pays estoit couvert, & que vous estes l'Estranger, qui au recit de sa fortune a fait estonner les Nymphes, car la pluspart de celles que vous voyez icy ne sont bergeres qu'en l'habit, estans en esset Nymphes d'Amasis, Dame & Maistresse de ces Provinces.

Olicarsis extremément surpris & content du discours du Druyde; le supplia de haster le plus qu'il se pourroit vn bien qu'il luy rapporteroit tant de ioye: cela fut cause qu'ayant prié Celadon de chercher Syluandre, ce Berger le rencontra qu'il se promenoit dans vne allee auec Lycidas, Doris, Adraste, & quelques autres, n'ayans pas ofé venir sù estoit Rosanire & Galatee, de peur d'interrompre leur entretien. Aussi-tost Celadon luy raconta vne partie de ce qu'il auoit ouy, & l'ayant conduit où estoit Adamas, à peine y furent-ils, qu'Azahyde reuint de son assoupissement, qui voyant assez pres du lieu où il estoit, vne si grande compagnie, s'en voulut aller d'vn autre costé; mais Olicarsis & Adamas s'approchants de luy l'en empescherent, & apres quelques discours luy firent entendre que son mal estoit bien proche de sa fin;à quoy Azahyde ne pouuant adiouster de foy, ils luy presenterent Syluandre, qu'il recoLIVRE DIXIESME.

823 gnut incontinent, bien qu'il eust changé de condition comme d'habit; & s'estant prosterné deuant luy, il sut quelque temps sans saire autre chose que donner des larines au souuenir de ce qu'il auoit attenté contre sa personne: enfin Syluandre ayant fait tout son effort pour le releuer, l'embrassa auecque respect, & luy remit si parfaittement cette offense, qu'il luy remit aussi l'esprit, en sorte que depuis estant party pour aller porter cette nouuelle à sa fille, qui s'estoit confinee parmy les Vestales, il ne fut plus trauaillé des frayeurs qui luy auoient fait perdre le iugement.

Fin du dixiesme Liure,





LA

DERNIERE PARTIE

## DASTREE

LIVRE VNZIESME.



E recit d'Olicarsis, & ce qui arriua à Celadon, à Syluandre, à la Bergere Astree, & à Diane, tant à la fontaine de la verité d'Amour, que de-

puis qu'ils eurent esté portez dans la maifon d'Adamas, occupa toute cette iournee, de sorte que la nuiet approchoit fort, quand Amasis, qui estoit desia arriuee au Palais d'Isoure, enuoya vn chariot à Galatee, afin qu'elle l'y vinst trouuer auec Rosanire, Dorinde, & les autres qu'elles auoit amenees en sa compagnie.

Fff iiii

826 LA DERNIERE PARTIE D'ASTREE, Le Druyde qui auoit fait dessein de les receuoir cette nuict-là, fut bien marry qu'Amasis luy eust enuié ce contentement, toutefois n'osant pas s'en plaindre, à cause de ce qu'il deuoit aux commandements de la Nymphe, il consentità leur despart, & les accompagnant iusqu'au bout de la grande allee, les supplia de luy faire l'honneur d'y reuenir le l'endemain; Galatee promit d'en demander la permission, & apres auoir tesmoigné quelqueregret, dequoy elle n'auoit pas eu le temps d'entretenir Astree, elle s'en alla, bien resoluë de mieux employer le loisir qui luy permettroit de la reuoir.

'Aussi-tost qu'elles furent aupres d'Amasis, elles luy rendirent vn compte exact de tout ce qu'elles auoient veu, & apres luy auoir raconté, les frayeurs qu'elles auoient euës, à cause de cet enchantement, elles luy dirent qu'Amour devoit encore prononcer des Oracles, & qu'il auoit commandé qu'on les allast consulter; cette nouveauté fit naistre dans l'ame de la Nymphe vn desir d'y assister, si bien, que sans que Galatee luy parlast de la promesse qu'elle auoit faite au Druyde, elle commanda qu'on tinst toutes choses prestes pour aller chez Adamas de bon matin.

Merindor estoit venu depuis Mont-brifon auecque la Nymphe, & parce qu'il se difoit estre enuoyé de la part de Sigismond, Dorinde le receut auec vn visage bien plus doux qu'elle n'eust fait, tant elle auoit encore la memoire recente de la tromperie qu'il luy auoit faite: oubliant donc à ce coup l'iniure qu'elle auoit receuë de sa legereté, elle le caressa, & apres qu'on eut souppé, s'imaginant bien qu'il ne l'oseroit entretenir que des affaires du Prince, elle luy donna tant de commodité de parler à elle, qu'il eut le temps de s'acquitter de tout ce que portoit sa commission.

Adamas d'autre costé, à qui la ioye de Celadon apportoit vn contentement nompareil, s'en reuint trouuer dans le iardin la compagnie qu'il y auoit laissee, mais il y estoit desia arriue du changement, car Doris qui sut aduertie de la mort de Palemon, commença de le plainde, auec des regrets & des pleurs si extremes, qu'il n'y eut personne qui n'en fut touché de compassion. Adraste de son costé n'en tesmoignoit pas vne moindre douleur, & quandilse representoit qu'il estoit la principalle cause du trespas de ce Berger, il estoit impossible qu'il s'imaginast d'estre iamais capable de consolation. Le Druyde iugeantiqu'il ne pouuoit fairevn plus charitable office que de les consoler dans ce desplaisir, prit Doris d'vne main, & Adraste de l'autre, & dans le temps qu'il mit à faire

828 LA DERNIERE PARTIE D'ASTREE, le chemin qui restoit depuis l'vn des bouts du iardin, iusques dans la maison, il leur dit tant de choses, qu'enfin il remit vn peu leur esprit, & leur sit esperer, que, puis que les Dieux leur auoient causé cette affliction, ils ne manqueroient pas desoing pour leur en enuoyer le remede. Ce pendant les souspirs de Doris rendoient plus vehement le seu, dont Amour auoit de tout temps brussé l'ame d'Adraste, & les larmes que ce Berger donnoit au ressentiment de Doris estoient si agreables à cette Bergere affligee, qu'elles seruoient d'vne espece de soulagement a la peine qu'elle enduroit.

Soudain qu'Adamas iugea qu'il auoit gaigné quelque chose sur eux, il les quitta pour aller voir Bellinde, qui estoit desia retournce dans la chambre d'Astree & de Diane; & par ce qu'il craignoit que si toute cette trouppe les alloit visiter, cela leur apportast de l'incommodité, il trouua à propos que iusqu'au lendemain elles ne sussent veuës de personnes; il commanda donc à Pâris de conduire Celadon, Syluandre & les autres dans leurs châbres, & qu'il les aduertist de se tenir prests, pour aller apprendre le lendemain les Oracles qu'Amour deuoit prononcer. Pâris n'y manqua point, & quelque desir qu'il eust de voir Diane, il n'osa iamais en demander la permission, s'imaginant bien, que puis que

Celadon ne verroit point Astree, Adamas ne consentiroit pas qu'il eust plus de priuilege que luy. Bellinde trouua Diane en tres-bon estat, car le retour de Phillis, & le rapport qu'elle luy auoit fait de la santé de Syluandre, luy auoient presque redonné sa premiere couleur: de sorte qu'apres s'en estre ressiouye auec le Druyde, elle seretira, bien aisse dequoy Diane luy promit de se leuer le lendemain: Adamas aussi, apres les auoir vn peu entretenuës, s'en alla dans sa chambre, & dit à Phillis & à Leonide, qu'il desiroit qu'elles couchassent dans celle d'Astree & de Diane, asin qu'en cas qu'elles eussent besoin de quelque chose, Leonide eust le moyé de les seruir.

Ainsi chacun se disposa de passer la nuict, & les derniers qui se retirerent sur et Adraste & Doris, car ce Berger qui mouroit de peur qu'elle accusast ses plaintes, & qu'elle crust qu'il y eust quelque artistice messé dans ses regrets, s'estant approché d'elle, & la regardant d'vn œil qui tesmoignoit assez le desplaisir qu'il auoit dans l'ame, ma sœur, luy dit-il, si la douleur que ie souffre pour la mort de Palemon, n'est la plus grande & la plus veritable que ie ressentis iamais, ie veux que les Dieux employent pour me punir, les mesmes supplices dont ils ont accoustumé de chastier les pariures; ie sçay que ie suis coupable deson trespas, &

830 LA DERNIERE PARTIE D'ASTREE, que sans moy il iouiroit encore des plaisirs qu'il trouuoit dans vostre amour & dans vostre compagnie; aussi pour satisfaire en quelquesorte, l'ombre de ce cher Espoux qu'Adraste vous a rauy, il est iuste que i'exerce des chastiments contre moy-melme, & que me feparant de vous, ie commence à m'esloigner de la personne du monde qui me pouvoit donner le plus de plaisir & de consolation. Cher frere, luy respondit Doris, la larme à l'œil, Adraste est vrayement en partie la cau-se de la mort de Palemon, mais pour cela ie ne croy pas que ce ne fust vne extréme iniustice de l'en punir, car enfin il s'engagea volontairement à ce voyage, & quelque soing que ie prisse pour l'en diuertir, il me sut impossible d'obtenir cela sur son humeur: helas, combien de fois ay-ie craint le malheur qui m'est arriué, il sembloit qu'il y eust quelque secret Genie qui me parlast de cet accident, car en verité, il n'a presque passé iour ny nuict que mes pesers ou mes songes ne m'en ayent menacce: vous le sçauez, Adraste, vous en remarquastes quelque chose sur mon visage, dés le moment que vous fustes de retour, & ie sçay bien, que parmy les bonnes esperances que vous me donnastes, i'eus tousiours quesque secrette crainte, qui me disoit, que ie ne le reuerrois plus: ah cher Palemon, continua-telle, que les regrets que ie fis à ton desLIVRE VNZIESME. 831

part furent bien vn funeste presage des desplaisirs qui me deuoient arriver : cher Palemon, A ce mot elle perdit la voix, car ses sanglots la luy desroberent, & Adraste, de qui la douleur n'estoit pas moins violente, prenant la parolle, Belle doris, luy dit-il, ie trouue, ce me semble trop de douceur en vostre ressentiment, vous deuriez punir l'autheur de vostre desastre, & m'apprendre iusqu'où peut aller la vengeance d'vne femme outragee; c'est moy qui vous ay fait perdre Palemon, qu'attendez-vous, que vous ne me fassiez sentir les traits de vostre colere? que si vous n'auez pas assez de resolution pour me commander de mourir, ordonnez-moy, pour le moins vn eternel bannissement, cette peine ne sera guiere moindre que la mort, & ie n'y apporteray point d'obstacle, aussibien ne croiray-ie iamais que ie puisse trouuer quelque plaisir dans la conversation des hommes, puis que i'ay perdu celuy que i'aimois le mieux, & dont l'affection m'estoit aussi chere que la vie. Helas, respondit Doris, auec vn grand souspir, quand i'aurois bien assez de rigueur pour vous deffendre de me voir iamais, le mal que ie ressens pour la perte de Palemon, n'en seroit pas moindre; vostre absence ny vostre mort ne m'en donneroient pas la guerison, & croyez-moy, Adraste, qu'en l'e-

832 LA DERNIERE PARTIE D'ASTREE, stat où ie suis, ie ne pense pas que ie la doiue attendre de personne; ie ne veux donc point que vous vous esloigniez, au contraire, i'ole esperer que vostre presence me donnera quelque soulagement, d'autant mieux que vous voyant, ie m'imagineray que ie voy quelque chose de luy, puis que par le soing qu'il a eu de vostre conservation, depuis le malheur qui vous arriua, on peut dire que vous estes en quelque sorte son ouurage: Tout ce que ie veux de vous, cher Adraste, c'est que vous ne sortiez iamais des termes que l'ay prescrits à vostre affection, & que m'aymant en qualité de sœur, vous ne m'obligiez iamais à receuoir pour vous d'autre volonté, que celle que le dois auoir pour vn frere. Telle fut l'ordonnance de Doris, à laquelle Adraste ne promit pas d'obeyr, car il ne sçauoit pas si cela seroit en sa puissance, il luy iura bien qu'il la seruiroit eternellement, & qu'ayant fait ce vœu depuis long-temps, il l'observeroit iusqu'air dernier moment de sa vie. Apres cela ils seseparerent, & lors que l'heure du sommeil les eut contraints de se mettre au lict, ils passerent presque toute la nuict dans l'entretien de leurs pensees. Doris ne cessa de resuer sur la disgrace qui luy estoit aduenuë, & parmy l'obscurité, elle desira mille sois que l'ombre de Palemon sur sussi bien presente à ses yeux, qu'elle, l'e-

stoit à son souvenir; les tenebres ne luy faisoient pas tant d'horreur que la memoire de cette perce, & quand elle s'imaginoit que son mal estoit sans remede, cela la faisoit presque mourir de douleur. Parmy ces fascheuses imaginations, Amour luy representoit quelque-fois la passion d'A draste, pour la rédre sensible à la fidelité de ce Berger, & alors Doris se laissant flatter par cette resuerie, ressentoit quelque regret en elle mesme de luy auoir commandé de'ne l'aymer iamais que comme sa sœur, mais tout à coupvenat à penser qu'elle offensoit en quelque sorte la volonté qu'elle deuoit conseruer pour Palemon, & que ce feroit luy faire tort que de luy donner vn cópagnó en la gloire qu'il auoit eue de la posseder, elle estouffoit ces pensees en leur naissance, & rebouchoit tous les traits dont il sembloit qu'Amour la voulust blesser vne seconde fois. Adraste de son costé, parmy les regrets qu'il donnoit à la perte de son amy, conceuoit vne secrette esperance de iouyr vn iour du bien pour laquelle il auoît desia tant souffert de trauaux: mais quelque ioye que luy causast cette douce imagination, il disputoit en luy-mesme, si le desplaisir d'auoir perdu Palemon n'estoit point plus grand que la ioye qu'il ressentoit d'auoir quelque droit de pretendre sa maistresse. Peu s'en fallut que le iour ne le surprist dans ce combat, carils'endormit fort tard, mais quand 834 LA DERNIERE PARTIE D'ASTREE, il n'eust reposé qu'vn moment, il eust eu cet aduantage-là sur Dorinde, qui se trouua si mal satisfaite des discours que Merindor luy auoit tenus, que se donnant tout à sait au despit & à la colere, il luy sut impossible de fermer les yeux. Elle passa donc la nuict à saire des desseins, pour se vanger en quelque saçon de l'iniure qu'elle croyoit auoir receuë, mais Astree & Diane ne surent pas si mal traittees, car la peine qu'elles auoient eu el e iour deuant, & le peu de temps qu'elles auoiet donné au sommeil, il y auoit deux ou trois nuicts, tout cela sut grand iour.

les autres Bergers se leucrent, presque à la naissance de l'Aurore, & n'eurent pas plustost mis ordre à leurs affaires, qu'Amasis arriua, ayant auec elle Rosanire, Galatee, Madonte, Daphnide, Syluie, & l'affligee Dorinde, dont le visage portoit toutes les marques d'vn extreme desplaissir. Peu de temps apres, Leonide, Astree, Diane & Phillis sortirent de leur chambre, presque au mesme instant tous les Bergers des hameaux voisins arriuerent, qui pour rien du monde n'eussent voulu manquer de se rendre aupres du Druyde, pour

auoir l'honneur de l'accompagner. Quand tout sut prest, Amasis sortit la premiere, & prit Bellinde par la main, qu'elle ne cessa

d'entre-

Adamas, Bellinde, Celadon, Syluandre, &

835

d'entretenir sur ce qui concernoit le culte des Dieux, qui estoit particulierement la profession à laquelle elle estoit appellee; Dorinde feignit de se trouuer vn peu mal, & pria la Nymphe de luy laisser son chariot, afin, qu'en cas qu'elle se remist vn peu, elle pust la suiure auec moins d'incommodité, Rosanire, Daphnide, & Madonthe se mellerent parmy Leonide, Phillis, & Lycidas, Adra-Îte prit le soing de conduire Doris, Hylas & Thamyre voulurent accompagner Stelle, & Celidee, & tous les autres Bergers & Bergeres se mirent à suiure la trouppe: Adamas voulut estre auec Syluandre, & ce pauure Berger se voyant contraint de ceder à Pâris l'entretien de Diane, parut si interdit tout le long du chemin, que le Druyde ne sceut tirer vne seule bonne parole de luy. Galatee qui auoit resolu de bien employer le temps qu'elle auroit à demeurer aupres d'Astree, la prit d'ynemain, mais pour ne l'oster pas entierement à son cher Celadon, elle prit ce Berger de l'autre, ainsi toute cette grande compagnie sortit de la maison d'Adamas, pour aller apprédre l'Oracle qu'Amour leur auoit commandé de consulter; & certes c'estoit vne tres-agreable chose de voir cet ordre, & la beauté de tant de personnes, car Astree qui n'auoit plus de soucy qui l'affli-geast, auoit pris plaisir à se parer de toutes les

836 LA DERNIERE PARTIE D'ASTREE, graces dont la Nature & la ioye ont appris d'embellir vn visage; ses yeux n'estoient plus enflez comme ils l'estoient au temps que sa douleur les entretenoit dans vne humidité perpetuelle, mais riants & si clairs, qu'ils pouvoient estre mis en comparaison avec cet Astre, qui donne le iour & la vie à l'Vniuers: Ses cheueux n'estoient plus nonchalamment espars comme au temps, que la memoire du peu de soing qu'elle auoit mis à conserver Celadon, luy persuadoit que c'eust esté vn crime d'en auoir pour elle mesme, mais liez par de petits nœuds soubs vne coiffe de gase, & si serrez, qu'il sembloit que les Zephirs ne pouuants plus s'en iouer parmy l'air, demeuroient captifs sous les ondes de leur frisure; elle les auoit arrangez soubs vne guirlande faite de diuerses fleurs, & bien qu'elles fussent des plus belles de la saison, elles sembloient toutesois se reculer de son visage, de honte de se voir surmontees par celles qui paroissoient sur ses iouës & sur son teint. Enfin cette Bergere parut si belle aux yeux de Galatee, que cette Nymphe ne croyant pas auoir iamais veu vne si parfaite beauté, commença d'excuser les mespris de Celadon, & de croire qu'apres auoir brussé d'vn si beau feu, il n'estoit pas possible qu'il eust esté touché d'vne autre flamme.

837

Celadon de son costé paroissoit le plus beau & le plus'aymable Berger qu'on eustiamais veu sur les riues de Lignon; le souuenir de son desguisement & de plusieurs autres accidents de sa vie, luy conseruoit vne petite honte dans l'ame & vne rougeur au visage, qui releuoit son reint auec tant d'esclat, que tout ce que Galatee put faire, ce fut de conseruer à Lindamor la fidelité qu'elle luy auoit iuree. Iamais elle n'auoit veu dans les yeux de ce Berger tant de charmes qu'elle y en remarquoit alors, & se remettant en memoire l'estat où il estoit la premiere sois qu'elle eut le plaisir de le voir & de le secourir, Dieux! disoit-elle en elle-mesme, si ce Berger eust porté sur son visage les mesmes traits que i'y vois auiourd'huy, ie ne crois pas qu'au lieu d'en deuenir amoureuse ie ne susse morte tout à fait. Das cette pésee elle n'ostoit iamais les yeux de dessus luy, que pour les porter sur Astree, &quad elle cessoit de regarder Astree, ce n'estoit que pour admirer la grace de Celadó; ainsi dans cette agreable occupation, elle alloit disputant en elle-mesme sequel des deux estoit plus digne d'estre aymé, mais les treuuat esgalemet parfaits, & n'y pouuant remarquer de la differece qu'aux habits qui faisoiet celle de leur sexe, elle cofessa qu'ils n'auoient aucun auatagel'vn sur l'autre, & qu'Amour auoit esté tres-iuste d'vnir les volontez

838 LA DERNIERE PARTIE D'ASTREE, de deux si belles & si vertueuses ames.

Ils marcherent ainsi quelque temps sans dire vne seule parole; mais cependant que Galatee estoit rauie à les considerer, Astree & Celadon n'auoient pas leurs pensees moins occupees: Car ce Berger voyant que sans cette Nymphe il eust eu le bien de tenir la main d'Astree, & de luy parler de son amour, sera-ce eternellement, disoit-il, en luy-mesme, belle Galatee, que vous vous opposerez à mes contentements? vostre presence ne me sera-telle iamais que nuisible, & que n'auez-vous pu contre moy quand vous l'auez entrepris, si maintenant sans dessein vous m'apportez vn si grand preiudice ? Alors il la regardoit puis Astree, & cette Bergere qui voyoit bien que Galatee estoit tres-belle, se remit en cet instant à penser aux discours qu'Adamas luy auoit tenus touchant la passion que cette Nymphe auoit euë pour Celadon: & parmy la ioye qu'elle ressentoit de cognoistre que la fidelité de son Berger n'auoit iamais pu estre esbranssee, elle nelaissoit pas d'estre vn peu ialouse, & de craindre qu'en ce moment il deuinst sensible aux mesmes charmes qu'il auoit 'autrefois mesprisez: toutesois comme cette pensee n'auoit pas vn fondement legitime, aussine duroit-elle pas long-temps, & si par quel-

ques souspirs elle tesmoignoit à Celadon les mouuements de sa ialousie, aussi-tost ellese mettoit à soussire contre luy, pour marque de son repentir. Il est croyable qu'ils eussent fait tout le reste du chemin sans receuoir d'autre entretien que celuy de leurs pensees, si Galatee n'eust enfin interrompu ce long silence ? car Celadon & Astree à qui le respect fermoit la bouche, n'eussent iamais ofé commencer aucun discours, & voyant bien qu'ils ne pouuoient parler de leurs interests, ils estoient presque bien aises de ne rien dire du tout : Mais cette Nymphe haussant la voix, & s'adressant à la Bergere, & bien, luy dit-elle, belle Astree, vous voyla dans vn rauissement bien agreable, puisque Celadon en est le suie &? Madame, luy respondit Astree, ie ne pense pas qu'ou vous estes, on puisse admirer autre chose que vous, ce n'est pas que la presence de ce Berger neme soit chere infiniment, mais si vous remarquez en moy quelque mouuement extraordinaire, il ne s'offensera pas si ie dis que vous seule en estes la cause; Belle Bergere, reprit alors Galatee, ie vous prie laissons tout artifice à part, & comme vous voyez que mon habit ne me separe pas maintenant de la condition où vous estes, traittezmoy auec la mesme franchise que vous auez pour Phillis ou pour Diane; n'ayez point de

Ggg iiį

840 LA DERNIERE PARTIE D'ASTREE, regret de me fier quelqu'vne de vos pensees, & quelque secret que vous me puissiez communiquer, asseurez-vous que vous aurez en moy vne confidente, qui Îçaura bien mieux treuner les moyes de vous plaire que de vous trahir: Madaine, repliqua la Bergere, tant s'en faut que i'eusse iamais assez de hardiesse pour vous entretenir de mes follies, que ie. sçay que c'est à moy vn crime d'oser seule-ment ietter les yeux sur vous; vostre naissance & vostre merite me defendent vn si libre accez, & à moins que d'en auoir vn tres-abfolu commandement, ie n'oserois pas mesme demeurer dauantage aupres de vostre. personne; ie vous dis chere Astree, adiousta la Nymphe, que ie veux que vous me traittiez en Bergere, & que vous me ferez vn des-plaisir nompareil, sivous ne sousfrez que nous nous entretenions auec toute sorte de liberté, ie vins desia hyer icy pour ce mesme suicet, & les accidents qui suruindrent surent cause que ie ne pus iamais parler à vous, mais aulourd huy qu'il n'est rien qui nous importune, & qu'il semble que toutes choses contribuent à nous laisser iouyr de ce contentement, employons le temps, ma belle fille, & descouurez-moy librement les secrets de vostre ame, puis que ie ne veux rien auoir qui vous soit caché. Astree se voyant obligee de satisfaire au commandement de la

Nymphe, rougit au commencement, & puis elle respondit ainsi; Ie voy bien, Madame, que comme il n'est rien arriué de remarquable en ma vie, que ce qui regarde l'amour que Celadon a eue pour moy, aussi ne de-mandez-vous que de ses nouvelles; mais belle Nymphe, pourquoy voulez-vous que ie vous en redie les principaux accidents, si c'est de vous que ie les deurois apprendre? Galatee qui ne l'auoit fait entrer en ce discours que pour auoir vn suiest de luy raconter tout ce qu'elle auoit fait pour son Berger, cognut à sa responce qu'elle en auoit esté dessa bien informee, & nese doutant point d'Adamas, elle creut d'abort que Celadon luy en auoit fait le recit; se tournant donc à luy, vous estes vn causeur, luy dit-elle en soussiant, mais Berger, confessez-moy la verité, quand vous auez entretenu vostre maistresse du seiour que vous fistes à Isoure, vous estes-vous loué de mon assistance, ou si vous auez accusé mon amour? Celadon alors voulut respondre, mais Astree prenant la parole, de peur qu'il auouast de n'en auoir iamais rien dit, Madame, repliqua-telle, quand Celadon m'a raconté le bon office que vous luy rendiftes, il ne m'a parlé de vous que comme d'vne Princesse à qui il est obligé de la vie, & s'il a quelquesois condamné la volonté

842 LA DERNIERE PARTIED'ASTREE, que vous eustes pour luy, ce n'a iamais esté qu'en se confessant indigne de l'honneur que vous luy faisiez. A ces paroles le Berger cognut bien que c'estoit le dessein d'Astree, qu'il tesmoignast de l'en auoir entretenuë, & cela fur cause qu'interrompant leur discours, Madame, dit-il, s'addressant à Galatee, quelque grande qu'eust esté mon ingratitude, ie n'eusse pu nier que vostre secours ne. m'ait retiré d'entre les bras de la mort, & parce que cette grace ne fut pas moins auantageuse à cette belle Bergere, qu'à moy, puis-qu'elle conserva la vie à l'homme du monde qui l'ayme & qui l'honore le plus parfaittement, ie luy en ay redit les circonstances, afin qu'y ayant vn mesme interest, elle vous en air aussi la mesme obligation. En effect, dit la Nymphe, sans moy belle Astree, vous n'eussiez iamais reueu Celadon, & comme il me doibt sa vie, vous me deuez tous les contentemens que vous aurez desormais de son amour & deses seruices; il peut bien dire que les traits qui se font admirer sur son visage, que la grace de son port & les qualitez de son esprit sont l'ouurage de la Nature; mais après le funeste accident qui le fit precipiter dans Lignon, si ma pitié ou plu-stost mon amour n'eust trauaillé à sa conseruation, cestraits & cette grace ne seroient plus l'ornement de son corps, & son esprit

enseroit esloigné, sans que vous en puissiez attendre les plaisirs que sa fidelité vous promet: Ie nesuis que trop assuree, Madame, respondit Astree, des faueurs que vous auez faites à Celadon, & bien que pour lors ie fuste plustost vn obstacle à vos desirs, qu'vn obiect à vous faire excreer vostre pitié fur luy, ie ne laisse pas de cognoistre que vous m'auez infiniment obligee en la personne de ce Berger; pleust au Ciel seulement, que comme ie sçay ce que ie vous doibs,i'eusse le pouuoir de vous le rendre, ie vous iure Madame, que ie le recognoistrois bien-tost, car de tous les desfauts celuy que ie hay le plus c'est l'ingratitude: Ma belle maistresse, adiousta Celadon, les bies que cette sage Nymphe m'a faits, sont de ceux qu'on ne peut iamais payer; Tant s'en faut, reprit Galatee, il n'en est point dont on se puisse acquitter plus facilement, & si vous en auez la volonté, ie vous en donneray des moyens bien faciles; Madame, dit Astree, s'il est rien au monde que ie ne voulusse auoir fait pour vous contenter : ie veux que les Dieux ne fouffrent pas que ie viue yn seul moment; & moy, adiousta Celadon, ie proteste qu'il n'est commandement auquel ie n'obeysse, s'il ne s'oppose à l'amour que j'ay pour la belle Astree. Ce que ie veux de vous, dit Galatee se tournant vers Celadon, ne tend qu'à vous

844 LA DERNIERE PARTIE D'ASTREE, rendre cette ioùyssance plus facile, & afin continua-telle, que ie ne vous tienne pas en peine plus long-temps, sçachez Berger, & vous belle Astree, que ie croiray mes soings parfaittement recompensez, si vous iurez au-iourd'huy deuant moy qu'il n'y aura iamais d'accident qui separe vos volontez, dont l'vnion doit estre desormais inuiolable: I'ay autrefois redouté cette alliance comme le plus grand malheur qui me pouuoit arriver, & maintenant ie vous la demande & la desire, comme le plus grand aduantage que ie sçau-rois receuoir de vous. Grande Nymphe, respondit Celadon, cela depend plus absolument de cette Bergere, que de moy; mais pour ce qui me touche, ie vous promais pour ce qui me touche, le vous promets & le iure par tout ce qui peut rendre vn serment plus saint, que iamais ie ne cesseray de l'adorer, & que si la cognoissance qu'elle a de mon peu de merite n'est assez sorte pour l'empescher de me receuoir pour mary, dés maintenant ie say vœu de me donner à elle en cette qualité, & proteste de n'en violer iamais la resolution: le reçoy dit A street rougissant un peu se vœu que dit Astree, rougissant vn peu, ce vœu que Celadon sait en ma saueur, & ie iure par le pouuoir que vous auez sur moy, Madame, adiousta telle, s'adressant à Galatee, de ne manquer iamais à ce que ie doibs à son amour & à vos commandemens. A ce mot

elle seteut, & la Nymphe ouurant les bras, si cela est; dir-elle, les embrassant tous deux à la fois, rendez m'en ce premier tesinoignage, chere Astree, & donnez vn baiser à Celadon, pour marque du secret mariage que vous contractez maintenant, & duquel c'est assez d'auoir les Dieux & moy pour tesmoings: Astree alors voulut respondre, mais Celadon rauy du contentement que Galatee luy procuroit, se hasta de luy fermer la bouche auec la sienne, de peur qu'elle s'opposast à l'arrest de sa felicité: ainsi ce Berger la baisa, mais auec tant de plaisir que peu s'en fallut qu'il ne laissast l'ame dessus les levres de sa Bergere, & Astree parut si honteuse de luy auoir accordé cette saueur, qu'elle acheua le peu de chemin qui leur restoit, sans dire presque vne seule parole.

Pâris cependant alloit entretenant Diane, & parce qu'il ne sçauoit pas que cette Bergere eust eu d'autre raison pour se resoudre à mourir, que l'affection qu'elle auoit pour sa compagne, c'est maintenant, luy dit-il, belle Diane, que dans le repos d'Astree ie treuueray le commencement du mien; Iusqu'icy vostre resistance a fait des essorts capables d'esbranler toute autre constance que la mienne, mais à ce coup que cette Bergere vous sert d'exemple pour

846 LA DERNIERE PARTIE D'ASTREE, receuoir la volonté d'vnamant, n'est-il pasiuste que vous me redonniez le mesme aduantage que i'auois obtenu sur vostre affection? à ce mot il se mit à souspirer, & voyant que Diane ne respondoit point; considerez ma belle maistresse, adiousta-til, si la rigueur que vous exercez contre moy n'est pas la plus insupportable qui fut iamais? ie vous ay seruie par vostre permission, ie vous ay recherchee par vostre commandement, & au iourd'huy que les Dieux, Adamas & Bellinde contribuent leurs desirs à ma bonne fortune, vostre seule cruauté y apporte de l'empeschement : helas! que n'ay-ie pas souffert depuis le moment que la fuitte d'Astree me mit dans l'aine la crainte de vous voir perir, ie meure si la plus douce des heures. que i'ay vescu depuis, ne m'a esté aussi fascheuse que la gesne & les tortures, cepen-dant vous n'en auez point de compassion, & si le faisois vne comparaison de la dureté des marbres à celle de vostre cœur, le croy que ie vous trouuerois moins sensible. sant cela, ses yeux furent sur le poinct de verser des larmes, & la honte qui les retint fut cause qu'il cessa de parler pour y porter son mouchoir; de sorte que Diane se voyant obligee à luy dire quelque chose, & ne voulant pas le desesperer, parce qu'outre qu'elle auoit vn peu d'inclination pour

luy, encore craignoit-elle que ses refus irritassent l'esprit de Bellinde, elle se tourna vers luy auec vn visage vn peu riant, & luy respondit; Ce que vous appellez rigueur en moy, sage Pâris, est plustost vne marque de l'estime que ie say de vous, que l'esset d'aucune mauuaise volonte qui soit en moy; ie vous ay desia dit assez souuent, que la cognoissance que i'ay du peu que ie vaux, est la cause qui me fait viure dans la retenue où ie suis, m'imaginant que sans outrecuidance ie n'oserois tesmoigner que ie pretends quelque part en vostre amitié: mais puisque ce que ie crois estre vn effect de mondeuoir, prend aupres de vous le titre de froideur ou de cruauté, ie veux bien estre desormais plus libre, pourueu que vous m'assuriez que detrois iours entiers vous ne solliciterez ma mere sur l'accomplissement de nostre mariage; ie vous demande ce terme pour maseule consolation, apres lequel ie vous iure que nous serons tous deux contents,& que ie vous satisferay comme vous le desirez. Dianese fit vn peu de violence pour luy faire cette responce, & l'accompagnant d'v-ne mine telle qu'il l'a falloit pour mieux ca-cher son dessein, elle contenta parsaitte-ment Pâris, qui ne sçachant pas qu'elle ne prenoit ce terme que pour inuenter quel848 LA DERNIERE PARTIE D'ASTREE, que moyen de se deliurer de la tyrannie de Bellinde, creut sacilement qu'au bout des trois iours elle cosentiroit à l'espouser; Il l'en remercia donc, comme du plus grand bien qu'elle luy eust pu iamais accorder, & luy ayant baisé la main, ma belle maistresse, luy dit-il, ie vous donne, non pas seulement ces trois iours, mais tous ceux de ma vie, vous assurant qu'ils ne sçauroient auoir vn sort plus heureux ny plus agreable pour moy, que quand ils serviront à vous tesmoigner mon

amour & mon obeyssance.

Tels furent les discours que Diane & Pâris eurent ensemble, durant qu'Adamas qui entretenoit Sylvandre, faisoit tout ce qui luy estoit possible pour descouurir d'où proce-doit l'ennuy qu'il voyoit peint sur le visage de ce Berger; & parce qu'il auoit dessa bien remarque qu'entre Diane & luy, il y auoit quelque secrette menee, il le mit cent sois sur ce propos, mais il trouua en luy tant de froideur ou plustost de discretion, qu'il n'en sceut iamais tirer aucun esclaircissement. Cela sut cause qu'en fin il changea de discours, & s'imaginant qu'en general il luy pourroit donner la consolation qu'il auoit resolu d'appliquer à vn suject particulier; sage Syluandre luy dit-il, vous ne deuez pas treuuer estrange, si par vne curiosité presque importune, ie tasche desçauoir quelque chose de vos affaires, vous sçauez que naturellemét nous sommes sensibles à l'interest de ce que nous aymons; de sorte qu'ayant pour vous vne affe-ction tres-particuliere, il estoit presque impossible que ie n'eusse vne extreme enuie de sçauoir d'où prouient le desplaisir que ie vous voy ressentir; Mon pere, respondit Syluandre, la bonne volonté que vous dittes avoir pour moy, procede de cette compassion, qui rend tous les hommes sensibles à la misere de quelqu'vn, & bien qu'en cela vous ne fassiez rien pour moy qui ne soit commun à tous les miserables, ie ne laisse pas de vous en auoir vne extreme obligation, & de me plaindre dequoy les Dieux n'ont pas pour moy autant de pitié que vous: Les Dieux, reprit le Druyde, font comme il leur plaist, nos Destinees, & non pas tousiours comme nous les desirons, ce n'est pas pour cela que nostre condition en soit plus mauuaise, car tout ce qu'ils font est pour nostre bien, mais c'est qu'en effect nous en iugeons, pour l'ordinaire, selon le mouuement de quelque passion desreiglee, qui nous emporte & nous empesche d'attendre auec patience les succez qu'ils veulent donner à nos desirs. C'est pour cela qu'il s'en treuue beaucoup qui se plaignants de leur fortune; murmurent contre le Ciel, mais aussitost que la prosperité les regarde & les

850 LA DERNIERE PARTIE D'ASTREE, approche, ils se repentent de l'auoir accusé, & blasment en eux-mesmes la legereté qu'ils. ont euë à desesperer de son secours; c'est ce quime fait dire qu'vn bon esprit doit estre tousiours esgal, & que dans les aduersitez & dans le bon-heur il doit porter vn mesme vifage, croyez-moy Sylvandre, mais vous le sçauez aussi bien que moy, ce poinct n'est pas si disficile à gagner qu'on le pense, vn bon courage maistrise toutes sortes de passions, & souvenez-vous que se resigner à la volonté des Dieux, est le plus beausecret de la vie: Ie sçay, repliqua Syluandre quelle est la foiblesse des hommes, comme ie n'ignore pas quel est le pouvoir des Dieux, i esprouve l'vn & l'autre esgalement, & sans ietter les yeux ailleurs que sur moy-mesme, i'en voy d'assez remarquables exemples, que si ie n'ay pas assez de pouuoir sur mon ame, pour empescher qu'elle ne succombe soubs la pesanteur des coups de la Fortune, ce n'est pas que ie ne cognoisse bien mon deuoir, & qu'en effect ie ne sois resigné parfaittement à tout ce que les Dieux ont ordonné de moy; mais cette extreme soiblesse dont i'ay parlé, & qui est presque inseparable de nostre humanité, fait que ie ne puis mettre en vsage nulle bonne confideration.

A cemot Syluandre se teut, & Adamas voulut reprendre la parole, mais en cet instantil

stant il ouyt vn grand cry, & tout à coup il vid Amasis qui se vint ietter entre ses bras; cet accident l'estonna, & comme il en voulut sçauoir la cause, Ne voyez-vous pas, luy dit la Nymphe, ces Lyons qui sont prests de nous deuorer? pour Dieu suyons; disans cela, elle se voulut remettre à courir, mais le Druyde l'arrestant, Madame, luy dit-il, ils ne sont pas en estat de vous nuire, & si vous ne craignez le marbre, vous n'auez point de suicet de fuyr; Comment le marbre; ditalors Amasis, & ne voyez-vous pas comme ils approchent? A ce mot Adamas ne put s'empescher de rire, considerant l'effect que cette peur faisoit en l'esprit de la Nymphe, & se tournant doucement à elle, Madame, luy dit-il, ie prends sur moy la charge de vous garantir, & ie croy que Galateesera ma caution; Amasis alors iettant les yeux sur elle, & voyant qu'elle, n'y les autres ne s'estonnoient point, commença de prendre vn peu d'assurance; mais soudain qu'Adamas luy eut raconté de quelle façon ces animaux auoient esté changez; en verité dit-elle, ie ne m'estonne pas d'auantage de ce miracle, que dequoy Galatee me faisant hyer le discous de cet enchantement, oublia de me dire cette particularité; disant cela, elle se remit parfaittement ; & comme ils estoient fort peu esloignez de la fontaine, Dern.part. Hhh

852 LA DERNIERE PARTIE D'ASTREE, le Druyde quittant la trouppe, s'auança prefque iusques sur le bord du Nuage qui la couuroit, & là s'estant mis à genoux, & à son exemple toute la compagnie en ayant sait de mesme, il sit cette priere à l'Amour.

Fils de Venus, adorable Dininite, de qui l'empire est au dessus de toutes choses, ainsi les Vergers de Paphos, d'Erice 🕝 d'Amathonte ne produisent iamais de Pommes qui ne soient esgalles à celles que ta mere emporta pour marque de sa beaute, Ennemy de la confusion, de grace comme tu desbroiillas le Cahos, demesle nos desordres, et cet Enchantement; le n'est pas la curiosité qui nous ameine, c'est ton ordonnance qui nous ayant prescrit ce iour, excuse nostre voyage par la necessité de t'obeyr. Prononce, Amour, prononce par ta pitié ce que tu as destiné en faueur de nos beccages, 🛷 comme la gloire de te plaire est le Jeul obiect que nous nous proposons, fay que nostre contentement soit ausi le suiect de tes responses.

Cette priere acheuee, Adamas reuint où estoit toute la troupe, & alors vn petit vent s'esleua, qui porta iusqu'à leurs oreilles le bruit que faisoient les bouillons dont la fontaine sut agitee; fort peu de temps apres, ce vent se rendit plus furieux, & ne fortant qu'à bouffees, il alloit a chasque fois emportant de grandes flames, qui, comme si elles eussent esté de la nature des esclairs, n'auoient qu'yn moment entre leur naissance & leur fin; le Ciel en diuers endroits fit ouyr l'effroyable bruit de ses tonnerres, puis tout à coup le nuage dont la fontaine estoit enuironnee s'estant ouvert, on vid sortir peu à peu du milieu de l'eau qui s'esleuoit à petites ondes, vn grand Bassin de Iaspe, soustenusur vn Piedestal de Porphire, d'où sortoit le sousbassement d'vne Colone, accompagné de diuerses figures, & enrichy parfaittement, au dessus duquel, Amourse fit voir en la mesme forme où il auoit desia paru. A la veuë de cette Deïté, le respect fit baisser les yeux à tout le monde, mais en fin cedant à la curiosité, il permit qu'ils portassent leurs regards sur les diuerses choses qui leur estoient presentees: ils virent donc qu'Amour auoit au dessoubs de la main gauche vne grande table d'azur, où ces vers estoient escrits en lettres d'or.

## 854 LA DERNIERE PARTIE D'ASTREE,

Puis qu'enfin ALEXIS cette fidelle Amante,

Que les Dieux demandoient, est morte en ta

CELADON, reçoy le bon-heur Que le Ciel te presente:

ASTREE, à tes trauaux est un prix ordonné,

Et ce cœur si long-temps contre toy mutiné N'a plus de resistance, Pour opposer à ta constance.

Adamas & le reste de la compagnie n'eurent pas plustost acheué de lire cesvers, qu'on ouyt vn murmure, suiuy d'vn battement de mains vniuersel; c'estoit vn effect de la ioye que ressentoient tous les Bergers & les Bergeres pour le repos d'Astree & de Celadon, dont l'interest estoit considerable à tout le monde : en cet instant ce Berger perdit la memoire de tous les maux qu'il auoit soufferts, & ne sçachant de quelle faço remercier Amour du bien qui luy estoit desormais infaillible, il leua les yeux au Ciel, & sans pouuoir dire vne seule parole, son visage changea deux ou trois fois de couleur : Astree n'en receut pas vn moindre contentement, Phillis en faillit à mourir d'aise, & Diane mes-

LIVRE VNZIESME. me dans les delices qui estoient promises à sa compagne, trouua quelque soulagement à ses ennuis. Mais comme les plus grandes felicitez peuuent quelquefois estre prises pour vn presage de quelque grand malheur à venir, à cause de cette liaison trop estroit? te, qui attache presque inseparablement le mal auecque le bien, cette ioye ne demeura pas long-temps peinte sur leurs visages, car apres qu'Amour leur eut assez donné de temps pour apprendre ce qu'il leur auoit fait voirsur cette table, tout à coup il la tourna, & aulieu de l'or & de l'azur, dont l'autre costé estoit enrichy, ils virent qu'il y auoit escrit sur de l'argent, en caractere de sable ces

## ORACLE.

Ais quoy, pour obeyr aux Arrests du Destin, SYLVANDRE doit mourir, & laisser pour butin

DIANE à PARIS qui l'adore:

Et bien que cet amant, Adamas te soit cher, Ie veux que ta pitié luy prepare un bucher,

Et ie commande encore

mesmes mots.

Que ce BERGER meure demain, Immolé de ta main.

Hhh iij.

856 LA DERNIERE PARTIE D'ASTREE,

Aussi - tost le Ciel recommença ses tonnerres; & le nuage s'estant refermé, on vid tout d'vn coup disparoistre la table, & les Oracles qu'Amour y auoit escrits. Ce commandement estonna si fort toute la trouppe, que l'on fut long-temps sans direvn seul mots chacun plaignoit en son ame la perte de ce Berger, car comme il viuoit dans le pays du monde, où l'on sçauoit le mieux estimer la vertu, il se pouuoit vanter de ne s'y estreiamais fait vn enuieux ny vn ennemy: mais parmy cette affliction commune, qu'on pouuoit appeller vn iuste ressentiment de pitié, Diane fut touchee d'vne façon bien differente: son amour luy depeignit la mort de Syl-uandre auec des couleurs si horribles, & la luy representa si estrange, qu'elle resolut de la deuancer, ou pour le moins de ne suruiure pas d'vn seul moment le trespas de ce-luy, pour qui seulement elle auoit desiré de viure. Toutesois, de crainte, qu'en donant quelques tesmoignages de son trans-port, elle se fit des obstacles à son dessein, elle cacha sa douleur, mais auec vne contrainte si grande, que Syluandre mesme saillit d'y estre trompé. Ce pauure Berger, apres auoir veu l'Arrest qu'Amour auoit prononcé contre luy, ietta doucement les yeux sur elle, & le regret de ne pour uoir posseder ce qu'il aymoit le mieux, fut

857

eause qu'il ne put s'empescher d'accompagner ses regrets de quelques souspirs: Diane les receut auec vne constance nompareille, & sans changer seulement de couleur, elle luy fit lire sur son visage plus de marques d'e-stonnement que d'amour; à quoy d'abord ce Berger ne fut pas moins sensible, qu'à la sentence qui le condamnoit à mourir, toutefois, comme il n'auoit pas encore perdu la memoire des tesmoignages d'affection qu'elle luy auoit donez, il recognut bien-tost apres, que ce n'estoit pas en elle vn deffaut d'amitié: puis que bien souvent les plus grandes dou-leurs sont celles qui arrachét le moins de larmes. Adamas en cette extremité ne sçauoit à quoy se resoudre, quelquesois il regardoit Syluandre, & quelquefois se tournant vers la fontaine, il sembloit attendre qu' Amour reuoquast vn si fascheux commandement; mais tousiours il paroissoit si estonné, qu'à le voir on eust creu que c'estoit contre luy mesme, & non contre Syluandre que l'Oracle auoit esté prononcé. A ce coup, Hylas perdit vne partie de sa bonne humeur, & bien que depuis qu'il estoit arriué en Forests, il n'eust point eu en apparence de plus grand ennemy, à cause de l'auantage qu'il auoit à com-battre ses opinions, il ne l'aissa pas de le re-gretter, & de faire paroistre qu'il ne manquoir pas de iugement pour cognoistre la vertu, &

Hhh iiij

858 LA DERNIERE PARTIE D'ASTREE, pour l'estimer en quelque personne qu'esse rencontrast. Lycidas, Thamyre, Adrasse, & les autres ne sçauoient qu'elle contenance tenir, & Celadon mesme oublia le suiect qu'il auoit de se resiouyr. Ainsi dans cet estonnement vniuersel, & dans ce commun silence, on n'oyoit autre bruit, que celuy de quelques souspirs, qui au desaut de la voix parloient assez clairemet de la douleur de tout le monde: mais Syluandre jugeant bien qu'il estoit temps de s'en retourner, quittale lieu où il estoit, & fendant la trouppe, s'en alla fort pres de la fontaine, ou s'estant mis à genoux, & montrant en son visage vne tres-grande resolution; Amour, dit-il assez haut, à qui ma fidelité a fait enuie, ie te rends graces du soing que tu as pris à me faire mourir glorieusement: le sçauois bien que comme la mort devoit triompher de moy, Pâris devoit triompher de Diane, mais ie ne croyois pas, que pour luy ceder vne victoire que ma naifsance ne luy pouuoit disputer, i'en deusse auoir vn commandement de la part du plus puissant de tous les Dieux: donc Amour, puis que tu l'ordonnes me voicy prest de t'obeyr; heureux doublement, si tu n'eusses prolongé montrespas d'vne iournee, mais puis qu'elle est irreuocable cette loy, qui me comandant de mourir, ordonne que ie viue iusqu'à demain; puisse le soleil changer les heures en

minutes; & hastant son retour en ma faueur, ne souffrir pas que la nuiet nous desrobe que pour vn moment, l'agreable esclat de sa lumiere. A ce mot il se leua, & cependant que toute la trouppe consideroit ses actions, & que Pâris mesme souffroit dans son ame yn desplaitir nompareil de voir qu'il ne pouvoit estre heureux qu'aux despens de ce Berger, il s'approcha d'Adamas, & le voyant dans vn estonnement extreme; mon pere, luy dit-il qu'attendons-nous desormais en ce lieu, où la volonté d'Amour nous a esté si clairement exposee? ne voyez-vous pas, continua-til, montrant la fontaine, que ce Nuage s'est rendu plus espaix, & qu'il faut que ces bords soient mouillez de mon sang, si l'on veut que cer enchantement finisse? Mon fils, luy respondit Adamas, auec vn grand fouspir, les Dieux ne montrent pas moins de rigueur à me laisser viure, qu'à vous en empescher; disant cela il tourna visage, & toute la trouppe en ayant fait de mesme, on commença de prendre le chemin de la maison.

A ceretour chacun se mit en consusion, Astree sans se souvenir presque d'autre chose que du malheur de sa compagne, abandonna Celadon à la discretion de Galatee, & Phillis sit en sorte, que Lycidas luy mesme la pria d'aller offrir quelque assistance à Diane, & la secourir dans l'extremité où il se dou-

860 LA DERNIERE PARTIE D'AST toit bien qu'elle estoit. Ainsi s'estants toutes deux renduës aupres de cette Bergere, & s'estats vn peu separees de la trouppe, pour n'e-stre pas ouyes si facilement, Phillis sut la pre-miere qui parla, & apres auoir leué les yeux au Ciel, en verité, dit-elle, ie ne puis assez m'estonner de tant d'accidents, par lesquels il semble que les Dieux ayent pris plaisir de troubler le repos de nostre vie, iamais nous n'auons gousté vn plaisir qui ait duré vn iour seulement, & dés que nous auons eu quelque suiet de ioye, il est arriué que quelque estrange desastre nous l'a malheureusement ra-uy; ma sœur, respondit froidement Diane, ce malheur n'aduiendra plus, les Dieux ont auiourd'huy acheué de vomir toute leur colere, & croyez-moy, que puis qu'ils se se sont attaquez à l'innocence de Syluandre, il n'estoit pas croyable qu'ils eussent iamais voulu nous elpargner. Il est tres-vray, dit Astree en l'interrompant, que ce Berger me fait vne extreme compafsion; ie regarde qu'elle a esté sa vie, & quand ie considere particulierement les succes qui l'ont accompagnee, ie ne puis que ie n'admire sa constance, & que ie ne trouue quelque petite espece de rigueur dans l'ame de ceux qui ont fait ses destinees. Les plus belles choses, repliqua Diane, la larme à l'œil, sont bien souuent celles

qui durent le moins, & c'est ce qui m'empesche de m'estonner de la perte de Syluandre. bien que ie la ressente infiniment, car encore. que les Dieux, comme il nous l'a quelquefois representé, ne puissent iamais faillir, ie ne sçaurois croire qu'ils ne soient quelquefoisialoux, & qu'ils ne nous portent enuie quand nous auons quelque chose parmy nous qui vaut beaucoup: & pour marque de cela, quel autre suiest peuuent-ils auoir, pour nous oster ce pauure Berger? s'il estoit vray qu'il eust quelquesois failly en ce qui regarde leur seruice, s'il auoit manqué de soing en ce qui touche la conduitte de ses trouppeaux, s'il estoit coupable de parricide, & enfin s'il n'auoit pas vescu dans l'obseruation des loix Diuines & humaines, ie ne fçaurois que dire, mais peut-estre Lignon n'a-til iamais veu vn Berger plus sage que luy, vous sçauez quels sont les discours qu'il nous a faits quelques iont les dicours qu'in nous a faits quelques iont les dicours du respect que nous luy deuons, ses trouppeaux ont tousiours esté des plus beaux de toute la plaine, & comment auroit-il commis de parricide, s'il ne sçait pas seulement luy-mesme de quels parents il est né? Non non, mes compagnes, continua-telle, souuenez-vous que le seul crime dont on le pourroit conuaincre, seroit de m'auoir donné de l'amour, mais pourquoy l'en punir, si iamais

862 LA DERNIERE PARTIE D'ASTREE, ie n'en ay fait de plainte? Ma sœur, reprit Phillis, si les Dieux le punissent dequoy il vous a donné de l'amour, ce sera seulement parce que cette affection s'oppose à celle que vous deuez auoir pour Pâris, car enfin, yous voyez bien qu'ils veulent en toutes façons que vous l'espousiez, & si i'estois en vostre place i'y consentirois, pourueu qu'ils voulussent laisser la vie à Syluandre: Ma compagne, respondit Astree, on ne marchade pas comme cela auec les Dieux, ie croy qu'il y a par la dedans, quelque mystere que nous ne cognoissons pas, & que Syluandre ayant pas-sé la pluspart de son aage hors du Forests, il se peut faire qu'il y a d'autres interests qui les empeschent de le laisser viure; ce n'est pas que ienele plaigne, & que ie ne voulusse, mesme au prix de mon sang, destourner le coup qui nous le doit rauir; mais puis que ce malheur est ineuitable, i'auoue que le meilleur seroit d'obeyrsans murmurer, à ce que les Dieux ont ordonné & deluy & de nous. Quoy, masœur, repliqua Diane vn peu esmeuë, vous me conseilleriez donc de me donner à Pâris, & de trahir la fidelité de Syluadre: Ie vous conseillerois, respodit Astree, de donner à Syluandre ce que vous pouuez, qui est vn ressentiment de sa disgrace, & à Paris ce que vous deuez, qui est vne obeyssance aux commandements des Dieux & de

Bellinde: les Dieux ny Bellinde, adiousta Diane tout à fait en colere, ne peuuent rien sur ma volonté, i'ay trop-bien appris qu'ils m'ont donné vn liberal arbitre, qui me laisse le pouuoir de faire le choix que ie voudray; qu'il y ait du crime ou non à s'en seruir, cela n'importe, pourueu que ie n'offense point Syluandre, tout m'est indifferend,& croyezmoy Astree, que vous ne faittes pas vne petite faute quand vous me conseillez vne perfidie: Difant cela elle la regarda, mais d'vn œil capable de la faire mourir de pitié, dequoy Astree sut si touchee, que perdant toute contenance, & se iettant à son col, ma compagne, luy dit-elle, fondant toute en larmes, si le malheur de Syluandre ne m'est extremément sensible, ie ne veux pas que vous croyez que ie vous aye iamais aymee, & si ie ne voudrois pouuoir changer ses destinees en vostre faueur; puisse desormais la terre deuenir trop foible pour me supporter: mais quelque grande que soit ma douleur pour la disgrace de ce Berger, ceile que ie ressens pour vous est encore plus violente, & c'est bien ce qui m'a obligee à vous parler comme i'ay fait, m'imaginant que pour vous donner quelque consolation, ie ne deuois pas seulement vous conseiller vne trahison, mais vous l'inspirer, s'il eust esté en ma puissance; aussi bien vostre fidelité luy est inutile, puis que sa mort l'empeschera d'en receuoir le fruict. Au contraire, repliqua Diane, ma sidelité sera cause qu'il mourra sans doute auec cette satisfaction, d'auoir eu de mon amour la plus chere marque qu'il en pou-uoit iamais desirer, & puis nous ne serons pas long-temps sans nous reuoir, si ma constance merite des coronnes, il ne me les refusera pas, & peut-estre ne luy donneray-ie pas le loisir de me les preparer.

Tels estoient, à peu pres, les discours de Diane, par lesquels, Astree & Phillis iugerent bien qu'apres la perte de Syluandreils n'auroient pas vne petite affaire, s'ils entreprenoient de la conseruer; toutesois comme elles l'aymoient grandement, elles resolurent d'y faire des essorts, & de ne rien espargner de tout ce qui pourroit seruir à la consoler. Ainsi elles alloient acheuant le chemin qu'elles auoient à faire, cependant qu'Amasis qui s'estoit approchee de Galatee & de Celadon, se faisoit raconter les principaux accidents qui estoient arriuez en la vie de Syluandre.

Bellinde de son costé, ne douta plus que Diane n'eust de l'inclination pour luy, & admirant dans son ame la discretion auec laquelle cette passion auoit esté mesnagée, elle plaignoit en mesme temps le sort de ce Berger, & condamnoit la trop grande facilité

86

que sa fille auoit eue à luy vouloir du bien; apres cela se ressouuenant qu'elle seule estoit cause que Syluandre estoit venu demeurer en Forests, elle se regardoit, comme coupable de son amour & de sa mort; toutes ois n'estant pas en sa puissance de diuertir ce coup, parce qu'elle eust mieux aymé, mourir, que n'obeyr point à la volonté des Dieux; elle continua de le plaindre, qui estoit la seule chose qu'elle pouuoit donner au mal-heur de cet insortuné

Berger.

Adamas aussi, que l'Oracle auoit interessé en la perte de Syluandre, par le commandement qu'il luy auoit fait, d'en estre luymesme le Sacrificateur, ne pouuoit treuuer de raison, pour laquelle ce Berger deust estre traitté si rigoureusement, toutefois desirant d'en estre plus esclaircy, il se seruit de l'occasion qui les auoit fait rencontrer ensemble, & prenant le Berger par la main; mais Syluandre, luy dit-il, qu'auez-vous fait contre les Dieux, qui les contraigne à desirer vostre mort? leurs Oracles ne nous commandent autre chose, & soit que vous les ayez consultez en particulier ou en public, toufiours ils ont eu quelque dessein sur vostre vie. MonPere, respondit Syluandre, ce seroit en moy vne vanité punissable, de dire que ie ne les ay iamais offensez: mais ie

866 LA DERNIÈRE PARTIE D'ASTREE, vous confesseray bien, que ie croy tres-assurément que le plus grand de tous mes crimes, est d'auoir osé pretendre à la possession de Diane: Iusqu'icy i'ay caché ma passion, de peur d'auoir trop de tesmoins de mon outrecuidance, mais puis que vous voulez que ma confession excuse la rigueur que vous treuuez dans le chastiment qui m'est ordonné, ie vous dis librement mon offense, & vous supplie de me pardonner, si elle a rapporté quelque obstacle aux desseins de Bellinde & de  $ar{\mathbf{P}}$ âris;mon amour estoit nee deuant que cette belle Bergere eust eu l'honneur d'estre cogneuë de luy, & si elle souffrit son affection, par respect, peut-estre auoit elle desia receu la mienne par inclination: Toutefois comme les Dieux sont iustes, ils ont treuué plus de rapport entre le merite de Pâris & la vertu de Diane, qu'entre les perfections de cette Bergere, & la miserable condition où ie suis; Et c'est pour cela qu'ils commandent que leur mariage s'accomplisse, & que ie meure, puis qu'aussi-bien sçauent-ils que quand ils ne l'ordonneroiet pas, ie ne sçaurois suruiure le moment qui attachera leurs volontez dans les chaisnes d'Hymenee. Les Dieux, reprit le Druyde, ne donnet pas Diane à Pâris par ce qu'il la merite, comme ie ne sçaurois croire qu'ils vous la refusent, faute d'auoir d'assez bonnes qualitez pour la pretendre legitimement;

ment, ie sçay assez ce que vous valez tous deux, & quelque volonté que i'aye pour luy, ie ne suis pas aueuglé insques là, que de ne cognoistre pas les auantages que vostre esprit a sur le sien: mais pour n'en mentir point, ie croy qu'il le sont, pour monstrer que bien souvent les hommes se trompent en leurs iugements, & que les loix de la prudence humaine, sont de beaucoup au dessous de celles qu'ils ont establies dans le Ciel: mais continua-til, permettez Syluandre, que ie me separe vn peu de vous, & que dans le temps que vous mettrez à vous ioindre au reste de la trouppe, ie pense à quelque chose, qui ne sera peut-estre pas inutile pour vostre repos & pour le mien.

Disant cela il s'arresta, & Syluandre qui sut bien aise de pouuoir estre seul, ne se hasta pas de marcher plus qu'à l'ordinaire, mais s'en allant au petit pas, il ne cessa tout le long du chemin de penser à ce malheureux arrest, qui luy desroboit la ioüyssance de Diane, pour en accroistre la gloire & les triomphes de Pâris: Adamas cependant s'estant alors rencontré pres de cet Autel, sur les degrez duquel Astree & Diane s'estoient endormies, le iour qu'elles allerent pour mourir à la sontaine de la verité d'Amour, s'assit sur l'vne des marches, & là ses pensers le seruant à l'office auquel il les auoit destinez, luy

Dern.part.

868 LA DERNIERE PARTIE D'ASTREE, representerent premierement l'estat de sa propre vie, & puis la miserable condition de Syluandre, & parce qu'il ressentoit en luy-mesme des mouuements d'assection, plus grands que ceux qu'il auoit autre-sois, eu pour ce Berger; que la compassion, disoitil, est puissante, pour faire aymer, puis que ie n'ay iamais eu tant d'inclination pour luy, que lors que sa disgrace m'a contraint d'en auoir pitié; puis songeant à l'Oracle qui com-mandoit que ce Berger mourust, & qu'il en fist luy-mesme le Sacrifice: mais, continua-til; depuis quand les Dieux sont-ils de-uenus barbares, iusqu'à desirer que leurs Au-tels soient arrousez de sang humain? si c'est qu'il faille par de nouvelles victimes arrester leur courroux, pour quoy au lieu des Taureaux & des Brebis innocentes que nous soulions immoler, ne demandent-ils autourd'huy l'embrazement de nos maisons ? i'yrois de bon cœur allumer dans la mienne, le feu qui les deuroit appaiser, & prendrois au moins quelque contentement, à voir parmy les flames qui monteroient au Ciel, reluire les marques de mon obeyssance. Mais quoy! tu veux Amour que nos bastiments subsistent, & que Syluandre soit immolé; & pour me donner la meilleure part du supplice, tu veux que ie meure mille fois le iour du regret de l'auoir tué. Helas! est-

celà cette suitte de contentements qui deuoit accompagner mes jours, apres que i'aurois rendu Celadon à sa chere Astree? Ah! Ciel trompeur; à ce mot il s'arresta, & se ressouvenant qu'il estoit Druyde ; toutefois reprit-il, i'ay tort d'accuser vostre lastice; pardonnez-moy grands Dieux, si ray trop donné à mon ressentiment, & sivous cherchez vne raison qui puisse excuser mon offence, voyez que l'ayme Syluandre, & que ie suis homme comme luy. Disant cela, il se mit encore à resuer sur les moyens qui pourroient contenter Amour, sans que ce fust au preiudice de ce Berger, mais n'y voyant aucune apparence, il se leua, resolu d'obeyr, & se mit dans le mesme chemin que les autres tenoient, pour retourner en sa maison.

Ils n'en estoient plus guiere esloignez, quand Thamyre qui estoit fort proche d'Hylas, ie ne pense pas, luy dit-il, que si onyous en faisoit mettre la main sur la conscience, vous n'auouassiez Hylas, que la perte de Syluandrene vous touche pas si sensiblement que vous le tesmoignez. Pourquoy, respodit l'inconstant, auez vous cette opinion? pource, reprit Thamyre, que c'est vne chose naturelle, de souhaitter la perte de ce qui nous nuit, & de desirer la conservation de ce qui nous

870 LA DERNIERE PARTIE D'ASTREE, agree; or est-il que Syluandre ayant esté le seul qui vous a conuaincu d'erreur, & qui a fait voir à tout le monde la fausseté de vos opinions, ie ne puis m'imaginer que vous ne sovez bien aise que l'on vous oste, par manière de dire, cette espine du pied Ah!
Thamyre, dit Hylas en souspirant, que ce coup-là vous auez donné bien loing de ma pensee, puis qu'il est vray, que comme deux contraires opposez esclattent plus viuement, ie suis assuré que tant que ce Berger eust vescu mon esprit opposé au sien, eust esté en plus de consideration & d'estime: mais, continuatil, ie me doutois bien tousiours que le Ciel le puniroit du crime qu'il a commis, en soustenant de si mauuaises maximes, & si par le repos de nostre vie, il est permis de iuger de la faueur & de l'amitié des Dieux, regardez ie vous prie, quel de nous a le plus de suiet de s'en louer, premierement il n'a pas esté ssi tost au monde, qu'il a esté puny des offen-ses qu'il y deuoit commettre; car les Dieux, deuant qui l'auenir est present, ont pris plaisir à luy faire sentir de bonne heure la pesanteur de leurs chastiments; depuis, il a esté le iouet de la fortune qui l'a balotté, l'enuoyant tantost deçà, tantost delà, comme vn vagabond, que la Nature mesmes a peine d'auouer; s'ila eu de l'inclination pour quelque Bergere, il n'est obstacle qui nesesoit

opposé à son contentement; tout cela pour-quoy? pour le recompenser de cette belle. constance qu'il presche auec tant de zele & de deuotion: au lieu qu'à ma naissance le bon - heur asista reuestu de ses plus beaux ornements, les graces & la fan-té firent vœu de ne me quitter iamais, & c'est pour cela que que ie n'ay pas en-core ressent vne simple douleur de teste; si i'ay voulu du bien à quel-que belle sille, à peyne que ses faueurs n'ayent preuenu mes desirs; ainsi tousiours content & tousiours heureux, ie passe agreablement le cours de mes annees, & tout cela pourquoy? pource que ie n'enseigne point de loy qui exerce de la tyrannie sur les esprits, & qu'au contraire, il faut aymer indiffefans s'arrester longuement à vne mes-me chose: Mais, Thamyre, adiou-sta-til, encore qu'il ait merité le mal-heur qui le suit, iene laisse pas de le plain-dre infiniment; & bien que son humeur ait esté tousiours contraire à la mienne, ie voudrois bien que son destin eust pu estre aussi heureux que le mien; Encore par là, respondit Thamyre, vous monstrez. que vous n'estes pas en toutes choses ennemy de la raison; ie suis donc bien d'auis

que nous le plaignions, & qu'en sa perte nous plaignions aussi les Bergers qui le suruiuront, parce que s'il saut qu'ils demeurent à la mercy de vos extrauagantes opinions, ie crains bien que vous les desbauchiez, & qu'insensiblement vous acqueriez sur leur esprit vn Empire, dans lequel vous seriez insupportable: Ce que vous dittes sust arriué il y a long-temps, dit Hylas, si toutes choses estoiet gouvernees par la raison.

Auec semblables discours, ils arriverent en la maison d'Adamas, où ils ne furent pas plustost entrez, que Celadon, à qui la douleur de Sylvandre estoit commune, supplia; Galatee de luy permettre de retourner sur ses pas, pour aller à la rencontre de ce Berger, qu'il croyoit estre encore auec le. Druyde; ce que la Nymphe luy ayant accordé, il sortit, & Lycidas qui le vid partir, se: mit incontinent à le suiure! A peyne surent-ils hors de la maison, qu'ils le rencontrerent seul, & parce qu'en effet l'affection qu'ils auoient pour luy, n'estoit pas de celles. qui meurent facilement; d'abord Celadon luy sauta au col, & le tenant embrassé, il sut long-temps sans luy pouuoir dire vne seule parole, sabouche ne s'ouurit qu'aux souspirs, dequoy Syluandre sut si touché, que l'embrassant de mesme, Celadon, luy dit il, pour Dieune me donnez pas le desplaisir de voir

LIVRE VNZIESME.

que mes malheurs troublent en quelque sorles contentements que les Dieux veulent que vous goustiez en la possession de vostre maistresse; jouyssez vne fois d'vn bien sans amertume, & si c'est ma seule perte qui vous afflige, si vous m'aymez, imaginez-vous qu'elle vous doit estre plustost vn suiect de ioye, que de mescontentement, puis que les Dieux mesmes l'ont desiree, & qu'apres auoir eu tant de suiects de mourir, ie ne pouuois sortir du monde auec plus de gloire, qu'en obeyssant aux arrests qu'ils en ont si souvent prononcez. Quelque fauorable que soit la cause qui vous sera mourir, respondit Celadon, elle n'empeschera pas, que ie ne ressente cette separation, comme le seul desplaisir qui pounoit troubler mon repos; l'auoue bien qu'elle me sera vn petit suiest de consolation, mais croyezmoy, Syluandre, que si on veut guerir ma douleur, il y faudra bien employer d'autres remedes. A ce mot Syluandre voulut respondre, mais en cet instant le Druyde arriua, qui les interrompit, & s'estant mis au milieu d'eux, les ramena dans

sa maison. Diane d'autre costé, qui auoit auec elle Astree & Phillis, ne pouuoit plus resister à sa douleur, qui à chasque moment se rendoit plus violente; de sorte que pour éuiter tout

874 LA DERNIERE PARTIE D'ASTREE, autre entretien que celuy de ses compagnes, ou de ses pensees, elle fit dessein de se mettre au lict, sous pretexte de ressentir encore quelques restes de l'incommodité qu'elle avoit eue le iour auparauant, & certes il ne fallut pas beaucoup d'artifice, pour faire cognoistre à Bellinde qu'elle auoit besoing de ce soulagement, car outre qu'elle n'ignoroit plus l'interest qu'elle auoit au mal-heur de Ŝyluandre, encore est-il vray que le visage de cette Bergere portoit les mesmes traits d'vne personne à qui les maux n'eussent deu laisser que deux ou trois heures de vie. Elle consentit donc que Diane se retirast dans sa chambre, & bien que dans son ame, elle eust vo extreme desplaisir de voir les obstacles qui s'opposcient aux contentements de sa fille, & au merite de Sylvandre, elle ne laissa pas de se cololer vn peu, quand elle se figura qu'apres la mort de ce Berger, elle n'auroit plus d'excuses pour se dessendre d'espouser Paris. Amasis aussi n'eut pas demeuré dans la maison enuiron vn quart d'heure, qu'elle se ressouuint de Dorinde, & sçachant bien qu'elle n'auoit pas esté à la fontaine, elle la fit chercher dans la grande gallerie, dans le iardin, & par tout ou elle s'imagina qu'elle pourroit estre, mais n'en ayant sceu apprendre des nouvelles, elle sit ensin venir celuy qui avoit lesoing de la porte, qui luy dit, qu'vn peu

875

apres que toute la trouppe auoit esté partie, elle & Merindor s'estoient mis dans vn chariot, & qu'au lieu de suiure le chemin que les autres auoient tenu, ils auoient pris celuy de Bon-lieu. Au commencement elle creut que ne s'estant pas treuuee en assez bonne disposition, elle seroit allee se promener pour se diuertir; mais enfin s'estant souuenuë, que depuis le retour de ce Cheualier, Dorinde auoit montré d'estre de mauuaise humeur, elle commença de se douter de quelque chose : toutefois n'ofant rien assurer, de crainte de se deceuoir elle-mesme, son esprit alloit faisant diverses considerations, quand tout à coup elle ouyt le bruit de quelques cheuaux. Incontinent elle mit la teste à la fenestre, & cognoissant son chariot, aussi-tost elle courut sur le degré pour aller au deuant de Dorinde, mais n'y ayant treuué que Merindor, son estonnement sut extreme, & ce qui la mit dauantage en peine, ce fut qu'elle le treuua palle comme vn homme mort, les yeux fort enflez & rouges, & dans vne contenance si interditte, qu'à peine sçauoit-il marcher. Aussi-tost elle luy demanda où estoit Dorinde, & ce Cheualier luy ayant fait vne profonde reuerence, Madame, luy dit-il, à mots interrompus, & d'ynton de voix qui tesmoignoit assez la confusion de son ame, voyla qui vous en apprendra la verité, disant

876 LA DERNIERE PARTIE D'ASTREE, cela il luy tendit vne lettre qu'Amasis receut, & l'ayant ouuerte elle y leut ces paroles.

#### LETTRE

## DE DORINDE

#### A AMASIS.

Nfin la perfidie de Sigismond m'a retirce de la doute où i estois, que l'on pust trouver de la fidelité parmy les hommes, & satrahison m'ayant ofte l'esperance de gouuerner ça bas vn Empire, ie me suis resoluë à chercher des coronnes dans le Ciel: l'auoile que d'abord que l'ay sceu la nouuelle de son changement, mon amour a condamne sa foy violee, mais depuis ayant bien consideré le repos qu'elle me deuoit acquerir, i'ay creu que i'auois plus de suiect de m'enlouer que de m'en plaindre. Il est vray, qu'apres auoir receutant de faueurs de vous, ie deuois chercher les moyens de les recognoistre; mais ne le pouuant que par des souhaits, quellieu m'eust permis d'en faire plus à vostre aduantage, que celuy que nay recherche? Car Madame, cest icy que mon. esprit destaché des interests du monde, se fera vn commerce auecque les Dieux, & peucestre auront-ils assez de pitié pour maccorder en vostre faueur, l'effet de mes desirs t ) de mes esperances : que si vous treunez qu'il y ait du crime en ce que ie suis partie sans vous dire adieu, n'en accusez que la bone volonté que vous m'auez tesmoignee, qui m a fait craindre: que si ie vous eusse aduertie de ma resolution, peut-estre ne l'eussiez-vous pas treunce assez legitime. D'ailleurs, Madame, ie puis dire que le mespris de Sigismond, m'a surpris de telle sorte, qu'il m'a forcee d'imiter ceux qui sortent du monde, sans auoir le loisir de disposer de leurs dernieres volontez: mais quand i en eusse bien eu le temps, que restoit - il en ma disposition, file suis toute à vous, depuis le moment que i cus l'honneur d'en estre cognue ? Or Madame, ne soyez pas marrie de n'auoir a partager ma possession qu' auec les Dieux qui

878 LA DERNIERE PARTIE D'ASTREE, s'estants ensin lassez de me voir languir sous la tyrannie d'un homme, ont permis que par vne moitié de bague, tout mon cœur m'ait esté rendu; que si ces paroles ont besoin de quelque esclaircissement, i ay laisse à Merindor la charge de vous en entretenir; en de vous dire, Madame, qu'en quelque lieu que ie sois, en à quelque condition que ie sois appellee, ie ne seray iamais que vostre tres-humble seruante,

#### DORINDE.

Cependant qu'Amasis lisoit cette lettre, Merindor remarquoit de grands changements en son visage, & voyant peu à peu que ses yeux deuenoient humides, il se douta bien qu'elle donneroit des larmes à l'essoignement de Dorinde: En esset, elle n'eut pas plustost acheué de lire ce qui estoit escrit dans ce papier, que leur ouurant le passage, mais, dit-elle Merindor, est-il vray que Sigismond luy ait manqué de parole? la soy des Princes n'a-telle point de privilege qui la dessende des loix du changement? Madame, respondit le Cheualier, ce que vous me de-

mandez merite vn grand discours, & puis que Dorinde m'a commandé de vous en dire les circonstances, ie vous en raconteray bien plus qu'elle n'en sçait elle mesme, si vous prenez la peine de m'ouyr en particulier. Ie vous en donneray sans doute le temps & la commodité, dit Amasis, car le desire auec passion, sçauoir la verité de cette affaire. Disant cela, elle prit ce Cheualier par la main, & apres auoir fait dire au Druyde qu'elle alloit conferer de quelque chose auec Merindor, allons, luy dit-elle, dans leiardin, aussi bien n'est-il pas croyable, que ie puisse de long-temps retirer Rosanire ny Galatée d'aupres de ces Bergers, à quoy Merindor ayant consenty, elle le mena soubs le cabinet le plus couuert, & là s'estant assise, & ayant commandé au Cheualier d'en faire de mesme, il commença son discours en cette sorte:

#### SEVIT TE

## DE L'HISTOIRE

### DE DORINDE.

'A y à vous raconter, Madame, vne si grande trahison, que si vous ne sçauez parfaittement ce que peut

Amour sur vn esprit, ie ne doute point que vous ne me iugiez tres-coupable d'auoir osé seulement estre complice d'vne telle meschanceté; mais par ce que c'est vn accident, qui n'est arriué que depuis que Sigismond partit d'aupres de vous, ie prendray la chose en sa source, & vous diray, Madame, qu'aussi-tost que nous nous susmes mis en chemin, Ligonias, qui a comme vous sçauez le iugement capable de toutes choses, depescha secrettement vn Courrier à Gondebaut, pour l'aduertir de l'arriuee de Sigismond & de Godomar; & de peur qu'il eust quelque regret de se voir surpris par l'arriuee de Rosileon, & des Cheualiers qui l'accompagnoient, il le fit aduertir

de tout, le plus promptement qu'il luy fut possible: cela fut cause que le sendemain, le Roy suiuy presque de toute la Noblesse du pays, fit semblant d'aller à la chasse, & ayant pris le chemin par où les Princes deuoient venir, il les rencontra enuiron à vne lieuë de Lyon. Cet abord fut vne tref-belle chose, car Sigilmond & Godomar qui cogneurent le Roy d'assez loing, mirent incontinent pied à terre, & s'estants approchez de luy, il ne fut pas plustost descendu de cheual, qu'ils se ietterent à ses pieds; & par des soubmissions nompareilles, luy demanderent pardon de la faute qu'ils auoient faite en s'essoignant de sa personne: le Roy les receut à bras ouuerts, & donnant à leur retour des tesmoignages d'vne extreme ioye, il leur promit encor vne fois d'oublier tout ce qui s'estoit passé, pourueu qu'à l'aduenir ils ne luy donnassent plus vn si grand suiect de plainte. Rosileon cependant s'auança, & Sigismond l'ayant montré à Gondebaut, aussitost il s'approcha de luy, & luy faisant des caresses extraordinaires, luy offrit son Estat & sa personne. Apres il embrassa Lindamor, & Godomar luy ayant dit que c'estoit le mesme qui auoit triomphé des armes de Polemas; iesuis bienaise, dit-il, quesa valeur nous ait fait cognoistre en faueur d'Amasis, l'injustice que ce rebelle nous auoit desguisee sous un pretexte dont l'apparence n'estoit que trop legitime: disant cela, il receuoit les honneurs que luy rendoient Damon, Alcidon, & les autres; apres quoy s'estant remis à cheual, & les Princes en ayants saits de mesme, on reprit le chemin de la ville.

Ils en estoient encore essoignez d'vne demyelieuë, quandils virent venir à eux vne multitude d'hommes, disposez comme pour donner vne grande bataille, ils estoient armez diuersement, les vns auec des frondes, les autres auec des arcs, des picques, & des arbalestes, & quelques autres portoient d'vne main vn Escu, & de l'autre vn Cimeterre, ils estoient pres de dix-huist mille en nombre, ce qui fit croire à Rosileon que ce deuoit estre encore le reste de l'armee qu'il auoitenuoyee contre Marcilly. Gondebaut, les Princes, & tout le reste des Cheualiers, passerent au milieu d'eux, & à peine les eurent-ils trauersez, qu'ils furent rencontrez par quatre mille honimes à cheual, qui ne les quitte-rent point, qu'ils ne sussent arriuez dans la ville.

A la porte, Clotilde les attendoit, & auec elle cent des plus belles filles qui sussent dans Lyon, qui parurent sur des cheuaux blancs les plus beaux qu'il estoit possible, & qui pour ne les incommoder pas, sembloit contraindre

traindre leur action, sans laisser toutefois de se montrer glorieux de soustenir de si belles charges. A l'arriuee des Princes, Clotilde seule, mit pied à terre, que Sigismond & Godomar embrasserent, & que Rosileon, Lindamor, Damon, & Alcidon saluerent auec toute sorte d'honneur & de respêt. Apres ils l'ayderent à remonter à cheual, & ayans repris les leurs, ils allerent descendre au Temple de Venus, où la Musyque des voix & des Instruments les receut, & leur ayda à rendre graces aux Dieux, du bon-heur dont leur retour estoit accompagné; delà ils allerent aux iardins de l'Athenee, où Gondebaut auoit donné le departement de Rosileon, & par ce qu'il s'y estoit logé luy-mesme depuis le commencement de l'Esté, il sut bien aise que Sigismond, Godomar, & Clotilde y demeurassent pour luy tenir compagnie.

Toute cette premiere iournee se passa en sestins, & dés que la nuict approcha, toute la Cour se mit sur la riuiere, pour aller voir vn seu de ioye que l'on auoit preparé, iustement au mesme lieu où le Rhosne & l'Arar commencent à s'entrebaiser & à contracter ce mariage, qui depuis - là iusqu'à la Mer, les sait demeurer passibles dans vn mesme lict. On iugea bien, que cela n'a-uoit pas esté sait sans dessein, & qu'il y auoit

KKK

Dern.part.

de l'apparence qu'on eust choisi ce lieu pour marquer la reunion des ensans & du pere, mais quoy que c'en soit, on y vid de tres-belles choses, & le Roy mesme s'en reuint bien satisfait. Pour moy, ce que i'y remarquay de plus rare, ce sut le peu de temps qu'on auoit eu pour y peser, qui ne me sit pas moins admirer la diligence des ouuriers, que la grace de leur inuention.

Or, Madame, ie vous ay dit toutes ces choses, non pas come estants absolument necessaires à mon suiect, mais come n'y estants pas entierement inutiles; car on ne fut pas plustost de retour au Palais, que Rosileo ayant esté coduit par les Princes en son departement, chacun se retira dans les chambres qui auoient esté destinces pour le repos; mais Gondebaud qui n'en pouuoit auoir, & que l'interest de Dorinde tenoit eternellement en peine, au lieu de se mettre au liet, creut qu'il ne pouuoit mieux employer le temps, qu'à tascher d'apprendre en quel estat Sigismond estoit auec elle : & par ce qu'il iugeabien, que deuant que Clotilde s'endormist, Sigismond ne manqueroit pas de luy en venir rendre compte, à cause de cette estroitte considence qui estoit entr'eux, il sit si bien, qu'apres auoir trauersé quelques chambres, il arriua, sans estre ouy, à vne porte qui respondoit à la ruelle du lict de cette ieune Princesse. Il n'eur pas

esté là enuiron vne petite heure, que Sigismond y vint comme il l'auoit pensé, & par ce que c'estoit le lieu où ils se retiroient ordinairement, pour n'estre pas ouys de ceux qui estoient dans la chambre, ils s'y vindrent asseoir innocemment, sans se douter du malheur que leur preparoit la ialousse de Gondebaut.

I'ay sceu depuis, car le Roy ayant fait dessein de se seruir de moy, me declara librement toutes choses, que Sigismond commença son entretien par quelques discours qu'il fit à vostre auantage, & par le recit qu'il fit à Clotilde de la beauté de Galatee, & des Nymphes qui sont ordinairement aupres de vous. De là il vint à parler de Dorinde, & par ce que c'estoit où le Roy l'attendoit, il presta l'oreille plus attentiuement, & oüyt que Sigismond disoit; mais, ma sœur, car c'est ainsi qu'il nomme Clotilde, le Roy n'estil pas bien estrange de vouloir que ie ne l'ayme plus, apres qu' Amour m'a commandé de ne me separer iamais de son seruice? ne seroisie pas blasmable si iene suiuois mon inclination, & si i'executois plustost les Arrests d'vn homme que d'vn Dieu? ie sçay bien que ie luy suis obligé de ma naissance, & que ie dois mourir pour luy plaire, mais s'il veut que ie viue, qu'il souffre que i'ayme Dorinde: car tant que ie seray Sigismond, il

Ккк і

886 LA DERNIERE PARTIE D'ASTREE. est impossible que ie ne sois son serviteur; il adiousta à cela quelques autres discours, que Gondebaud escouta fort attentiuement, ausquels Clotilde respondit auec toute sorte de modestie, luy representant quelquesois ce qu'il deuoit à la qualité du Roy, & quelquefois auo uant que sa passion rendoit en quelque sorte la desobeyssance excusable: mais enfin Sigismond s'estant mis à parler de ce qui s'estoit passé dans Marcilly touchant son amour, il luy redit les mesfiances de Dorinde, les serments de fidelité qu'il luy auoit faits; & enfin, les mesmes propos qu'ils auoient tenus lors qu'ils rompirent la bague, pour en garder chacune vne moitié. Apres cela il mit la main dans fa pochette, & l'ayant retiree d'yne petite boette où il l'auoit enfermee, il la montra à Clotilde, mais Gondebaud ne la vid pas; car outre que la porte par ou il escoutoit estoit sermee, encore y auoitil vne tapisserie qui l'en empeschoit, seulement il iugea que Clotilde l'auoittenuë entre les mains, dequoy il ne sut pas peu content, se figurant deslors qu'elle pourroit bien ayder à destruire toute cette intelligence.

Ayant donc par cet artifice esté bien informé de tout ce qu'il vouloit sçauoir, il se retira, & Signimond aussi, mais ils ne passerent pas la nuict de mesme sorte, car le Prince

LIVRE VNZIESME. 1887 reposa comme vn homme content, & le Royne dormit presque point, car la ialousie luy ouurit les yeux & le iugement, & le fit resuer iusqu'au lendemain, aux moyens qui pourroient faire mourir en Sigismond, la volonté qu'il auoit pour Dorinde.

Le iour le surprit dans cette fantaisie,& lors qu'il fut heure de se leuer, il fit semblant de se treuuer vn peu mal, pour auoir vn pretexte de ne quitter point le list de tout le matin; Toutefois, pour ne laisser personneen peine, il enuoya querir Sigismond, & apres luy auoir commandé de mener Rosileon, & les autres Cheualiers à la chasse, il l'assura qu'à son retour il le treuueroit leué. Sigismond obeyt aux commandement du Roy, car où il ne s'agissoit point de son amour, il estoit bien aise de le contenter, & cependant Gondebaut fit venir Clotilde en sa chambre, qu'il fit asseoir aupres de son lict, & puis se tournant de son costé, il luy parla en ces i St. Large termes.

Iene vous feray point souuenir, Clotilde, des obligations que vous m'auez, puis que vous ne sçauriez penser à la mort de vos parens, qu'en cet instant vous ne cognoissiez que vous m'estes redeuable de la vie. Ma clemence vous a sauuee du naufrage où ils se sont perdus, & bien que ma iustice vous pust faire perir auec eux, ma pitié s'y est opposee,

Ккк ііі

838 LA DERNIERE PARTIE D'ASTREE, & a pris plaisir à vous espargner; que si commeiusqu'icy vous n'auez point esté mescognoissante de cette grace, vous voulez empescher à l'aduenir que ie ne vous accuse d'ingratitude, seruez-moy dans vne occasion où ie vous veux employer; & apres cela, ne dou-tez iamais que ie ne fasse pour vous tout ce-qui dependra de ma puissance. A cela Clotilde respondit qu'elle ne refuseroit iamais. d'obeyrà ses commandements, quand mesmes il y iroit de sa vie, & que la plus grande: gloire qu'elle pust pretendre , estoit celle de luy rendre quelque agreable seruice: alors Gondebaut reprit ainsi la parole; Ce que ie veux de vous, ma chere fille, (c'est ainsi qu'il la nomme, quand il est en bonne humeur, n'est pas que vous me redisiez les discouraque vous auez eus auec Sigismond. depuis son retour, car ie les sçay aussi biens que vous, mais ie veux que vous trauailliez. à faire reuffir vn dessein que i'ay pour ruiner cette affection, que ie sçay desia auoir iet, té de trop profondes racines : 1 & afin que. vous ne croyiez-pas que ie feigne de sçauoir. quelque chose de ses affaires, pour vous obliger à m'en descouurir les derniers secrets, ie vous en veux dire moy-mesme les plus, grandes particularitez; disant cela il tenoit les yeux attachez sur la ieune Princesse, & voyant qu'elle changeoit de couleur, ic

cognois bien, luy dit-il, en continuant, que mon discours vous estonne, mais vous en aurez bien plus de suiect quand vous en aurez ouy la fin. N'est-il pas vray, qu'hyer au soir, apres que le fus retiré, Sigismond fut dans vostre chambre, & qu'à la ruelle de vostre lict il vous entretint de tout ce qui s'est passe dans Marcilly, entre luy & Dorinde? n'estil pas vray qu'il vous fit voir vne moitié de bague qu'il a rapportee, & qu'il vous auoua que c'estoit le secret qu'ils auoient inuenté entr'eux pour resister à tous les efforts & à tous les artifices que ie pourrois pratiquerpour separer leurs volontez ? à ce mot Clotilde perdit toute contenance, & dans l'estonnement où elle estoit, ne sçachant pas d'où il auoit pu apprendre tant de choses, elle eut tant de peur qu'il la voulust punir, dequoy elle auoit receu les fecrets de Sigismond, que se iettant à genoux, elle com-mença d'implorer sa misericorde, & de luy demander pardon : Mais le Roy luy ayanz commandé de se leuer, il la prit par la main, & la baisant au front, Non non ma fille, luy dit-il, ne craignez point de m'auoir falché en cela, ie sçay le soing que vous auez pris d'esteindre sa slame, & suis bien assuré qu'il n'a pas tenu à vous qu'il n'ait desia contenté mon humeur : mais puisque iusqu'icy vos efforts & les miens ont esté

890 LA DERNIERE PARTIE D'ASTREE, inutiles pour en venir à bout, ie suis d'auis que pour vn dernier remede, nous tentions celuy que ie vous veux communiquer; disant cela il la sit asseoir sur le pied de son list, & puis il pour sui uit de cette sorte.

Il est croyable Clotilde que vous cognoissez l'esprit de Dorinde, & qu'estant ambitieu. se comme elle est, vous ne doutez pas qu'encore que Sigismond soit de luy-mesme assez aymable, elle n'ait moins d'amour pour sa personne que pour sa qualité. Or il faut que vous sçachiez que quand les personnes de cerre condition font vne fois arrivees à quelque haut degré d'honneur, elles s'y rendent insupportables, & se plaisent d'exercer sur toures sortes d'esprits vne authorité tyrannique s'elles s'imaginent que c'est seulement pour leur plaire que le Soleil se pare de ses plus beaux rayons, & accusent la Terre d'ingratitude, quand elle ne fait pas naistre des fleurs en tous les endroits qui ont la gloire de soustenir leurs pas; enfin elles ont vne vanité si dangereuse, que (comme elles iugent aveuglement de toutes choses) si elles viennentà s'imaginer que quelqu'vn ferue d'ob-ftacle à leur fortune ou à leur ambition, aussitost elles cherchent les moyens de les destruire, & ne cessent iamais qu'elles ne l'ayent perdu; le dis cecy en partie pour vous Clo-tilde, afin que vous veilliez à vostre conseruation, & que vous assuriez vostre repos en telle sorte, que quand ie viendrois à vous manquer, vous ne puissiez iamais tumber dans les extremitez que ie vous ay depeintes, ce qui vous arriveroit sans doute, si Dorinde venoit à bout de ses desseins; car Sigismond ne l'auroit pas plustost espousee, qu'elle, qui comme vous sçauez, n'est que fille d'Arcingentorix, deuiendroit si orgueilleuse de se voir Reyne des Bourguignons, que s'oubliant elle-mesme, dessous ce Sceptre & cette Coronne, elle oublieroit de mesine tout ce qu'elle doibt à vostre merite & à vostre qualité : la difference de son extraction à la vostre, feroit qu'elle auroit honte de paroistre où vous seriez, & peut-estre feroit-elle naistre en son ame vne hayne si forte qu'elle pourroit bien la porter à faire quelque dessein sur vostre vie. Voylà le peril où vous estes, & si vous veniez à vous y perdre, vous sériez doublement coupable, en ayant eu le remede entre vos mains, qui est, Clotilde, qu'il faut en toutes façons que nous estouffions ce seu que vous sçauez auoir desia produit en de si grandes flames.

Iugez, Madame, combien facileme, l'esprit d'vne fille reçoit toute sortes d'impressions: le Roy n'eut pas plustost acheué ce discours, qu'il mit vne estrange messiance dans l'ame de cette ieune Princesse, qu'il luy sem-

892 LA DERNIERE PARTIE D'Astree, bla qu'il estoit entierement impossible que les malheurs dont il l'auoit menacee n'arriuassent, en cas que cette affection continuast; si bien qu'oubliant tout d'vn coup ce qu'elle deuoit à l'amitié de Sigismond, & se disposant à faire contre Dorinde tout ce que le Roy luy commanderoit; Seigneur luy respondit-elle, la crainte d'estre miserable ne sera iamais le suiect qui me portera à vous obeyr, ouy bien la volonté que i'ay de vous faire cognoistre que ie ne veux iamais estre ingratte des obligations que l'ay à vostre bonté: C'est pourquoy ie vous supplie tres-humblement, de me dire ce que vous voulez que ie fasse, afin' que mettant la main à l'œuure, ma diligence vous fasse bien iuger de mon affection. Il est vray, dit le Roy, que nous en auons besoin, de cette diligence, car en semblables matieres les longueurs sont importunes, & quelquesois nuisibles. Il faut donc, mais de necessité, que nous nous hastions de retirer cette moitié de bague, qui est maintenant entre les mains de Sigismond. Ah! Seigneur, dit Clotilde, en l'interrompant, ie doute bien que cela ne soit impossible; car si vous voyez auec quel soin il la conserue & la cherit, vous vous en estonneriez : Il la baise il la porte à ses yeux, il l'appuye

contre son cœur, il parle à elle, comme si Dorinde estoit presente, & enfin il dit qu'elle luy respond les plus belles choses du monde; & c'est ce qui me fait craindre qu'estant si transporté dans cette passion, il ne soit difficile de la luy arracher. Aussi, repliqua le Roy, n'est-ce pas mon dessein de l'entreprendre ouuertement, ny par violence; vous sçauez que ce moyen a desia esté mis en vsage sans qu'il ait reussi, mais ie veux que nous y procedions auec artisice, & que nous fassions tout ce qui nous sera possible pour le deceuoir. On trompe difficilement, repliqua Clotilde, les esprits mesfiants comme le sien, & puis qu'il arecouru à ce secret pour se conseruer en bonne intelligence auecque Dorinde, il est croyable qu'on ne l'y trompera pas facilement? C'est en quoy, respondit Gondebaut, vous yous abusez, il n'est rien si facile, pourueu que vous fassiez ce que ie vous diray, qui vous sera aisé sans doute, puis qu'il traitte auec vous, comme auec vne confidente; & non pas comme auec vne personne qui auroit quelque interest en la ruine de son affection. Clotilde ayant promis de n'y manquer pas, le Roy continua ainsi; Puisque vous auez veu cette bague, & que vous sçauez de quelle matiere elle est, il faut Clotilde que vous en preniez vne de mesme,

904 LA DERNIERE PARTIE D'ASTREE, &qu'au hazard l'ayant rompuë en deux, vous en gardiez seulement vne moité, & voicy ce qui en arriuera: Sigismondvous ira voir comme il fit hyer, & sans doute estant aupres de vous, il fera auec sa moitié de bague les mesmes actions qu'il fit hyer, cependant vous au-rez la vostre dans vne main, & de l'autre vous prendrez la sienne, & puis quand il vous la redemandera, au lieu de luy rendre celle que vous luy aurez ostee, vous luy rendrez celle que vous aurez supposée, sans qu'il soit possible qu'il s'en apperçoiue iamais; car n'ayant pas l'autre moitié pour les conferer ensemble, & ne se doutant pas de vostre dessein, il croira tousiours que ce seralamesme qu'il a rapportee de Marcilly: apres cela nous poursuiurons nostre pointe, & ie vous diray demaîn ce que nous aurons à faire pour acheuer nostre entre-prise. Clotilde trouva cette invention d'autant plus excellente, qu'il estoit croyable qu'elle d'eust reussir, & apres qu'elle eut iuré de ne rien espargner pour cela, voyez-vous Clotilde, reprit Gondebaud, auec vn ton de voix yn peu plus rude, il faut que vous me donniez ce contentement, puisque vous me l'auez promis & que ie l'ay desiré; cette invention est le seul remede qui me reste, & dont ie me veux seruir: si vous y faites bien vostre deuoir, ie

vous feray cognoistre dans peu de temps combien ie vous ayme, & si au contraire i'apprends que vous ayez failly en quelque chose, & que par vostre mauuaise volonté) car cela ne sçauroit arriuer par imprudence) mon dessein soit descouuert, souuenez-vous que ie m'en ressentiray comme du plus grand outage que i'aurois peu receuoir d'vn ennemy. A cela Clotilde respondit qu'elle mourroit plustost que de faillir contre le moindre de ses commandements: apres quoy, Gondebaud l'ayant baisee, cette Princesse sorts.

le Roy s'habilla.

Il n'est pas besoin, Madame, que ie m'amuse à vous dire trop particulieremet les choses
qui ne sont pas entierement de mon suiect,
c'est assez que vous sçachiez que toute cette
iournee se passa à la chasse, & vne partie de la
nuict en bals, apres lesquels Sigissmond ne
manqua point d'aller accompagner Clotilde
en sa chambre, parce qu'en l'absence de Dorinde il n'auoit point de plus grand plaisir que
celuy de l'entretenir; là, parmy d'autres discours, ils vindrent à parler de la bague, &
aussi-tost Sigissmond l'ayant prise dans sa petite boëtte, la montra à la Pincesse, qui faisant
semblant d'admirer la preuoyance qu'il auoit
euë à empescher qu'on ne la trabist, la prit,
comme si elle en eust voulu considerer la façon; l'ayant donc, elle porta ses deux mains

396 LA DERNIERE PARTIE D'ASTREE, derriere le dos, & laissant sur son siege la bague de Sigismond, elle ne garda que celle qu'elle auoit supposee, & puis luy presentant les deux mains fermees, ie gage, luy dit-elle, que vous ne deuinerez pas où elle est, le Prin-ce qui ne se doutoit nullemet de sa meschanceté;ie gage, respondit-il en sousriant, qu'elle est là;à ce mot,il frappa sur la main droitte de Clotilde, & l'ayant ouuerte luy-mesme, il y treuua seulement vne fausse image de ce qu'il cherchoit; toutefois s'imaginant que c'estoit celle-là mesme queDorinde luy auoit doncé, il la prit innocemment, & regardat la Princefse, Ah! masœur, continua-til, auec vn petit foufris, ne sçauez-vous pas qu'Amour peut toutes choses, & qu'encore qu'il ait vn badeau deuant les yeux, on ne peut rien cacher à sa preuoyance: difant cela, il porta cette moitié de bague à sa bouche, & Clotilde voyat qu'il la baisoit auec tant d'amour, ne put s'empescher d'en rire; mais vn peu apres l'oyant souspirer, elle ressentit das son ame quelque petite atteinte de copassion, cela sut cause qu'elle dit en elle-mesme; helas! Sigismond, si tu sçauois le malheur que mó artifice te prepare, tu chãgerois bien-tost ces souspirs d'amour en souspirs de rage & de desespoir; sur cette pesee elle se repetit d'auoir consenty à cette trahison; mais tout à coup, se remettant en memoire les discours que Gondebaut luy auoit tenus,

LIVRE VNZIESME.

& combien sa perte estoit ineuitable, si elle ne poursuiuoit son entreprise, elle s'imagina qu'elle ne pouvoit mieux faire que d'acheuer ce qu'elle avoit si heureusement commencé: Mais parce que la nuict s'avançoit fort, & que Sigismond, qui ne s'ennuyoit iamais d'estre en sa compagnie, ne parloit point de se retirer, elle l'en sollicita, & le sit aller coucher.

Le lendemain elle se leua vn peu matin, par ce qu'elle se doutabien que le Roy l'enuoyroit querir, pour sçauoir ce qu'elle auroit defia auancé, & de fait, à peine fust-elle habillee, qu'on la vint appeller : Aussi-tost qu'elle entra dans la chambre; & bien Clotilde, luy dit le Roy, aurons-nous cette bague? nous ne sçaurions respondit la Princesse, la retirer d'entre ses mains ? pourquoy ? reprit Gondebaut 'vn peu esmeu, pource qu'elle n'y est pas, repliqua Clotilde en sousriant, car elle est entre les miennes, & afin que vous n'en doutiez plus, voyla, continua-telle en la luy montrant, l'accomplissement de vostre desir & de ma promesse. l'instant le Roy la prit, & paroissant ex-tremément satisfait de la diligence de Clotilde, il ne faut pas que vous croyez, dit Gondebaut, apres l'attoir fait asseoir, que cependant que vous auez trauaillé, i'aye esté sans rien faire; on m'a promis de. m'amener ce matin vn certain homme,

988 LA DERNIERE PARTIE D'ASTREE, qu'on nomme Squillindre, si ene me trom-pe, qui a autresois habité en Forests, & qui s'est venu maintenant resugier icy, pour quelque suiect qu'on n'a pas encore descou-uert, Or on m'a dit, que c'est l'homme du monde qui contresait mieux toutes sortes de caracteres, & si cela est, il faut que nous luy fassions escrire vne lettre à Dorinde pour Sigismond, sans laquelle nostre affaire ne sçauroit bien aller: Ie ne suis en peine que d'vne chose, c'est de sçauoir sur qui nous ietterons les yeux, pour executer ce qui nous reste à faire; car enfin il faut que ce soit vn homme de iugement, & s'il se peut qui ait quelque suiect de pretendre Dorinde, apres que Sigismond n'y aura plus d'interest. Alors Clotilde se mit à penser vn peu, puis tout à coup; il y en a beaucoup, dit-elle, qui ont eu de l'amour pour cette fille, mais i'en fçay deux qui sont maintenant icy, dont vous choisirez celuy que vous iugerez le plus propre pour cet effect, alors elle nomma Periandre, & malheureusement pour moy, Merindor; aussi-tost que le Roy ouyt mon nom, il frappa de ses mains l'vne contre l'autre, & tesmoignant vne extreme iove, voylà nostre sait dit-il, ie suis bien asseuré que ce Cheualier fera tout ce que ie luy com-manderay. Il ne restoit plus qu'à consulter ma volonté sur ce suiect; mais grands Dieux!

que les Roys ont sur nous vne authorité bien absolue, & qu'il nous est difficile de resister aux charmes de leurs commandements, sur tout quand ils ont quelque apparence de Iustice, Gondebautne m'eut pas plustost enuoyé querir qu'il me conta tout ce que ie vous ay desia dir; & apres cela, m'ayant promis des merueilles, en cas que ie disposasse Dorinde à m'espouser, il m'engagea si in-sensiblement, que ie resolus de faire tout ce qu'il voudroit. A peine eut-il tiré cette promesse de moy, que ie vis entrer vn ieune home, qu'on me dit depuis, estre neueu de cet Ardilan que Godomar tua; il amenoitauecque luy ce Squilindre, dont ie vous ay desia parlé, & que peut-estre vous cognoissez, Madame, puisqu'il a demeuré dans vos rouinces? il n'y a pas seulement demeuré, responditla Nymphe, mais il y est né, dans vn bourg qu'on nomme Argental, & ie sçay que c'est vn homme qui a l'esprit assez bon s'il le vouloit bien employer; Il est pour le moinsextremément fin, reprit Merindor, & quand on n'en iugeroit pas par les effects, ie vous iure qu'on le cognoistroit à sa mine: Mais madame, continua-til, pour ne vous tenir pas ce discours en longueur, ie vous diray que Gondebaut le caressa gradement, & que luy ayant dità quoy il s'en vouloit seruir, il suy remit vne des settres de Sigis Dern. part.

mond, & apres luy auoir promis vn eternel filence, & vnerecompense digne du service qu'il luy rendroit s'il en vouloit contresaire les caracteres, il obtint tout ce qu'il voulut, & luy mesme luy dicta cette lettre.

# DE SIGISMOND A DORINDE,

C'Est plustost la Tyrannie de Gondebaut que ma volonté, qui me
donne pour mary à la fille du Roy des
Theutons; mon desespoir est si violent,
qu'il m'empesche de vous entretenir des
douleurs que ie souffre dans cette contrainte, & cette moitié de bague que
ie vous renuoye, vous apprendra qu'on
ne scauroit apporter de remede à ce
malheur. Ie voudrois bien vous pouuoir donner quelque consolation, mais
si mon esprit m'en resuse à moy-mesme.

que pourroit-il inuenter pour soulager vostre desplaisir; En sin Dorinde, ie suis marié, & ie voudrois aussi bien pouuoir dire que ie suis mort; mais le Ciel qui me reserve aux extremes supplices, veut que ie viue pour mieux ressentir celuy que me fait endurer nostre separation : accusez de mon changement, la necessité qui me force de violer la foy que ie vous auois donnee, et si vous auez encore quelque inclination à m'obliger, cherchez entre les bras de Merindor le repos que nostre mauuaise fortune vous a refuse aupres de Sigismond.

Cependant que le Roy dictoit cette lettre, Squilindre l'escriuoit de son escriture
ordinaire; mais aussi tost qu'elle sut acheuee, il mit deuant soy celle qu'on luy auoit
donnee de Sigismod, & puis il l'imita si parfaittemet, que si le Roy luy-mesme ne l'eust
vou escrire, il ne se sut iamais persuadé qu'elle n'eust esté peinte de la main de son sils.
Cela fait, Gondebaut congedia Squilindre, & commanda à Ardilan de le saire
recompenser au double de ce qu'il pouuoit

912 LA DERNIERE PARTIE D'ASTREE, pretendre : apres cela se tournant à moy voyez vous Merindor, me dit-il, tout depend autourd'huy devostre bonne conduitte, ie vous ay desia dit, que si vous procedez en cecy auecque iugement, outre que l'amour que vous auez pour Dorinde, aura vne fin selon vos desirs, encore receurezvous de moy des auatages plus grands peutestre, que vous ne vous imaginez: Vous auez assez d'esprit pour mesnager cette affaire comme il faur, & quand vous n'y auriez point d'autre interest que le mien, ce seroit assez pour me faire bien esperer de vostre proceder. le veux donc que vous partiez le plus promptement qu'il vous sera possible, & que vous alliez treuuer Dorinde, commé si vous y estiez mandé de la part de Sigismond; vous ne serez pas plustost aupres d'elle, qu'à la premiere commodité que vous aurez de l'entretenir, vous luy direz qu'elle ne doit plus rien pretendre en la Coronné des Bourguignons, puisqu'elle a esté desti-née pour la fille du Roy des Theutons, dont les Ambassadeurs, Sigismond & moy, auos signé les Articles: ie sçay bien que cela l'affligera, mais vous estes assez honneste hom-me pour luy faire sousseit cette perte aues fort peu de regret, sur tout si comme vostré amour vous l'enseignera, vous luy represenrez qu'elle ne laissera pas pour cela d'estre

Reyne, puisqu'elle la sera de vostre cœur: le luy respondis, que l'estois tout disposé d'obeirà ses commandemens, mais qu'il se presentoit vn obstacle à mon voyage, c'estoit que l'estois engagé à vne partie que Sigis-mondauoit faite, pour courre la bague ce iour-là mesme, & que si ie m'en allois dehors, il estoit à craindre qu'il s'é apperceust. A ce mot le Roy se frotta la teste assez long-temps, sans dire vn seul mot, puis tout à coup, n'importe, dit-il, vous partirez sur le foir, & quelque haste que Rossleon, Lindamor & les autres Cheualiers d'Amasis avent de s'en retourner, ie feray tous mes efforts pour les arrester encore demain, afin que deuant qu'ils puissent auoir dit à Dorinde que Sigismond n'est pas marié, vous ayez eu le temps de la faire consentir à vous espouser, & c'est en quoy si ie neme trompe, vous ne treuuerez pas de la difficulté; car le despit de voir que Sigismond l'aura abandonnée, sera cause qu'elle vous accordera tout ce que vous voudrez, & qu'elle croira s'estre bien vangée, quand elle vous aura donné sursa liberté, le mesme empire que mon fils y pretedoit: que sicela arriue, ie ne me mets pas beaucoup en peine de tout ce que Sigifmond fera apres, car s'il entreprend quelque chose contre vous ou contre mon seruice, ie treuueray bien les moyens de le remettre

914 LA DERNIERE PARTIE D'ASTREE, à son deuoir. Tel fut, Madame, le commandement que ie receus du Roy, qu'Amour me fit accepter, m'ayant fait deuenir aueugle comme luy, car c'est sans doute que s'il ne m'eust osté toute lumiere d'esprit, i'eusse preueu facilement le malheur qui m'en est aduenu depuis: Mais pour vous acheuer ce peu qui me reste à vous dire, sçachez grande Nymphe, que, les courses acheuées, où tout le mondesit assez bien, mais où Rosileon entr'autres, & Lindamor se firent parfaittement estimer, ie partis resolu de marcher tout le long de la nuict; mais il vint vne si grande pluye, que ie sus contraint de m'arrester au premier village que ie rencontray. Le lendemain, qui fut hyer, ie partis de fort bon matin, & comme vous vistes, Madame, i'arriuay chez vous d'assez bonne heuree: Ie ne vous ditay pas de quel œil Dorinde me receut, car vous en fustes tesmoing, mais ie vous diray bien que ce fut auec vn meilleur visage qu'elle n'eust fait si elle cust preueu. lemessage que l'auois à luy faire. Ie luy dis que l'auois vne lettre à luy donner, de la part du Prince Sigismond, & en cet instant ie iugeay bien à ses yeux du contentemet de son ame, mais parce que vous voulustes soupper en ce mesme temps, i'attendis de la luy presenter que nous fussions hors de table; vous

pristes peut-estre bien garde, Madame, co-me elle me tira à part? Ie le vis vrayment, respondit Amasis, & me doutay bien que c'estoit autant pour l'amour de Sigissmond, que pour l'amour de vous; Or, Madame, il faut que vous sçachiez, dit Merindor, en continuant, que ne voyant personne aupres de nous qui nous pust interrompre, d'abord elle me demanda la lettre que le Prince luy escriuoit, ie sis alors semblant de la chercher; & pour la preparer en quelque sorte à receuoir la mauuaise nouuelle qu'elle y deuoit lire, mais belle Dorinde, luy dis ie, il semble que vous vous promettiez de trouver dans cette lettre quelque, grand suiest de contentement. quelque grand suiect de contentement? pourquoy non, me dit-elle en sousriant, puisqu'vn si grand Prince m'a fait l'honpuisqu'vn si grand Prince m'a fait l'honneur de me l'escrire; ie ne sçay, reprisie, feignant de ne la pouuoir treuuer encore, ce que c'en sera: mais, à ce mot ie
m'arrestay, & Dorinde iettant les yeux
sur mon visage, y remarqua tant de froideur, qu'elle ne put resister à vne secrette
crainte, qui luy dit que ses affaires n'alloiet
pas si bien qu'elle se figuroit. Elle changea
donc de conseuren cet instant, & puis s'imaginant que ie ne disois cela que pour la
tromper, le pense, me dit-elle, Merindor,
que vous me voulez saire achetter le contéque vous me voulez faire acherter le conté-

916 LA DERNIERE PARTIE D'ASTREE, tement que l'auray de voir cette lettre?mais donnez-là moy promptemet, puisquecette faueur n'ayant point de prix, aussi bien ne la sçaurois-ie iamais payer. A peine eut elle a-cheué ce mor, que ie sis semblant de l'auoir treuuée, & la luy donnant, tenez Madame, luy dis-ie, veuille le Ciel que vous y treuuiez le mesme plaisir que vous vous en estes desia promis. Ces dernieres paroles renouuellerent les frayeurs de Dorinde, de sorte que receuant cette lettre auec vn visage vn peu troublé, elle l'ouurit d'vne main tremblante, & enfin y leut cela mesme que ie vous ay desia dir. Si par l'interest que mon amour me faisoit auoir pour elle, ie n'eusse point eu de part en sa peine, l'eusse bien ry des façons qu'elle sit en lisant ce qui estoit escrit das ce papier, car, Madame, elle n'eut pas plustost veu les trois ou quatre premieres lignes, qu'elle essaya de dementir ses propresyeux, & passant la main sur les mots qui luy desplaisoiet le plus, il luy sembloit qu'en les frottant, elle en pourroit changer le sens ou les paroles; toutefois n'y treuuantiamais qu'vne mesme chose, elle acheua en fin cette triste lecture : mais aussi-tost qu'elle fut arriuée où Sigismond luy conseilloit de rechercher du repos entre mes bras, la colere la surprit, & i'ouys qu'elle dit assez bas, Ouy perfide, s'il m'auoir vne fois esté permis de

917

c'aller arracher de l'estomach ce cœur que tu auois promis de me conseruer si sidellement. A ce mot elle se mit à souspirer, & perdant enfin contenance, elle pleura tout de bon: Il est vray qu'ayant mieux aymé que ie fusse tesmoing de ses larmes, que vous, elle se tourna tout à fait de mon costé, & puis quand elle put parler, elleme dit; mais ne sçauray-ie point, Merindor, d'où est prouenu vn si soudain changement? Belle Dorinde, luy dis-ie, peut estre vous en rend-il compte dans sa lettre? nullement, merespondit-elle, il ne m'en parle point du tout, il m'escrit sculement qu'il est marié, & plust au Ciel qu'il n'eust pas suruescu le moment qu'il a mis à peindre ce mot; ie veux donc bien, luy repliquay-ie, vous en dire les circonstances, afin que si dans mon discours vous treuuez quelque subicct de l'excuser, yous amoindriffiez vostre douleur par la cognoissance des raisons qui vous ferons treuuer pardonnable son infidelité. Alorsie començay de luy dire tout ce que l'auois desia inuenté pour donner coulcur à ce mensonge; ie luy dis que Sigismond n'auoit pas esté plustost dans Lyon, que les Ambassadeurs du Roy des Theutons y estoient arriuez pour traitter cette alliance, & que Gondebaut, l'ayant trouvée fort auantageuse, auoit tourné Sigismod de tant de costez,

918 LA DERNIERE PARTIE D'ASTREE, qu'en fin il auoit tiré parole de luy qu'il y consentiroit; qu'apres cela le Prince s'estoit voulu desrober, mais qu'en ayant esté empesché, Clotilde auoit esté employee pour luy persuader ce mariage; que cette Princesse auoit vne fois perdu l'esperance d'en venir à bout, mais qu'enfin elle auoit eu tant de pouuoir sur luy, qu'elle luy en auoit fait signer les articles, & en mesme téps auoit retiré de luy cerre lettre, & cette moitié de bague que ie venois de luy rédre:à cela i'adioutay mille tesmoignages du regret que l'anois de m'estre veu le porteur d'une si fascheuse nouuelle, mais que ie n'en auois receu la comission, que pour auoir le tépsde la faire ressouvenir de messeruices, & no pas pour l'affliger; mon discours & ses larmes finirent en mesme temps, & ie vousiure Madame, que ie fus estonné de voir que sa douleur eust si tost trouvé du soulagement: pour le moins ie remarquay fur son visage vn changement extreme, & ie fus le plus surpris homme du monde, quand elle me dit, puis qu'il falloit en fin que ie sceusse la trahison de ce Prince mescognoissat, ie ne suis pas marrie que vo? m'en ayez apporté la nouuelle, souuenezvous, Merindor, que ie vous contenteray bien-tost, & que ie finiray mes iours aupres de vous; apres cela elle me quitta, & s'en alla où vous estiez: pour moy ie demeuray le plus satisfait homme de la terre, & dessors ie desiray que la nui fust bien tost passee, m'imaginant que le lendemain elle accompliroit sa promesse, ce qu'elle a fait, Madaine, mais d'vne façon bien differente à celle que ie m'estois proposee; & voicy de quelle façon elle y a procedé. Nous n'auons pas esté plustost arriuez ceans, qu'elle a feint de se trouuer mal, pour auoir vn pretexte de vous demander vostre chariot, & puis de prendre vne autre brisee que celle que vous deuiez tenir; vous, qui ne vous doutiez pas de son dessein, luy auez accordé tout ce qu'elle a voulu, mais vous n'auez pas estési tost partie, qu'elle m'a fait mettre dans le Chamot auecque elle, & a commandé qu'on la menast à Bon-lieu. Moy qui ne pensois qu'à mo amour, & à la promesse qu'elle m'auoit faite hyer au soir, Mais, belle Dorinde, luy ay-ie demandé, qu'auez vous resolu de faire à Bon-lieu?i'ay resolu, m'a telle dit, de vous tenir la parole que ie vous ay donnee, puis que Sigismond a manqué à la sienne. Iauouë qu'en ce moment tout mon sang s'est esmeu, & que ie me suis veu saisi d'vne ioye du tout extraordinaire: cela a esté cause que luy baisantla main, ie vous iure, luy ay-ie dit, chere Dorinde, que vous serez la plus heureuse de toutes les femmes : c'est bien, m'a telle respondu, ce que i'en attends,

929 LA DERNIERE PARTIE D'ASTREE. & sans cela iene m'y scrois iamais disposee. Auec semblables discours nous sommes arriuez au Temple, qu'on m'a dit estre dedié à la Vierge qui doit enfanter. Là Dorinde a fait arrester le Chariot, & m'a prié de l'attendre, par ce qu'elle auoit quelque chose à dire à l'vne des Druydes qui seruent dans ce Temple: Ie l'ay donc attendue pres de deux heures, & lors que ie commençois à perdre patience, i'ay oûy qu'on m'appelloit. Ausi-tost i'ay tourné la veuë de tous costez, mais ne voyat personne, i'ay ouy encore vn coup vne voix qui m'a commandé d'entrer dans vne petite sale, qui est vn peu à costé du Temple, & dont la porte s'est ouverte au mesme instant; moy qui ne sçauois à quoy deuoit reussir tout ce mystere, ie suis entré où l'on me commandoit, & là à trauers de grands barreaux de fer qui se herissent en pointes, & qui sont mis fort pres les vns des autres, i'ay apperceu Dorinde, qui m'a dit, Voicy Merindor l'effect de ma promesse, ie deuois finir mes iours aupres de vous, aussi auez vous esté le seul tesmoing de l'action qui me fait pour iamais mourir au monde: fi mon exemple vous peut toucher, pensez de bonne heure à vous retirer du naufrage, & cependant portez à la Nymphe Amasis cette lettre; que si elle vous demande la cause d'vne si sainte resolution, dites luy celle de vostre voyage, & adieu. A ce mot i'ay veu tomber vn papier à mes pieds, & tout à coup baisser vn grand rideau, qui m'a descobé la presence de Dorinde, sans que depuis is l'aye sceu obtenir, quelque instance que i'en aye saite. Voyant donc que ie perdois inutilement mes prieres & mes larmes, i'ay leué ce papier, & me suis remis dans le chariot, pour vous venir rêdre, comme i'ay fait, vn compte exact de la trahison de Gondebaut, de mon imprudence, & du desespoir de Dorinde.

Tel fut le discours de Merindor, auquel Amasis no sceut refusor des pleurs; & c'est fans doute que sa douleur se fust rédue plus violente, si elle n'eust esté bien affurée qu'elle n'estoit pas sans remede : se consolant donc en elle mesme, par l'esperance de pouudir empescher que Dorinde ne se confinast tout à fait dans les Carnutes, elle se leue, & s'en retournant à la maison, vous auez bien fair, dit-elle à Merindor, de m'auoir promptement aduertie de cet accidet, parce qu'il y a du temps pour y remedier, puis que, quelque priere qu'en fasse Dorinde, elle sera là dedans plus de deux Lunes deuant qu'on la reçoiue au vœu qu'il faut qu'elle fasse, pour estre mise dans le nombre des autres; ie né doute pas, Madame, respondit Merindor, qu'elle ne croye bien à ce que vous luy di-

922 LA DERNIERE PARTIE D'ASTREE, rez, mais ie crains bien qu'il n'y ait de la peine à luy persuader que Sigismond ne l'a point trompee cet artissee a esté con-duit si malicieusement, & on luy a si-bien donné les couleurs de la verité, que dif-ficilement luy en fera ton cognoistre la fausseté, d'autant mieux qu'on n'a pas pour cela de si fortes marques que celles que ie luy ay donnees de l'inconstance de ce Prince: & c'est bien, Madame, ce qui me desespere, car il n'est point desormais pour moy de retraitte assurce. Sigismond ne sera pas plustost aduerty de ma meschanceté, qu'il vsera de sa puissance pour me destruire, & ienel'enscaurois condamner, car ie cognois bien ma faute, & sçay parfaittement, que mesme au prix d'vn Empire, ie nedeuois iamais consentir à faire vne mauuaise actio: En cela, dit Amasis, vous auez beaucoup de choses qui vous excusent, & quand ie ne mettrois pointen copte la passion que vous auiez pour Dorinde, encore est-il vray qu'il vous eust esté difficile de n'obeyr pas à Gon-debaut, qui vous eut perdu de mesme, si vous eussiez refusé d'executer son commandement:Madame, repliqua Merindor, il m'eut tousiours esté plus glorieux de perir de cette façon que de l'autre, & i'eusse eu vne tres-grande satisfaction de mourir sans honte, & sans auoir fait d'outrage à ma reputation;

souvenez-vous, adioura Amasis, que tous ceux qui cognoistront bien ce que peut vne passion quand elle est iointe aux commandements d'vn Roy, tel qu'est Gondebaut, trouueront plustost dequoy vous excuser, que dequoy vous condamner; toutefois, ie vous offre vne retraite chez moy, & vous promets de faire vostre paix quec Sigismod, pourueu que comme vous auez contribué en la faute, vous vous aydiez à en faire la reparation. Madame, respondit le Cheualier, l'auois fait dessein d'aller mourir parmy les Transalpins, sous vn autre nom que le mien; la gloire des combats y appelloit mon courage, mais puis que vous iugez que ie suis necessaire pour guerir le mal que i'ay fair, ie reçoy auec humilité l'offre que vous m'auez faite, Madame, & promets de ne rien espargner de ce qui dependra de moy, pour rendre à Dorinde le contentement que le luy ay desrobé.

Disans cela ils entrerent dans la chambre d'Adamas, qu' Amasis trouua affligé outre-mesure, & apres auoir passé vne partie de la iournee auecque luy, elle sit venir Rosanire, Galatee & les autres, par ce qu'elle vouloit se retirer de bonne heure pour aller trauailler à faire sortir Dorinde du lieu où elle's'e-

stoir enfermee.

Fin de l'unziesme Liure.

-sic for Assemble Committee Committe

At successful state of the suc



#### LA

### DERNIERE PARTIE

# D'ASTREE.

LIVRE DOVZIESME.

advertise elle

M A s 1 s ne communiqua point à Galatée, ny à Rosanire, la resolution de Dorinde, pour ce qu'elle creut, que deuat qu'elles en peussent estre

aduerties, elle auroit eu le temps de l'en diuertir; seulement elle leur dit qu'elle estoit allée iusqu'à Bolieu, & qu'ayant eu la curiosité de visiter le Téple des Carnutes, elle auoit fait dessein d'y estre durat tout le reste du jour, & de n'en sortir pas, qu'elle mesme ne prist la peine de l'aller querir. Elles crurent facilement au discours de la Nymphe; d'autant mieux que ne sçachants rien de la tromperie de Gondebaut, elles neussein iamais pensé que Dorinde eust eu qu'elque

Dern:part: Mmm

926 LA DERNIERE PARTIE D'ASTREE, suiect de quitter le monde; mais quand elles eurent supplié la Nymphe de leur permettre de l'yaccompagner, & qu'elle leur eut refusé ce contentement, alors elles commencerentàse douter de quelque chose, & à soupçonner vne partie de ce qui luy estoit arriué. Toutefois, de peur de desplaire à Amasis, elles ne la presserent pas de leur permettre ce petit voyage, bien que la douleur qu'elles voyoient peinte sur le visage de Merindor, & la mauuaise humeur où auoit esté Dorinde depuis l'arriuee de ce Cheualier, leur en eussent donné vne curiosité nompareille.

Ainsi elles ne furent pas plustost arriuces à Isoure, qu'Amasis les laissa dans le Palais,& sans autre compagnie que celle de Merindor, elle prit le chemin de Bon-lieu; à peine eut elle fait deux ou trois cens pas, qu'elle apperceut vn ieune homme qui venoit en diligence, & peu à peu distinguant les couleurs de son habit, elle ne fut pas long temps sans cognoistre que c'estoit le petit Meril qu'elle auoit laisse dans Marcilly: elle sit doc arrester le Chariot, & ce ieune garçon ne fut pas plustost aupres d'elle, que metrant vn genouil en terre, Madame, dit-il, auec vn visage tout riant, Lindamor est deretour depuis vne heure, & les Princes, Rosileon, & Godomar font venus auecque luy, ils

LIVRE DOVZIESME. ontiesté fort empeschez quand ils ne vous ontpointtrouuee dans le Chasteau, ny pas vnesde vos Nymphes, mais quand ils ont sceu que vous estiez icy, ils ont fait dessein de laisser tout leur equipage dans la ville, & de vous venir surprendre, en effect ils arriueront bien-tost; & i'ay creu que vojus auriez agreable que l'eusse pris le soing de vous enaduertir, afin, Madame, que s'il faut mettre ordre à quelque chose; vous ayez au moins vn peu de temps pour y penser. Amasis fut extremement contente de cette nouvelle, & le petit Meril le cognut bien aux caresses qu'elle luy fist; mais Merindor qui se cognoissoit coupa-ble, s'imagina incontinent que Sigismond auroit descouvert son crime, & qu'il auroit envoyé Godomar seulement pour s'en vanger : il se resolut donc à tout ce qui luy pouvoit arriver de plus funeste, & sé preparant de mourir au moins en Cheualier, la Nymphe remarqua qu'il auoit vn peu changé de visage; cela fut cause qu'elle luy en demandale suiect : Er Merindor, Madame, luy respondit-il, ie sçauois bien que Rossleon, Lindamor, Damon, Alcidon & les autres ne demeureroient pas long-temps apres moy, car à chaque mo-ment ils sollicitoient le Roy de leur permettre de s'en reuenir, maisie ne puis con-

Mmm ij

928 LA DERNIERE PARTIE D'ASTREE, prendre quela esté le suiect qui a ramené le Prince Godomar, puis qu'il n'a plus icy d'ennemis à vaincre, s'il neme donne ce no, pour le crime que l'ay commis contre le cotentement de son frere; ie ne pense pas, repris Amasis, qu'autre que Lindamor l'ait obligé à me venir reuoir, & i'en sçay bien à peu pres la cause; mais, continua telle, apres auoir commandé qu'on la ramenast au Palais, ne vous en mettez point en peine Merindor, ie prends sur moy la charge de vous guarentir de quelque mal que vostre peché vous fasse craindre. Apres quelques autres discours la Nymphearriua à Isoure, & ne vid pasplustost Rosanire, Daphnide, Madőte, Galatee, & les autres, qu'elle leur fit part de la bone nouvelle que Meril luy avoit apportée. Amour sçait de quelle ioye elles furét saisses à cet agreable rapport; mais come la naissance donoit à Rosanire vne plus grade liberté d'en tesmoigner le ressentiment, elle fut la premiere qui parla, & qui eut le soing de s'enquerir s'ils viendroiet iusqu'à Isoure; avant donc appris ce qu'elle desiroit, elle courut à la fenestre, pour voir s'ils ne paroistroient point; mais en ce moment elle ouyt vn bruit de cheuaux dans la basse Cour, &vn peu apres, elle apperceut Rossleon à qui Damonaydoit à descédre; Lindamor en auoit desia fait de mesme à Godomar, si bien qu'à

peine Amasis & ces Dames eurent le temps d'aller iusques sur le degré, qu'ils arriuerent aupres d'elles, & les saluerent auec des marques d'vn extreme contentement: Rossleon fut le premier qui s'informa du suiect qui les auoit fait deuemir Bergeres, & cependant que Rosanire luy iuroit qu'elle n'auoit esté inconstante qu'en ce changement, Godomar ietta les yeux de tous costez pour voir s'il n'apperceuroit point Dorinde:mais y ayat en vain employé du foing & du téps, il s'addressa enfin à Amasis, & luy demanda ce qu'elle estoit deuenuë, à quoy la Nymphe respondit assez bas qu'il falloit vn peu de loisir pour contenter sa curiosité, & que les accidents qui estoient arriuez à cette belle fille depuis qu'il estoit party, meritoient vne secrette audience : ils se separerent donc vn peu de la compagnie; & bien tost apres s'estants mis dans le chariot de la Nymphe, ils sortirent du Palais, & ne surent pas plustost sur le chemin de Bon lieu, qu'Amasis luy raconta tout ce qu'elle auoit apris de la tromperie de Gondebaut, & de la resolution de Dorinde: toutefois deuant que luy en comencer le discours, elle tira paroie de luy qu'il ne luy refuseroit pas vne chose qu'ello luy vouloit demander; de sorte qu'ayant tesmoigné qu'elle desiroit qu'il pardonnast à Merindor, il iuraqu'il ne luy en tesmoi-

Mmm iii

930 LA DERNIERE PARTIE D'ASTREE, gneroit iamais aucune mauuaise volonté. Ce discours les entretint iusques aupres du Temple, où Amasis ayant mis pied à terre, & ayant supplié Godomar de l'attendre dans le chariot, elle demanda qu'on luy fist voir Dorinde; aussi tost les portes luy furent ouuertes. & à peine eut elle descendu quelques degrez pour aller sous les voutes où l'o auoit accoustumé de faire les Sacrifices, que cette belle fille luy fut amenee par la sage Cleontine qui la tenoit par la main. Amasis ne put s'empescher de sousrire, quand elle la vid approcher auec vn visage aussi composé, que si elle cust desia demeuré dix ans parmy elles; toutefois voyat que l'heure la pressoit de s'en retourner, elle la tira à part, & luy parla en ces termes; Belle Dorinde, ie ne viens pas icy pour combattre vostre resolution, car ie la veux approuuer si vous la trouuez legitime, mais seulement pour vous aduertir d'une meschanceté la plus noire qui ait iamais esté inuentee pour ruiner vne affection; il ya quelque apparence que vous deuezadiouter foy à mes paroles, puis que si vous cosiderez ce que ie suis, vous iugerez bien que ie ne voudrois pas authoriser vn mensonge: ie vous diray donc que vous auez esté trahie, ie le sçay madame, respondit Dorinde en l'interrompant, Morindor m'en a donné de trop asseurez tesmoignages. Cen'est pas ce

que ie veux dite, reprit Amasis, c'est Gondebaut, & non pas Sigismond, qui est l'autheur de cette perfidie, mais afin que vous n'en soyez plus en doute, ie vous en diray fidellement la verité. A ce mot, Amasis luy raconta brieuement la confession de Merindor, mais voyant que Dorinde ne s'en esmouuoir point, & qu'au contraire, par de petits sousris il sembloit qu'elle se mocquast de tout ce qu'elle disoit, ie voy bien, continuatelle, que vous ne croyezpas encoreàmes paroles, mais pour l'amour de moy, venez iusqu'où est mon chariot, & ie vous en donneray vn irreprochable tesmoignage: Dorinde qui creut qu'Amasisse vouloit seruir de cetartifice, seulement pour l'enleuer, protesta au commencement qu'elle ne sortiroit point du Téple; mais apres que la Nymphe eut iuré de l'y reconduire, elle se laissa peu à peu emmener. A peine fut elle hors de la porte, que Godomar se ietta en bas du chariot, & la serrant entre ses bras, ma sœur, luy dit il, depuis quand auez vous creu qu'il vous estoit permis de disposer de vostre personne, au preiudice des promesses que vous auez faites à Sigismond? à ce discours Do-rinde demeura toute surprise, d'autant mieux qu'elle ne pensoit pas que Godomar fust de recour; toutefois se remettant vn peu," Seigneur, luy respondit-elle, i'ay iugé que sa Mmm iiij

foy violée dispensoir la mienne de mes sermets, & l'on ne me doit pas blasmer, sine pouvant survivre son insidelité, i'ay voulu choisir vn genre de mort si honorable: chere Dorinde, reprit Godomar, vous viurez long temps si vous ne deuez mourir que quand mon frere vous changera, ie vous iure que son amour ne sut iamais si grande qu'elle est, & ie vous en rapporte vne preuue, que peut estre vous n'attendiez pas, disant cela, il luy remit vn petit papier, où elle trouva ces mots escrits auecque du sang.

# BILLET DE SIGISMOND

### A DORINDE.

N dit que le sang figure la cruauté, mais ie veux que cettuy-cy vous soit vne marque eternelle de mon amour & de ma foy; receuez-le comme vostre, chere Dorinde, & souvenez-vous que ie n'en seray pas auare, s'il faut que i'acquiere vo-stre beauté par mes armes, comme i'ay designation phé de vostre cœur par mes seruices.

A la veuë de cette lettre Dorinde sut veritablement touchee, & Godomar quis'en apperceut prit si bien son temps, qu'il acheua de la persuader; il luy iura tant de choses en saueur de Sigismond, qu'elle creut ensin qu'il pouvoit estre vray que Gondebaut l'eust trompee: ainsi ne croyant pas estre obligee à suiure sa derniere resolution, elle

consentit qu'Amasis parlast de sa sortie à celle des Druydes qui auoit le principal comandement, & puis s'en retourna auec elle & Godomar, dans le Palais d'Isoure, où elle n'eut pas plustost entretenu Merindor, qu'elleseremit en sa bonne humeur.

D'autre costé Adamas, apres auoir entiérement perdu l'esperance de trouuer iamais de remede qui pust arrester la colere des Dieux & leur faire reuoquer l'Arrest qu'ils auoient prononcé contre la vie de Syluandre, se disposa de leur obeyr, & sit veu que ce Sacrifice seroit le dernier qu'il leur feroit iamais; il fit donc commander aux Eubages & aux Vacies de se tenir prests, & luy mesme enuoya dresserpres de la Fontaine, le bucher sur lequel le corps de Syluandre deuoit estre brussé: En essect l'Aurore n'eut pas plustostannoncé le retour de l'Astre qui deuoitesclairer à ce funeste spectacle, que Syluandre fortit du lict, & s'en alla dans la chã-. bre du Druyde, pour luy montrer qu'il estoit prest d'aller où le Destin l'appelloit. Adamas le receut auecque des larmes, mais voyant que ce Berger ne s'en esmouuoit point, & que sison visage portoit les traits d'vn home qui deuoit mourir, c'estoit d'vn homme qui mouroit content, il ne put s'empescher de ioindre au regret de le perdre, vne admiration de le voir si courageux.

LIVRE DOVZIESME.

Mais si l'esprit de Syluandre fut assez fort pour resister à cette derniere attainte, celuy de Diane sut d'autant plus foible; car cette Bergere ne vid pas plustost le iour, qu'en ce moment elle sentit resueiller dans son cœur les plus sensibles desplaisirs dont une ame puisse estre assigée; toutefois ne pouuant pas souspirer assez librement, elle se desroba d'aupres d'Astree, & s'en alla ouurir vno fenestre le plus doucement qu'elle put. Ce fut-là, que l'air receut ses souspirs, & que les Ecos d'alentour semblerent s'approcher de sa voix, pour en apprédre les plaintes. Cette triste occupation l'entretint vn peu de teps, mais enfin, comme elle iettoit les yeux en diuers endroits de la plaine, elle vidarriuer les Vacies & les Eubages qui deuoient assister au Sacrifice, où son repos deuoit estre immolé, en le personne de Syluandre. Cet obiect la toucha si fort, que sans péser que ses regrets pourroiet esueiller Leonide & Phillis qui dormoient dans vn lict assez proche de la fenestre où elle estoit ah Dieux!s'escriațelle,n'aye-ie donc plus qu'vn moment à viure; cruels ministres de la vageace des Dieux, que n'estes - vous plustost employez pour moy que pour mo Berger? Pour quoy les Destins n'en veulent-ils à ma vie, & s'ils se plaisent à persecuter l'innocence, qui les oblige à m'espargner ? disant cela elle souspira si

936 LA DERNIERE PARTIE D'ASTREE, haut, que Phillis s'esueilla, qui voyant Diane toute esploree, n'eut pas beaucoup de peine d'en deuiner le suject. Elle se ietta doc vneiuppe dessus, & se mettant sur la mesme fenestre où desia sa compagne estoit appuyee, ma sœur, suy dit-elle, ie ne vous demande pas quelle est la cause de vos larmes, puis que voicy le deplorable iour que Syluandre nous doit estre rauy : helas, repliqua Diane, quand nous en aurions perdu la memoire, voylà des obiects assez capables de nous en faire ressourchir: Alors elle luy sit remarquer les Eubages & les Vacies, qui venoient treuuer Adamas, & puis luy faisant porter les yeux en d'autres endroiets; Ne voyezvous pas, continua-telle, comme tous les bergers quittent leurs hameaux, pour venir affister à cette funeste ceremonie? admirez, ie vous prie, le soing qu'ils ont eu de se leuer matin, & ne diriez vous pas à les voir venir si en haste & en foule, que la crainte de quel-ques ennemis leur fait abandonner leurs cabanes? bons Dieux! adiousta-telle, faut il que l'aye tat de tesmoings de mon malheur. A ce mot elle se teut, & Phillis quine pouuoit croire que ce ne fust vne iniustice de la vouloir consoler dans vne si iuste affliction, n'osa iamais ouurir la bouche pour luy respondre, mais tenant encore l'œil attaché

fur les obiects que Diane luy auoit fait remarquer, elle en perdit peu à peu la veuë, car ses pleurs la luy desroberent insensiblement.

Presque en mesme temps Leonide & Astree s'esueillerent, & voyans Diane & Phillis leuces, elles s'habillerent fort promptement, Phillis acheua aussi de s'habiller, mais Diane qui auoit à peine la force de se soustenir, seremit au lict, à la persuasion de ses compagnes: Elle n'y fut pas plustost, qu'Astrée & Phillis s'assirent aupres d'elle, & de peur que Bellinde les vinst interrompre, elles supplierent Leonide de faire en sorte qu'elle ne vid point Diane, pour le moins iusqu'apres le Sacrifice, ce que la Nympho leur ayant promis, elle sortit, & s'en acquitta comme elles desiroiet; car Bellinde qui so douta bié que Diane ressentiroit la perte de ce Berger, consentit facilement à luy laisser tout le reste du jour pour le plaindre. Cetto petite liberté servit d'vn peu de soulagemet à son mal, toutefois comme il est presque impossible qu'vn peu d'eau esteigne vn grad feu, l'aliegement qu'elle en receut ne fut presque pas cognoissable.

Cependant les Eubages estoient dessa entrez chez Adamas, & ceux que la ouriosité auoit coniurez à ce triste spectacle estoient attendants autour de la maison, quand A-

938 LA DERNIERE PARTIE D'ASTREE masis, Godomar, Rosanire, Galatee, Rosileon, Dorinde & les autres se rendirent aupres du Druyde. Le bruit que toute cette compagnie fit entrant dans le logis, fut affez grand pour venir iusqu'aux oreilles de Diane, qui se doutant bien du suject qui les ame noit, sentitredoubler en son ame la violence de sa douleur: Astree & Phillis s'é apperceurent incontinent, mais n'y pouuant apporter de remede elles ne firent autre chose qu'accompagner de leurs souspirs ceux de cette triste Bergere. Elles furent doncainst quelque temps sans parler, mais tout à coup Diane interrompant leur silence, Cheres sœurs, leur dit-elle; les seules confidentes, à qui l'ay comuniqué mes peines & mes plaisirs, dittes-moy, ne vous semble-til pas que le Soleilse haste plus qu'à l'ordinaire, & qu'il luy tarde que Syluandre ne soit desia mort? helas! qu'à fait ce pauure Berger contre la Nature, qu'elle ait tant d'enuie de le voir perir. A cemot elle se teut, puis se mettant à resuer prosondement; mais quoy, reprit-elle tout à coup, seroit-ce en luy vne marque d'amour ou d'ingratitude s'il partoit sans me dire Adieu? Chere Astree, adiousta-telle, se tournant de son costé, par pitié faites que ie le voye, dittes-luy qu'il ne craigne pas de m'affliger, aussi bien cela n'est dessa plus en sa puissance, car mes douleurs

sont au plus haut point où elles puissent iamais arriver; Bons Dieux, continua-telle, s'il donne sa vie pour obeyr aux destins qui luy sont ennemis, oseroit-il refuser vne seule parole à sa maistresse: Disant cela, ellerecomeça de souspirer, & Astree quine cherchoit que les occasions de luy plaire, fut bien aise d'avoir eu cette commission, d'autat mieux qu'elle se douta bien que Celadon seroit auecque luy; en effect elle ne fut pas plustost entree dans la sale, où desia tout le monde estoitassemblé, qu'elle le rencontra, & Celadon luy prenant la main & la baisant, maintenant, dit-il, ie puis assurer qu'il est iour, puisque ie voy mon Astreleué; VostreAstre, respondit la Bergere, sera tout auiourd'huy bien obscur, car les douleurs de Diane, & le malheur de Syluadre, luy sont vn importun nuage; Alors Celadon voulut parler, mais Astree s'estant approchee d'Adamas, mon pere, luy dit-elle assez bas, Diane veut mourir, ou voir Syluandre, & ie croy qu'elle se desesperera,si on ne luy permetau moins de luy dire le dernier Adieu. Le Druyde qui iugea que sas iniustice on ne luypouuoit interdire cette consolatio, en aduertit incotinent le Berger, qui n'ayant plus à surmonter que cette difficulté, se disposa de la vaincre. Astree donc le conduisit, dans la chambre de cette Bergere affligee, & pour leur donner plus de commodité de se dire en ce dernier moment leurs plus secrettes pensees, elle prit Phillis par la main, & sans leur laisfer d'autres tesmoings, que l'Amour & la pitié, l'emmena das vn cabinet fort proche.

Dés que ce Berger entra dans la chambre, à peine que Diane ne sortist du monde, elle fit d'abord vn grand cry, & se leuant vn peu sur le lict, elle croisa les bras, & fit voir sur son visage de si puissantes marques de son transport, que Syluandre apres les auoir vn peu cosiderees, sentit faillir presque en mesme temps son courage & ses forces. Cette grande resolutió qu'il auoit tesmoignee ius. qu'alors, fut entierement bannie, & comme l'obiect esmeut les puissances; il luy fut impossible de relister à la douleur que luy causa la presence de Diane: Ainsi ce pauure Berger n'estoit pas encore arriué au milieu de la chambre que les genoux luy failliret, sur lesquels estant tumbé, & se sentant peuà peu esuanouyr, il se laissa choir sur le costé, à deux pas du lict de sa maistresse: Diane cepédant qui le voyoit pasmer, souffroit vne extreme peine de ne le pouuoir secourir, toutefois enfin s'imaginant qu'il n'estoit plus temps de s'arrester sur de petites considera= tions, elle se ietta en bas du lict, toute en chemise, & voulut ayder à le releuer, mais ne luy treuuant plus de mouuement, peu s'en fallut

Livre Dovziesme. 941 fallut qu'elle ne rendist l'ame; son desespoir fit alors vn dernier effort, & c'est sans doute que si la douleur pouuoir tuër, son affliction l'eut empesché de viure mais comme elle estoit reservee encore à d'autres desplaisirs, cet accident ne luy osta pas mesme la parole, car apres qu'elle se fut panchee sur le visage de Syluandre, Pauure Berger, ditelle assez haut, n'est-ce pas vn grand malheur en moy, que ie sois la cause de tous ses maux que tu soustres; sans moy les Destins sans doure éussent espargnétavie; & simon interest n'éust esté messé dans tes disgraces, iamais ils n'eussent pris plaisir à terendre malfieureux. A ce mot elle se teut, & l'amour succedant à la pitié, fut cause qu'apresauoir ietré les yeux autour de soy, & ne voyant personne qui peust remarquer ses actions, elle le baisa, mais ie ne sçay si ce fur qu'elle demeura assez long-temps sur sa bouclie pour luy inspirer vne nouuelle vie, ou si l'éau des l'armes qu'elle respandit en futleremede, tanty a que ce Berger ouurit les yeux, pour marque qu'il n'estoit pas encore more: Et bien que Diane n'eust trauaille que pour le faire revenir, elle en fuc pourtant li surprise, à cause de l'estat où elle estoit, que se leuant auec assez de haste, elle courut pour se recoucher; mais comme elle cstoit desia extremément troublee, elle prit

Nnn Dern. part.

942 LA DERNIERE PARTIE D'ASTREE; si peu garde à ce qu'elle faisoit, que pensant se ietter sur son lict; elle donna vn si grand coup de la teste contre l'vn des piliers, qu'elle tumba renuersec sur le corps de Syluandre. Le premier ory qu'elle auoit fait, & le bruit qu'elle fit encore alors, furent çause qu'Astree & Phillis sortirent du cabinet, où elles s'estoient enfermees de peur de les interropre, & voyans d'abord vn si piteux spe-Azcle, elles ne douterent plus qu'ils ne fussent morts l'vn pour l'amour de l'autre: Tourefoiss'en estans vn peu plus approchees, elles virent que Syluandre mouuoit les bras, comme s'il eust voulu se demesser de dessous le corps de Diane, & cela fut cause qu'elles coururent prendre leur compagne, & la remirent dans le lict, L'effort qu'elles firent en la portat, la fit reuenir de sa pasmoison, mais pource qu'elle se porta incontinent la main sur le front, à cause de la douleur qu'eile y sentoit, elles prirét vn mouchoir, & luy presserent si fort l'endroit où la peau començoit de s'enleuer, que la marque n'y parut que fort peu. Syluandre aussi reuintentierement à soy, & s'estant traisné doucement contre le li&de Diane, aussi-tost qu'Astree & Phillis se furent retirees contre vne senestre, car elles ne voulurent plus sortir de la chambre, de crainte qu'il arriuast quelque nouueau malheur, Ie pensois, suy dit-il, belle Diane, que le Ciel m'aymeroit assez pour me

donner le contentement de mourir en vostre presence, mais à ce que ie voy, ses arrests sont irreuocables, & il faudra que ie meure immolé de la main d'Adamas: Cette derniereaction qui semble s'opposer absolument à ma felicité, ne me seroit pas pourtant beaucoup sensible, si ie ne voyois qu'elle trouble en quelque forte vostre repos, mais ma maistresse, adiousta til, en luy prenant la main, ne vous affligez pas dequoy on me sacrifie; les Dieux veulent auoir sur moy autat d'auantage que vous, & si par vn privilege de vostre beauté, ie vous ay fait autrefois vn sacrifice de mon ame, ils veulétauiourd huy. que ie leur en fasse vn de mon corps. En ce partage, tout le bien ce me semble, demeure de vostre costé, car n'ayant plus de cœur ny de volonté, que reçoluent-ils de moy qu'vn peu de bouë, qui deuoit aussi bie estre quelque iour la pasture des vers ou des Corbeaux? Cher Sylvandre, respondit Diane, auec vn profond souspir, encore en cela ne laissent ils pas de me rauir vne partie de mõ bien, car lors que vous me fistes ce sacrifice de vostreame, cene futiamais sous condition que ie ne pretendrois point d'empire fur vostre corps; vous vous donnastes à moy sans reserve, & me laissaftes assez de pouvoir pour faire de vous ce que le voudrois: que si maintenant ie n'ay pas l'authorité

Nnn ij

544 LA DERNIÈRE PARTIE D'ASTREE, de vous faire viure, ne confesserez vous pas qu'ils vsurpent tyranniquemet cela sur moy? Mais Sylvandre, ie veux bien leur ceder ce droit, puisqu'ils sont les absolus arbitres de nostre vie, & ne m'affliger pas de vostre mort, si vous me voulez accorder vne cosolation dont l'esperance est le seul bien qui me reste. Le Berger qui ne desiroit que luy plaire, promit de ne luy refuser pas, quelque remede qu'elle pust attendre de luy: & Diane reprenat la parole, ce que ie veux de vous continua-telle, c'est qu'en ce moment qui vous reste, vous me permettiez d'vser du pouvoir qu'autrefois vous m'auez doné sur vos volontez, & que vous treuuiez iuste le commandement que le vous fay de me permettre de mourir, au mesme instant que ie sçauray que vous ne serez plus au monde. Diane profera ce peu de mots auecvne tresgrande resolution, & Sylvandre qui ne pou-uoit oster les yeux de dessus son visage, sut si charmé par cette derniere preuue qu'elle luy donnoit de son amour, qu'il fut quelque temps sans pouuoir ouurir la bouche, Enfin laissant aller sa teste sur la main qu'il tenoit, Ma belle maistresse, dit-il en la baisant, voudriez-vous bien signer de voltre sang l'arrest de vostre affection & de mon infortune? Auriez-vous le courage assez fort pour me suiure en ce suneste passage, & n'auriez-vous

point de regret de quitter en mesme temps Pâris & la vie? Cruel, repliqua Diane, en l'interrompant, as-tu bien assez de courage toymesme pour m'offenser, & n'as-tu point de regret d'auoir douté que ma passion ne pust entreprédre toutes choses:Disant cela, ello parut vn peu esmeuë, & le Berger qui cognut bien qu'elle auoit eu suject de se fascher, Chere Diane, reprit-il, pardonnezà mon amour, s'il luy est eschappé de vous faire pa-roistre quelques traits de sa ialousie; les Dieux veulent que vous soyez à Pâris, & si ie le crains, treuuez-vous que mon apprehension n'ait pas vn fondement legitime? Ie sçay bien, repliqua Diane, qu'ils l'ont ordoné; mais sur ce poinct ie iure que ie feray moy-mesme mes destinees; souuencz-vous Syluandre, que ie ne puis estre qu'à vous, & que pour peu que vous m'attendiez, vous n'irez point sans moy, visiter les champs d'Elize. Ie vay donc, adiousta froidement Syluandre, mourir auec ce contentement d'esperer que nostre absence ne sera pas eternelle; ie vay, belle Diane, offrir à l'Amour vne despouille qui vous appartient, heureux de finir mes jours, si mon exemple vous peut empescher d'auoir quelque hor-reur de mesuiure: Adieu belle Diane, par pitié employez ces derniers moments à vous souvenir de mes services, & confessez que le 946 LA DERNIERE PARTIE D'ASTREE, Ciela quelque chose de barbare, quand il

consent à nostre separation.

Alors Syluandre porta sa bouche iusques sur le visage de Diane, & cette Bergere sutsi touchee de ces dernieres paroles, que pouuant à peine parler, Adieu, dit-elle, fondant toute en larmes, Adieu Syluandre, sois costant à ra Diane, & fay luy cognoistre que ton amour est de celles qui viuent mesmes dans le tombeau. A ce mot la voix luy faillir, & voulant hausser les bras pour l'embrasser, elle n'en eur iamais la force. Syluandre cependant se leua, & voyant qu'Astree & Phillis s'estoient approchees, Cheres compagnes de ma maistresse, leur dit-il, la larme à l'œil, ie vous laisse heritieres de tout le bie que m'apportoit la presence de Diane, & comme vous auez esté les seules confidenres de ses secrets & des miens, soyez les irreprochables tesmoings de la pureté de nos flames. Alors il les salua pour leur dire le dernier Adieu, & sans autre compagnie que celle de leurs larmes, il sortit enfin de la chambre, non passans en auoir cherché la porte deux ou trois fois, car la peine où il estoit, & les pleurs qu'il alloit versant, luy troubloient esgalement le iugement & la veuë.

En descendant le degré il essuya ses yeux, & composa son visage le mieux qu'il put,

LIVRE DOVZIES ME. 947
afin qu'il ne tesmoignast pas le regret qu'il
auoit de s'esloigner de Diane; & dés qu'il sur
entré dans la sale, cognoissant bien que toutes choses estoient prestes, & que personne
n'osoit luy dire qu'il estoit temps de s'en aller, il sollicita le Druyde de ne plus differer
ce funeste despart. Adamas ne pouvant rien
alleguer contre cela, sut contraint d'y consentir, de sorte qu'ayant ordonné des ceremonies & de l'ordre qu'il y falloit observer,
chacun se mit en chemin.

A peine toute cette grande trouppe fut hors de la maison, que Diane reprit la force & les esprits qu'elle auoit perdus en perdant la presence de Syluandre, & n'oyant plus aucun bruit, elle se douta incontinét de ce qui estoit arriué; Cela fur cause que toute en furie elle se ietta en bas du lict, & courant aux fenestres, où vas-tu, s'escria-telle, mon Syluandre,où vas-tu mon Berger? Est-ce donc auiourd'huy le iour qui me doit ofter l'esperance de te voir, & de te posseder iamais? Cruelles Destinees, adiousta-telle, quime le rauissez, par la plus iniuste loy qui fut iamais establie, pourquoy, si nous n'eusmes qu'vne mesme vie, souffrez-vous que nous ayons vne differente mort? Pauure Syluandre, ie suis donc la seule pour qui tu vas mourir, & la seule qui ne t'accompagne point en ce Nnn-iii

948 LA DERNIERE PARTIE D'ASTREE, triste voyage : helas ! sera-til dit, que pour t'auoir le plus d'obligation, ie doine auoir le plus d'ingratitude? Disant cela, elle se haussa vn peu sur la fenestre, pour mieux considerer son amant, que ses yeux auoient desia choisi parmy toute la troup-pe, mais, Astree & Phillis qui eurent peur qu'elle se jettast en bas l'arresterent, & la tenants embrassee, ma sœur, luy dit Astree, bien que ce mal-heur soit sans remede, & que vostre desplaisir soit infiny, donnez, ie vous supplie, quelque chose à nostre affection, & pour l'amour de nous resistez à ce desespoir, qui vous inspire à tous moments quelque funeste dessein contre vous-mesmes. Ah! ma sœur, respondit Diane, qu'il est doux de se voir au port, & confiderer les autres dans le peril d'vn naufrage: quand vous estiez en la peine où ie suis, vous sçauiez bien reierrer les conseils qui regardoient le dessein de vous faire viure, & pourquoy condamnez-vous maintenant en moy, cela mesmes que vous pratiqueriez si vous estiez en ma place? non non ma compagne, fouuenez-vous qu'il faut que ie suiue Sylvandre, & qu'il ne sera iamais de cossideration assez sorte pour m'en diuertir; que si vous me vouliez obliger, continua-telle, vous iriez toutes deux assister à cesacrifice, où l'on immolera la plus aymable Victime qui fut iamais; aussi bien n'ayant que yous pour considentes, ie ne dois pas attendre qu'autre aussi què vous, me rapporte fidellement les dernieres actions de sa vie. Phillis qui iugea bien que Diane auoit raison de leur faire cette priere, treuua à propos qu'Astree prist ce soing-là, puis se tournant à Diane, voyez-vous ma sœur, adiousta-telle, il ne faut pas que vous vous imaginiez que nous puissions toutes deux accepter cette commission; il faut de necessité que le demeure aupres de vous, car de penser que ie vous laisse seule à la mercy de vostre desespoir, c'est ce que ie ne feray iamais. Vous m'obligez, repliqua Diane afsez froidement, dans le soin que vous auez de ma conseruation; mais la faueur qu'Astree me fera ne sera pas moindre, si elle préd la peine de me redire les succez qui auront accompagné la mort de Syluandre: C'est pourquoy, ma chere sœur, continua-telle, se tournant à elle, ie vous coniure de ne me refuser pas cette satisfaction, puis que c'est la seule que l'attends en cette extremité. Astree n'osa pas s'opiniastrer contre les desirs de sa compagne, mais apres audir promis de luyraconter fidellement toutes choses, elle partit, & par ce que la trouppe n'estoit pas encore beaucoup esloignee de la maiion, elle s'yioignit bien-tost, & peu apres

950 La DERNIERE PARTIE D'ASTREE, à Celadon.

Diane pour cela ne s'ofta pas de la fenestre, au contraire, demeurant comme attachee par les yeux à la personne de Syluadre, elle ne cessa de penser aux moyens qu'elle pourroit inuenter, pour n'estre pas longtempsale suivre. Phillis regardoit aussi l'ordre de cette ceremonie, & n'ayant aucun obiect particulier qui pust arrester ses regards, à cause que dans cette multitude Licidas n'estoit pas cognoissable, elle alors considerant tatost vne chose tantost l'autre. Elle vid que les Eubages & les Vacies marchoient deuant, portants chascun en la main, les vases & les autres choses, dont on avoit accoustumé de seruir aux sacrifices; apres eux marchoit Adamas tenant Sylvandre par la main, & à huictou dix pas de luy, Amasis entre Godomar & Rosileon: vn peu apres, elle remarqua Bellinde, Rosanire, Galatee, Madonthe, & les autres, à qui les Cheualiers aydoient à marcher; & parce que le reste suiuoit auec assez de confusion, elle n'y sceut cognoistre Lycidas ce qui luy fit croire, que peut-estre n'auroit-il pas voulu assister à ce triste spectacle.

Dans cette consideration, ny Diane ny elle ne purent retenir leurs larmes: mais quand la distance du lieu, & l'espesseur des arbres leur eurent insensiblement destobé

la veuë de toute cette grande trouppe, ce fut alors que Diane esprouuaiusqu'où peutaller vne extreme affliction; elle n'en perdic pas la parole seulement; mais peu s'en fallut qu'elle n'en perdist aussi la vie : toutefois treuuant en cette extremité vn suiect de consolation, c'est trop, dit-elle tout à coup, se consommer en des regrets inutiles, Syl-uandre n'a plus besoin de mes larmes ny de mes souspirs, il faut que ie luy donne mon ame pour l'accompagner, si ie veux qu'il soit content dans la jouyssance de sa seconde vie; Disant cela elle se retira de la fenestre, & de fortune, iettant les yeux sur vn petit cabinet d'Ebene, elle apperceut vn cousteau qu'on y auoit oublié depuis deux iours, qu'elle & Astree auoient mangé dans cette chambre. Aussi-tost elle sut tentee de s'en saisir, mais craignant que Phillis la vid, elle dissimula son enuie, & feignant de se pourmener, elle attendit que sa compagne n'eust plus les yeux sur elle, pour auoir plus de commodité de faire son agreable larcin. Phillis donc ne tourna pas plustost les yeux, que Diane s'approcha du Cabiner, & s'estant saisse de ces armes, s'alla remettre dans le lict. Phillis y vintaussitost, & parce que Diane fut long temps sans faire autre chose que souspirer, elle n'osa pas seulement ouurir la bouche, afin s'ennuyant

952 LA DERNIERE PARTIE D'ASTREE, dans ce silence, ie voy bien, chere Diane, luy dit-elle, qu'il n'est plus temps que nous nous flattions par l'esperance de quelque bien, pour le moins si nous n'en attendons que du costé de Sylvandre: c'est par la voloté des Dieux qu'il nous estrauy, & ie croy que ce que nous pouuons faire de mieux, c'est de leur demander autant de parience qu'il nous en faut, pour supporter cet extreme mal-heur: Pour moy, repliqua Diane, i'ay desia preparé mon esprit, & ie vous iure, que depuis que l'ay aupres de moy vn si agreable remede, ie treuue que mes maux ne sont pas de beaucoup si violents. Phillis, qui ne sçauoit pas qu'elle eust caché vn cousteau, s'imagina qu'elle la prenoit pour cet agreable remede, elle luy respondit donc, Il est bien certain, ma chere sœur, que si vostre douleur pouuoit estre allegee par mon ressentimet, elle auroit bien-tost diminué de sa violence, car la part que i'y pretends est si grande, que iene croirois pas mentir, sie disois que ie la partage esgalement auce vous; mais ie sçay, que ie puis si peu pour vostre guerison, que ie meure si l'ose seulement entreprendre de vous consoler: ma chere sœur, adiousta Diane, c'est assez que ie sçache, que mes desplaisirs vous touchent, & que si vous estiez capable d'arrester mes mal-heurs, ou de me les faire oublier, l'affection & la pitié vous feroient entreprendre toutes choses.

Auec semblables discours, ces deux Bergeres s'entretenoient, en attendant le retour d'Astree, & cepéndant Syluandre arriua, où la mort deuoit triompher de luy. D'aussi loing qu'on put remarquer le Bucher, il n'y cut personne en toute l'assemblee qui ne chageast de couleur, luy seul le regarda sans effroy, & foudain que le Druyde y fut monté, & que les Eubages eurent posé dessus, les vases, & le cousteau, il y monta de mesme, & s'estant mis à genoux, apres auoir porté les yeux sur le Nuage, qui couuroit la fontaine de la verité d'Amour, Roy des ames, dit-il auec vne constance admirable, Puissante diuinité, qui n'eus iamais de plus beau Ciel que les yeux de Diane, Amour, puis que le deuois mourir pour satisfaire à l'offense que ma temerité commit en l'adorant; reçoy, doux Tyran, cette preuue de mon obeyfsance, & quelque punition que mon crime ait meritee, fait que par ma mort ta colere foitassouvie: A ce mot il se leua, & apresauoir quitté son pourpoinct, il sit signe au Druyde qu'il estoit tout prest de mourir. Sa grande resolution estonna toute l'assissace, & les moins sensibles donnerent des larmes à la disgrace de ce Berger, mais sur tous, A-stree & Celadon parurent affligez outre mesure, car si l'vn plaignoit le sort de Syluadre, l'autre ne regrettoit pas moins l'infortune de Diane. Adamas de son costé douta s'il autroit asse de vie pour acheuer ce sacrifice; toute sois s'en remettant à ce que les Dieux & sa douleur en ordonneroient, il commença de metttre la main à l'œuure.

Le Bucher qu'il auoit fait dresser, estoit haut enuiron de deux coudees, & afin qu'il pust cotenir plus de bois, il luy en auoit laissé six de logueur& de largeur, au dessus il auoit fait bastir vne forme d'eschaffaut de la mesme gradeur, mais hausse d'vne demy-coudee par dessus le Bucher, afin qu'apres que Syluandre auroit receu le dernier coup, le feu pust consommer en mesme-téps, & le Theatre & la Victime. Aussi-tost donc que toutes choses furent en estat, le Druyde prit deux grands flambeaux, qu'il alluma au feu qu'vn Vacie auoit apporté das vn petit vase d'argét, & les ayant remis à deux Eubages, il leur comanda de faire iusqu'à neuf fois le tour du Bucher. Apres cela, mais auecque vne main tremblante il prit le cousteau, & s'estant addresséau Berger, luy demanda s'il auroitassez de constance pour mourir sans qu'on luy bouchast les yeux, & Sylvandre ayant protesté que comoment estoit leplus doux de sa vie, il descouurit luy-mesme son estomach pour y receuoir le coup: mais Adamas s'offensant en quelque façon de son impatience,

LIVRE DOVZIESME. Syluandre, luy dit-il assez bas, la haste que vous auez de mourir, m'est bien vn signe de vostre courage, mais elle pourroit bien estre aussi vne marque de vostre desespoir; les Dieux n'ayment pas les actions precipitees, & c'est pour cela que ie vous coniure d'attétendre auec vn peu plus de patience, le coup que vous ne receurez que trop tost pour mo contentement: Nous auons accoustumé das nos sacrifices, d'arrouser le Bucher, de quelques gouttes de sang, que nous tirons de la victime qui doit estre immolee; c'est pourquoy, pour ne contreuenir point à cet ordre, ie mouilleray du vostre, ce bois, sur lequel vous deuez mourir. Sylvandre ne respondit rien aux paroles d'Adamas, mais apres auoir montre qu'il estoit prest d'obeyr à tout ce qu'il commandoit, le Druyde luy prit le bras vn peu au dessus de la main, & le Berger luy mesmes troussa la manche de sa chemise, pour ne laisser point d'obstacle à son dessein. Incontinent vn Eubage tendit vn vase pour receuoir le sang, & Adamas hausla la main pour faire la playe, mais à peine eut-il ietté les yeux sur l'endroit où il deuoit doner le coup, qu'il fut saisy d'vn estonnement extreme; il fut d'abord quelque temps sans se mouuoir, & sans pouuoir retirer ses regards de dessus le bras de Sylvandre, puis tout à coup se sentant affoiblir, il laisse choir se coufteau, & se iettant au col du Berger, ah! Syluandre, s'escria-t'il, ah! Pâris, ah/mon fils, Disant cela, il perdit tout à fait la force, & Syluandre messines n'en ayant pas assez pour le soustenir, sur contraint de se laisser tumber aucque luy sur le Theatre.

A la veue de cetaccident, ceux qui estoiet vn peu plus esloignez, ietterent vn grand cry, s'imaginants que Syluandre auoit receu le dernier coup, toutefois ayants veu premierement choir Adamas, ils douterent sile Sacrificateur n'estoit point deuenu luy-mesme la Victime; En cét instat les deux flambeaux, comme par miracle s'esteignirent d'euxmesmes, au grand estonnement des Eubages; & Pâris rauy de ce spectacle, & dequoy il s'estoit ouy nommer, monta promptement sur l'eschaffaut. Il n'y fur pas plustost, que le Druyde reprit entierement ses esprits, & s'estant dressé sur ses genoux, Pitoyables Dieux, s'escria-t'il, qui ne pouuez mentir, iè vous rends graces du bien que vous m'auez rendu, pardonnez-moy, si desesperant en quelque sorte de vos faueurs, i'ay ose murmurer contre la grandeur de vostre bonté infinie; si i'ay failly comme mortel, ie fay vœu de vous satisfaire comme à mon Tautates souverain, & promets de faire fumer vos Autels, d'vne eternelle suitte de Victimes? A ce mot il se loua tout à fait, & voyant bien

LIVRE DOVZIESME. 957bien que l'assemblee n'estoit pas dans vir

estonnement moindre que le sien, il prit Pâris d'vne main, & tenant Sylvandre de l'autre, il haussa la voix le plus qu'il put, & com-

mença de parler en cette sorte.

Puis qu'il faut que pour vne secrette actio, ie fasse vne confession qui soit publique, & qu'à la veuë de tout les Forests, ie declare ce qui n'a iusqu'icy esté cogneu, que des Dieux & demoy, ie proteste tout haut que voicy Pâris, dit-il, montrant Syluandre, & que cettuy-cy qui en a porté le nom, continua-t'il monstrant Pâris, n'a iamais esté mon enfant, que depuis l'affection, ou plustost la pieté, me conseilla de luy en donner le nom & le tiltre; Mais, par ce que ce changement n'est pas ordinaire, ie mesens inspiré d'en dire les raisons, afin que tous les hommes apprénentà ne se desesperer iamais des graces, ny des faueurs du Ciel. On sçaura donc, qu'au temps que la valeur d'Aëtius donna sa gloire à l'agrandissement de l'Empire Romain, & que la prudence de ce Capitaine luy acquit le gouvernement de la Gaule, ce Pays, qui auoit esté paisible depuis tant de siecles, espreuua par diuerses rencontres qu'il n'estoit pas sans ennemis; & comme il n'estoit pas possible, que mon interest ne sust enueloppé dans vn malheur, qui estoir alors communà toutes ces Prouinces, i'es-

Dern.part, Ooo

5,8 LA DERNIERE PARTIE D'ASTREE; preuuay bien-tost, combien est barbare l'insolence de ceux; qui cerchants plustost de l'villité, que de la gloire dans leurs triomphes, ne se plaisent qu'à destruire, & àrauager ce qui se presente à seur insatiable fureur. Leur rage ne s'estendit pas seulementiusqu'à voler ce qui estoit de precieux dans ma maison, mais encore ils me rauirent vn fils, qui estoit le seul appuy sur lequel mon esperance estoit soustenue. Ie sçay bien que ie sis ce que ie pus pour les en empescher, ie leur representay le peu deseruice qu'ils en retireroient, puis qu'il n'auoit pas encore atteint la cinquiesme de ses années, ieles coniuray d'auoir pitié de son innocence & de monassission, ie leur distout ce que la douceur & le desespoir peuvent inspirer, mais, ny la compassion qu'il devoient avoir de mes larmes, ny le respect qu'ils deuoient à ma qualité, ny mesme l'horreur de leur crime, ne furent capables de les toucher; leur violence au contraire s'en augmenta, & en despit de moyils voulurent commettre deux fautes, celle de m'oster mon fils, & de me laisser viure. Apres ce mal-heur, ie restay faus enfant & fans consolation, messoings deuindrent ma plus solide nourriture, & si la charge que ie commençois d'exercer m'eust permis de messoigner, l'eusse suis by sans doute les rauisseurs de mon bien, ou

ie me fusse confiné dans les horreurs de quelque solitude: mais ne pouvant me separer. du deuoir de Druyde, ie fus contraints de demeurer dans le mesme lieu, où chasque obiect me representoit la perte que ie venois d'y faire. Peu de iours apres, estantsorty pour m'aller diuertir le long de Lignon, ie me mis à resuer sur la disgrace de monfils perdu, & cependant que ie considerois combien son sort & le mien estoient alors desplorables, l'ouysassez pres de moy pleurer vn ieune enfant: Aussi-tost touché d'vne secrette ioye, ie tournay mes pas de ce costé-là, & ne fus pas long-temps sans le rencontrer; Il estoit assis presque sur le bord de l'eau & pour peu qu'il eust panché son visage contre la riuiere, ses pleurs sussent umbez dedas. Sa douleur ne l'empeschoit point de paroistre beau, & i'auouë que m'imaginat qu'il auoit eu vn destin semblable à celuy de Pâris ie conceus pour luy, vne affection si particuliere, que ie fis dessein de l'emmener. Iem'approchay doc de luy, & sis ce que ie pus, pour apprédre quels estoient ses parents, mais son bas aage, car il auoit sas doute plusieurs Lunes moins que Pâris, fur cause qu'il ne m'en sceut iamais dire la moindre chose. Ie ne l'eus pas plustost conduit chez moy, que riche de cette nouuelle despouille, ie comméçay de treuuer quelque soulagement à mon

960 LA DERNIERE PARTIE D'ASTREE! affliction, & de remercier les Dieux, dequoy apres la perte de mon fils, i'en auois recouuré vn autre, à qui ie pouuois auecque raison, donner le mesme tiltre, puis que ie n'auois pas moins fait pour luy, en luy conseruant la vie, que ceux de, qui premierement il l'auoitreceuë. Ie commanday donc à tous ceux qui auoient esté tesmoins de mon desastre, de ne parler iamais du mal-heur qui m'estoit arriué, & leur ayant ordonné de donner à cerruy-cy le mesme nom que l'autre auoit porté, ils ont si bien obey à mon commandement, que tant s'en faut qu'on ait iamais sceu ma disgrace, qu'il n'est personne dans tout le Forests, qui n'ait iugé que ce Pâris supposé, en stoit le mesme que les Dieux m'auoiet donné pour legitime successeur. Toutefois, puis qu'auiourd'huy les mesmes Dieux ordonnét que la verité se descouure, & qu'ils ont permis que l'aye veu sur le bras de Syluandre la seule marque qui pouvoit me le faire cognoistre, il est iuste que ie declare qu'il est le veritable Pâris, & que ie luy redonne aupres de moy la mesme place, que ces voleurs luy auoient autresois rauie. Disant cela, Adamas embrassa encore vne fois Syluandre la larme à l'œil, puis troussant la manche de sa chemise, il fit voir à ceux qui se trouuerent plus pres du Theatre, le rameau de Guy qu'ilauoitimprimé sur le bras, & qu'Astree confes-

fa auoir desia veu vne fois, lors que s'estant esuanou, Phillis luy desroba vn brasselot qu'il y portoit, Apres cela, Adamas reprenat la parole, mais, dit-il en continuant, encore que ce Paris supposé ne puisse plus estre appellé mon fils, ie proteste que ie le veux tousjours aymer commetel, & que luy faisant espouser Leonide, ie luy doneray assez de part en mes biens, pour empescher de porter enuieà la fortune de l'autre. Et afin qu'on ne croye pas, que pour auoir esté treuvé sur le bord d'vne riviere, estendu sur l'herbe, & abandonné de tout le monde, sa naissance soit honteuse; ie veux qu'on sçache, que ie vis sur luy de si belles marques d'estre yssu de quelque illustre maison, que ie doutay, si l'auouat pour mien, ie ne ferois point d'iniure à la gloire qu'il eust pu tirer de so origene. Ceux qui l'auoient laissé en cet estat, n'auoient pas eu, sans doute, le temps de le despouiller, ou, peut estre, n'auoient ils pas esté barbares iusques là, que de l'entreprendre: car ie lo treuuay reuestu d'une petite robe de pourpre, couuerte d'vne broderie de fin or, & messee auecque des fleurs de soye si bien nuces, qu'elles imitoient parfaittement le naturel: la nuict, le faisant mettre au lict, io vis qu'il portoit sur l'endroit de l'estomac vne petite Agathe penduë à vn chaisnon d'or, & entouree d'vn petit cercle ue mol-

962 LA DERNIERE PARTIE D'ASTREE, me, sur laquelle on auoit graué vn Lyon, & fort pres de luy vn Lyonceau, qui v-fant desia desa force, disputoit sa vie contre vn Tygre aussi grand que luy, autour de ces figures ieleus en assez gros Caracte-res ces mesmes mots; Comme ne' de CE LYON, & cela me fit iuger que cet ensant deuoit anoir eu vn pere fort gene-reux, qui attendant de luy des actions dignes de sa naissance, auoit voulu tesmoigner, par là, l'esperance qu'il conceuoit de sa future valeur. Voyla quelles sont les marques que ie treuuay sur ce seune enfant, & que ie conserue encore fort entieres, veuillent les Dieux, qu'elles seruent aussi-bien à son conrentement, que celle de mon fils a esté propre à me rendre le bien qui m'auoit esté rauy. A ce mot Adamas se teut, & laissa touto l'assistance dans vn estonnement incomparable; Astree sur toutes, ne sçauoit de quelle façon expliquer ce qu'elle voyoit, quelquefois elle s'imaginoit que c'estoit vn songe, & quelquesois elle s'accusoit dequoy elle n'adioustoit pas assez de foy à ses yeux, maisce qui acheua de la porter dans le rauissement, ce fut quand elle apperceut Bellinde, qui s'auançant auecque haste, & sefaisant ayder, mõta enfin sur le Theatre, où d'abord se iettant sur celuy qu'on auoit toussours creu estre Paris. Cher Ergaste, s'escria-telle, c'est

donc toy mon fils, qu'Adamas a si soigneusement esleué: Ergaste mo Ergaste, continuatelle, ah! que les Dieux sont iustes, de me redonner le contentement de te baiser & de t'embrasser, mon siis, mon Ergaste: à comot la voix luy fallit, & non pas la force, car elle le tint encore serré si estroittement, qu'il ne put iamais seietter à ses genoux. Dés qu'elle put reprendre la parole, ce ne fut que pour iurer au Druyde, que toutes les marques qu'il disoit auoir treuuees sur cét enfant estoient en Ergaste, lors qu'il luy fut enleué, & que les figures & les mots qui estoient sur l'Agathe, ne seruoient qu'à tesmoigner qu'il estoit de CELION. Adamas receut vne consolation extreme, du contentement de Bellinde, & cependant qu'Ergaste (car ie les nommeray desormais par leurs noms) remercioit tantost les Dieux, & tantost Adamas, de la faueur qu'ils luy auoient accordee, en le rendant à sa mere, le vray Pâris ne cessoit de penser au changement qui estoit suruenu en sa fortune. En cet instant, tous les Oracles qui auoient esté rendus a son subject, luy reuindrent dans la memoire, & voyant combien ils estoient veritables en ce dernier accident; il recognut bien qu'il n'en auoit iamais eu la vraye inte lligence; & certes il eust esté bien difficile qu'il eust penetré dans le secret de ce mystere, car ne sça-

Ooo iiij

964 LA DERNIERE PARTIE D'ASTREE, chantpas qu'il fust Pâris, il n'estoit pas possible qu'il se figurast que tous les maux dont Syluandre estoit menacé, deussent tourner à

son propre avantage.

Il estoit encore dans ces considerations, quandil oüyt qu'Adamas reprenant la parole, auec vn visage assez triste, toutefois, ditil, siles Dieux ont ordonné que cette ioye neme dure pas long-temps, & que le recouurement de Pâris ne serue qu'à m'en faire treuver desormais la perte plus insupporta-ble, me voicy prest d'executer leurs commandements. C'est pourquoy Tautates Amour, continua-t'il, se iettant à genoux, & leuant les yeux vers le Ciel, Grand Dieu, qui disposes comme il replaist de nos destinees, prononce en ma faueur ou à ma confusion le dernier arrest de ta volonté, si tu veux que mon fils estant desia mort comme Berger & comme Syluandre, meure veritablement comme Pâris, bien que son trespas deust estre assurément la cause du mien, ie iure inuiolablement que ie n'y apporteray point d'obstacle.

A cette priere toute la troupe changea de vi sage, & la crainte qu'il arriuast encore quelque triste accident qui peust troubler le repos du nouueau Pâris, sut cause que chacun demeura en peine de sçauoir ce quien aduiendroir: Mais on ne sut pas long-temps en attente, car à peine le Druyde eutacheué de parler, que le Nuage qui couuroit la fontaine s'ouurit à l'accoustumée, & peu à peu on vidsfortir de l'eau vne Colonne de marbre blanc, sur laquelle Amour parur non plus armé de foudres, maistout tel qu'il est quand il se iouë auecque les Graces. Il auoit à la main deux Coronnes de Myrthe, qu'il ietta si à propos, que l'vne tumba sur la teste de Celadon, & l'autre de Sylvandre, puis tout à coup ayant disparu, le Nuage se referma; mais on prit garde qu'ils'alloit peu à peu esseuant, & que se perdant parmy les Nuës, il enleuoit auecque soy quantité de petits Cupidons, qui iettans aussi des Coronnes sur l'assemblee, ioignoiet leurs voix au son-de quesques instruments, & chantoient ces paroles.

C'est assez, les Dieux sont contents, Il est temps, Qu'aux douleurs le plaiser succede, Et qu'apres de silongs trauaux, Le Ciel par un puissant remede Arreste desormais la suitte de vos maux.

Qu'on ne parle plus de malheurs, Que les pleurs Cessent de ternir vos visages, Puisqu'il est fatal, qu'à son tour,

966 LA DERNIERE PARTIE D'ASTREE, LIGNON marie en ses riuages Les Douceurs de la paix aux charmes de l'amour.

Cecocert acheué, le Nuage se dissipatout à fait, & tous ces petits Amours disparurent: mais Astreen'en sut pas tesmoing, car cette belle Bergere ne seeut pas plustost que Syluandre estoit Pâris, & que Pâris estoit Ergaste, qu'elle se desroba de la troupe, voire mesme de Celadon pour en aller porter la

nouuelle à ses compagnes.

Phillis cependant venoit de temps en teps regarder par la fenestre, & ayant veu enfin qu'Astree reuenoit, elle s'é retourna aupres du lict de Diane, mais auec vn visage aussi passe & aussi desfait, que si elle eust deu apprendre la mort de Lycidas, & non pas de Syluandre. Diane qui s'apperceut de ce chãgement, luy en demanda la cause, & Phillis auec vn grand souspir, luy respondit qu'elle auoit veu reuenir Astree, & que la crainte d'ouyr quelque mauuaise nouvelle, l'auoit touchee, iusqu'à luy faire changer de couleur: Alors Diane toute esmeuë, ah Dieu! s'escria telle, ie voy bien que Syluandre est mort, mais quoy que fasse le Ciel, il ne m'épeschera pas de le suiure. Disant cela, elle voulut mettre la main sur le cousteau qu'elle auoit caché, mais dans le transport où elle

estoit ne se souvenant pas bien du lieu où elle l'auoit mis, elle se leua à moitié sur le lict, & cherchant de tous costez; mais quoy, adiousta-telle toute surprise, les Dieux auroient-ils bien condamné; mes desseins, & voudroient-ils m'oster le remede que i'auois preparé à mon desespoir, à ce mot elle treuua le cousteau, que sans y penser elle auoit vn peu esloigné d'elle, & se remettant dans le lict, non non, dit elle, en continuant, ils ont trop de pitié pour ne laisser pas quelque refuge aux miserables : Phillis qui remarquoit iusqu'aux moindres de ses actions, s'estonna de ce qu'elle venoir de faire, & se doutant en partie de la verité du fait, se disposa de prendre garde soigneusement à tout ce qu'elle voudroit entreptendre.

Cependant Astree arriva, & des qu'elle fut à la porte, courage ma sœur, s'escria-tel-le, Sylvandre est mort. Aussi-tost Diane iet-ta les yeux sur elle, & la voyant toute en eau, creut que c'estoient les larmes & non pas la sueur, qui luy avoient moville le visage; ainsi ne doutant plus du malheur qu'elle a-voit craint, Ah! ma sœur, luy respondit-elle, que c'est bien inutilement que vous me vou-lez donner du courage, i'en ay plus pour mourir que pour vous dire Adieu: disant ce-la, elle se saiste du cousteau, & tirant le bras hors du list, le haussa pour se le plonger

38 LA DERNIERE PARTIE D'ASTREE, dans la poictrine; mais Phillis qui auoit toufiours l'œil sur elle l'arresta incontinent, & se mettantà l'embrasser, ma compagne luy ditelle, que faittes-vous?mais vous, reprit Diane, toute en fureur, que faites-vous, ennemie de mon contentement, pour quoy vous opposez-vous à ma resolution, puisqu'elle estiuste? Disant cela, elle se desbattoit pour se remettre les bras en liberté, & Astree qui auoit failly à mourir de frayeur à la veuë de ce cousteau, & du funeste dessein de Diane, se repentant de luy auoir donné cette fausse ellarme; mais ma sœur, luy dit-elle en s'auançant, Pâris est encore en vie; que m'importe, repliqua Diane, que Pâris viue, si mo. Syluandre n'est plus? il vous importe si fort, reprit Astree, que vous ne sçauriez desormais le refuser pour mary: l'espouserois plustost, respondit Diane en l'interrompant, tout ce que la Nature a iamais fait de plus horrible, & pourtant, dit Astree se iettant sur le lict, Sylvandre n'est mort que pour cela?& moy adjousta Diane, ie ne mourray que pour faire en sorte que cela ne soit iamais: & si Pâris & Syluandre, reprir Astrec, n'estoient auiourd'huy qu'vne mesme chose, & que celuy que vous auez creu estre Pâris fust Ergaste frere de Diane, que diriez-vous? Ah! masœur, repliqua Diane, vostre artifice est hors de saison, & iene dois pas me mettre en

Livre Dovziesme. peine de respondre à cela, puisque ie sçay bien que c'est vne chose impossible; mais il faut que ie meure, puisque iele dois & que ie l'ay promis. A ce mot elle fit vn dernier effort, & peut-estre eust-elle vaincu la resistance de Phillis, si Astree ne se fust mise enfin de la partie; elle ayda donc à arracher ce cousteau, puis auec vn tesmoignage d'affe-Aion & de ioye, ma sœur, continua-telle, io vous iure pourtant, que Pâris n'est plus Pâris, mais Ergaste; & que celuy que nous auos pleuré come un Sylvandre qui deuoit mou-rir, est auiourd'huy cemesme Paris, que les Dieux ont destiné pour estre mary de Diane; que si mes paroles vous laissent quelque doute dans l'esprit, & que la merueille de cetaccidentait besoin d'vn plus grand discours pour vous estre racontee, promettezmoy que vous m'escouterez paisiblemet, & puis ie vous en diray toutes les circonstaces: Astree dit cela auec vne certaine action qui remit vn peu l'esprit de Diane, & qui luy persuada qu'il y auoit de l'apparence qu'elle no mentoit pas: & bien que cette nouueauté treuuast fort peu de place en sa croyance, elle ne laissa pas de peser qu'elle n'estoir pas entierement impossible: ayant donc promis out ce qu'Astree voulut, la Bergere luy raconta de mot à mot tout ce qu'elle auoit ouy, & redisat les choses qu'elle auoit veuës,

970 LA DERNIERE PARTIE D'ASTREE! au mesme ordre qu'elles estoient arriuees; quelquefois elle estoit cause que Diane se perdoit dans la crainte; & quelquefois elle luy redonnoit la vie; selon qu'elle luy ostoit ou luy laissoit quelque suject d'esperer. Enfin apres qu'elle eut tout dit, & qu'elle eut mis l'esprit de Diane dans le plus grand estonnement où il eust iamais esté; Ma sœur, dit Phillis; ce n'est pas tout, il ne faut point que vous adioustiez tant de foy aux paroles d'Astree, que vous perdiez l'enuie d'en estre vous-mesine resmoing; ie suis donc d'auis que vous vous habilliez promptement, aussi bien croyie que vous aurez bien-tost des nouuelles de Bellinde: Disant cela, elle-mesmeluy tendit ses habillements, & Diane les receut auecque tant de iove, qu'elle fut afsez long-temps sans sçauoir ce qu'elle sai-soit, & de sait si Astree ne luy eust aydé, peut-estre n'eust-elle iamais acheué de s'habiller. Enfin quand elle fut en estat de sortir, elle se mit entre Astree & Phillis, & à peine furent-elles à cent pas de la maison, qu'elles rencontrerent Lycidas, à qui Adamas auoit donné la commission d'aduertir Diane de tout ce qui s'estoit passé. Au commencement Phillis fur vn peu surprise de le voir, car elle ne sçauoit pas assurément s'il auoit suiuy la troupe, quand on Livre dovziesme: 971 estoit allé sacrisser Sylvandre; mais quand ils surent assez pres les vns des autres pour se pouvoir faire ouyr, elle l'appella paresseux; & l'accusa dequoy il auoit eu moins de soing & d'assection qu'Astree, pour seur venir donner la nouvelle de la vie de Pâris, & du recouvrement d'Ergaste. Le Berger s'en excusa semieux qu'il put, & se souve-nant qu'il auoit marché auec vne extreme diligence, il s'estonna qu'Astree eust pu se prevenir: Toute sois ayant sceu qu'elle estoit partie quelque temps devant que luy, & qu'elle n'auoit pas veu les derniers accidents qui estoient arrivez au desenchantement de la sontaine, il seur en racon-

La haste qu'auoit Diane de voir les changements aduenus en la personne de Pâris &
d'Ergaste, sut cause que sans penser qu'Astree pouvoit estre lasse du chemin qu'elle
auoit desia fait, elles marcherent auec ync
diligence nompareille; ainsi elles arriuerent
bié-tost où toute la troupe estoit assemblee,
& où tout le monde estoit desia rauy pour
les merueilles qu'on auoit veuës. D'aussi
loing qu'elles parurent, chacun tourna les
yeux de leur costé, & la curiosité de voir
quelle seroit la contenance de Diane, sit que
plusieurs sepreparerent à la bien considerer;

ta particulierement les plus remarquables

choses.

Aussi-tost donc qu'elles se furent approchees, toute la troupe s'ouurit, & sans les quitter de l'œil, les accompagna iusqu'où Adamas & Bellinde s'estoient mis pour les attendre. Ils estoient desia descédus de l'eschassaut; car ne voulants point de plus petit Theatre que la plaine du Forests, pour la representation de cette Tragi comedie, ils s'allerent ranger aupres d'Amasis, qui desira que le nœud de cette affaire se demessalt en

sa presence.

Adamas tenoit Ergaste par la main, & Bellinde Pâris; de sorte que Diane ne fut pas plustost aupres d'eux que le Druyde la vint embrasser, & pouuant à peine retenir ses larmes, pour l'extreme joye qu'il ressentoit; mabelle fille, luy dit-il, autrefois vous ay voulu donner ce fils comme amant & comme mary, maisles Dieux qui n'ont pas voulu que mon ignorance ait commis vn crime, ordonnent auiourd'huy que ie vous le presente comme frere; disant cela il luy offrit Ergaste, & puis en continuant, recouez-le, dit-il, comme le plus agreable present que ie vous pouuois faire, & souffrez qu'il trouue plus de part en vos bonnes graces comme parent, qu'il n'en a eu comme seruiteur; Diane n'ouyt pas ces dernieres paroles, car dés qu'elle eut la liberté de saluer Ergaste, elle se ietta à son col, & sentantrenouueller nouueller en elle mesme les premiers mouuements d'affection que le sang luy auoit inspirez pour luy, elle le tint long-temps embrassé, sans pouuoir dire vne seule parole. Ergaste ne sut pas moins interdit, de sorte que ne pouvants parler, leur langue fut celle qui cotribua le moins à tesmoigner le contentement qu'ils ressentoient, & peut-estre se sussent au sublicz dans le nouueau transport où cette cognoissance les auoit mis, si Bellinde n'eut enfin interrompuleurs caresses, & n'eut fait approcher cette Bergere, pour luy dire, & moy Diane, pour plaire en mesme teps aux Oracles & à vostre affection; ie vous donne Paris, non pas comme vn Syluandre, dont les Dieux ont tousiours desiré la perte, mais comme vn legitime fils de grand Druyde, à qui les Dieux promettoient vn contentement qui surpassera nos desirs, comme il a desia surmonté nos esperances: à ce mot Syluandre, ou plustost Paris s'auança, & se iettant aux pieds de Diane; fecondez, ma belle Maistresse, luy dit-il, la faueur que Bellinde me fait, & puis que pour estre parfaittement heureux, ie n'ay plus besoing que de vostre consentement, donnez-le, chere Diane, pour l'accomplissement de ma bonne fortune: ouy, cher Paris, respondit elle, ie vous le donne, puisque vous le meritez, & que celle qui peut tout sur moy me le commande. Alors elle le pressa vn peu entre ses bras, & sans luy dire autre chose s'en alla embrasser les genoux de Bel-

Dern. part.

974 LA DERNIERE PARTIE D'ASTREE, linde, que ces accidets retenoient dans yn estonement meslé d'vne extreme ioye; & à peine luy eut-elle rendu ce deuoir, qu'elle obtint le pardon de sa desobeyssance passee. Ce commun contentement parut sur le visage, & dans les yeux de tous: mais comme Astree, Diane, & Phillis estoient celles qui s'y voyoient le plus interesses, il fut aisé de iuger que le leur estoit du tout hors de comparaison. En essect elles en parurent plus belles; & bien que Diane eust vn peu perdu de sa couleur dans ses precedentes afflictions, la honte de se voir contrainte d'auouer si publiquement l'amour qu'elle auoit dans l'ame, luy mit vne rougeur aux iouës, qui luy rendit son premier esclat.

D'autre costé, Celadon estoit dans une satisfaction nompareille, dequoy le bon-heur de Paris & d'Ergaste, ne laissoit point desormais d'obstacle à ses desirs; & le vray Paris considerat quelquesois le bucher, & puis Diane, demeuroit si rauy de se voir hors du dager où il auoit creu perir, qu'il ne se pouuoit assez louer de sa bonne sortune. Bellinde ne sçauoit d'où tirer un plus grand suject de ioye, ou d'auoit retreuué celuy qu'elle croyoit auoit perdu pour iamais, ou d'auoir rencontré le moyen qui seul pouuoit contenter les Dieux & Diane: & Adamas se voyat en possession des saueurs que l'Oracle luy auoit promises, apres qu'il auroit rendu Celadon à sa chere Astree, se trouuoit trop bien recompensé de tous les soings qu'il avoit employez à leur coservation. Ainsi chacun alloit faisant des particulieres considerations sur le bien qui luy estoit present, quand le Druyde cognoissant enfin qu'il falloit penser à quelque autre chose, s'approcha d'Amasis, & la supplia de prendre la peine de commander ce qu'elle vouloit qu'on fist; la Nymphe iugea, qu'apres tant de graces que les Dieux leur auoient accordees, il estoit bien iuste qu'on leur en fist vn remerciment, & ordonna qu'on amenaît des Taureaux, pour estre immolez en la place de Syluandre; à quoy les Victimaires ayans obey, Adamas acheua le Sacrifice auecque les mesmes ceremonies qu'on auoit accoustumé de faire en semblable occasio: & apres auoir visité les entrailles, il les trouuasi pures & si entieres, qu'il recognut bien que les. Dieux estoient satisfaits.

Ce mystere acheué, le Druyde quitta ses habits de grand Sacrificateur, & ne restant plus sur la Fontaine aucunes marques qui tesmoignassent que l'enchantement durast encore, presque tous ceux qui estoient dans cette grande assemblee se sentirent inspirez d'y regarder: mais sur tous Alcidon en mouroit d'impatience, car l'Oracle qui luy auoit promis qu'il y trouueroit la fin de ses trauaux, luy en faisoit naissre vne enuie nompareille; il s'approcha donc d'Adamas, & luy parla en ses termes: Vous sçauez bien, mon pere, par le recit qui vous a esté fait autre-

976 LA DERNIERE PARTIE D'ASTREE, fois de mes fortunes, que le commencement de ma ioye dépend du jour seulemet qui permettra que ie me voye dans la Fontaine de la verité d'Amour? Or n'y voyant plus d'empeschement qui me defende ce bien, ne trouuez-vous pas à propos que ie coure à mon remede, & que ie le recherche comme la seule chose qui me peut rendre content? Genereux Alcidon, respondit le Druyde, yous me demandez vn conseil en vne chosequine deped desormais que de vous, & en laquelle vous ne sçauriez faillir : toutefois, puisque vous voulez en auoir mo aduis, ie vous diray que ie croy bien que cet enchantement qui nous cachoit la verité qu'Amour fouloit defcouurir à tout le monde, est auiourd'huy entierement rompu, & ie iuge que come cette Amãte qui devoit mourir, estoit A L E X I s, ce sidelle Amant aussi n'a deu estre autre que SYLVAN-DICE, en effect la mort n'estant qu'vne privation d'estre, ils sont assez morts tous deux, quand l'vn a cessé d'estre Alexis, & seinte Druyde, pour deuenir Celadon; & l'autre, quand il a cessé d'estre Syluandre & Berger, pour deuenir Paris, & mon fils. Mais parce qu'il seroit à craindre, si chacun fuiuoit comme vous son premier mouuement, que cela n'apportast quelque sorte de confusion dans cette grande compagnie, où vous voyez que presque tout le Forests est assemblé, ie trouuerois à propos que nous observassions en cecy quelque ordre, dans lequel chacun pust trouuer

fon contentement; & d'autant que nous auons remarqué qu'Amour ne s'est pas moins pleu de faire admirer sa puissance dans les cabanes de nos Bergers, que dans les Palais où les grands ont accoustumé de faire leur demente, voite mesme, qu'ayant eu à vaincre la force d'vn Enchantement, il n'a voulu jetter l'œil que sur eux, comme prenant plaisir à se jouer de leur innocence, il me semble que pour l'obliger à continuer desormais à cette Fontaine la mesme vereu qu'il luy donna autrefois, nous ne sçaurions l'y convier par de plus puissants moyens que par les mesmesBergers, en faueur desquels il a voulu briser les obstacles qui nous cachoiet la verité de ses mysteres. Alcidotrouua cet expedient tresbon, & le Druyde l'ayant comuniqué à la grande Nymphe, elle luy laissa le pouuoir d'en ordonner comme il luy plairoit. out burgoun

Adamas donc s'approcha de Celadon, & le fit consentir à se regarder le premier dans la Fontaine; au commencemet Astree en faisoit quelque difficulté, s'imaginant que c'estoit en quelque sorte douter de son affection, mais le Druyde luy ayant representé que c'estoit beaucoup de gloire pour elle, que la posterité sceust que cet enchantement ne sembloit auoir siny, que pour ce que les Dieux aymoient le repos de son Berger, elle obeyt enfin à tout ce qu'il vouluit. Ainsi Adamas prit Celadon par la main, & l'ayat mené insqu'au bord de la Fontaine, tons deux se

978 LA DERNIERE PARTIE D'ASTREE, mirent à genoux, & là le Druyde ayant fait encore vne priere à l'Amour, Celadon se baissa; mais à peine eut-il ietté l'œil das l'eau, qu'il y vid sa Maistresse, aussi belle que son imagination estoit capable de la representer, certe veuë le rauit d'autat mieux qu'il se vid seul aupres d'elle,& que cet obiect luy fut vne assurance de son inuiolable fidelité. Aush-tost apres, Astreey vint conduitte par Amasis, qui s'estant mise à genoux, comme auoit fait Adamas, fit signe à la Bergere de se baisser, à quoy Astree ayant obey, l'image de Celadon luy parut au mesme instat, accompagnee de toutes les graces que la Natureauoit mises en son visage & en sabonne mi-ne, elle s'y vid aussi en mesme temps, & das l'excez du plaisir que cette veuë luy rapportoit, elle ne pouuoit abandonner la Fontaine, qui teccuat toutes les larmes que la joye de froboit aux yeux d'Astree, sembloit sousrire elle-mesme du bien qu'elle luy auoit rendu. Enfin il fallut qu'elle cedast la place à Diane & à Phillis, qui ne surent pas separees d'elle en ce mystere où l'Amour presidoit, puis que leur affection les avoit tousiours lices ensemble; ainsi ces trois belles bergeres l'yne apres l'autre se mirerent dans ce liquide crystal, qui fut alors pour elles une somaffie d'oubly, car en ce momét elles perdirent le souuenit de tous leurs trauaux soufferts, & la veue de Celadon, de Paris, & de Lycidas, aupres delquels elles virent aussileur image, fut le remede qui les guerist de toutes leurs peines passees : apres cela Rosileon, à la priere d'Amasis, s'approcha de cette eau merueilleuse, & bien qu'il cust eu d'assez fortes preuues de l'amour de Rosanire pour n'en douter iamais, il ne laissa pas de s'y regarder, pour estre l'vn des tesmoins de cette merueille, il's'y vid donc aupres de sa maistresse, & ne se pouuat imaginer que Rosanire ne se fust approchee de luy, il tourna la teste pour regarder derriere soy; mais n'ayant rien veu, il baissa les yeux encore vne fois, & demeura dans cette contemplation iusqu'a ce queRosanire l'en vint retirer pour y voir la mesmechose que luy. Dorinde incontinent apres s'auança, qui toute tréblante se voulut esclaircir des soupçons qui luy estoient restez contre la fidelité de Sigismond; mais quand apres s'estre veuë dans la Fontaine, elle eut appris tout ce qu'elle pouvoit attendre de l'amour de ce Prince, elle s'accusa d'auoir creu trop legerement, & fit vœu de ne plus doubter de son affection. Alcidon cependant coniuroit Daphnide de ne luy refuser point, le remede que l'Oracle leur auoit promis, à quoy cette belle fille ayant consenty, ils allerent l'vn apres l'autre consulter cette eau, qui leur ayant presenté ce qu'ils desiroient, les rendit extremément satisfaits de leur bonne fortune. Damon, pour n'estre pas le seul priué de ce contentement y alla comme les autres, & obligea Madonthe d'en faire autant; mais parce qu'ils

Ppp iiij

980 LA DERNIERE PARTIE D'ASTREE, n'estoient desia qu'yne mesme chose, cette veue n'adiouta presque rien au contentement dont ils iouyssoient. A peine eurent-ils laissé la Fontaine libre, que chacun ietta l'œil sur Lindamor, que le respect d'Amasis empeschoit d'approcher de cette eau my sterieuse; & parce que cette grande Nymphe le recognut incontinent, elle luy fit signe d'y aller, à quoy le Cheualier. obeyt:mais apres auoir receu de cette veue toute la satisfaction qu'il pouvoit iamais esperer, il sentitsa loye bien amoindrie, quand la crainte d'un résus, luy dessendit de demander ce que la Fontaine luy promettoit; toutesois se souuenant du discours que Godomar luy auoit tenu lors qu'ils allerent à Lyon, il reprit vn peu d'affurance,& cela fut cause qu'aussi tost qu'Amasis, voulut sçauoir quel succezil auoit eu, il luy dit naifuement combien cette eau l'auoit obligé, luy faisant cognoistre qu'il auoit quelque part aux bonnes graces de Galatee; en effect, braue Lindamor, luy respondit Amasis, vous les meritez mieux qu'homme du monde, & ie veux desormais que vous les possediez absolument:alors faisant approcher Galatee, & la presentant au Cheualier, tenez Lindamor, continua telle, ie vous la remets, & si cette recompense est moindre que vos seruices, souvenez-vous pour le moins que ie vous donne tout ce que ie puis. A ce mot le Cheualier se ietta à genoux, & rauy d'aise, luy baisa la main en signe de remercie-

ment. Delphire, Thomante, Dorisee, Filinte, & les autres qui auoiet quitté leurs hameaux pour venir assister au Sacrifice de Syluandre, se seruirent du privilege de cette eau, & y trouverent vn Arrest qui termina leurs differents, bien mieux que celuy que Diane auoit prononcé quelque temps auparauat, car en despit des pretentions & des poursuittes de son tiual, Thomates demeura possesseur des volontez de Delphire. Ligdamon, Syluie, & apresieux quantité de bergets & de bergeres allerent apprendre leurs destinees dans cette eau; & entr'autres Doris fut inspiree de s'y regarder; c'est sans doute, que la seule chose qui l'y fit resoudre, fut l'esperance d'y voir au moins l'ombre de Palemon; mais Amour qui est ennemy de la Mort se vangea d'elle, & n'y voulut iamais receuoir celuy dont elle auoit triomphé. Il presenta donc à Doris, Adraste, aulieu de Palemon; & cette Bergere en fut si surprise, bié qu'elle l'ay mast vn peu, qu'elle fut sur le poinct de se repentir de sa curiosité, tourefois ne voulant pas desobeyr aux ordonnances de ce Dieu, elle le recent, & luy donna la place que Palemon luy autit autrefois rauie. Ainsi presque tous ceux qui estoient dans cette grande assemblee se regarderent dans cette eau, Hylas seul ne s'en approchoit point, ce qui dona lieu à Amasis de luy en demander la cause, à quoy le Berger respondit ainsi, ie sçay, Madame, que toutes veritez ne sont pas bonnes à dire, &

982 LA DERNIERE PARTIE D'ASTREE, puis que cette Fontaine porte le nom de la verité d'Amour, ie ne veux pas l'obliger à faire vne faute en me disant les miennes. Cela, reprit Amasis, ne se doit entendre que des actions qui sont mauuaises, mais aymer quelqu'vn, est vne chosesi honneste & si louable, que vous ne deuez pas craindre, quoy que cette Fontaine puisse dire de vous sur ce suject: Madame, repliqua l'inconstant, iene me suis jamais trop enquis si ie faisois bien ou mal, d'aymer comme i'ay fait, i'ay suiuy les mouuemens de mon humeur, & croy bien qu'elle n'a iamais deu estre condamnee, puis qu'elle a parfaittement imité la Nature, qui periroit plustost que de demeurer en vn mesme estat; mais pour n'en mentir pas, ce qui m'a quelquefois fait resoudre plus facilementà changer, a esté la consideration que l'ay faite sur la vie de ces Amants, qui comme CELADON, & SYLVANDRE, ont tasché d'acquerir le sur-nom de Fidelles, car ie les ay toussours veus si miserables, que i'ay creu qu'Amour les punissoit de leur constance, comme d'vn crime que ie deuois éuiter. Et pourtant, adiouta la Nymphe, vous voyez bien auiourd'huy qu'il faut au contraire qu'Amour les ait extremément aymez, puis qu'il les a mis au plus haut poinct de felicité qu'ils pouvoient ismais pretendre? à cela Hylas demeura vn peu surpris; en sin brans lat la teste, ie vous iure, Madame, dit-il tout à coup, que nous ne deuons pas leur plaindre le

983

bien qu'ils ont, & que nous pouuons bien dire qu'il leur a esté plustost vendu que donné; mais tout cela, continua-til ne m'empescheroit pas de me voir dans cette Fontaine où l'Amour descouure ses veritez, si ie n'auois vne raison plus puissante qui me le desfend, & quim'y fait trouuer de l'impossibilité: à ce mot Amasisla luy ayant demandee, c'est Madame, responditil, que cette Fontaine est si petite, que si ie m'y regardois, il seroit impossible que i'y visse seulement la moitié des obiects que l'ay aymez; à peine trois ou quatre personnes s'y peuvent voir, & comment seroit-il possible que Dorinde, Carlis, Stilliane, Palinice, Aymee, Doris, Florice, Phillis, Cryseide, Stelle, & tant d'autres y trouuassent place? Amasis, & tous ceux qui estoient aupres d'elle rirent de la pensee d'Hylas, mais Adamas luy ayant dit qu'il n'y verroit que la personne qu'il aymoit alors, le persuada si bien, qu'il le fit resoudre à s'y regarder : en effect il y courut au mesme instant, & sans se mettre à genoux se baissa d'abord, dequoy Amour ne s'offensa pas, mais ne voulant plus aussi que son ésprit fust proposé pour l'image de la légereté mesme, il permit que Stelle qu'il aymoit alors veritablement; se presentast à luy, sans auoir personne qu'Hylas aupres d'elle, ce qui le rauist si agreablement, que cognoissant par là, quelle estoit la volonté de cette Bergere, il iura inuiolablement d'y arresterses desirs.

984 LA DERNIERE PARTIE D'ASTREE,

Ce mystere acheué, Amasis qui voulut rendre ce iour remarquable à la posterité, commada que toute cette grande compagnie la suivist dans Marcilly, où elle vouloit que durant hui& jours on ne fit que chommer des Festes, en memoire de tant de fauorables succez: personne n'osa desobeyr à ce commandement, & dés qu'elle se fut mise en chemin pour s'en retourner, chacun se disposa de la suiure. A peine euton marché durant vne demie heute, qu'on vid descendre sur la main gauche, du costé de Monrverdun vn berger & vne bergere, qui bien-tost apres furét cogneus, pour estre Laonice & Tyrcis, ils se tenoient par la main, & dés qu'ils surent assez proches pour estre oiiys, on remarqua que la bergere chantoit, dequoy Hylas sut si rauy, qu'il courut à leur rencontre, & s'estonnant du changement qu'il voyoit en l'humeur de Tyrcis, fut bien-aise d'auoir trouué vn compagnon en son infidelité. Laonice cependant ne remarqua pas phustost Diane & Paris, qu'elle croyoit encore estre Syluandre, que se hastant de marcher, elle leur alla demander pardon de la trahison qu'elle seur auoit faite, ce qu'elle n'eut pas beaucoup de peine à obtenir; car ils luy remirent son offense, d'autant plus volontiers, qu'ils n'estoient plus capables de craindre aucun changement en leur bonne fortune, Tyrcis s'enquit d'Hylas d'où venoit toute cette grande trouppe, & en ayant appris la verité en

peu de mots, il se mit en deuoir d'aller comme les autres apprendre ce qu'elle prononceroit en sa faueur; mais Laonice qui eut peur qu'il descouurist son secret l'en empescha, & sut cause qu'il suivit les autres à Marcilly, où durant les huict iours qu'Amasis auoit destinez au plaisir tous ces Amants consommerent heureusemét leurs Mariages, excepté Dorinde que Godomar emmena à Lyon, apres auoir sceu que Gondebaut consentoit enfin que Sigismond l'espoufast. Rosileon & Rosanire s'en retournerent aupres d'Argyre:Diane & Alcidon, allerent reuoir leurs maisons, & tous les bergers & bergeres reuindrent raconter à Lignon les triomphes qu'ils auoient emportez en la jouyssance des saueurs qu'ils auoient si long temps attenduës, dont cette Riuiere se rendit si sçauante, qu'il semble encore autourd'huy que dans son plus doux murmure, elle ne parle d'autre chose que du repos de CELADON, & de la felicité D'ASTREE.

#### FIN

### DE L'ASTREE.

### TABLE

# DES HISTOIRES

### CONTENVES EN CE VOLVME.

CVitte de l'histoire de Lypandas, d'Amerin	e, de
	102.
Suitte de l'histoire de Childeric, de Sylviant	2, &
d'Andrimarthe.	212
Suitte de l'histoire de Circeine, de Palinice	& dc
Florice.	281
Suitte de l'histoire d'Adraste.	362
Suitte de l'histoire d'Eudoxe, d'Vrsace & d'C	lim-
bre.	621
Suitte de l'histoire de Tircis & de Laonice.	709
Histoire d'Olicarsis & d'Azahyde.	779
Suitte de l'histoire de Dorinde.	088
Table des Lettres.	3.7
T Ettre de Sylvandre à Adamas.	20
Lettre de Polemas à Gondebaut.	38
Lettre d'Amasis à Lindamor.	48
Lettre de Galatee à Lindamor.	49
Lettre de Gondebaut à Polemas.	133
Deffy de Lindamor à Polemas.	189
Response de Polemas au desfy de Lindamor.	191
Lettre de la Reyne Methine à Bassin Duc de	e Tu-
ringe.	221
Billet de Sileine à Palinice.	. 296
Lettre de Sileine à Palinice.	313
Lettre de Sigismond à Gondebaut.	357
Lettre de Palemon à Doris.	382
Lettre de Gondebaut à Sigismond.	499
Lettre d'Astree à Lycidas.	605

## TABLE.

IABLE.	
Lettre de Thrasimond à la ieune Eudoxc.	629
Billet d'Olicarsis à Eudoxe.	640
Lettre de Dianeà Syluandre.	774
Lettre de Dorinde à Amasis.	876
Lettre de Sigismond à Dorinde.	910
Billet de Sigismond à Dorinde.	933
Table des Poesses.	
PEaux deserts, chere solitude.	733
Beaut deletts, chert is.	330
C'est trop obseruer le silence.	416
C'est assez les Dieux sont contents?	965
Enfin ce long hyuer.	322
Effroyables deferts.	583
Iuge Astree à quel poinct.	596
Puis que tu m'y contraints.	83
Quels tourments auiourd'huy.	58
Quelques beautez que la Nature.	448
Source d'eternelles douleurs.	720
Tyrcis cet ingrat que ie sers.	180
Toy pour qui ie fais des Autels.	288
Vous que mon desespoir.	332
Table des Oracles.	
Ans vn Antre caché.	8r
Le mal de toutes trois.	278
Les fix demeureront.	284
Ne t'informe pas dauantage.	427
Puis qu'en fin Alexis.	854
Mais quoy pour obeyr.	8,5
Sortez de cet estonnement.	704
Va mais cherche yn lieu que Neptune.	819
- 1	

FIN.

#### Extraict du Privilege du Roy,

AR GRACE ET PRIVILEGE DE SA-MAIESTE Donné au Camp, deuani la Rochelle, le sixiesme iour de Decembre 627. Signé, PAR LE ROY EN SON CONSEIL, PFR ROCHEL, & feelle du grand Seau de cire jaune; Il est permis à BALTHAZAR BARO, de faire imprimer par tel Imprimeur Libraire que bon luy semblera, vn liure intitulé, LA CONCLV-SION ET PERNIERE PARTIE D'ASTREE : Par luy composé sur lesvravs Memoires de feu Messire Honoré d'Vrsé, & ce durant le temps & terme de dix ans entiers & consecutifs, à compter du jour que ledit Liure sera acheue d'imprimer, pour la premiere fois, pendant lequel temps; tres expresses inhibitions & desfences sont faires atous Imprimeurs Libraires, & à tous autres de ce Royaume, de quelque effat & condition qu'ils soient, d'Imprimer, faire imprimer ledit Liure de la CONCLUSION ET DERNIERE PARTIE D'ASTREE, & aux estrangers d'en apporter en cedit Royaume, ny mesme d'en vendre & debiter en quelque forte & maniere que ce foit, fous le titre de Concevsion 17 DERNIERE PARTIF B'ASTREE, finon de ceux qu'aura fir imprimer ledir Baro, ou l'Imprimeur Libraire qui aura droict de luy, sur peine de confiscation de tous les exemplaires contrefaits & supposez. & de quatre mille liures d'amende, applicable, moitié au Roy. & l'autre moitié audit Baro, & de tous despers, dommages & interests : Voulons, qu'en mettant vn extrait desdites Lettres au commencement où à la fin de chacun exemplaire dudit Liure, elles foient tenues pour deuement signifiées, & venues à la cognoissance de tous nos subjects. & que les coppies qui en feront collerionnees à l'Original, par l'vn de nos Conseillers, Nottaires & Secretaires, seruent en tous lieux, & que foy y soit adjoutee comme audit Osiginal : Car telest nostre plaisir, Nonobstant oppositions ou appellations quelconques, clameur de Ha-10, Chartre Normande Coustume de pays prise à partie, ny autres choses, contraires ausdites Lettres; ainsi qu'il est plus au long porté par icelles.

L'edit sieur Balthazar Baro, a ceddé & transporté tous les droiss à luy concedez par sa Ma'essé, par les lettres de Privilege cy-dessituates, à François Pomeray, Imprimeur Libraire à Paris, pour iouyr par ledit Pomeray du contenu en icelles, pour le temps de dix ans, mentionné esdites lettres, ainsi que le contient plus au long, le Contrast qui pour cet este de chasteles de Chasteles de Paris.

Acheue d'imprimer, pour la premiere foit, le dernies iour de Decembre, mil six cens vingt sept.

